



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



IG 207/62



~~C. 66. n. 19~~
C. 66. n. 32.

LES CHRONIQUES ET ANNALES DE FLANDRES:

CONTENANTES LES HEROÏQUES ET
tréſuictorieux exploits des Forestiers, & Comtes de
Flandres, & les ſingularités & choſes memorables ad-
uenuës audict Flandres, depuis l'an de noſtre Seigneur
Ieſus Chriſt vi^e. & xx. juſques a l'an M. cccc. lxxvi.

Nouvellement compoſées & miſes en lumiere par
Pierre d'Oudegherſt Docteur ès Loix,
natif de la ville de Lille.

Soli Deo ſit honor ſemper & gloria.



A ANVERS,
Chez Chriſtophle Plantin Imprimeur du Roy.
M. D. LXXI.
Avec Privilège.

A TRESHAVT, TRES-

PVISSANT, ET TRESVICTORIEVX
EMPEREUR DES ROMAINS, MAXIMI-
lian II. tousiours Auguste, Roy de Germanie, Hon-
grie & Boheme, Archiduc d'Austrice, &c.



IRE le glorieux & admirable renō que
par tous les endroicts de la terre s'extēd,
& bruit, de vostre magnanimité, prudē-
ce, & humanité, me semble ne meriter
riens moins, que la deuotion & seruice des plus ra-
res, & excellents personaiges, qui pour le jourdhuy
se trouuent en toute la Chrestienté: mesmes qu'il se-
roit impossible trouuer aucun homme tāt parfaict
& accomply, auquel ne serue de tresgrand lustre, la
seule faculté de se pouoir, a vostre adueu, reclamer
treshumble seruiteur de vostre Sacrée Maieslé. Ce
que aussy de tout temps j'ay extremement desiré, nō
pour presumption que j'aye d'aucunes parties ou
qualitez en moy, qui puissent estre jugées dignes d'u-
ne gloire & felicité tant souveraine: mais au moyé,
que a l'imitation de voz Augustes predecesseurs,
vous estes estimé le Prince qui plus humainement
& gracieusement, reçoit la bonne volonté des plus
petits aussy tost q̄ celle des bien grands & puissants,
conformant vostre grandeur & magnanimité, a la
capacité de ceux quy desirent vous faire seruice.
Soubs laquelle asseurance, je m'estoyé puis nague-
res transporté vers vostre court Imperiale, ou j'auo-
ye resolu dedier & offrir a vostre Sacrée Maieslé le
seruice de ma personne, & du peu de sçauoir qu'a
pleut au tout puissant m'ēlargier & distribuer, lors

† ij

que

que conferant la grandeur Imperiale de vostre Majeste avec ma petiteſſe (laquelle je ſçauoye eſtre vers icelle redevuable de quelque tribut, ou recognoiſſance) ay eſtimé, que ne pouoye, ſans irreparable intereſt de ma reputation, comparoir deuant le prime Prince & Monarque de la Chreſtiété, ſans quelque honneſte preſent, qui peuſt ſeruir d'irreprochable indice & teſmoingnage, de mon bon vouloir & affection. A raiſon de quoy, au lieu d'executer le pourjeſt, que lors j'auoye faiſt, d'offrir mon treshumble ſeruice a vostre dicte Maieſté, me mis en deuoir de aduiſer a la qualité du preſent, que pour plus grande ſatisfaction d'icelle vostre Imperiale Maieſté, je luy deuoye preallablement faire & donner. En laquelle deliberation, me vint de bon heur en memoire le recueil que avec extreme diligence, & non moindre trauail, j'auoye autres fois faiſt, des Antiquitez, & choſes ſingulieres, & memorables de la prouince de Flandres: & ſignainment des heroicques entrepriſes, magnanimes conqueſtes, & admirables victoires des Princes, Comtes, & Seigneurs de ladicte prouince. Et pour autant, que je n'ignoroye icelle prouince auoir depuis cent ans en ça, ou enuiron, eſté continuellement (comme elle eſt encoires pour le preſent) gouuernée, par la trefuictorieuſe & Auguſte maiſon d'Auſtrice, meſmes que les trefilluſtres predeceſſeurs de vostre Maieſté Imperiale ſont, du coſte maternel, yſſus de la trefanciene maiſon du dict Flandres: je me ſuis perſuadé, ne pouoir avec meilleure occaſion, reduire ledict recueil en bon ordre, & (ſelon que aſſez auparauant j'auoye deliberé) en contexer vne hiſtoire formée, que par celle, qui
lors

EPISTRE A L'EMPEREUR.

lors me sembloit se presenter. Qui a esté la cause, que laissant vostre dicte court Imperiale, me suis mis en chemin pour retourner en mô pays: Ou successivement j'ay trauaillé, & besoigné de sorte, que je puis presentement me trouuer deuant vostre Sacrée Maiesté avec ce fruit de mon labeur, que je vous offre, Sire, dedie & presente, ensemble mô treshumble seruice, d'aussy bon coeur, & de telle syncerité, que je supplie nostre bon Dieu, vouloir conseruer & establir vostre Imperiale Majesté, en toute prosperité, droicteure, & justice.

De vostre Sacrée Maiesté.

Tref-humble & perpetuel seruiteur

Pierre d'Oudegherst.

AVX ESTATZ ET PEUPLE DE FLANDRES, ET AV- TRES LECTEURS DIGNES DE CE NOM, Pierre d'Oudegherfte souhaite toute felicité.



Es bons Seigneurs, je ne suis presentemēt de-
libéré vous proposer le fruit & vtilité quy
procede de la lecture des Histoires, & signā-
ment de celles, lesquelles comme propres &
domesticques, peuuent seruir de guide tref-
certain a ceux, quy sont cōmis a l'administration de la cho-
se publique: Car outre ce, que le trauail, auquel pour ce re-
spect ie me mestroye, seroit (comme employé en recōman-
dation de chose, au iugement de tous bons & gétils esprits
suffisammēt approuuée) impertinēt & superflu, il pourroit
sembler a aucuns q̄ le desir immoderé de gloire & hōneur
m'auroit faict transporter en trop excessiue louange d'un e-
stude, auquel j'auroye arresté de m'addōner & applicquer.
Chose veritablement autant esloingnée de moy, cōme m'a
conscience me tesmoingne, que le vehemēt desir, auquel je
suis de prouffiter a vn chascun, joinct a la naturelle inclina-
tion q̄ j'ay vers m'a patrie, m'ont faict entreprēdre ce labeur
duquel aussy je me tiendray assez pour recompēse, lors que
me seray apperceu cestuy mien œuure, auoir esté receu de
celle syncerité, laquelle m'a dōné hardiesse, ou pour mieux
dire contrainct, de le publier & mettre en lumiere. En la-
quelle esperance, je me cōfirme & nourry d'autant plus, que
je scay. & me puis faire fort, qu'en la lecture de ceste histo-
re vous trouuerez choses dignes d'estre leuēs, choses grādes
& memorables, diuers changemēts de formes de republic-
ques & ausurplus des merueilleuses victoires obtenues: es-
quelles toutes choses on peut cōsiderer les iugemētse pouē
tables, la prouidence singuliere, & la sapiē. e admirable de
Dieu. Icy pareillemēt se demonstre, qu'el iugemēt doiuent
attēdre tous mocqueurs de la grace de Dieu. & ceux qui fai-
sans de leurs vices vertus, & de leurs ordures puātes des sen-
teurs souēfues, reiectēt orgueilleuement toutes saintes ad-
monitiōs. Vous y voirez vn miroir cōmun auquel toutes sortes
&

*Les considera-
tions a noter
en la lecture
de ceste Histo-
re.*

& qualitez de personnes, se trouuerôt representees. Et sy vn Roy, ou grand Seigneur veut auoir son exéple a part, a ceste fin qu'il n'estime que pour sa grandeur, il doie estre exépt de la main tout puissante de Dieu, ce tyran monstrueux & abhominable parricide Phinaert, y est ausly proposé: lequel a finalement experimenté que valloit soy bander par inhumanité, contre la bôté & justice diuine. Le laisse a parler du penible euenement, & fin malheureuse, de plusieurs seditions, & rebellions, parciueuât aduenues en ceste prouince de Flandres, & en diuers tēps. Lesquelles certainemēt je desireroi, (auec tous gens de bien) auoir esté mieux imprimées, aux cerueaux de plusieurs personnes de nostre siecle, las par trop esuentées, & mal conseillées. Car nous aurions vne republique moins desolée, & ne seriois forcez, d'entēdre a nostre tresgrād regret les crys, pleurs & gémissemēts d'une infinité de vesues, & orphelins. Lesquels journellement nous raffrecisēt la tedieuse memoire de la playe au-jourdhuy receuē. Or (laissant ce propos) les gēs vertueux trouueront semblablemēt en ceste nostre Histoire, des patrōs, pour estre ensuyuis, & lesquels seruiron de sermonces vehemētes deuant les yeux de ceux qui aspirēt a vertu, qu'est le but auquel (selon mō aduis) doiuet tēdre & aspirer tous aucteurs & Historiographes plustost, qu'eux applicquer, a faire parade de leur eloquēce, & beau parler, pour acquerir bruit, enuers la posterité: ou a cōgratuler aux Princes & grāds Seigneurs, desquels ils ont entrepris, d'escripre les faicts & victoires. Au reste mō intention estoit de seulemēt reciter les troubles & seditiōs, esquelles m'a pouure & miserable patrie a esté puis naguerres enuelpée, ensemble la finale yssue d'icelles: mais le ducil & juste desplaisir cōceu, de la desolatiō tant recēte, a appesanty & retardé le vol & portée de ma plume: de sorte, q̄ pour vn premier essay & cōmencement, m'a este necessaire, l'applicquer a chose moins pesante & ennuyeuse: sicōme au recit des actes tresuertueux & vrayemēt heroiques des Seignrs & Cōtes de Flādre, des loix par eux prescrites, des priuileges par eux dōnez, de la diuersité des polices dudit pais, auec autres singularitez, nō moins plaisantes & delectables a raison de leur vaiieté, que prouffitables & exem-

Phinaert.

A quoy doiuent rendre tous historiographes.

L'intention de cest aucteur.

exemplaires, pour les doctrines & bons enseignements, que toutes qualitez de personnes en pourront sucir & tirer. Ayant a ce de tant plus esté incité par les raisons & moyens subsequencez. Premièrement, que veu la deliberation en laquelle j'estoye d'escripre des susdicts tumultes de Flandre, je deuoye reprendre les affaires dudit Flandre des le commencement, & en continuer le discours jusques au temps present: pour autant qu'il me sembloit que tous nobles & bons esprits, s'eslouyroient d'auantage, trouuants en leur pouoir l'uniuersel le histoire d'un peuple tant renommé, escripte d'un mesme styl, poursuuyie & acheuée. D'autre part je consideroye, l'indigence en laquelle nous sommes d'histoires a nous propres & particulieres, & que par faute de ce nostre pais en pouoit estre moins estimé. Lequel autremét, ne doit toutesfois ceder a autre du monde, soit en magnanimité de couraige, en noblesse de lignages, en amour de vertus, en inuentions artificielles, en subtilité d'espritz, en gloire militaire, en institutions polytriques, & toutes autres particularitez, qui peuuent seruir de lustre & ornement a quelque republicque ou prouince. Et qu'ainsy soit, nous auons noz Alexandres, noz Solons, noz Aristides, noz Pompees, noz Camilles, en vn Lyderic, Baudouyn Bras de Fer, Philippe le Hardy, Baudouyn le Debonnaire, Arnould le Bô, Charles le Quint, & autres: nous auôs noz victoires, autant merueilleuses & renommées, que les plus fameuses de celles des Grecs ou Rommains, nous n'auons faute de bôs legistateurs, de grands justiciers, de Princes aulmosniers & liberaux, de peuple loyal & obeissant, ny d'autres singularitez, esquelles lesdicts Grecs & autres natiôs, fleurissent par la diserte, & bien-disante plume de leurs historiographes plus que nous: mais non pas par effect, selon que par le discours de ceste presente histoire, j'espere faire apparoir a tous lecteurs discretz & entendus. Qui seruira d'argument irreprochable pour descouurir le tort d'une infinité de gens doctes & eloquentz, lesquels jusques a present, ont trop mieulx ayiné eux contenir en vne vile & indigne taciturnité, que d'employer leur bon sens, & suffisance au prouffit public, & a l'immortalité de leur douce & bonne patrie. Car
ores

*Louenge des
Flamens.*

*Les gens doctes
de Flandre re-
pris de leur
taciturnité.*

ores que pour excuses ils puissent proposer, la malignité du siecle moderne, duquel ne pouons esperer en lieu de louanges, sinon vn millier de calumpnieuses risées, & en lieu de guerdon de noz trauaulx vne infame ingratitude, & que pour ce ne nous doit rester aucune occasion de faire le prouffit de ceux, quy n'ont aucun soucy du nostre: sy est-ce que l'affection seule de la patrie, les deuoit esmouuoir a vn oeuvre tant recommandable, outre ce qu'ils ne peuuent ignorer, que le guerdon de la vertu, est la vertu mesme. Voyla pourquoy, je ne puis laisser de louer grandement l'industrie travail & diligence de Iacobus Meyrus, lequel par les Annales que puis naguerrres (nonobstant ledictes raisons) il a mis en lumiere, n'a denyé le tribut, duquel il se s'entoit obligé vers sa patrie, & le labeur duquel, m'eust paru uenture peu excuser de ceste mienne entreprinse, sy les incidens aduenus, durant le temps des Princes, & Comtes de Flandre tant en nostre prouince qu'ailleurs, qu'avec les gestes d'autres Princes estrangers, il a inseré en sondict volume, n'eussent rendu son Histoire par trop meslée & difficile. Quant a ceux, quy ont escript auparauant, je n'entédz m'y amuser, pour autant que quand j'auray laissé le jugement de leurs labeurs, aux bons lecteurs & entédus: je scay, que tous d'une mesme voix prononceront, que leurs escriptz pour l'antiquité du langage, & mauuais ordre y obserué, merite vne bien longue interpretation & commentaires. Lesquels neantmoins, je ne voudroye priuer de leur gloire & honneur: car s'estants employez selon leur capacité, & conformement au temps de lors, ils nous ont laissé le moyé de paracheuer le sur-plus, & par conséquent, ont tresbien merité de la chose publicque. L'accroissement, felicité, renommée, & bon gouuernement de laquelle, doit estre en trop plus singuliere recommandation vers tous gens vertueux, que leurs negoces & affaires particuliers. Vous asseurant (amy lecteur) que ceste seule consideration, m'a seruy de bouclier tresferme, & de merueilleux antidote, contre les venimeuses dentées, & poignantes calumpnies des mal-veillants, lesquels pour finale, & resolutiue responce, j'admoneste de bon cœur, & en toute sycerité, que pour mieux

L'ingratitude
du siecle pre-
sent.

Affection vers
la patrie.
Guerdon de
vertu, la vertu
mesme.

Iacobus Mey-
rus Historien
de Flandre.

Responce de
l'Autheur aux
malveillants.

fonder leurs reprehensions, ils mectent la main a la paste, & que par autre semblable Histoire ils taschent d'obscurcir le bruit de la presente. Et pourront estre certains, que tant s'en fault, qu'en ce je me sente aucunement interessé, que mesmes je les auray toute ma vye en singulier respect & reuerence, me contentant du seul plaisir que receuray, de (pour le moins) les auoir par mō insuffisance prouocqués a l'entreprinsē & accomplissement d'un œuure tant digne & prouffitāble. Vous auez (Messeigneurs) les raisons qui m'ont meu a ce hault & noble exercice. Auquel toutesfoies je ne veuls nier, que par succession de temps je ne soye deuenu oysif & nonchallant, & que considerāt la difficulté de l'œuure, mon esprit ne se soit appesanty. Mais ce pendant, je n'ay eu faute de solíciteurs, qui bruslans de desir de biē entendre les choses, m'ont exhorté a continuer, & me remettre a la besoingne, & sur tous autres, le tresuertueux & illustre Seigneur Fabio Masqui d'Vrbino, gentilhomme de sa Maiesté Catholique, homme certainement cōuoiteux de toutes sciences, & aussy de cognoistre les faicts aduenus, comme celuy qui s'estant trouué depuis lesdictes seditions, & es pais de Flandres en des affaires de tresgrande importance, & terribles auentures, a monstré vn bon & excellent naturel en toutes choses, & a tousiours gardé vne affection immuable de vertu. Voulant donc obtemperer au desir d'un tel personaige, qui prend plaisir a fauoriser sans cesse ceux qui entreprennent quelque chose hōneste & vtile: & ayant desia honte de moy-mesme, sy on eust cognu cecy de moy, que j'eusse voulu preferer la nōchallance, a vn hōneste traual, j'ay reprins force & couraige. Ceste consideratiō aussy, m'a seruy d'un aguillon fort & picquant, a sçauoir, que me trouuant en volenté de resider en la court de l'Empereur, & qu'au moyen de ce, je n'auroye pour l'aduenir la faculté de faire en mon pais le seruice, que autrefois j'auoye desiré. Il me sembloit, que le zeile naturel de ma bonne patrie (lequel jour & nuict ne cessoit d'exiger quelque hōneste tribut de ma naissance) ne deuoit en men endroict rien moins pouoir, que me cōstraindre a ceste manifeste declaration du bon & ardēt vouloir, que je luy porte, & duquel

Louange de Fabio Masqui.

Le bon vouloir de l'Auteur vers sa patrie.

je desire grandement que chascun face son prouffit. Aufurplus, j'ay diuisé ceste miéne Histoire en deux parties ou volumes, desquels je vous enuoye ce premier, pour auantcoureur, & auquel vous trouuerez tout ce que concerne tât les faicts & actes des Princes, & Comtes de Flandre, que la police & maniere de gouvernement dudit pais, depuis le téps de Lyderic premier de ce nom, jusques a l'heureuse sayson que ceux de Flandre se sont alliez a la treshaute, trefuictorieuse, & vrayement Auguste maison d'Austrice, laquelle par ses heureuses conquestes & magnanimes entreprises, semble proprement, & sur toutes autres, estre menée & conduite par la main tout-puissante de Dieu: comme effectivement demonstrent assez le confesser toutes natiôs & Seigneuries estranges, par ce que sentants la felicité fatale de ladicte maison, viennent de toutes parts, requerir son amitié & alliance, tellement que sous icelle (laquelle comme dict est) Dieu a esleu pour la combler de tout honneur, integrité, & prouësse, branle & marche presentement, tant par mer, que par terre, presque l'universelle puissance de l'Europe, comme plus au loing & manifestement apparoi-
strá, par le discours de la seconde & derniere partie de nostredicte Histoire, laquelle j'espere de brief faire promulguer & vous enuoyer, sous le bon plaisir & grace de Dieu. Lequel je supplie vouloir establir, & conseruer nostre chose publique, en toute prosperité, droicture, & justice: & a vous (Mes-seigneurs) octroyer l'accomplissement de voz vertueux desirs. De Bruxelles le premier de May 1571.

Subiect de la
premiere par-
tie de ceste Hi-
stoire.

Louange de la
maison d'Au-
strice.

PROLOGVE SVR LES CHRONICQVES ET ANNALES DE FLANDRES, PAR L'ILLVSTRE SEI- gneur Fabio Masqui d'Urbino, gentilhomme du Roy Catholicque, nostre souuerain Seigneur, resident pour le jourdhuy aux pais bas.

Epithetes de
l'Histoire.



E Phenix & parragon de l'eloquence Rommaine Ci-
cero, est accoustumé appeller l'histoire, *T'esmaigne de*
temps, Vie de memoire, Maistresse de la vie, Lu-
miere de verité, & Messagiere d'antiquité: ce que
considerant, & diligemment a part moy ruminant,
ne me puis assez esmerveiller de la paresse de plusieurs grands Sei-
gneurs, & fameuses republicques d'aujourd'hui. Lesquels non seule-
ment ne femont en tous extremes deuoirs, pour recourir aucuns
gens vertueux, sages, & eloquentz, auxquels ils puissent comme estre
totale, & absolue charge, de rediger par escript, leurs faits & en-
treprinse, avec autres choses memorables aduenues en leur temps:
mais ausy (& que pis est) ne font guerres d'estime, voires bien sou-
uent mesprisent ceux, qui d'un cœur genereux, s'offrent par leur es-
cript a les faire reuiure en leur posterité, ou pour mieux dire, a les ren-
dre quaszy immortels. Qu'est la cause, du peu de soucy que plusieurs
gens d'esprit de nostre siecle ont, d'embellir leur Histoires des faits
cheualereux de leurs Princes & Seigneurs: lesquels encores qu'ils le
meritent pour leur prouesse, le desmeritent pour leur chicerie, & pour
le mespris dont ils vsent, en l'honneur & entretenement des doctes:
toutesfois ne deburoient ignorer, que les sciences veullent estre hōno-
rées de tous, & guerdonnées par les Princes grands Seigneurs, & re-
publicques, qui en recoient leur plus durable gloire & renommée,
ou autrement que elles ne les honoreront, ains se tiendront, en je ne
scay qu'elle arrogance, avec laquelle, elles ont accoustumé de se simer
tous ceux, qu'elles ont contempnées. Comme tresbien ont cognu & pese
les ancestres, tant Rommains & Grecs, que autres; lesquels par pro-
positions de diuers salaires, honneurs, & guerçons, souloyent promoc-
quer & inciter les doctes et scauants, a la promulgation des Histoires
de leur temps. Ausy n'ont ils esté deceuz de leur attente & expe-
ctation

Mespris des
gens doctes.

L'insigence de
Historiens, &
qu'en est la cau-
se.

Les sciences
veullent estre
honorées &
guerdonnées.

Le deuoir des
anciens vers
les historiens.

PROLOGVE.

Élation: d'autant, que encores au-jourdhuy, nous auons vne infinité de volumes, emplis & ornez des actes cheualereux, & gouuernemens vertueux desdicts ancestres. Les saicts desquels, seroyent presentement ensepuelis au centre tenebreux de perpetuelle obliuion, ne fut le fruit de la diligence que (comme dict est) ils ont mise a l'honneur & entretenement de leurs eloquens, & tresrenommez Historiens, et duquel ils jouissent maintenant, & jouiront jusques a la consummation du monde. Qui deburoit esmouuoir, tous Princes magnanimes & republicques bien ordonnées, a entretenir & grandement estimer ceux, quy d'un cœur prompt & liberal, sans crainte d'aucuns trauaulx, despens, calumpnies, ny d'autres semblables incommoditez, s'efforcent, par escripts, d'eternalizer leur memoire, & publier leurs saicts excellents: comme entre & sur tous autres, l'on trouuera digne d'immortelle louange, et de recognoissance non vulgaire, Monseigneur Pierre d'Oudegherste Docteur es Loix, homme certainemēt irexcellent, & de doctrine & experience non mediocre. Lequel nonobstant plusieurs siens particuliers & tresimportants affaires, esquels il se trouuoit enucloppé, n'a peu dementir son gentil naturel, & beaucoup moins, le bon zele & grande affection qu'il auoit, & a vers sa patrie: comme manifestement se descouure par le labeur, & extreme debuoir, auquel, en la composition de ceste presente Histoire, il s'est mis de l'impanser & publier les saicts heroïques des Comtes de Flandre ses naturels Seigneurs: ensemble la bonne police, & autres choses dignes de memoire et admiration, depuis plusieurs siècles, audict pays succedées et aduenues. La meilleure partie desquelles choses, a esté jusques a present du tout incognüe, non seulement aux lointaines regions, & terres estrangeres, mais aussy a bon nombre de ceux, qui recognoissent pour leur pays, ladicte contrée de Flandre. Et combien que sur ce, plusieurs conuoitens & amys de disputes, ou (pour mieux dire) de contradictions, pourroyent opposer aucunes autres telles quelles Histoires, par lesquelles soit a vn chascun loisible d'entendre, ce qu'il aura volenté de cognoistre aux affaires dudit Flandre: sy est-ce que (comme j'esperé) ils se contenteront, quand ils seront esté aduertis, que la plus part desdictes Histoires, ont esté sy grossièrement conceues, & lourdement digérées, que (jusques a present) n'a esté possible d'en digerer la moitié de l'excellence: & qu'au contraire, la presente se trouuera remplye de conuicions tant facondes, & aduertissemens sy notables, que par sa douceur elle pourra attirer toutes sortes, & qualitez de personnes a

P R O L O G U E .

sa lecture. Qui sera cause, que par mesme moyen sera doreseuauant par tout cogneuë & manifestée la grandeur, excellence, prouësse & magnanimité de ladicte prouince, & contrée de Flandre: laquelle indubitablement a l'aduenir prendra, par le pennage du parler eloquet de cest Authheur, son vol, vers toutes autres nations, avec autant d'heur, et felicité, comme joyeusement, & en toute gratitude, elle doit recevoir, embrasser, & caresser ce fruiet gracieux & docte volume. Mesmes d'autant plus, qu'en iceluy se represente proprement et a l'oeil, la vraye image de police, d'oeconomie, & instruction morale, informant l'homme de son deuoir, tant au faict vniuersel, que particulier de la vie. Outre ce, qu'on y trouuera vne elegance copieuse, non sardée, trop bien garnie de toutes figures & ornemens d'oraison, sous vn fond substantieux de prudence ciuile, & telle, qu'en toutes ses parties elle peut satisfaire aux oreilles doctes & delicates. L'on y vovra l'experience de l'art militaire, & s'enconraiger aux armes par la louenge de prouësse & vituperation de la conardie. On y pourra considerer (comme en vn theatre de tout le monde) les diuers changements de la fortune, l'inconstance des choses humaines, les hazards de la guerre, les trophées des Princes victorieux, & la vergoingne des vaincus. Finablement (ce que plus contente & attire tous gentils esprits a la lecture de quelque Histoire) vous y cognoistrez par effect, l'extreme diligence en laquelle l'Authheur s'est mis, pour rendre son discours plaisant, l'Histoire bien continuée, & les propos bien suynis. De maniere, que par le benefice de cest Historiographe, la Flandre d'icy en auant se pourra comparer aux plus heureuses, & renommées prouinces de toute l'Europe. Dont ausy je n'ay peu, ny voulu laisser, de par ce petit discours, monstrer ce signe de congratulation, tant pour l'immortalité que ledict Authheur (lequel j'ay tousiours aymé & pour ses merites reueré) s'aura (par la composition de ce volume) gaignée, & acquise, que pour le prouffit & gloire que ceux de Flandre en recennront, ausquels je desire tout heur, contentement, & prosperité.

Le fruiet de la
lecture de celle
Histoire.

F I N.

EXTRAICT DV PRIVILEGE.

PAR Grace & Priuilege du Roy nostre Sire , il est permis & octroyé a Clara VVits de pouuoir faire imprimer par tel Imprimeur a ce admis & juré que bon luy semblerá , ceste partie des Chroniques & Annales de Flandres , & puis apres les faire védre & distribuer là , & ou bon luy semblerá en tous les pays de pardeça. Et est defendu & interdict a tous autres de quelque estat ou condition qu'ils soyent, Imprimeurs, libraires ou autres, de n'en imprimer, vendre ni distribuer, si non que de ceux qu'aura faict imprimer ladiète Clara VVits , ou de son consentement, jusques apres le terme de six ans finis & accõplis , a peine de confiscation de tout ce que s'en trouueroit d'imprimées ou vendues au contraire , & de deux Carolus d'amende pour chascun exemplaire qui seroit trouué imprimé au contraire , ou vendu & distribué par autre que celuy a qui ladiète Clara VVits en aurá donné la charge & consentement, ainsi que plus ainplement est contenu es lettres patentes de sa Maiesté sur ce données & expediées a Bruxelles le 25. jour du mois de Iuing l'an de grace 1571.

Signé

I. Vander Aa.

TABLE DES ARGUMENTZ

DES CHAPITRES, DE LA

Chronique de Flandres.

- Chap. 1.** Du commencement & etymologie comprinsé, & autres choses memorables de Flandre. Fol. 1. a
- Chap. 2.** Quand? & a la predication de quoy Flandre receut la Foy Catholique? & aucunes eglises, quoy au commencement furent illec fondées. 4. a
- Chap. 3.** De la venue du Prince Saluaert au pays du Buc, de la desconfiture d'iceluy, & de la cruauté de Phinaert. 5. a
- Chap. 4.** Des regretz de la Princesse Emergaert, pour la perte de Saluaert son mary, du reconfort que luy fut donné, & des choses a elle miraculeusement prédites, sur le fait de l'enfant qu'elle portoit. 6. b
- Chap. 5.** De la naissance, baptême, & merueilleuse façon de nourriture du jeune Lyderic, & de l'emprisonnement de la Princesse Emergaert sa mere. 9. a
- Chap. 6.** Des bonnes meurs & conditions du Prince Lyderic, de sa venue en Angleterre, & des amours d'iceluy avec la belle Gracienne. 11. b
- Chap. 7.** De la venue du Prince Lyderic en la ville de Soysfon, & des accusations, que a la charge de Phinaert, Prince du Buc, il proposa deuant Dagobert Roy de France. 15. a
- Chap. 8.** Comment le Roy Dagobert enuoya vers Phinaert vn herauld, pour l'aduertir des charges, que le Prince Lyderic luy mettoit sus, & de la responce dudit Phinaert. 17. b
- Chap. 9.** Comment le Prince Lyderic vainquit & occit en camp de bataille, le tyran Phinaert, en presence du Roy Dagobert & d'autres Princes de France. 19. b
- Chap. 10.** Comment le Roy Dagobert transporta les biens de Phinaert au Prince Lyderic, lequel aussi il crée premier Forestier de Flandre. 21. a
- Chap. 11.** Comment Lyderic estant ala chasse trouua la Princesse Rothilde, soeur du Roy Dagobert, & enuoya vers ledict Dagobert pour demander en mariage ladicte Princesse, & d'autres singularitez. 22. b
- Chap. 12.** Comment Lyderic fit tréchet la teste a son fils aîné, & de la mort dudit Lyderic, de l'heremite son pere nourrisier, de Madame Rothilde sa femme, & autres singularitez 25. b
- Chap. 13.** Comment les Goths, Wandals & autres descendirent & gasterent le pays de Flādre, des successeurs de Lyderic, premier de ce nō, ensemble de la diuersité de opinions, rouchant le premier Forestier dudit Flandre. 27. b
- Chap. 14.** Comment Lyderic deuxiesme de ce nō reprit le gouuernement de Flandre, des femmes & trespass d'iceluy, avec autres choses memorables. 29. b
- Chap. 15.** De Inghelra & Andacer Forestiers de Flandre, & comment ledict Andacer au moyen de sa loyauté acquit de l'Empereur Louys le Debonnaire, les Contés d'Arras & de Bouloingne. 31. a
- Chap. 16.** Des vertus & bonnes conditions de Baudouyn Bras de Fer, Forestier de Flandre, comment il emena & se maria sans le sceu du Roy Charles le Chaulue a Madame Judith sa fille, & de la guerre qu'a ceste occasion soutit. 32. a
- Chap. 17.** Comment Baudouyn Bras de

* Fer

L'INDICE.

- Fer eut vne memorable victoire cō-
tre les François , & après icelle fir
pendre en haults gibetz sur le mont
Saint Eloy aucuns de principaux
auteurs de la guerre que luy me-
noit l'Empereur Charles. 36.a
- Chap. 18. Comment vn Euesque de
France s'estant supposé le nom de
Louys le Begue , descendit a grand
puissance contre Baudouyn Bras de
Fer, lequel le vainquit, print prison-
nier, fit foitter, pendre & estrangler.
Fol. 38.a
- Chap. 19. Comment Baudouyn Bras
de Fer , & Madame Iudith sa fem-
me se transportèrent vers Romme,
pour estre ablouls de l'excommuni-
cation que l'Empereur Charles a-
uoit contre eux fait fulminer, & cō-
ment au moyen des legats que le
Pape Nicolas enuoyá a ces fins vers
ledict Empereur Charles , ils fus-
rent reconciliez audict Empereur,
folio 40.a
- Chap. 20. Comment l'Empereur Char-
les le Chaulue , estant reconcilié a
Baudouyn Bras de Fer, a crent la pro-
vince de Flandre, laquelle il erigeast
en Conté, & d'autres choses memo-
rables. 42.b
- Chap. 21. Comment Baudouyn Bras de
Fer & Madame Iudith sa femme re-
tournèrent en Fládre, du degast que
les Normans firent audict pays, de
ledification d'aucuns chasteaux cō-
tre l'excursion desdicts Normans,
de la fondation d'aucunes eglises, &
du trespas dudiect Baudouyn. 44.b
- Chap. 22. Comment Baudouyn deu-
xième de ce nom , dict le Chaulue,
vint au gouuernement de Flandre,
des femme & enfans d'iceluy , des
villes & eglises par luy edifiées, avec
autres singularitez, & comme ent luy
estant laye, deuint abbé de Sainct
Bertin. 47.b
- Chapit. 23. De la guerre que le Conte
Baudouyn eust contre Herbert de
Vermandois , de la perte de Sainct
Omer, & Arras, du recourement
desdictes villes , des trespas dudiect
Conte & de Madame sa femme, &
d'autres choses memorables. 50.a
- Chapitre 24. De l'aduenement d'Ar-
nould , dict le Vieil , a la Conté de
Flandre , du debat qu'il eust contre
l'Empereur Othon , & comment il
fit reformer , & reparer plusieurs
cloistres & Eglises, avec autres par-
ticularitez. 51.a
- Chap. 25. Comment Fiscord , apres a-
uoir receu plusieurs benefices du
Conte Arnould, deceut la fille mai-
née dudiect Conte, dont vint le pre-
mier Conte de Ghisnes, & du deses-
poir, auquel ledict Fiscord tombá, a
raison de ce mesfait. 53.b
- Chap. 26. Comment le Conte Arnould
de Flandre apres le trespas d'Adolph
son frere remit l'abbaye de Sainct
Bertin, que ses predecesseurs auoyēt
injustement vsurpée és mains Ec-
clesiastiques , & de la mort du Duc
Guillaume de Normandie , que le-
dict Conte Arnould fit occire. 54.b
- Chap. 27. Comment le Conte Arnould,
dict le Vieil , fit euoequer les estats
de Flandre en sa ville de Gand, & du
consentement d'iceux transportá la
Conté de Flandre a son fils Baudou-
yn, dict le Jeune. 57.a
- Chap. 28. Comment le Conte Baudou-
yn, dict le Jeune, enseigná ceux de
Flandre cōtracter par forme de perá-
mutacion, & du deces dudiect Con-
te Baudouyn. 57.b
- Chap. 29. Comment Arnould, dict le
Vieil , ayant fait assembler les estats
de

L'INDEX

de Flandre en la ville de Gand , practiqua, de sorte que Arnould, dict le Jeune, fut par lesdicts estatz , non-obstant sa minorité recen a Conte de Flandre. 59.a

Chap. 30. Comment le Roy Lotaire de France, durant la minorité du Conte Arnould , dict le Jeune, print & reduict sous son obeissance, Arras, Douay , & aultres villes de Flandre Gallicante. 60.b

Chap. 31. Du debat que le Conte Arnould eust contre ceux de S. Bertin, pour le faict de Calais, & des biens que ledict Conte fit aux Eglises de Flandre. 62.a

Chap. 32. comment le Conte Arnould de Flandre s'estant allyé au Duc de Brabant, entra a la requeste dudit Duc au pays de Hainault, & des exploicts qu'il y fit. 63.a

Chap. 33. L'auteur rejette l'opiniõ de maistre Nicolle Gilles, Chroniqueur François , touchant la descente de Hue Capet en Flandre, & ce par les moyes que trouueréz en ce discours fol. 64.a

Chap. 34. comment a l'aduenement de Baudouyn a la Belle Barbe ceux de Courtray & autres de Flandre rebel-lerent contre luy, lesquels neant-moins il reduict par succession de temps sous son obeissance, & de la tente qu'il fit dresser en la ville d'Arras, pour diuerner le peuple de Flan-dre de l'opinion conceue de la steri-lité de Madame Ognie sa femme, fo-lio 66.b

Chap. 35. comment le Conte Baudouyn conquist sur l'Empereur Henry la ville de Valenciennes, en laquelle il fut depuis assiegé par ledict Em-pereur Robert Capet Roy de France, & Richard Duc de Normandie, &

de l'admirable magnanimité, d'ont ledict Baudouyn vîa en la defense de ladicte ville. 68.b

Chap. 36. L'Empereur Héry retourna avec grãd puissance en Flãdre, print le chãtel de Gãd, & puis se retourna en ses pays, ou le Conte Baudouyn luy enuoya ambassadeurs pour paix, luy restituant la ville de Valenciennes, & comment ladicte ville fut remise es-mains dudit Baudouyn, lequel de-uint homme feodal de l'Empire, a cause des Isles de Zelande, que le-dit Empereur luy donna, avec autres singularitez. 72.a

Chap. 37. Baudouyn a la Belle Barbe practiqua le mariage de Madame Adele de France, avec Baudouyn de Lille son fils, lequel depuis fut regẽt de France, & du trespas dudit Bau-douyn a la Belle Barbe. 73.b

Chap. 39. cõment & pourquoy le Con-te Baudouyn fit guerre a l'Empereur Henry, sur lequel il prend la Conté d'Alost, & de la paix qu'a son grand aduantage ledit Baudouyn fit avec le susdict Empereur. 75.b

Chap. 40. De la conqueste d'Hainault faicte par le Conte de Flãdre, ensem-ble des guerres qu'il eust cõtre ceux de Brabãt, & cõtre l'Empereur Hé-ry, & de la fin de luidites guerres. 78.a

Chap. 41. comment le conte de Flandre se transporta a Tournay pour illec faire recenoit Baudouyn de Mons son fils pour Conte & Seigneur. Et cõment ledict Conte de Flandre fut iteratiuetment a cause de Madame Adele sa femme crée tuteur & regẽt de France. 79.b

Chap. 42. cõmẽt le Conte de Flandre dõne en mariage Madame Mehault sa fille, au Duc de Normandie, le-quel il assista a conquerre le royaume

* ij me

D I N D I C E :

- me d'Angleterre, & d'autres choses singulieres. 80.a
- Chap. 43. De la grande peste qu'au tēps du Conte Baudouyn regnā en la ville de Gand, d'aucuns monasteres, & Eglises par luy edifiées, & d'autres particularitez, ensemble du trespas dudit Conte Baudouyn. 81.b
- Chap. 44. Comment la Contesse Richilde fit en faueur de Baudouyn de Mons renoncer ses enfans du premier liēt a la Contē d'Hainault, laquelle depuis a tousiours jusques a ce temps succedé aux enfans de Flandre, & des vertus & bonnes conditions dudit Baudouyn de Mōs. 85.a
- Chap. 45. Comment le Conte Baudouyn edifiā, & priuilegeā la ville de Granmont, & d'aucuns monasteres en son temps construits en Flādre, avec autres singularitez. 86.a
- Chap. 46. Cōment les Contes de Flandre ont plusieurs autoritez & preeminences en Flādre, que les autres Pairs de France n'ont en leurs Pairies, & de la raison desdictes preeminences, ensemble du trespas de Baudouyn de Mons 87.a
- Chap. 47. Des troubles que Robert le Frison suscitā en Flandre, & commēt finalement ayant esté defaict par le Duc de Brabant, il se retirā en Saxe, fol. 91.a
- Chap. 48. Comment la Contesse Richilde emprint le gouuernement de Flandre, & des grandes tyrannies, que par le conseil des Seigneurs de Couchy & de Mailly, elle exerceā audit pays. 92.b
- Chap. 49. Comment Robert le Frison a la requeste des estats du pays vint a grand puissance en Flandre, ou il fut en plusieurs lieux biē receu, & cōment la Cōtesse Richildē allā pour secours vers France, avec autres particularitez. 94.a
- Chap. 50. Comment le Roy Philippe de France descēdit avec merueilleuse puissance au pays de Flandre au secours de la Contesse Richilde, & de l'encouragemēt que Robert le Frison donne aux Flamens. 95.a
- Chap. 51. De la cruelle bataille des Flamens soubz la conduicte de Robert le Frison, cōtre la merueilleuse puissance des François, pres la ville de Cassel, & de la glorieuse victoire q' ledict Robert le Frison obtint sur lesdicts François. 96.b
- Chap. 52. Comment Robert le Frison fut receu apres la susdicte victoire pour Conte de Flandre, & de la sepulture qu'il fit faire au Conte Arnould le Simple. 98.b
- Chap. 53. De l'estrange aduenture que aduint prez Coulongne aux ambassadeurs de Robert le Frison, de la descente du Roy de France au pays de Flandre, & comment Robert le Frison constraindit Baudouyn de Hainault renoncer a la Contē de Flandre. 99.a
- Chap. 54. Comment Robert le Frison estant deuenu paisible Conte de Flādre, fit paix avec le Roy de France & du voyage qu'il fit vers Hierusalem, avec autres choses admirables. 101.b
- Chap. 55. Comment apres la mort du Duc de Brabant, Robert le Frison restituā Thierry son beau fils en la Cōté d'Hollāde, & commēt ledict Robert, s'appareillant pour mener guerre contre Angleterre, pour ce que on luy refusoit la pension des troiscents marcs par an, mourut en sa maison de Winendale. 102.b
- Chap. 56. Comment Robert le leune, cassā pour luy & ses successeurs la coustu-

L'INDICE.

- coustume, par laquelle les Contes de Flandre succedoyent aux biens meubles des gens d'Eglise, & de plusieurs fondatiōs qu'il fit, & cōment il crée le prouost de Saint Donas a Bruges chancelier perpetuel de Flādre. 103.b
- Chap. 57. De l'institution d'aucuns ordres au temps du Conte Robert, & des choses miraculeuses & prodigieuses que au mesme temps aduindrent au pays de Flandre. 105.a
- Chap. 58. De la premiere Cruciace cōtre les Turcs & infideles, qui fut publiée au Concile de Clérumont, & comment le Conte Robert de Flandre alla avec plusieurs autres Princes, a la cōqueste de la terre Sainte, de la prinse de la cité de Hierusalé, du trespas dudit Conte Robert, & d'autres choses memorables. 106.b
- Chap. 59. Comment Baudouyn Hapkin print a femme Madame Agnes de Bretagne, laquelle a raison de leur proximité de sang luy conuint delaisser, avec autres choses memorables. 109.a
- Chap. 60. Comment Baudouyn Hapkin au commencement de son gouuernemēt fit assembler les estats de Flandre, pour aduiser au moyen que conuiendroit tenir pour gouuerner le pays en vnion & tranquillité, & de la paix publique, qu'il fit publier, ensemble de la rigoureuse execution faicte sur aucuns Seigneurs contreuenants a la dicte paix. 109.b
- Chap. 61. Deduction de la maison & genealogie des Contes de Saint Pol, & de Luxembourg. 112.a
- Chap. 62. Comment le Conte Baudouyn entra avec puissance en la Normandie, dont il reduit bonne partie, sous l'obeissance du Duc Guillaume, comment ayant esté blessé par les Anglois en vne escaramouce, il mourut encores ieune a Roulers, folio 113.a
- Chap. 63. De l'aduenemēt de Charles de Denamarque a la Conté de Flandre, & du commencement des chevaliers de Saint Iean, des Tépriers, & des Premonstrez. 114.b
- Chap. 64. De vertueuses ordonnances du bon Conte Charles, & commēt au moyen de la douagiere de Flandre, qui vouloit auancer Guillaume de Loo, a la Conté dudit Flandre, il eust plusieurs facheries auant estre paisible dudit pays. 115.b
- Chap. 65. De la grand famine que au temps du Conte Charles fust en Flādre, & aux pays circonuoisins, & des grands deuoirs ausquels ledict Conte pour obuier a la dicte famine se mit, ensemble des causes de la conspiration de ceux de Vande Straten, contre iceluy bon Conte. 117.a
- Chap. 66. De l'abbominable trahison que ceux de Vāde Straten commisrent contre le bon Conte Charles, qu'ils meurdrirent en l'Eglise de S. Donas, & d'autres choses memorables. 118.b
- Chap. 67. Comment Seruaes de Praet & autres vindrent en diligence vers Bruges, pour venger la mort dudit bon Conte Charles, de l'emprisonnement des cōplices d'iceluy meurtre, des miracles que Dieu manifesta en faueur dudit bon Conte, & d'autres choses memorables. 120.b
- Chap. 68. Comment le Roy de France fit exécuter par diuers supplices les ~~susdicts~~ ^{susdits} conspirateurs, desquelles toutes les familles & alliés furent bannis, qui se retirèrent en vne isle de Hybernie, nommé Gherma, avec
* iij autres

L'INDICE.

autres singularites: 122. a
 Chap. 69. Comment plusieurs Princes
 callengèrent la Conté de Flâdre, la-
 quelle finalement, contre droit &
 raison, fut par le Roy de Frâce adju-
 gée a Guillaume de Normâdie 123. a
 Chap. 70. Guillaume de Normâdie se
 fit au moy de l'assistance du Roy de
 France, receuoit en plusieurs lieux
 par force, pour Conte de Flandre,
 dont finalement il deuint payssible
 apres la bataille qu'il eust deuant Y-
 pre contre Guillaume de Loo. 124. a
 Chap. 71. Des exactions & cruautéz du
 Conte. Guillaume apres, qu'il fut
 deuenu Seigneur paisible de Flâdre
 & comment ceux de Lille rebelle-
 rent contre luy. 125. a
 Chap. 72. Comment ceux de Flandre
 mahderēt a leur secours Thiery d'El
 late cōtre leur Conte Guillaume; &
 du diuers euenement de la guerre
 desdits Thiery & Guillaume, ensem-
 ble de la mort dudit Guillau. 126. a
 Chap. 73. Comment le Conte Thiery
 fut recen pour Seigneur de Flâdre,
 & du S. Sang qu'il rapporta d'outre
 mer, & dōnā a la ville de Bruges, en-
 semble de la fondatiō d'aucuns mo-
 nasteres, avec autres choses memo-
 rables. 128. a
 Chap. 74. Comment le Conte Thiery
 chassa du pays de Flâdre Guillaume
 de Loo, qui pretendoit droit audit
 Flandre; & fit son premier voyage
 pour la conquēte de la terre Sainte
 ensemble du cōmencement des In-
 grekins & Blaumotins, au Westqar-
 tier de Flandre. 129. a
 Chap. 75. Comment le Conte Thiery
 entreprend ses deuxiesme & troisie-
 me voyages vers la terre S. de la vi-
 cloire qu'il obtient contre les Hen-
 nuyers; Liegeois; & Namuroys, en-

semble du mariage de Madame Ha-
 beau de Vermandois avec Philippe
 de Flandre, auquel ledit Thiery re-
 signe la Conté du Flandre. 130. a
 Chap. 76. Philippe de Flâdre purgea la
 mer des Pyrates Holladoys, & appli-
 quā le terroir de Wast a la Conté de
 Flandre, & de la belle victoire que
 le Conte Thiery & Baudouyn de
 Hierusalem eurent contre les infide-
 les, du rauissement de Marie de Bou-
 longne fait par Mahieu de Flandre
 & de plusieurs choses prodigieuses
 aduenues en Flandre. 131. b
 Chap. 77. Du quatriesme voyage du
 Conte Thiery vers la terre Sainte,
 & comment a son retour il se retirā
 pour le demeurant de sa vie au mo-
 nasterie de Watenes: de la victoire
 des Flamens contre les Hollandoyes,
 & du memorable traitē de paix, fait
 entre lesdits de Flandre & de Hol-
 lande, en la ville de Bruges. 133. a
 Chap. 78. comment le Conte Thiery fit
 appeller en auant mourir ses enfans
 au monasterie de Watenes, & des
 saintes remonstrances qu'il leur fit,
 & du trespas dudit Thiery. 135. a
 Chap. 79. comment le Conte. Philippe
 par la trois iours apres sa naissance,
 & d'aucuns priuileges qu'il donnā
 aux villes de Flandre. 135. b
 Chap. 80. comment l'Empereur Frederic
 vint en la ville de Quesnoy aux
 noces du Conte Hainault, & de Ma-
 dame Marguerite de Flandre, & cō-
 ment Mahieu de Flandre enuoyā
 Madame Marie a son abbaye, dont
 il l'auoit raiū. 137. a
 Chap. 81. Comment le Conte Philippe
 entreprend pour la premiere fois la
 conquēte de la terre sainte & des
 armes que cheualeresquement il gai-
 gnā sur le Roy d'Albenie, dont les
 Con-

- Contes de Flandre laissant les anciens, vident encoires pour le present, avec autres choses memorables, folio 138.a
- Chap. 82. cōment le Conte Philippe a son retour de la terre Sainte practiqué l'appōintement d'entre les marchans de Flandre, & de Couloigne & du mariage de Madame Ysabeau d'Hainault niece dudit Côte Philippe avec le Roy de France, ensemble des terres qu'en auācement dudit mariage ledict Côte Philippe donna avec ladicte niece. 139.b
- Chap. 83. Comēt deux diuerses foys le Côte Philippe entrā avec puissance au Royaume de France, & de la paix qui se fit par le moyē du legat de Romme, entre Flandre, & ledict France. 141.a
- Chap. 84. comment le Conte Philippe vint a grand magnificence en la ville de Mayence, vers l'Empereur Frederic : d'aucuns heretiques qui furent punis en la ville d'Arras, & cōment le trou du Dam fut par le moyē d'un chien qu'on y jectā, miraculeusement restouppē. 142.a
- Chap. 85. De la guerre que le Côte de Flandre renouuellā contre France, a raison, que le Roy auoit repudiē sa femme, qui estoit niece dudit Côte de Flandre, & comment le mesme Conte de Flandre fit guerre au Côte de Hainault, & de la paix que se fit entre eux. 143.b
- Chap. 86. Comment le Conte de Flandre enuoyā ses ambassadeurs vers Portugal demander en mariage l'infante dudit Portugal, laquelle en son chemin pour Flādre fut detroufēe sur la mer, & de l'execution que le Conte fit faire desdicts destroufeurs, ensemble cōment ledict Conte fut crēe Gardien de l'Eglise de Cābray. 144.b
- Chap. 87. comment le Conte Philippe enuoyā vingt & sept nauires de Flādre a la conquēte de la terre Sainte, & des exploicts que lesdits nauires firent en Hispaigne contre les Sarrazins, ensemble comment le Conte Philippe allā par terre avec grād puissance a ladicte conquēte, & du trespas dudit Conte Philippe, qui mourut deuant Ascalon. 146.a
- Chap. 88. Le Roy de France ne voulut recevoir Baudouyn de Hainault en hommaige pour la Conte de Flādre ne fut l'agregation d'iceluy des terres ecclissēes par le feu Conte Philippe dudit pays de Flandre, & comment les Ducs de Brabant, Lembourch, Conte de Hollande, Namur, Viēne, & autres, a la persuasō de Thierry de Beuere menērent guerre au Conte de Flandre. 148.a
- Chap. 89. comment la ville de Gand apres le transport d'Arras deuint chef ville de Flandre, & du tumulte de ceux de Gand, ensemble comment pour appaiser ledict tumulte, le Côte Baudouyn fut contraint leur accorder plusieurs choses desraisonnables, & de la subtilité dōt il vſa, afin que ledict accord fut en nul effect, folio 149.b
- Chap. 90. comment les Flamens desfirent pres de Namur, en bataille rengeē ceux de Brabant, Hollande, Lembourch, & autres, & cōment le Duc dudit Lembourch, ses deux enfans & cent dix & huit cheualiers furent en la dicte bataille par les Flamens faicts & constituez prisonniers, folio 150.b
- Chapitre 91. D'aucuns mariages que se firent entre Flandre, & Neuers par

- par le moyen du Roy de France. Et comment Baudouyn d'Hainault fit paix avec ceux de Brabant, Holland & leurs confederes, deliurant de ses prisons le Duc de Lembourch, avec autres singularitez, ensemble du trespas de la Contesse de Flâdre, folio 151.b
- Chap. 92. Comment Baudouyn huietisme de ce nom succedâ a la Cōté de Flâdre, des vertus dudit Baudouyn, de ses fondations, & d'aucunes ordonnances & priuileges par luy faictz & donnez. 152.b
- Chap. 93. Du secours que le Conte de Flandre fit au Duc de Brabant contre le Conte d'Hollande. Et cōment le Conte Baudouyn fit guerre au Roy de Frâce pour rauoir les terres d'Artois, que le Conte Philippe auoit escliffées de la Conté de Flandre, ensemble du traité de Peronne fol. 154.b
- Chap. 94. Comment le Conte Baudouyn avec autres Princes Chrestiens entreprirent la conqueste de la terre Sainte, laquelle a la trefin stâte requeste d'Alexis, fils de l'Empereur de Constantinople fut conuertie en celle dudit Constantinople, de l'affault & prinse d'icelle cité, avec autres choses memorables, folio 156.a
- Chap. 95. Comment le Conte Baudouyn retourna en Flandre, pour assembler nouuelles forces contre les infideles, de la trahison de l'Empereur Alexis de Constantinople, laquelle fut causée que les Princes Latins retournerent vers ladicte cité, que fut par eux prinse & saccagée, & comment lesdicts Princes Latins couronnèrent pour Empereur de Constantinople ledict Conte Baudouyn de Flandre. 159.a
- Chap. 96. Comment durant l'absence du Conte Baudouyn se renouellerent en Flandre les parcialitez des Blaumotins & Ingrekins, & des muetelles deffaites desdits Ingrekins & Blaumotins, avec autres singularitez. 160.b
- Chap. 97. Comment l'Empereur Baudouyn Conte de Flandre assiegeâ la ville d'Andrinopoly, ou il fut prins & enuoyé prisonnier en Turquie, & du commencement de l'ordre des Iacopins. 162.a
- Chap. 98. Comment Madame Iehenne, fille du Conte Baudouyn vint a la Conté de Flâdre, laquelle a raison de sa minorité fut mise sous la garde de la Roynie de France, & comment Philippe de Namur, oncle de ladicte Iehenne gouvernâ ce pendant le pays de Flandre. 163.a
- Chap. 99. Du mariage de la Contesse Iehenne avec Fernâd de Portugal, & des reproches qu'a raison de ce les Flamens firent a Philippe de Namur, lequel tost apres meurt de desplaisir, & comment ceux de Gand ne veuillent recevoir le Conte Fernand pour leur Seigneur, avec autres singularitez. 164.a
- Chap. 100. Du traité de Pont a Wending faict entre le Conte Fernand & Madame Iehenne d'une part, et Louys fils du Roy de France d'autre, & comment ledict Fernand mist son siege deuant la ville de Gand, ensemble de l'appoinctement desdicts de Gand. 165.b
- Chap. 101. De plusieurs priuileges donnez a diuerles villes & au pays de Flandre du temps de la Contesse Iehenne. 166.b
- Chap. 102. De la journée de Soiffon, ou le

ou le Conte Ferrant refusa son secours au Roy de France, si prealablement il ne luy rendoit Aire & S. Omer, & de la guerre que a ceste occasion s'emeut entre Frâce & le pays de Flandre, avec autres particularitez. 169.a

Chap. 103. Comment Bossaert d'Auernes preuost de Lille, & tuteur de Marguerite de Flandre abusâ de la jeunesse de ladicte pupille, & comment luyuant ce, il le transportâ vers Romme, pour este absous de son dit fourfaict, ensemble afin d'estre dispensé de la proximité de sang que estoit entre luy, & ladicte Princesse, avec laquelle il pretendoit se marier & de la mort dudit Bossaert. 171.a

Chap. 104. comment le Conte Ferrant s'allia avec l'Empereur Ortho, & de la journée de Bouines, dommageable aux Flamés, en laquelle fut prins prisonnier ledit Conte Ferrant, avec grand nombre d'autres Princes & Seigneurs. 172.a

Chap. 105. Comment la Contesse Iehenne apres la bataille de Bouines se transportâ vers le Roy Philippe a Paris, & de la main-leuée qu'elle obtint de sa Conté de Flandre. 174.a

Chap. 106. Comment l'Empereur Frederic mit sous ses mains les terres de Flâdre tenues de l'Empire, sous pretext de denoirs non faictz, & dôt Henry Roy des Rommains accordâ depuis main-leuée ensemble de plusieurs acquestes faictes par la Contesse Iehenne, & signamment du terroir du Franc. 175.b

Chap. 107. Des grands deuoirs que la Contesse Iehenne fit pour la liberté du Conte Ferrant son mary, & d'un certain concept de traité de paix ensuiues fut mis en quant, que les

Flamens ne voulurent accorder, & comment a raison de ce, ledit Ferrant demoura encore pour quelque tēps prisonnier. 177.a

Chap. 108. comment vn Heremite se disant, contre verité Baudouyn Empereur de Constantinople, suscita des merueilleux tumultes en Flâdre & comment ledict Heremite fut examiné en la presence du Roy de Frâce, & pas iceluy banny & enchaissé comme trompeur, & depuis pendu & estranglé par ordonnance de la Contesse Iehenne, laquelle pour apaiser le murmure du peuple, qui maintenoit qu'elle auoit faict pēdre son pere, enuoyâ plusieurs notables personnaiges pour s'enquerre du faict dudit Empereur, & des aduouelles qui lui en fustrent rapportees avec autres choses memorables. 178.a

Chap. 109. Le Conte Ferrant fut deliuré des prisons de Frâce, ou il auoit esté douze ans continuels: de la guerre qu'il fit au Côté de Namur, du trespas dudit Conte Ferrant, avec autres choses memorables. 180.b

Chap. 110. Comment la Contesse de Flandre se remariâ a Thomas de Saouye, de la guerre que ledit Thomas eust contre le Duc de Brabât, lequel il print prisonnier, du trespas de la dicte Contesse, & d'autres choses memorables. 181.b

Chap. 111. Comment Madame Marguerite succedâ en la Conté de Flandre, a Madame Iehenne sa soeur, & des cloîtres que ladicte Dame Margarete fonda en Flandre, ensemble comment par permission diuine la Contesse de Henneberch accouchâ de trois cents soixante trois enfans d'une portée. 183.b

Chap. 112. Comment Madame Marguerite

L'INDEX.

- guetite de Flandre donna plusieurs priuileges , & affranchissemens a diuerses villes de Flandre. 184.b
- Chap. 113. Comment Madamme Marguerite fit hommaige au Roy de France de sa Contrée de Flandre, des debats qui s'emeurent entre elle, & Iehan d'Auesnes son fils bastard, ensemble de la sentence arbitraire du Roy de France sur lesdits debats 186.
- Chapit. 114. Comment Guillaume de Dompierre fils de la Contesse Marguerite se maria avec Madlame Beatrix de Brabant, du voyage qu'il fit outre mer, & du trespas dudit Guillaume, ensemble comment Iehan d'Auesnes suscita nouuelle querelle contre sa mere pour les Isles de Zelande. 187.b
- Chap. 115. Comment Iehan d'Auesnes recommença la guerre contre la Contesse de Flandre, & de la deffaitte des Flamens en Zelande, ensemble comment le Conte Charles d'Anjou descendit en Valenciennes au secours de ladicte Contesse, & de la reconciliation que ledict Charles, moyenna entre ledict d'Auesnes, & ladicte Contesse avec autres choses memorables. 188.b
- Chap. 116. Comment le Roy Saint Loys practiqua entre ceux de Flādre, & d'Hollande vne bonne paix, au moyen de laquelle les Isles de Zelāde furent laissées ausdicts de Hollāde, avec autres choses memorables, fol. 190.b
- Chap. 117. Comment Madamme Marguerite enuoye Baudouyn d'Auesnes au secours de la Cōtesse de Namur, & du mariage de Guy de Flandre, avec Madamme Isabeau de Luxembourg. 192.a
- Chap. 118. Comment Madamme Marguerite enuoyā Robert de Bethune son neveu, au secours du Conte de Anjou a la conqueste de Sicille, de la mort du Roy dudit Sicille, que ledict Robert occit de ses propres mains : des mariages dudit Robert, de l'exploict diceluy, contre les Sarrafins, de l'ampliation des villes de Gand, & de Bruges, & d'autres choses singulieres. 193.a
- Chap. 119. De la premiere institution des monnoyers en Flandre, & comment Madamme Marguerite enuoyā vers les monnoyers de France pour instruction sur le faict de sa monnoye, ensemble de la responce desdicts monnoyers. 194.b
- Chap. 120. Comment la Contesse Marguerite, au moyen des plainctes que ceux de Gād luy firent de leurs gouerneurs, cassā l'ordonnance du Conte Ferrant, touchant les trenteneuf de Gand, donnant ausdits de Gand vn autre priuilege, touchant le gouvernement de la ville, avec autres singularitez. 196.a
- Chap. 121. Comment les trēteneuf de Gand appellèrent de la susdicte ordonnance de la Contesse Marguerite, deuant le Roy de France, de la sentence arbitraire d'iceluy Roy sur les debats desdicts trenteneuf contre leur Contesse, & du trespas d'icelle. 198.a
- Chap. 122. De l'aduenement du Côte Guy en la Contée de Flandre, & de diuers priuileges donnez en son temps, tant par luy que autres, aux villes & pays de Flandre. 199.a
- Chap. 123. Comment le Conte Guy voulust cōstraindre les gouerneurs de Bruges a la rendition des cōpies de leur administratiō des lettres de prouision qu'a ces fins il obtint du Roy

L'INDEX.

Roy de France, & comment ceux de Bruges par deux fois rebellérēt contre ledict Conte Guy, de la punitiō desdicts de Bruges, & d'autres particularitez. 201.b

Chap. 124. De la commotion de ceux d'Ypre, appelée Cockerulle, ensemble des débats du Conte Guy, contre le Seigneur d'Audenarde, pour le ressort de Flobecque & Lésines, & de la Chambre Legale de Flādre, fol. 202.b

Chap. 125. Du debat qui se meut entre le Conte Guy, & les trenteneuf de Gand, pour la rendition de compte de leur administration, ensemble de la guerre de Flandre contre Hainault, pour le chastel de Quesnoy, fol. 204.a

Chap. 126. Comment le Conte Guy eust de rechief plusieurs & diuers débats contre les trenteneuf de Gād pour la rendition de leur comptes, ensemble des differents qui sourdirent entre les Duc de Brabant, & Cōte de Gueldre, pour la succession de Lembourch, dont furent choisis pour arbitres les Contes de Flandre & d'Hainault. 205.a

Chap. 127. Des acquestes que le Conte Guy fit des plusieurs terres, villes & seigneuries, dont il fit adheriter aucuns de ses enfans, ensemble de l'aggregation de la paix de Melun, faicte par les estats de Flandre, & comment ledict Conte Guy fit punir aucuns officiers qui s'estoyent laissé corrompre par dons & argent fol. 206.b

Chapitre. 128. De la defense que le Roy de France faict a ses officiers de n'exercer aucune juridiction en Flandre, saul en cas de ressort, & comment ceux de Gand, & aultres

villes de Flandre font plusieurs fortifications contre le contenu a la paix de Melun. 208.b

Chapitre 129. Comment a la poursuyte de Robert de Bethune, le Conte Guy, & les trenteneuf de Gand se submisrent de leurs differents audict & arbitrage des mayeur & eschevins de Sainct Omer, ensemble de l'appoinctement desdicts de Sainct Omer sur lesdicts débats, avec autres choses memorables. 209.b

Chapitre 130. Comment ceux de Valenciennes se misrent sous la protection du Conte Guy de Flandre, ensemble de l'Embassade que le Roy de Angleterre ennoya pour practiquer le mariaige de son fils, avec la fille de Flandre, du mescontentemēt que le Roy de France eust dudit mariaige, avec autres choses memorables. 212.a

Chap. 131. Comment ceux de Valécienes en consideratiō du bon secours que le Conte Guy leur auoit tousiours presté cōtre le Conte de Hainault, se submisrent du tout au pouuoir dudit Conte Guy, & comment ledict Conte Guy priuā les trenteneuf de Gand de leur estat, mettant en leur lieu des aultres a sa volōté, avec les autres choses memorables. 213.b

Chap. 132. Comment plusieurs Princes, & grands Seigneurs s'assemblerent a la requeste du Conte Guy en la ville de Grantmont, & de la resolution que illec fut prinse contrē le Roy de France, ensemble des ambassadeurs que ledict Conte Guy enuoya pour deffier le Roy de France, avec aucunes autres singularitez, fol. 216.a

** ij

Chap.

Chap. 133. Comment les ambassadeurs de Flandre exposèrent le fait de leur charge au Roy de France, & de la réponse d'iceluy Roy ausdicts ambassadeurs, & comment le Conte Guy rascha par tous moyens a luy possibles, de se mettre en la bonne affection de ses vassaux de Flandre, avec autres particularitez. 217. b

Chap. 134. Comment le Roy de France enuoya les ambassadeurs vers Flandre, pour diuertir le Conte Guy de la guerre qu'il luy auoit fait annoncer: de la réponse dudit Conte ausdicts ambassadeurs, & comment le pays de Flandre fut mis en interdit par l'Archeuesque de Rains. 219. a

Chap. 135. Comment le Roy Philippe de France, & le Conte Robert d'Artois vindrent avec deux puissantes armées au pays de Flandre, des villes qu'ils subjuguèrent, & des trefues, que le Conte de Flandre & le Roy d'Angleterre avec cestuy de France, s'entredonnèrent, & comment ils se submirent de leurs differents a l'arbitrage du Pape Boniface, & d'autres particularitez. 221. a

Chap. 136. Comment les Anglois qui estoient venus au secours du Conte de Flâdre, furent deffaits par les Gantois, pour ce qu'ils auoyent pillé plusieurs maisons illec, au moyen de quoy le Conte de Flandre fut abandonné du Roy d'Angleterre, De la descente de Charles de Vallois au pays de Flandre, de la deffaitte des Flamens, & comment le Conte Guy sous la parole dudit Charles de Vallois, se passa vers Paris, ou il fut arresté prisonnier, avec autres choses memorables, folio 222. b

Chap. 137. Comment le Roy Philippe

le Bel vint en tref-bel équipage au pays de Flandre, & fut par tout receu, comme propriétaire dudit Flâdre, & comment il laissa illec pour gouverneur Jacques de Chastillon lequel est enchaîné par ceux de Bruges, a raison de les grandes exactiōs, de la venue du Conte Jehan de Namur audit Flâdre, & comment tout le pays, saulx ceux de Gand, se departent de l'obeissance dudit Roy Philippe avec autres choses memorables. 225. a

Chap. 138. Comment le Roy Philippe le Bel enuoya en Flâdre sous la conduite de Robert d'Artois, quarante mille combatants, & de la memorable victoire que les Flamens eurent sur lesdicts François a Groeninghe, ou mourut ledict Robert d'Artois, avec plusieurs autres grands Princes, & presque toute l'armée desdicts François. 227. b

Chap. 139. Comment apres la susdicte journée de Groeninghe, tout le pais de Flandre s'osta de l'obeissance du Roy de France, lequel descend avec grand puissance audit Flâdre, & neantmoins retourne, sans riens faire, de plusieurs exploits des Flamens contre Artois, de la trefue que les François & Flamens s'entredonnèrent, & comment le Conte Guy de Flandre retourna de prison en son pays de Flandre, avec autres particularitez. 230. a

Chapit. 140. De la guerre que les Flamens eurent contre Hainault, Hollande & Zelande, & comment tout le pays de Hollande, reserve Dorchester fut reduit sous leur obéissance: de la deffaitte desdicts Flamens en Zelande, & comment le Roy de France vint pour la quatrieme

L'INDICE,

- fine loys a tresgrand puissance en Flandre , & de la victoire qu'il eust contre les Flamens , mais a son tresgrand dommaige , de la paix entre Flandre & France , & du trespas du Conte Guy de Flandre.** 231.b
- Chapitre 141. De l'aduenement de Robert de Bethune en la Conté de Flandre , & du traicté de paix fait entre France & Flandre . Au moyen duquel , ledict Robert de Bethune fut relaxé des prisons de France , & comment ceux de Flandre ne voulurent aucunement condescendre audict traicté de paix , avec autres choses memorables.** 233.b
- Chapit. 142. Comment le Conte Robert de Flandre fait assembler son ost , pour faire guerre au Conte Guillaume de Hainault , & de l'appoinctement que sur icelle guerre fust par le Duc de Brabant moyenné , ensemble de la moderation de la paix de l'an mil trois cents cinc , faite & accordée par le Roy Philippe de France , avec autres singularitez , fol.** 235.b
- Chap. 143. Comment le Conte Robert de Flandre assembla de rechief grand puissance pour faire guerre au Conte d'Hainault , & d'Hollande , & de la paix qui fust moyennée entre eux , ensemble comment ledict Robert de Bethune par la subtilité , & tromperye d'Enguerrand Marigny Seigneur conducteur des affaires de France , transporta au Roy Philippe les villes de Lille , Douay & Bethune fol.** 237.a
- Chap. 144. Comment le Conte Robert estant de ce sommé , ne vouldit faire dommaige au Roy de France , si premierement il ne luy restituoyt les villes de Lille , Douay , & Bethune. De la guerre que au moyen de ce sourdit , entre France & Flandre . De Louys de Flandre , que estant venu pour demander justice , fut arresté prisonnier par le Roy de France , & comment le Conte d'Hainault en faueur du Roy de France , rompt le paix qu'il auoit jurée au Conté de Flandre.** 238.b
- Chap. 145. Comment ceux de Flandre enuoyèrent leurs députés , pour auoir paix finale avec France , de la moderation que suyuant ce fut accordée sur les traictés precedents ausdicts de Flandre . Et cōment lesdicts de Flandre ne se contentāts de la dictē moderation , recommencēt la guerre par mer , & d'autres singularitez.** 240.a
- Chap. 146. Comment le Conte Robert fit constituer le Côte de Neuers son fils prisonnier , pour ce qu'il estoit accusé de l'auoir voulu empoisonner , du trespas dudit Côte de Neuers , de la paix finale entre France & Flandre , ensemble du deces dudit Côte Robert de Flandre.** 241.b
- Chap. 147. Du debat qui se meut pour la succession de Flandre par deuant le Roy & les Pairs de France , lesquels par leur sentence adjudgerent a Louys dict de Gressy , la Conté du dict Flandre , sauf partaige raisonnable a ceux qu'il appartient droit.** 243.b
- Chapit. 148. Des priuileges accordés aux pays & villes de Flādre , tant par le Conte Louys de Flandre , que par autres , durant le gouuernement dudit Conte.** 244.b
- Chap. 149. Comment le Conte Louys assembla grand puissance pour mener guerre contre le Conte d'Hainault , de l'appoinctement que par l'entrepasler du Roy de France se fit**

L'INDICE.

- entre eux, ensemblé ledict Côte Louys donna au Conte Jean de Namur la Seigneurye de l'eau de l'Escluse, des differents qui de ce sont yllus entre luy & ceux de Bruges, lesquels avec ceux du Franc se rebellér contre ledict Conte, avec autres singularitez. 246. b
- Chap. 150. De la deuziesme & troiziesme rebellion de ceux de Bruges, du Franc & autres contre le Conte Louys. Ensemble comment ceux de Courtray liurèrent ledict Conte Louys es mains de ceux de Bruges, lesquels le constituèrent prisonnier en leur halle, & de la cruauté desdits de Bruges contre aucunes gentilshommes que auoyent esté prins avec ledict Conte. 250. a
- Chap. 151. Comment le Roy de France aduerty de l'emprisonnement du Côte Louys par ceux de Bruges, enuoyá vers eux le Bailly de Vermandois, pour la liberté dudit Conte Louys, & des débats qui se meurent entre ceux de Gand & dudit Bruges, pour la liberté d'iceluy Conte, avec autres choses memorables, folio 252. a
- Chap. 152. Du grand deuoir, auquel ceux de Gand se mirent pour procureur la liberté du Conte Louys leur Seigneur. Des victoires qu'ils obtindrent sur ceux de Bruges, & leurs adherents. De la deliurance dudit Conte Louys, & de la journée d'Arkes, ou les rebelles furent recóciliez audit Conte Louys. 254. a
- Chap. 153. De la quatriesme rebellion de ceux de Bruges & autres de Flandre contre le Conte Louys, de la descente du Roy de France en Flandre au secours dudit Côte Louys, de la memorable deffaite desdits rebelles pres le mont de Cassel, de la prinse dudit Cassel, & comment apres ladite deffaite lesdits rebelles se submisrent du tout a la misericorde dudit Conte Louys. 257. a
- Chap. 154. Comment le Conte de Flandre fit exemplairement punir jusques a cinc cents personnes, qu'auoyent esté cause des susdictes diuisions, & de la merueilleuse justice que se fit en Flandre de Guillaume le Chanu, lequel auoit sollicité le Duc de Brabant de mener guerre audit Conte de Flandre, & des amendes prouffitables & honorables, esquelles ledict Conte Louys taxá les villes de Flandre pour leurs precedétes rebellions. 258. b
- Chapitre 155. D'aucuns débats qui se meurent entre le Conte Louys, & la Royne Ischenne, Dotagiere de France, ensemble comment au moyen de l'achapt de la ville de Malines, que le Conte Louys fit de l'Euesque de Liege, s'esmeut vne guerre entre Flandre & Brabant, & de lylsué dicelle guerre. 260. a
- Chapitre 156. Comment le Roy Philippe de France enuoyá ses lettres pour secours vers ceux de Flandre, lesquels luy en firent refus, de l'alliance des Flamens avec les Anglois des grands deuoirs ausquels le Côte Louys se mist pour rompre ladicte alliance, & comment ledict Conte Louys, venant avec puissance en la ville de Bruges sur deffaict par les habitants d'illec, avec aultres choses memorables. Folio 261. b
- Chap. 157. Du retour du Conte Louys vers ses pays de Flandre, ou il propose aux Flamens, au nom du Roy de France, plusieurs belles-offres

L'INDICE.

fres pour les diuertir de l'alliance pareux faicte avec Angleterre, & comment ledict Conte Louys fut par les Ganthois arresté en la ville de Gand, ensemble des alliances que le Roy de Angleterre par l'assistance de Iaques d'Arteuelde practiqua des principales villes de Flādre avec celles de Brabant, de la ruse, dont le Conte Louys vīa pour s'exempter du pouuoir de ceulx de Gand, & d'autres choses memorables. 263.b

Chap. 158. De l'entrée du Roy d'Angleterre au pays de Flandre, & comment le susdict Roy enuoye au secours de ceulx de Flandre le Conte de Salsebery, lequel avec plusieurs Anglois & Flamens est deffaict par le Seigneur de Ronbais pres Lille, de la bataille marine des Anglois, & François. Et comment le Roy d'Angleterre vint en personne en Flandre, ou il est par tout benignement receu. 265.a

Chapitre 159. Comment le Roy d'Angleterre assisté des Flamens mist son siege deuant la ville de Tournay. De la deffaicte des Flamens & Angloys par le Duc de Bourgoingne pres Sainct Omer, du cartel que le Roy d'Angleterre enuoye au Roy de France, & la responce sur iceluy. Et comment estants les deux Roys en terme de liurer bataille l'un a l'autre. Madame Jehenne de Vallois trouua practique de moyenner vne trefue d'un an entre culx. Folio 267.a

Chap. 160. Comment le Conte Louys retourna, vers Gand, & voyāt le peu d'obeissance que luy prestoyēt ceulx de Flandre, se retirā de recief en France: des seditions intestines de ceulx

de Gand, de la mort de Iaques d'Arteuelde, lequel auoit mis secretemēt en son logis cinc cēts Anglois pour contraindre les gens de bien de recevoir pour leur gouuerneur le fils du Roy d'Angleterre, avec plusieurs autres choses memorables. 269.b

Chapit. 161. Comment le Conte Lonys aduertī de la mort du Iaques d'Arteuelde, retourna iteratiuement vers Flandre. De la prinse de Tenremonde & autres villes par les Ganthois, & de la memorable bataille de Cressy, ou ledict Conte Louys finā ses jours, en combatant vertueusement. 271.b

Chap. 162. De l'aduouēmēt de Louys, dict de Male, ala Contē de Flandre, & comment ledict Louys fut le premier qui en Flandre forgeā monnoye d'or, avec autres particularitez, fol. 273.a

Chap. 163. Comment le Roy d'Angleterre aduertī de l'alliāce que le Roy de France practiquoit entre le Cōte Louys de Flandre & Madame Marguerite de Brabant, vint en diligence vers Gand, pour empeschē le susdict mariage, & moyenner cestuy de sa fille avec ledict Conte Louys, nonobstant quoy ledict Conte Louys se maria avec ladictē de Brabant, de plusieurs rencōtres & deffaictes que les François & Flamens s'entre-donnent, de la prinse de Calaix, & d'autres choses memorables. 273.b

Chap. 164. Comment le Conte Louys apres la trefue accordēe entre France, & Angleterre, retourna en ses pays de Flandre: du grand deuoir auquel il se mist pour reduire ses subjects sous son obeissance, de la reuolte, & deffaicte des tisserans en la ville de Gand, du traictē de paix

L'INDEX

- paix entre ledict Conte Louys, & le Roy d'Angleterre avec autres choses memorables. 275. b
- Chap. 165. Des nouueaux debats & appointement diceux entre Flandre & Brabant, & comment le Conte Louys apres le trespas du Duc Jean de Brabant se sayfit de la ville de Malines, de la guerre entre Flādre & Brabant, des villes que le Conte de Flādre gaignit audit Brabant, du traicté du paix entre lesdicts pays, ensemble comment le Conte Louys s'attribulā tousiours d'icy en auant, Duc de Brabant. 277. a
- Chap. 166. Des debats de ceux d'Anuers contre Malines, & comment le Conte Louys contraindit lesdicts d'Anuers d'eux submettre, touchāt iceux a son ordonnance, de la bonne tranquillité du pays de Flandre, de l'erection de l'audience audit Flādre, & de la merueilleuse magnanimité de Melsiere Oliuier du Steeland, lequel porte seulement de ses parents, menā guerre, & reduict a sa volonte ceux de Tournay. folio 279. a
- Chap. 167. Du trespas du Duc Philippe de Bourgoingne, dict le Petit Duc, premier mary de Madame Marguerite de Flandre, & commēt les Roys de France & d'Angleterre firent chascun deux respectiuement extremes deuoirs, pour allier ladite Dame Marguerite avec leurs fils, & comment elle fut finablement accordée au Duc Philippe de Bourgoingne frere du Roy Charles de France. 281. a
- Chapitre 168. Dn memorable traicté de mariage fait en la ville de Gand, entre Madame Marguerite de Flandre, & Philippe, dict le Hardy Duo de Bourgoingne, & des triumphes qu'a raison dudit mariage se firent en la ville de Gand. Folio 282. b
- Chapitre 169. De l'estendue, diuision, & subdiuision de Flandre, du nombre des villes closes, & priuileges qu'il y a audit pays: des forteresses, riuieres, & aultres choses memorables de la dicte prouince. Folio 283. b
- Chapitre 170. Comment, & par qu'els mots, le Conte de Flandre souloit releuer du Roy de France sa Conté, & Parrye de Flandre, ensemble des chambres Legale, & des Reuenges, avecq aultres choses memorables de Flandre. Folio 285. a
- Chap. 171. Comment, & par qu'els mots le Conte releuoit de l'Empereur sa Seignourye de Flandre, ensemble par qu'els mots, il se fait receuoir audit Flādre. Folio 291. b
- Chapitre 172. De l'estat Ecclesiastique de Flandre, des Cloistres, Abbayes & Eglises qu'il y a audit pays fol. 292. b
- Chap. 173. Du second estat de Flandre, qui est des Nobles, ou se traictē des cours Feodales, offices heritables, & autres choses memorables. 293. b
- Chapir. 174. Du tiers estat, qui est des Loix des villes & Chastelenyes de Flandre, tant Gallicant que Flamengant. 293. b
- Chapitre. 175. Comment au pays de Flandre & autres circonuoyfins le peuple espris d'une frayeur, dont on ne scauoit l'occasion, courroit hors des maisons vagabonde par my le pays, lequel neantmoings peu

L'INDICE.

- peu après retourna chez soy paisible
 ment, ensemble d'une merueilleu-
 se peste qui occupa toute la Chre-
 stienté, de la cause d'icelle, & d'une
 estrange sorte de penitence, que au-
 cuns de Hongrye excogiterét, & la-
 quelle fut defendue, & reprouée,
 par le Saint siege Apostolique, fo-
 lio 297. b
 Chap. 176. Des naissance & baptême
 du Duc Lehan de Bourgoingne, de-
 puis Conte de Flandre, de l'institu-
 tion du souverain Bally en Flandre,
 ensemble, comment ceux de Gand
 rebellèrent, au moyen de l'accord,
 que le Conte Louys auoit fait a
 ceux de Bruges, de pouuoir fouir
 vn certain canal: de la defaictte des-
 dictes de Gand par lesdictes de Bru-
 ges, & de l'appasement desdictes se-
 ditions. 298. b
 Chap. 177. De l'iteratiue rebellon de
 ceux de Gand, de la defaictte d'iceux
 en plusieurs lieux, ensemble d'aucu-
 nes victoires par eux obtenues, &
 comment le Duc Albert de Bauiere
 persuada au Conte Louys de soy re-
 tirer vers Bruges, sous espoir que
 lesdictes de Gand se rengeroient en
 fin a la raison. 300. b
 Chap. 178. Comment ceux de Gand
 créèrent pour leur gouuerneur, &
 capitaine general Philippe d'Arte-
 uelde. Du stratageme dont il vſa
 pour ſurprendre en la ville de Bru-
 ges le Conte Louys. Et comēt ledit
 Conte Louys impetra ſecours du
 Roy de France, lequel vint en person-
 ne vers Flandre, & de la memorable
 defaictte desdictes de Gand pres Roof-
 beke. 302. a
 Chap. 179. Comment ceux de Gand
 portez par plusieurs Anglois que le
 Roy d'Angleterre auoit enuoyé en
 leur ſecours deſirent pres Dunker-
 ke les nobles & autres de Furnam-
 bocht, Bergambocht, & du Frac qui
 tenoyent le party du Conte Louys.
 Du ſiege qu'ils mirent deuant Ypre,
 & comment le Roy de France deſ-
 cendit a puiffance au ſecours du Co-
 te Louys, & reduit ſous l'obſſan-
 ce d'iceluy tout le Westquartier, en-
 ſemble du trespas dudit Conte Lo-
 uys. 304. a
 Chap. 180. De l'aduenement de Madā-
 nie Marguerite a la Conté de Flan-
 dre, & pourquoy le Duc Philippe de
 Bourgoingne ſon mary fut appellé
 le Hardy, ensemble d'autres priuile-
 ges par eux donnez aux villes de
 Flandre. 305. b
 Chap. 181. Cōment le Seigneur d'Ef-
 cornay, reprint ſur ceux de Gand la
 ville d'Audenarde, & des tumultes
 qu'a raiſon de ce naquirent audict
 Gand. Des alliances que le Duc Phi-
 lippe practiqua avec le Duc Albert
 Mambour d'Hainault, & Zelande,
 pour empescher les victuailles a
 ceux de Gand, de la prinſe du Dam
 par lesdictes de Gand, & comment le
 Roy de France retourna en Flandre,
 & reprint ledict Dam, avec autres
 ſingularitez. 307. b
 Chap. 182. Des grāds deuoirs des Duc
 Philippe & Madame Marguerite
 ſa femme pour par voye amiable re-
 duire ceux de Gand a leur obſſan-
 ce, de la journée auſdictes fins aſſi-
 gnée a Tournay. De la grande obſti-
 nation & ruſticie des ambassadeurs
 dudit Gand en ladictte journée, &
 comment au moyen de l'humilité
 des Princeſſes de Flandre, Brabant,
 & Neuers, qui a genoux crercedē
 arēt pour lesdictes de Gand, ledict
 Duc Philippe les receut en grace &
 *** mise-

L'INDEX.

- misericorde. 308.b
- Chap. 183. Comment le Duc Philippe fit edifier en Flandre plusieurs chasteaux & fortereſſes, pour obuier aux frequentes ſeditions de ceux de Flandre, du debat que naſquit en France entre ledict Duc & ceſtuy d'Orleans pour le ſaiſt du gouvernement, du retour dudit Duc Philippe vers Flandre pour eſtraindre les ſeditions, qui deſja commençoient, & d'autres choſes ſingulieres. fol. 311.b
- Chap. 184. De l'expedition du Conte Jean de Neuers contre les Turcs en Hongrie, & cōment il combatit indifcrettement. Du partage que le Duc Philippe & Madame Marguerite firent a leurs enfans, des decēs deſdicts Duc & Duchefſe, & d'autres particularitez. 313.b
- Chap. 185. De l'aduenement du Duc Jean de Bourgoigne a la Contē de Flandre, & comment il fit edifier le petit chasteil de l'Eſcluſe, pour tenir ouuert le paſſaige du Zvvyn, & pour reſiſter ou grand chasteau dudit l'Eſcluſe, que lors eſtoit gardē par les François, enſemble d'aucuns priuileges qu'il accordā a ceux de Flandre. 314.b
- Chapitre. 186. Des deſgats que les Anglois au cōmencement du regne du Duc Iehan firent en Caſant, & des requeſtes que les quatre membres de Flandre firent audict Duc Iehan, & comment ledict Duc preuoyant que ceux de Bruges tendoyent a aucunes nouuelitez, les anticipā, & changeā le gouvernement d'icelle ville. 315.b
- Chap. 187. Comment le Duc Iehan ſit occire en la ville de Paris le Duc d'Orleans, & des moyens qu'il ſe propoſer deuant le Roy & autres Princes de France pour la juſtification, touchant la mort dudit d'Orleans, qui luy fut pardonnēe par ledict Roy de France, & de la belle victoire qu'en faueur de Iehan Eueſque de Liege il euſt contre les Liegeois, que il contraindict venir ſoubs l'obeiſſance dudit Eueſque, avec autres particularitez, fol. 317.a
- Chap. 188. Des ordonnances du Duc Iehan ſur le ſaiſt de la chambre de conſeil en Flandre, & comment il vint a merueilleuſe puiſſance vers Paris : de la paix que fut faicte a la journée de Chartres, entre luy & les enfans du feu Duc d'Orleans, & comment depuis ladiſte paix les principaux de France firent nouuelles alliances contre ledict Duc Iehan, avec autres ſingularitez, folio 320.a
- Chapitre 189. De la grand puiſſance que le Duc Iehan aſſemblā pour mettre fin aux querelles de France, & comment il fut deſſinē des Flamens qu'il auoit menē avec luy, non obſtant quoy continuā ſon chemin, & vint a Paris, ou luy ſurremis le gouvernement du Roialme, de l'alliance que ceux d'Orleans & autres firent avec les Anglois, & comment la ville de Bourges fut aſſiegēe & prinſe, de la continuation des debats entre ledict Duc Iehan en ceux d'Orleans, & comment il fut finalement meurdry en preſence du Dauphin. 322.a
- Chapitre 190. De l'aduenement du Bon Duc Philippe au gouvernement de Flandre, comment il fut trois ſols.

Foys marté, & d'aucuns privilèges
qu'il donna aux villes de Flandre,
folio 324.a

Chapitre 191. De l'alliance que le bon
Duc Philippe fit avec les Anglois
pour se venger du meurtre du feu
Duc Jehan & des grandes calamitez
que par ce moyen aduindrent au ro-
yaume de France, des rebellions de
ceux de Cassel & de Gand, & com-
ment le bon Duc Philippe, meu de
compulsion, fut content d'entendre
au fait de paix avec le Royaume de
France. 325.a

Chap. 192. De la merueilleuse assem-
blée qui se tint en la ville d'Arras,
& du memorable traité de paix
que illec se conclut, entre le bon
Duc Philippe, & le Roy de France.
fol. 326.b

Chapitre 193. Comment le bon Duc
Philippe mist son siege deuant Ca-
laix, du mauuais tour que les Fla-
mens luy firent, l'abandonnant
audiect siege, de la rebellion de
ceux de Bruges, & de l'insolence
par eulx faicte a l'endroict de la
Duchesse Ysabeau, & Monsieur
de Charrolois son fils, avecq plu-
sieurs aultres particularitez. Folio
328.b

Chap. 194. Comment ceux de Gand
occisrent leur grand Doyen, pour
ce qu'il les auoit induict deaban-
donner le bon Duc Philippe au sie-
ge de Calaix, de l'iterative rebel-
lion de ceux de Bruges, & du grand
dangier, auquel se trouua le bon
Ducq Philippe audiect Bruges a-
uecq aultres particularitez. Fo-
lio 330.b

Chap. 195. Comment ceux de Gand

se misrent en armes, & prindrent
pour leur capiteine Ouradene, le-
quel fut confirmé audiect estat, par
le bon Duc Philippe: de la com-
munication desdicts de Gand avec
ceux de Bruges, pour entendre au
prouffit du pays, de la discord des-
dicts de Gand, & de Bruges, &
comment iceux de Bruges enuoyè-
rent vers le bō Duc Philippe pour
pardon, qu'ils obtiendrent, moy-
ennant aucunes conditions. Fo-
lio 332.a

Chap. 196. Comment ceux de Gand
se rebellèrent contre le bon Duc
Philippe, de la deffaicte d'iceux pres
Gauere, ensemble du traité dudiect
Gauere, par lequel l'autorité de
ceux de Gand fut grandement di-
minué. 333.b

Chapitre 197. Comment le Daul-
phin, & Viennois estant en male
grace du Roy de France son pere se
retirā vers le bon Duc Philippe, le-
quel le reçeut & traitā humaine-
ment, du mescontentement, que
ledict Roy de France eust a moyen
de ce contre le susdict bon Duc Phi-
lippe, & de la guerre & victoire que
Mōsieur de Charrolois obtint sur le
Roy de France, ensemble du traité
de Conflans. 335.a


Chap. 198. De l'aduenement du Duc
Charles de Bourgoigne au gou-
uernement de Flandre, de la com-
motion des folz de Saint Lieuen a
Gand, & comment ledit Duc Char-
les mit sus vne grosse armée contre
le Roy de France: du traité de paix
entre eux accordé en la ville de Pe-
ronne, & comment ledict Duc
Charles, moyennant aucunes condi-

L'INDICE.

tions, reprises en ce chapitre, re-
ceult lesdicts de Gand en grace, fo-
lio 337.a
Chapitre 199. De la guerre qui se re-
nouuella entre les Roys de France,
& Duc de Bourgoingne, des trefues
entre eux accordées, & souuent

prolongués : du siege que ledict
Duc mit deuant Nancy, & com-
ment iceluy Duc mourut deuant le-
dict Nancy, en vne bataille quil eust
contre le Duc de Lorraine, & les
Suysses. 339.a

FIN DE LA TABLE.



ERRATA.

Fol. 6. b. linea. 16. prescience. fo. 7. b. 29. enuoyé. fol. 11. a. 10. l'expo
 ser. fo. 12. a. 13. n'ignoroit. 37. s'estoit. fo. 14. b. 25. pour l'effect.
 fo. 15. a. 9. d'iceluy. fo. 16. a. 36. esté possible. fo. 18. b. 29. la lacheté.
 fo. 19. a. 14. s'il se laisse. 38. son ennemy. fo. 24. b. 34. lyen fo. 27. b. 26.
 beaucoup moins fo. 31. b. 27. es aduersitez. fo. 38. b. 21. sy ce n'est. fo.
 39. a. 35. mais lors. 30. aduantaige. fo. 40. b. 6. & quant & quant 32.
 deuant les yeux. fo. 41. a. 5. bien souuent. fol. 49. a. 31. *expositor*. fo. 50. a.
 6. puissance. fo. 53. a. 16. ostant. fo. 57. b. 15. que. fol. 60. a. 26. *corpore*.
 fol. eod. b. 24. sembl' aux. 24. laide. fo. eod. b. 6. depuis Due. fo. 67. b.
 3. de pretendre. fo. 68. a. 10. plustost estre. 13. la raison 38. Saint Pier
 re. fo. 69. b. 34. puissants quels. fo. 74. b. 24. *regibus orat*. fol. 81. b.
 34. en riens ne cedit. fo. 82. b. 1. suuant l'ordonnance. fol. 84. a. 26.
presentis tempora. fo. 88. a. 9. chambres legale. 17. qu'elles, qu'elles so
 yent. fo. 90. b. 10. prient Dieu. 21. breuis. fol. 92. a. 34. ceinct estroi
 ctement. fo. eod. in marg les biens de Robert. fol. 93. a. 19. tels Seig
 neurs. fo. 97. b. 37. quasi ouy tonner. fo. 118. in marg. a l'adjournemēt
 fol. eod. in marg. adjournement sur. fol. 119. b. 26. nul des assistants.
 fo. 120. a. 23. les fils fo. 122. a. 5. conuoirse. fo. 128. a. 13. tost apres. fo.
 131. b. 32. qu'il auoit. fo. 132. b. 13. Ayant dessous la façon. fo. 135. a.
 23. at appelez. fo. 136. a. 4. Vingt & trois ans. fo. eod. b. 11. *aliorum*
qui. fo. 140. a. 2. auquel. fo. 141. a. 34. ne voyant. fo. 142. b. vlt. tresdigne.
 fo. 150. a. 35. parle in icelles. fo. 152. a. 6. sur Bailleul. fo. 153. a. 37.
 mal disposé. fo. 154. a. 13. *Vetericastro*. fo. 159. b. 20. & condescēdre.
 fo. 160. b. 22. est continuellement. fo. 161. b. 14. que ce que les. 18. Or
 reprendant. fo. 165. b. 5. qu'il n'auoit. fo. 166. a. 2. fidelité que desjà.
 fo. 173. b. 17. inuincible & fécē. fo. 182. a. 4. en bonne. fo. 193. b. 32. e
 stoit bien. fo. 196. a. 5 puis quand. fo. 197. a. 16. m'inclinant. fo. 199. b.
 19. que deuint. fo. 201. a. 30. mais sy l'un est forain, & l'autre est frāc
 hoste, ceux du franc en. cognoistront, & sy l'ung est forain, & l'autre
 est bourgeois, &c. fo. 202. b. 11. hors toutes. fo. 203. a. 9. en grandes.
 30. qu'il debuoit. fo. 204. a. 29. forcer. fol. 208. a. 17. vn hief. fo. 209. a.
 3. en la Ville. fo. 211. b. 7. faire loy. fo. 215. a. 12. me contentant. fol.
 eod. b. 19. des dessus. f. 216. a. 21. a serment. fo. 220. b. 10. ce que par.
 fo. 226. a. 3. mesme année. fo. 227. a. 3. Vous ne prengniez. fo. eod. b.
 12. au long de. fo. eod. b. 28. la mort. fo. 231. a. 1. il seroit. 24. que sy a
 uant. fo. 232. a. 9. Douay pres le mont en Peuele. 11. comme auez. fo.
 eod. b. 22. au domaine. fo. 234. a. 3. Vñ en soy. fo. 237. a. 34. trouuā fa
 çon par. fo. 238. b. 20. esclissement. fo. 239. b. 9. qui pis est. fo. 240. b.
 20. nulle personne. fo. 241. b. 32. trefues accordées. fo. 242. a. 19. em
 poisonner. fo. 243. b. 8. & sy auant. fo. 244. a. 37. le tort que. fol. eod. b.
 22. prendre riuage. fo. 246. b. 12. par l'entrepier du Roy de Fran
 ce. 20. se meut iteratiuement. fo. 248. b. 28. la nature. fol. 249. a. 4. le

*** iij.

quel

quel priuè. fo. eod. b. 30. en ceuz lesquels en. fo. 252. a. 25. de Nou-
 bre. fo. 253. a. 21. se recontrèrent. fo. 254. b. 1. a pardonoit tout ce. fo.
 255. b. 37. ly auant. fo. 257. b. 11. trefeuident. fo. 259. b. vlt. dnrant les
 fo. 261. b. 20. les fruiçs &. fo. 263. b. 34. fussent neutres. fo. 266. a. 33.
 de la part. vlt. faisant singler. fo. 267. a. 33. cholere. fo. 299. a. 8. estoit
 vers eulz. fo. eod. b. 5. & fut le ces. fo. 273. a. 9. de l'aduencement
 fo. 281. a. 14. ne venoyent. 31. Roys de France. fol. eod. b. 37. mefmer
 ment. fo. 272. b. 29. de Pouckes. fo. 283. b. 33. soy extendant. folio
 284. a. 13. Tenremonde. fol. 32. d'udict empire. les. folio. eod. b. 7.
 Menin. folio. 285. b. 12. a la sermonce. 14. haulteur d'iceluy. 24. re-
 nenghes. 25. haults reneurs. fol. 286. a. 19. si conuicti. 21. le conte
 fait. folio. eod. b. 6. coustumes & vsaiges. folio. 288. b. vltim. sur-
 uenoyent. folio. 291. b. 7. se releuoit. 24. entrèe loger. folio. 297. b.
 9. & laquelle fut. 8. vau de route. 20. mefme suyte. fo. 303. b. 26. & la
 diffiçulté qu'il y a. folio. 304. b. 34. dame de miracle. fo. 308. a. 17. ce
 qu'on luy. 27. en seç courtes. fo. eod. b. 17. Royaulme de France. fol.
 309. a. 30. obstinez. fo. eod. b. 19. me constrainçt. fo. 312. b. 10. nulle
 autre. fo. 313. a. 10. trouffer. fo. 314. b. 25. lez Dijon. fo. 315. a. 20. que
 autres fois. fo. 318. b. 21. dict. & ordonnance. fo. 319. a. 18. que les bā
 nieres. fo. 321. a. 25. de Chartres. fo. eod. b. 21. qu'il desiroit. 32. effe-
 ctuellement. fo. 323. a. 13. d'udict Bourges. fo. 324. b. 26. indenē-
 ment vlt. fo. 326. a. 24. addoucir. fo. eod. b. 4. en fin deliurée. fo. 327.
 a. 8. maistre des comptes. 16. inclinée. & aduança. fo. eod. b. 7. abandō
 nerá. 328. b. 9. que le Roy renoncera. 21. ambedeux. bien ieçnes en
 aduancement. fo. 330. a. 29. nestoyent partis. fo. eod. b. 17. fauoriser
 ledict duc. fo. 333. b. 25. ce pendant. fo. 334. a. 19. lequel suyuant ce.
 25. ville sans prendre. fo. 335. b. 22. l'honneur & en. 19. que ce que
 dessus.



Imprimé en Anuers par Ie-
han VVithage, aux des-
pens & des Caracteres
de Christoffe Plantin,
L'an. M. D. LXXI.





DV COMENCEMENT ET AVTRES CHOSES MEMO- RABLES DE FLANDRE.

Du commencement & æthimologie, comprinse & aultres choses memorables de Flandre.

CHAPITRE PREMIER.



E quartier de pais, que nous appellons Flandre, est vne partie de la Gaule que Cæsar en ses cōmentaires nomme Belgi que: Laquelle je trouue auoir esté anciennement subiecte aux Roys des Belgues, lesquelz souloyēt tenir leur residēce ordinaire a Bauuais en Haynault, jusques

Description de Flandre.

au tēps de Flamineus & Flandbertus, q̄ Andromedes Roy des Belgues estant par Cayus legat de Iulius Cæsar, assiegé audiēt Bauuais & grandemēt pressé, constraignit avec grande multitude de femmes, enfans & aultres gens inutiles a la guerre, partir de la dicte ville. Et lesquelz se retireront au pais des Menapiens soubz la juridictiō des Moriniens, ou ilz feirent vn nouveau Belgue, que nous disons aujourd'huy Belle ou Bailleul. Et habiterēt eulx & leurs suceffeurs bien longue espace de tiemps audiēt pais. Lequel, de Flādbertus print nom de Flandre, & les habitants d'iceluy de Flamineus furent dictz & appelez Flamens. Et ores que aulcunshistoriens ayent tasché de soustenir & nous persuader, que lediēt nom de Flandre soit descendu d'une certaine Flandrine, quilz maintiengnēt auoir esté femme au second Lyderic, & que aultres estiment les Flamens auoir prins l'origine de leur appellation de la cruaulté & inhumanité de Phinaert, Prince de Bucq, lequel a raison de ses larrechins, meurtres, & pilleries auroit esté surnommé *Vla-minck*, qu'est vne diction composée de *Vlan ende mincken*, Je ne puis toutesfois que jo n'adhère a ma susdicte premie-

Flamineus & Flandbertus edifiēt Bailleul.

Æthimologie de Flandre & des Flamens.

Diversité d'opinions touchāt l'æthimologie de Flandre.

A

re o-

re opinion entant mesmes, que ceulx lesquels aulcunement seront verséz en la lecture des Chroniques Françoises, trouueront que long temps, auant que fut memoire ny de Phinaert, ny de Flandrine, est plusieurs fois ausdictes histoires faicte mention des pais & nom de Flandre : comme notamment appert par le partage faict entre les quatre enfans de Clouis premier Roy Chrestien de France, auquel se voit que Flandre, soubz mesme nom, fust appliquée au Royaulme de Soisson. Et partant ceulx, ausquelz la deriuation du nom de Flandre, telle que dessus, n'aura donné appaisement suffisant, se pourront avec trop meilleur fondement contenter, de l'æthymologie proposée par le Chronicqueur d'Oudenbouch, lequel tesmoigne *Flandriam à flatu ex fluctibus ita nuncupatam*. Il en a aussi, & entre autres: *Strabo Cappadocius de situ Orbis, libro quarto*, qui affirment Flandre auoir auparauant esté appelée *Menapia*, & le peuple d'icelle, *Menapiens*, d'un Prince de Theerenburch nommé *Menapos*: ou (a raison du froid) de *menas menatos*, qui (selon Hugacio) signifie vn double vestement. Ou bien des Menades prebstres du dieu Bacchus, lequel en ce quartier plus qu'en tout aultre, estoit en singuliere honueur, estime, & recommandation. Quant a la grandeur & estendue dudit pais & contrée de Flandre, tant en son commencement & durant le gouuernement des forestiers, qu'au temps del'inféodation d'iceluy pais a la couronne de France, je treuve de diuers auteurs diuerses & contraires opinions. Pour aultant que aucuns & signamment Lambertus Onulphi (en son volume qu'il intitule *Floridus Lamberti*) dist & affirme, que Flandre anchienement estoit assemblée de dix Contez. Sicomme de Theerenburch, Arras, Boulongne, Guisnes, Saint Paul, Hesdin, Blandimont, Bruges, Harlebecque & Tournay. Auquel Tournay toutesfois ledict auteur me semble s'auoir grandement oublié, par ce que toutz aultres historiens maintiennent, qu'elle n'a jamais esté tenue pour Flandre, trop bien le demeurant, qui pour le moins a esté du re-

Flandre anciennement s'appelloit Menapia.

Menades prebstres du Dieu Bacchus.

Diuersité d'opinions touchant la grandeur & estendue de Flandre.

du resort dudiect Flandre, & pareillement Arkes & Valkenberghe. D'autre part, il semble par le contenu aux chronicques de France, que mesmes au temps de l'Empereur Charlemaigne ladiect Flandre estoit bien peu de chose, & que cestuy, auquel le don premier en auroit este fait, se seroit a raison de ce par forme de moquerie & mespris fait appeller forestier dudiect quartier. A quoy neantmoins, je ne puis aucunement condescendre, & d'autant moins que clerement & a veüe d'oeil le contraire se manifeste par les raisons subsequentes. Premiers que ne conuient doubter, que des le temps que lediect Gayus legat de Iulius Cesar vient pardeça: ce quartier de pais ne fust grandement frequente, tant a raison de la commodité de la mer, que pour la multitude des riuieres qui y sont. Oultre, que Iulius Cesar, aux commentaires qu'il a escript, fait en plus d'un passage iterée mention de Tournay, Arras, Therouenne, Boulongne, & de plusieurs aultres villes, encores que ce soit soubz aultres noms, & lesquelz elles n'ont de present. Ioinct qu'est chose certaine & notoire, que auparauint le temps dudiect Charles le Grand, y auoit sur la riuere de l'Escault entre Tournay & Gand vn viel chasteau appelle *Brachantum*, & si auiez sur le Lys, Aire, Lisle & Harlebecque. D'auantaige en la ville de Gand y auoit deux chasteaulx merueilleusement anchiens, l'un sur ladiect riuere du Lys, nomme *Ganda*, & l'autre sur l'Escault, appelle *Blandinium*, auquel ceulx dudiect Gand adoroient l'idole du dieu Mercure: & lesquelz deux chasteaulx, ou du moins lediect *Ganda*, furent l'an deuant la natiuite de nostre Seigneur xlvij. edifiez par lediect Gayus, tant pour y pouoir hyuerner, que affin de plus commodieusement guerroyer & subiuguer les Royaulmes d'Angleterre & aultres circonuoisins. En oultre, Monsieur Sainct Amand peu apres l'an six centz & quatre, auoit par sa predication conuertie a la sainte foy Catholique le peuple de Gand, & aultres dudiect pais, apres auoir destruit leur temples, & abolly leurs ydolles. Il auoit semblablement

Opinion d'aucuns touchant la deduction du mot de forestier.

La susdicte opinion debatee & reiectee.

Brachantum.

Ganda & Blandinium, chasteaulx.

Gayus edifie le chasteau de Gand.

Sainct Amand conuertit le peuple de Gand.

Oudenburch,
& Rodébouch
en Flandre.

Thoroult.
Saint Hauon.

Sithin, mainte-
nant Saint O-
mer.
Saint Bertin.

enuiron ce temps, fondé en l'eglise de Tronchiennes plu-
sieurs chanoines, & commence l'edification du cloistre de
saint Bauon. Vous auiez aussi sur les costés de la mer, deux
grandes & puissantes villes & fort renommées par le moyé
de la marchandise, qui si contractoit, Oudenburch & Ro-
denburch, que nous nommons maintenât Ardenburch:
& lesquelles, apres auoir des l'an quatre centz cinquante
deux par Attila Roy des Hunes, esté destruiétes & ruinées,
furent apres par succession de temps refaictes & magnific-
quement restablies. Thoroult estoit lors pareillement bon-
ne ville, de laquelle monsieur saint Bauon estant en son
liect mortel enuoya querir vn prebstre pour luy recomman-
der aucunes choses. Finablement Sithin, qu'on appella
maintenant, saint Omer, n'estoit ville pour mespriser en
laquelle monsieur saint Bertin des l'an six centz quaran-
te six, auoit fondé vn bel & ample monastere. Dont suf-
fissamment se descouure le tort de ceulx qui disent que au
temps dudiect Empereur Charlemaigne, lediect quartier de
Flandre estoit enhabité & de petite valeur. Et combié que
pour pallier leur abuz, ilz puissent pretexter la ruyne, pille-
rie & destruction, que les Hunes, Goths, VVandalois & au-
tres nations estranges & barbares auoyent, long temps au-
parauant, & depuis continuellement jusques au temps du-
dict Charles le Grand, moyenné audiect pays, & que
pour ce respect, il estoit inhabité: si est ce que les susdictes
commoditez des mer & riuieres, cessant l'obstacle desdi-
ctes nations estranges, ne pouoyent estre ostées ny dimi-
nuées: & par tant ceste seule cōsideracion les debuoit em-
pescher d'auoir par leurs escripts lediect pais de Flandre en
tant petite estime & reputation. Au reste (pour retourner
sur nos erres) je treuue en mon aduis impossible, d'escrire
touchant l'estendue ancienne dudiect Flandre, chose sur la-
quelle on doibue, ou puisse asseoir arresté jugement. Le
tout obstant les annexions & esclissementz de plusieurs ter-
res & seigneuries que souuentefois, & en diuers temps, ont
esté faictz audiect pais, & ce conformement a la differente
qualité des occurrences. Il suffira doncq de sommieremēt
dècla-

declarer que Flandre quasi de tout temps a esté par le mo-
 yen de la riuere du Lys en deux parties diuísée : Et que
 tout ce qu'est deçà la Lys, du costé de Noort, se nomme
 Flandre Flamengant, a raison du langage qu'on parle illec :
 Et ce que depuis Menin vers le Zúút est de la le Lys, s'ap-
 pelle Flandre Gallicant, pour ce qu'on y vse de la langue
 VVallee ou Françoisé. Toutefois ne conuient obmettre
 que ledict quartier recoit encores vne aultre diuision, si cō-
 me entre ce que souloit estre soubz la couronne de France,
 appellé ordinairement Conté, & ce que gisoit soubz l'Em-
 pire qu'on disoit ou nommoit, Seigneurie de Flandre, mes-
 mes que la riuere de Lescault seruoit de separation ausdi-
 ctes deux parties, & que a raison de chascune d'icelles res-
 pectiuement, le chief ou gouuerneur dudit Flandre, en
 estoit appellé ou Conte ou seigneur. A quoy neantmoins je
 n'entens beaucoup m'arrester pour le present, d'aultat que
 ay delibéré d'en faire vn discours plus particulier en son
 temps & lieu : ensemble des notables preeminences que a
 le dict Conte en son país, de la qualité des estatz d'iceluy
 tant ecclesiastiques que seculiers, de la quantité & mag-
 nificence des villes, bourgades, villetes, chasteaulx & pla-
 ces plus grandes (selon sa comprinse) en ce quartier, que en
 toutz aultres de l'Europe vniuerselle : pareillement de la po-
 lice dudit país, & des grandz traficques qui si font, avecqz
 aultres particularitez non moins admirables, que plaisan-
 tes & delectables, comme de faict pourra cognoistre tout
 bon lecteur, par la continuation de ceste histoire, & aulx
 chapitres a ce destinez. Ce pendant pour oster toute occa-
 sion de plainte aulx plus curieus & gentilz espritz, me sem-
 ble que ne sera impertinent, ny hors propos, de brieuement
 (auant passer plus oultre en nostre pouriecté discours) reci-
 ter que deuindrent apres leur reuoy & transmigracion
 lesdicts Flamineus & Flandbertus, avecq le demeurant de
 leur populaire & sequelle, & a qui ilz furent subiectz. Au-
 quel endroict, combien que je ne treuve, a raison du laps de
 temps depuis encourú, chose certaine & asseurée, si est ce
 que luyz cōrent de m'incliner du tout a l'opinion de ceulx

Diuision de
Flandre.

Flandre Fla-
mengant.

Flandre Galli-
cant.

Aultre diuision
de Flandre.

Flandreus &
Flanbertus fcs
alliance avec
Gayus Cesar,

Flandre sous
le pouoir des
Romains.

Flandre sous
les Francois.

Comencement
de Lille, & Har
lebecque.

Defect de Flad
bertus, jusques
a Phinaert,

qui affirment lesdicts Flaminous & Flanbertus auoir peu
apres en consideration de l'heur & puissance Romaine
(soubz le pouoir de laquelle estoit pour lors reduite la plus
saine partie de la Gaule Belgicque) faict & contraiete ami-
tie & alliance avec ledict Gayus, legat de Iulius Cesar, &
que moyennant ce, a layde & par l'autorite dudit Gayus,
iceluy Flanbertus auroit este faict, constitue, & estably
Prince dudit Theerenburch, & gouverneur de la contree
de Flandre. Laquelle depuis ledict temps auroit successiue-
ment tousiours este soubz l'empire & jurisdiction des Ro-
mains, jusques en l'an quatre centz quarante ou enuiron,
que parla magnanimité & prouesse de Clodio Roy de Frâ-
ce, premier de ce nom ledict Flandre fust distraict de l'o-
beissance desdictz Romains, & reduict soubz celle des Fran-
çois, soubz laquelle elle a depuis quasi de tout temps de-
meuré. Et quant audit Flanbertus il gouverna bonne e-
space par le moyen que dessus, ledict pais de Flandre, si fut
celuy qui feit commencer la ville de Lille, & edifia le cha-
steau d'Harlebecque: toutesfois l'on ne scait combien de
temps il obtenit ledict gouuernement. Trop bien disent
aucuns historiens, que de luy vint vn Philibertus, le quel
gouvernoit le susdict pais au teps que le Roy Clouis receut
la foy Catholique: & que audit Philibertus succeda Gon-
degorius, a luy Philibertus le deuzieme (soubz lequel Flan-
dre fut conuertie a la sainte Foy). Et que d'iceluy vint
Phinaert (duquel cy apres nous ferons plus ample men-
tion) toutz lesquelz furent successiuelement gouverneurs de
Theerenburch, princes de Bucq, & contes d'Harlebecque.
Mais des enterrement a des & maniere de gouuernement
d'iceulx je n'estime auoir rien veu par escript, ny mesmes
de leurs femmes, jusques au temps de Lyderic premier de
ce nom, lequel occist en combat singulier ledict Phinaert,
& puis apres obtint de Clotaire Roy de France avec la
confiscation des biens dudit Phinaert, l'estat de forestier
de Flandre, comme plus a plain cognoistres par le contenu
aux chapistres subsequents.

Quand

Quand en la predication de par Flandres reçut la Foy Catholique & aucunes eglises qui au commencement furent illec fondées.

CHAPITRE II.

DE souverain monarque, tous puissat Seigneur, & vnicque createur de toutes choses nostre bon Dieu, & de bonnaire redempteur, ayant pitie & cōpassion de son peuple de Flandre, le quel jusques a lors egare du droict chemin, avoit tousiours veſcu en toute impietē & ydolatrie, suscitā depuis l'an de la restauration humaine six centz, jusques en l'an six centz quarāte inclusivemēt, plusieurs saintz, deuors & dignes personnages, pour par iceulx cōuertir ledict peuple a sa sainte foy, & le mettre au chemin de salut. Entre lesquelz Monsieur saint Eloy fut le premier qui vint pour l'effect que dessus audict pais, & descēdeit en vn lieu appelle Brugstoc, gisant entre Oudenbouch & Rodenbouch, ou il s'appliquā a plusieurs & diuerses predications, & aultres debuoirs avec tel succēs & felicite, q̄ moyennāt l'ayde singuliere & pieuse misericorde de Dieu, tout le peuple de ladite contrēe, fut en bien briefue espace cōuertī. Lequel ausi peu apres a l'instāce & persuasiō dudit saint Eloy, cōmēça audict lieu (auquel la tant fameuse ville de Bruges a este depuis edifice) l'eglise saint Saulueur, qu'o voit encōres aujourd'huy audict Bruges en notable amplitude & magnificence. En signe de quoy mesmes pour recognoissancē d'un bien tant excellent, receu par le moyen dudit saint Eloy: lesdictz de Bruges l'ont tousiours depuis eu (comme encōres ilz font) en singulier honneur, & reuerence, le tonāt au reste & venerāt cōme leur intercesseur & Apostre. D'aultre part Monsieur saint Vismarus Euesque de Noyō & successeur de Monsieur saint Achaise vint quāt au mesme tēps audict pais de Flandre, ou il feit pareillemēt de grāds biēs, induisant vne infinitē de peuple a la receptiō du S. Sagremēt de Baptesme, & en leur donnāt plusieurs saintes & bōnes doctrines & institutiōs, pour scēl icelles reformer leurs actiōs precedentes prophānes & dānables, & les appliq̄ a vertu & fide-

Saint Eloy fut le premier qui prêchā en Flandre la Sainte Foy.

L'eglise Saint Saulueur a Bruges fut la premiere qu'on edifiā en Flandre.

Saint Eloy Apostre de Bruges.

Saint Verma-
rus victor Flā-
dre publier la
Sainte Foy, &
edifie l'Eglise
Saint Pierre a
Oudenbouch.

Saint Amand
conuertit ceulx
de Thiel.

L'eglise de Trō-
chienes fondée
par S. Amand.

L'abbaye de S.
Pierre lez Gand
fondée par le
dict S. Amand.

Le peuple de
Gand plus dur
a conuertir que
tous aultres
de Flandre.

Le cloistre de
Marchienes fon-
dē par Saint
Amand.

Fondation du
chasteau de Do-
uay & de l'E-
glise Sainte
Anne.

fidelité. Finablement il feit edifier en la ville d'Ouden-
bouch vne eglise de bois, laquelle il consacra & dedia au
nom & honneur de Saint Pierre. Monsieur Saint Amand
aussi aduertri du louable fruit & notable auancement
que les de sus nommez en peu de temps auoyent fait
audict pais de Flandre, voulut estre de la partie, & de fait,
apres se estre mis pour semblable occasiō en chemin, arriua
en uirō ce temps in pago Memmesco, qu'est pour le present
le bailliage de Thiel, ouquel presque toutz les habitantz,
furent par son industrie & bonne diligence instruitz et cō-
uertis, et fonda audict lieu soubz la faueur et support du
peuple d'illec, l'eglise de Tronchienes, en laquelle il con-
stitua quarante clercs de l'ordre & rige de Saint Augu-
stin. Puis tira vers le quartier, qu'on appelloit lors *Pagum*
Tornacense, au mont Blandin entre l'Escault & le Lys, & y
fonda des biens de Dagobert Roy de France vn monastere
de moines noirs, nōme *cenobium Blandimontense*, que nous
disons aujourd'hui l'abbaye Saint Pierre. De la descendeit
in pago Gandensi, autrement dict Saint Bauon, ou il se meit
pareillement a prescher. Esquelz deux lieux, qu'estoyent
anciennement (comme appert par ce que de sus) deux cha-
steaux, noz Ancestres souloyent adorer l'ydole du Dieu
Mercurio. Et eust ledict Saint Amand plusieurs grandz
& intollerables trauaulx & facheries auant pouoir reduire
soubz l'obeissance de l'eglise, & a la Sainte Foy ledict peup-
le de Gand. Lequel entre toutz aultres de Frandre, fut
trouué le plus obstiné & endurcy, & le quel avecqz plus
grande pertinacite adherast aux refueries & illusions an-
chiēnes. Toutefois par la misericorde de Dieu, & au mo-
yon des extremes diligence, vigilance, & debuoir dudit
Saint Amand, il fut en fin conuertit, & receut le Saint cha-
ractere et Sacrement de Baptisme. Ledit Saint Amand
fonda semblablement le cloistre de Marchienes lez Douay
sur la seigneurie de Sainte Ricande, femme du duc Ada-
baldus, l'un des freres, duquel, nommé Ercembauldus, qui
estoit maire du palais du Roy Clouis, filz de Dagobert, fon-
da lo chasteau de Douay, et en iceluy l'eglise nostre Dame,
qu'on

qu'on appelle presentement de Sainte Anne. Au mesme temps & environ l'an six centz quarante, Monsieur Saint Lieuin Archeuesque d'Escocce conuertit par sa predication la terre d'Alost qui se nommoit *pagan Brachbarinse*, ou ausi apres plusieurs debuoirs & saintes predications, il receut la tresdigne & precieuse couronne de Martyre. Depuis lequel temps, ou peu apres, toute ladicte contrée de Flandre, a la confusion du diable & de ses adherentz, & a l'accroissement & honneur de la sainte Eglise Triumphante & Militante, receut la vraye & salutaire foy de nostre Seigneur Iesus Christ, auquel seul en soit l'honneur & la gloire.

Saint Lieuin
martirisé en la
terre d'Alost.

*De la venue du Prince Saluaert au pais du Bucq, de la des-
confiture d'iceluy, & de la cruau-
té de Phinaert.*

CHAPITRE III.



PA R les chapitres precedentz nous auons som-
mierement declare, ce que avecque bon fon-
dement se pouoit escrire du comencement de
Flandre, de l'athymologie de ce nom, des pre-
miers gouuerneurs d'iceluy pais, du temps en
que lon y receut la Foy Catholique, de la premiere fon-
dation d'aucunes eglises, & d'autres singularitez, lesquel-
les nous ont serui de preambule & introduction, a ce que
pouoit concerner le discours absolu & plus particulier de
ceste presente histoire. Pour auquel paruenir, est necessai-
re que maintenant entendiez, que au temps du Roy Clo-
taire de France deuzieme de ce nom, & enuiron l'an six
centz & vingt, a raison des seditions, qui lors regnoyent
au pais de Bourgoingne, plusieurs Princes, seigneurs &
gentilzhommes fuerent contraincts abandonner ledict
pais, & chercher autres demeures. Entre lesquelz se trou-
ua vn noble, vertueulx, & grand personnaige, yssu de la
maison dudict Bourgoingne, appelle Saluaert Prince de
Dijon. Lequel pressé de la susdicte necessite, & forcé de

L'an six
centz xx.

B

Escu

Emergaert de
Rosillon.

Le pais du
Bucq.

Des mauvaises
conditions du
Prince Phinaert

Tel maistre,
tel valet.

sen fuyr, delibera soy retirer vers le Roy d'Angleterre
duquel (pour respect de la mutuelle cōsanguinité qu'il a-
uoit avec luy) il esperoit & se promettoit tout bon cōfort,
traictemēt & support. Et suyuant ceste deliberatiō il se meit
peu apres en chemin menāt en sa cūpagnie avec le demeure-
rant de la suyte, la Princesse Emergaert de Rosillo fille de
Gherard sa fēme. Laquelle pour lors estoit enceinte, & en
biē maigre disposition. Si diligenta tellement qu'en peu de
journées il paruiēt au pais de Bucq, guerres distant de la
ville de Lisle, en vn bois, lequel a raison des felonniez,
meurtres, & inhumanitez qui s'y commettoient, s'appeloit
sans mercy. Orauidēt tēps lediēt pais de Bucq, avec aul-
tres limitrofes, estoit soubz les Roys de France, gouverné
& signorié, par vn malheureux Prince, ou (pour mieulx di-
re) tyran monstrueux, nōme Phinaert (duquel nous auons
cy dessus parlé) lequel en mespris de Dieu, & au despit de
vertu, s'estoit tellement adonné a toutes especes de vices &
cruautez, qu'il reputoit le jour estre perdu auquel il n'auoit
donné a ses subjectz quelque signe euidēt & manifeste in-
dice de son insatiable avarice, & bestiale ferocité. Aussi auoit
il des subjectz seruiteurs, & officiers, lesquelz en rien ne de-
mentoient le gentil naturel de leur barbare & brutal gou-
verneur: pour auquel satisfaire, & complaire, leur principal
estude & continuel soing estoit, de par diuerses imbosca-
des, mettre des attrapes a toutz passantz, lesquelz indiffere-
ment ilz pilloyēt, persecutoyēt, & meurtrisoyent avec telle
proptitude & allegresse, qu'il sembloit y auoir entre eulx
vne ordinaire contentiō, à qui en cest endroiēt se monstroient
plus vaillāt, et cōmettoient plus le larrechins et pilleries. En
somme ilz estiōt tant conformes aux bestiales condiōs de
leur susdiēt tyran, q par celle des seruiteurs vous eussiez le-
gieremēt cognu l'inclinaciō du maistre: et par celle dudiēt
maistre l'on eust sans aucune difficulté peu juger des meurs
et coustumes de subjectz tāt malheureux. Dont toutesfois
la totale coulpe se doiēt (selō mō aduis) en semblables inci-
dētz, attribuer au seul Prince et seigneur: lequel aussi en est
de tāt plus punissable, d'aultāt qu'en cōuertissant l'autorité
par

par la puissance diuine a luy donnée, pour l'extirpation des pe-
 chiez & actes enorins, au support des meschantz & malcō-
 ditionez: il se declare manifestement autheur & amy de tou-
 te malice, & successiuent fait par son exēple, desborder
 ses vassaux en toutes sortes d'iniquitez. Voyla pourquoy, le
 sage Caton, nō moins prudemment que subtilement, souloit
 dire, & affirmer. Que les Princes faillent beaucoup pl^{us} par
 exēple, que par coulpe. Ce que veritablement deburoit de
 stourner toutz monarches & gouuerneurs, & signamment
 Chrestiens, de faire actes deshonestes, & les induire & in-
 citer a l'amour de vertu. Aultrement se pouuent asseurer,
 qu'ilz n'escapperōt le juste chastoy & certaine vengeance
 de Dieu, nō plus que par le discours de ceste, cognoistrez a-
 uoir fait ledict Phinaert. Lequel fust assez tost aduertiy de
 l'arriuee dudit Saluaert en ses pais. Et combien que la cō-
 sanguinite qu'il y auoit entre eulx (car ilz estoient cousins,
 & assez proches) le d'eüst auoir empelché, d'exercer con-
 tre ledict Saluaert aucune briganderie ou cruaulté: si est ce
 que l'espoir du gaing present, qui lors (a son aduis) se pre-
 sentoit, joint a son inueterée coustume de mal faire, l'es-
 meurent a s'armer, & avec bon equipage d'aller rencontrer
 le susdict Saluaert, lequel il trouua audict bois, qui (selon
 que diēt est) se disoit sans mercy: & auquel bois, d'une
 merueilleuse furie, il se jecta sur ledict Saluaert & le siens:
 lesquelz ne se doubantz lors de rien moins que d'une tel-
 le entrepryse, furent de prime face grandement estonnez,
 & toutesfois (voyantz que cestoit vn faire le fault) se meis-
 rent en deffense, & se maintindrent tant vaillamment,
 qu'ilz occirent plusieurs de leurs ennemis, de sorte qu'il eust
 esté du commencement difficile de juger, de qu'el costé la
 victoire se inclineroit. Neantmoins a raison que les gens
 dudit Phinaert croissoient a la file, & de plus en plus
 multiplioient, ledict Saluaert avec les siens fut en fin mal-
 sacré & desconfit. Et ne demoura de tout le train dudit
 Saluaert, que la Princesse Emergaert, laquelle durant le
 conflict s'estoit avec une seule seruante retirée a l'escart
 dans ledict bois, plus pour la conseruation du fruit qu'elle

Les Princes
 faillent plus par
 exemple que
 par coulpe.

Mort du Prin-
 ce Saluaert.

Fuyte de la
 Princesse Emer-
 gaert.

La Princesse Emergaert est poursuivie.

portoit, que pour desir, qu'elle eust de suruiure apres la mort dudit Saluaert son mary. Cependant ledict Phinaert aysé au possible du grand butin que moyennant les meurtres que dessus il auoit fait, retourna avecq les siens en son chasteau du Bucq. Ou luy fut peu apres rapporté, que en faisant reueüe de ceulx, que avec ledict Saluaert auoyent esté occis, l'on n'auoit trouué ladicte Princesse, & que partant elle deuoit sans faulte estre eschappée. Dont ledict Phinaert ne fut vn seul brin content: ains craignant, que par le moyen d'icelle Princesse (qu'il scauoit estre grandement apparentée) sa lasçeté susdicte ne fust par succession de temps, non seulement descouuerte, mais aussi punie & chastoyée, feit commandement a ses gens, d'en toute extremité la chercher, & faire tellement, que elle fut & trouuée & troussée. Mais cestuy nostre bon Dieu, a la precieuse, de qui rien n'est caché, & contre la puissance & volonté duquel toutes aultres ternissent, auoit pour quelquez temps voulu exempter la dicte Princesse, du pouoir dudit tyran, par ce qu'il n'ignoroit le bien, auancement & prouffit, que selon la preordonnée debuoir aduenir a toute la chrestienté, par le moien de la lignée que d'icelle Princesse yssiroit. Qui fut la cause que les satellites & brigans dudit tyran, ne la luy peurent amener sy tost, & conformement a son plaisir & vouloir.

Des regretz de la Princesse Emergaert, pour la perte de Saluaert son mary, du reconfort que luy fust donné, & des choses a elle miraculeusement predictes sur le faict de l'enfant qu'elle portoit.

CHAPITRE IIII.



VOUS auez cy dessus pour cōsiderer & veoir la Princesse Emergaert en merueilleuse peine & debuoir pour se sauuer, ce pendant que le Prince Saluaert son mary, se deffendoit contre l'inuasion de ses ennemis: reste presentement a discourir, ce que depuis la desconfiture dudit Saluaert

uært aduint a ladiète Princesse . Laquelle , pour la perte tant recentemente soufferte , oultrée de douleur n'ompairail, considerant le miserable estat de ses affaires, & ne trouuant esdictes solitudes lieu assure contra l'inhumanité desdictz voleurs , resolut se retirer dans le pessus dudiect bois , & par les chemins plus escartez , cercher moyen d'en sortir , & puis apres reprendre les erres de sondiète pourjette voyage d'Angleterre. Et de faict, elle transuersa tant de hayes & buyssons, & se meit si auât dans lediect bois qu'il estoit ya presque grande nuit, lors que ne voyant encores aucune apparence d'en pouoir sortir , commença perdre toute esperance & de sa vie , & de sa santé . Qui fut cause que apperceuant guerres loing de son chemin vne fontaine assez plaisante , elle arresta de y passer la nuit , ensemble d'essayer , si par quelque peu de repos, elle pourroit donner aucune relasche , a l'angoise, qui trop la traualloit . Mais la pauvre dame ignoroit que l'exercice & travail du corps , qu'elle auoit , tout lediect jour endure , auoit ce pendant osté bonne partie de l'apprehension de l'infortune a elle aduenue , aux plus saines parties de son esprit , comme de faict elle experimenta , lors que estant descendue de sa monture , elle se trouua tant durement troublée & diuersement agitée , que la seule crainte de perdre l'ame , luy garantit la destruction volontaire de son corps . Auquel ne voulant faire force a raison de l'obstacle y mis par le moyen des commandementz & deffenses de Dieu: ne luy fust possible que pour le moins la l'arme a l'oeil , & ayant la tristesse au plus profond du coeur, elle ne dist en soupirant: Helas pauvre malheureuse que je suis , que pourray-je desormais deuenir estant destituée de tout confort & ayde ? Ou iray-je ? A qui me retiréray-je ? O Dieu que fera-ce de ma vie ? Las las , mon mary , qui m'avez preserue de tant de perils , & tenu si bonne & loyalle compagnie , ou estes vous maintenant ? O mauldiète fortune , tu m'as tant poursuuié que la despouille de moy & de mes biens te seruirá pour l'aduénir de trophée , fortune ennemie & contraire

Ceplaine de
la Princesse E.
mergaert.

traire a toute personne de vertu, fortune chymere ingrater
 & malheureuse, qui pour me decevoir & abuser, me pro-
 mettois en recôpense de mes aduertitez passées, vn gracieux
 traictement du Roy d'Angleterre mon cousin; & vn assu-
 ré reftablissement en mes biens & possessions, m'auois tu
 gardée jusques a ceste heure, pour me mettre entre les
 mains de ces meschantz ? O faulx lice penfes tu me fies-
 chir a me desesperer pour quelque tourment que tu me
 faces ? ha a, certes tu tabuses bien, & comptes lourdement
 sans ton hoste. Car jay mon Dieu, en quy jay mis toute mô-
 esperance, & lequel ne reiectra l'humble priere de sa deso-
 lée seruante. Acheuant ce mot il luy sembla ouir quelque
 bruit de cheuaults sus le chemin. Parquoy craignant que
 ce fussent ceulx qui auoyent mis a mort le Prince Saluært
 son mary, se leuá en tresgrand effroy pour plus attentue-
 ment escouter que ce seroit. Mais côme elle se fut rasseu-
 rée, voyant qu'il ny auoit personne, aptes auoir vn peu re-
 prins son halcine recommença ses pleurs & lamentatiôs
 plus douloureuses que deuant. Las, fortune disoit elle, cō-
 me tu es mal assurée, & principalement a l'endroit des
 plus grands : Ne seras tu jamais contente de faire cognoi-
 stre ton pouoir, soit aux mauuais, ou aux bons ? Las, mort
 desirée ; maintenant plus agreable en mon endroit que
 telle vie enuieulx, pourquoy tardes tu tant a me surpren-
 dre ? Ainsy passa la poure Princesse jcelle nuict, resuant, ra-
 uissant, & soupirant, comme personne quy n'espere ia-
 mais joye. Et ce que plus encoire rengregeoit son mar-
 tyre, estoient les lanchures du fruit, qu'elle sentoit en
 son ventre, lequel enuie & compassioné de la misere de
 sa mere, sembloit auant son temps, vouloir demander
 passage, pour la reconforter & consoler. Ce pendant,
 la bonne Princesse faschée de plus demeurer en lieu,
 auquel elle auoit receu tant de desplaisirs, apparelloit
 son parterment, quand par la disposition & misericorde
 de Dieu (lequel jamais ne delaisse ceulx quy de tout
 leur coeur, & sans aulcune faintise le reclament) se
 presenta deuant elle vn Saint & Religieux Heremite,

Plein jamais ne
 delaisse de lier

appel-

appelle Lyderic, qui lors estoit venu querir de l'eau en la susdicte fontaine. Lequel esmerueille au possible de veoir en lieu tant solitaire & retiré: vne dame (laquelle en port & vestementz representoit toute grandeur & noblese) si deplorée & affligée: ne se peult garder de luy de-mander, le plus gracieusement que luy fut possible la cause de son ennuuy. A quoy ladicte Princesse (qui pour les disgraces & malheurs suruenus n'auoit perdu vn seul brin de sa naïfue courtoisie) respondit en peu de propos. Mon pere il seroit impossible, veu la diuersité de mes malheurs, de particulièrement vous declarer le motif de mon dueil & mescontentement. Lequel neantmoins vous pourrez assez legierement comprendre, si seulement vous vous persuadez, que fortune a voulu me faire ces jours passez cognoistre asseurement, l'entier effect de sa mobilité. Mais si elle estoit aultre, le nom qu'elle porté, ne luy seroit en rien comehable, attendu qu'elle eslieue ores l'vn jusques au sommet de sa rouë, & sans l'auoir merité, & abbaisse tantost l'aultre au bas de ses piedz, contre tout droit & raison. Ce qui s'espreuve bien en moy, qu'elle auoit collocqué par longues années au throsne de toute prosperité, & a vn cil d'oeil, n'a pas vn mois, m'a tellement ruinée & abbatué, que quand je considere l'estat ou je suis, & voyant tant de malheur en moy, je pense songer, ne pouant comprendre: pourquoy cela m'est aduenu, n'ayant oncques faict chose pour deseruir le mal que j'endure. Et apres, commençant de la cause de son partement de Bourgoigne, continua le plus brieffement qu'elle peust, a luy reciter, ce que jusques lors luy estoit aduenu: mesmes qu'elle doubroit, que au prejudice & danger de l'enfant qu'elle pourtoit, elle ne s'accouchast auant temps en ces solitudes. Si faisoit ce discours auecq tant de pleurs & souspirs, qu'elle eust esmeu a pitie & compassion le plus dur rocher de la mer, & a plus forte raison le bon heremite, lequel apres plusieurs larmes que en compagnie de celles de la Princesse luy decouloyent, pour la reconforter luy dist:

L'hermite Lyderic treuve la Princesse Emee gacee dans le bois, & luy demande la cause de son desespoir.

Reponse de la dicte Princesse audict heremite.

Mada-

Herengue oöfo
latoire de l'he-
remite à la ill.
de l'princeffe.

Madamme, Dieu pour rendre ceux qu'il ayme, & qui sont „
plus a luy, du tout accomplis permet. fouuent leur venir „
maintes aduersitez, qui leur est fatisfaction des pechez „
qu'ilz cometent, leur donnant puis apres au lieu de ceste „
vie transitoire, la gloire permanente & bien-heurée. Pour „
tant il est necessaire, que vous conformez vostre vou- „
loir a son bon plaisir, luy rendant gloire & action de „
graces de tout ce qu'il vous enuoye. Vous souuenant, „
qu'il est aultant puissant qu'il fut oncques, pour con- „
uertir ceste vostre grande tristesse, en plus de joye que „
vostre desplaisir n'est extreme, & ce que vous tenez a „
mal, en plus de contentement & de bien. Et au regard „
du fruit, pour le quel vous estes presentement en soucy, „
vous conuient esperer, que Dieu (pere vniuersel de toutz „
humains) en aura le soing, qu'il cognoit luy estre salutai- „
re & necessaire. Resiouissez vous doncq, & tachez le „
plus tost que porrez, de vous mettre en lieu, auquel avec „
plus de seureté & commoditez, ayez moyen de produi- „
re a monde le fruit que Dieu vous a donné. Apres ceste „
remonstrance, le bon heremite, voulant retourner en sa „
maisonette, print congé de ladiëte Princeffe. Laquelle „
auleunement consolée des saintz propos d'iceluy, se sen- „
tant aggrauée de sommeil, a raison du peu de repos. que „
la nuit precedente elle auoit eu, se coucha aupres de „
ladiëte fonteyne, en intention dy reposer pour quelque „
temps, le mieulx qu'il luy seroit possible. Mais elle n'a- „
uoit encores commencé a sommeiller, quand luy sembla „
ouyr autour d'elle quelque bruit. Qui fut cause, que elle „
se resueilla comme en sursault, & s'asseyant sus le bord de „
la susdicte fonteine, jectá sa veüe de tout costé, pour veoir „
que ce pouoit estre, & apperceut guerres loing d'elle, vne „
cagée femme, laquelle (ce luy sembloit) auoit en elle v- „
ne grauité & magesté plus que humaine. Dont elle „
s'esmerueillá grandement, meümes de ce que s'approchant „
ladiëte femme luy dict : Emergaert, pour aultant que de „
tout vostre coeur auez assis toute vostre esperance sur la bñté „
& misericorde diuine, je viens vo' aduertir, que voz ardätes „
orai-

Apparition mi-
raculeuse a la
Princeffe Emer-
gaert, de la Vier-
ge Marie en for-
me d'une fem-
me tresgrauue.

« oraisons ont esté présentées deuant le throsne, & acceptées
 « de Dieu souuerain. Lequel vous mande par moy quel'en-
 « fant que portez viendra en aage d'hōme accomply, sera sa-
 « ge & vertueulx, vous osterá de toute tristesse, deliurera ce
 « païs de la tyrannie, soubz laquelle il est presentement: ven-
 « gera la mort de vostre mary son pere, & deuiédrá seigneur,
 « de ce païs, duquel ses successeurs jouiront a tousiours, ce
 « dict ladicte femme s'esuanouit. Plusieurs maintiegnent que
 ce fut la vierge Marie, qui soubz la sudiſte representatiō ve-
 nit cōsoler la miserable Princeſse: aultres, que ce seroit esté
 quelque Ange, a elle pour le mesme effect, enuoyé. Ce que
 ce soit, ne fault doubter, que par telle reuelation, la diuine
 Bonté n'ayt voulu long temps au parauant monſtrer & pre-
 dire, la grandeur en laquelle ceste maison de Fládre, debu-
 oit par succession de temps non seulement continuer, mais
 aussi croistre & augmenter, selon que depuis on a tousiours
 actuelemēt cognu, & encoires au-jourdhuy l'on peult co-
 gnoistre plus que jamais. Par ou aussi manifestemēt se des-
 couure, que la domination des hommes n'est vn don for-
 tuit ou casuel, ains qu'elle est baillée a vn Prince par le vou-
 loir & prouidence diuine: & que par tant nul ne peult iuste-
 ment ny long temps commáder, sinon celuy, auquel Dieu
 ha permis le domaine & empire.

Predictions de
la vierge Marie
a la Princeſse
Emergaert.

La seigneurie
de Flandre pro-
mise aux suc-
cesseurs de la
Princeſse Emer-
gaert, pour son
seul.

Regne don de
Dieu.

*De la naissance, Baptisme, & merueilleuse ſachon de nourri-
 ſſure du jeune Lyderic, & de lempriſionement de
 la Princeſſe Emergaert ſa mere.*

CHAPITRE V.



A Princeſſe Emergaert apres la reuelation tel-
 le q̄ cy deſſus, auez peu entendre, ſe ſentant grá-
 dement conſolée, remerchia Dieu bien hum-
 blement, & deuotement de ce qu'ayant egard
 a ſa miſere, luy auoit pleu la preaduertir des
 grands biens & honneurs que debuoyent aduenir a ſon en-
 fant & a ſa poſterité: priant en oultre que ſon diuin plaifir
 fut, regir & gouuerner toutes leurs actions: de ſorte, que par
 aucune impieté ilz ne ſe feiſſent incapables de la gran-
 deur

Naissance du
Prince Lyderic.

deur & prosperité promise. Et comme elle se dispoſoit pour d'auantage continuer en ſon oraiſon, & puis apres ſe remettre en chemin : Le mal d'enfant la commença trauailler de ſi pres, quelle fut contraincte d'entendre, a ce qu'eſtoit requis pour l'aduancement de la naiſſance dudit enfant. Duquel apres pluſieurs trauaulx, elle fut finalement par la miſericorde & grace du tout puiſſant, deliurée : n'ayant pour toute aſſiſtence humaine avec elle, aultre compagnie que celle de ſadiſte ſeruante. Laquelle comme nouuelliere, & inexperimentée en ſemblables affaires, ſe trouuá lors bien eſtonnée, & neantmoins (faiſant de neceſſité vertu) enuelopá lediſt enfant dedans le peu de linges & aultres draps, qu'entre ceulx de la Princeſſe & les ſiens pouoyent audict effect ſeruir, & meſmes en telle extremité. Ce faiſt, ſe meit en debvoir, d'aſſiſter la bonne Princeſſe, ſelon la force & poſſibilité, que noſtre bon Dieu luy donnoit. Si belongna tellement, qu'en bien petite eſpace l'on ſ'eult legierement apperceu, d'un meilleur eſtre & diſpoſition en ladiſte Princeſſe. Laquelle tenant ſon petit filz entre ſes bras, ne ſe pouoit ſaouler de l'embraffer, baiſer & regarder : tant le trouuoit beau, bien formé & agreable. D'aultre part la fidele ſeruante, qui voyoit la Princeſſe oublier & ſon mal, & quaſi ſoy meſme, au plaſiſir qu'elle receuoit par l'object de ceſtuy ſon filz, duquel tant de choſes luy auoyent eſté prediſtes : conſiderant que ſ'elle n'y preuoyoyt, on eſtoit taillé d'endurer aſſez de faim, & demeurer illec plus longuement que la ſanté de ladiſte Princeſſe ne requeroit, ſ'aduifá de monter ſur vn petit tertre, qui n'eſtoit guerres loing de la, pour tant mieulx eſpier par quel chemin l'on pouroit plus commodieusement ſortir hors du bois auquel elles eſtoient. Et comme elle jectoit ſa veüe de tout coſté, pour plus aſſeurement le tout recognoiſtre, elle choiſit vne troupe de gens embaſtonnez venantz en grande diligence vers elle. Et entre iceulx elle en recognut aulcuns, que auoyent eſté preſentz au meurtre & deſconfiture, du Prince Saluaert ſon bon maĩſtre. Auſi debuez vous ſcauoir que ceſtoient eulx ſans aultres, auſquelz le malheureux Phinaert, auoit donné char-

nécharge expresse de prendre & luy amener la Princeſſe Emergaert. Et ores que le jour precedent, & ceſtuy meſmes ilzeuſſent pluſieurs fois coſtoyé le lieu, auquel la pauvre Princeſſe s'eſtoit retirée : ſi eſt ce que juſques lors ne leur auoit eſté poſſible de la trouuer, obſtant la volonté & diſpoſition diuine. Laquelle, auant l'emprisonnement de la dictée Princeſſe s'auoit voulu reſeruer ledict enfant, pour par le moyen d'iceluy, executer les exploitz que cy apres entendrez. Au reſte la ſuſdictée ſeruantte triſte au poſſible de ceſte rencharge, ſe retira le plus haſtiuement qu'elle peult, vers la Princeſſe, laquelle aduertie de ceſt aultre & nouuel deſaſtre, ſe conſiant en la promeſſe par laquelle luy auoit eſté prediſt que ſon dict filz la debuoit, par ſucceſſiō de tēps, deliurer de toute triſteſſe, aymā trop mieulx l'abandonner a la diſcretion des beſtes brutes, que de le ſubmettre a la mercy de ceulx, deſquelz elle n'en eſperoit aucune. Et de fait adſiſtée de ſa ſeruantte, meit & caçā ſon fortuné enfant dans vne petite foſſe, deſſoubz vne haye qu'eſtoit aſſez large & vmbrageuſe. Et apres l'auoir de tout ſon cœur reſcommādé en la garde de Dieu, elle retourna, avec tel deſplaiſir, que chaſcun peult penſer, vers la fontaine, dont cy deſus a eſté parlé. Ou quaſi auſi toſt ſuruiendrent les ſuſdictz brigandz : auſquelz, d'une contenance aſſeurée. Si voſtre cruaulté (diſt elle) n'eſt, par la mort de tant de mes gens & meſmes de mon treſcher ſeigneur & eſpous, encoire raſſaziée, que tardez vous a pareillement vous baigner en ce mien ſang, affin que avec ceſtuy des aultres, que auéz puis n'aguerres eſpandu, il demande & impetre de Dieu la vengeance, que voz inhumanitez ont deſja meritée. Mais ſi (ce que mal-ayſement je pouroue croire) eſt reſtée en aucuns de vous, quelque ſcintille de vertu & pitié, permettez, que je jouiſſe de ceſte liberté, laquelle ſeule entre vne infinité de biens que ſouloie poſſeder, m'eſt juſques ores pour tout confort, demeuree. Et laquelle perdue, tant s'en fault, que j'aye aucune volonté de prolonguer ma pauvre & miſérable vie, que meſmes en tout inſtance je vous requiers me donner vne prompte mort, pluſtoſt que me mettre entre les

L'enfant Lyderic abandonné & laiſſé ſeul dedans le bois du Bucq.

Les propos de la Princeſſe Emergaert aux ſatellites du tyran Phinaert.

C ij

mains

Emprisonne-
ment de la Prin-
cesse Emergaert

L'heremite
trouue l'enfant
Lyderic au mo-
yen du bruit de
plusieurs oy-
seaulx qu'esto-
ient au tour
duoict enfant.

mainz de cestuy, per le faict & commandement duquel je perdis hier tout mon support, & ma joye. Ceulx que estoient venu pour emmener la Princesse, considerantz la magnanimité d'elle, & que sans aultrement s'effrayer elle parloit a eulx d'une telle constance, eurent merueilleusement grande compassion de son aduersité: & y en auoit qui voluntiers l'eussent laissé en sa liberté, si la crainte d'estre de ce vers Phinaert accusez ne les en eusse destourné: & partant apres l'auoir asseurée de tout bon traitement de la part dudit Phinaert (ce que toutesfois ilz faisoient seulement pour la reconforter, & sans aucune charge) trousserent ladicte Princesse & sa seruante sur deux de leurs cheualx & diligenterent, de sorte que peu apres ilz paruiendrent au chasteau du Bucq. Ou nous la laisserons soubz pouoir & en la discretion du malheureux Phinaert: jusques a ce que le bon Dieu en aurá aultrement disposé: & retournerons a son petit filz, qu'elle auoit laissé en la susdicte forest destitué, de toute ayde humaine, non pas de celle de Dieu: lequel pourueüt a la nourriture dudit enfant, comme vous cognoistrez presentement. Il vous doit souuenir de la venue du bon heremite Lyderic vers la fontaine, pres laquelle la Princesse Emergaert s'estoit retirée, lors qu'elle estoit au plus fort de ses desplaisirs, ensemble des saintes remonstrances, que ledict heremite luy fait. Lequel peu apres l'emprisonnement de ladicte Princesse, retourna vers ledict lieu, pour y querir de leauë, selon qu'il auoit faict le jour precedent. Mais en approchant ladicte fontaine, il fust grandement esbahy du cry & estrange bruit, que faisoient plusieurs corneilles, agaces, & aultres oyseaulx en tresgrand nombre, sus & enuiron la haye, au dessoubz de laquelle estoit le fosse, auquel la Princesse Emergaert auoit caché son petit filz, & de faict couoiteulx d'en scauoir l'occasion, venit vers ladicte haye, & trouua dedans ledict fosse le petit gars qui par ses gestes sembloit demander secours & assistance audict heremite. Lequel asseuré que le cry desdictz oyseaulx n'auoit esté sans mystere, leua ledict enfant, & l'emporta en son heremitaige, s'esmerueillant au surplus de la cruaulte de la mere d'iceluy,

luy, & que elle pouoit estre. Toutesfois se souuenant des regretz qu'au parauant & au mesme lieu il auoit ouy faire a la Princesse Emergaert, luy tomba en l'esprit qu'elle sans aultre, l'auoit engendré : ne pouant en soy comprendre la raison quil'auoit meüe d'ainli abandonner ceste innocente & tant belle creature : dont neantmoins il fut suffisamment appaisé, & satisfait, lors qu'estant aduertie de la captiuité de ladiete Princesse, il s'assura que la seule craincte (qu'elle auoit eu) de perdre son petit filz, l'auoit eonstraincte de le poser a tout aultre peril, plustost que le laisser au pouoir de ses ennemis. Parquoy plus ayse que deuant, estimant (veu que si miraculeusement Dieu l'auoit preserue du susdict dangier) qu'il pourroit quelque jour reissir vertueux & preud-homme (apres l'auoir preallablement baptizé, & de son nom appellé Lydericq) commença penser au moyen qu'il deburoit tenir pour esleuer ledict enfant, & suyuant ce, delibera luy chercher le lendemain quelque bonne nourrice, estant ce pendant en extreme peine, a raison que plus promptement il ne pouoit subuenir a la necessité dudit enfant. Et comme le dict heremite estoit en ceste sollicitude, voicy (par la grace & prouidence diuine) vne cerue ou biche qui se vint presenter a luy, faisant toute la feste & bone chere au petit enfant, qu'elle eust peu faire a ses propres petitz. Dont esmerueille le dict heremite, & mesmes qu'il sembloit aulz gestes de ladiete biche, qu'elle vouloit allaiter ledict enfant, il applicqua la bouche d'iceluy a vne des mamelles de la biche. Laquelle ce pendant se monstroie quoye, douleur & priée, jusques a ce qu'estant ledict enfant allaité, elle se retira dans le bois, & continua ceste uisitation deux fois le jour, durant tout le temps, auquel le jeune Lydericq auoit necessité de telle nourriture, non sans tresgrand esbahissement du bon heremite, le quel par ceste nouuellité, ou pour mieulx dire, assésuré miracle confirmoit en soy d'auantage l'opinion au commencement conceüe des futures grandeur & prosperité dudit enfant. Et pour ceste occasion, se dispoit tant plus volontiers a le soingneusement nourrir, & bien endoctriner. Je scay qu'il en y aura plu-

Baptême du
jeune Lyderic.

L'enfant Lyderic
est miraculeusement
allaité
par une biche.

Regnes miracu-
leusement pre-
dictz de Dieu.

Cyrus fut nour-
ry d'une cheu-
re.
Romulus &
Remus d'une
loue, & Abydus
d'une biche.

fieurs, qui de prime face, receurent ceste façon de nourritu-
re du petit Lyderic en mesme lieu, qu'on est accoustumé
faire les choses fabuleuses. Mais quand ilz viendront a con-
siderer, l'heureuse, noble & magnanime posterité, que cest
enfant a delaisé: mesmes que les regnes, empires & domi-
nations, sont souuent par semblables signes & miracles
predictz de Dieu. l'estimé que pour le moings, ilz adjou-
steront aultant de foy a ce que desus, qu'ilz font aulx au-
theurs lesquelz tesmoignent que Cyrus auroit esté nour-
ry d'une cheure: Les fondateurs de Rome, Romulus & Re-
mus d'une loue, et Abydus d'une biche. Laisant neant-
moins en l'arbitre & discretion d'un chascun, de croire &
admettre, ce que plus luy semblera conforme a la raison
& verité.

*Des bonnes meurs & conditions du Prince Lyderic, de sa ve-
nue en Angleterre, & des amours d'ice-
luy avec la belle Gracienne.*

CHAPITRE VI.



LE Saint Heremite, voyant par signes tant
myraculeux & euidantz, le soing que Dieu
monstroït auoir du jeune Lyderic, s'efforçoit
a son possible de l'enseigner en tout ce que
luy sembloït necessaire, pour le rendre de
toutz poincts accompli: luy ramenteuant continuellemēt,
& sur toute aultre chose, qu'il y auoit vn dominateur au
ciel, donnant & departant toutes les seigneuries de la
terre, lequel toutz Princes doyuent recognoistre, & pour
ce estimer, qu'ilz sont aultant nais a seruir leurs subjects
de bons & justes gouuerneurs, que iceulx sont obligez,
a leur bien & loyaument obeir. Et pour de tant plus
l'enflammer en l'amour de Dieu, luy mettoit souuent de-
uant les yeulx, les grandz biens que déz sa naissan-
ce Dieu luy auoit faict, le preseruant de tant de dangiers,
& luy administrant vne nourriture si estrange & admira-
ble. Toutz lesquelz aduertissementz le jeune Lyderic
receuoit d'une viuacité merueilleuse, & d'une capaci-
té que

Les Princes sēt
obligés a bien
gouuerner
leurs subjects,
Ietq̃s reciproc-
quement sont
tenus d'estre
loyaux & obeir
sans a leurs
Princes.

ré que excedoit le port de son tendré aage . Aussi auoit il vne condition trop admirable , estant presquez encoire en enfance , de ne faire quasi nul acte de puerilité , & nul compte de tout ce que naturellement la petitesse prise & ayme . Quoy considerant ledi& Heremite, & cognoissant que la dexterité & grandeur de l'esprit du di& Lyderic , requeroit vn gouverneur plus excellent , delibera l'enuoyer en Angleterre vers vn Abbé , qu'il cognoissoit de longue main , homme vertueux , de bonne vie, d'experience non vulgaire en toutes manieres de sciences & finablement tel , qu'il scauoit estre nécessaire pour le gouuernement d'un jeune Prince . Se sentant a ce de tant plus incliné pour aultant qu'il ignoroit , que , comme la nature d'une bonne terre se depraue , & au lieu de prouffitables , produit des herbes inutiles , si elle n'est bien & diligemment cultiuée . Ainsi le gentil esprit, et de-bonnaire inclination d'un Prince se remplit de plusieurs vices ordz et vilains , s'il n'est aruné et agencé de doctrine salutaire . Et ceste fust la cause , qu'il enuoya en l'aage de dix ans, le jeune Lyderic vers le susdict Abbé (duquel je n'ay encores trouué le nom par escript) mais ce fut apres luy auoir fait plusieurs belles et amples remonstrances, dôt la substance tendoit a ce , qu'il fut induict en la crainte de Dieu, laquelle (selon le sage Salomon) est le commencement de toute sapience , il luy recommandoit aussi et bien chauldement la liberté de la pauvre Princesse Emergaert sa mere, qu'il scauoit estre detenue soubz la tyrannie de Phinaert . Ce que ledi& Lyderic imprimá tellement en son cerueau, que incontinent qu'il se sentit assez roide de membres, & fort, pour la deliurer ensemble pour faire la vengeance de la mort du Prince Saluaert son pere, il executá le tout, de la sorte, qu'en poursuuyant ceste histoire, cognoistrez . Apres les susdictz debuoirs le bon Heremite fondát en larmes donna sa benedictiõ au jeune Lyderic, pryant le souuerain seigneur de toutes choses, luy vouloir estre aultant propice a l'aduenir, comme par le passé , il estoit monstre soigneux pour le garder & esleuer . Ce fait le jeune Prince, mary au possible de ce par-

teme

Bonne condition du jeune Lyderic.

Similitude

Le bon esprit d'un Prince doit estre bien cultué.

Instructions de l'heremite au jeune Lyderic auant l'enuoyer en Angleterre.

Initium sapientia timor Domini.

Le jeune Lyde
rie prend congé
de l'heremite,
& se trans-
porte vers An-
gleterre.

Les vertus &
proprietes du
jeune Lyderic.

Le debuoir du
jeune Lyderic
vers Dieu.

Le debuoir du-
dict Lyderic, en
l'obseruance
des Loix.
Grand honte a
vn Prince, co-
ntreuenir aux
ordonnances.

Le Prince Ly-
deric au seruice
du Roy d'An-
gleterre.

Eloquence du
Princelyderic.

tement, print congé dudict heremite, & se mist en chemin accompagné seulement d'un homme de bien, que estoit d'iceluy pais & parent audict heremite. Si diligentá tellement, qu'il paruiet en peu de temps au logis du susdict Abbé, du quel il fut bien gracieusement receu, & doucement traité. Et soubz lequel il profita, de sorte que par tout ou il se trouuoit, il gaignoit le point de preeminence par sa vertu & scauoir. Se monstrant au reste a l'endroit d'un chascun si courtois & affable, qu'il attiroit a son amour, & desroboit le coeur de tout ceulx qui seulement auoyent le bien de gouter la douceur de sa conuersation. En somme, il creut en vertu, beauté, disposition de corps, exercice des armes, & toutes aultres perfections, tellement qu'il eust esté difficile trouuer lors aucune personne, qui es susdictes proprietes l'eust secondé, & beaucoup moins egalé. Car quant a sa force corporelle elle fut admirable, & bien correspondante a la vertu de son coeur: en ses meurs il fut debonnaire, la langue il eust tresdiserte, & la simple parole valloit serment. L'amour & reuerence de Dieu luy fut tousiours deuant les yeulx, qui luy refrenoit souuent la fureur de peur de l'offenser: comme au contraire il entreprenoit sans crainte tout ce qui estoit juste & raisonnable. Depuis qu'il fut constitué en estat, se monstra quasi plus subiect que seigneur en l'obseruance des loix (comme cy apres voirez par l'execution qu'il feit faire sur son propre filz) estimant plus grieve punition a un Prince la honte de rompre les ordonnances, qu'au peuple le chastiment qu'il peult encourir pour les auoir enfreints. Or, pour retourner sur noz erres, voyant ledict Abbé la perfection a laquelle le Prince Lyderic (lors en aage de dix & huit ans) estoit paruenú, trouua moyen de la mettre au seruice du Roy d'Angleterre: ou en briefue espace les vertus d'iceluy Lyderic commencerent a reluire entre celles, des aultres gentilzhommes de ladicte court, comme le Soleil est accoustumé faire, entre toutes les planetes & estoiles. Et ce que plus le rendoit admirable, estoit la singuliere grace de parler, qu'il auoit attraiante & persuasue. Laquelle, jointe a vne infinité d'aultres bonnes conditions, le rendit

disintcontinent tant aymé du Roy mesme, qu'en toutes festes & passe-temps ou le Roy se daignoit trouuer, conuenoit aussy tost pour contētemēt du Roy y semōdre ledict Lyderic. La vertu dextérité, bonne grāce & beauté, duquel ne tardērent guertesa paruenir jusques aux oreilles d'une fille que le Roy auoit belle en toute perfection, appelée Gracienne. Laquelle conuoiteuse de mieulx connoistre & a l'oeil si les excellēces du Prince Lyderic correspondoient au bruit qui en volloit, se trouua vn jour entre autres pour ce seul respect en vn festin, auquel elle estoit aduertie, que ledict Lyderic estoit appelé: & de faict l'ayāt apperceu, elle jugea, que tout ce qu'elle auoit enten du des grāces d'iceluy n'estoit riens, au pris de ce que lors se presentoit deuant son esprit & ses yeulx. Imprimant au reste tout ce qu'il y auoit de bon en luy, en sa fantasie, tellement que long-temps depuis luy fut impossible diuertir de luy le grand amour, duquel au mesme instant elle se sentit naurée. Lequel neantmoins, elle dissimula pour quelque espace, & jusques a ce que forcée d'une puissance plus grande que la sienne, elle fut contrainte se descouurer & sa nouuelle passion a vne fille de chambre, qu'elle auoit de tout temps cognu loyale, & a laquelle elle se fioit de ses plus secretz & particuliers affaires. Par le moyen de laquelle elle eust en fin jouissance dudit Lyderic. Lequel ayse au possible d'une tant bonne fortune, cōtinuā (le plus secretemēt qu'il peult) soubz le seruite du Roy, les amours nouuellement contractées avec la belle Gracienne, jusques a la aage de vingt ans ou enuiron, que se souuenant des angoisses de la Princesse Emergaert sa mere, ne se peult garder de blasmer & soy mesme, & sa grande nonchallance: disant comme par despit. Ah pouure malheureulx qui te chatouilles de, je ne scay quel bruit, vain & menteur, de telles quelles verus qu'on t'attribue, comme oseras tu desormais te trouuer en bonnes compagnies, sentant ta conscience, qui continuellement te redargue de la lascheté & trahison, que tu commets contre ta propre mere? Ah cōuārd que tu es, comme veulx tu qu'a l'aduenir les opprésés & affligez concēnt aucune esperance de ton sup-

La Princesse Gracienne deuēue amoureuse du Prince Lyderic.

Desdain que le Prince Lyderic conçoit contre soy mesme a raison du long delay qu'il a mis auant pour chasser la liberre de la Princesse sa mere.

D. port

port & ayde si tu deffaults de garrand a l'incôparable mi-
 sere de celle qui t'a engendré? A quoy te seruent tes forces,
 & ta presumée magnanimité, si toy viuant, & en faculté
 de porter armes, demeure en toute assurance le paillard
 qu'apres le meurtre commis en la personne de ton pe-
 re, detient soubz son pouoir ta miserable mere? Ah in-
 grat Lyderic, indigne que la terre soustienne, est il pos-
 sible que tu ayes si long temps différé l'exécution d'v-
 ne vengeance tant juste, & désirée? Mais o mon Dieu,
 o bonté souueraine, de qu'el oeil me conuertiray-je d'j-
 cy en auant vers toy? Vers toy dis je, qui par ceste mien-
 ne paresse j'ay de trop offensé? Vers toy, du quel si mira-
 culeusement, & dès le berceau, j'ay esté préservé de dan-
 giers tant euidents? Vers toy, qui de ta grace m'as esle-
 ué d'une façon si estrange, & depuis orné de plusieurs
 dons & admirables. Et neantmoins faisant semblant
 de mescognoistre que tu sois l'auteur de mon estre, &
 de tout mon bien. le me suis veauté (comme vn pour-
 ceau en la fange,) dedans l'ordure de charnalité, & en icel
 le me suis tellement ensepuely, que postposant la tienne
 tresbonne, je ne tensqu'a la satisfaction de ma peruerse
 volonté. Et incontinent voires au mesme instant change-
 ant de propos côme vn homme transporté, le conuertisoit
 au viel Lyderic son pere nourrisier, disant: ah bon & saint
 Lyderic, si tu voyois cestuy, auquel avec telle sollicitude
 & selon ton pouoir, tu as par cy deuant administré toutes
 choses necessaires & au corps & a l'ame, presentement em-
 pesché au seul entretien de ses folles amours: combien ju-
 ste occasion aurois-tu de te repentir de tes benefices pas-
 sez? Quelles figures d'oraison, quelles exclamations trou-
 uerois tu assez aigres, pour suffisamment me reprocher, & le
 mespris dont j'vse vers le dernier commandement, que tu
 m'auois donné, de n'oublier la liberté de ma pouure me-
 re, & la pusillanimité, de la quelle par la prolongation
 d'un oeuure tant recommandable, ie me monstre de toutz
 poincts entaché. Mais il en yrat autrement. Car desmain-
 tenant je faisls vœu a mon Dieu, de j'amaïs reposer, ny
 viure

“ viure content, que preallablement je n'ayd auec fatesté
 “ osté a l'infâme meurdrier tout moyen d'exercer pour l'ad-
 uenir aulcune cruaulté ou pillerie. Ce dict arrestá en soy
 mesme de trouuer opportunité pour descouurir ceste si-
 ne deliberatió a la belle Graciéne. L'amour de laquelle le
 pressoit de sy pres, qu'il estoit plusieurs fois vacillant & su-
 spens de ce qu'il deuroit faire. Mais en fin la raison eust
 sur son desir charnel tel pouoir, que lo bon cheuaucheur
 doibt auoir sur vn cheual pennadát & trop deliberé. Quy
 fut la cause qu'estant (vn jour apres) entre en deuils avec
 la Princesse Gracienné, apres vn grand soupir (tesmoing
 del'alteration de son ame) il commencha luy dire. Mada-
 “ me l'heur & contentement que je recoy par l'obiect
 “ de vostre beauté nompareille, joincte a celle vertu que
 “ chascun cognoit en vous, pourront (encoires que
 “ je me taíse) assez vous declarer le mal-ayse, falcherie, &
 “ regret que vostre absence me causerá. Laquelle neant-
 “ moings avec tous aultres traualx, j'ay deliberé soubz
 “ vostre congé, & bon plaisir d'endurer plustost, que de da-
 “ uantage souffrir que la Princesse Emergaert ma mere, au
 “ preiudice de mon honneur (auquel toutz grandz persona-
 “ ges, & gens de vertu sont oblegez de sacrifier, voirez leur
 “ propre vie) & continuel remors de ma cōscience, demeu-
 “ re plus long temps soubz la captiuité & misere, en la quel-
 le depuis vingt ans elle a tousiours esté. Et lors luy discou-
 rut le fait de sa naissance, la maniere de laquelle il auoit e-
 sté esleué, l'emprisonnement de la Princesse Emergaert,
 avec le demeurant de ses affaires, & aultres aduentures,
 dont autrefois il luy auoit fait sommiere ouuerture. La
 requerant au surplus, & conjurant sur ceste perpetuelle
 & inuiolable seruitude, de laquelle il luy seroit toute sa
 vie obligé, qu'elle voulist, non seulement trouuer bon
 son partement, mais aussy luy permettre, que sa premie-
 re entreprinse, a laquelle il se preparoit, fut & commen-
 chée & paracheuée, soubz son nom, a son aduen, &
 par son commandement. La belle Gracienné qu'y ne
 mesuroit son contentement que par celsuy de son Lyde-
 ric, considerant l'equite de sa requeste, luy respondit :

Resolution du
Prince Lyderic
touchant la li-
berté de la mo-
re.

Le Prince Ly-
deric declare a
la Princesse
Gracienné sa-
dite resolué,

D ij

Seigneur

Responce de la
belle Gracienne
au Prince Ly-
deric.

Seigneur Lyderic, je vous ay plusieurs fois declaré, que la
seule renommée de vostre vertu, m'a attirée a l'admiratiō
d'icelle & successiuelement m'a donné volonté, de vous ren-
dre autant bien, comme je me sens & confesse estre vo-
stre. Or si en la presente occasion, je me monstrois contrai-
re a vostre deliberation, oultre la faulte que je cōmettrois
contre ma propre grandeur, en controuenant a vn oeuvre
tant excellent, je vous dōnerois matiere de m'estimer plus
dissolūe que ma qualite ne requiert, & plus incōstante que
n'est conuenable a vne Princesse de tel lieu que je suis. Ce
que ne deués estimer de moy, & beaucoup moins vous
persuader, que je ne desire presentement en vous la conti-
nuation des vertus, lesquelles auant nostre mutuelle co-
gnoissance j'ay tant prisées & estimées. Non que pourtant
je pretende nyer, ou aucunement vous desguiser; le des-
plaisir & mal aysé que desja je conçoyp par la seule appre-
hension de vostre absence. Mais vostre satisfaction avec
l'honneur que vous alles acquerir, joincte a l'extreme desir
que j'ay de conformer ma volonté a la vostre, me seruirōt
de secours & cōsolation contre la violence que je pretēdz
faire a moy mesme, par le congé que je vous dōne d'ache-
uer ce qu'auiez entrepris: vous priant toutesfois ne vou-
loir precipiter vostre parterment, de sorte, que je n'aye la cō-
modité de vous mettre en l'equipage que merites, affin
que la part (ou l'effect que dessus) aies arresté vous trās-
porter, puissiez comparoistre en tel train & estat, que re-
quiert le lieu duquel vous estes yssu. Ce pendant vous me
ferez plaisir de particulieremēt me declarer, qu'el chemin
vous esperez tenir, pour paruenir a la vengeance que pro-
tendez. Sur quoy le Prince Lyderic après auoir remerchié
la gentille Princesse de sa responce tant courtoise, & de ses
offres si liberales: l'asseura, que le Roy Dagobert de Frāce,
estoit (selon qu'il auoit entendu) entre tous les Princes
Chrestiens, renommé pour vn des bons iusticiers dont on
ouyt oncques parler & que Phinaert sa partie aduersē, o-
stoit vassal dudit Dagobert: deuant lequel partant il auoit
proposé l'accuser du meurtre, trahison, & lascheté commi-
se contre le feu Prince Saluaert son pere, ensemble d'autres
inhu-

Discours du
Prince Lyderic
sur lesatē de
son entreprin-
se.

inhumanitez par luy perpetrées, lesquelles fuyuant l'esperance qu'il auoit en la bonté & grace diuine, il se faisoit fort de verifier par le combat, qu'il presenteroit de sa personne a celle du dict Phinaert, & que par mesme moyen il deliureroit la bonne Princesse sa mere de l'angoisse & tristesse, que passé long temps elle auoit enduré. La belle Gracienne satis-faite du gentil discours du Prince Lyderic, assez plus que des preparatifz qui se debuoyent faire, pour le voyage d'icelle, voyant que la nuit approchoit, le licentia. Lequel d'autre costé durât que son equipage s'appareilloit, estoit en continuelles oraisons, affin qu'il pleust a la Majesté diuine luy octroyer vn bon & heureux succes, en sa premiere & si sainte entreprinse.

De la venue du Prince Lyderic en la ville de Soisson, & des accusations, qu'a la charge de Phinaert Prince du Bucq, il proposa, deuant Dagobert Roy de France.

CHAPITRE VII.



Pres que le Prince Lyderic fut aduert, que toutes les choses necessaires pour son voyage estoient en ordre, ayant prins le fascheux congé de la belle Gracienne, que leur mutuelle & ardante amour pouoit permettre, il se presenta deuant le Roy, auquel d'une bien bonne grace, & le genouil en terre: Sire (dist il) j'ay receu durant mon secours en vostre court, tant de faueurs & gracieux traictementz de vostre Majesté, qu'ores que pour icelle, j'eusse plus d'une fois hazardé ma propre vie, je ne penseroys pourtant auoir aucunement attainct a la moindre partie de l'obligation dont je me sens redevuable: & toutesfoiz vostre humanité assez esprouuée, me fait certain, que pour satisfaction de mon deuoir, non seulement serez content de receuoir ceste miene volonté laquelle passé long temps a consacré le peu de pouoir que j'auray jamais a vostre seruice: mais ausly, que me ferez l'honneur de ne m'espaigner ny les miens, en toutes voz occurréces. Soubz laquelle esperance, me suis presentement aduancé de

Harangue du Prince Lyderic, en prenant congé du Roy d'Angleterre.

supplier qu'il plaie a vostre Maieſté ne trouuer mauuais
 mon partement, duquel (pour plusieurs raisons, trop lon-
 gues a réciter) je ne puis ores honneſtement m'excuser.
 Le Roy, auquel ceste ſoubdaine deliberation du Prince
 Lyderic n'eſtoit trop agreable : voyant, que nonobſtant
 plusieurs offres, que lors il luy feit, n'eſtoit en ſon pouoir
 de plus long temps l'arreſter : laſſeurá ne luy auoir onc-
 ques faiet tant de careſſes & bon recueil, qu'il ne s'eſfor-
 chaſt d'en faire a l'aduenir aſſez dauantaige, s'il ſe vouloit
 reſouldre d'encores demeurer en ſon ſeruiſe : & que ne-
 antinoings, veu que ſes affaires l'appelloyent aultre part,
 il ſe conténoit de ſon partement, mais a condition, qu'il
 luy enuoyaſt ſouuent de ſes nouuelles, & qu'a la premie-
 re opportunité il n'oubliaſt a le venir veoir. Le Prince
 Lyderic ainſy expedie du Roy d'Anglaterre, s'embarquá
 le meſme jour dans la nef, que moyennant la liberalité de
 la belle Gracienne, il s'auoit faiet freter & appareiller, &
 auſſy toſt feit leuer les ancrs, ſinglant en pleine mer, a-
 uec ſy bon vent, qu'il arriua au bout de deux jours en
 vn port guerres loing de Boloingne, auquel il deſcendeit
 de ſon nauire, & continua ſon chemin par terre, juſques
 a la ville de Soiſſon : ou pour lors eſtoit le Roy Dagobert
 de France, acompagné de pluſieurs ducs, comtes, ba-
 rons, & grád ſeigneurs de ſon Royaulme, en preſence deſ-
 quelz, le Prince Lyderic, apres la reuerence deuë a ſy haulte
 compaignie, s'adreſſant au Roy, parla de telle ſorte. Si-
 re le bruit de voſtre vertu ſinguliere, laquelle vous rend
 aſſez plus eſtimé, que voz grandes poſſeſſions & richesses,
 m'a amené en voſtre court, ſoubz eſpoir de n'en retourner
 moins ſatisfaiet, que juſques a preſent, ont faiet ceulx, leſ-
 quelz pour demander juſtice & reparation des tortz ſouf-
 fertz, ſe ſont de tout temps retirez vers voſtre Maieſté : de
 laquelle je me prometz tout confort, aſſiſtence & ay-
 de, voire d'aultant plus prompte, comme mon deſa-
 ſtre eſt digne de grande compaſſion, & la requette, que
 maintenant je pretens faire, pleine d'equite & raiſon. Et
 afin de ne trop detenir voſtre Maieſté en ſuſpens. Con-
 uient

Partement du
 Prince Lyderic
 du Royaulme
 d'Anglaterre.

Venue du Prin-
 ce Lyderic a
 Soiſſon.

Harangne du
 Prince Lyderic
 au Roy Dago-
 bert, contenant
 l'acceſſion
 qu'il propoſe a
 la charge du
 eyra Phinaert.

uient scauoir, qu'il y a vingt ans ou enuiron, que par le-
 fait de Saluacit Princee de Dijon (qu'aulcuns de cester
 noble compaignie auront, peult estre, cognu) la Princeſſe
 Emergaert de Roſſillon, m'engendra dans vn bois, qu'au-
 pais de Flandre, l'on appelle encores au jourdhuy, ſans
 merchy, & auquel je fus par la grace & miſericorde diui-
 ne, trouué d'un Heremite (qu'auoit ſa demeure guerres
 loing dudit lieu) aultant miraculeuſement, comme j'ay
 eſté depuis eſtrangement nourry & eſſeué. Lors commen-
 chá a diſcourir, ce qu'auiez cy deſſus peu entendre, de ſes
 premieres aduentures, non ſans tre'grande admiration de
 tous les aſſiſtans, & puis en continuant ſon propos, diſt:
 Or Sire, eſtant paruenue en l'aage de dix ans, comme ledit
 Heremite deliberoit me mettre en mains de quelque aul-
 tre gouuerneur, me recitá, avec abundante effuſion de
 larmes, oultre le fait de ma naiſſance, ce que deſja je vous
 ay declaré: meſmes que vn ou deux jours auant madiſte
 naiſſance, le Prince Saluacit mon pere, auroit par Phi-
 naert Prince du Bucq & ſes complices, eſté (en paſſant par
 ledit bois, pour aller en Anglaterre) ſans aucune occaſion
 aſſailly, ſaccagé & meurdry, avec toute ſa compaignie:
 que ledit Phinaert, de ce non content, s'eſtant apperceu
 que la Princeſſe Emergaert ma mere, durant les ſuſdit
 meurtres & ſaccagementz, s'eſtoit ſaluuée, auroit, de tous
 coſtez enuoyé force gens, pour la trouuer & apprehender.
 Laquelle finalement il auroit fait emprisonner, la dete-
 nât encores pour le jourd'huy ſoubz ſa tyrannie & pouoir,
 duquel le bõ Heremite me requiſt, & adjurá, que je ſeiſſe
 tout debuoir de la deliurer, incontínét que l'aage & mes
 forces me le pourroyét permettre. Suyuât quoy, eſtant par-
 uenu en l'aage qu'on voit preſentemét, & apres auoir eſté
 aduertty, que ledit Phinaert eſt vaſſal de voſtre Maieſté, me
 ſouuenant des admonitions du bon Heremite mon pere
 nourriſſier, & aſſez dauátage de ce que je doibz a la pieté pa-
 ternelle & maternelle, m'a ſemblé qu'il ne m'eult eſté im-
 poſſible, trouuer remede plus certain cõtre l'angoiſſe qu'y
 m'aſſilge aultre part, qu'en la court de voſtre dit Maieſté
 deuant

deuant laquelle partant, & en presence de ceste magnanime compaignie, avec le respect & humilité requise, je maintiens que ledict Phinaert a, comme traistre, larron, & meurdrier, meschamment occis & saccagé le Prince Saluaert mon pere; ensemble toutz les siens: & que comme tyran, il detient au jourd'huy contre toute raison la Princesse Emergaert ma mere: soustenant, qu'au moyen dece il doibt estre escartelé, ou bien, mis a tel aultre dernier supplice, que sa lascheté & trahison meritent. Mais pour aultant que l'accoustumé de ses semblables, est de pallier, nier, & excuser leur mesfaictz, ou par le plat de la langue, ou par leur presumée force: affin que la juste vengeance ne soit pour ce respect differée, je suis prest, & m'offre verifier, & maintenir ce que dessus, par le combat de ma personne a la sienne, & a celle de tout aultre qui en son tort le voudra deffendre & assister. Suppliant au reste, que vostre Maiesté, comme souueraine sur lesdict Phinaert me pouruoye de justice & remede en tel cas conuenable. Le Roy merueilleusement estonné de la graue representation, hūble maintien heroycque assurable, & persuasue eloquence du Prince Lyderic, mesmes de ce qu'en aage tant delicat, il s'exposoit d'une telle magnanimité, a une entreprinse si dangereuse, ne se pouoit garder de grandect, en son courage, le louer: & apres vn petit silence, le remerchia en premier lieu, de l'opiniō qu'il disoit auoir de sa bonté & justice: l'assurant qu'il ne se trouueroit en cest endroit deceu, nō plus qu'en toutz aultres, ausquelz bonnemēt il le pouroit fauoriser & assister. Apres, l'admonesta, & luy conseilla de differer le combat, qu'il pretendoit contre le Prince Phinaert: nō pour doubte qu'il eust de son bon droict, mais a l'occasion que le dict Phinaert, estoit estimé l'un des plus adroictz, & rudes cheualiers de son tēps, & que veüe la qualité de son aage, il pouroit (par trop se haster) fallir a ce, que sa justice par succession de temps, & en aage plus meur ne luy scauroit denier. Et outre ce, pour du tout diuertir le Prince Lyderic de sa susdicte deliberation, luy remonstra, que la magnanimité ne consiste en l'entreprinse des choses notoirement impossibles.

Responce du
Roy Dagobert
au Prince Ly-
deric.

Diffusion du
Roy Dagobert
touchant le com-
bat, que le Prin-
ce Lyderic vou-
loit entrepren-
dre.

En quoy con-
siste la magna-
nimité.

mais en celles, l'exécution desquelles se poult limiter & mesurer par la qualité de nostre force & pouoir. Aultrement qu'au lieu de magnanimes, l'on se met en dangier d'estre estimez temeraires, & pour vertueulx, oultreui-
dez & vicieux. Finablement, pour luy monstrer que les sus-
dictz aduertissemētz ne rendoyēt qu'a son prouffit & hō-
neur, & qu'il n'auoit intention de reculer de la justice que
ledit Lyderic requeroit luy estre faicte, il luy laissale choix
de ce qu'il trouueroit plus expedient, pour son affaire. Le
Prince Lyderic, ayse au possible de veoir, que son entre-
prise s'acheminoit conformement a son souhait, affin de
reiecler de soy toute opinion qu'on pourroit de luy auoir
conceüe, d'aucune temerité, replequa. Que l'equité de
sa querelle & toutes aultres choses egales, il ne voudroit
tomber en reputacion d'homme tant presumptueux, que
de pretendre paragonner ses inexperimentées, & foibles
forches, a la manifeste & cheualereuse prouesse du Prin-
ce Phinaert. Contre lequel neantmoins, il esperoit vne
glorieuse victoire, au moyen qu'il auoit tousiours enten-
du, que la force de l'homme accompagnée de cruauté,
ne faict a estimer non plus que celle d'une beste brute de
laquelle l'homme conduit par raison, deuiet finablement
& vainqueur & superieur, oultre ce, qu'il se faisoit fort
(veu le bon courage que Dieu luy inspiroit) que son bras
guidé par la bonté diuine, seroit executeur de la justi-
ce, que les inhumanitez dudit Phinaert ne pouoyēt plus
long temps euitier. Et pour ce requeroit en tout' instance,
que le bon plaisir de sa Maiesté fut prononcher, sans vte-
rieur deley, sur sa requeste, l'arrest, que selon droit & rai-
son elle scauoit conuenir. Suyuant quoy le Roy, apres
meure deliberation de conseil, ordonna que vn herauld
fut enuoyé vers ledit Phinaert, affin qu'apres auoir en-
tendu, ce qu'il proposeroit sur les accusations du Prince
Lyderic, l'on peult avec meilleur fondement donner sur
leurdebar, vne feure sentence & diffinitive.

En quoy confi-
ste la magnani-
mité.

Replique du
Prince Lyderic
sur la sus-dicte
dissuasion.

Force d'un
herauctuel
comparée a
celle d'une be-
ste brute.

B

Com-

Comment le Roy Dagobert envoya vers Phinaert un herault; et
pour l'advertir des charges que le Prince Lyderic luy
mettoit sus, & de la response dudit Phinaert.

CHAPITRE VIII.



Encomment qu'à la treugete pour fuyte du Prin
ce Lyderic, ledit herault fut despesché, il se tra
sporta en toute diligence au chasteau du Bucquoy
il trouua le Prince Phinaert: auquel il declara succincte
ment la cause de sa venue, mesmesque le Roy Dagobert
son trestredoubté Seignr, luy madoit qu'il eust a respoindre
aux grâdes & excessives charges que le Prince Lyderic luy
mettoit sus, fut par satisfactions verballe ou celle, & ce en
dedens certain jour lors assigné. Quand Phinaert eust en
tendu le fuidict embassade, dissimula le mieulx qu'il luy
fut possible, & la douleur q le remors de sa conscience luy
causoit, & la bestie furent, quy lors le maistrisoit. Dit au
dit herault: Mon amy tu retourneras vers le Roy mō Se
gneur, & l'asscureras de ma part, que je ne combins oncques
a luy, ne trahyson, ny felonie. Et q quant a la mort du Prin
ce Saluaert, elle fut en bonne guerre, & pour juste occasiō
executée. Au reste, que suis delibere de diffuses le cra
stoy de cestuy, quy tant injustement m'a accusé, jusques au
jour du combat, qu'il m'a presente, que lors, aux despens
de sa teste, ma justice sera cogneüe, & son oultrecurdancē
desconuerte, & manifestée. Et pour aultant que ce braue
mignon fait semblant d'estre merueilleusement curieux
de la liberte de la Princeesse Emergaert, qu'il maintient estre
sa mere, tu me feras plaisir de luy dire en mon nō, que suis
content que nostre different se desmelle en ceste con
tree, affin qu'ayant le dessus de moy, que sy follement il se
promet, il n'ayt la peine, pour la deliurancē de ladicte Prin
cesse, de se transporter pardeça. Ce pendant, il fera tresbiē
de n'oublier rien de sa prouesse. Laquelle redoublée luy
viendroit trop mieux a propos, en nostre confus (du moins
s'il continue en volonte, & hardiesse de s'attacher a moy)
que les parolles esuentées, qu'a mon desauantage, & en sy
hault compaignie, il s'a laissé & eschapper. Ce dict, il com
manda que l'herault fust bien traite, & peu apres se trou
uant

Matthieu & co
nnance de Phi
naert entenda
les accusations
du Prince Ly
deric.

Response de
Phinaert aux
familieres accu
sations.

tant sont avec trois ou quatre de ses plus priuez, il s'enquist, aucun d'eux auoit jamais entendu parler de ce Lyderic, quy se disoit filz de la Princesse Emergaert, & duquel neantmoins jusques alors n'auoit esté aucun bruit ou mention, si euerueillant ausurplus comment estât filz de ladicte Princesse, il auoit peu échapper de ses mains, lors que le Prince Saluaert fut deffaict, & mesmes que des gents d'iceuy Saluaert, il n'auoit oncques esté aduertiy que ledit Saluaert auoit laissé quelque enfant. Daultre part en conferant l'espace qu'il detenoit ladicte Princesse, avec l'aage dudict Lyderic, il trouuoit impossible, qu'il fût audict temps esté suffisant pour se sauuer, sans l'assistance de quelque aultre personne. Comme aussy luy sembloit estrange, que ladicte Princesse, estant depuis retrouvée, fut apporuee sans enfant, & qu'en telle extremité, n'estoit vray semblable qu'elle eust voulu abandonner son filz, s'elle en eust eu aucun. Toutes ces choses biē debatues, & avec les susdicts diligemment examinées, ne luy estoit possible d'asseoir jugement certain sur chose quy fut, & partant il arresta, qu'on regarderoit d'escauoir la verité de la Princesse Emergaert fut per menases, douceur, ou aultrement Elle fut doncques appelée, & apres plusieurs ruses, dont (pour luy tirer les vers du né) l'on usa, elle confessa, qu'au jour mesme qu'elle fut emprisonnée, Dieu par sa bonté l'auoit fait mere d'un vag beau filz, que craindat la fureur de ceulx quy la cherçoient, elle laissa en un petit fosse, guette loing du lieu auquel elle fut trouuée, & que du demeurant, elle n'en pouoit sauoir plus que cestuy quy oncques n'en eust nouvelles. Suppliant a chaudes larmes, & mains iointes, qu'on s'il estoit en leur pouoir, ilz vouldissent auoir pitié de luy, ou bien que sa mort fut accompagnée par celle de sa miserable mere. Phinaert quy par ces nouuelles auoit martel en teste, & pensoit a autre chose que aux larmes de la pouure Princesse, la fit remener en son lieu, & ordonna qu'on soit tout diligence pour s'informer de ce point, & par quy ledict enfant auoit esté ellue. Mais voyant que nonobstant tout de buoien n'estoit en luy d'en rien entendre, il commença doubter de son affaire: &

Remors de conscience.

d'autant plus, qu'onlre le remors de la conscience (qui trop doucement ne le chafouilloit la nouuellité, de cest enfant, le faisoit craindre, que Dieu, enuyé de sus cruaultez, ne l'eust referué pour en faire, & executer la vengeance. D'autre costé, son coeur endurey & obstiné au mal, appuyé sur l'assurance qu'il auoit en ses presones forches, luy estoit toute crainte du dangier, lequel peu après il expérimenta certain, a sa grande confusion, deshonneur, & perte de sa vie : donnant a entendre par son exemple a vn chascun, de quelle monnoye le diable en fin paye ses adherents, lesquels par vaines promesses, il pourroit auer serment, & jusques a ce qu'il les tient en loïs, de sorte qu'avant s'en apperchevoir, il les fait trebucher en la fosse & aux lacqs, qu'il leur auoit préparé. En quoy le mesme diable, encores que forche, sert de ministre, ou (pour mieulx dire.) d'instrument a l'execution de la volonte & justice du Seigneur Dieu immortel. Lequel a accoustumé de donner prosperitez, & laisser longuement sans punir ceulx, desquelz il veult prendre vengeance pour leurs pechez : afin que par la mutation des choses, ilz se deussent plus griefuement, & de la chute inespéré, ilz rechoient incôparables tourmentz. Comme aduint audict Phinaert, lequel occupé en la consideration des choses que dessus, donna au dict herault toutes despesches necessaires, avec lesquelles il se mit assez tost en chemin, & paruint en peu de tēps en la ville de Soisson, ou il trouua encors avec le Roy Dagobert, & aultres grāds seigneurs : lo gentil Lydaric, en bñe bonne deuotion de s'atacher, & faire recognoistre au Prince Phinaert, la laschete & grande trahyson. Et cōme par le rapport dudit herault, il eust entendu, le peu de cas q ledict Phinaert monstrois faire : & de ses accusations & du cōbat auquel il l'auoit semons mesmes, qu'il luy auoit mād'estre content, que leur conflict se desmellast en la presence de la Princesse Emergaert, plus par fource de mespris que pour aultre occasion : il print en l'orgueil de son aduerfaire, matiere de plus grand courage, & par la presomptueuseur d'iceluy, espoir de bonne issue & certaine victoire. Les assistantz pareillement, & le Roy mesme, ballanchantz.

*Entre grand ad
vindictam sui
domina procedit
ira, sed tardita-
tem grauitate
supplicij com-
pensat.*

chantz la magnanime patience du Prince Lyderic, le quel ne s'estoit aucunement effroyé, ny tant peulsoit atter des menasses, & mepris de son ennemy, auec la bestialle oubtre cuidace dudit Phinart, le quel desja faisoit estat de sa contrepartie, comme d'une personne reduite soubz son pouoir & discretion, se promettoyẽt du Prince Lyderic assez plus, qu'ilz n'auoyẽt faict au parauant. Au quel endroit le lecteur pourra descouuoir a part soy le fruit qui apporte la presumption, & au contraire quelle perfection des autres vertus est la modestie. Nul courage bien ordonné, & nul corps bien disposé peult dextremẽt mettre en exercice les biens de l'un de l'autre, sy la réperance, & moderatiõ ne les conduict, & bien, que la vaillance & hardiesse soit grãd dõ de Dieu, sy sera elle pernicieuse a quy l'aura, s'il les laisse transporter par passion ou de gloire, ou d'ambition, jusques a temerité ou orgueil. L'eloquence & faculté de bien dire est vn beau & riche present de nature, augmenté & cultiue par long usage & estude, pour donner lumiere, & ornement aux belles conceptions de l'esprit. Mais y a il peste plus nuisante a vne republicque, que vn bien disant orateur, quand il veult mal user de son art & d'usage de langage. N'en a lon vou persuader des peuples entiers, jusques a entreprendre des choses, quy leur ont apporté ruine & subuersion: le laisse la confidõce des biens, & l'opinion de sa propre beute, dont l'vne a esté cause a plusieurs de perdition de corps, & l'autre a infinis de destruction d'honneur, & d'ame. Tant est en toutes choses dõmageable l'oultreuy d'ee usurpation de trop, & l'immoderée estime de soy mesme. Je ne veulx icy comparer la prudence d'Ulysses, a l'arrogance du superbus Ajax: ne la violence de Turnus, a la temerance d'Aeneas, ne faire autres remonstrances par le succès des grandes choses aduenues aux illustres personnes Grecoques, Latines, & autres. Ains me contenteray de mpirer pour exemple de seul atordõ de l'indiscrẽt Phinart. Afin que touz lecteurs, quy se esbairront a lire bestehistoire, se propõsent a de tester, & fuyr le vicieux Phinart, & a imiter le gentil & vertueux Lyderic. Lequel suruant l'office faict par son ennemy, requist

Louange de la modestie.

Vitupere de l'oultre cuidance.

et de la guerre
de la guerre

Bien humblement au Roy, que son plaisir fut, d'accorder
que le fust du combat se fust ailleurs, & selonc les couven-
conques le Prince Phinaert avoit d'ouïe. A quoy le Roy Da-
gobert non seulement s'accorda, mais ausy pour la volun-
te qu'il avoit de veoir l'issue de ceste messee, promit dy a-
lle en personne, avec bon nombre des principauls seig-
neurs de sa court. Dont le Prince Lydenic estoit au possible
de remarchier de tout son royaume, & d'autant plus, que par la
presence du Roy; n'y alloit contre la trahyson du cruel
Phinaert, laquelle jusques alors, n'aveit trop plus redoub-
tee, que sa puissance, & chevalerie; & grand royaume. On
dit Commence le Prince Lydenic vainqueur. Et vint en camp de
bataille, & le grand Phinaert, en presence du Roy Dagobert, &
de plusieurs autres princes de France. Vint à la charge.

et de la guerre
de la guerre

Propos du Roy
Dagobert à Phi-
naert.

Response du-
dit Phinaert
au Roy Dago-
bert.

Es choses susdictes disposées; selonc qu'avez veu
par le chapitre precedent, & s'approchant le tēps
d'autant le combat des Princes Lydenic, & Phinaert
se debust exequir. Le Roy Dagobert, avec un équipage
correspondant à sa grandeur, & puissance, se mit en che-
min, & vint peu apres au chastel du Budq, ou luy fut fait,
pour l'honneur, & bon traitement, dont un vaissal, pour ad-
querir la grace de son Prince & Seigneur, se portoit adu-
sant. Nonobstant quoy, le Roy Dagobert ayant fait appeller
le Prince Phinaert, après luy avoir déclaré, qu'il ne debu-
oit ignorer la cause de sa venue, luy ordonna qu'il eust à
se tenir prest le lendemain pour respondre & satisfaire au
combat qu'estoit arreste entre luy, & le Prince Lydenic. Pre-
mettant & jurant sur sa couronne, de faire sans autre re-
servation, ny respect, justice, conformément au droit, que
l'evenement du futur combat, donneroit de chascun de ces
dicts patries. Le Prince Phinaert après avoir respondu, que
la fin du combat luy seroit plus agreable que le continen-
gement, & trop les bairres des caresses, que le Roy & toute sa
suite faisoient au geneal Lydenic, pensant par la plus de sa
langue, les divertir de la bonne opinion qu'il avoit de
avoir de luy, proposa plusieurs canilleuses excusations, sur
les charges à luy imposees. Lesquelles neantmoins il pa-
roissoit illoic

Bioit d'une telle indifférence, & indifférence, qu'on parloit si baid
 che propre, l'on eust facilement decouvert & le menin &
 la trahison de son ceut. Et ce qui redoit la cause du Prin
 ce Lyderic assez meilleure, estoit vn changement de con
 leur qu'on voyoit continuellement au vilage dudit Phi
 naert, ioint à une contenance tant feroce, qu'on ois
 gnoissoit a vout d'ocit, qu'il auoit en son forech trop plus
 de confidence, qu'en aucun droit ou justice. D'autres con
 fite le Prince Lyderic, d'une bien bone grace, & en per de
 propos, continuoient en ces accusatiōs, & remettoit la iustifi
 cation d'icelles, au jour de lendemain, lequel vint, & tout
 ces choses pour ce requises appareillies il eparut aux nob
 nobre de grandz seigneurs & gentils hommes, au lieu, pour
 le fust d'icelles destine (qu'estoit vn port, qui estoit aujour
 huy l'on voit en la ville de Lille, appelle le Port de Fin), ou
 parceller & quasi au Ty. tost se trouua le Prince Phinaert
 en representation d'homme adroit, puissant, & de grand
 ecur: & lequel se tenoit rāt bien cheval, qu'il sembloit es
 tre collé en la selle d'icelui. Ce pendant faisoit beau veoir
 le gentil Lyderic pour mener son destrier au petit pas, & le
 gouverner d'une dextérité nō croyable, lequel par tō port
 & braue maintie, faisoit au port de toutz des regardantz
 vne admiration non vulgaire de l'oy, poutte q'chaun d'eux
 jugeoit & estimoit, q'ly l'interieur correspondoit a ma
 gnanimité qu'exterieurement se demostroir, il ne pourroit
 faillir d'estre l'un des meilleurs, & plus renomméz cheualiers
 du monde. En ces entrefaictes suruint le Roy Dagobert, la
 venue duquel causa vne merveilleux. Il se a toutz les affir
 mas, & vn effroy point petit a ceulx, qui selon leurs passion
 portoyent faueur, qu'il un ou a l'autre de d'icelles chāpius.
 Lesquels peu apres avec egale distribution du Soleil, furent
 dans le cap constituez, a l'opposite l'un de l'autre, & au pre
 mier son des trompettes, donatz des esperes a leurs che
 uaux, vindrent a bride abbatue, se remorant d'une telle
 impetuositē, q'les glaives bates sur quos dantes poignets,
 ils furent tous deux contrainctz a haquer les leurs hommes
 non pas le cōbat, lequel a grandz coups d'espees, ilz pour
 suyrent d'une yuacite ly estrange, qu'il estoit imposs
 ble

M. 2. Jean 1.
 Contenance de
 Phinaert en pre
 sence du Roy
 Dagobert &
 autres Princes.

Le port de Fin
 a Lille.

La venue de
 Lyderic & Phi
 naert au lieu
 destine pour
 leur combat.

M. 2. Jean 1.
 M. 2. Jean 1.

Le cruel & dâ-
gereux combat
de Lyderic &
de Phinaert.

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

1211

ble il assésir ynement certain, a quy d'honneur en deuoit
demonstrer. Dont le Roy, & tous les autres furent gran-
dement estonnez, mesmes de l'agilité, moyennat laquelle
le Prince Lyderic euit les coups lourds & pelants de
son adversaire, ensemble de la promptitude, dont il vloit
atoy faire ressentir les siens: ce que toutesfoi il ne pouoit
faire tant doxtrement, qu'il n'eust bien souuent bonne
part au gasteau. Aussi estoit le Prince Phinaert vaillant &
nide cheualier, voirez aultant que mal-ysement l'on eust
aultre part trouue son semblable. Or estoit la cause, qu'
bien souuent quand ilz pensoient auoir fait, ilz se trou-
uoient a recommancher: & que quand on les estimoit
hors d'haleine, leur meslée se monstroie plus cruelle, &
leur conflict plus dangereux. Mais en fin le Prince Lyde-
ric, deuant les yeux, de quel se representoit la mort du
Prince Saluacre son pere, joincte a l'injuste emprisonne-
ment de sa poure mere, voyant la longue resistance que
le Prince Phinaert luy faisoit, & qu'au moyen de ce il auoit
a son semblant pour vne victoire tant desirée, trop long
temps combatu, enflammé de despit, entre meslée dire &
desdain, desploya toutes ses forces, & cōme sy tout le jour
il n'eust combatu, se rua d'une telle aspreté sur son ennemy,
qu'au mesme instant il rendoit vn chascun assésuré, que la
chance tourneroit au peril des malheureux Phinaert. Le-
quel estoit desja sy affoibly, car a raison du sang, qu'il auoit
perdu, que pour le long temps que ceste bataille auoit du-
ré, qu'il ne faisoit plus que parer aux coups, que sur luy ful-
minoit le vaillant Lyderic: quand il se sentit d'iceluy char-
ge d'une estoce quade parant roide & bien assés, que chance-
lant de deux ou trois pas en arriere, il fut contrainct tomber
du hault de soy, & par la mort ignominieuse rendre la
Princesse Emergaert certaine de sa liberté, & le gentil
Lyderic d'une victoire, aultant glorieuse, qu'aultre en
cel age eust jamais conquis & obtenu, non sans grand
esbahissement d'un chascun, & au singulier contentē-
ment de tous les Seigneurs & aultres gens de bien illec
assistans, mesmes du Roy Dagobert. Lequel descendit in-
continent de son eschaffaut, pour scauoir cōment il estoit
de la

Dela miserable
mort du cruel
Phinaert.

de la disposition du Prince Lyderic, ensemble pour luy
congratuler de ce que dessus. Et comme il entendit que
de toutes les playes, qu'il auoit en grand nombre, ne s'en
trouuoit aucune mortelle, esmerueillé & satisfait plus
que deuant, commanda qu'il fut bien doucement me-
né vers le chasteau de Bucq, auquel il disoit le vouloir at-
tendre, & ou furent depuis traitées les choses que cognoi-
stres presentement.

Comment le Roy Dagobert transporta les biens de Phinacre

au Prince Lyderic, lequel aussi il crea pro-

mier Forestier de Flandre.

CHAPITRE X.



Le victorieux Lyderic, apres l'issue du combat
tel, que auez peu entendre (& lequel fut exe-
cute, sur vn matin enuiron six heures, le
quinzieme de Iuing en l'an six centz quaran-
te) scaschant que les victoires ne procedoyent
de la vaillantise des hommes, ains de la prouidence, & om-
nipotente bonté de Dieu, luy rendoit de la siene telles
graces, que sa santé, & le lieu auquel il estoit, pouoyent per-
mettre. Et puis, suyuant le commandement du Roy, il fut
en grande magnificence, & triumphe, conduict vers le cha-
steau de Bucq, auquel paruenü, il ne voulut oncques souf-
frir, aucun appareil estre mis a ses playes, que preallable-
ment il n'eust & salué, & deliuré la bonne Princeesse sa me-
re, vers laquelle partant il fut incontinent mené. Et se trou-
uant pres elle, il seroit impossible, de particulièrement reci-
ter les baisers, caresses & embrassementz reciproques, que
ils s'entre-donnerét trop bien, les pouront assez mieux cõ-
prendre ceulx, qui apres vne longue misere, se sont retrou-
uez au port desiré, de repos & contentemēt: comme estoit
la noble Princeesse, laquelle ne se pouoit saouler de remer-
cier Dieu, de la bonne sauuenance, que luy auoit pleut a-
uoir de sa misere, laquelle elle protestoit tenir pour tres-
bien employée, considerāt q̃ le remede d'icelle, auoit esté
moyenné par la main de la personne, que plus elle desiroit
F voir,

L'an six
centz xl.

Les victoires
viennent de la
bonté de Dieu.

Le Prince Lyde-
ric deliure sa
mere des pri-
sons de Phi-
nacre.

veoir, & qu'elle aymoit le mieulx en ce monde. D'aultre
 coste, le Prince Lyderic, le quel (transporté du plaisir, dont
 il fauoit senty sairy par la presence de sa mere) n'auoit quasi
 encoires ouuert sa bouche: jugeant par le contrepois de
 l'allegresse presente, ce que sa mere en si longue espace po-
 uoit auoir souffert & enduré: tant pour la consoler de la
 misere passée, que affin de luy manifester le reueuement
 qu'il auoit de sa joye recente, luy dist: Madame, le Dieu
 souverain, architecte de ce monde, nous y faict jouier les
 tragedies tristes, & facheuses, quand il luy plaist, puis les
 comedies & farces joyeuses, quand son diuin vouloir le por-
 te. A quoy nous fault renger noz voluntez subiectes, fai-
 santz de necessité vertu, sans regimber contre l'esperon, en
 se plaignant de ses ordonnances diuines les grandes aduer-
 sitéz, il nous enuoye pour nous faire cognoistre sa grandeur
 & nostre imbecillité: & apres la pluye le beau temps en
 tesmoignage de sa bonté, qui ne nous veult abymer & de-
 struire selon sa puissance & nostre desinerite. Ce que cer-
 tainement deuroit en toutz cerueaux bien disposez cau-
 ser vne crainte des jugementz de Dieu, & en toutz coeurs
 deüemēt temperez, vn amour inextinguible, vers la doul-
 ceur & bonté d'iceluy. La gentille Princeesse, voyant au
 maintien de son filz, qu'il estoit pour entrer plus auant en
 propos, s'elle le laissoit continuer: l'admonesta de diffe-
 rer toutes vlterieures colloquutions, jusques a sa conuale-
 cence: ou bien, qu'estant ses playes appareillées, l'on fut as-
 seuré de sa santé. A quoy le gentil Lyderic, tant a raison de
 la necessité qu'il en auoit, que pour obtemperer, au vou-
 loir de sa mere, condescendeit promptement & volun-
 tiers. Et suyuant ce, fut mis en vn bon liet, & incont-
 nent apres, visité par aulcuns experts medecins, & chyrur-
 giens, lesquelz asseurerent ledict Lyderic de tout dangier,
 non pas de guerison si subite, qu'il eust bien desiré. Ce
 pendant le Roy Dagobert, qui n'escauoit assez parler &
 louer la prudence, magnanimité, prouesse, & vertu du gen-
 til Lyderic, estant aduerty, que la santé d'iceluy, prendroit
 plus long train qu'il n'auoit esperé: vint le lendemain le
 trouuer en son liet, ou en presence, & du consentement, des
 Prin-

Propos du Prin-
 ce Lyderic a
 Madame Emer-
 gence sa mere.

Apres la pluye
 le beau temps.

Le Roy Dago-
 bert vient visi-
 ter le Prince Ly-
 deric en son liet

Princes, Barons, & Seigneurs, qui l'accompagnoient, luy transporta, & donna toutes les terres & seigneuries, que le dict Phinaert, solloit posseder: pour d'icelles, par ledict Lyderic & ses successeurs eternellement, jouir & posseder, selon & de la mesme maniere que faisoit ledict Phinaert & ses predecesseurs. Et oultre ce, pour dauantage decorer & honorer la vertu dudit Lyderic, & inciter tous aultres a l'imitation d'icelle, le feit & constitua premier forestier du pais & contrée de Flandre: moyennant toutesfois la souveraineté, que sur toutes lesdictes terres & pais, le Roy Dagobert se reseruoit, & a la couronne de France. Ce fait, & apres auoir receu le serment de fidelité & hommaige, que le Prince Lydetio luy feit en presence desdictz barons & seigneurs: ledict Dagobert retourna en France, laissant le vaillant Lyderic en bonne deliberation de le venir retrouver, & seruir, incontinent que ses playes seroyent consolidées. Et voyla, quelle fut la fin des richesses, & de la vie, du Prince Phinaert, seruât aujourd'hui d'exemple pour ceux qui sont costumiers d'usurper le bien d'aultruy, & exercer toutes especes d'inhumanitez. Lesquelz Dieu patient & misericordieux, permet triompher & prosperer pour quelque temps: mais a la fin, il descouche sa sagette contre eux, qui les fait tomber & entierement ruiner. Pour tant chascun doit auoir deuant les yeulx que nul mal demeure impuny, & que a la fin toute chose terminée fors la beatitude des ames celestes, & les peines des damnez miserables. Car quant au purgatoire il n'est pardurable, ains préd semblablement la fin. Ainsi vous voyez, qu'ol prouffit rapporta a Phinaert le larcin & homicide qu'il comieit, en la personne du Prince Saluacit, & des siens: certes nul aultre, sinon mort & fin miserable, que (comme dict est) il receut par les mains du Prince Lyderic. Vn tel spectacle doncques, est generallement proposé, deuant les yeulx de toutz les hommes du monde, affin que toutz depuis le plus grand jusques au plus petit, tremblent & soyent persuadez, qu'il ny a chose si ferme & si bien establie, icy bas, que Dieu ne schafce bien renuerser: qu'il ny a prosperité si bien fondée qu'il ne conuertisse en vne face triste & hydeuse, qu'il

Le Roy Dagobert donne au Prince Lydetio les terres de Phinaert.

Le Roy Dagobert constitue ledict Lyderic premier forestier de Flandre.

Retour du Roy Dagobert vers France.

Discours & admonition de l'auteur sur la fin malheureuse du cruel Phinaert.

ny a couronne si seulement posée, qu'il n'arrage : qu'il ny a richesses tant grandes, qu'il ne conuertisse bien en grande pouureté, & n'y a liberté qu'il ne change en seruitude fort miserable & angouisseuse, quand l'heure de l'exécution de ses jugementz est venue.

Comment Lyderic estant a la chasse, trouua la Princeesse Rosmilde, femme du Roy Dagobert, & enuoya vers ledict Dagobert pour demander en mariage ladicte Princeesse & d'autres singularitez.

CHAPITRE XL



O vs auons cy dessus laissé, le Prince Lyderic, entre les mains d'aucuns medecins & chyrurgiens tresexpertz, & soubz le gouuernement de la Princeesse Emergaert sa mere: maintenant nous conuient discourir de ce, qu'apres auoir esté restitué en sa bonne santé, luy aduint. Mais auant passer plus oultre, ne me semble impertinente de toucher, comme en passant vng petit mot, du susdict no & estat de forestier : lequel plusieurs estiment, auoir prins son commencement, de cestuy qui premier l'auroit porté, lequel par esbat & en se mocquant d'un don si petit, come estoit lors le pais de Flandre, s'en seroit faict appeller Forestier. A quoy neantmoins je ne puis aucunement condescendre, entant mesmes que par ce qu'auons au commencement de ceste histoire, assez amplement deduit, se decouure que long temps auparauant, ceste contrée de Flandre estoit vn bon & opulent pais. Et pourtant, mō opinion seroit, que ledict nom de Forestier, auroit prins sa premiere source, des forestz qu'il y auoit (comme encores pour le jourdhuy a) audict pais, en nombre competent. Ou bien que ledict nom de Forestier, n'auroit esté vsurpé ny par Lyderic, ny par aultre : ains qu'il auroit ainsi esté appelé, a raisō de semblable dignité, en laquel le il auroit par le Roy Dagobert esté constitué, & laquelle dignité seroit en effect este telle, comme est celle de ceulx que presentemēt nous appellons, Grandz veneurs. Ce que ce soit, je m'appaiseray

trop

Diverses d'opinions touchant la diction de Forestier.

l. cap. i.

Opinio de l'auteur touchant le nom de Forestier.

trop mieux de toutes aultres opinions , que de la susdicté premiere, & toutesfois je laisseray chascú en sa liberté, d'en juger selon sa fantasie, & discretion. Or, pour reprendre, nostre premier theme, comme le Prince Lyderic fut retourné en conualescence, son principal soing & estude estoit, de reduire soubz bonnes loix & ordonnances le peuple de Flandre, duquel il auoit nouuellement empris le gouuernement. Lequel peuple en changeant de Prince, fust aussi tost apperceu changer de complexion & condition: reformant sa bestiale ferocité, en vne douce ciuité, & ses briganderies accoustumées, en vne tractable humanité. A quoy luy prouffit grandement, la diligence & bonnes admonitions de Monsieur saint Amand, que le Prince Lyderic pour sa sainte conuersation, auoit en singuliere reuerence, & lequel depuis n'aguerres auoit conuertý a la sainte foy bonne partie dudit peuple de Flandre. Par le conseil de ce saint personnage, le bon Lyderic feit edifier soubz son dommeine plusieurs eglises & chappelles, & entre aultres, il fonda en vn hameau nommé Brugstoc, ou presentement est située la gentille & tresrenommée cité de Bruges, vne chappelle, en l'honneur nostre Dame, au lieu mesme auquel depuis a esté faicte, leglise de Saint Donas. Au reste je treuve par anciens cartulaires, que ce Lyderic portoit ses armes gironnées d'or & d'azur, a vn escusson de gueule par dessus, & disent auleuns qu'il les conquist sur Phinaert: les aultres estiment qu'elles luy vindrét de ses predecesseurs: tant y a que ses successeurs contes de Harlebecque & forestiers de Flandre, & ausi depuis les cōtes dudit Flandre, ont tousiours porté les mesmes armes, jusques au conte Philippe, premier de ce nom, lequel les abandonna, pour la raison qu'en poursuyuant ceste histoire pourrez entendre. Je treuve ausi, que le susdict Lyderic, entre toutz aultres passetemps, aymoit extreimement le deduit de la chasse, comme de tout temps ont faict plusieurs grandz Princes & seigneurs: de sorte, que a ceste occasion on a tousiours estimé ladicte chassé estre le propre exercice desdictz Princes, & non sans cause. Car elle porte vne semblance de fortitude, & avec elle, tient la similitu-

La diligence de Lyderic pour reduire Fladre en bone police.

Saint Amand.

Lyderic a la requeste de saint Amand, fonde en Fladre, plusieurs eglises, & chappelles.

La chappelle nostre Dame, ou presentement est St. Donas a Bruges.

Les armes de Lyderic & successeurs des contes de Flandre.

La chasse deduit de Prince.

La chasse a 6.
multitude des ar
mes.

L'ouange de la
chasse.

Plinie second a-
mi de la chasse.
La chasse ydoi-
ne a la contem-
plation des cho-
ses presentes.

Lyderic estant
a la poursuyte
d'un cerf treu-
ue vne belle da-
me grandement
desconfortée.

de des armes ; elle establit en premier lieu son capitaine, au commandement duquel toutz veneurs obeissent ; & obtemperent : elle prouoque son ennemy par excursions, elle met ses espies aux eschauguertes, elle cache ses ruses : elle faict semblant d'ouuertement combatre : elle guette & prent garde aux lieux, ou se peult diuertir & retirer la beste, elle faict marcher ses pietons deuant, par les champs & taillis, elle met en vne plaine & lieu patent ses aesses, elle sonne avec ses trompes, l'entrée & l'ysue de sa guerre : elle donne les signes de victoire : elle signifie quand la beste vient ou s'enfuyt : elle donne a cognoistre quand il fault dresser le camp ailleurs : bref, il fault concluire que la chasse & la guerre sont semblables l'un a l'autre. Les veneurs sont accoustumez au froid & au chauld : ilz endurent faim pour le desir de la proye, ilz sont faictz plus durs & robustes en ceuauchant, courant, saillant, grim-pant contre les montaignes : & plus prompts & courageus en faisant la guerre aux bestes saulvages. Oultre ce, nous auons pour tesmoing Plinie second, que la chasse est idoine a la contemplation des choses pesantes & difficiles : lequel, se glorifiant, rescriuoit a *Cornelius Tacitus*, que souuent il hantoit la chasse : disant que cestoit merueille, que l'esprit par le plaisir de la chasse s'esmeut & excite a contemplation, & mouuement de corps. A la mienne vo-lunté, que toutz Princes & Seigneurs de nostre temps, y vacquassent aultant, qu'ilz font a paillardises, yurong-neries, juz de déz, & aultres semblables bestialitez, in-dignes, non seulement de leur rang, mais aussi de tou-te condition pour basse & seruile qu'elle soit. Or le Prin-ce Lyderic, qui (selon que dict est) prenoit vn singulier plaisir en la chasse, se trouua vn jour entre aultres dans la forest du Bucq, ou il s'eschauffa tellement a la pour-suyte d'un cerf, grand a merueilles, qu'il se meit bien a-uant dans ledict bois, auquel en vn lieu vmbrageulx & fort retiré il appercheut vne dame belle en toute perfe-ction, mais si desconfortée, qu'il sembloit de ses deux yeux vn ruyau ou canal par lequel la fontaine viue prend son cours : qui fut la cause, que s'approchant d'elle, il
luy

luy demanda en toute humanité & douceur, le motif de son desplaisir, mesmes qui l'auoit amenée en ce lieu tant solitaire, & inhabité. A quoy la pouure damoiselle honteuse de se vcoir en tel estat, & en la presence d'une personne, laquelle a son aduis debuoit estre de grand lien, respondit, qu'elle estoit seur du Roy Dagobert de France, appelée Rothilde : aultres la nomment Ydone, & que les seigneurs de Poitiers & Pertenay aultant traistres & meschantz, qu'elle estoit malheureuse & fortunée, l'auoyent rauie du lieu, auquel ordinairement elle se tenoit, & illec amenée contre son gré & volonté, & que neantmoins par la grace, bonte & misericorde diuine, ilz ne luy auoyent fait aultre desplaisir: suppliant qu'il pleust au Prince Lyderic, la retirer de ceste solitude, ensemble luy faire l'assistance, que son port & representation luy promettoient. Lyderic, ayse au possible, de l'occasion qui se presentoit pour faire cognoistre au Roy Dagobert l'enueie, qu'il auoit de luy faire seruice, & a toutz les siens, apres d'estre descendu de son cheual & mettant vn genouil en terre : Madame (dist il) entre vne infinité de
 « graces, que mon bon Dieu, despuis ma naissance, m'a
 « fait, je repouteray ceste qui s'offre presentement, au
 « lieu des plus principales, & excellentes, tant a raison que
 « au moyen d'icelle, il m'a donné matiere, de pouoir ef-
 « fectuellement manifester la souuenance que j'ay, des
 « grandz benefices, que le Roy Dagobert mon souuerain
 « seigneur, m'a fait, (me constituant chef & gouver-
 « neur sur toute la contrée, en laquelle vous estes mainte-
 « nant) que, pour aultant que par ceste rencontre, j'auray
 « toute faculté, & pouoir de secourir vne Princesse, laquel-
 « le dorenavant poura faire estat & de moy, & des miens,
 « comme de chose sienne. Et en signe de ce, je vous supplie
 « bien affectueusement, vouloir, avec moy venir vers mon
 « chasteau de Harlebecq, auquel j'espere vous faire tout l'hô-
 « neur, & bon traictement dont je me pouray aduifer. La bel-
 « le Princesse, grandement satisfaitte de l'honnesteté dudit
 Lyderic, apres l'auoir remercié de ses gracieuses offres, se
 mit en chemin avec luy, & ne chemina guerres qu'elle ren-
 con-

Propos de la
 dame a Ly-
 deric & qu'il
 le estoit.

Les seigneurs
 de Poitiers &
 Pertenay ont
 rauy la Princes-
 se Rothilde de
 la maison du
 Roy Dagobert
 son seur.

Response de Ly-
 deric a ladite
 Princesse.

Lyderic con-
 duit la Princes-
 se Rothilde
 vers son cha-
 steau de Harle-
 becque.

contrá les gens du Prince Lyderic, qui s'estoyent mis en
 queste pour trouuer leur seigneur. Lequel d'autre costé
 aultant joyeux de la proye qu'il auoit conquise, que d'au-
 tre chose que luy eust sceu aduenir, leur declará & l'estre, &
 la qualité de la dame, qu'il conduisoit, ordonnant au reste,
 que luy fust portée toute l'obeissance, & respect qu'il leur
 seroit possible. Et peu apres vint en son chasteau de Har-
 lebecque, auquel il se tenoit trop plus voluntiers, qu'en
 cestuy du Bucq, a raison du desplaisir que la Princeesse sa
 mere y auoit souffert & enduré. Estant arriué audict cha-
 steau, & apres auoir par aucuns jours gousté la conuersa-
 tion de la Princeesse Rothilde (laquelle estoit aultant bien
 parlante, que aultre femme du monde, & auoit tant bon-
 ne grace accompagnée d'une beauté si excellente, que dif-
 ficilement on eust trouué sa pareille) il se sentoit tellement
 espris de son amour, qu'il en perloit, & le dormoit & tou-
 te contenance: de sorte que pour mettre ordre a son tour-
 ment & martyre, il se delibera, non seulement de luy ma-
 nifester son affection, mais aussi de sonder, s'elle voudroit
 entendre a leur mutuel mariage, & de faict la trouuant sur
 vn certain jour assez plus gaye, & deliberée, que a l'accou-
 stumé, la retirant a part luy, commença dire: Madame,
 puis que l'excellence de vostre beauté (combien que de-
 sirée de toutz) ne doit, par raison, faire don de soy, fors
 que a vn: vous auez a penser plus tost que tard, (tandis que
 ceste tendre, & souëfue fleur de jeunesse est verte, & viue
 en vous) a qui, entre les mortelz, vous deuez faire ce pre-
 sent precieulx, & irreuocable. Ce que je vous supplie n'e-
 stimer auoir de moy esté proposé, sans bien pregnante rai-
 son, & de grande consequence. Et que ainsi soit, je vous as-
 seure (Madame) que depuis le peu de temps, que j'ay eu
 l'heur d'auoir cognoissance de vostre beaulté, & aultres
 perfections, je me suis trouué tant hors de moy, que tout
 mon plaisir, & contentement, ne tend, que au lieu indisso-
 luble du mariage d'entre nous deux, que je vous prie trou-
 uer bon, & accorder: moyennant toutesfois, le consente-
 ment du Roy Dagobert mon seigneur, sans lequel je scay,
 que ne conclurrez rien en cest affaire, comme aussi de moy
 costé

Lyderic deuient
 amoureux de
 la belle Rothil-
 de.

Harangue de
 Lyderic a la
 Princeesse Ro-
 thilde, la dema-
 dant en maria-
 ge.

« costé je commettrays trop grande felonie & seulement
 « penser n'estant délibéré d'autrement vous spécifier, &
 « ma qualité, & mes richesses, attendre, que de l'un vous es-
 « tes assez aduerty, & que quant à l'autre, ne devez igno-
 « rer, que presentement j'en iouys par la seule liberalité de
 « monseigneur vostre frere, le bon & vertueux Roy Dagobert.
 « Mais le point seul que j'entends vous ramener, &
 « & lequel (comme j'espère) vous trouuerez digne de plus
 « grande consideration, est que ie vous ayme plus que moy-
 « mesme. Et que poutrant ayant fait sacrifice deuot de mon
 « coeur, à vos perssuasions, ie pense meriter par pitie, la recom-
 « pense de ce que avec vostre honneur, pouez octroyer en
 « vous. Voylà (Madame) la requeste, que j'auius enuie de
 « vous faire, laquelle ie vous supplie recevoir, & respondre
 « de telle discretion, que auez accoustumé d'vser en toutes
 « choses. Ce dict la Princesse Rothilde. *Elle fit d'une fort*
 « bonne grace telle response. Monseigneur les graces & vertus,
 « que avec assez maigre fondement vous attribuez à ma per-
 « sonne, vous sont si propres & familières, que par ce qu'au-
 « declare de moy, semble que ayez voulu spécifier, les perfec-
 « tions qui sont en vous: & lesquelles ie mets en si hault
 « pris, qu'elles ne reçoient ancore, iusques à vous dire, pour
 « resolutiue response, conforme tant à vos merites, qu'au
 « guerdon de l'affection si vehemente que distes me porter,
 « que si jamais la volonté du Roy Monseigneur & frere, des-
 « cend à me moyenner l'alliance de quelque homme que ce
 « soit, ie vous tiens en reputation de Prince, autant ver-
 « tueux & accompli, que la terre porte, & de qui ie souhai-
 « terois la familiarité plus, que de nul autre qui viue. Vous
 « pourrez doncques enuoyer quand il vous plaira vers le Roy
 « Monseigneur, & ce pendant, viure en toute assurance, que
 « ayant la sienne, ne trouuerez ma volonté contraire à ce que
 « m'auez presentement requis, & demande. Le Prince Lyderic,
 « bartant chaudement le fer dont il vouloit s'ayder, incont-
 « nent apres ceste response, enuoya vne notable & honno-
 « rable ambassade vers le Roy Dagobert. Lequel aduerty
 « par ladicte ambassade, du secours qu'en si vrgente extre-
 « mité, le gentil Lyderic auoit donné à la Princesse Rothil-
 «

*Reponse de la
Princesse Rothilde sur la sus-
dicte proposi-
tion.*

*Ambassade de
Lyderic vers le
Roy Dagobert,
pour demander
en mariage la
Princesse Ro-
thilde.*

de, ensemble, de l'honneur & grand traitement qu'il luy auoit fait en son pais, mesmes qu'en telle instance, & avec tout respect & humilité, il la demandoit en mariage se persuadant, qu'il seroit impossible trouuer party plus conuenable a la grandeur d'elle, & Princee qui meure la mérita, après auoir le tout communiqué aux Princes, & Seigneurs de la court, la luy accorda: mesmes, & selon qu'ay trouue en plusieurs anciens registres, & viels cartulaires, luy donna avec elle toute la terre d'Artois, Vermandois, Picardie, Amiens, Nelle, Peronne, Soisson & Noyon, & se contenta seulement l'hommeage & serment de fide- lité que peu apres par ledict Lyderic luy en fut fait: or donnant ausurplus que l'accomplissement & festes dudict mariage, se feroient en la ville de Soisson, & ce endedens le Noel de l'an six centz quarante deux lors prochaine- ment venant. Les ambassadeurs ayant tant bien exploi- tés, retournèrent en toute diligence vers le Prince Lyderic leur seigneur, lequel fut auant satisfait de ces nouvel- les, que la Princeesse se trouua contente, & joyeuse: pour l'esperance qu'elle auoit, d'estre de brief femme, d'un Prin- ce tant vertueux & accomply. Lequel ce pendant, faisoit ses appareilz, pour au jour assigné, comparoïren la ville de Soisson, avec le plus grand triumphe, & magnificence que faire se pouroit.

Les terres que le Roy Dagobert donna avec sa seur en mariage au Prince Lyderic.

L'an six centz xliij.

Comment Lyderic feit trancher la teste a son filz aîné, & de la mort dudict Lyderic, de l'Heremite son pere nourrisier, de Madame Rothilde sa femme & d'autres singularitez.

CHAPITRE XII.



PROCHANT ladicte feste de Noel, le Prince Lyderic, & la belle Rothilde, se meis- rent avec grand train & equipage en chemin, & peu apres arriuerent en la ville de Soisson, ou leur fut fait du Roy Dagobert, & des autres Princes & Seigneurs, vn tel recueil & bon visage, qu'il seroit impossible le représenter par escript, & beaucoup moins, les festins, tournois, & passetemps, que journelle- ment, & durant lesdites nopces se faisoient. Lesquelz aho- uées

Nopces de Ly- deric & de la Princeesse Ro- thilde.

nées, ilz retournèrent au pais de Flandre, où furent faictz pour leur venue, plusieurs feux de joye, & aultres signes d'allegresse, que vn peuple bien affectionné est accoustumé faire a la joyeuse entrée de son Prince ou Princeesse. Monstrantz alkz, & toutz en general par signes extérieurs de grâde, & non simulée affection, qu'ilz portoyent a leur bôl rithce, auquel ilz se rendoyent de tant plus humbles & obéissantz, que la souuenance du rude & tyrannique traictement, du Prince Phinaers leur faisoit trouuer beaucoup meilleure la modestie, justice, & bonne inclination du gétel Lyderic: lequel d'autre coste, le pouoit vanter de posséder tant les coeurs que les biens & possessions de ses loyaux vassaulx. Si grande estoit la conformité & correspondance qu'il y auoit entre ce Prince a bien cōmander, & le peuple a dōcilement obeyr & obtempérer qui cauoit vn bon heur & felicité réciproque tant a l'vn cōme a l'autre: assez plus grande, toutes fois au Prince Lyderic, cōme pourrōt iuger ceuz qui sçauent, que cōme vn tyrā faict a estimer le plus malheureux de sous les hommes: ainsi vn bō Prince & iuste gouuerneur est diu & appellé entre les viuantz, le plus heureux. Car ainsi qu'à vn tyrā tout luy est dangereux & suspect, pareillemēt a vn Prince clement & iuste, toutes choses luy sont certaines & seures. Voyla, pourquoy Yfocrates souloit, avec bōne raison dire, que la tresseure garde des Roys, & Princes, ne consiste en tours, forteresses, murailles, satellites, ny en armes: mais au secours de leur bonne conscience, au renfort de leurs amis, en la bien veillance de leur peuple & en leur propre vertu. Rien n'est, qui rende plus les Princes odieux & suspectz a leurs subjectz, que le maltraictement, & quand ilz dominant par force & injustice. Oultre ce, que vn bon Prince ou Seigneur, ne doit ignorer que son affection & beneuolence a l'endroit de ses vassaulx & suppostz, doit estre telle, que celle d'un pere de famille vers ses enfans, seruiteurs, & domesticques. Aussi qu'est-ce que vn Royaulme, sinon vne grande famille? Que est ce que vn Roy, sinon vn pere de plusieurs? Il est vray qu'il est plus grand, & plus digne, mais il est de mesme estoife, que les aultres ses subjectz: c'est vn homme

Bonne affection de peuple vers son Seigneur.

Bien heureux le Prince qui est aimé de ses vassaulx.

Tout tyrā malheureux.

Yfocrates.

Enquoy consiste la seure garde des Princes.

Vn bon Prince doit vers ses vassaulx estre tel, que vn pere de famille vers ses enfans, & domesticques.

G ij qui

quel domine sur les hommes, vn personnage françois, qui a
gouverné des créatures de françoise condition, & non
des bestes : selonc que non moins prudemment, que ve-
ritablement s'ouloit publier, le Prince des philosophes Ari-
stoteles. Reconnaissant donc a nostre propos, cet effort de
Prince Lyderic vers son peuple, lequel pour ceste occasion
Dieu n'oublia : mais en toutes les previsions, & opéra-
tions le faisoit prospérer, & succiter a cest effort le Roy Dal-
gobere, par le moyen duquel ledit Lyderic, de pouuroir
petit compagnon, (encores que issu de maison Royale)
paruint a la grandeur & auctorité, que auec vous cy des-
sus. Et en laquelle le louuement de la nourriture, & bene-

Lyderic mande
vers soy &
veult recoupen-
ser les benefices
receus de l'here-
mite son pere
pourrisier.

Trespas dudia
Heremite.

fiors recus de l'heremite Lyderic, son pere nourriffier (duquel nous auons parle aux chapistres precedenz) luy
fit plusieurs belles & grandes offes, & a l'ocacion qu'il
ne voulut laiffer son heremitage, il recompensa lesdictz
bienfaietz a l'endroit des parentz d'iceluy, de force que
chacun se tint pour satisfait & bien content. Pour apres,
luy vendre de nouuelles de crepas du dict Heremite, dont il
mena vn dret merueilleux, ordonnant que le meisme
fut fait par toutz ceulx de sa maison. Et ausurplus il as-
sista en personne a l'enterrement du fudict Heremite, le
quel auant mourir auoit eue sa sepulture le son heremi-
tage, ou poutant il fut enterre, & en l'honneur de luy fut
fait & laisse sur ladicte sepulture, l'epitaphie qui s'ensuyt.

Epitaph de
l'heremite Ly-
deus.

Decrepitis baculus, cæcis oculus; vin claudis,

Hic Lydericus erat, Deus illi premia reddat.

Lequel se peut rendre en François, de cette sorte.

Le guide des bœufs, des moutons le baston, & des vaches les cornes.

19^{es} est Lydie, auquel Dieu soit propice.

Les yeulx n'estoyent quasi seichez, au bon & vertueux
Lyderic; du desplaisir, dont il auoit esté sayly, au moyen du
deces du fufdictz Heremite, quand Dieu luy apprestâ ma-
tiere d'aller plus grande tristesse, par la mort de la Prince-
sse Emmeuert sa mere, qui sayuit de bien pres; celle dudit
Heremite, & laquelle, conformément au commandemēt,
faite par sa dernière volunté, fut enterree. guerres loing
dudit

dudict Hieremie sous vne petite lame, sur laquelle fut escript cest Epitaphe.

Emergardus eram, que vivens undique passa

Abundans fortis exmi vile ingens:

Natus feror ad superos, nam me Deus evocat, ergo

Obitus genitrice sua valeat Lydericus.

Lequel en François signifie:

Emergert j'ay esté, qui vivant en ce monde

ay souffert des grandes maux, dont maintenant n'ay cure,

Ores m'en vois aux cieux, car Dieu ainsi l'ordonne,

Sans mere Lyderic soit heureux jusqu'à la mer.

PEUVRE s'estiment que ledict Lyderic ne fust pas

filz de ceste Emergert, mais d'une dame nommée Yolen-

te, fille du Prince des Ruthenes, que nous disons aujour-

d'hui Auvergne, Nevers, & tout le quartier circonvoisin:

& que Emergert fust femme du second Lyderic. Il por-

roit estre, que Lyderic le second auroit eu une femme de

mesme no: mais le contenu en l'epitaphe que dessus joint

a plusieurs raisons, que chascun poura tirer des aventures

advenues a Lyderic le premier, descouvrent assez avec la

verité de nostre precedent discours, que ladicte Emergert

& nulle autre, fust mere du Lyderic, dont a present est

question: lequel par succession de temps eust de la Prin-

cesse Rothilde sa femme quinze enfans masles dont le pre-

mier nommé Iosaran, eust par l'ordonnance du Prince Ly-

deric son pere, la teste trenchée: pour autat qu'en la ville

de Tournay, il auoit osté par force a vne povere femme,

vne mandelette de pommes sans la payer. Et combien que

de prime face ceste execution semble avoir excédé les ter-

mes de raison, & esté trop plus rigoureuse, que le mesus (en

soy petit) ne requeroit: Si estce, que prenant pied a la qua-

lité du temps d'alors, & aux severes institutions & loiz que

le Prince Lyderic auoit establies, pour extirper dudict pais

& aneantir les felonniez, larcins & violences, que le Prince

Phinaert y auoit semées, estoit expedient, voires necessai-

re, que l'observance desdictz statutz demourast stable & in-

violable, mesmes aux despens de la teste du propre filz de

cestuy, qui auoit esté le legislateur: afin que le peuple con-

Disent d'opi-
nions touchés
la mere dudict
Lyderic.

Lyderic fait
trencher la te-
ste a son filz
ainsy.

fidérât lequité, & inflexible justice de leur Prince, ne se prest
mist aucune conniuece ou dissimulation en leurs mes
faictz, & beaucoup moins de cestuy, lequel en faueur de
son filz aîné, & futur heritier, nadoit voulu tant soit peu,
violier seisdites ordonnances. Il feit doncques tresbié, sain
ctement & justemés, & merite pour ce seul respect, qu'on
l'ayt a tousiours en reputation de Prince vertueux, sage &
prudent. En quoy aussi tous Roys & gouuerneurs le de
uroyent ensuyuir: non pas permettre a leurs enfans (com
me l'on voit au-jourdhuy) vne licence tant auantageuse,
& audace si oultrecurydee, qu'il semble en plusieurs lieux,
que la principaulté & gouuernement, seruent de cōuer
ture aux homicides, extorsions, violences, adulteres, raptz
de filles, & aultres semblables desbordementz, que leurs
enfans & domestiques, sans aucune crainte ny vergoin
gne, commettent a tous propos, & quand leur en vint va
lunté. Au reste, le susdict Lyderic, gouerná de la sorte
que auons j'a deduyt, le pais & contrée de Flandre, l'es
pace de cinquante deux ans, & morust plain d'aage en
uiron l'an six centz quatre vingtz douze, laissant a tous
ses successeurs, & aultres Princes qui viendroyent apres
luy vn vertueux exemple pour ensuyuir, & a ses sub
jectz vn perpetuel regret de son decés & trespas. Il fust
enterré en grande magnificence en la ville d'Ayre.
Quand a Madame Rethilde sa femme, il n'est memo
ire du temps de son trespas, & beaucoup mieulx du lieu
de sa sepulture.

Discours de
l'auteur sur
l'exécution de
justice faicte en
la personne du
filz aîné de Ly
deric.

Trespas de Ly
deric premier
de ce nom.

L'an vi.
xcij.

Sepulture de Ly
deric en la ville
d'Ayre.

*Comment les Goths, Vandales & aultres descendirent & gaste
rent le pais de Flandre, des successeurs de Lyderic premier de
ce nom, ensemble de la diuersité d'opinions, touchant
le premier Forestier dudit Flandre.*

CHAPITRE XIII.



PRES la mort dudit Lyderic, Antoine son
second filz luy succedá: la conniuece, & la
sche gouuernement duquel fust cause de plu
sieurs maulx vices & grandz mesus en Flan
dre,

Depravatió de
moeurs en Flán
dre.

die, en laquelle l'iniquité y deuint florissante, la justice opprimée, l'ambition en vogue, l'avarice dominante, l'hypocrisie hault esleuée: bref il ny auoit espee de malice qui ny eust son lieu & domination. Au moyen de quoy ilz experimenterent assez tost l'ire & indignation du Dieu tout puissant: par la volonté & juste jugement duquel les Goths, Wandalois, Hunes, & aultres nations estranges descendirent en merueilleuse puissance & a l'impourueu audict Flandre. Dont partie se meit a courir & piller le plat pais, sans rien oublier de la rigueur de guerre mortelle, a brusser, sacager, & tuer tout ce qui se rencontra hors des fortz. Les aultres s'efforcherent de prendre les portz, villes, & forteresses, esquelles ilz trouuoient bien petite ou nulle resistance, a raison que les habitantz par vne surprise si soudaine & inespérée, auoyent perdu tout leur courage: y joindant que la cruauté qu'ilz exercerent en aucunes places, esquelles on auoit voulu tenir contre eulx, ostast toute hardiesse aux aultres, de plus leur resister. En somme ilz exploicterent tellement, qu'en peu de temps ilz eurent gasté le pais, ruyné plusieurs villes abbatu toutes les principales forteresses, & contrainct le Prince Antoine, soy retirer avec les siens en France, ou il demoura ensemble ses successeurs, jusques au temps de Charles le Grand, lequel purgea tout ledict pais, avec plusieurs aultres desdictes nations barbares. Ne trouuant au reste aucune chose memorable, que ayt ce pendant esté par ledict Prince Antoine, pour le recouurement de ses pais, ou faicte ou attentée. Lequel Antoine laissa vn filz appelle Bossaert, qui (selon aucuns) fut marié a Madame Helvide fille du Prince de Louvain. Ce que toutesfois me semble assez estrange, pour aultant qu'il n'est memoire que audict temps y eust aucun particulier Prince de Louvain. Mais au contraire, toute la ducé de Lotrice & de Brabant estoit en vne main, cōme tousiours elle fut depuis, jusques en l'an neuf cōtz quatre vingtz treze, que Louvain fust donnée par le duc Charles de Brabat a Labert, frere du conte de Haynault, & ce en auancemēt du mariage de Madame Gherberghe sa fille: & pourtant ne m'a esté possible scauoir

Descente des Goths & aultres nations en Flandre.

Départ du pais de Flandre.

Le Fossier Antoine se retire vers France & abandonne son pais de Flandre.

Des enfans & successeurs d'audit Antoine.

Bossaert Fortier de Louvain.

Elstöre filz de
Bossaert.

Lyderic deux-
iesme de ce nō.

L'an vije.
xcij.

Diversité d'opi-
nions touchāt
le premier Fore-
stier de Flādre.

Discours de
l'auteur sur la
dite diversité
d'opinions.

scavoir qui estoit ceste dame Elwide, que les chroniques des-
sent auoir esté femme dudit Bossaert. Duquel vint Elstō-
re, & de luy Bossaert le deuziesme : toutz lesquels successi-
uement furent contes d'Harlebecque, & forestiers de Flā-
dre. Mais pour ce que d'iceulx ny mesmes de leurs fem-
mes ne se faict par les histoires aultre mention, nous les
passerons pareillement, & viendrons à Lyderic deuxiesme
de ce nom filz dudit Bossaert, lequel commença gouver-
ner Flandre enuiron l'an sept centz quatre vingtz douze.
Toutesfois pour aultant que le laps de temps & la diuersi-
té, ou (pour mieulx dire) negligence des historiographes,
causent vne grande confusion, touchant ce que concerne
le temps, qualité & pais du premier Forestier de Flandre,
affin que chascun puisse librement, & avec fondement ad-
herer a ce qu'il trouuerā plus conforme a la raison : nous
auons bien voulu (auant continuer nostre discours) inserer
en ce passage, l'opinion d'aulecuns historiens, sur la difficul-
té que dessus. Lesquelz & signamment le chroniqueur
de saint Bertin, ne font mention que d'un Lyderic : di-
santz, que enuiron l'an sept centz trente, & durant le de-
bat qu'estoit en France entre Charles Martel, & Eude ducq
de Guyenne, vn jeune chevalier Chrestien de race Roy-
alle, vint du pais de Portugal (qui lors viuoit soubz la dam-
nable & malheureuse loy de Mahomet) se rendre au ser-
uice dudit Charles Martel : qu'il militā soubz iceluy tant
qu'il vescu : que successiuelement il seruit en toute loyau-
té, le Roy Pepin filz dudit Charles, & depuis l'Empereur
Charles, dict le Grand ; que soubz iceulx il executā tant de
beaux faictz d'armes, que apres auoir acquis la grace des
principaulx seigneurs de France, ledict Charles le Grand
en l'an sept centz quatre vingtz douze luy donna, ense-
mble a ses successeurs perpetuellement, le pais & forestaige
de Flandre. Que ayant iceluy don, il se retira vers Harle-
becque sur le Lys : que finalement il se maria a Emer-
gaert fille de Gheraerd de Rossillon, & que d'icelle il eust
vn seul filz nommé Inghelran. Je ne scay s'il s'en trouuerā,
qui conferant le narré desdictz auteurs, avec ce que jus-
ques ores anōs deduit en la presente histoire, adhere a l'o-
pinion

l'opiniõ d'iceulx. Quant est de moy, je la treuve fort extravagante, & du tout fabuleuse. Et premiers pour aultant qu'il n'est vray semblable que vn tel país, comme estoit cestuy de Flandre, fust esté lors sans vray & legitime heretier. D'auantaige si voulons prendre pied au temps qu'ilz disent ledict Lyderic estre venu en France, fauldra necessairement conclurre, qu'il auoit quatre vingtz ans, ou guerres moins lors qu'il se maria, & auant qu'il eust procréé aucun enfant. Ce que toutesfois lesdictz historiens passent assez legierement, & comme s'il se fust marié en aage & temps ordinaire. Finablement, ilz disent que ce Lyderic, peu satisfait du don, qu'en recõpense de ses seruices, l'Em pereur Charlemaine luy auroit fait, de la cõtrée de Fládre s'en seroit en forme de mespris, & par moquerie fait appeler Forestier, a quoy aussi y a si petite apparence, q̃ ce ne me semble meriter aucune responce: je me cõtenteray doncq de seulemēt declarer, qu'en regard a la qualité dudit país de Fládre (telle qu'au cõmencement de ceste hlstoire auõs spécifié) tout Prince pour grád qu'il fust esté quelqs seruices S. cap. 1. qu'il eust sceu faire a la couronne de France, se deust, d'vn semblable don, auoir tenu pour trescontēt, & biē recõpensé, & a plus forte raison, vn pouure Prince & estráger, qu'el ilz disent auoir esté ledict Lyderic. Au regard de ce qu'ilz soustiennent le Lyderic en question, auoir esté le premier Forestier: le contraire se manifeste par les Epitaphes que dessus, par la fondation de la chappelle de nostre Dame (ou presentement est l'eglise Sainct Donas a Bruges) faicte par le premier Lyderic, & au temps de Monsieur Sainct Ammand: par les parties de terres & seigneuries, dõcées avec la Princesse Rothilde, par le Roy Dagobert, en auancement du mariage, entre ledict Lyderic & la susdicte Princesse, & par plusieurs aultres raisons, trop longues a resumer: oultre ce, qu'est notoire que ledict premier Lyderic, fut enterré en la ville d'Ayre, & le second a Harlebecque. Parquoy, adherantz & persistantz en nostre premiere opiniõ, ensemble continuantz en la deduction de la descente & posterité des Forestiers de Flandre, selon nostre susdicte description, estimons & soubz correction disons, que cestuy Ly-

H deric

CHRONIQUES ET ANNALES

Deſcende de Ly
deric deuxieſ.
me de ce nom.

deric, lequel en l'an ſept centz quatre vingtz douze, obtint par l'ayde & aſſiſtence de l'Empereur Charles le Grád le gouuernement de Fládre, eſtoit filz de Boſſaert le deuxieſme, filz d'Eſtore, filz de Boſſaert le premier, qui fut engendré d'Antoine ſecónd filz du treſpreux & treſuiſtorieux Lyderic, premier de ce nom.

Comment Lyderic deuxieſme de ce nom reprint le gouuernement de Flandre, des femmes & treſpas d'iceluy, avec aultres choſes memorables.

CHAPITRE XIII.



Charles le
Grád, purge le
país de Fládre
des Goths & au
tres nations.

NOUS auons cy deſſus laiſſé le pouure país de Flandre en grande neceſſité, & extreme deſolation, ſoubz la domination & tyrannie des Goths, Wandalois, & aultres nations barbares: entendez maintenant, que le Dieu ſouuerain, lequel eſt accouſtumé nous viſiter pour noz demerites & meſus: & puis apres quand ſon diuin plaíſir le porte, nous ſoulager pour ſa ſeule clemence & miſericorde: meü de pitie ſur l'affliction de ſon peuple, ſuſcitá le preux & magnanime Charles, ſurnommé le Grand: lequel obtint ſur icelles nations barbares pluſieurs belles & memorables victoires: au moyen deſquelles, il purgeá toutz ſes país, & entre aultres ceſtuy de Flandre des iuſdictes nations a ſon perpetuel honneur, & incomprehenſible ſupport de ſes vaſſaulx & ſubjectz. N'eſtant ores deliberé de particulariſer le nombre, temps, & lieu, deſdict exploítz, & cheualereuſes executions d'iceluy Charlemaigne, tant a raiſon, que ceſtuy qui en ſerá curieus en pourra par la lecture des chronicques Françoises retourner les mains plaines, que pour aultant que ceſt hiſtoire eſt dediée a aultre ſainct. Il ſuffirá donc vous aduertir, que entre ceulx, leſquelz tindrent bonne compagnie, & donnèrent aſſiſtence au dict Charles le Grand, Lyderic deuxieſme de ce nom, ne ſe trouuá le dernier. Lequel partant, incontinent que leſdictz barbares furent expulſez du país & contrée de Flandre: & que ledict Charles le Grand euſt mis fin, aux

aulx affaires qu'il auoit de plus grand pois & importan-
 ce, se presenta' deuant ledict Charlemaigne, & luy dist:
 « Sire, Encore que le peu de seruice que je vous ay faict,
 « jusques icy, merite non point recompensé, mais le moin-
 « dre gré du monde : neantmoins considerant la bonté
 « de vostre Magesté, sa liberalité & gentil coeur, aussi que
 « je croy que auez desia quelque assurance, de combien je
 « suis vostre, & le dangier, ou je voudrois mettre ma pro-
 « pre personne, pour chose qui vous tournast en seruice :
 « je me suis enhardy, vous faire la requeste que presen-
 « tement entendrez. Et lors luy commençá deduire sa ge-
 « nealogie, la liberalité, dont aultresfois le Roy Dagobert
 « auoit vsé vers le tresuertueux Lyderic, duquel il estoit
 « descendu en ligne directe, & par consequent necessaire he-
 « ritier. La venue des Goths, Vandales & aultres nations
 « au país de Flandre : l'expulsion du Prince Antoine son
 « bisayeul hors diceluy país : & finablement qu'estant ledict
 « país par la prouesse & cheualerie de sa Majesté reduict
 « soubz la couronne & obeissance de France, estoit en elle,
 « d'en disposer, selon son bon plaisir & volonté. Et que ne-
 « antmoins, veüe la fidelité, qu'il & ses predecesseurs, luy a-
 « uoyent tousiours gardée, supplioit que pleust a sadiet Ma-
 « gisté luy rendre, & remettre entre mains, la prouince de
 « Flandre, moyennant toutesfois l'hommage, & soubz les co-
 « ditions, ausquelles la souloit posseder le susdict Lyderic pre-
 « mier de ce nom. Ce que l'Empereur Charlemaigne luy ac-
 cordá assez facilement. Et suyuant ce le Prince Lyderic
 vint en l'an sept centz quatre vingtz douze, en Fládre pour
 s'inuestir dudiect país ensemble d'autres ses terres & posses-
 sions. Lesquelles il gouuerná en toute integrité prudence
 & justice l'espace de seize ans: il eust a femme vne dame
 d'Allemagne bié principale, appelée Flandrine, mais lon
 ne treuve de qu'elle maison elle fust, encores que aulcuns
 tiennent, qu'elle estoit fille du Duc de Brabant, s'il est
 ainsi, je ne scay pourquoy ilz la disent d'Allemagne. Aul-
 tres estiment, qu'il n'eust ladiete Flandrine. Mais bien,
 vne qui se nommoit Emergaert, fille de Gherard de Ros-
 fillon Duc ou conte de Bourgoingne : qui fut cestuy mes-

Harigue de Ly-
 deric a Charles
 le Grand, pour
 le recouurement
 de son país de
 Flandre.

L'an vij.
 xcij.

De la femme
 de ce Lyderic.

me, lequel enuiron ce temps translatá le corps de Sainte Marie Magdaleine de la cité d'Acqueuse (que les Sarra-
fins auoyent destruißt) en vn monastere qui se disoit *mona-*
sterium Viceliacum que ledict Gherard auoit mesme fondé.
Il pouroit estre, que les vns & les aultres eussent raison, &
que le second Lyderic eust deux femmes successiement,
l'une apres l'autre, scauoir la dicte Flandrine, & Emer-
gaert. De l'une desquelles il eust vn seul filz nommé Inghel-
rá, *alias* Eugueran, qu'il feist soigneusement esleuer, & pour-
ueut de bons maistres, prudentz & diligentz. Entre toutes
les vertus dont ce Lyderic estoit doué, je treuue qu'il ex-
celloit les aultres de son temps, en celle de justice, ne four-
lignant en cest endroict aucunement de la bonne incli-
nation de Lyderic le premier son predecesseur. Aussi n'ig-
noroit il, que le plus grand bien que peult aduenir en vn
Royaulme, prouince, ou cité, soit l'obseruation de bonne
justice, & que oultre ce qu'elle faict les fondementz de
compagnie humaine, la congregation ciuile ne peult sans
elle consister. Voyla, pourquoy le philosophe disoit: que
tout ainsi que l'homme entre tous les aultres animaux vit
le plus parfaictement, aussi deuint il le pire & plus desna-
turé, quand il se depart de l'accointance & compagnie de
justice: Le premier lieu & commandement de laquelle est,
se monstrier debonnaire enuers Dieu: de la vertu duquel,
entre toutz les animaux, le seul homme est faict partici-
pant, lequel cognoist Dieu, l'honneur & reuerer, comme au-
theur du monde, & facteur de toutes choses: & par ce que
il le voit souuerain en justice, est necessaire qu'il se monstre
imitateur d'icelle, du moins s'il pretend tenir de la nature
de l'homme. Laquelle estant trop plus sociale que celle
des aultres bestes, & considéré que nulle compagnie peut
sans justice subsister, conuient inferer, que l'homme est prin-
cipalement né a justice, & que pourtant, il doibt estre d'icel
le sur toute aultre chose, soigneus & curieus, selon qu'e-
stoit nostre bon Lyderic, lequel n'espargnoit trauail, temps,
dangier, ny despens, pour purger son país des volleurs, lar-
rons, & aultres gens de semblable qualibre, dont en auoit
audict país nombre competent, & grande quantité. Comme af-

Lyderic estoit
bon justicier.

Justice fonde-
ment des citez
& de la compa-
gnie humaine.

Offices de la ju-
stice.

L'homme prin-
cipalement né
a justice.

me assez experimenta le huitiesme Abbé de saint Pierre nommé Hildebert, lequel en l'an sept centz quatrevingtz treize fut en la ville de Gand malheureusement & piteusement meurdry. Mais ce ne fust sans chastyoy subsecutif & exemplaire justice, des coupables & complices dudit meurdre, lesquelz le Prince Lyderic, feit chercher en toute diligence, & apres executer, d'une mort la plus terrible & angoisseuse, dont lors on se pouoit aduiser. Car ilz furent deschirez par quatre cheuaults de la mesme sorte que Monsieur Saint Hyppolite auoit auparauant esté martyrizé. Le Pape Estienne qui lors presidoit a Rome, aduertiy de la mort dudit Hildebert subroguá au lieu d'iceluy Egilfridum lors Euesque de Liege, lequel translatá de Lotrice & apportá a Gand le corps de Madame Sainte Pharahauld avec plusieurs aultres belles reliques. Au mesme temps si comme enuiron l'an sept centz quatre vingtz seize l'Empereur Charlemagne se transportá audict Gand, tant en intention de visiter la ville, & le monastere de Saint Pierre, que pour veoir les saintes reliques que nouuellement y auoyent esté apportées, ausquelles il feit plusieurs offrandes & de grande valeur, & apres auoir sejourné quatre mois en ladicte ville de Gand, ou le Prince Lyderic luy feit le meilleur & plus honorable traictement qu'il luy fust possible, il retourna en France, laissant au pais de Flandre ledict Lyderic, lequel gouerna paisiblement ladicte Contrée de Flandre, jusques en l'an huit centz & huit, qu'il mourut en sa ville d'Hariebecque, en laquelle aussi il fut enterré. Mais je ne scay que deuindrent ny l'une ny l'autre desdictes femmes.

L'an vije.

xciiij.

Hiddelbert Abbé de S. Pierre les Gand meurdry.

Punition des meurdriers du dict Abbé.

Egilfridus Euesque de Liege, deuient Abbé de Saint Pierre.

L'an vije.

xcviij.

L'empereur Charlemagne vient visiter la ville & reliques estantz a saint Pierre a Gand.

L'an viije. viij.

Decés de Lyderic deuiziesme de ce nom.

De Inghelram & Andacer Forestiers de Flandre & comment le dict Andacer au moyen de sa loyauté acquit de l'Empereur Louijs le Debonnaire, les contés d'Arras & de Boulongne.

CHAPITRE XV.

H iij

A Ly-



L'an viijc.
xxij.
La force du Fo-
restier Inghera.

Tempeste en
Flandre.

Famine en Fla-
dre.

Décès du For-
estier Inghera.

Andacer For-
estier de Flandre.

Andacer fut
toujours loyal
a l'Empereur
Louys le de-
bonnaire.

La loyaulte de
Andacer reco-
gneue.

De la femme
du Forestier
Andacer.

LYDERIC le deuxiesme, succeda Inghelram son filz, lequel fut Prince de Bucq, conte d'Harlebecque & forestier de Flandre quinze ans continuelz, il commença regner en l'an huiet centz & huiet, & morust l'an huiet centz vingt & trois. Le ne treuve de luy aucune chose memorable par escript, fors qu'il estoit si fort & robuste de sa personne qu'il ny auoit en son temps, homme qui osast luieter contre luy. Au reste il laissa vn seul filz nommé Andacer, duquel l'on ne cognoit la mere. Durant le gouuernement de cest Inghelram, en Flandre & par toute la France tomba si grande quantité de greslé, que les hommes & bestiaux ne scauoient ou eux sauuer: mesmes se trouuerent par l'impetuosité des ventz & violence de la foudre, plusieurs maisons renuersées & bruslées, & la meilleure part des fruietz par tout gastée: dont sourdit vne bien grande & generale famine avec vne infinité d'autres malheurs, qui seruoient de tesmoignaige trescertain de l'ire & indignation de Dieu, contre les habitantz desdictz pais. Apres le trespas dudiect Inghelram, lequel fust enterré en l'eglise de Sainct Saulueur a Harlebecque. Andacer son filz luy succeda, tant en la principaulté de Bucq, & conté d'Harlebecque, qu'au forestage de Flandre, & commença gouuerner l'an huiet centz vingt & quatre. Ce fust vn Prince sage, magnanime, & loyal: & lequel suyuant le serment de fidelité qu'il auoit a l'Empereur Louys le Debonnaire, fit audiect Empereur & aduersitez & debartz, qu'il eust contre ses enfans, & principaulx barons de son Royaulme, tout secours & assistance a luy possible. Au moyen de quoy, il fust merueilleusement aymé dudiect Empereur, & depuis par iceluy, grandement recompensé de ses seruices & loyaulté. Car il luy donna avec la region de t'Herouanne, les côtez d'Arras & de Boulongne, a luy escheues par droit de confiscation, pour autant que Froymont d'Arras qui en estoit le vray heritier, & possesseur, s'estoit come attainct, & conuaincu du crime lesee Majesté, rendu fugitif vers les Sarrafins, qui estiont les Hispaignes. Quant a la femme de cest Andacer, les chroniques n'en font aucune mention.

tion. Toutesfois je treuve par vn viel registre qu'il fut marié a la fille d'Anselme Conte de Saint Paul, & que d'icelle il eust vn seul filz nommé Baudouyn depuis surnomé Bras de Fer : ou a raison de sa magnanimité & vaillantise : ou, pour ce que tousiours il estoit armé & ordinairement, il portoit sur son haultbert des pieces de fer fort cleres & reluisantes. Or ledict Andacer mourust en l'an huit centz trentesept, apres auoir bien & vertueusement gouuerné l'espace de treize ans la prouince de Flandre, & fust enterré a Harlebecque lez ses predecesseurs.

Pourquoy Baudouyn fut surnommé Bras de fer.

L'an .viij.
xxxvij.

Trespas & enterrement du Forestier Andacer.

Des vertus & bonnes conditions de Baudouyn Bras de Fer, Forestier de Flandre comment il emmená et sa mariá sans le sceu du Roy Charles le Chaulue, a Madame Iudith sa fille, et de la guerre qu'a ceste occasion sourdit.

CHAPITRE XVI.



PRES ledict Andacer, vint Baudouyn son filz, surnommé Bras de Fer, le gouuernement duquel, commença en l'an huit centz trente sept. Il estoit de hau te stature, & auoit le tient vn peu brunet, le corps membru & nerueus, & neantmoins merueilleusement disposé & agile, & sur tout estoit bien a cheual: il auoit le parler amiable & eloquent, pensant bien a ce qu'il debuoit dire, deuant que le prononcer. Il n'aymoit pas la vengeance, sinon entant qu'il estoit de besoing de l'executer, sur les meschantz, pour satisfaire a la reputation de sa grandeur, ou (pour mieux dire) au debvoir, que son estat & dignité requerroient. Ayant sur tout en hayne mortelle les flatteurs, par ce que vn Prince ne peult auoir pire ennemy que vn flatteur: de sorte que quand il cognoissoit aucun de ses gens (pour grand, & fauorit qu'il fust) vser de flatterie, il le chassoit incontinent de sa maison. En sa frequentation familiere il se rendit fort cõpagnable, sans toutesfois se faire tort de trop s'abaisser. Dauantage entre les vertus, il auoit la liberalité en singuliere recommandation, tellement qu'on pouoit dire, que ses biens luy appertenoyent en propriété, mais la possession & l'usage en estoit

Description est du corps que des vertus de Baudouyn Bras de Fer.

Le flatteur dangereux ennemy des Princes.

estoit commun a tous ceux qui luy faisoient seruice . Au moyen de quoy , il acquist bonne reputation vers vn chacun,& la benenolence de ses vassaux & soldatz,qui luy serueit grandement aux guerres qu'il eust contre les françois & aultres,selon que vous entendrez cy apres.En temps de guerre il tenoit contenance vn peu plus seüere qu'en tēps de paix,& ce pour aultant qu'il scauoit que vn Prince doit fort craindre la desobeissance envn cāp: laquelle souuente-fois à faict perdre plusieurs batailles: oultre ce , que notoirement les forches d'vne armée s'augmentent de beaucoup,par l'obeissance qu'on y porte au chef & conducteur: bref toutes les vertus requises en vn Prince estoÿēt en luy.

Vn Prince doit craindre la desobeissance en vn camp.

Baudouyn Bras de fer tient le party de l'Empereur Lotaire contre ses freres

La bataille de Fontenay.

Baudouyn Bras de fer laissé pour mort en la journée de Fontenay.

Baudouyn Bras de fer deüient amoureux de Madame Iudith de France.

Baudouyn mel ne en habits dissimulés, Madame Iudith vers Harlebecque.

Au commencement de son gouuernement, es diuisions qu'estoÿent entre les enfans de feu l'Empereur Louys le Debonnaire, il tint le party de l'Empereur Lotaire contre Louys & Charles, dict le Chaulue ses freres , mesmes se trouuá en la fameuse rencontre & bataille qui se feit entre lesdictz freres a Fontenay,ou il se pourtoit si vaillamment , qu'apres y auoir executé plusieurs beaux & excellentz faictz d'armes , il fust tellement nauré, qu'on le laissá pour mort entre ceux , qui en ladicte bataille furent tuez: mais le lendemain il fust recognu a ses armes , & par le moyen d'vn sien amy (dont on ne scait le nom) tiré du camp , saulüé & renuoyé en ses païs . Ausquelz il se tint pour quelque temps sans faire chose digne de memoire, jusques a ce , que aduertÿ de l'incomparable beaulté de Madame Iudith,vesue de feu Adulph,Roy d'Angleterre, & fille de Charles de Chaulue Roy de France , il en deüint extremement amoureux , que lors ayant entendu qu'elle estoit en chemin pour retourner en France , vers le dict Charles son pere , il trouuá moyen de parler a elle , & la sceut tant bien persuader qu'elle fut contente de le suyure en habit dissimulé , & pourtant l'emmena en son chastel d'Harlebecque ou peu apres , craindant l'empeschement que aultrement on luy eust voulu donner,il se maria avec elle,au desceu , & contre la volonte du Roy Charles son pere,lequel indigné de ceste presumption , enuoyá par l'aduis des Princes & Seigneurs, de son conseil vers ledict

Bau-

Lettres du Roy
Charles le
Chaulue a Bau-
douyn Bras de
Fer.

Baudouyn vn herauld, avec lettres, dont la teneur ou substance sensuyt. Le desir fort scauoir, seigneur Baudouyn, qu'elle excuse vous trouueriez du grand tort que vous m'auuez fait, & a vous mesme (ce que je puis dire) en violant mon estat Royal, & le fermet duquel comme a vostre seigneur, vous m'estes obligé. Vous priant me la vouloir escrire par le menu, affin que je y puisse prendre consideration, qui soit suffisante pour accomplir la satisfaction de vostre part, en mon endroit: car, ou je ne la pourrois receuoir de vous de vostre bon gré, force me fera, de la prendre au fil de l'espee, m'esbahissant grandement, comme vostre vertu tant cognue jusques icy, s'est tant oublié par appetit desordonné de jeunesse effrenée, que de se declarer tant ennemy de la raison, mesmement de la foy & fidelité, que vous debuiez a la couronne de France, & laquelle voz peres & predecesseurs ont tousiours inuiolablement gardée. Vous assurant qu'a grand peine vous lauerá toute l'eau de la mer, d'une si grande tache & macule. Car vostre estoffe estoit tenue de resister a si vilain acte, ne faisant chose a l'endroit de vostre seigneur souuerain, que ne voudriez vous estre faite par aucun de voz subjectz & vassaux, & de quoy, je ne scay comment vous pourrez vous decharger enuers Dieu & les hommes. Et encoire que j'eusse bon droit de vous faire la guerre, & chastoyer comme violateur de ma fille, & de vostre propre foy: si est-ce, que ayant Dieu deuant les yeulx, & les affaires de la republique Chrestienne en recommandation, vous ay bien voulu semondre de m'en faire raison de vous mesmes, affin que par ce moyen ou escheue le mal, que autrement je vois appareillé, lequel, Dieu vueille destourner par sa grace, au moyen de vostre juste satisfaction. En cas que non, je proteste vous faire telle guerre, qu'a jamais en sera memoire. Ceste lettre bien cachetée, fust deliurée audict herauld, lequel partit le jour prochain, tenant le chemin d'Harlebecque, ou il trouua le Prince Baudouyn, auquel il deliura la susdicte lettre. Laquelle leue Baudouyn, sentit vn grand mouuement de cholere: non qu'il ne confessast & cogneust aulcunement son tort: mais la force d'a-

I mour

Propos de Baudouyn Bras de Fer a l'herault de France.

Assemblée des nobles de Flandre au chasteil d'Harlebecque.

Proposition de Baudouyn Bras de Fer aux dictz nobles.

Diversité d'opinions touchant la response que Baudouyn Bras de Fer devoit faire aux lettres de l'Empereur Charles.

mour qui a cel'auoit induict, & non aulcune premeditée malice, luy sembloit meriter vne reprehension quelque peu plus doulce, & neantmoins dissimulant son alteration, au moins mal qu'il peult, dist audiect herault, qu'il entendoit respondre particulièrement a ladiecte lettre, & par meure deliberation de conseil, & que partant il fit bonne chere, ce pendant qu'il donneroit ordre de le despescher. Peu apres il fit euocquer toutz les barons conseilliers & nobles de son pais audiect Harlebecque: lesquelz assemblez, il parla a eulx de ceste sorte. Tre-

schiers seigneurs & bons amys, vous auez peu entendre, le moyen par lequel je suis paruenue a la jouissance & mariage, de Madame Iudith ma treschiere espouse, mesmes, que la seule violence d'amour m'a reduict aux termes, ausquelz depuis je me suis trouué de l'amener pardeça, & sans le sceu. des parentz d'elle, contracter nostre mutuel mariage. Ce que veritablement je n'ay attenté, pour enuye que j'aye eu, de prouocquer contre moy l'indignation de l'Empereur Charles mon souverain seigneur. Ains seulement, a raison de la doute en laquelle j'estoye, que mon anchienne alliance avec le feu Empereur Lotaire, n'eust induict lediect Charles a me la refuser. Lequel puis naguerres m'a enuoyé vne lettre tant pleine de menasses, & outrageuse, que je ne scay bonnement comment je luy deuray respondre: attendu principalement que je ne vois aulcun chemin pour luy donner la satisfaction qu'il demande, qu'est la restitution de Madame Iudith entre ses mains. Vous priant pourtant q tous en general me veuillez conseiller, cōment a nostre plus grand honneur, je pourray sortir & me desuelopper de ce fascheux labyrinthe. Ce dict, se teut: Et y eust sur ceste proposition diuerses opinions: les vns disantz qu'il deuoit mener la guerre, & que le Roy Charles estoit si empesché contre les Normans & Dānois, qu'il n'auroit moyen de beaucoup luy resister. Les aultres n'en vouloyent point, cherchantz plustost paix & satisfaction aux deux costez: selon qu'on est accoustumé de faire en semblable cas. Mais en fin fut conclu, que le Prince Baudouyn respondroit le plus humblement qu'il seroit possible

fible a la lettre de l'Empereur Charles : luy faisant toutes les offres que son honneur sault, faire se pouroyent. Et que si il ne condescendoit a quelques conditions raisonnables, l'on aduiferoit lors comment on se deuroit conduire pour l'aduenir. Ce conseil fut comme le plus sain de toute la compagnie treuué bon, & promptement executé. Suyuant le quel le Prince Baudouyn escriuit au Roy Charles, sur sa precedente lettre vne response telle en substâce. Sire: Pour
 « particulièrement respondre aux articles de la lettre que vo
 « stre herauld m'a presentée, je supplie bien humblemēt vou-
 « loir croire que la seule force d'amour, m'a induict a l'entre-
 « prise, de laquelle vous me blasmez, & laquelle, (lors que
 « postposée toute particulier passion, vostre Magesté voudrà
 « peser cest affaire en la juste balance de raison) ne será (peut
 « estre) trouuée si lourde que la baptisez, ny si exorbitante,
 « quelle puisse meriter le chastoy, duquel par vostre lettre vo
 « me menasséz: & beaucoup moins l'opiniō en laquelle vous
 « estes, que par icelle j'aye tant soit peu denigré mon estima-
 « tiō & honneur. Car l'excellēte beauté de Madame Iudith,
 « joincte a son incōparable vertu, & au grand lieu dont elle
 « est yssuē, m'ont obligé a si nobles pensementz, m'ayant tou-
 « siours tiré hors de moy mesmes, comme continuellement
 « ententif en l'honneste amour que je luy pourtois, soubz
 « puer loy de mariage, qui me doit seruir de decharge pour
 « effacer la coulpe que me voulez imposer, & dont ne me
 « sens aucunement reprehensible, si n'estoit de la faulte que
 « je puis auoir faicte a vostre Magesté de l'emmener & es-
 « pouser sans vostre consentement: chose qui me desplaist
 « beaucoup. Mais, la doubte que j'auois que plusieurs en-
 « uyeulx que ordinairement se treuent, comme en celle
 « des aultres Princes, pareillement en vostre court, n'eussent
 « destourné le consentemēt, que vostre Magesté, eust aultre-
 « ment, & de son propre motif, peu dōner a ceste alliāce m'a
 « faict tōber en ceste faulte. La reparation de laquelle je suis
 « content remettre en vostre discretion, & celle de vostre
 « conseil, promettant de ma part de condescendre a toute
 « condition honneste & raisonnable. Au regard du serment
 « de fidelité, duquel je vous suis tenu, & lequel par vostre

Response de Baudouyn Bras de Fer aux lettres dudit Roy Charles.

Les courts des Princes ordinairement bien garnis d'enuyeulx.

lettre, semble que tacitement voulez inferer auoir esté en
 frainct par moy, je maintiens ne l'auoir en rien violé, ne
 fait chose par laquelle on puisse juger, que j'aye contre-
 venu a iceluy. Parquoy, & considere que Madame Iudith
 est ma femme, qu'elle m'a suyuy de sa bonne volonté, &
 que le fait est j'a irreuocable: je prie en toute instâce, qu'il
 vous plaise sire, vous contenter de mes offres, telles que
 dessus. Vous souuenant de la fin doubteuse & incertaine
 des batailles, mesmes que toute chose venant a vostre sou-
 hait, ce vous sera vn prouffit & passe-temps bien maigre,
 d'auoir ruiné vn vassal, lequel pour vostre seruice, n'esparg-
 nerá jamais tous ses biés, son sang, ny sa propre vie. Le jour
 ensuyuant fust donnée ceste responce audiçt herauld, avec
 laquelle il se partit; & exploictá tant par ses journées, qu'il
 arriua a Paris, ou il presenta au Roy Charles en presence de
 tout son conseil, la susdicte responce: laquelle leuë, causá
 diuerses operations, aux coeurs des assistantz, dont les
 vns estoient plus enclins a la paix & tranquillité, les aul-
 tres estimoyent qu'on ne debuoit laisser ceste presumptiõ
 dudiçt Baudouyn plus long temps impunie, n'ayantz peult
 estre tant d'esgard a ce que le bien & prouffit du Royaul-
 me lors agité et mal mené par les Dannois, Normans et
 aultres, requerroit, qu'a la volonté & satisfaction du Roy
 Charles, laquelle ilz voyoyent du tout s'incliner, a vne ob-
 stinée & effrené cupidité de vengeance. Et neantmoins le
 matiere fut mise en deliberation, & toutes opinions bien
 examinées, & diligemment ventilées: la meilleure & plus
 saine partie du conseil remonstra au Roy, que selon leur
 aduis, le Prince Baudouyn, auoit par sa lettre proposé, tous
 les articles de descharge, que vn gentilhomme ayant
 son honneur, pouroit donner, & que considerát l'euenemét
 perilleux des batailles, & mesmes la quantité des Dannois,
 Normans & aultres, qui lors molestoyent le Royaulme de
 France lon debuoit en cest endroiçt laisser la guerre, pour
 suyure la paix: attendu principallemét que ores qu'on eust
 mené guerre dix ans, l'on ne pourroit en fin venir a meil-
 leur party, qu'estoit cestuy quy s'offroit. Parquoy (Sire) di-
 soyent ilz: Ayez l'oeil sur l'instabilité de fortune, & que
 l'hon-

Diuersité d'opi-
 niõs sur la guer-
 re que l'Empe-
 reur Charles
 entendoit men-
 ner au Baudouyn
 Bras de fer

Diffusion des
 Princes de Fiá-
 ce touchant la
 susdicte entre-
 prise de guer-
 re.

„ l'honneur ne fuyt qui le veult. Et entendez que les condi-
 „ tions qui s'achattent au trenchant de l'espée, coustent bié
 „ chier, & sortissent souuent leur effect tout au rebours que
 „ les hommes proieçtent. Oultre, puis que le Prince Baudouyn,
 „ se repent d'auoir emmené madame Iudith, contre
 „ vostre vouloir, & qu'il se submeçt à telle reparation, que
 „ vostre conseil trouuera honneste & raisonnable, nous sem-
 „ ble que le debuez accepter (attendu que la chose faicte ne
 „ peult estre aultrement) en demeurant en la plus honneste
 „ paix qu'il sera possible. Laquelle si vous refusez entiere-
 „ ment, nous sommes prestz de vous secourir jusques à la
 „ mort, pour faire cognoistre, a ceulx qui penseroient cestuy
 „ nostre conseil proceder d'aïlcune pusillanimité, que ne
 „ craignons la guerre, en laquelle nous auons prins nourritu-
 „ re. Ceste responce & aduis encores que tresprudent & dif-
 „ eret, ne peult enfonser la raison dans l'entendement du Roy
 „ Charles, auquel la deliberation de vengeance estoit si auat
 „ imprimée, qu'il ne peult oncques entendre à l'offre qu'on
 „ luy faisoit. Ains aspiroit totalement, ou a rauoir sa fille, qui
 „ contre sa volonté, & a son desceu s'estoit mariée, ou a la fu-
 „ rie de guerre, ne trouuant goust en aulcune opinion con-
 „ traire. Qui fut la cause que la guerre fust arrestée contre le
 „ dict Baudouyn, de laquelle l'on baillá la principale char-
 „ ge a Louys dict le Begue, filx dudit Roy Charles, auquel
 „ fust adjoinct pour assistance de conseil Anselme Arche-
 „ uesque de Rains, lequel sur tous aultres auoit le plus incité
 „ le Roy Charles à l'entreprinse de ceste guerre: faisant en
 „ cest endroict office de loup rauissant, au lieu de cestuy d'un
 „ doux & diligent pasteur, dont il n'auoit rien que le nom
 „ dignité & reuenu. Le Prince Baudouyn, aduertý de la
 „ deliberation du Roy Charles, fit de toutz costez assem-
 „ bler le plus de gens que luy fust possible, bien deliberé de
 „ soy gouuerner, de sorte, que, comme le Roy auoit entre-
 „ prins ceste guerre soubdainement, ainsi qu'il s'en repentí-
 „ roit tout a loisir. Et apres auoir, comme vigilant gouuerneur
 „ pourueu aux villes & fortressez de son pais, selon l'exigen-
 „ ce & briefue té du temps, il se mit avec son ost en campagne,
 „ marchant droit vers son ennemy, & en intention de luy

Le Roy de Fra-
 ce arreste de fai-
 re guerre, a Bau-
 douyn Bras de
 fer.

L'archeuesque
 de Rains blas-
 mé pour ce
 qu'il conseilloit
 la guerre.

Baudouyn
 Bras de fer s'ap-
 prete a la guer-
 re.

Baudouyn assit
son camp ptes
le mont Saint
Eloy l'cz Arras.

Office de bon
capitaine.

Escaramouces
entre les Fla-
mens & Fran-
çois.

empescher l'entrée de sesdictz pais: mesmes de tenter toute
aulture chose plustost, que de tomber au dangier de veoir &
ouyr journellement la destruction & saccagement de ses
terres & poures vassaulx. D'aulture costé, les François che-
minoyent fort & ferme, & en merueilleusemēt grand puis-
sance, fulminantz vne infinité de menasses, & contre toute
la Flandre, & contre ledict Baudouyn . Lequel auoit desia
assis son cāplēz la ville d'Arras, en vne plaine, guerres loing
du mont Saint Eloy . Et attendant illec ses ennemis, ne
cessoit, comme bon capitaine qu'il estoit, de continuelle-
ment inciter ses jeunes soldats a tous nobles exercices, vi-
siter le guet, assister aux bledz, que vendent les viuandiers,
chastier les delictz, ouir les querelles des compagnons, &
visiter les malades. Oultre ce il se monstroit assez rigoureux
a l'endroit de ceulx qui failloyent, lesquelz il retiroit par la
crainte des loix, & ordonnances: comme coureurs qui sont
longuement hors du camp, & puis reuiengnēt. Semblable-
ment ceulx qui laissent quelque espace de tēps le camp, &
puis sont ramenez: bref il n'obmettoit debuoir, dont vn
bon & vigilant capitaine s'eust peu aduifer . Ce pendant la
armée des François, approchoit tousiours, laquelle venue a
la veuē de celle des Flamens, se dresserēt d'une part & d'au-
tre diuerses & biē dāgereuses escaramouces, & lesquelles il
faisoit tresbeau veoir: non pas toutesfois a ceux qui s'y trou-
uerēt, pour aultāt q̄ la plus part d'eulx, en rapporterent plus
de signes qu'ilz n'eussent desirē. Nonobstant quoy, ne cessē-
rēt de cōtinuer leursdictes escaramouces, en toutes lesquel-
les les Flamēs au moyen du bō ordre & diligēce du Prince
Baudouyn leur chef & conducteur, demourērent quasi tou-
sious superieurs. Finablement les François, qui ne tāschoyēt
qu'a s'attacher avec toute leur armée a celle de leurs enne-
mis, faissantz estat s'ilz pouoyēt vne fois a ce paruenir, de les
ranger a telle raison, qu'ilz desirōyēt s'approchē de sorte
qu'ilz viendrēt loger, sur vn soir biē tard a la portée d'un arc
du cāp d'iceulx leurs ennemis, en intentiō de le lendemain
leur liurer vne trefrude & cruelle bataille. Qui fut cause
que les deux camps feirent toute ceste nuit tresbon guet,
jusques au point du jour subsequent, que chascun d'eulx
respe-

respectiuelement ordonná de ses batailles ainsi qu'il l'entendoit, & selon que l'art militaire leur dictoit & enseignoit.

Comment Baudouyn Bras de Fer eut vne memorable victoire contre les François, et apres icelle fit pendre en haults gibetz sur le mont Sant Eloy aulcunes des principaulx auteurs de la guerre que luy menoit l'Empereur Charles.

CHAPITRE XVII.



Es rays du Soleil s'estendoyent sur la fresche rosée d'une matinée paignât les gouttes en fines jacintes a l'heure, que le tresuertueux & magnanime Prince Baudouyn Bras de Fer, considerant qu'il conuenoit, que les armées s'entreveissent de plus pres, ordóná par l'aduis des cheffz & capitaines de son armée que l'on fist de son ost seulement auantgarde & bataille. Desquelles ilz reseruá soubz sa conduicte la bataille. Mais les François pour estre plus que les Flamens se meistrerent en trois: affin qu'estant l'auantgarde, & la bataille du Prince Baudouyn couplées oultre les sienes, son arrieregarde fresce leur donná par les flancqs. Les deux camps ainsi ordonnez, & les deux armées prestes a combattre, marcerent l'un contre l'autre. Et au mesme instát les auantcoureurs & enfans perdus dresserét les escramouces (chose plus plaisante a veoir ou a ouyr raconter, qu'a experiméter) pendát lesquelles les Flamés voltigerét peu a peu, pour gaigner d'un plain fault vne petite mótagne, affin decerrier les ennemys entre eulx, & la ville d'Arras. De quoy s'apperceuarz les autres, leur allerét fermer le pas en diligēce. Lors le gentil Baudouyn, se mettát au frót du grád batil-ló de s'armée, cōmença, pour encourager ses soldats, parler a eux en telle sorte. L'assurance q'j'ay en vostre prouesse & fidelité (preux & excellētz ceualiers, & vo^r autres mes bons amis) m'oste, ou peu s'é faut, l'occasiō de vous remōstrer, les causes pour lesquelles nous deuons aujourdhuy vaincre nos ennemis, ou bien mourir en la bataille. Mais pour accōplir chascū nostre charge, moy en parlát, vo^r en m'écōutát cōme vostre

Harangue de
Baudouyn
pour encoura-
ger ses soldats.

vostre capitaine ; je vous veus remettre en memoire quel-
 ques poinçs, que long temps. á, aucuns de vous peuuent a-
 uoir aprins par cōtinuel vsage de la guerre. Ne soyez donc
 point estonné pour la multitude des ennemis: car le des-
 ordre ou desia je les voy m'asseure de la victoire, laquelle
 aduenant, je vous prie mes bons amis & compagnons, per-
 sister en voz rangs, moderant l'ardeur de l'execution, de
 sorte, que la rapine & butin (qui apres ne nous peult
 eschapper) ne mette personne en desarray, par le quel
 on pourroit perdre le certain, & reuolter fortune. Plus
 vous aduise de ne mespriser & contemner vostre ennemy,
 ains l'estime bien autant que vous mesmes pensez val-
 loir. Comme a la verité les François (a qui aujourdhuy
 aurez affaire) sont de la plus bellicqueuse nation du mon-
 de, & qui a ordinairement desconfit toutes celles, qu'elle
 a voulu assaillir. Vous priant ausurplus faire mieulx que
 ne vous pourrois dire, & cōsiderer que ceste victoire sur les
 vaincqueurs des aultres peuples, vous dressera vn trophée
 de gloire inestimable, effachant & obscurcissant a vn coup,
 les plus illustres de noz ancestres: Ceste remonstrance en-
 flammá merueilleusement les Flamens a bien faire, autant
 que fit celle du Prince Louys le Begue a ses gens. Seig-
 neurs (dict il) capitaines & soldats. On voit souuent que
 Dieu monstre sa puissance au faict des barailles, en ce
 que plusieurs fois le grand nombre de gens fondé sur in-
 justice, est rompu par le moindre. Mais combien doibuent
 voz courages estre assurez de tel hazard, ou dangier, cog-
 noissantz pour certain que le bon droict est de vostre costé:
 mesmes que auez icy des cheftres experts pour executer la
 victoire. De laquelle personne ne doit faire aucune doub-
 te, & principalement, voyant la qualité de noz forces, &
 multitude de noz soldats. A raison de quoy me tairay,
 estant certain que estes trop plus prompts a l'effect des oeu-
 ures, qu'a escouter telz sermōs. Les harangues finies toutes
 deux les auantgardes se meurent l'vne contre l'aultre. Et
 commencerent les traicts a faire leur debuoir, de sorte, que
 plusieurs rangs en furent esclarcis & maints bons soldats &
 cheualiers tombez par terre: tant qu'ilz vindrent aux
 lances

On ne doit
 mespriser son
 ennemy.

Louange de la
 nation François

Harangue de
 Louys dict le
 Begue a ses soi-
 dats.

Baraille des Fla-
 mens cōtre les
 François.

lances briser , & aux picques coucher , non sans gran-
tuerie d'un costé & d'autre. Et les testes baissées se choc-
querent gens de pied & de cheual , de tous costez , sy fu-
rieusement, qu'à moins de rien, l'un perdit la vie , l'autre
le bras, l'un renuersé pour terre, l'autre secouru , sy qu'on
n'ouyt oncques parler de conflict sy cruel en peu de téps.
Car ceulx de l'avantgarde du Prince Baudouyn feisrent
tel effort en ceste premiere charge, & enfonserent sy brus-
quement les armes , que les ennemis estoient sus le point
de bransler & tourner en fuyte , quand leur bataille & ar-
rierregarde les vindrent secourir . Mais sy furent elles ar-
restées sus le cul par le Prince Baudouyn, avec tât de sang
espandu des deux costez , qu'il seroit difficile a croire . La
moururent maints preud hommes par les mains du vai-
llant Baudouyn , & entre autres ledict Anselme arche-
uesque de Rains, principal autheur de ceste guerre : au-
quel ledict Baudouyn vouloit mal de mort , tant pour la
raison susdicte , que pour celle qu'incontinent entendrez.
Brief, jamais cheualiers ne firent tant d'armes ny gens de
pied sy grand deuoir . Et ores que le nombre des François
fust tât excessif, que deux Flamés auoyent tousiours affaire
a trois de leurs ennemis, sy est-ce que les Flamens tenoyent
tousiours pied a bouille , & sans reculer vn seul pas cōbato-
yent de mieulx en mieulx , se tenantz tousiours (selon la
susdicte instruction de leur capitaine) tant bien rangez,
& poursuyuantz leurs ennemys en sy bon ordre , que les
François commencerent en fin a bransler , & perdre ter-
re . Dont s'appercheuant le Prince Baudouyn, apres auoir
de ce rendu en son coeur graces a Dieu , pour dauantage
encourager ses soldars, s'elcra tant qu'il peult. A eulx mes
amys, a eulx, la victoire est nostre . Auquel cry les gens du-
dict Baudouyn s'esuertuerent plus que deuant, & cōme sy
tout le jour ilz n'eussent combatu, rechargerent leurs en-
nemis d'une telle impetuosité , que le sort tomba sy mal-
heureus sur les François , que la terre demoura couverte
des morts & naurez , & tournerent toutz le dos, fuyantz a
vau de route . Ce que neantmoins leur profita bien peu,
car les Flamens les poursuyurent sy viuement, que sans la

*La mort de
l'Archeuesque
de Rains.*

*Deffaide des
Francoys par
les Flamens.*

Les prisonniers
sont amenes, a-
pres la bataille
deuant Haudou-
yn Bras de
Fer, qu'en fait
pendre, aucuns
auteurs de ce-
ste guerre, & re-
uoye les au-
tres sans aucu-
ne rançon.

auict quy suruint, il n'en fut eschappé vn seul. Ainsy furent
traicté ces braues, quy peu au parauant auoyent par ima-
gination, mis a feu & a sang le païs de Flandre, auquel ils
n'eurent loisir de seulement mettre le pied. Apres ceste
glorieuse victoire, l'on amena le lendemain deuant le Prin-
ce Baudouyn, aucuns des principaux de ceux qu'auoyent
le jour precedent esté cōstituez prisonniers, entre lesquelz
furent recognus douze que barons que cheualiers de Frā-
ce tous de la lignée de Froymont & Ganelon & ennemys
mortelz dudit Baudouyn. Lesquelz incontinent il fit pé-
dre en haultz gibets sur le mont Sainct Eloy & au milieu
d'eux l'ocle dudit Anselme Archeuesque de Raims, quy
auoit esté consentant a l'excommunication que ledit An-
selme puis naguerres auoit fulminé, contre ledit Baudou-
yn, & Madame Iudith, sa femme mesmes auoit induict
plusieurs autres Euesques du royaume de France, d'agrée
ladiete excommunication, laquelle ils fondoyent sur le
passage par lequel est dict. *Si quis viduam in uxorem sacratus
fuerit, anathema sit.* Ce que neantmoins ne se pouoit applic-
quer contre ledit Baudouyn, veu que par le discours que
dessus, appert qu'il n'vsa d'aucune force contre ladiete da-
me, ains quelle le suyuit, de sa franche & pure volōté. Les-
dictes executions faictes, le Prince Baudouyn fit cōman-
dement, que tous les autres prisonniers fussent deliurez
sans payer aucune rançon, & qu'a chascun fust loisible
de retourner a sa chascune, tant pour effectuellement dé-
monstrer, le peu d'enuye qu'il auoyt de nuyre au Roy
Charles son beau pere, & naturel Seigneur, qu'affin que
chascun cognut qu'il n'estoit moins doux & debonnaire
a l'endroit des vaincus, que magnanime & vaillant con-
tre ses ennemis. Ce faict, & le butin recueilly & distribué
a vn chascun, selonc son port & qualité, le Prince Baudou-
yn retourna a Harlebecque ou vindrent de toutes ses vi-
lles, terres & seigneuries ambassadeurs & deleguez, pour
luy congratuler d'une victoire sy heroicque & glorieuse.
Parquoy nous le laisserons pour quelque temps, & retour-
nerons au Roy Charles le Chaulue. Lequel aduertý de la
cōtrosisie dont Boudouyn Bras de Fer auoit vſé vers ceux
de son

de son royaume, quy toutesfois s'estoyét mis en armes en intention de le ruyner, moderá quelque peu l'extreme indignation qu'il auoit contre luy conceuë. Non que pourtant il fit reuoequer ladicte sentence d'excommunicatiõ, ny mesmes celle par laquelle il auoit declaré tous les biës dudiët Baudouyn confisquees, mais laissant toute chose en son estre, il se contentá de ne plus persecuter par guerre, ny molester le susdiët Baudouyn.

Comment vn Euesque de France s'estant suppose le nom de Louys le Begue, descendit a grand puissance contre Baudouyn Bras de Fer, laquelle vainquit, print prisonnier, fit soitter, pendre & estrangler.

CHAPITRE XVIII.



E bruit & renommée de ceste memorable victoire, obtenue par le trespreus & vaillant Prince Baudouyn Bras de Fer, fust aussy tost espanduë per les païs circouoifins, mesmes du bon droict qu'il auoit eu, de faire contre les dessus nommez gentils hommes, la susdite execution. La quelle neantmoins irritá merueilleusement les parëts & amis des executez, quy estoyent lors en grand nombre, & bien puissants audict royaume. Lesquels considerants le peu de deuoir, auquel le Roy Charles se mettoit d'envoyer vn'aultre armee contre lediët Baudouyn, arresterët d'en faire eux mesmes la vengeance. Et de faict apres auoir esleu pour chef vn Euesque qu'estoit de leur faction, & duquel lon ne trouue le nom par escript, affin de plus legierement attirer gens de tous costez, moyennants lesquels ils peussent mettre sus vne armee tant plus grande, aduiserent que lediët Euesque se vsurperoit le nom de Louys diët le Begue, fils du Roy Charles le Chauue, & que sous tel nom, il les conduiroit vers le païs de Flandre. Ou suyuant leurdiët proiect, ils arriuerent peu apres, avec vne bien grosse armee. Et combien qu'ils estimassent auoir conduict leur entreprinse tãt secretement, qu'ils se persuadoyent que lediët Baudouyn n'en auroit este aduertý, esperants pourtãt le surprendre a

Les parents de ceux que Baudouyn Bras de Fer auoit faict pendre, assemblẽt nouvelles forces pour retourner contre lediët Baudouyn. prenants pour leur chef vn Euesque, auquel ils imposent le nom de Louys le Begue, fils du Roy de France.

pied leué & au despourueu: sy est ce que le Prince Baudouyn, lequel estoit aultant soingneux du bien & repos de son peuple qu'aucun aultre de son temps, auoit assez auparavant preueu leur malicieuse menée, & per consequēt preuenue, aulx inconuenientz, desquelz a raison d'icelle il se debuoit comme prudent gouuerneur, & capitaine bien aduise, doubter & garder. Quy fut la cause, que contre toute leur attente & expectation ilz trouuerent chausseure a leurs piedz, & resistance trop plus grande qu'ilz n'auoyent esperé, comme effectuellement & a leur grande confusion & deshonneur ilz experimenterent peu apres par la venue du Prince Baudouyn. Lequel les vint en toute diligence trouuer, guerres loing du lieu mesme, ou la susdicte bataille auoit vn peu auparavant esté executée. Ou arriué & voyant ses ennemys approcher, dict telles parolles a ceulx de sa troupe. Certes (mes amys) vous pouez maintenant a veüe d'oeil choisir ceulx, quy sont cause de nous auoir faict prendre les armes, pour destendre & l'honneur de Flandre, & le pais quy est nostre. Ou toutesfois, je ne scay soubz quelle couleur, ilz sont entrez & a quell'occasion ilz ont prins les armes contre nous, sy ce n'eust a raison de la justice qu'auons dernièrement, & a bon droict faict executer, sur aucuns de leurs parentz, autant meschans & dignes de telle mort, que ceulx cy se monstrēt traistres & ennemis de vertu. En tant mesmes, que pour mieulx venir a leur but, ilz ont emprunté le nom du bon Prince Louys le Begue, filz du Roy Charles Monseigneur, pensantz moyennant iceluy couvrir leur lascheré & couardise, & nous inuestir de la crainte quy raisonnablement doit estre de leur costé. Mais il en irat aultrement, & ne permettra nostre Seigneur (comme jespere) que la reputation, en laquelle nous auons tousiours vescu, & depuis naguez auons grandement augmētée, soit par eux estaincte, ou aucunement diminuée. M'asseurant qu'il ny a celuy de vous, quy ne vueille plustost mourir en honneur, que viure apres avec honte. Et, pour telz vous cognois de sy longue main, que jay grand'occasion de vous aymer & estimer. Et quand je n'auroys ceste cognoissance, sy

Harangue de
 Baudouyn Bras
 de Fer a les foui
 darts.

“ sy scay-je bien que je ne fus oncques sy tost né, que la rai-
 “ son ne m’obligeast a vous tous, tant pour la fidelité, la-
 “ quelle vous auez tousiours gardée a voz princes, que pour
 “ les grandz seruices que vous m’auez faictz en maints en-
 “ droicts, & signamment en la dernière journée contre le
 “ Prince Louys & ses adherents. *Quy* me faict croire, que
 “ sans auoir esgard a la grosse & neantmoins mal ordonnée
 “ armée de noz ennemis, vous ferez tel deuoir, suyuant vo-
 “ stre ancienne vertu & fidelité, que nous leur donnerons a
 “ cognoistre, que ce n’est pas a nous, qu’ilz se doibuent ad-
 “ dresser. Ce que pouons assez aysement faire, veu que nous
 “ auons le droit deuers nous. Or marchons doncques har-
 “ diment, car je les vois approcher. Tandis que Baudouyn
 “ Bras de Fer faisoit ceste remonstrance, le vigilant euesque,
 “ d’aultre costé ne dormoit pas, ains plus exercité en sembla-
 “ bles affaires qu’en ses oraisons, ou a quelque sainte predi-
 “ cation, estoit au milieu de ses bataillons, allant de rang en
 “ rang, persuader ses cheualiers & aultres gens d’armes a cō-
 “ battre virilement, & leur disoit: Entendez mes amis. *Que*
 “ le premier & plus souuerain bien quy puisse estre en vn’ *Harengue de*
 “ armée, est d’un chef quy sçache prudemment ordonner *leuesque a ses*
 “ & conseiller ce qu’est requis de faire, puis auoir obeissance *soldats.*
 “ pour executer ce qu’il commande. Or auez vous icy non
 “ seulement vn capitaine tel que je dy, mais deux ou trois,
 “ voire plus de vingt, lesquelz sont sy accordantz ensemble
 “ que ce n’est que vn vouloir vn coeur, & vng aduis. Puis
 “ donc, que ce premier bien ne nous est denié, approprions
 “ nous au second, & poussons nostre fortune quy nous ayde,
 “ contre vn tyran le plus cruel quy soit sur la terre. Lequel
 “ n’est jamais vaillant que lors qu’est question d’inhumai-
 “ nement faire meurdrir ceulx quy se sont submis a sa mer-
 “ cy, & ausquelz il ne trouue aucune resistance, se monstrât
 “ ausly des premiers, quand la guerre se doit faire contre
 “ quelque fille, & quand l’opportunité se presente de la po-
 “ uoir rair & desrober. Mais hors qu’il rencontre des hom-
 “ mes, quy luy montrent visage, il n’at non plus de courage,
 “ qu’une glaive mouillée, ou paillarde eshontée, cōme vous
 “ pourez presentement experimenter, sy seulement, (dont

neantmoins vostre magnanimité m'assure) voule vous dis-
 -poser, & rendre peine de soustenir leur primer choc &
 impetuosité, laquelle a veüe docil pouuez juger ne pouuoit
 aucunement resister a la nostre, en prenant pied au nô-
 bre de gens, & ardeur de courage, dont nous les surmon-
 tons, mesmes (& que plus faict a estimer) que nous auons
 Dieu & la justice de nostre costé. Tel propos tint l'apo-
 stat Euesque a ses gens, quy les animá en sorte que des-ja
 leur rardoit d'estre au combat. Quy fut cause que au mes-
 me instant les batailles, marcherent d'un costé & d'autre
 avec tresbon ordre. A la rompture & froissis des lances es
 premiers rangs le bruit fut sy grand qu'il en fit retentir les
 prochaines vaillées, & a la premiere meslée se leua telle ob-
 scurité, qu'il leur sembloit combattre de plaine nuit. Le
 nombre fut tel des cheuaulx, quy alloient mourir hors la
 presse, les vns avec leurs maistres, les autres sans eux,
 qu'ils virent vne droicte voirie tout a l'entour du camp. A
 la premiere rencontre des deux avantgardes, la presse fut
 sy grande qu'ils empeschoyent quasy l'un & l'autre de com-
 battre. Finablement le Prince Baudouyn voyant brâsser la
 bataille que menoit ledict Euesque, fit pareillement mour-
 uoir la sienne, au choc desquelles tomberent d'un costé &
 d'autre, vne infinité de soldats & hommes d'armes. Quy
 eust veu lors le bras sanglant du Prince Baudouyn bandir
 par dessus les autres, & esclairer puis ça puis la, côme il cou-
 roit par les râgs pour donner coeur & ordre ou besoing e-
 stoit, l'eust a bon droit jugé l'un des plus vertueux capitai-
 nes du monde. Côté lequel remedioit de son costé ledict
 Euesque par grand valeur & prudence: en sorte qu'ils sen-
 tresoustindrent sans aucun dauantage, jusques enuiron
 le soir, que lors ledict Euesque & les siens, ne peurent plus
 auant soustenir la force & impetuosité desdicts Flamens:
 par lesquels (pour le faire brief) ils furent mis en fuyte, &
 sy viuement poursuyuis, que la nuit vint merueilleuse-
 ment bien apropos pour ceux quy s'auoyent pou exépter
 de la boucherie cômise en ladicte bataille. En laquelle le
 Prince Baudouyn obtint vne belle victoire, non toutes-
 fois sans grand & notable perte d'aucuns des plus gentils

Bataille des
 Flamens cōtre
 ledict Euesque
 & ses confede-
 res.

Bataille du
 dict Euesque.

com.

compaignons de la troupe, a son tresgrand regret & des-
 plaisir, duquel neantmoins il fust assez soulagé & recon-
 forté par les nouuelles qu'on luy apportá, que le susdict
 Euesque chef & conducteur de la susdicté armée, auoit e-
 esté par ses gens arresté & constitué prisonnier. Lequel il fit
 le jour subléquent amener deuant soy, & apres l'auoir grá
 demét blasmé, & du nom qu'il se auoit supposé de Louys
 dict le Begue : & de ce que contre son estat & profession,
 il auoit suscité les susdicts troubles, le fit en presence, & a la
 veüe de toute son armée battre de verges, & apres pendre
 & estrangler en vn gibet. Dont se peut veoir ample men-
 tion & suffisant telmoignage per la decretale, in *c. perpen-*
dimus. De sentent. excommunic. Laquelle parle de ce Baudou-
 yn, & d'iceluy Euesque en ceste sorte. *Perpendimus ex literis*
tuis, quod quidam sacerdos, pro eo quod se filium regis falso nomi-
nare presumpserit, & armis acceptis seditionem fecit & guerrā,
à Balduyno comite iussus est fustigari, qui postea eius mandato tra-
ditus patibulo expirauit. Ce qu'aincy se peut rendre en Fran-
 çois. Nous considerós par vos lettres que vn certain preb-
 stre, lequel auoit presumé se faire appeller fils de Roy, &
 oultre ce s'estoit ingeré de leuer gens prédre les armes, &
 moyennant icelles exciter seditions & mener guerre, au-
 roít par le commandement du Conte Baudouyn esté foi-
 té, & puis pendu & estranglé.

Ledit Euesque
 prisonnier.

Ledit Euesque
 par ordonnance
 de Baudouyn
 Bras de Fer est
 battu de ver-
 ges, & apres
 pendu.
c. perpendimus
de sentent. ex-
communic.

Comment Baudouyn Bras de Fer, & Madame Iudith sa femme se
 transportèrent vers Romme, pour estre absous de l'excommunica-
 tion que l'Empereur Charles auoit contre eux faict fulminer, &
 comment au moyen des legatz que le Pape Nicolas en-
 uoyá a ces fins vers ledict P' Empereur
 Charles, ils furent reconcil-
 liez audict Empereur.

CHAPITRE XIX.



Après que le victorieux Baudouyn, eust mistelle
 fin aux susdites batailles qu'auiez peu veoir. Cón-
 siderant que le Roy Charles le Chaulue conti-
 nuoit en son maltalent, & que obstat iceluy ne
 trou-

Baudouyn bras
de Fer & Madam
e Judith sa
femme vdt vers
Rome pour
se faire absoul-
dre de l'excom-
municaciō que
le Roy Charles
auoit fait ful-
miner contre
eux.

Le Pape Nico-
las enuoye
deux legats
vers France en
faueur de Bau-
douyn bras de
Fer.

Harangue des
dicts legats,
pour induire
l'Empereur
Charles a quel-
que appointe-
ment avec Bau-
douyn bras de
Fer.

Tout Prince est
tenu de garder
le sang de ses
subiectz & au
bon traictement
d'eulx.

uoit moyen d'estre absouls de l'excommunication fulminée, contre luy, & Madame Judith sa femme, il resolut (pour oster le scrupule & difficulté, dont a ceste occasion il sentoit sa conscience chargée) s'acheminer, avec la dicte Princesse sa femme, vers la cité du Romme, ou peu apres, il paruint, & quant obtint du Pape Nicolas quy lors presidoit, l'absolution sy long temps desirée. Melmes fit tant par ses remonstrances & humbles requestes, que le Pape Nicolas delega deux Euesques de son siege, scauoir l'euesque Ficodensis, & Portuësis, ausquelz il dōna charge d'admonester de sa part le Roy Charles le Chauluc a vne bonne paix, ensemble pour moyenner quelque gracieux appointement entre luy & le Prince Baudouyn. Lequel ayant ain sy besoingné, retourna en ses pais ou il fut receu avec Madame Judith sa femme en grand triumphe, & allegresse. D'autre costé lesdicts euesques diligenterent tellement qu'ilz se trouuerent peu de temps apres en la cite de Paris, ou le Roy & les siens leur firent tout l'honneur bon recueil & traictement, dont ilz se pourent aduifer. Le lendemain en presence des Princes Barons & seigneurs du conseil, parlerent suyuant la charge quilz auoyent au Roy, de ceste sorte. Sire, le bon zele, & vertueuse inclination de nostre Saint Pere le Pape Nicolas, au bien repos & tranquillité de la Republicque Chrestienne, l'ont meū & incité de nous enuoyer pardeça, pour de sa part, & en son nom vous admonester, & requerir, que remettant au Prince Baudouyn l'indignation qu'avez contre luy concheue, vous plaise le recevoir en vostre bonne grace, ensemble le traicter, a l'aduenir comme vostre beau filz, parent & humble vassal. Pour a quoy vous induire & plus facilement vous faire condescendre, il nous a commandé vous proposer, & mettre deuant lesdicts yeulx, les articles & considerations quy sensuyuent. Premièrement que cōme bon & vertueux Prince, estes plus tenu a la clemence & bon traictement de voz subiects, qu'a l'exécution de vostre volonté, & a garder leur sang, & cestuy de leurs femmes, & enfans par tranquillité, qu'a lesprendre pour vous veger d'une injure particuliere, quy ne redonde au dommage

ou

ou deshonneur, ny de vous, ny de vostre royaume. Qu'il
 est mal possible qu'obtenez la vengeance que pretendez
 sur cestuy que reputez vostre ennemy, que preallablement
 ne vous vengez sur voz propres subiects, & qu'ils ne soyent
 de vous traictez rudement & inhumainement, voire plus
 souuent assez plus fierement, que voz mesmes ennemis.
 Que le propre & naturel d'un Prince magnanime est de
 pardonner toutes fautes pour lourdes, & inexcusables
 qu'elles soyent, a ceux quy les recognoissent, & en deman-
 dent mercy, pourueu toutesfois que ce faire se puisse, sans
 le scandale & detrimement public. Et quand tout ce ne vous
 esmouuerait, souuienne vous Sire, de l'honneur du nom
 Chrestien, duquel vous vous vantez, & de ce que pourrôt
 dire les Turcs & Sarrafins de nous, prédantz regard aux
 discordes quy journellement nayssent en la Chrestien-
 té. Ils voyent que nous n'auons aucune paix stable, que
 jamais ne mettons fin a l'effusion de sang mutuelle: qu'il y
 ait entre eux moins de tumultes & querelles, qu'être nous
 autres, & nonobstant ce, que suyuant la loy de Iesus Christ,
 nous preschons & publions de bouche la sainte paix, cõ-
 corde & vnion. Laquelle ce pendant & de fait nous vio-
 lons & contaminons tant qu'en nous est, & de tout no-
 stre pouoir. Auxquelles raisons vostre Magesté pourra (s'y
 bon luy semble) adjouster les cruaultez & violences que les
 Normans & Danois commettent journellemēt & de plus
 en plus en ce noble royaume de France: pour lesquelles
 extirper, vouldroit trop mieux (parlant neantmoins en
 toute reuerence) joindre toutes voz forces, & entretenir
 voz subiects, & vassaulx en bonne paix, amour, & obeissan-
 ce vers vous, que de les destruyre & persecuter. Oultre ce
 que par les deuoirs, auquelz vostre Magesté s'est mise,
 pour paruenir a la susdicte vengeance, & de ce quy en est
 ensuiuy, l'on voit ouuertement que Dieu fauorise le Prin-
 ce Baudouyn, & tient son mariage pour iuste & agreable.
 Aussi toutes passions mises jus, nous ne doubtons que vous
 mesmes, Sire, n'ayez ledict Baudouyn en reputaciõ de Prin-
 ce noble, vertueux, & vaillant, voire digne d'une tât haulte
 te alliance, qu'est celle laquelle il s'est elleüe & choyüe, &

L'opinion des
 Turcs & Sarra-
 fins des Princes
 Chrestiens a
 raison de leurs
 discordes & dis-
 sentions.

L

laquelle

laquelle faicte du consentement & par l'adueu de vostre
 Mageste, seroit de teus points accõplie, heureuse pour am-
 bedeux les parties, & dirá parauẽture quelqu'aultre, assez
 egalle & fortissable. Pourquoy ne reste qu'a satisfaire a la
 faulte, en ce seulement commise, qu'il n'a attendu vostre
 congé. Ce que se doit plustost imputer a vne simplicité
 ou ignorance de jeunesse, & impatience d'amour, qu'a au-
 cun mespris ou desdain qu'il auroit par ce voulu procu-
 rer a vostre Magesté. Et qu'ainsy soit, y ail descharge que
 vng Prince puisse bonnement proposer, & deuoir auquel
 avec son hõneur vn homme de coeur se puisse mettre, du-
 quel ledict Baudouyn ne s'ayt pour vostre satisfactiõ ser-
 uy & ayde: Non certes. Il s'a en premier lieu par lettres
 excusé vers vostre Magesté: il s'a soubmis a telle satisfactiõ
 que vostre propre conseil trouueroit raisonnable. Mesmes
 apres auoir esté persecuté, & assally, il a en reuerence de
 vostre Magesté, pardonné a ses ennemis. Il s'est en person-
 ne, non sans grandz travaux & dangiers, transporté vers
 nostre Sainct père le Pape, affin de le supplier, qu'il voulsist
 moyenner sa paix vers vostre dict Magesté, se persuadant
 que du moins en l'honneur & a la requeste du siege Apo-
 stolicque vous luy pardonneriez vostre courroux & mes-
 contentement: il est én vous, Sire, de monstrier par effect,
 que ne fourlignez de la deuotion que voz predecesseurs
 ont tousiours eüe, sainte & inuiolable vers ledict siege
 Apostolicque: il est en vous de ne frustrer l'estat ecclesia-
 sticque, de l'opinion qu'il a de vostre affection vers soy.
 Mais sy vostre passion trop vehemente, ne peut encores
 par les susdicts moyens a ce vous fleschir, que tant a cer-
 tes vous requerons, la gloire & honneur que vous sera d'a-
 uoir vaincu vostre courage & refrené vostre ire, vous
 face prendre le party, que vostre bon jugement & la
 raison vous dicteront: ce faisant meriterés d'estre com-
 paré, non seulement aux hommes parfaicts, mais,
 (entant que les humains y peuuent ataindre) a la pro-
 pre diuinité. Finablement, pose (ce que toutesfois ne
 nous pouons persuader) que non obstant ce que dessus,

&

Grand gloire
 vaincre soy
 mesme.

& sans auoir esgard a la bonne pyeuse, & Chrestienne
 remonstrance, de nostre Saint Pere le Pape, entendez
 continuer en vostre courroux & desir de vengeance, sy
 scauons nous encores le moyen, pour paruenir a l'vn a-
 uec satisfaction de l'autre. C'estra Sire, sy vous remet-
 tez soubz certaine condition & limitation, avec Ma-
 dame Iudith vostre fille, le Prince Baudouyn en vostre
 bonne grace. Car le pardon qu'en ceste sorte exercerez,
 donnera contentement a ceux quy vous en font requeste,
 & pour iceluy ont intercedé : & d'autre costé la limita-
 tion y inserée, tiendra lieu de la peine & chastoy, que
 pour la faute en question, peut auoir esté meritée, ser-
 uant successiuelement d'amorce a l'ardeur & desir de ven-
 geance dont vostre coeur est enflammé. D'abondant, vous
 pouez par telle execution de vengeance en procurer vne
 seconde, contre les Danois & aultres voz ennemis leurs
 fauteurs & adherents, lesquelz la meritent trop plus que
 cestuy, lequel (soubz les reseruacions ausquelles son hon-
 neur l'oblige) se submet totalement a vostre grace &
 mercy. Brief, & affin que vostre Magesté de tant mieux
 nous entende : la magnanimité, vaillantise, & vertu es-
 prouée du Prince Baudouyn peut estre la ministre & e-
 xecutrice de la double vengeance, dont nous auons par-
 lé presentement. Et que ainsi soit: sy pour satisfaction de
 la coulpe commise voulez. O Sire, vous contenter du
 commandement que pourrez faire audict Baudouyn qu'il
 ayt a joindre toutes ses forches aux vostres, & les conioin-
 ctement employer, contre la furie & cruauté des Danois
 voz mortelz ennemis : la jeunesse dudit Baudouyn quy
 vous a irrité, demeurera par ce moyen chastoyée, & les
 rudesses de vos dictz ennemis pourrôt (moyennat la vail-
 lantise diceluy) estre reprimées & aneanties. Le Roy ap-
 pres auoir bien diligemment escouté ce discours, & les
 raisons persuasives y contenuës, demeurá quelque peu pé-
 sif & sans dire mot. Mais en fin apres plusieurs considera-
 tions debatues en soy mesme, la raison fit tant qu'elle de-
 meurá maistresse. Quy fut cause qu'en peu de parolles, il
 respondit quasi en ceste sorte ausdicts legats. Messieurs

Responſe de
l'Empereur
Charles aus-
dicts legats.

encores que le meſus commis par le Prince Baudouyn „
contre mon eſtat Royal , ſoit aſſez plus grád que pluſieurs „
ne meſurent, & que pour diuertir tous aultres, d'attenter „
choſes ſemblables , meſmes contre leur Seigneur natu- „
rel, pluſtoſt que pour ſatisfaire a aucune mienne particu- „
liere paſſion , j'euſſe deliberé d'en móſtrer vn autre reſen- „
timent: ſy eſt-ce que la reueréce & reſpect que je doibs au „
ſainct ſiege Apoſtolique , me fera non ſeulement chan- „
ger d'opinion, & condeſcendre a l'appointement que pre- „
ſentement auez propoſé, mais deſia m'a reduict en volun- „
te d'abſolument , & ſans aucune limitation , receuoir „
& traicter pour l'aduenir ledict Baudouyn & la Princeſſe „
Iudith ſa femme, comme mes enfans parents & bós amis. „
En ſigne de quoy, j'ay arreſté d'ordonner du partage de la „
dicté Iudith ma fille de la meſme ſorte, comme ſy elle ſe „
fuſt mariée de mon gré, & conſentemét. Et affin que puiſ- „
ſiez, de tout ce qu'entre nous ſe fera, rapporter a ſa ſaincte „
té nouuelles plus certaines & perticulieres, je vous prie „
vouloir ſejourner pardeça juſques a la venue deſdicts Bau- „
douyn & Madame Iudith , leſquels j'enuoyeray querir en „
la plus grande diligéce que faire ſe pourra. Ce dict le Roy &
tous les Princes & Seigneurs ſe partirent du cóſeil, & peu
apres par le commandement du Roy, fut enuoyé en Flan-
dre vne notable & bien honorable ambaffade, vers le Prin-
ce Baudouyn & Madame Iudith ſa femme.

Comment l'Empereur Charles le Chaulue eſtant reconcilié a Baudouyn Bras de Fer, acréut la prouince de Flandre, laquelle il erigeaſt en Conté, & d'autres choſes memorables.

CHAPITRE XX.



Des ſuſdicts ambaffadeurs, deleguez pour l'eſ-
fect que par le chapitre precedent auez en-
tendu, exploicterét par leurs journées, de ſor-
te , qu'en peu de temps ils paruindrent en
Flandre, ou ils expoſerent bien, & au loing au

Baudouyn
Bras de Fer or-
donne que pour

Prince Baudouyn & a Madame Iudith ſa femme, la cauſe
de leur venue, & meſmes la reconciliation du Roy Char-
les

les leur Seigneur, avec ledict Baudouyn . Lequel ayse au possible de telles nouvelles , & de l'appoinctemēt que lesdicts legats luy auoyent moyenné, ordōnā que par tous les pais , fussent pour la susdicte paix & reconciliation, faictes processions generales, & actiōs de graces au Seigneur tout puissant, & successiuement feus d'allegresse, & tous passe-temps qu'on est acoustumé faire en quelque grande prosperité. Ce pendant il se preparā pour venir , avec Madame Iudith sa femme en bon ordre & biē accompagné en la court de France, quy lors estoit en la ville d'Orleans. Ou finablement ils arriuerent en telle pompe & magnificence que de tous poincts ils representoyent vne grandeur presque Royale. Le Roy d'autre costé, auoit commandé ausdicts d'Orleans, qu'ils eussent a receuoir ledict Baudouyn & la Princesse sa femme, de la mesme solennité, & avec le respect & honneur, qu'ils estoient accoustumez faire a sa propre persōne. Ce que le lecteur ne doit treuuer estrange , pour autāt que le Roy Charles depuis qu'il eust despouillē son coeur, de la mortelle hayne & indignatiō qu'il portoit au Prince Baudouyn , s'estoit tellement affectiōné, aux vertus & perfections qu'il entendoit estre en luy, qu'il ne pen-soit pouoir faire ny mesmes excogiter chose, pour suffisamment représenter auxyeulx d'vn chascun, la bonne opinion qu'il auoit de ce Prince . Quy fut la cause qu'estātz ledict Baudouyn & la Princesse sa femme veniz deuant le Roy , comme ils commencerent de proposer estants a genouil, leurs excuses & descharges , les fit promptement releuer : & apres leur auoir declaré qu'il ne vouloit qu'on tint aucun propos des choses passées les accollā & embrassā d'vne telle affection que tous les assistāts s'en merueillerent grandemēt : s'esioyffantz neātmoins, de la bonne & honorable fin que le m'escontentemēt & couroux du Roy Charles leur Seigneur, auoit prins . Lequel , suyuant la promesse qu'il auoit faict ausdictz legats, de faire a la Princesse Iudith sa fille le mesme traictemēt, qu'il luy eust faict, sy jamais elle ne l'eust offensē. Reuocquā en premier lieu , par l'aduis & du consentement des Princes de son sang & Seigneurs du conseil , la sentence,

remercier
Dieu de la paix
qu'il luy auoit
ostrecyē avec
le Roy de Frā-
ce, l'on face en
son pais de Flā-
dre processions
generallies.

Venue de Bau-
douyn Bras de
Fer & Madame
Iudith en la
court de France.

Des caresses &
bon recueil que
l'Empereur
Charles fit aus-
dict Baudouyn
& sa femme.

Extendue &
augmentation
de Flandre, par
le partage que
le Roy Charles
fit a Madame
Iudith sa fille.

par la quelle les biens du Prince Baudouyn , auoyent esté confisquez , le restituant en iceulx purement & absolument . Oultre ce pour assignation du partage qu'il entendoit faire a Madame Iudith sa fille , il augmenta grandement les limites du país de Fládre, lesquels par ledict partage il voulut estre extendus au loing de la mer jusques a Saint VValery inclusiuement, & dedans país au loing de lescault jusques a Vermandois , ou comme autres disent jusques a la riuere d'Oise, ou estoyent comprins les territoires de Courtray , Gand, Therouane, Arras & Tornesis, comme j'ay trouué par aucuns anciens escripts , & se peut verifier par les esclissements , quy depuis en diuers temps, par partages, mariages, traictes de paix , & autrement en ont esté faictz. Car quant a Saint VValery la chronique de Saint Bertin en fait plus d'une fois mention, & signamment au passage , par lequel elle tesmoingne, que Ernould dict le Vieil troiziesme conte de Fládre auroit du dict Saint VValery faict trásporter au monastere de Saint Bertin les corps de Saint VValery & de saint Regnier, & que bonne espace apres Ernould, dict le Iosne cinquiesme conte dudiect Flandre , auroit a la requeste de Hughe Capet lors Roy de France , fait restituer & remettre iceux corps saints en leur premier lieu . Touchant Courtray, quy se comprend en cinc bailliages & Gand, ny a aulcune difficulté, & d'autát moins que encores pour le jourdhuy l'on voit qu'ils sont de la Conté de Flandre. De Therouane se treuve par plusieurs & diuerses histoires, mesmes par celles de saint Bertin & du moine des Dufnes, qu'en l'an neuf centz dix et huit par le pertage faict entre les deux filz de Baudouyn dict le Chaulue , deuxiesme conte de Flandre, la region dudiect Therouane , fust avec Boulongne assignée a Adolph second filz dudiect Baudouyn , quy gist a Saint Bertin . D'arras & de ce qu'est maintenant de la Conté d'Artois est euident , pour ce que depuis il a esté esclissé , par le mariage que fit le Roy Philippe le conquerant a Madame Ysabeau de Haynault, niece de Philippe, Conte de Flandre & de Vermandois . Comme aussy de Tornesis, est assez notoire & manifeste, par ce que

tout

tout le quartier depuis Tournay au long de l'Escaut, jus-
 qu'à Gand ou est compris Audenaerde, & semblable-
 ment tout ce qu'est de la chastellenie de L'isle, souloit an-
 cienement estre nommé *Pagum Tornacense*, & disent
 ceux de saint Pierre a Gand, que leur monastere est assis
 in pago Tornacensi. En quoy je me suis bié voulu quelque
 peu arrester, affin que le lecteur puisse, avec meilleur fon-
 dement jugier de la qualité & contenue de Flandre, au
 temps quelle fust erigée en conté, ensemble pour verificher
 que lors ledict païs de Fládre estoit de la comprinsé qu'a-
 uons cy dessus déclaré. Or pour retourner sur noz brisées,
 le Roy Charles le Chaulue non content dela susdicte de-
 monstration de son bon vouloir vers le Prince Baudouyn
 & Madame Iudith sa fille, apres auoir augmenté la con-
 trée de Flandre de la sorte que dessus, erigeá la dignité
 de forestier en celle de Conté, ordonnant que de la en a-
 uant ledict Baudouyn & ses successeurs eternellement,
 s'appelleroyent non pas forestiers, ains Contes de Flandre,
 y reseruant toutesfois, a soy & ses successeurs Roys de Frá-
 ce, la souueraineté, & moyennant l'hommage, que lors le-
 dict Baudouyn luy fit en tel cas requis & accoustumé. Ce
 faict, le Roy Charles en corroboration des choses susdi-
 ctes, & pour confirmation de la paix & appoinctement in-
 reuocable entre luy & ledict Baudouyn, donna a iceluy
 Baudouyn le corps Saint de Monsieur Saint Donas Ar-
 cheuesque de Raims. Lequel pour cest'occasion est enco-
 res aujourdhuy par ceux de Flandre appelle *Pater vel actor*
pacis. Finablement & affin que rien ne manquaist a tou-
 tes sortes de plaisirs, & resiouissance, les nopces du Conte
 Baudouyn & de Madame Iudith sa femme fussent, en la
 la presence desdicts legatz renouuellées avec les solem-
 nitez tournois, & passe-temps, que la grandeur d'un tel
 Roy pouuoit permettre & requerir. Lesquelles acheuées,
 les susdicts legatz retournèrent merueilleusement satisf-
 faits vers Romme. Ou nous les laisserons rendre a bon
 loysir compte du faict de leur embassade, pour vous de-
 clarer que le Conte Baudouyn, apres auoir remerchié
 le Roy

Le forestaige
 de Flandre eri-
 gé en Conté.

La raison pour
 quoy saint
 Donas est ap-
 pelle *pater vel*
actor pacis.

L'an viii.
& lxij.

le Roy Charles son beaupere, des bons traitemens, graces, & honneurs qu'il luy auoit faict, print congé de luy, & retourna avec Madame Iudith sa femme, vers son pais de Flandre, duquel il estoit, au moyen qu'auetz peu cognoistre, deuenu premier Côte, en l'an huit cét soixatedeux.

Comment Baudouyn Bras de Fer & Madame Iudith sa femme retournèrent en Flandre, du degast que les Normans firent audict pais, de l'édification d'aucuns chasteaux contre l'excurcion desdicts Normans, de la fondation d'aucunes eglises, & du trespas dudit Baudouyn.

CHAPITRE XXI.



E conte Baudouyn, & la contesse sa femme, que nous auons au chapitre precedent laissé en chemin, pour retourner en Flandre, exploisterent par leurs journées de sorte qu'ils y arriuerent peu apres, au grand contentement de tous leurs vassaulx, & subiects. Lesquels pour leur venue firent mille manieres d'esbats par tout le pais, avec feus de joye, & aultres signes d'allegresse, par lesquels ils donnoient assez a entédre, la grande fidelité & amour qu'ils portoyent a leur Prince. Lequel d'autre costé, receuoit des susdicts debuoirs, vn extreme plaisir & indicible satisfactoin, & non sans cause. Car la presence des citoyens est accoustumée d'estre tresagreable aux Princes en téps de prosperité, oultre ce que la congratulation & resiouissance, est l'indice & signe d'un peuple bien veillant, & est vne reconciliation des coeurs, & reintegration d'amour entant mesmes que par icelle se demonstre vne commune esperance quy remply de joye les coeurs des bien-veillantz, pour la felicité du Prince, tellement que quiconque ne se resiouyt de la victoire ou prosperité de son Roy ou Seigneur, se rend suspect & mal-veillant. Le conte Baudouyn donc estant retourné en ses pais, & cognoissant par les susdites & aultres demōstrations, l'amour & fidelité de son peuple, affin de pareillement satisfaire a son deuoir. applica tout son estude, scauoir, & esprit, pour aduiser cōment

*La presence des
citoyens agrea-
ble aux Prin-
ces en temps
de prosperité.*

ment il pouroit conseruer son païs , & gouverner son peuple en bonne paix,concorde & tranquillité. Ce pendant,& comme le conte Baudouyn estoit occupé au project tel que dessus , les Normans le surprindrent a l'impourueu, lesquelz sous la conduicte de leur Roy Hastings descendirent en merueilleux nombre , & avec forces incomparables au païs de Flandre:ou ils ruinerent l'eglise de Tronchienes léz Gand , blusérrent le cloistre de Saint Bertin, Casand , Oudenbourg, Rodembourch (qu'on appella aujourd'hui Ardembourh) qu'estoyent lors deux villes trempuissantes & (a raison de la marchandise qui si traictoit) grandement renommées, & gastèrent toute la contrée de Fladre,au grand regret & incroyable creue-cœur du Conte Baudouyn,lequel obstant le petit nombre de fortes places,qu'il auoit lors en son païs , & que pour auoir esté surprins a pied leué, n'auoit faict provision de soldats , & autres choses en telz affaires necessaires , ne pouoit aucunement resister aux forces desdictz Normans , qui peu apres laisserent ledict Flandre , & tirèrent pour exercer semblables pilleries en autres circomuoisines prouinces.Et lors le conte Baudouyn considerant le dommaige & destruction qu'ilz auoyent moyenné en son païs, fit en iceluy (contre les excursions qu'eux ou aultres pouroyent a l'aduenir attenter) edifier aulcuns chasteaux & forteresses: & entre autres vn en la ville de Bruges (laquelle bien peu auparauant il auoit aussi commencée) que pour le present l'on appelle le Bourg : et vnautre sur le Lys a Gand au mesme lieu ou bonne espace auparauant estoient les deux viels chasteaux, scauoir *Ganda & Blandinium* , depuis conuertis en cloistres, selon qu'assez amplement auons deduit au commencement de ceste histoire . Lequel chastel ceux de Gand nōment encores pour le jourdhuy Sgrauestée . Ce faict , scachant que tous biens procedent de la main toutpuissante de Dieu.& que sans la souueraine protection & debonnaire ayde d'iceluy, les puissances & richesses des royaumes pour grandes qu'elles soyent,ternissent & flettrissent,se occupa en l'edification d'aulcunes eglises: & signamment de celle de Saint Donas,qu'il fit construire en la villa de Bruges,

Descente des
Normans & De
nois qui gasté
le païs de Flan-
dre.

Baudouyn
faict edifier des
forteresses con-
tre les excursions
des Normans.

Le Bourg de
Bruges.

Sgrauestée a
G. nd edifié par
Baudouyn Bras
de fer.

L'eglise S. Donas a Bruges au mesme lieu ou auparavant estoit la chapelle de nostre Dame construite par Lyderic premier de ce nom

Saint Amelbergue translatée a S. Pierre l'Éz Gand.

Les mysteres diuins doiuent estre traittez par gens doctes & de bonne vye.

ges, au lieu mesme ou Lyderic premier de ce nom auoit long temps auparauant fondé la chapelle de nostre Dame : & fit illec apporter le corps de Monsieur Saint Donas, que le Roy Charles le Chaulue luy auoit depuis peu d'espace donné : ordenant au reste, que de la en auant la dicte eglise seroit en honneur d'iceluy saint (le corps duquel y repose encoire pour le present) appelée de Saint Donas : & apres auoir constitué en icelle eglise douze chanoines reguliers, se trasportá en sa ville de Gand, pour assister & estre present, avec grand nombre de nobles, & vne infinité de peuple (que estoit la pour le mesme effect assemble) a la translation (qui fut faicte par Remelin Euesque de Noyon) du corps de Madame Sainte Amelbergue, de la ville de Thamise (ou elle estoit enterree) au cloistre de Saint Pierre audist Gand. Ou il confirma tous les priuileges & droictz, que ses predecesseurs Forestiers de Flandre & autres y auoyent mis sus & establis. Brief, il n'oublia chose, dont vn Prince aymant & craindant Dieu, & jaloux de la tranquillité de son peuple, doit estre curieux & auoir soing : se monstrant sur tout diligent en la continuelle assistance qu'il donoit aux Euesques & autres officiers ecclesiastiques en ce que concernoit la reformation des moeurs en l'estat ecclesiastique, comme tous Princes Chrestiens deuroient a son exemple semblablement faire pour obuier & remedier aux scandales, qui journellement au moyen de la vie desreglée des gens spirituelz peuuent s'ouir & yssir, au grand detrimet de la chose publique de toute la Chrestienté. Outre ce, qu'est bien requis, & necessaire, que la religion Chrestienne, les imperscrutables mysteres d'icelle, & tout l'honneur & office diuin (par lesquelles choses nous appaisons le Seigneur Dieu, & le rendons a nous propice) soyent traittez par gens de bié, gens de vertu, de bonne vie & exéplaire, & qui soyent experts aux lettres diuines & sacrées, de sorte qu'ils puissent nestoyer & repousser les brouillardz de difficulté & ignorance des yeux humains. Or (affin de ne trop no^e esgarer) le Côte Baudouyn suyuant le bō zeile, & ardante affectio qu'il auoit a l'honneur & seruice diuin : estat par l'Euesque de Noyon (qui

lors

lors estoit Metropolitain de Flandre (d'autant qu'il ny auoit encoires en Tournay ny Arras aucun Euesque) aduertý, de la vie dissoluë & desordonnée, que les religieux de l'ordre de Saint Benoit (que estoient au cloistre dudit Saint Pierre a Gand) auoyent commecé mener, & continuoyér, chassá, a l'adueu & du conseil dudit Euesque, ledict religieux hors dudit cloistre. Ce que neantmoins ne deuoit par ledict Baudouyn auoir esté fait, & beaucoup moins au moyé que selon droit n'et a personne parmis d'enchafer les religieux ayants fait profession : trop bien les peut on reformer, ou, quand la necessité le requiert, renuoyer en aultres lieux pour estre tenus plus estroitement: ledict Baudouyn toutesfois les enchassá, collocquant au lieu d'iceux des chanoines reguliers, gens de bien & vertueux, qu'il fit en grande diligence choisir, & chercher des villes de Gand, Bruges, & aultrepart, lesquelz quelque temps apres Arnould dict le Vieil, depuis conte de Fládre, ostá y remettant des religieux du mesme ordre de Saint Bertin, pour la raison, & selon que voyrez cy apres. Ce Baubouyn eust de Madame Iudith sa femme trois fils: scauoir Charles, qui morut jeune: Baudouyn surnommé le Chaulue qui luy succeda en la Conté de Flandre, & Rodolph qui fut Conte de Cambray. Et pour autant que ledict Charles morut par faulte de sa nourrice: la bonne Contesse, ne voulut croire ny commettre ledict Baudouyn son second filz, a personne viuante: ains l'allaita elle mesme, laissant par ce vn memorable exemple, que toutes meres par raison naturelle deuoyent suyuir, ne fut qu'elles soyent de ce faire empeschées, pour aucune trespígnieue & importante occasion. Finablement apres que le Conte Boudouyn dict Bras de Fer, eust prudemment & vaillamment gouverné la prouince de Flandre vingt & cinq ans en qualité de Forestier, & quinze ans en celle de Conte, il trespassa en sa ville d'Arras (qui lors estoit chef ville & capitale de Flandre en l'an huit centz soixante dix & sept, ou selon autres soixante dix & neuf, & fut son coeur avec ses entrailles mis au monastere de Saint Pierre a Gand, & son corps en habit de moine apporté

*Les enfans de
Baudouyn
Bras de Fer.*

*Les meres dol-
buent allaiter
leurs enfans si
elles ne sont de
ce faire empes-
chées.*

*Arras capitale
ville de Flan-
dres.*

L'an viij.

lxxvij.

*Deces & en-
terrement de
Baudouyn
Bras de fer.*

M ij

en la

CHRONIQUES ET ANNALES

Sichin. mainte-
nant S. Omer.

en la ville de Sichin, qu'est maintenant Saint Omer, en
l'eglise de Saint Bertin, ou il est enterré, & est son Epi-
taphé tel.

L'epitaphe de
Baudouyn Bras
de Fer.

*Filius Andacri Balduinus Ferreus olim
Fortis & inuictus viribus iste fuit.
Audaces cuius animos edicere nullus
Sufficit, ipse Foresterius ultimus est.
Flandrensis primusque Comes, quem Carole Calue
Obnatam infendas, quam tulit ipse, tuam.
Pluribus hic annis vivens, in pace quietus
Rexit & crexit pacifice patriam.
Transtulit hic Sancti corpus quoque Donatiani,
Remorum antistes septimus iste fuit.
In Brugensemque urbem deductum collocat, atque
Condidit ipsius in nomine ecclesiam.
Fertius est dictus, quod semper ferre solebat
Loricam, armatum semper habebat equum.
Octingentesimus Domini dum deficit annus
Ast octogesimns incipiens moritur.
Cuius honorifice tumulatum corpus habet nunc,
Sancti in Bertini canobio requiem.*

Lequel Epitaphe se peut en rime Françoisé translater se-
lon & de la maniere que s'ensuyt.

*Cestuy fut filz d' Andacre Baudouyn Bras de Fer
Fort, de grand' entreprinse, prudent & magnanime,
Duquel les saictz hardis nul pourroit exprimer
Assez disertement : il fut de la sublime
Terr' & pais de Flamens le dernier Forestier,
Et le conte premier: qu'elle creer t' anime
O charle dict le Chaulue, ensembl' a l' infeoder
Le respect de ta fill' en beauté tant supreme,
A quy s' auoit ose Baudouyn marier
Contre ta volonté, a ton regret extreme.*

*Il a par plusieurs ans regy & augmenté
Les Flamens en douceur, & en paix plantoureuze.
Il a pareillement le corps Saint traslaté,
De Donas le prelat en la ville joyeuse
Des Brugeois les courtois, lesquelz il a doté*

De

Du nom dudit Donas d'une eglise fameuse
Il a de Bras de Fer le nom braue porté
Pour ce que de tout temps fut en saxon sacheuse
Ou en lieux de deduictz, il estoit vsué
D'auoir, & son cheual, de Mars la face hydeuse.

S'a septanteneuf ans vous ajustez huiet centz
Vous trouuerez qu'alors son ame bienheureuse
Print congé de son corps, lequel au mesme temps
Fut mis en Saint Bertin, ou encor' il repose.

Quant a Madame Iudith femme dudit Baudouyn il n'est memoire du temps de son trespas, & encoires moins du lieu ou elle fit enterrée. Toutesfois j'estime que ce soit esté au monastere de Saint Pierre a Gand, pres le coeur & entrailles du feu conte Baudouyn son mary : entant mesme que obstant les regles & institutions que lors estoient au cloistre de Saint Bertin (suyuant lesquelles n'estoit loysible d'y enterrer aulcune femme) ladicte Iudith ne peut auoir esté ensepuelye audict saint Bertin. Nonobstant quoy vousay bien voulu proposer l'Epitaphe que ay trouué de la dicte dame tel, de mot a mot, que voirez presentement:

En saint Bertin l'on ne peut enterrer aulcunes femmes.

*Regis Francorum Caroli sum filia Calui,
Nobilis illa Iudith, & speciosa nimis.
Vxorem sibi quam me sumpsit Ferrens olim
Balduinus, duce quo. Flandria pacem habuit.
Gloria qui veterum mihi quondam magna meorum
Exstitit, heus Carolum mors rapuit inueniam.
Alter succedens patri regnavit & ipse.
Tempore sat longo, mors rapit hunc ad eum
Omnia deficiunt mortalia gaudia mundi,
Et sub Sole nihil permanet hic stabile.
Princeps prima sui Flandrensis, inclita quondam
Nunc sed in angusto contrahor hoc tunulo.
Iam mihi nil prosunt vir, proles, patria diues
Est mea sed fœdis vermibus est a caro.*

L'epitaphe de Madame Iudith premiere comtesse de Flandre.

Ce qu'ainsi se peult rendre en rime Françoisse:

Fille du Roy je suis Charle le Chaulue
Celle Iudith tant bell' & tant priset,

M. iiij

Que

Que Baudouyn Bras de Fer aymée
 Sy fermement, qu'il n'a sa vie saulvée
 Peu cesser, qu'il ne m'eust espousée.

Cil Baudouyn je dictis, soubz qui paisible
 Flandr' a esté D'autre part qui la gloire
 De mes anciens m'eust esté peremptoire
 La mort hélas trop cruelle & penible
 Charl' osté m'a, du monde transitoire.

L'autr' a regné succédant a son pere
 Jassez long temps, lequel en fin termine.

C'est bien raison, car il faut que tout fine,
 Soubz le Soleil rien n'est tousiours prospere.
 Ad quoy sert donc toute gloire mondaine?

Je fus jadis de Flandre la contesse
 Première, nobl' & de tous honorée.

Maintenant suis en vo cerceuil posée
 Ne sentant plus de monde la lyesse,
 Et neantmoins y attends la perdurée.

Peu me prouffist ou rien presentement,
 Mon doux mary, mes enfans delectables,
 Mon pais rich', ains sert aux vers nuysables
 Ma pource chair d'asseure nutriment
 Voyla comment cy bas rien n'est durable.

Comment Baudouyn deuxiesme de ce nom dict le Chaulue vint au
 gouvernement de Flandre, des femme & enfans d'iceluy, des villes
 & eglises par luy edifiées, avec autres singularitez, & comment
 luy estant l'aye, devint abbe de Saint Bertin.

CHAPITRE XXII.

Pourquoy ce
 Baudouyn
 fut surnommé
 le Chaulue.



Madame El-
 strude d'Angle-
 terre femme de
 Baudouyn le
 Chaulue.

BAUDOUYN surnommé le Chaulue, non
 qu'il fut tel, mais pour autant que son grand
 pere avoit ainsi esté appelé, & son agnomen-
 suscitans au proprium nomen exaltaret, succéda a
 Baudouyn Bras de Fer son pere, & regna qua-
 rante ans. Il eust a femme Madame Elstrude fille d'Elfrède
 Roy d'Angleterre : dont il eust deux filz Ernould, dict le
 Vieil qui depuis fut Conte de Flandre. Et Adolph seig-
 neur

neur de Therouane & Conte de Boulongne : & deux fit-
 les Egiffrede, & Elstrude ; desquelles je ne trouue aucune
 autre mention par les histoires. Ce Baudouyn, eust a son
 aduenement en la Conte de Flandre, plusieurs fascheries
 & rencontres contre les Danois & Normans, qui de re-
 chief estoyent descendus en la province de Flandre, sur les-
 quelz il obtint plusieurs victoires, & neantmoins il fut
 pareillement aucunesfois vaincu : par ce que le nom-
 bre d'iceulx Normans estoit si grand, qu'il sembloit, que
 nonobstant l'occisiõ & boucherie qu'en plusieurs lieux s'en
 faisoit, ils multiplioyent tousiours & augmentoyent. Mais
 en fin leur rage & excursions cessèrent peu apres, au mo-
 yen de l'appointement que le Roy Charles, dict le Sim-
 ple fit avec eux, & dont par les chroniques Françoises
 le lecteur pourá estre plus amplement informé. Enuiron
 ce mesme temps Rodolph Conte de Cambray, frere du
 Conte Baudouyn, dict le Chaulue, fit en faueur du Roy
 Charle le Simple, aspere & forte guerre, au Roy Eude,
 que les François, a raison de la minorité dudit Char-
 le le Simple, leur Prince, auoyent par prouision choi-
 si pour Roy : & en vne rencontre qu'il eust contre Her-
 bert Conte de Vermandois, qui tenoit le party dudit
 Eude, il fut desconfit & occis. Dont aduertty le Conte
 Baudouyn assemblá, pour venger la mort dudit Con-
 te Rodolph son frere, merueilleusement grand ost, a-
 uec lequel il tira en toute diligence contre ledict Eu-
 de, qui fut mis en fuyte demourantz plusieurs des siens
 prisonniers. Mais comme iceluy Eude morut assez tost
 apres, & que la couronne de France fut mise es mains
 dudit Charle le Simple, qui en estoit vray heritier,
 la susdicte guerre cessa, & retourna le Conte Baudouyn
 en Flandre. Ou il ne laissa couller en vain, l'op-
 portunité, que la paix faicte avec lesdictz Normans,
 luy donnoit de restaurer & reparer les places, villes,
 monasteres, eglises, & fortresses, que pour les susdi-
 ctes excursions auoyent esté destruítes, brulées, & demo-
 lyes. Il fit murer la ville de Bruges, & parfit le Burch,
 qu'en icelle Baudouyn Bras de Ferson pere auoit comencé,
 & fit

Les enfans de
 Baudouyn &
 Chastel.

Danois & Nor-
 mans en Flan-
 dre.

Cessation des
 pilleries des
 Normans.

Rodolph Cõte
 de Cambray
 frere de Conte
 Baudouyn
 occis.

Defaite du
 Roy Eude de
 France par le
 Conte Baudouyn.

Le Conte Bau-
 douyn restaure
 les places
 ruynées au
 pais de Flan-
 dres.

Les edifications
& fortifications
que le comte
Baudouyn fit
en Flandre.
Edification de
Berghe saint
V Vinoch.

Office de bon
Prince.

La negligence
d'aulecuns Prin
ces Chrestiens
septiesme.

Les Princes mal
editions en
uoyez a l'escol
le des mesmes
Ethniques.

& fit faire aulcunes portes audict Bruges: il munist & fortifia la ville d'Ypre & celle de Saint Omer, & fit fermer le cloistre de Saint Bertin, comme aussi il fit edifier & murer la ville de Berghe, a laquelle il imposa le nom de Saint V Vinoch. De ce non content, il s'appliqua a ce qu'il scauoit necessaire pour l'institution d'une bonne police en ses pais: ausquelz il establit plusieurs bonnes ordonnances contre les mauuaises moeurs, & fit extreme deuoir de purger les terres de son domaine, de pilleries, larrechins & autres malefices, cherchant au reste toutes occasions a luy possibles, pour nourrir ses subjectz en bonne paix & concorde, ensemble pour leur moyenner toute prosperite & repos. Office vrayemēt digne d'un Prince Chrestien & vertueux, qui ne doit auoir aultre chose plus chere que l'heur & felicity de son peuple, lequel il est obligé d'egallement aymer, & en auoir soing continuel: mesmes d'en ce seul collocquer toutes ses penſees, appliquer tous ses effortz, & mettre toutes ses applications, affin qu'il administre & conduise la charge a luy commise de telle forte, qu'il en soit loue de Iesus Christ, quand en conuiendra rendre compte, & qu'il delaisse au monde bon bruit & honneste memoire de luy. Dont neantmoins plusieurs Princes Chrestiens font semblant d'auoir merueilleusement peu de cure & soucy: eux persuadantz, (du moins selon que par leur vie ils demonstrent) que les principautez, royaumes, & seigneuries, leur sont de Dieu octroyees, pour satisfaire a leurs plaisirs desordonnez, pour chasser d'eux toute melancolie, & sollicitude, & pour vacquer aux bancquetz, yurongneries, paillardises, & autres voluptez mondaines. Nonobstant quoy, & estants telz, ils s'osent dire & appeller Chrestiens: & n'ont vergoingne d'eux glorifier du nom de Christ, duquel ils mesprisent la vigilance, charite, prudence, & autres semblables perfections. Lesquels pourtant je renuoyeroys voluntiers a l'escolle des mesmes Ethniques & infideles, affin que avec leur plus grande honte & confusion, leur soyent les yeux ouuerts, conduictz & menez par les aueugles au droit chemin & sentier de verite. Ce que de fait leur peut aduenir, s'ils veulent escou-

rer & diligemment examiner la doctrine & enseignement qu'entre les aultres, Homere paragon, des poëtes Grecqs, a laissé par escript en ceste sorte: Οὐ γὰρ παννύχτιον ἐνδύνουσι φορον ἄνδρες, qui signifie: Nul Prince doit dormir la nuit entiere. Par ou, ledict Homere en bien peu de parolles, nous enseigne la grande vigilance & continuelle sollicitude, esquelles vn bon Prince doit estre pour la tution, assurance & conseruation de son peuple. Or pour reprendre nostre premier theme, le conte Baudouyn apres auoir restauré & edifié les places & villes que dessus, & satisfaiët aux autres deuoirs, ausquelz comme Prince il estoit obligé vers son peuple, il ne mit en nonchalloit cestuy, lequel par raison le deuoit plus esguillonner: qu'estoit le respect & honneur vers Dieu, pour le seruice duquel il fit edifier en la ville de Berghes Saint VVinoch (nouuellement par luy construite) deux eglises, l'vne qu'il consacra au nom de Saint Martin, & l'autre a cestuy de Saint VVinoch, en l'honneur duquel il auoit ainsi faiët appeller ladicte ville de Berghes, ordonnant ausurplus, que le corps dudit saint VVinoch, fut transporté du monastere de saint Bertin (ou jusques lors il auoit reposé) en ladicte eglise de Saint VVinoch. Il feit aussi commencer la chappelle pres le nouveau castel a Gand, que nous appellons Sainte Pharaïlde, & repara l'eglise de Tronchienes prez ledict Gand, que auoit par les susdictz Normans esté bruslée & totalement destruite: & y fit de rechief assembler les chanoines reguliers, lesquels avec Iehan leur preuost, auoyent plusieurs années esté dispers par le pais. Finablement il fut present quand le corps de Monsieur Saint Gherolf, fut par Gherard Euesque de Noyon, esleué & translaté de Meerende en l'eglise de Tronchienes. Lesdictes choses acheuées, le Conte Baudouyn demoura bonne espace de temps en heuteuse & continuelle paix, jusques a ce que changeant de complexion, il changea semblablement de fortune. Car il deuint auare, conuoiteux, & ambitieux, selon que assez il descouurit, lors que considerant les richesses & possessions de l'abbaye de Saint Bertin, que estoient grandes, prouffitables & honorables, luy vint volonté d'en auoir

Les eglises de S. Martin, & de S. vvinoch edifiées par le Conte Baudouyn en la ville de Berghes.

La Chappelle Sainte Pharaïlde a Gand.

Le corps de S. Gherolf en l'eglise de Tronchienes.

Le Conte Baudouyn deüit ambitieux & auare

Le Conte Baudouyn pretend attirer a son prouffit l'Abbaye de Saint Bertin.

Debat entre l'Archeuesque de Raims & le Conte Baudouyn.

Le Conte Baudouyn en chascun l'Abbe Humbaut de Saint Bertin, & luy estant layc devient Abbé du mesme lieu. L'an ix^e. j.

Le fruit qui procede de conuoitise.

Propos des Ambassadeurs des Schytes au Roy Alexandre, par lesquels l'ambition du dict Alexandre est grandement blasmee.

uoir la jouissance, la quelle de faict il pourchassa vers le Roy Charles le Simple en toute instance, & par plusieurs practiques, ne laissant audict effect diligence, subtilité, ny autre deuoir, desquelz pour paruenir a son intention, il se pouoit aduiser: nonobstant quoy ne luy fust du commencement possible d'obtenir en ce qu'il pretendoit, a raison que l'Abbe Humbault porte de Fulco, Archeuesque de Raims luy contradisoit, & s'opposoit tant qu'en luy estoit a ladicte poursuyte: au moyen de quoy yssit depuis entre ledict Archeuesque & le Conte Baudouyn grande noyse & debat, qui durerent longue espace de temps. Lequel Baudouyn en fin meü de trop grande ambition, & aueuglée conuoitise, chassa contre droit & raison, ledict Abbé (homme faige & de bonne vie) en Angleterre, & trouua moyé d'obtenir la susdicte Abbaye par don du Roy Charles le Simple. De laquelle luy estant cheualier & layc, il deuint Abbé en l'an neuf centz & vn, & la tint seize ou dix & sept ans, au grand scandale de son peuple, irreparable prejudice d'icelle abbaye, & notable retardement du seruice diuin. Et d'autant plus, que ce dont il deuoit ordonner en qualite d'abbé, il dispoisoit comme Conte, & au contraire. Dont se peut descouurir le fruit que ordinairement procede d'une bestiale conuoitise de dominer, d'amour de vaine gloire, & d'auarice insatiable: lesquelles tirent souvent les hommes jusques a ce point, qu'ilz ne se contentent de toutes les possessions & dommaines, qu'ilz ont en tresgrande abondance, & ne prennent plaisir au bien de paix: de laquelle autrement, & mesmes de leur propre naturel, ils estoient auparauant extremement jaloux & curieux. Auquel endroict, me souuenant de ce que Curtius en certain passage, raccompte par les Ambassadeurs des Schytes auoir esté proposé au Roy Alexandre, me semble que la subtilité de leur remonstrance jointe a la viuacité, moyennant laquelle ils depeignent tant bien & au vif les qualitez & proprietes de conuoitise & ambition, merite estre inserée en tous volumes: qu'a esté la cause que de mot a mot, auons voulu la vous représenter selon que s'ensuyt. Si les dieux (disoyent lesdictz

am-

" ambassadeurs) auoyent faict la stature de ton corps (o
 " Roy) conforme a la conuoitise de ton entendement , le
 " monde ne te scauroit comprendre. D'une main tu touche-
 " rois l'Orient , & de l'autre l'Occident : ce que dessus at-
 " tainct : encoire vouldrois tu scauoir le lieu, auquel la clarté
 " de la puïssante celeste s'absconse. Ainsi conuoites tu cè que
 " ne peut estre comprins. De l'Europe tu quiers l'Asie , de
 " ceste cy tu viens en l'Affricque , & de l'Affricque tu repas-
 " ses en l'Europe . Puis apres s'y tu auois surmonté tout le
 " genere humain , tu voudrois auoir la guerre aux forestz ,
 " aux nuës , aux fleuues , aux bestes tant cruelles que dou-
 " ces, qui sont sur la terre. Ne scays tu pas que les grands ar-
 " bres qui ont eu tant longue espace a croistre , en vne heu-
 " re sont arrachez ? Cestuy est veritablement fol, qui regar-
 " de les fruietz d'un arbre , & n'en mesure la hauteur. Con-
 " sideres & gardes toy bien , que quand tu seras au coup-
 " peau en tenant les branches , tu ne chées avec icelles &c.
 Ce que certainement se pouuoit , & bien a propos adap-
 ter au Conte Baudouyn , par ce que non content , de la
 prosperité & tranquillité , que Dieu pour sa bonté luy
 auoit enuoyé , assez plus grande que a ses predecesseurs , il
 s'aduança d'vsurper, ce a quoy il ne deuoit attaindre seul-
 lement de l'oeil , que estoient les biens d'autrui , & mes-
 mes ceux appartenantz a gens d'eglise , & deputez pour le
 seruice diuin.

Fol est cestuy
 qui regarde les
 fruietz d'un ar-
 bre & n'en me-
 sure la hauteur

*De la guerre que le Conte Baudouyn eust contre Herbert de Ver-
 mandois, de la perte de S. Omer & Arras, du recouurement des
 dictes villes , des trespas dudit Conte & de Madame sa femme,
 & d'autres choses memorables.*

CHAPITRE XXIII.



P R E S que le Conte Baudouyn eust applic-
 qué a son prouffit, moyennant l'autorité &
 aggreation du Roy Charles le Simple, l'ab-
 baye de saint Bertin, estant encoire memora-
 tif de la mort du Conte Rodolph son frere
 (que le conte Herbert de Vermandois auoit desfait & oc-

N ij cis)

Baudouyn le
Chauluc prent
d'emblée la vil
le de Peronne.

Ladicte ville de
Perone reprin
se sur Baudouyn
par le Roy
Charles le Sim
ple.
Saint Omaer
& Arras prinles
par ledict Roy
Charles.

Tous Princes
soyent uadis
a entreprendre
guerre.

Virupere & in
terrellz de la
guerre.

cis) assemblá grande puissance, pour courir sus audi& Herbert, au pais duquel il entra, & prinst d'emblée la ville de Perone. Dont le Roy Charles le Simple (lequel ledict Herbert gouuernoit paisiblement) grandement irrité, descendit en merueilleuse puissance, contre le Conte Baudouyn, & apres auoir reprins ladicte ville de Peronne (qu'il restitua audi& Herbert) marcha auant dans le pais dudi& Baudouyn, sur lequel il prinst la ville de Saint Omer, & puis celle d'Arras, laquelle il donna a vn gentilhomme de sa maison appellé *Abtinarius*. D'autre costé, le Conte Baudouyn, qui voyoit ses forces n'estre suffisantes pour attendre celles du Roy, se repentant tout a loysir, de la guerre que trop soudainement & temerairement il auoit suscitée, se humiliá deuant le Roy: vers lequel il se trouua sur la riuiere d'Oise, esperant faire tellement que ses villes d'Arras & Saint Omer, luy seroyent par voye amiable rendues & restituées. En quoy neantmoins il se trouua grandement abusé, pour autant que ledict Herbert, & l'Archeuesque de Raims (amy dudi& Abbe Humbaut que le Conte Baudouyn auoit chassé en Angleterre) luy furent du tout contraires, qui fut cause que de la susdicte guerre il ne rapporta autre prouffit que la perte de ses villes, & la vergoigne en laquelle il se trouuoit pour la necessité a laquelle il auoit esté reduict de se humilier deuant son ennemy. Seruant par ce d'exéple a to^o Princes & Roys de n'aistre si chauldz en leur conseil, & signamment en matieres de guerre, laquelle ordinairement engendre vn naufrage de toutes bones choses, & produict vne mer de tout malheur. Et que ainsi soit ya il mal au monde, qui soit de plus longue durée, & duquel on se sente si longuement. D'vne guerre, s'en seme vne autre, d'vne petite vne tresgrande, & d'vne de passer temps, vne trescruelle, & en laquelle, s'espend beaucoup de sang humain. Brief, la peste de guerre formée, apporte tous maux au pais, auquel elle prent sa demeure: & se dilate non seulement aux lieux circonuoilins, mais aussi aux regions bien loingtaines, & retirées. Vn bon Prince donc vertueux & prudent, n'entreprendra la guerre, que preallablement il ne ayt essayé tous les moyens de quel-

quelque certain appoinctement, asseuré que s'il vse de ceste prudence, difficilement aura il jamais la guerre. A laquelle ne pouuant autrement obuyer, il sera soigneux que elle se face au moins de dommage des siens qu'il sera possible euitant a son pouoir l'effusion du sang Chrestien, & y mettât vne fin la plus briefue, dont il se pourra aduifer. Or (pour retourner a nostre propos) le Conte Baudouyn, cōsiderant le peu d'apparence que encoires pour lors, il y auoit au recouurement de sesdictes villes, retournâ sans rien faire, en ses pais. Ou peu apres luy viendrent nouuelles, que Fulco Archeuesque de Raims (duquel nous auons cy dessus parle) auoit puis nagerres impetré en commande, du Roy Charles le Simple, l'abbaye de Saint Vaast d'Arras: qui irritâ merueilleusement ledict Baudouyn, outre ce qu'il estoit desia, pour les raisons que auez peu veoir, assez aigry contre le susdict Archeuesque. Lequel a cest occasion il fit tuer par aucuns de ses gens, desquelz le conducteur se nommoit VVinemare. Ce faict applicquâ de son autorité priuée a son prouffit & domaine la dicte abbaye: je ne scay sous qu'el pretext, ny sous qu'el fondement. Aucuns maintiennent, que le Conte Baudouyn ne fit occire ledict Archeuesque: ains que vn sien seruiteur nommé VVinemare, auroit ce faict de son propre mouuement, a raison du desdain & indignation qu'il auroit concheüe, contre le susdict Archeuesque, pour ce qu'il auoit esté contraire a la requeste, que le Conte Baudouyn son seigneur, auoit faict au Roy Charles, touchât la restitution desdictes villes de Saint Omer & Arras. Lesquelles neantmoins furent finablement, si comme en l'an neufcentz quinze, remises es mains du Conte Baudouyn au moyen de la paix & appoinctement qu'il fit avec le Conte, Herbert de Vermandois: par lequel fut entre autres choses traicté & conclud le mariage de madame Aleyt fille dudict Herbert, avec Arnould dict le Vieil, filz aisné du Côte Baudouyn, & depuis Conte de Flandre, dont sera parlé au chapitre subsequente. Le Conte Baudouyn le Chaulue apres le recouurement de sesdictes villes, acheuâ le demeurant de sa vie en bonne paix & tranquillité. Et trespassâ

Moyé que tout Prince doit tenir en temps de guerre.

L'abbaye de Saint Vaast d'Arras.

Le Conte Baudouyn faict tuer l'Archeuesque de Raims. Le Conte Baudouyn applique a son prouffit l'abbaye de S. Vaast d'Arras

Autre opinion. touchant la mort dudict Archeuesque.

L'an ix^e. xv.

Arras & S. Omer sont restituées au conte Baudouyn.

Mariage d'Arnould, dict le Vieil, avec Madame Aleyt de Vermandois.

L'an ix.
xix.
Trefpas du Co
te Baudouyn
le Chauluc.

Sepulture du
dict Baudouyn.
wyn.

Epitaphe de
Baudouyn dict
le Chauluc.

en l'an neufcétz dix & neuf, il auoit esleu sa sepulture, au monastere de Saint Bertin: & neantmoins il fut enterré sous vne basse lame, a saint Pierre léz Gand, pour autant que Madame Elstrude sa femme, vouloit estre enterré pres son mary, & q̄ lors l'ô ne receuoit audiēt S. Bertin, aucune sepulture de femmes. L'epitaphe dudiēt Baudouyn est graué sur ladiēt lame en trefanciene lettre, duquel la teneur s'ésuyt.

Qui legis hac, tu nosce quod hic tumulatus habetur,

Marchio Balduinus culmen honestatis.

Regem traxit auum, Carolum cognomine Caluum,

Omnia magnificans, moribus & meritis.

Effudit quarto Nonas, cum Sol Ianuarij,

Exiit hunc Dominus corporis exuuijs.

Ce qu'en rime François se peut interpreter en ceste sorte:

Quiconque sois qui cecy voudras lire,

Entendz que sous ceste petite lame,

Gist Baudouyn, lequel pour vray vous dire

Des vertueux fut le comble sans blasme.

Pour au il eust le Roy Charle le Chauluc,

De bonnes meurs & de tresgrand merite.

Or il est mort, priez que Dieu le saulue

Au froid Ianuier, dont Flandre se despitte.

PRES dudiēt Baudouyn gist audiēt Saint Pierre & sous vne petite lame, Madame Elstrude sa femme, laquelle mourut au mois de Iuing en l'an neuf centz vingt & neuf: elle fit en son temps des biens en grande quantité a plusieurs eglises, & entre autres a celle dudiēt Saint Pierre, a laquelle elle donna aucunes terres & possessions situées in Cancia en Angleterre, dont se voyēt audiēt Saint Pierre lettres en date de l'an neuf centz dix & huit. L'Epitaphe de ladiēt Dame lequel se treuve audiēt monastere semblablement graué en lettre trefanticque est le subsequant.

L'an ix.
xxix.

Trefpas de Madame Elstrude
d'Angleterre
Contesse de
Flandres.

Epitaphe de la
Contesse El-
strude.

Elfredi fueram prestantis filia. Regis,

Elstrudis proprio nomine dicta meo.

Quæ dum presentis vigui spiramine lucis,

Balduini thalamis, vsa fui Domini.

Septenis Iunij dum fulsit in Idibus astrum

Me

Me pius ad superos euocat hinc Dominus.

Ce qu'en François se peut ainsi translater:

*Je fus jadis du Roy tresuertueux
Elfred & grand, fill' Elstrude nommée,
Qui tant que l'am' au corps m'est demeurée,
A Baudouyn Prince doux & heureux,
Je suis esté noblement mariée.*

*Le Dieu puissant, & nostre bon saulueur
Puis osté m'a, de la vie mortelle
Pour m'enuoyer a la sienn' eternelle,
Ce fut en Iuing dont au seul redempteur
Rendue soit gloire sempiternelle.*

De l'aduenement d'Arnould dict le Vieil a la Conte de Flandre, du debat qu'il eust contre l'Empereur Othon, & comment il fit reformer & reparer plusieurs cloistres, & eglises, avec aultres particularitez.

CHAPITRE XXIIII.

ARNOULD le Vieil, ainsi nommé pour son grã de aage, ou Arnould le Grand, pour les grãds biens qu'il fit aux eglises, succedá a Baudouyn dict le Chaulue son pere, & commençá gouverner le país de Flandre en l'an neuf cents dix & neuf. Il fut, comme dict est, marié a Madame Aleyt fille de Herbert Conte de Vermandois, de laquelle il eust vn filz nommé Baudouyn le Jeune, depuis Conte de Flandre, & deux filles, Lutgarde & Elstrude. Lutgarde fut mariée a vn, qui par le Martirologue de Saint Pierre est intitulé en ceste sorte. *VVichmanus In Dei nomine, gratia Dei, non meis meritis comes, maritus Lutgardis &c.* je ne scay touteffois le nom de sa Conté. Et Elstrude fut deceuë d'vn Norman, nommé Fiscord seigneur de Ghisnes, duquel nous ferons cy apres plus ample mention. Ledict Arnould laissa pour assignation de partage a Adolph son frere, le territoire de Therowaene, la Conté de Boulongne & l'Abbaye de Saint Bertin. Au temps duquel Adolph fut jecté par expurgation de mer, pres de Greuelinghes le corps.

Arnould la Vieil, alias Arnould le Grand. & pourquoy il fut ainsi appelé,

Des enfans du Conte Arnould.

Martirologue de S. Pierre.

Assignation de partage par le Conte Arnould, a Adolph son frere.

Etheliuoldus
exposé par le
Roy d'Angle-
terre son frere,
a la merchy des
vagues sur la
mer, est enterré
par Adolph de
Flandre, a saint
Bertin.

Acquestes des
dismes de Flan-
dre pardon du
Pape, au prou-
fit du conte Ar-
nould.

Le chasteau de
Gand prins d'é-
blée par l'Em-
pereur Othon.

Debat entre
l'Empereur O-
tho & le Conte
de Flandre, con-
cernant les limi-
tes de leurs pals

Le reuenue des
quatre mestiers
appliqué a l'en-
tretienement du
chastei de Gád.

Separation de
l'Empire & du
Royaume par
la fosse appelée
Othlinghe,

le corps mort d'Etheliuoldus frere du Roy Edouaert d'An-
gleterre : lequel ledict Edouaert auoit faict mettre a la
mercy des vndes, & a la misericorde de Dieu, dans vn ca-
ducque & vieil vaisseau, au milieu de la mer. Mais le Conte
Adolph, qui de costé maternel estoit proche parent audict
Etheliuoldus, fit apporter le corps d'iceluy, & enterrer au
monastere de Saint Bertin, ou il gist encore pour le pre-
sent. D'autre costé le Conte Arnould, dict le Vieil, acquist
par octroy & don du Pape, toutes les dismes sur le pais &
contrée de Flandre: & ce a raison de la diligence & vaillan-
tise, dont en son aduenement a la Conte, il auoit visé, pour
chasser dudit pais de Flandre les Huns, VVandalois, &
Normans reliques de ceux qui auparauant y auoyent faict
tant de degastz, & outrages. Depuis, ledict Conte Arnould
se trouua en plusieurs & bien grosses facheries, au moyen
quel l'Empereur Othon premier de ce nom, auoit prins
d'emblee & fortifié le chasteau de Gand, qu'on appelloit
castrum nouum, ou nouveau chastei, sous pretext qu'il sou-
stenoit ledict chasteau estre situé sur la fontiere de l'Em-
pire, contre France. Auquel, pour ceste occasion il auoit
mis & collocqué bien grande garnison, mesmes auoit pour
l'entretienement d'icelle, appliqué a iceluy chasteau le re-
uenue des quatre mestiers, qu'il auoit separé du pais & terri-
toire de VVaes. Et pour autant que ladicte garnison te-
noit merueilleusement subiect le port de Gand, qui estoit
a l'autre costé entre l'Escault & le Lys. Le Conte Arnould
fit des grandes & diuerfes poursuytes pour r'auoir ledict
chasteau. Mais voyant qu'il ny pouoit paruenir, & que le-
dict Empereur ny vouloit aucunement entendre, com-
mandá estre faictz audict port, aucuns petitz chasteaux &
maisons defensables qu'on y voit encoires aujourd'hui.
Desquelles les deux garnisons faisoient des continuelles
faillies, dont la retraicte ne se faisoit sans notable & abun-
dante effusion de sang, tant d'un costé que d'autre. Ledit
Empereur en fortifiant & reparant le susdict chasteau, fit
faire pres d'iceluy vne fosse, tirant depuis le pont de Saint
Iacques, jusques en la riuere de la Honte: laquelle fosse il
disoit faire la separation entre l'Empire & le Royaume, &
la fit

la fit de son nom appeller Ottinghe. Peu apres: si comme en l'an neuf cents quarante vi le Conte Arnould obtint de l'Empereur par appointement ledict chasteau de Gand, ou il mit incontinent, crea & constitua le premier Burchgrau, duquel en l'histoire de Baudouyn de Lisle nous ferôs plus ample recit. Ledit chasteau reduict sous son obeissance, le Conte Baudouyn assistant aux traces de ses bons & vertueux predecesseurs, s'appliqua du tout a la repARATION, edification, & reformatiô de plusieurs monasteres & Eglises. Et premierement il fit a la requeste de Transmarus Euesque de Noyon reparer le cloistre de Saint Pierre les Gand: lequel auoit esté mis en grande desolation par les guerres passées, & fit remettre audict cloistre des religieux de l'ordre de Saint Benoist, reformez conformement a l'ordre de Saint Clugny, par Oddo premier Abbé dudit Clugny, estant d'iceluy cloistre les chanoines reguliers, que Baudouyn Bras de Fer, son aue y auoit fait assembler. Et fut Monsieur Saint Gherard lors establi & constitué Abbe dudit monastere. Il fit semblablement edifier le coeur de l'Eglise dudit Saint Pierre, de la mesme sorte qu'on le voit encore pour le present, y faisant apporter les corps des saints VVandergefilus, Hanfbanus, & VVulhannus. Et outre ce dóna ausditz de Saint Pierre plusieurs terres, possessions, & richesses. Au moyen de quoy plusieurs estiment, que lesdict de Saint Pierre bayent par flatterie depuis appelle, Arnould le grand. Il fit aussy reparer l'Eglise de Saint Saulueur, a Harlebecque, & estant depuis par le decés du Conte Adolph son frere, deuenu Conte de Boulongne, il fit transporter dudit Boulongne, le corps de Monsieur Saint Bertholf, en ladite Eglise de Saint Saulueur, & d'illec le fit porter audit monastere de Saint Pierre, ou il a toujours esté jusques a maintenant. Il fit reparer le coeur de l'Eglise de Saint Donas a Bruges, selon qu'on le voit aujourd'hui, & dóna aux douze chanoines, que Baudouyn Bras de Fer son aue, y auoit establis, la dîme qu'on appelle *Ten hontke*. Il fit faire & edifier l'Eglise de Thorout, en laquelle il colloqua aucuns chanoines & chapelains pour vacquer au seruice di-

L'an ix.
xli.

Le premier
Burchgrau ou
vicomte de
Gand.

Saint Gherard
Abbé de Saint
Pierre les Gd.

Le Corps Saint
Bertholf, en l'E-
glise Saint Saul-
ueur d'Harle-
becque.

La dîme appe-
llée Ten hont-
ke, donnée par
le Conte Ar-
nould aux Cha-
noines de Sâc
Donas.

O uin.

Les corps de
Saint Baue &
de Sainte Ver-
hilde, au cloi-
stre de Saint
Baue a Gand.

Reformation
des cloistres Be-
nedictins en
Flandre par le
moye de Saint
Gherard.

Le contesse A-
leyt apres a-
voir fait sa de-
uotion deuant
le grand autel
au cloistre de
Saint Bertin, re-
ceueut mira-
culeusement sa
santé.

uin. Il fit edifier en l'an neuf cents quarante vñ, en la villé
de Gád vñe chappelle entre la Lis & L'escœur, sur la place
que lors on appelloit Hereghem, la quelle chappelle fut
par Transmarus Euesque de Noyon consacrée aux nōs de
Monsieur Saint Iehan, Saint Baue, & Saint Vedast. En-
uiron ce mesme temps furent rapportez audict Gand de
la ville de Laon, ou pour la crainte des Normás ils auoyēt
long temps esté, les corps de Saint Baue & de Sainte Ver-
hilde, lesquels furent mis dans le nouueau chastei, en la
chappelle, qui se disoit, la chappelle du Conte, & de la
furent deuotement, & avec grand ceremonie, portez au
cloistre de Saint Baue, sans toutesfois aucunes reliques,
qu'a la requeste dudit Conte, fussent laissées, cōme en-
cores elles sont, en ladicte chappelle. Finablement il fit par
le moyen dudit Saint Gherard, Abbé de Saint Pierre a
Gand, reformer tous les cloistres Benedictins de son païs,
qui lors estoient dix & huit de nombre fait, selon qu'at-
teste & témoingne la chronique de Saint Bertin: au-
quel Saint Bertin il fit aussi transporter les corps de Saint
VValery, Saint Rignier & de Saint Siluanus. Le trouue, &
est confirmé par ladicte chronique, que enuiron ce mesme
temps, Madame Alleyt femme du Conte Arnould, laque-
lle estoit souuent malade, requist pour sa guerison d'estre
menée par l'Euesque VVilfrède, & par Fulbert de Cābray,
deuant le grand autel de Saint Bertin, ou jusques lors n'a-
uoit entré aucune femme; & que ladicte requeste impe-
trée, la bonne dame fit audict lieu bien deuotement, & a
genoux aucunes prieres & tresardantes oraisons, au moye
desquelles par la bonté de Dieu, & a l'intercession de Mō-
sieur Saint Bertin, elle fust tost après restituée, en sa pre-
miere santé: qui fut cause qu'elle fit plusieurs aumōines, &
belles offrandes audict monastere.

*Comment l'iscord apres auoir receu plusieurs benefices du Conte
Arnould, deceut la fille maistree dudit Conte dont vint le
premier Conte de Ghysles, et du desespoir auquel ledict l'iscord
tomba a raison de ce mesfait.*



V temps du Conte Arnould, dist le Vicil, vn gentil homme mout vaillât, & de grand' entreprinse, appelle Fiscord, vint des marches de Normandie au pais de Flandre, ou il trouua moyen de s'iuestir de la ville de Ghisnes

Fiscord prend sur le Conte Adolph la ville de Ghisnes.

(qui lors appartenoit a l'abbaye de Saint Bertin) en laquelle il fit edifier vn chasteau, & fortifia de sorte, qu'il ne fut oncques au pouoir d'Adolph de Flandre, Conte de Boulongne, Abbé de Saint Bertin & mesmes frere dudit Arnould Conte de Flandre, de reprendre ladicte ville, & beaucoup moins d'y empescher l'edification du susdict chasteau, obstant principalement le support & faueur que ledict Conte Arnould portoit contre son propre frere audit Fiscord : lequel il auoit vn peu au parauant receu pour homme de fief. Dont neantmoins, & d'autres benefices qu'il fit au susdict Fiscord, il fut tresmal recompensé, encores que prenant pied au desplaisir, que par vn estrangier, il souffroit estre faict a son dict frere, semble qu'il ayt esté payé de la monnoye, qu'il meritoit. Pour autant que ledict Fiscord, nonchallant & ingrat, des biens faicts & plaisirs receuz dudit Conte Arnould, pourchassa la fille maisnée d'iceluy, nommée Elstrude, avec tant diuerses ruses, sy subtiles & malicieuses, que finablement il obtint de la pouure Princesse, plus que vne discrete & vertueuse damoiselle, ne luy deuoit pour conseruation de son honneur, permettre & accorder. Car il eust d'ell' vn fils bastard, appelle Ardulphus, laquelle par succession de temps, deuint premier Conte de Ghisnes. Et toutesfois peu de temps apres ledict Fiscord, mesurant la grandeur de son ingratitude, par la quantite des benefices & honneurs, que le dict Conte Arnould luy auoit pourchassé, conceut de sa susdicte desloyauté, & felonnie vne repentance, & desplaisir sy extreme, qu'il tomba au point par la loy de nature defendu a toute creature viuante, & beaucoup plus par l'ordonnance de Dieu, a ceux qui font profession du nom Chrestien : qu'estoit celuy auquel le desespoir contrainst les miserables humains, de faire tort a leurs propres per-

Le Conte Arnould fauorise Fiscord contre son propre frere.

Fiscord dechoi la fille maisnée du Conte Arnould, de laquelle il a vn fils, qui de puis fut premier Conte de Ghisnes.

Fiscord se repent de son ingratitude, & par desespoir s'occit soy mesme.

Viceperé de
l'ingratitude.

Desesperoir la
pire & dernier
perturbatiō de
l'ame.

sonnes, & s'abreger la vie. Donnant par son exemple a cognoistre a vn chascun, la crainte que deuons auoir des iugemens de Dieu, & le deuoir auquel sommes obligez nous mettre, pour fuyr & euitier l'abominable peche d'ingratitude. Lequel est tant ord & vilain, que cestuy qui en est entache, est non seulement hay & abhorry des hommes, mais aussy du mesme Dieu tout puissant & immortel: selon que se peut veoir par la punition bien griesue que plusieurs fois a, & miraculeusement esté faicte sur ceux, qui se sont laissez maitriser de semblable turpitude, & iniquité. De laquelle pourtant chascun se doit garder, mesmes de ne tant s'oublier, que de se laisser (comme fit ledict Fiscord) vaincre du desespoir. Lequel entre toutes les perturbations & passions de l'ame, je treuve estre & la pire, & la derniere. Attendu principalement qu'elle contraint l'homme a se deffaire, & violer nature, & a rompre la compaignie de l'ame & du corps, que Dieu nostre plasmateur a de sa bonte infinie, conioincte, & a laquelle il a prescript & limité vne inuiolable vnion, laquelle partant sans horrible & monstrueux forfait, ne peut par les mortels estre separée, disioincte, ny desliée.

Comment le Conte Arnould de Flandre apres le trespas d'Adolph son frere, remit l'abbaye de Saint Bertin, que ses predecesseurs auoyent iniustement vsurpée, es mains ecclesiastiques, & de la mort du duc Guillaume de Normandie, que ledict Conte Arnould fit occire.

CHAPITRE XXVI.

L'an ix^e.
& lxiij.
Decés d'Adolf.
de Flandre frere
du Conte
Arnould.



L'abbaye de
Saint Bertin re-

Adolph de Flandre, frere du Conte Arnould dict le Vieil, lequel (parce que dessus) auez peu veoir conte de Boulongne, de Therouvaene & Abbé de Saint Bertin, morust en l'an neuf centz quarante quatre, & gist a Saint Bertin. Par le trespas duquel Adolph, les terres & contez de Boulongne & Therouvaene, avec l'abbaye dudit Saint Bertin retournèrent auidict Arnould Conte de Flandre. Lequel esguilloné du remord qu'il sentoit en sa conscience, de

et, de ce que luy & ses predecesseurs auoyent tyrannique-
ment vsurpé, & contre tout droit ladicte abbaye de Saint
Bertin, mandâ vers soy Monsieur Saint Gherard Abbé de
Saint Pierre lez Gand, lequel il fit & constituâ Abbé d'i-
dict Saint Bertin, & lequel au commencement de son ad-
ministration en ladicte Abbaye, eust plusieurs & intoler-
ables facheries, tant pour y redresser ce qu'auparauant par
le moyen de la dicte vsurpation y auoit esté depraué, &
corrompu, que pour remestre & restituer ledict monaste-
re en vn bon ordre, & digne de gens de religiô. Sy fust ice-
luy monastere, depuis ce temps tousiours successiue-
ment gouuerné par personnes ecclesiastiques, selon qu'aussy le
droict & la raison dictoyent & requerroyent. Sur lequel
neantmoins le Conte Arnould de Flandre retint la ville
de Calais, & outre ce aucuns autres biens appartenâts au
dict cloistre, pour d'iceux en jouyr sa vie, & celles de ses
femme, & deux enfans seulement, & point dauantage, au
moyen de quoy yssirent depuis, entre les successeurs du Co-
te Arnould, & ceux de saint Bertin les questions & debatz
qu'en poursuyuant cest'histoire, cy apres entendrez. Enui-
ron ce mesme temps, si comme en l'an neufcentz quarâ-
te trois, ledict Conte Arnould, lequel en tout ses autres af-
faires, s'estoit porté assez prudemment vertueusement, &
vaillamment feindant se vouloir appoincter, touchant au-
cuns differents qu'il auoit, avec le duc Guillaume de Nor-
mandie, commit vne faute merueilleusement lourde,
car il trouua practique de faire sous le susdict pretexte,
de couper & mettre a mort, le susdict duc Guillaume, qu'e-
stoit venu au lieu par luy assigné en bonne foy, & avec
bonne intention, faisant perpetrer & commettre ledict ho-
micide par les gens mesmes d'iceluy duc Guillaume, dont
le chief & conducteur estoit vn sien seruiteur domestique,
quys'appelloit Balzon. Et pour autant que le Roy Lo-
uis de France, quatriesme de ce nom, aduouâ ledict fait,
plusieurs dissensions s'esmeurent depuis entre France, &
Normandie. Lesquelles vous trouueres & au long descri-
ptes & recitées, par les chroniques ou Annales de France.
Le premier motif, & l'occasion originele du susdict disse-

*Située es mal-
ecclesiastiques
dont est fait
Abbe Saint
Gherard.*

*La ville de Ca-
lais retenue
par le Conte
Arnould sur la
dict Abbaye de
Saint Bertin.*

*L'an ix.
xliij.*

*Le Conte Ar-
nould fait oc-
cire le duc Gu-
illaume de Nor-
mandie.*

O iij. rent,

L'origine du
différent &
haine du Côte
Arnould cōtre
ledit duc Gui-
llaume, diuer-
sement narrée.

rent, qui fut meü entre le Conte Arnould, & le duc Guillaume de Normandie, se narre par diuers Autheurs, diuersement. Car aucuns deux, & signäment les François maintiennent. Que le Conte Arnould, lequel (selon qu'ilz disent) molestoit grandement ses voylins, auroit oste au Côte Heloyn de Monstreul, le chasteil dudit Monstreul, que le duc Guillaume, seroit avec grand' puissance descendu, pour en faueur dudit Heloyn recouurer ledit chasteau, lequel finablement il auroit remis es mains dudit Heloyn. Que le Conte Arnould de ce mal content, se seroit, pour plus commodieusement s'en venger, allyé avec aucuns barons de France : que peu apres faindant se vouloir accorder avec ledit duc Guillaume, luy auroit mandé, que s'il se vouloit trouuer en certain lieu pour parlaméter, il pardoneroit voluntiers en sa faueur, le maltalent qu'il auoit contre ledit Heloyn. Que le duc Guillaume procedât de bonne foy, se seroit au susdict effect, trouué en vne petite ysle sur la riuiere de Somme, pres le chasteil de Piquegny, & qu'en icell' ysle, ledit Conte Arnould l'auroit fait massacrer & meurdrir. Autres disent que pour quelque tēps y auroit eu de grandes inimites, entre le Conte de Flandre & ledit duc de Normandie, a raisons des grands degastz, foulles & pilleries, que le duc Guillaume y estant descendu & a l'impourueüe, auroit fait au pais de Flādre. Et que leur Conte Arnould de ce grandement irrité, feindât peu apres vouloir parler, l'auroit en ladicte ysle fait occire & mettre en pieces. A la quell'opinion j'adhère d'autant plus voluntiers, pour ce que, prendât pied au reste des actes & de la vie, dudit Conte Arnould, ne se trouue qu'il ayt eu aucune tache d'homme pilleur, tyran, quereleux & lequel sans y estre trop plus que suffisamment prouoqué, eust voulu opprimer, ou faire tort au moindre de tous ses voylins. Attendu mesmes, que l'Abbaye de Saint Bertin qu'estoit bien riche & opulente, & la quelle il pouoit sans aucun cōtredict ou reproche retenir, fut par luy mise en son premier estat, non pour autr'occasion, que pour decharger le fardeau, que c'este iniuste vsurpation faicte, & pratiquée par ses predecesseurs, cauoit en sa conscience.

Laquell'

Discours de
l'auteur sou-
chant l'occasio
de l'inimicē
tre le Conte de
Flandre, & le
duc de Nor-
mandie.

Laquell'eust indubitablement & par raison esté trop plus empeschée, par la violence que contre ses voylins il eust sans aucun'occasion exercé, pour les despouiller de leurs biens & possessions: que par la detention ou jouissance du dict monastere de Saint Bertin, que ses predecesseurs assez auparauint luy auoyent acquise & moyennée. Dauantage lesdicts François recitent que ledict Conte Heloyn seroit du susdict grief a luy par le Côte Arnould pourchassé, premierement venu plaintif, vers Hue le grand Côte de Paris duquel ledict chastel de Monstreul seroit esté tenu en hōmage, & q̄ luy ayant ledict Hue failly de garrāt, obstāt qu'il ne vouloit entreprendre guerre a sy legier occasion, contre le Conte Arnould de Flandre, qui estoit riche Prince, & puissant, se seroit ledit Heloyn, retiré pour refuge vers Loys Roy de France, quatriesme de ce nom: duquel n'ayāt semblablement obtenu aucun support ny assistance, l'auroit finablement impetree, du duc Guillaume de Normandie. Ce que me sembl' aultant ridiculeux, cōme je trouue impertinent, q̄ le Conte Arnould de Flandre, auroit promis au duc de Normandie, pardonner en la faueur, le couroux & mescontentemēt qu'il auoit conceu contre le Côte Heloyn. Entāt mesmes qu'il n'est vray semblable, que Hue le grād, duquel toutes les histoires parlent tant magnifiquement & hōnorablement, eust, pour crainte de la puissance du Côte Arnould, refusé son secours, q̄ par raison il deuoit prester, a vn siē vassal foulé & desherité, cōme aussy ny auoit aucū fondemēt, du costé du côte Arnould, de promettre au duc de Normādie de pardonner en son nō, le courroux auq̄l il estoit contre le Côte Heloyn, lequel luy mesmes il auoit offensé & despouillé. Nō q̄ pourtāt j'entende, excuser ou desguiser la grāde faute q̄ par le susdict meurtre le Conte Arnould auroit cōmise, veu que pour le present, je ne faitz estat, ny profession, d'aduocat ou deffenseur, des vices des Côtes & Princes de Flādre. Mais affin de vous représēter, au plus pres dela verité q̄ me sera possible, tāt en cest endroit cōme en tous autres, les choses faictes par lesdicts côtes, & aduenues au païs dudiēt Flādre. Le conte Arnould doncques fit en ce q̄ dessus trefinal & degenerā grandemēt de ses

L'auteur ne
fait profession
d'aduocat ou
deffenseur des
vices d'aucun
Prince.

Sans foy & loy
auté, toutes au-
tres vertus des
Princes ternis-
sent & n'ont au-
cune splendeur.

Diodorus Sicu-
lus.
Les Egyptiens
punissent de
mort tous trô-
peurs & peri-
res.

Louange de la
loyauté de Se-
xtus Pôpeyus.

ses propres vertus & perfections, faisant pour ce respect d'autant plus à blâmer, que notoirement il deuoit sca-
voir que la foy & loyauté sont entre toutes les autres ver-
tus tant cleres, & resplendissantes, que sans icelles toutes
les graces des Princes, pour grandes qu'elles foyent & en
qualité, & en quantité, se ternissent & obscurcissent. Voi-
res (& que plus est) que les autres vertus, ne prennent de
cestes cy moindre clarté, que font la Lune, les astres & les
estoyles, de la splendeur de l'illustre Soleil. Et qu'aincy
soit: prudence sans foy, ne deuient elle pas vaine, menfon-
gère, & malicieuse cautele? Temperance sans foy n'est elle
pas triste, honteuse, & vmbrageuse? Force sans foy qu'est-
ce que lâcheté & couardise? comme aussi la justice sans,
ladicte foy n'est autre chose que vray meurdre, & cruau-
té. Quelle louange, quel bruit, quel honneur peut auoir
vn Prince, qui est vain, menteur, & trompeur? Quelle cho-
se se treuve plus sale & laide, que de rompre la foy, que
ne tenir promesse stable en faicts & en dictz, & que de re-
culer d'un accord & appointement faict? Voy la qui mou-
uoit ceux d'Egypte, de faire (selon que tesmoigne *Diodo-
rus Siculus*) couper la teste sans aucune exception a tous
trompeurs & pariures. Voyla aussi pourquoy les historiens
estiment & l'ouent sy haultement, Sextus fils de Pompée
le Grand. Lequel ayant inuité au souper en vn de ses nau-
res pres Puteole, Anthoine & Octauien, ses competeurs
& ennemis: mais pour lors reconciliez sur ce que Meno-
dore admiral dudit Sextus, luy fit par vn messagier inter-
posé scauoir, qu'il estoit ores temps de se veger de la mort
de ses pere & frere, & que s'il y vouloit entédre, il besoin-
gneroit tellement, que nul de ses ennemis n'eschapperait
des nauires: va (respondit Sextus audit messager) & dictz
de ma patra cestuy quy ta vers moy enuoyé, qu'il veult
faire ce, dont tu m'as parlé, il le fera sans moy, & que
c'est l'office d'un parjure comme luy, de faire tels actes:
non pas le mien quy n'ay apprins ny accoustumé tromper,
ny faulser ma foy. Responle vrayement digne, d'un fils du
grand Pompée. Or pour retourner a mon propos, le Con-
te Arnould le Vieil, apres le susdict meurdre commis en la
per-

personne du duc de Normandie, fit au Roy Louys de France toute l'assistance possible es guerres; que pour auoir aduoüe ledict mesus, il eust contre les Normans. Lesquels neantmoins portés par le Roy de Dannemarque, qui estoit parent bien proche au jeune duc Richard de Normandie, firent tellement qu'ils conseruerent ladicte duché, & en inuestirent finablement ledict Richard, comme plus a plain se peut veoir par les histoires a ce destineés.

Comment le Conte Arnould dict le Vieil, fit euocquer les estatx de Flandre en sa ville de Gand, & du consentement d'iceulx transporta la Conté de Flandre, a son fils Baudouyn, dit le Jeune.

CHAPITRE XXVII.



Le Conte Arnould le Vieil, apres auoir bon espace de temps gouverné en seure paix & tranquillité son pais de Flandre, considerant le peu de capacité, qu'obstant son anchien aage luy restoit pour deormais vacquer aux

grands trauaux, & sollicitudes en telle administration requises & necessaires, fit en l'an neuf centz soixante quatre, L'an ix.
euocquer en sa maison qu'il auoit a Gand pres le monaste- lxiiij.

re de Saint Pierre tous les Prelatz nobles & autres des estatx du pais & contrée de Flandre. En la presence desquels, & d'une grâde multitude de peuple lors illec assemblée, ledict Conte Arnould, (lequel s'estoit ce jour vestu de ses plus riches habits) ayant a sa fenestre son fils Baudouyn, appellé le Jeune (apres auoir commandé silence) parla d'une merueilleuse constance, de ceste sorte : Mes bons

*Euocation des
estats de Flan-
dre a Gand.*

« vassaux & amys, premier que vous faire entendre pour-
« quoy je vous ay mandé assembler, je vous veux ramente-
« uoir partie des fortunes & dangiers, ou je me suis trouué
« depuis la mort, de feu de tresheure memoire, le Côte Bau-
« douyn mon Seigneur & bon pere (que Dieu ayt) & qu'il
« pleust a nostre Seigneur m'appeller, au gouuernement de
« vous, & de ceste prouince. Et lors commençâ discourir
« partie de ce que depuis le temps qu'il auoit emprins le go-
« uernement de Flandre luy estoit adueñu : si comme l'ex-

*Harangue du
Conte Ar-
nould de Flan-
dre aux estatx
de ses pais, en
transportant
ledict pais a
son fils, Baudouyn dict le
Jeune.*

P

pulsion

pulsion du reliquaire des Huns VVandalois & Normans, „
 les débats qu'il auoit eu cōtre l'Empereur Otho, & autres „
 particularitez qu'aurez cy dessus pēu entendre. Et puis cō „
 tinuant, et me voyez vous (dist il) vici!, & tout blanc, ayant „
 desja attainct l'an ostante huietiēme de mō aāge, qui me „
 fait penser estre des-ormais sayson, que j'oublie les choses „
 du monde, pour retourner a Dieu, qui m'a tant obligē a „
 luy. Et pour ceste cause, ay delibere vous laisser des main- „
 tenant, & a l'aduenir pour vostre Conte & Seigneur Bau- „
 douyn mō fils, auquel dez a present, je cede tout le droict „
 que j'ay en ceste Conte de Flandre: vous priant tous autāt „
 qu'il m'est possible, que d'icy en auant luy soyez fideles & „
 obeissants, comme vous m'avez tousiours estē. Et combiē „
 qu'il soit mon fils, sy je le regnoissoye indigne de vous, cro- „
 yez (mes amys) quy plustost je eusse esleu pour me succe- „
 der vn, quy m'eust estē moins que luy, je le vous laisse dōc „
 sans retenir pour moy que ceste maison, & le peu que me „
 conuiendra pōur l'entretiē de ceste pouure vieillesse. Lors „
 fit approcher ledict Baudouyn son fils, & luy baillant son „
 manteau de Cōte, voulut qu'il le vestist a l'heure. Ce pē- „
 dant le silence estoit sy grand, qu'on n'oyoit par la place au- „
 tre chose, que pleurs & souspirs du peuple, esmeu de pitie „
 & compassion, pour veoir telle deliberation a leur bō Prin- „
 ce, lequel habillē d'vn simple accoustrement de drap noir, „
 print son dict fils, & apres lauoir fait asseoir en sa chaire, le „
 fit par ses herauds proclamer Conte de Flandre. Ce fait „
 chascun se retirā, les vns pleurants & les autres plus ayse- „
 s, pour l'amendement & faueur qu'ils esperoyent de ce nou- „
 ueau Conte, qui de la en auant commenā gouverner „
 ses paīs tant prudemment, qu'il laissā tresbonne memoire „
 de soy a sa posteritē, & a ses subiects, vn desir cōtinuel, d'e- „
 stre tousiours gouuernes par vn Prince tant discret & ver- „
 tueux.

Baudouyn dict
 le ieune du vi-
 uant de son pe-
 re proclame
 Conte de Flan-
 dre.

*Comment le Conte Baudouyn, dict le ieune enseigna ceux de Flā-
 dre contracter par forme de permutacion, & du deces dudit
 Conte Baudouyn.*

CHAPITRE XXVIII.

Après



Après ladicte resignation faicte par le Conte Arnould dict le Vieil, es mains de Baudouyn le leufne, ledict Baudouyn emprint le gouvernement de Flandre, auquel il se portá le peu de temps qu'il velquit mout vertueusement. Il fut marié a Madame Machtilde alias Mehaut fille d'Hermain duc de Saxone de laquelle il eust vn seul fils nommé Arnould le leufne, lequel fut depuis Côte de Flandre. Ce Baudouyn fit durant son gouvernement aucunes ordonances sur le faict de la marchandise, laquelle a raison du peu d'argent, que lors se trouuoit au pais de Flandre, il vouloit estre faicte, & contraićtée par forme & maniere de permutation. Ne trouuant au rest autre chose memorable, qu'ayt par ledict Conte Baudouyn esté faicte, & combien que par son Epitaphe tel que voires cy dessoubs, semble qu'il ayt muré la ville de Bruges, & au surplus edifié aucunes autres villes, sy est ce que je n'ay memoire d'auoir touchant ce, leu quelque chose aux histoires de Flandre. Il morut apres auoir gouverné trois ans, en l'an neuf centz soixante sept, des petites verolles, en sa ville de Berghes Sainct VVinoch, & gista Sainct Bertin, ou sur vne petite lame se voit son Epitaphe, tel que sensuyt.

Marriage du
Conte Baudouyn dict le leufne avec Madame Mehaut de Saxe.

Marchandise
contraićtée par
maniere de permutation.

L'an ix.
lxvij.
Mort du Côte
Baudouyn dict
le leufne.

*Tempore qui sperant hoc saclo viuere longo
Aspiciant, quis sit conditus hoc tumulo.
Heu mors, cur inuenem Balduinum sana necasti,
Quartum Flandrensem, magnificum comitem?
Ecce Arnulphus, tuus magne hic est gnatus & hares,
Qui te dante, tuum suscipit imperium.
Iste superstitute, patre suo Arnulpho tribus annis
Flandrinam rexit egregie patriam.
Multas preterea villas quas struxit, hic vnus,
Miris Bruzenses munyt ipse etiam.
Instituitque suos mercarier hic sine nummis,
Mutans pro rebus res alias alijs.
Duxit in uxorem Machtildem Saxoniensem,
Iunior Arnulphus qua genitrice oritur.*

L'epitaphe du-
dit Baudouyn.

CHRONIQUES ET ANNALES

*Hicque sui postquam genitoris fit vice Princeps,
Haud multo regnans tempore: mors in eum
Sæuit, & Iani hac priuauit luce calendis,
Diui Bertini conditus ecclesia est.*

Ce qu'en rime Françoisie signifie.

*Cestuy le quel penss' icy long temps viure,
Voye qui gist cy bas en ce tombeau,
Las mort plus dure', & cruelle qu'un tygre
Pourquoy as tu Baudouyn jeune & beau
Sy tost occis? lequel estoit quatriesme
Conte Flameng magnificqu' & puissant
Voicy ton fils & heritier supreme
Auquel toy vis, o Conte Arnould le grand
As resigné de Flandre tout l'empire,
Voicy lequel trois ans continuelz
A gouuerné Flandre, pour vray vous dire
Viuant son per' Adolph, dict grand, & Vieil
Il a aussty plusieurs villes construites,
Et a muny Bruges d'excellentz murs,
Il a aux siens sans pattars & sans mites
Monstré comment ils pouront gros & dru
Exercer & traicter leur marchandise,
Cest par moyen de permutation.
Pour sa femme a dame Machtilde Prinse
Fille d'hermain le noble duc Saxon
De laquelle est le Conte Arnould le jeune,
Puis descendu, mais apres que ledict
Baudouyn eust est' au lieu & throsne
Constitué de son pere susdict,
Regnant bien peu & trop petit espace
Mort contre luy a sa fiesche tire,
Et priué l'a de ceste vie lasche,
Duquel le corps Sainct Bertin a terre.*

QUANT a Madame Machtilde femme dudit Conte Baudouyn le Jeune, elle se remaria peu apres a Godefroy Conte d'Ardenne, Seigneur d'Ecuham & du territoire d'Alost, duquel elle eust par succession de temps trois fils: sçauoir Godeuaert, Gocelon & Esclon, dont nous entendons.

dons par la continuation de c'este histoire, faire en son tés & lieu, plus particulier recit, & mention.

Comment Arnould, dict le Vieil, ayant fait assembler les estats de Flandre en la ville de Gand, practiqué de sorte que Arnould, dict le Jeune, fut par lesdictz estatz, nonobstant sa minorité receu a Conte de Flandre.

CHAPITRE XXIX.



PRES la mort du Conte Baudouyn, dict le Jeune, le Côte Arnould le Vieil, lequel estoit a Gand malade & extremement debile, au moyen de sa grande vieillesse, fit rassembler & de rechief euocquer vers soy en ladicte ville de Gand tous les haults hommes, & ceux des estatz de Flandre. Lesquels comparus, leur requist bien justement que sans prendre regard a la minorité & peu d'aage d'Arnould le Jeune, fils de Baudouyn son neveu (lequel lors nauoit encores attainct l'aage de dix ans) ils se voulsissent recevoir pour leur Conte & Seigneur, attendu mesmes qu'il estoit vray heritier de ladicte Conté, & qu'il viuoit en la personne de son pere, joinct que le païs estoit tenu a luy par raison ciuile, & obligation naturelle, veu que coustume est equiparée, a nature, & que par coustume Flandre succede de pere au fils, leur remonstrant en outre, que le païs seroit avec trop plus grande tranquillité gouverné, sous ledict Arnould son nepveu, que sous vn regent ou lieutenant, & le tout, pour aultant que ordinairement tout peuple se voit plus enclin & affectionné, a son Prince naturel, qu'a quelque estranger. Adjoustant a ce que dessus, que ne conuenoit douter ny craindre aucun inconuenient a raison de la minorité de leurdict Prince, entant mesmes, que par le moyen de ses conseilliers, il auroit la vertu de prudence & sagesse, par cestuy de ses chevaliers, celle de force & magnanimité, & par cil de ses officiers, la vertu de justice & equité. Dauantage que ne seroit chose nouuelle, recevoir vn Prince en sy bas aage, veu que Iosias n'excendoit les huit ans, lors que par prouidence diuine, il fut

Eucation des estatz de Flandre a Gand.

Remonstres d'Arnould le Vieil aux estatz de Flandre pour les induire a recevoir pour leur Seigneur Arnould son neveu. Par coustume Flandre succede de pere a fils.

Ordinairement tout peuple plus affectionné a son Prince naturel qu'a vn estrangier.

Iosias en l'aage de dix ans receu pour Roy d'Israel.

P iij receu

receu pour Roy d'Israel, que non obstant icelle minorité le dict Iosias, auoit esté le plus vaillant & vertueux Roy de ceux qui vindrent apres Dauid, & principalement, moyennant la bonne & sainte doctrine que les sages de sa loy luy baillerent & administrerent. Que Iosephus auteur bien graue, atteste par ses histoires, que Salomon n'auoit que vnze ans quand il commença gouverner, & mesmes que Ioathas estoit assez jeune lors, qu'au nód d'Azareas son pere (le quel estoit deuenue malade de la lepre) il emprint le gouvernement des Israelites. Que l'on a souuent veu, & par experience cognu, le Dieu souuerain enuoyer plus d'heur & prosperité, es royaumes ou prouinces par le moyen de jeunes Princes & sans malice, que par autres lesquels avec plus d'aage, ont moins de sincerité, & plus d'orgueil & ambition considéré mesmement que tels innocentz sont voluntiers gardez des anges, quy les conseruent, guident, & adreſsent tous leurs affaires, de sorte qu'ils ne peuent trebucher. Ioindant au reste aux susdictes raisons plusieurs autres tant persuasives & attrayantes, que ledict Arnould le Jeune fut incontinent, & par l'aduen de l'dictz estatz, receu & accepté pour Conte de Flandre. Lequel suyuant ce commença regner en l'an neuf centz soixante sept, & vn an apres qui fut l'an neuf centz soixante huit, ledict Arnould le Vieil apres auoir vescu non uote deux ans, trespassa en sa maison de Gand, & gist au monastere de Saint Pierre lez ledict Gand, sous vne petite lame, sur laquelle est escript le pitaphe quy sensuyt.

Salomon selon Ioseph^e n'auoit que xii. ans au commencement de son gouuernement.

Arnould le Jeune est receu par les estats pour Conte de Flandre.

L'an ix.

lxvij.

L'an ix.

lxvij.

Trespas l'Arnould le Vieil en l'age de nonante deux ans.

Epitaphe du Conte Arnould dict le Vieil.

Ius subiens mortis Arnulphus Marchio fortis,

Legerat hic requiem Iudicis usque diem.

Hic pater Balduino generatus principe diuo,

Balduinum genuit quem cita mors rapuit.

Ludis in exemplum statuens hoc nobile templum,

Huc Wandregesilum tranſtulit iste pius,

Ergo diu sospes patriam regit, & premit hostes,

Cui prece solamen lector adoptet: Amen.

Ce qu'en rithme François, se peut en ceste sorte translater.

*Le Conte Arnould Prince fort & vaillant,
Voyant qu'à mort luy conuenoit ceder,
Choyfit icy son repos, attendant
Du iuge grand, le temps & jour dernier.*

*De Baudouyn Prince de grand renom
Il eſtant fils, Baudouyn engendra,
Lequel la mort de ſon cruel brandon
Trop toſt frappa, dont Flandre aſſez pleura.*

*Après qu'il euſt ce temple mout fameux
Faiçt redreſſer, dont touſiours eſtimé
Grand en ſera, translater cy l'heureux
Il fit auſſy corps ſaint, & renommé*

*De Vandregesilus, & prudemment
Depuis il á la Flandre gouverné,
Bien bonn' eſpac' & vigoreuſement
Ses ennemis á la raiſon mené.*

*Voyla pourquoy doit tout bening lecteur,
Lequel voudra contempler ceſt eſcript,
Prier que Dieu noſtre bon redempteur,
D'Arnould le grand rechoiue toſi l'Eſſrit.*

PRES lediçt Arnould eſt ſcubs vn'aultre petite lame
enterrée Madame Aleyt ſa femme, laquelle mourut au
mois d'Oçtobre en l'an neuf centz ſoixante: de laquelle ſe
treuve tel Epitaphe.

*Deres de Mad
me Aleyt de
Vermandois
ſemme du côté
Arnould.*

*Cenuncx Arnulphi decus hîc ſortita ſepulchri,
Non moritur meritis, corpora facta cinis,
Perſonas orbis nam fouit vt altera Dorchas,
Cui piè conſenuit gratia, quam habuit.
Sole ſenas decimas preſert Octobris ydeas,
Hora notans obitum, quo petit hac dominum.
Exequijs adula properantes quique vacate,
Vt pretio meriti, culpa queat redimi.*

*L'epitaphe du
Madame Aleyt
de Vermandois.*

DONT la ſignification ſe repreſente en langue Frañçoy-
ſe quaſi au vif, par la rime ſubſequentte.

*Celle qui cy deſſous a volu ſon tembeau
Choyſir, par cy deuant fut la femme honorée
Du Conte Arnould le grand, duquel la renommée
Bruit depuis Occident juſqu'aux Orientaux,*

il ne

*Il ne faut estimer, ores que son corps beau
En cendres soit reduict, qu'elle doive frustrée
Demeurer de l'honneur, que sa vertu fece
A cy bas meritée. Car ell'a ces joaux
Aux pouurés eslargy de bon cuer & sans feinte
Ayant continué tousiours en vie sainte,
Iusque au dixiesme mois de l'an, que le Seigneur,
Hors ceste miserable & vie transitoire
Appeller la voulu, priez en grand ardeur
Que Dieu par sa bonté la recoin'en en sa gloire.*

Et guerres loing desdicts Conte & Contesse gist Madame Lutgarde leur fille, qui morust en l'an neuf centz soixante deux, & pour laquelle fut faict cest Epitaphe.

Epitaphe de
Madame Lut-
garde de Flan-
dre, fille du Co-
te Arnould,
dict le Vieil.

*Mors minus optata, satis omnibus extat amara,
Qua veniente vacat, quod sibi mundus amat.
Arnulphi proles tegit hic quam saxeæ moles,
Lutgardis dicta fuit, nupta puella ruit.
Quæ prius Octobrem peteret quam Scorpio Solem,
Terna luce cadit, debita mortis agit.
Dic precor ista legens, Domino sit spiritus hærens,
Fulsit ut unde fides, splendet & requies.*

Qui signifie en François.

*Celle que chascun fuyt mort, tant peu desirée
Semb'aux humains amer', & l'a de en general.
Tout ce que le mond' ay m'est a son arriuée
Et mis bas, & reduict en son terme final.
Qui sous ce tombeau gist, fust d'Arnould le grand, fille
Lutgarde que jadis lon nommoit, & estant
Femme jeunette assez, payast de la mort passe
Les droictz, qu'est obligé de payer tout vivant.
Que cestuy qui voudra s'occuper a ce lire,
Recommande l'esprit au Seigneur tout puissant,
Affin que le repos puisse la part reluire,
Dont le rayon de foy est yssu splendifsant.*

Comment le Roy Lotaire de France, durant la minorité du Conte Arnould, dict le Jeune, print & reduict soubz son obeissance, Arras, Douay & autres villes de Flandre Gallicante.



NCONTINENT apres le trespas du Conte Arnould, appelle le Vicil, Lotaire Roy de France, considerant le peu d'age du Conte Arnould dict le Jeune, print occasion d'en-
uahir la Conté & prouince de Flandre qu'il

Le Roy Lotaire
se print occasi-
on de molester
la Flandre a
raison de la
minorité du
Conte.

reputoit a raison de la minorité dudit Arnould, priuée de chef, ne faisant compte des Flamens qui se mettroient en deffense, fussent ils lyons, soubz la conduïte d'une cheure. Il entra doncques avec grande armée, & a l'impourueue en ladicte prouince, ou l'on ne se doutoit aucunement de sa venue. Et ne fust plustost arriué, qu'il eust vaincu & prins Arras avec plusieurs autres places tant les habitantz per-
dirent courage en si soudaine surprinse. Les nouuelles en furent incontinent portées en la ville de Gand (ou le Conte soubz la conduïte de ceux qui auoyent charge de sa personne, se tenoit) qui toutesfois n'arriuerent guerres avant l'embassade Françoisse, signifiaantz ensemble au jeune Conte le degat & destruction du ses terres, & la volonte du Roy: lequel outre la ville d'Arras dont il s'estoit desia saisi, pretendoit callengier & s'inuésir de la ville de Douay ensemble des autres villes, terres & seignories situées au pais circumnoisin jusques a la riuere du Lys, soubz pretext qu'il maintenoit iceluy pais, atoir esté contre tout droict & equité par les contes de Flandre auparavant osté, a la couronne de France. Et de faict nonobstant ladicte embassade, & sans attendre la responce que sur icelle luy seroit faicte, marcha tousiours a banniere desployée dedans pais, ne se trouuant ville ny forteresse qui luy osast resister, pour l'exemple de cruauté qu'il donnoit es lieux, ou on s'auoit mis en deffense. Qui fut la cause que tous les autres chasteaux & bourgs se rendirent de peur de plus grand dom-
mage: les capitaines des vns ouurants les portes volontai-
rement par faute de coeur, les autres par corruption d'argent: aucuns vaillants hommes par la foiblesse des lieux mal fortifiez & munis au coeur du pais, soubz la seurteté qu'on auoit des frontieres. Qui font inconuenientz ordi-
naires auchants en region mal gouuernée en necessité non preueue, soubz capitaines, ayants l'auarice plus que leur de-
voir

Arras Prinse
par le Roy Lo-
taire.

Degatz faict
au pays de Flā-
dres par les Frā-
chois

Inconuenient
ordinaires en
pais gouuerné
par enfant

Le Roy Lotaire devant Douay.

noir en recomandacion, & finalement sous le gouvernement d'un enfant ou jeune Prince. Brief, le Roy passa avec la croix quasi marquant son logis, jusques a la veüe de la ville de Douay. Les habitantz de laquelle espouantez de si estrange infortune, auoyent fait faire le plus grand & soudain amas de gens, que l'urgence du cas requeroit: mais ce ne peut estre si tost, que le François n'eust le loisir d'assieger la ville, & soy camper a demie lieüe d'icelle, faisant ses aduenues pour approcher les belins ou moutons, vignes & autres engins de batterie, dont on vsoit de ce temps la: car en recognoissant la ville, il s'estoit apperceu que la muraille estoit hors d'eschelle, & que besoing luy seroit de faire bresche. D'autre costé, ceux de dedans donnerent ordre a remparer aux endroits les plus foibles & plus suspects. En quoy ils n'espargnerent la paine de la tourbe des paisants & mainouuriers d'illec. Le lendemain le Roy somma la ville par vn herauld de se rendre a luy comme a Roy, & seigneur droiturier, leur offrant fort humain traitement, & descharge de plusieurs tributz, dont ils estoient vexes & rançonnez: ce qu'il ne faisoit sans pretext de quelque droict, & motif coulouré de ceste guerre. Ceux de dedans respondirent pour leur Conte, que le François calengeoit terre non sienne, & qu'en ce ils esperoyent Dieu fauorable a la justice de leur querelle: & que s'ilz auoyent emporté quelque fort sur leurs gens, estonnez de leur arriuee non attenduë, ils ne guerpiroyent pourtant icelle ville, suffisante pour les acculer & arrester. De quoy le Roy irrité fit affuter tous les engins, vers la partie de la muraille, qu'il entendit de quelques prisonniers, estre la plus foible, qui estoient telz & en si grand nombre, que la multitude de la ville nourrie en longue paix, en fut grandement estonnée: laquelle estant aucuns jours apres aduertie du peu d'apparence qu'il y auoit d'aucun secours, & qu'il seroit impossible de tenir ladicte ville, jusques a ce qu'on eust assemblé vne force pour resister a celle des François, se submit, les biens & vies saulues, a la volonté & discretion du Roy Lotaire. Lequel peu de temps apres reduist,

Droict & diligence de ceux de Douay eulx defendans contre les François

Douay rendue au Roy Lotaire.

duict, sans trouuer aucune ou bien petite resistance, tout le pais de Fládre que estoit jusques a la Lyse sous son pouoir & obeissance. Et eust passé plus auant, si au nom du jeune Conte ne fussent venus vers luy aucuns ambassadeurs, lesquels besoingnerent tellement, que moyennant l'intelligence qu'ilz practiquerent avec aucuns des principaux de l'armée François, le Roy se contenta de les susdicts exploictz, & laissant le demeurant de Flandre au jeune Conte Arnould, se retira avec les gens, en son pais & Royaume de France.

Tout le pays de Flandre gallicantu reduict sous le pouoir du Roy Lothaire

Du debat que le conte Arnould eust contre ceux de Saint Bertin, pour le saict de Calais, & des biens que ledict Conte fit aux eglises de Flandre.

CHAPITRE XXXI.



VELQVE temps apres la susdicte guerre, le Conte Arnould le leune a la persuasion de ses hauts hommes & barons de Flandre, print a femme Madame Rosale, ou (selon autres) Madame Lutgarde fille du Roy de Lombardie Berengier, fils de la fille d'iceluy Berengier qui fit en Italie, contre l'Empereur Conrard les premieres nouuelitez. Eteust de ladicte dame (comme telmoignent quasi tous les historiens) vn seul fils nommé Baudouyn le tiers, dict a la Belle Barbe, depuis Conte de Flandre, & vne fille appelée Mehault. Toutesfois prenant pied au contenu en certaine confirmation des priuileges de Saint Pierre a Gand, datée en l'an neuf centz quatre vingts huit, je trouue qu'il eust pour le moins trois fils, scauoir Baudouyn, Adelbert & Thiery: mesmes que contre le maintenu de plusieurs chroniqueurs, il ne morust en l'an neuf centz quatre vingts quatre. Ains en l'an quatre vingts huit, dont assez manifestement peut apparoir, & par la date de ladicte confirmation, & par les termes comprins en icelle, que j'ay tiré de mot a autre, selon que s'ensuyt: *Amulphus in Dei nomine Comes, cum coniuge sua Lutgarda & filio Adelberto &c.* & pour tesmoins lors presens,

Marriage du Conte Arnould avec Madame Lutgarde de Lombardie.

Des enfans du Conte Arnould opinion de leur contraindre aux autres historiens.

Debats entre le
Côte Arnould
& ceux de S.
Bertin touchât
la ville de Ca-
lais.

ya, *signum Arnulphi Comitis predicti : signum Balduini Junioris marchisij : signum Adelberti comitis filij Arnulphi : signum Theodoric Comitis, filij Arnulphi*. Le ne scay toutefois que deuiendrent leïdicts Adelbert & Thiery. Lediect Arnould le jeune eust en son temps plusieurs gros debats & differents contre ceux de Saint Bertin: lesquels suyuant l'appoinctement que le Conte Arnould le Vieil auoit faict avec eux pretendoyent r'auoir la ville de Calais. Duquel appoinctement neantmoins le Conte Arnould le Jeune ne voulut rien tenir, & beaucoup moins scauoir aucune chose des clauses & conditions y inserées, je dicts quant a la restitution dudiect Calais, qui fut la cause que lediect Conte Arnould, comme le plus fort retint finalement ladiecte ville de Calais, qui lors s'appelloit Petieffe. Non que pourtant le dict Arnould degenerast des vertueuses traces & bonnes inclinations de ses illustres predecesseurs, vers les eglises & monasteres. Mais pour ce que son conseil trouuoit fort dangereux, que ceste ville limitrophe & frontiere de Flandre, fut entre mains de gens d'eglise, mesmes soubz personnes si foibles, peu entendues au faict de la guerre, & tant insuffisantes pour ce que concernoit la conseruation de la frontiere d'un tel pais. Et ores que je n'aye souuenance auoir veu aucune mention par les histoires de quelque recompense qu'au lieu dudiect Calais, il ayt donné ausdicts de Saint Bertin: si faict il a presumer, qu'il s'en soit deschargé comme Prince de bonne conscience, & bien sentant de nostre sainte foy & religion Chrestienne: voyres d'autant plus, que par plusieurs fondations, & autres semblables oeures pieuses, il a manifestement déclaré, qu'il ne demettoit en rien la noble & bonne rigueur de ses fameux & religieux predecesseurs. Car en premier lieu il fit des grands biens au monastere de Saint Pierre lez Gand. A laquelle entre autres possessions & seignories, il donna celles de Camphin & Harnes, situées *in pago Atrebatensi*, que nous disons maintenant Artois, il fit parfaire en ladiecte eglise, le cœur que son grand pere auoit encommencé, & fut avec tresgrande noblesse present a la dedication d'iceluy cœur, qui se fit par Albert Archeuesque de Raims, en l'an neufcētz

Le Conte Arnould donne Camphin & Harnes a ceux de S. Bertin lez Gd.

sep-

septantecineq. Il fit pareillement transporter audict monastere les corps Saints de Lundolph, Adrien & Aman, lesquelz furent illec conduictz & accompagnez en merueilleusement grande deuotion & magnificence, par le Contes mesme, les prelatz barons & hauts hommes du pais & contrée de Flandre. Aucunes années depuis il restituâ la requeste & instance de Hug Capet, les corps de Saint Vvelery & Saint Rognier, qui furent remis au lieu duquel par le discours que dessus, auez peu entendre, qu'ils auoyent esté bonne espace auparauant, pour la crainte des Huns & Normans, tirez & ostéz.

Comment le Conte Arnould de Flandre s'estant allié au Duc de Brabant, entra a la requeste dudit Duc au pais de Hainault, & des exploits qu'il y fit.

CHAPITRE XXXII.



En l'an neuf centz septant deux, le Duc Frederic de Brabant enuoya vers le Conte Arnould de Flandre aucuns ambassadeurs, pour practiquer son amitie & alliance: & affin de plus facilement a ce l'attires: ledict Duc de Brabant promit & donna en mariage Madame Ognie sœur a Baudouyn dict a la Belle Barbe, filz dudit Conte de Flandre, & toutesfois pour lors encore bien jeune. Au moyen de quoy & mesmes a l'instance persuation de Godefroy Conte d'Ardenne, qui s'estoit (comme dict est) marié a Madame Mehault, mere dudit Conte Arnould, iceluy Conte assembla grosse armée pour venir contre Rognier & Lambert freres, enfans de Regnier au long Col, jadis Conte de Mons & de Hainault, lesquelz moyennant l'ayde du Roy Lotaire de France, auoyent un peu auparauant, reconquis la terre de Hainault, sur Garnier & Renault, qui lors par le moyen & faueur de l'Empereur occupoyent ladite terre. Pour en laquelle remettre lesdicts Garnier & Renault (qui s'estoyent alliez audict effect avec le susdict Duc de Brabant) le Conte de Flandre entra avec son armée audict Hainault, brusla le chasteau de Bossut, & lesdictz Regnier & Lambert

L'an ix.
hxiij.

Alliance & confederation du Conte Arnould avec le Duc Frederic de Brabant.

Le Conte de Flandre entra en grand puissance en Hainault, & brusla le chasteau de Bossut.

Q. iij

deux

auoyent nouuellement fortifié, & pressa tellement lesdicts
 deux freres, que iceux peu suffisants pour resister aux for-
 ces du Conte de Flandre, se retirèrent de rechef en France,
 ou ils s'allièrent par mariage. Si comme ledict Regnier a
 Madame Halwide fille de Hue Capet: & Lambert a Gher-
 berghe fille de Charles depuis de Duc de Brabant, & fre-
 re du susdict Roy Lotaire. Avec laquelle ledict Lam-
 bert, eust par succession de temps la ville de Louvain qui
 lors fut erigée en Conté. Et eust d'icelle Dame vn filz
 nommé Henry de Bruxelles, qui eust vne fille appelée
 Mehault, laquelle fut mariée au Conte de Boulongne.
 Dont vint Eustace Conte dudit Boulongne, qui eust
 de Yde fille de Godefroy de Brabant, Godefroy Duc de
 Bouillon, Baudouyn & Eustace ses freres. Desquels j'ay
 bien voulu deduire en ce passage la genealogie, pour la
 excellence de leurs vertus, & grandeur de leur coura-
 ge, dont nous entendons faire cy apres plus particu-
 liere mention. Or pour retourner a nostre propos, lesdicts
 Regnier & Lambert moyennant l'ayde de leurs beaux pe-
 res, mirent sus vne bien grande armée: avec laquelle ils
 vindrent en grande diligence vers la ville de Mons, laquel-
 le le Conte Arnould auoit depuis leur retraicte fort etroi-
 tement assiegée, nonobstant quoy les habitants d'icelle
 estoient tant virilement deffendus, que jusques lors le-
 dict Conte Arnould ny auoit peu mordre, & beaucoup
 moins la reduire a la raison qu'il esperoit. Dont neant-
 moins il perdit toute esperance, par la venue desdicts
 deux freres, lesquels contraindirent ledict Conte Ar-
 nould de leuer son camp, & peu apres recouurerent tou-
 te la terre de Hainault & Conte de Mons, esquelles ils
 furent par tout volontairement & paisiblement receus
 en l'an neuf centz septante trois. Ou nous les laisserons en
 leur gouuernement, pour vous declarer que le Conte Ar-
 nould le ieune estant depuis ladicte guerre (de laquelle il
 ne rapporta que grosses despenfes, & le bruit d'auoir ruyné
 beaucoup depouures gens) retourné en sa ville de Gand,
 confirma a son cousin bastard appelé *Ardulphus*, fils de
 Madame Elstrude sa tante, la seigneurie de Ghisnes, de la-
 quel

Louvain erigée
en Conté.

Deduction de
sa descente de
Godefroy de
Bouillon.

La ville de
Mons assiegée
par le Conte
Arnould.

Ghisnes erigée
en Conté, dont
Ardulphus est
premier Comte

quelle il le fit & constituâ premier Conte, luy faisant outre ce auoir en mariage Madame Machtilde fille d'Hermicles Conte de Boulongne, de laquelle il eust Roulof deuxiesme Conte dudit Ghisnes, lequel se maria a Rosale fille du Conte de Saint Pol, & eust d'icelle Eustace troiziesme Cōte de Ghisnes, qui fut vn Prince merueilleusement vertueux, encores que Roulof son pere, eust esté superbe & orgueilleux. Mais je ne treuve cōment ladiſte Conte de Boulongne ayt esté eclissée du domaine de Flandre, ny mesmes qui estoit ledict Hermicles, & cōment il paruint a ladiſte Conte de Boulongne, n'est qu'elle fust donnée en mariage avec Madame Lutgarde, fille d'Arnould le Vieil, de laquelle nous auons cy dessus parlé.

L'auteur rejette l'opinion de Maistre Nicolle Gilles, chroniqueur François, touchant la descente de Hue Capet en Flandre, & ce par les moyens que trouuerez en ce discours.

CHAPITRE XXXIII.



A chronique de France recite que le Conte Arnould de Flandre, apres l'viſurpation du Royaume de Frâce faicte par Hue Capet n'au roit voulu obeir ny faire hōmage audit Hue: lequel a raison de ce, seroit entré avec grande puissance au pais de Flandre, & auroit prins sur le dict Conte Arnould, toutes les villes chasteaux & forteresses qu'il tenoit le long de la riuere du Lys & que le Conte Arnould voyât ses forces n'estre correspondantes a celles dudit Hue Capet, se seroit retiré vers le Duc Richard de Normâdie, le requérât qu'il luy voulust moyenner la paix & aucun dō appointemēt avec ledict Hue Capet, & faire de sorte q toutes ses terres, qui par ledict Hue luy auoyēt esté tolluës, luy fussent rendues & restituées, ce que ledict Richard auroit finalement impetré. Auquel endroit, j'en eus que grâdemēt ne m'osmerueille de la façon de faire dudit chroniqueur appelle M. Nicolle Gilles, lequel en deprimât, & méprisant le Gōse Arnould de Flandre, loue tant hautement la bon-

Maistre Néo'e
Gilles chroni-
quer de France
note de trop de
passion, & mes-
mes des contra-
dictions en ses
escripts.

La passion ou
partialité, re-
prise es histo-
riens.

la bonté du dict Duc Richard. Et cependant ne considère, qu'il aueit vn peu auparauant & en sa mesme chronique declare, que le Conte Arnould de Flandre, par le faict duquel le Duc Guillaume de Normandie auoit esté occis, mourut en l'an neuf centz soixante quatre, lequel il introduict ores comme resuscité des morts; menant guerre en l'an neuf centz quatrevingtz huict, & implorant l'intercession du Duc Richar. vers Hue Capet lors Roy de France. y adjoustant que ledict Duc Richard, sans auoir regard a la desloyauté d'iceluy Arnould, par la trahison duquel le Duc Guillaume son pere, auoit (selon que dict ce bon historiographe) esté occis, auroit besoingné de sorte que le Roy Hue Capet, luy restituât toutes ses terres & seigneuries. Ce sont extremitez esquelles tous auteurs, qui se laissent mener & guider par leurs affections & passions particulieres, sont accoustumez tomber. Dont aussi j'ay bien voulu toucher ce petit mot, affin qu'a l'aduenir les partiaux soyent du moins mieux aduisez, & qu'ilz ne s'aucuglissent de sorte en la louange ou mespris de ceux dont ils feront mention par leur escript, que les propositions contraires, voirez contradictions inserées en leur volumes, ne donnent occasion aux lecteurs de descouurir avec leur grande honte, la vehemence de leur passion. Continuant donc nostre propos (c'estoier de auoir la moindre apparence du monde d'aucun debat qu'eust esté ny mesmes entre cest Arnould le ieune, & Hue Capet, & d'aduant moins que ledict Hue oectupâ au princes le Royaume de France en l'an neuf cōrz quatre vingz huict, au commencement duquel an, le Conte Arnould le ieune termina, par ou je descouure n'estre aucunement vray semblable, qu'en si briefue espace ledict Hue Capet, eust eu moyen de mouir tel & si bon ordre aux affaires plus importantes de la couronne de France par luy nouvellement occupée, qu'il luy fust sans tresgrand danger de perdre ledict Royaume este loysible de s'amuser autrui part, sans assez plus grande & vigente occasion que estoit la delegation des foy & hommage, que ledict Arnould le ieune luy auoit fait. Outre ce, que obstant l'aduersité de ce temps, peut sembler qu'il n'auoit pour lors

enco-

encores eu le loysir de sommer ledict Conte Arnould a la prestation dudit hommage. Laisant neantmoins le jugement de ce & du reste contenu en ceste histoire, a la discretion de tout prudent & discret lecteur. Au demeurant, l'on ne trouue autre chose memorable que ayt este faicte durant le gouuernement de ce Conte Arnould, dict le ieune, lequel mourut assez soudainement d'une fièvre chaude en sa maison a Gand, le treziesme de Mars en l'an neuf L'an ix. centz quatre vingts & huit, & est enterre a Saint Pierre lxxxviii. audict Gand, & est son Epitaphetel.

*Inlytus Arnulphus Comes hic est carne sepulchrum,
Arnulphus Magnus cuius habetur annus.*

Hic nos dicitur, ab auro, nec degenerauit

Nam Camphin Harnes, & bona plura dedit.

Martis tredena lux ibat Solis habena,

Cum pius hic heros transijt ad superos.

Huius Susanna coniunx fuerat veneranda

Balduinum generans pignus auum imitans.

Hunc Rex iustorum socium fac esse tuorum

Atque bonis sanctis gaudens in superis.

Tredena luce cum Martinus esset in axe

Corpus humo tradit cum moriendo cadit.

Ce qu'en François se peut translater en ceste sorte:

L'illastre Conte Arnould, gist desous ceste pierre,

Duquel Arnould le Grand fut aue & lequel at

Enrichy cest eglise & cloistre de Saint Pierre,

En quoy de sondict aue, il ne degenerat

Car il nous a donné sans aucune priere

Harnes, Camphi, qui sont situez pres d' Arras.

Le treziesme de Mars ce Prince magnifiqué

De bonnair' & clement de ce monde passa

Pour aller aux hauts cieux, ou la troupp' Angelique

De louer le grand Dieu jamais ne se lassá

Susann' il eust a femm' & pour espous vnicque

Qui du nom de son au' un enfant luy laissá

Appelle Baudouyn. Permettez Roy supreme

Que ce bon Prince soit au Royaume des cieux

Auec les tiens content, & qu'en ton jour extreme

R

Il soit

Trespas du
en Arnould
dict le ieune
son Epitaph

Il soit au nombre mis de tes amis heureux.

Il fut au mois de Mars contraint par la mort blesmé

Rendre son corps a terre, & mourut fort fâcheux.

Madame Lutgarde vefue du dict Arnould remariée au Roy Robert de France, dict Capet.
La Doualgierre de Flandre saüge de nom & s'esaiet appeller Susanne.

A P R E S le decés dudiçt Arnould le Jeune, Madame Lutgarde sa femme conuollant en secondes noces, se maria a Robert Capet Roy France. Et au jour de son couronnement voulut çanger de nom, prenant au lieu de Lutgarde celuy de Susanne, duçt elle se fit appeller, côme plus au long se peut veoir par le discours cõtenu en l'histoire ou legende de Monsieur Sainct Bertholf. Elle termina en l'an mil & trois, & choisist sa sepulture pres son premier mary le Conte Arnould, dict le Jeune, au monastere de S. Pierre a Gand, ou elle gist sous vne petite l'ame, sur laquelle est escript, ce que s'ensuyt.

Decés de la dicto Doualgierre de Flandre.

Epitaphie d'icel le dame.

Hoc conditorio Susanna Regina quiescit

Expectans reditum iudicis Aetheriei.

Occidit ante dies septem mensis Februarij,

Dans animam superis, ossaque terra tibi.

Quy signifie:

Sous ce tombeau gist la Roïne Susanne

Du juge grand attendant le retour

Laquell' vn peu deuant Februrier, son ame

A Dieu rendu a la terre ses os.

Decés, sepulture & epitaphie de Godfrey d'Ardenne.

E N la mesme chapelle est pareillement l'enterré Godfrey Conte d'Ardenne & Seigneur d'Ecnham, lequel finá ses jours en l'an mil vingt & trois. Et auquel Madame Mehault sa vefue, mere du feu Conte Arnould dict le Jeune, fit faire vne sepulture, & sur icelle mettre cest Epitaphie;

Hic tua Machildis Christi genitricis in alis,

Dux Godfredus tuus condidit exuias.

Nunc cineri mixtas, quondam sed milite septas

Coram Principibus, Regibus & Ducibus.

Quas natura tibi quarto cum luce refulsis

September mensis, Mansoleoque dedit.

Has tibi restituat rediuno corpore vinas,

Qui te plasmanit, nec ne crnore lauit.

Ce

Ce qu'en François se peut ainsi interpreter:

Mehault ta femme & ton épouse chere
 Fit icy mettr' ó Godefroy vaillant,
 Ton corps, lequel fouloit de gens de guerre,
 Estre tousiours gardé parcy deuant
 De Roys ou Ducs, fust en presence fiere
 Ou bien deuant autre Prince puissant.
 Mais ce tien corps est maintenant par ordre
 Du createur avec cendres meslé,
 Lequel laisse tu auois en Septembre
 Estant vers Dieu qui t'auoit faict, allé,
 Que te le rend' & sans t'esch' & opprobre
 Qui t'aue' t'a, du sang de luy coullé.

AVPRES dudiect Godefroy, gist aussi Madame Mehault
 sa femme, & sous vne petite l'ame, sur laquelle est escripte
 cest Epitaphe:

Du decés de
 Madame Me-
 hault, mere du
 Côte Arnould
 dió le launo.

*Indolis emerit.e Machtildis filia clari
 Hic iacet Hermanni, magnificique viri.
 Lumine deciduo caruit, qua nono Kalendas
 Augusti, Domino soluens iura suo.*

C'est a dire:

L'excellente Mehault fille du renommé
 Et noble Duc Herman des Saxons, icy gist.
 Qui morust peu deuant le mois Aoust nommé
 Payant au grand Seigneur son droict sans contredict.

OVTR E lequel Epitaphe en y a vn autre de la mesme
 Dame tel que s'ensuyt:

*Si quis scire cupit hoc cuius membra sepulchro
 Claudantur, clavo colligat hoc titulo.
 Machtildis quarta Flandrina hæc est comitissa,
 Hermannique Ducis, filia Saxonie.
 Coniunx Balduini iuuenis, sed post Godefredi
 Ardenna Comititis, atque d'Eenham Domini,
 Legitimo sociata thoro fuit, & generauit,
 Tres illi gnatos pernitidos iuuenes.
 Goffridum, & Gocelonem, Eceloneque juncto
 Fortes, magnifici quique fuere viri.*

Et en François:

R ij

Sy quel-

Si quelcun vententendr' & au menu cognoistre
 Les membres de qui sont enclos sous ce tombeau,
 Pourra le tout scauoir lisant ce tite beau
 Lequel vous represent' icy Mehaulz l'illustre
 Quatriesme des Flamens Contes's & femme vnicque,
 Du ieune Baudouyn, mais apres au Saigneur
 D'Eenham, & d'Ardenois Conte de tresgrand cour,
 Appellé Godefroy, vanlam & magnifique.
 Maricee elle fust: auquel trois filz modestes
 Excellents en vertus; & doux, ell' engendra
 Godefroy, Gocelon, ausquels pour tiers sera
 Eselon joint: tous trois barons de grands merites.

Lesquels Epiraphes avec aucuns autres subsequents, je
 inferé en ce volume d'autant plus voluntiers, a raison de
 leur antiquité, & que les louanges attribuées, aux Princes
 ausquels ils sont destinez me semblent pouoir seruir de
 grand & poignant esguillon a leurs successeurs, & autres
 Princes a venir, non seulement pour les de bien pres suy-
 ure, ou egaller: mais si possible estoit, pour les deuancher
 & surmonter.

Comment a l'aduènement de Baudouyn a la Belle Barbe ceux de
 Courtray & autres de Flandre rebellèrent contre luy, lesquelz
 neâtmoins il reduit par succession de temps sous son obeissance, &
 de la tente qu'il fit dresser en la ville d'Arras, pour diuertir le
 peuple de Flandre de l'opinion conceüe de la sterilité de Madame
 Ognie sa femme.

CHAPITRE XXXIIII.

Pourquoy il
 fut appellé a la
 Belle Barbe.



L'an ix.
 lxxxviij.

BAUDOUYN a la Belle Barbe (ainsi appellé
 pour autant qu'il auoit vne brune & large
 barbe merueilleusement belle & bien seante)
 succeda au gouuernement de Flandre
 au Conte Arnould le ieune son pere, en l'an
 nefu centz quatre vingtz huiet: & eust (côme desia auons
 declare) a femme Madame Ognie fille de Ghislebert Duc
 de Lotrice, Conte de Luxembouig, & soeur de Frederic
 Duc de Brabant, de laquelle vint Baudouyn de Lille alias le
 Debon-

Debonnaire qui fut depuis Conte de Flandre. Au temps que ladicte Dame Ognie se deuoit accoucher dudidit Baudouyn de Lille, le Conte de Flandre, Baudouyn a la Belle Barbe son mary, fit tendre en sa ville d'Arras (laquelle avec les autres situées sur la riuere du Lys auoit auparauant esté par le Roy Lotaire restituée audict Conte Arnould le Jeune) sur le marché, vne ample sumptueuse, & magnifique tente, en laquelle il voulut que Madame Ognie sa femme s'accouchast, consentant & permettant, que fust loysible a toutes les femmes de bien, qui en auroient volonté, d'assister & estre presentes au travail de ladicte Dame sa femme. Le tout affin d'oster a vn chascun la doute & opinion que estoit desia enrachinée au coeur de plusieurs, de la sterilité de ladicte Ognie, laquelle pour lors auoit atteint l'age de cinquante ans. Qui fut vn acte merueilleusement louable, & digne de perpetuelle memoire: entant mesmes que par cestuy il monstroient euidamment le soucy auquel il estoit pour le repos & tranquillité de son peuple.

Le Conte Baudouyn fait dresser vne tente sur le marché d'Arras ou toutes femmes de bien peuuent venir pour assister a l'enfantement de Madame Ognie, pour ce qu'on auoit opiné quelle estoit trop âgée pour auoir enfans.

Le Conte Baudouyn loué au moyen de soucy qu'il auoit pour le repos de son peuple.

Le propre de vn prince doit estre pourueoir aux affaires de son peuple.

Prudence du Conte Baudouyn.

Vn bon prince est l'imag: naifue de dieu.

A quoy tout Prince doit estre vigilant & soingneus, voire d'autant plus que comme le propre & naturel de l'oeil est de veoir, des ouyes d'entendre, & des narines d'odor, ainsi doit estre le propre d'un Prince de pourueoir aux affaires de son peuple, ausquelz il ne peut autrement entendre que par prudence, de laquelle s'il est privé, ne pourra seruir a la republique non plus qu'un oeil au eugle peut ayder & prouffiter pour veoir. De ceste prudence donc monstra bien ledict Baudouyn estre grandement participant par la susdicte subtilité & inuention, ensemble par plusieurs autres ses actes que deduirons incontinent, lesquels vous seruiron de tesmoingnage de la grande bonté vaillantise, & puissance, de ce bon Prince. Lequel fut veritablement doué de toutes les perfections qu'on scauroit desirer en vn grand personnage. Qu'est la cause que selon Plutarque, il se pouoit dire & nommer vn naïf image, & visue pourtraicture de Dieu, lequel ensemble est tresbon & trespuissant. Estant icelle bonté donnée aux Princes, affin qu'ils vueillent ayder & prouffiter a tous: & la puissance pour pouoir ayder a ceux qu'ils voudront. A l'aduenement de ce Prince en

R iiij son

Elbode vsurpe
durant la mi-
norité du Con-
te la ville de
Courtray, dont
il se faict ap-
peller Conte.

Ceux de Cour-
tray brulent
Harlebecque.

Le Chastel de
Courtray edi-
fié aux despens
des habitantz.

Cicero.

Dyon,

Conseil des sa-
ges paouffable
aux Princes.

Homere,

son gouuernement de Flandre aucuns barons dudit pais, se rebellerent contre luy, a raison de sa minorité & peu d'aage. Et sous pretext ne pretendre au gouuernement d'iceluy pais, chascun desdictz barons tira de son costé, la piece de terre a laquelle il pouoit paruenir. Et entre autres Elbode vsurpa la ville de Courtray, de laquelle il s'artitula Conte. Et come apres le decés d'iceluy Elbode, le Conte Baudouin esperoit recouurer la ville de Courtray & la remettre (comme premiers) sous son domaine, les habitants dudit Courtray s'y opposerent: mesmes se leuerent contre luy, & apres auoir assemble vn bon nombre de gens de guerre, yssirent a bannieres deployées, de ladicte ville, & gastèrent tout le pais d'environ Harlebecque, lequel ils brulèrent, ensemble le chasteau d'icelle ville & l'eglise Sainct Saulueur qui y estoit. Mais en fin la fureur desdicts de Courtray s'esuanoyt comme vne fumée, & moyennant le bon conseil que le Conte Baudouyn auoit avec luy, les rengea a telle raison que bon luy sembla: & apres auoir faict le chastoy des auteurs de la dicte rebellion, que pour terreur des autres la grauité du cas requerroit, se soucyant peu du chasteau dudit Harlebecque, en fit edifier vn autre en ladicte ville de Courtray, & aux despens des habitants d'illec. Et estant puis apres paruenue en aage plus meur, vint au dessus de tous ses rebelles par le conseil des sages & prudents desquels il se seruoit. Qui me faict avec Cicero croire, que les lettres ne doiuent en rien ceder aux armes, & d'autant plus que je trouue ceste opinion confortée par celle de Dyon, lequel en ses liures qu'il a composé de la maniere de regner, disoit qu'on paruenoit assez plus legierement aux grands affaires par le conseil & prudence de peu de gens sages, que par la force de grand nombre de jeunes gens. Voyla aussi pourquoy le Coriphée des Poëtes Grecqs, Homere affirme en ses Yliades sous la personne du Roy Agamemnon, que plus legierement l'on eust reduict sous son obeissance la region Troyenne, ayant dix Nestors en son conseil, que s'il eust eu le double d'Achilles, Ayaces & autres guerroyants. Le conseil des personnes prudes & discrettes ayde beaucoup l'en-

l'entendement des Princes & Roys : lesquels pourtant ne deuroient jamais estre retifs de demander conseil & principalement en choses hautes & de grande consequence. Voires combien que lesdicts Princes mesmes soyent tres-prudentz & discrets. Car nous voyons que de tous les philosophes ou sages qui furent, jamais ne fust oncques trouué qui presumast ou confessast tout scauoir. Au moyen de quoy cestuy doit estre estimé le plus sage, lequel ignore peu de choses. Auquel endroit nature mere commune de tous se montre plustost ceste nostre marrastre, que vraye mere, pour ce que chascun en son propre affaire se trouue ordinairement assez moins aduisé, qu'en cestuy d'un autre. Qu'est a raison laquelle meut les medecins, & mesmes les plus experts, d'enuoyer querir des autres medecins, pour ordonner de leur maladie. Le Conte Baudouyn, donc (affin de ne trop nous esgarer) par la prudence de son conseil, & loyaute des autres ses bons vassaux, reprima l'orgueil & lasceté de ceux, lesquels au temps de sa minorité & en mespris d'icelle, s'auoyent leué les cornes, & s'estoyent contre luy rebellez. Ce faict il delibera edifier vn fort castel en sa ville de Berghes Saint Winoch. Mais il cangea tost apres de propos, fondant au lieu dudit castel vn excellēt & magnifique monastere a l'honneur de Monsieur Saint Winoch. Le mesme Baudouyn pour dōner a vn chascun a cognoistre, qu'il ne degeneroit aucunemēt de la pieuse deuotion de ses pieux predecesseurs, dōna plusieurs belles terres, reuenus & seigneuries, au monastere de Saint Pierre lēz Gād, dont sont encores lettres de l'an neuf centz quatre vingtz quinze. Comme aussi il fit des grands biens a l'eglise de Saint Bauon audict Gand. A laquelle il rendit a la requeste de Madame Ognie sa femme toutes les terres que par les guerres precedentes luy auoyent esté ostées, tant celles que estoyent situées sous l'Empire, que autres qui gisoyent dessous la couronne, il fut present avec grande noblesse a la translation qu'en l'an mil huit, se fit du corps de Monsieur Saint Lieuin en l'eglise de Saint Pierre audict Gand, laquelle se fit a la tresinstante requeste de l'abbé dudit Saint Sierre, appelle

Cestuy doit estre estimé le plus sage, lequel ignore peu de choses.

Chascun est mieulx aduisé en l'affaire d'autrui, qu'en sa propre.

Herem-

Le corps de S.
Macharis a S.
Pierrelés Gâd.

Le Conte Baudouyn dechassâ de Berghes les chanoines pour leur mauuaise vie.

Il dechassâ aussi les religieuses de Marchiennes a mesme occasion.

f. fol. 46.

Herenbaldus, il fit pareillement apporter audict monastere de Saint Pierre le corps de Monsieur Saint Macharis Archeueque ou Patriarche d'Antioche, lesquels reposent encores pour le present en ladicte eglise, & se monstrent journellement avec tresgrande solennité. Il donna a l'eglise de Tronchienes, vne belle relique d'vne dent de Monsieur Saint Iehan Baptiste en l'an mil vingt & sept, il chassâ hors l'eglise de Saint Martin a Berghes Saint Vvinoch, les chanoines qu'il y auoit, & ce a raison de leur mauuaise & scandaleuse vie & peu de deuotion & mit au cloistre qu'il auoit faict faire des religieux de Saint Bertin, auxquels il donna les biens desdicts chanoines, il chassâ pareillement hors le cloistre de Marchiennes les religieuses qui menoyent vne vie merueilleusement dissoluë, & mit en leur lieu des religieux de l'ordre de Saint Benoist, prenant ausdictes fins pour ayde & conseil, l'abbé du monastere de Saint Vaast, en Arras. En quoy neantmoins il faillit grandement, & ce pour la raison dessus plus ample-ment, reprinse.

Comment le Conte Baudouyn conquist sur l'Empereur Henry la ville de Valenchienès, en laquelle il fut depuis assiegé par ledict Empereur, Robert Capet Roy de France & Richard Duc de Normandie, & de l'admirable magnanimité d'ont ledict Baudouyn vsâ en la defence de ladicte ville.

CHAPITRE XXXV.



La ville de Valenchienès assiegée & prinse par le Conte Baudouyn. L'an M. cent, six.

LE preus & magnanime Conte Baudouyn a la Belle Barbe, peu après le trespas de l'Empereur Otho le tiers, assemblâ vne bien grosse armée, avec laquelle il marçâ en toute diligence (dont neantmoins je n'ay encores peu sca- uoir l'occasion) contre la ville de Valencienès. Laquelle il assiegeâ & pressâ de si pres, que apres plusieurs durs & cruelz assauts, qu'il liurat a ladicte ville, il en deuint finalement maistre, & entra par force en icelle ville, en l'an mil cent & six, le tout nonobstant l'obstinée deffense & merueilleuse resistance, que ceux de dedans luy firent pour quel-

quelque espace. Et cōme peu après il fut aduerty, que l'Empereur Henry le deuziesme, faisoit grād amas de gēs pour le recouurement de la dicte ville, mesmes que le Roy Robert de France & Richard duc de Normandie, assembloyent le plus de gens que leur estoit possible, pour secourir ledict Empereur: il fit semblablement de son costé, manir ladicte ville de gens de guerre, lesquels il cognoissoit de lōgue main, vaillants & loyaux: pouruoyant (au reste) icelle ville, de tout ce qu'il scauoit estre necessaire pour soustenir le trauail d'vn siege tant violent, qu'il se voyoit preparé & appareillé, mettant semblablement (ce pendant qu'il auoit loysir) ordre, a ce que ses autres villes & forteresses, mais principalement celles qui estoient situées sur les frōtieres de ses païs, fussent bien garnies, constituant en chascune d'elles, des bons & hardis capitaines, la vaillantise & loyauté, desquels il auoit autrefois experimété. Et scaichāt que le principal fais de la presente guerre, estoit apparent tomber sur ladicte ville de Valenciennes, il en entreprint luy mesme la garde & tution, se metāt en personne, (afin de donner meilleur courage aux soldats & habitants d'illec) dedans ladicte ville, aux portes de quelle, il constitua des bonnes gardes, ordonnant que les clefs d'icelles luy fussent journellement rapportées en son logis, & disposa de la reste du guet, selon qu'appertenoit a vn bon & prudent capitaine, ne commettant la charge d'iceluy (comme ordinairement l'on faict en plusieurs, places) a vn ras de manouuriers, portefais & autres semblables poures gens, ains aux riches citoyens & gens de bié. Car il n'ignoroit que la diligence de ceux cy, seroit d'autant plus grād & vigilante, que la crainte de perdre leurs biens & possessions, deuoit en eux estre plus vehemente que celle desdicts poures gens, lesquels a raison de leur poureté, ne desirent bien souuent autre chose, que changement de gouuernement & mutacion de l'estat & forme de la chose publique, dont ils esperent vne condition meilleure, & plus agreable. En somme il pourueut a tout d'vne dextérité nonpareille, & prouidence admirable, montrant par son exemple le soing, que tous Princes, capitaines ou gouuerneurs

Auelles gens
l'on doit
commettre le
guet d'vne ville
en temps de
necessité.

Le guet se fait
seurement en la
presence des
chefs.

Pratique &
invention de
Roy Alexandre
affin de ne se
laisser surmon-
ter du dormir.

Naturel des
grues commi-
s au guet.

De Côté Fan-
douyn souliet
en la ville de
Valencienes, le
siege del'Empe-
reur Henry, du
Roy de France
& du Duc de
Normandie.

neurs doiuent en temps de guerre auoir du guet, des villes, chasteaux, & forteresses a eux commises. Aussi devez vous entendre, qu'il est impossible que le guet se face plus seurement ou diligemment, que quand les chefs ou capitaines sont en presence, soit en vn camp, ou a l'enclos des murailles. Autrement vn guet peut de nuict profondement dormir, quand il cognoit que les chefs de guerre ont les yeux clos, & sont lasches & paresseus. Voila pourquoy le Roy de Macedone Alexandre, sur-nomme le Grand de crainte qu'il auoit d'estre trompe du dormir, faisoit ordinairement en temps de guerre mettre pres son liect vn bassin, & ayant son bras estendu hors du liect, tenoit en sa main vne boulle d'argent, affin que quand le repos lascheroit la vigueur de ses nerfs, le son de ceste boulle qui tomboit dedans ledict bassin, luy rompit son somme. Et croy que ce Roy vsoit de telle ruse a l'exemple des grues, entre lesquelles y en a qui veillent tousiours la nuict, & de crainte que le dormir ne les dechoiue, ont tousiours vn pied leué, duquel elles soustienent vne pierre, affin que s'elles venoyent a estre opprimées du sommeil, ladicte pierre chee sur le pied quy est estendu, & se resueillent, ou du son de la pierre, ou du coup d'icelle, quy les blesse en tombant. Or (pour retourner sur noz erres) le Conte Baudouyn apres auoir disposé de tout ce qu'estoit requis en vne ville apparente dattendre vn long siege, & plusieurs rudes & cruelz assauls, employa le demeurant du temps, a encourager les soldatz qu'il auoit mis dedans icelle ville, & mesmes les habitantz d'illec : lesquels tous d'une voix, promettoyent audict Conte tout' assistance a eux possible, l'assurant que jusques au mourir, ils ne le abandonneroyent jamais : mais peu apres ilz se trouuerent bien estonnez, lors quilz se visrent, & appercheurent estre enuironnez de trois Princes sy puissants, quilz estoient l'Empereur Henry, le Roy Robert, & le duc Richard, accompaignes d'un nombre de gens de guerre innumerable & presque infiny. Lesquels venus a la veüe de la dicte ville de Valencienes, s'estoyent desia campez autour d'icelle, appareillantz en grande

grande diligence toutes choses necessaires, pour approcher leurs belins ou montons, vignes, & autres engins de batterie qu'estoyent lors en vſage. En quoy ils n'espargnoyent aucun temps, ny trauail : a raison meſmes quilz ſcauoient, que la place eſtoit hors d'eſchelle, & que beſoing leur feroit de faire breſche, n'ayants aucun eſperance d'autrement paruenir a quelque appoinctement, ny au but quilz eſperoyent : car ils ſ'affeuroient que la meilleure gent de guerre de Flandre ſe feroit retirée pres leur Conte Baudouyn, & que ſelon la preuue, qu'autres fois ils auoyent faiſt de leur hardieſſe, ils eſtoyent pour ſouſtenir juſques a la mort, comme auſſy veritablement, & de faiſt eſtoit l'intention du magnanime Conte enſemble d'un bon nombre de ſoldats aguerris, deſquels il ſ'eſtoit au parauant, & de bonn'heure pourueu, & leſquels enhardirent & encouragerent le reſte du peuple craintif. A riſon de quoy peu apres que leurs tentes & pavillons furent drefſez, leſdicts Allemans, François & Normans, commencerent faire les trenchées, gabions, mantelets, & autres choſes propres pour rompre la muraille & forcher la place, laquelle petit a petit ils approchèrent de ſorte, qu'auant la fin du mois, (durant lequel ſ'auoyent d'un coſte & d'autre drefſé pluſieurs belles eſcarmouches) commencerent leur batterie, laquelle ils continuèrent ſy impetueuſement, & ſans aucune relafche, que quelques jours apres, il y euſt aucuns pans de mur abbatuſ. Leſquels neantmoins le vaiſſant Baudouyn reparoit ſans ceſſe, ordonnant lieux & cantons a ſes gens, tant de pied que de cheual, les vngs pour deffendre, les autres pour ſecourir : les vngs a jecter cercles, pots a feu, lances, grenades, & autres artifices : les autres a faire trenchées, jecter fauſe-trappes, & repouſer eſchelles, & neantmoins la multitude des ennemis qui vindrent a l'aſſaut, fuſt cy groſſe & exorbitante, qu'en ceſte premiere charge ceux de la ville eurent beaucoup d'affaires. Car le duc Richard y eſtoit en perſonne, animant ſes ſoldats a bien & virilement cōbatter, leur remonſtrant le gain certain & victorieux aſſeuré, veu le grād

Preparatifs
pour donner
l'aſſaut a la ville
de Valencienas.

Merueilleux
affair contre le-
dit Valencienes.

L'homme pro-
pose & Dieu di-
spose.

Assemblée des
capitaines &
principaux de
Valencienes,
pour aduifer a
la conseruatiō
de la ville.

nombre qu'ils estiont au respect de leurs ennemis. Qui fut la cause que le plus timide d'entr'eux print coeur, & delibera ou mourir, ou gagner. Et pour ce faire dressent eschelles doubles, les vns vont la teste baissée a la bresche, les autres montent les eschellons, le second pousse le premier, le tiers le second, l'un tombe, l'autre se releue, l'un s'auanche jusques a combattre main a main, il est repoussé, & sont tant d'autres mis a mort, qu'ils furent cōtraints abandonner pour ceste fois l'assaut de la ville, non sans incomparable perte de leurs gens, & eux retirer dans leurs trenchées: ce que toutesfois ils ne firent sans estre accompagnés d'une infinie de flesches, qui continuellemēt des murs de ladicte ville plouuoient sur leurs espaulles. Dont l'Empereur & ses cōfederez cuyderent desesperer, jurants qu'ils donneroyent a l'aduenir tels & tant d'autres assauts, qu'ils demoureroyent Seigneurs du lieu, voulsist fortune ou non. Mais souuent (comme lon scait) l'homme propose & Dieu dispose, selon que par la fin de cest' entreprinse, ledict Empereur & les siens, a leur grand' hont' & confusion, aucun temps apres, experimenterent. Lesquels cependant firent continuer par plusieurs jours l'assault de ladicte ville, mais a bien assailly, mieux deffendu, sy est ce que le Conte Baudouyn, & les siens commencerent en fin a douter de l'euenement de ceste guerre, & d'autant plus; que plusieurs des habitants de ladicte ville de Valencienes se rendoyent par leurs susurres & murmurations merueilleusement suspects, qui contraindoit ledict Conte Baudouyn de faire assembler le conseil des capitaines & autres d'icelle ville, non toutesfois a autre intention, que pour aduifer de l'ordre qu'on pourroit tenir pour faire cesser lesdits tumultes, ensemble pour consulter cōment pour l'aduenir on se pouroit plus seurement, & avec moindre dangier de leurs gés, deffendre & garder cōtre vn tel nombre d'ennemis, & tant resolu a leur ruyne & destruction. Les capitaines & gens de guerre mis en ladicte ville par le Conte Baudouyn, s'offrirēt volontairement a continuer en leurs premiers deuoirs, & a tenir bon moyennant qu'on fust assure de quelque troupe d'eslire de bour-

de bourgeois pour les seconder , & reffreschir au soustien des assauts. Les principaux des justiciers & marchés, comme moins experimentes au faict de guerre, & pourrât plus intimidez, vsérêt d'autre langage, remonstrants par la vive representation du dangier, qu'il estoit meilleur d'entêdre d'heur' a quelque accord, que de s'obstiner en vain contre vne telle & sy puissante forche: veu mesmes le peu de gens de deffense qu'ils auoyent) dont partie estoient desia blefsez & trauaillez) & que s'ils differoyent dauantage, la reste de la muraille iroit par terre , a la premiere batterie , & y viendroyent les ennemis la lance sur la cuisse, dont a la fin (quelque vertu que fust en eux) ils ne pourroyent durer sy peu contre tant, & seroyent tous mis a feu & a fang, par l'ire du cruel ennemy. En ceste diuersité d'opinions, le Côte Baudouyn, louá premierement & remerchiá tous les subiects, du deuoir que jusques lors ils auoyent faict a sa deffense, en laquelle consistoit celle d'eux mesmes de leurs femmes & enfans. Les asseurant que s'ils perseueroyênt encores quelque peu de temps, ils feroient perdre tout courage & esperance a leurs ennemis, lesquels ils voiroyênt se retraire bien tost a leur honte & confusion. Daultant mesmes que l'hyuer estoit desia sur mains, & qu'obstant le bon ordre, qu'il auoit par tout mis es villes & lieux circonuoisins, les ennemis n'auoyent lors moyen de recouurer viures, pour l'alimentation du nombre de gens, qu'ils auoyênt sy gros, & quasi infini. Et que s'ils rompoient ou desjoingnoient leurs forches, il trouueroit opportunité, moyennât l'assistance des garnisons, qu'il auoit laissées en la plus part de ses villes, de leur faire quelque notable & grand dommage, mesmes de les contraindre en fin a eux retirer. Nô obstant quoy que ceux qui parloyent d'appointemênt luy sembloient assez excusables, a raison de la timidité naturellement engrauee aux coeurs de ceux qui ne sont experimentez aux armes, & neantmoins s'il en y auoit de sy lasches, que rien ne les peut asseurer, que mieux seroit (ce qu'aussi de bon coeur il leur accordoit) qu'ils fortissent d'heure pour aller prendre le party, qu'ils conseilloyênt aux autres, sans infecter la reste des gens de bien par leur co-

Diuersité d'opinions touchât la conseruation de la ville de Valenciennes.

Proposition & aduis du Côte Baudouyn sur la diuersité d'opinions.

Propos: du Côte Baudouyn pour encourager ceux de la ville, & les induire a bien se deffendre contre leurs ennemis.

Les inexperiencez aux armes naturellement timides.

uardie. Autrement s'ils renouuelloyent tels propos, qu'il feroit informer sy diligemment des auteurs, que l'avarice seroit descouuerte de ceux, quy font porter la parolle aux innocents, dont ils attendent le prouffit, par les pratiques & intelligences qu'ils ont, es terres prochaines. Les Flamens & autres habitants dudit Valenciennes, furent grandement reconfortez par la magnanime remonstrance du vaillant Baudouyn, & crierent tous d'une voix. Viue le Conte, pour la defense de luy, nous n'espargnerons noz vyes. Au moyen de quoy cessèrent les susdictes murmurations & tumultes, & se mit chascun mieux que deuant en deuoir, d'executer ce que par le Conte Baudouyn & les autres capitaines, leur seroit ordonné. Si comme a faire force massifs de terre, avec poultries de pieces de bois a bouscher la bresche, a porter huyles, caues bouillantes, pierres, soulfres, & semblables matieres pour endommager l'ennemy, lors qu'il retourneroit a l'assaut. Ce qu'il fit le lendemain, & plusieurs jours ensuyuans, non toutesfois d'une telle viuacité qu'il auoit faict au commencement: pour autant que ledict ennemis, ayants cognu & a leur grand dommage experimenté, la vaillantise & prouesse des assaillis, venoyent aux assaulx plus par contrainte, (quy leur procedoit d'une vergongne du peu qu'ils scauoient gagner, sur les tenants) que par aucune esperance qu'ils eussent, d'y pouuoir acquerir, aucun honneur. Ce que cognoissants les chefs de ladicte armée, firent surcheoir les susdicts assaulx, taschant de raner ceux de dedans (par leur long siege & tant estroit) de sorte, que finalement ils fussent cōtraints de venir a aucun appointement. Mais ils se trouuerent non seulement deceus en ceste leur attente, ains ausly grandement estonnez, lors que (considerants l'hyuer estre desja a leur portes, & qu'a raison de ce, leur conuenoit avec sy petit fruit & honneur leuer leur siege) ils resolurent remettre la conqueste d'icelle ville de Valenciennes en vn'autre plus commodieuse saison. Et suyuant ce, partirent peu apres de ladicte ville avec grand' honte & heshonneur. Dont le Conte Baudouyn les capitaines & autres citoyens dudit

L'Empereur
Henry, le Roy
de France, & le

dict Valencienes remercièrent bien deuotement le tout puissant Seigneur, maistre & gounerneur des batailles, menans aulurplus la plus grand' feste & joye dont ils se pouoyent aduifer.

duc de Normā
die leuent leur
sieg & partent
de Valencienes
a leur grand
deshonneurs.

Comment l'Empereur Henry retourna avec grand puissance en Flandre, print le chafel de Gand, & puis se retirā en ses pais. Ou le Conte Baudouyn luy enuoyā Ambassadeurs pour paix, luy restituant la ville de Valencienes, & comment ladicte ville fut remise es mains dudit Baudouyn, lequel deuint hōme feodal de l'Empire, a cause des ysles de Zelande, que ledict Empereur luy donna avec autres singularites.

CHAPITRE XXXVI.



E Conte Baudouyn, apres le susdict tant heroique & magnanime exploict, & que sedit ennemis furent retirez de la ville de Valencienes, doutant le retour de l'Empereur, lequel il attendoit au printemps prochain, fit reparer les murs de ladicte ville, laquelle il fortifiā de sorte, qu'il esperoit la pouuoir garder, non que contre ledict Empereur, mais contre tout autre force & puissance. Dōt aduertit le susdict Empereur (lequel estoit encore grandement indigné, du deshonneur receu l'année passée) apres auoir rassemble, vne merueilleusement grosse armée, retourna vers Flādre, & faindant venir vers Valécienes, coup pā chemin, & tira droit vers Gand, ou il reconquist le chafel, que l'Empereur Ottho auoit auparauant fait fortifier & depuis remis es mains du Conte Arnould, dict le Vieil) selon que plus au long auez peu veoir en l'histoire du dict Arnould, auquel chafel ledict Empereur logea pour quelque temps, faisant ce pendāt brusser tout le pais circunuoisin, & y exercer toutes les cruaultez & hostilitiez, a luy possibles. Peu apres il retourna vers ses pais, menant quant & luy vn bien riche butin, & avecq grand nombre des plus nobles & principaux du pais de Flandre, qu'il auoit puis naguerres prins prisonniers. Ce que venu a la cognoissance du Conte Baudouyn (lequel ay moir

L'empereur
Henry prend le
chafel de Gād,
& retourne
en Allemagne
conduit avec
luy prisonniers
plusieurs no-
bles de Flāden.

extre-

Amour du Cō
te Baudouyn
vers les vassaux

Les raisons
mouuantes le
Conte Baudouyn de volon-
tairement resti-
tuer Valencienes
à l'Empereur
Outho.

La ville de Va-
lencienes réduite
au Conte Baudouyn, par
l'Empereur Outho, lequel con-
stitue ledict
Baudouyn son
homme feodal,
& luy donne
les yslles de
zelande.

Liberalité de
l'Empereur &
des Princes de
l'Empire.

extremement ses vassaux, & ne se laissoit aucunement maistriser par ses passions,) considerant le mal, & dommage qu'au moyen de la retention dudit Valencienes, luy pourroit & aux siens, par succession de temps, aduenir: mesmes qu'il auoit a faire a partie bien rude, delibera en soy mesmes de sonder la volonté dudit Empereur, & sy moyennant la restitution dudit Valencienes, il ne voudroit entendre a quelque bon appoinctement, & a vne paix inuio-
lable. A quoy il s'inclinoit d'autant plus volontiers, que ceste restitution faicte en temps, auquel ny auoit aucune apparence d'y pouuoir estre forché, & mesmes apres auoir effectuellement monstre, que toute la puissance de son ennemy, confortée par celles des François, & Normans, ne l'auoyent ad ce peu forcer ny contraindre, causeroit vne grand'obligation d'amour de ses subiects vers luy, & vne immortelle renommée de son humaine magnanimité, vers toute la posterité. Il enuoya doncques aucuns des principaux de ses païs vers ledict Empereur, avec charge de requerir son alliance, confederation, & amirie, luy offrant, moyennant ce la restitution dudit Valencienes. Dont ledict Empereur se trouua tant content & satisfait, que non seulement il luy accorda la paix & amitie qu'il demandoit, mais aussy apres auoir ordonné que tous les susdictes prisonniers fussent relaxez, fit & constitua ledict Baudouyn, à l'adueu & par aduis des Princes de l'Empire, son homme feodal, luy rendant ladicte ville de Valencienes, & outre ce, luy donnant les yslles de *WValchere*, *Noortbeuerlant*, *Borssle* & autres de *Zelande*. Dont se descouurent le bien & honneur, qui souuentefois procedent de la resistance qu'on faict a ses propres passions. En quoy aussy, ne conuient sy legierement passer la Royale & vrayement Auguste liberalité de l'Empereur & desdicts Princes de l'Empire, lesquels trop plus contents de la conqueste qu'ils auoyent faict du coeur & amitie du tresuietoricux Conte Baudouyn a la belle Barbe, que s'ils eussent gaigné toutes les possessions qu'il auoit, ne luy remirent seulement es mains ladicte ville de Valencienes, (pour laquell' ils estoient entrez en sy grosses, & oultrageuses despenses, & trauaux)

travaux) mais aussi l'enrichirent desdites ylls le faisant
 au surplus, leur homme feodal, & Seigneur de l'Empire, se
 persuadants (comme de fait est veritable) que quiconque
 possede le coeur des Princes, se peut effectivement dire
 & nommer, Seigneur de leurs terres & possessions. D'autre
 costé, fait pareillement & grandement a noter, l'admi-
 rable prudence, dont tant en la tuition qu'en la restitution
 dudit Valenciennes ledit Baudouyn vîa, lequel apres auoir
 monstre la magnanimité de son courage, moyennant
 laquelle il auoit fait teste a trois Princes tant puissants, fit
 offre de la susdicte restitution tant bien a propos, que sa
 grande liberalité prouqua ledit Empereur; a en vser
 vers luy d'un autre trop plus grande. Qui me contraint
 de sommierement, & en deux paroles toucher en ce pas-
 sage, de la vertu & propriété de ceste prudence, de laque-
 lle viennent journallement tant de commoditez, profits,
 & honneurs, a ceux lesquels desirent sa compaignie. C'est
 elle sans autre, laquelle les poëtes, sous le nom emprun-
 té de la deesse Minerue, non sans pregnante raison, attestet
 par leurs fables estre née du cerueau de Iupiter: denotâts
 par ce qu'elle prend sa source, de la pensée qui est en nous
 diuine. Par laquelle nous devons considérer toutes choses,
 & auoir les yeux intentifs & ouuerts par tout. Ce que vou-
 lants démonstrer les anciens peintres, tiroient l'image de
 ceste deesse en ceste sorte. Scauoir que son regard s'exten-
 doit sur toutes choses, mesmes qu'elle jectoit la veüe, sur
 tous ceux qui la contemplant. L'office d'un homme pru-
 dent est, de mesurer par raison droicte, tout ce qu'il pense
 & fait: de rien faire ny desirer en sorte que ce soit, fors ce
 qu'est juste, & honneste: de s'asseurer que tous faicts hu-
 mains doiuent estre guidez & conduicts a l'arbitre de
 Dieu, voirez regis & gouvernez par le conseil & prouiden-
 ce d'iceluy. Rien ne doit tourner en horreur, ny estre re-
 doutable a un homme prudent, le naturel duquel est de
 discuter en son courage les choses a venir, tellement que
 chose ne luy puisse aduenir qu'il luy soit importune & la-
 quelle il n'ayt premeditée. Le Conte Baudouyn donc (af-
 fin de continuer nostre pourjeté discours) ayant rapporté

Quiconque
 possede les
 coeurs des Prin-
 ces possede aus-
 si leurs biens
 & richesses.

Prudence
 du Conte Bau-
 douyn.

Louange de la
 vertu de pruden-
 ce.

Minerue née
 du cerueau de
 Iupiter.

La pensée en
 l'homme diui-
 ne.

L'office d'un
 homme pru-
 dent.

T de la

Guerre de Baudouyn a la belle Barbe contre le Conte de Hollande pour les ysls de zelande.

de sa susdicté prudence & magnanimité, le fruiſt & honneur qu'avez cy deſſus peu veoir, ietourná en ſa ville de Gand : ou ne luy fuſt loyſible de viure trop long tēps en paix, pour autant qu'il fuſt aduerty, que le Conte d'Hollande eſtoit deſcendu avec aſſez notable nombre de gens de guerre, es yſles de Zelande, que le ſuſdict Empereur auoit puis naguerres donné au Conte Baudouyn, & eſquelles ledict Hollandois pretendoit droit primitif, par le don, qu'au parauant en auoit a ſes predeceſſeurs Contes d'Hollande eſté fait, par Louys lors Roy d'Allemagne, & ſils de Louys le Debonnaire. Au moyen de quoy ledit Baudouyn, aſſemblá pareillement vne bonne troupe de gés, & apres pluſieurs rencontres & eſcarmouches, qu'eſdictes yſles il euſt contre le Conte de Hollande, il le chaſſá finalement hors d'icelles yſles, deſquelles de lors en auant, il demoura paſſible Seigneur & poſſeſſeur, tout le demeurant de ſa vie.

Comment Baudouyn a la belle Barbe practiqué le mariage de Madame Adele de France, avec Baudouyn de Lille ſon ſils, lequel depuis fut regent de France, & du treſpas dudit Baudouyn a la belle Barbe.

CHAPITRE XXXVII.

L'an M.
xxvij.

Mariage de Baudouyn le Debonnaire aſſis de Lille a Madame Adele de France.

L'an M.
xxx.

Baudouyn le Debonnaire tuteur d'Henry Roy de France

Les François font hommage a Baudouyn



En l'an mil vingt & ſept, le Conte Baudouyn affin de mettre ſes païs en plus grande ſeureté, practiqué l'alliance de Robert Capet Roy de France : lequel audiſt an vingt & ſept, donna en mariage Madame Adele ſa fille, a Baudouyn dict le Debonnaire, ſils dudit Baudouyn a la belle Barbe, & depuis Conte de Flandre, deſquels, les nopces furent tenues en admirable magnificence en la ville d'Amiens. Et peu apres ſi comme en l'an mil treynſte, ledict Roy Robert auant mourir declara par ſon teſtament, & nōma pour tuteur d'Henry ſon ſils (qui luy ſucceda en la couronne de France, & lequel eſtoit pour lors encore fort jeune) ledict Baudouyn le Debonnaire ſon beau ſils. Auquel apres le decéz d'iceluy Roy Robert les François (ſelō qu'appert par aucuns chroniques) firent tel hommage, & en la meſ-

mesme sorte, qu'on est accoustumé faire aux Roys de France: de maniere q̄ sy le petit Héry, mouroit sans hoir de son corps, ils le tiendroyent pour leur Roy, sans autre solenité faire. Et ce a cause de Madame Adele sa femme, laquelle ils jugeoyent la plus proche a la couronne, le tout directement contre la Loy Salique, de laquelle ils se sont toutefois, & de tout tēps vantez. Enuiron ce mesme tēps, se fit au païs de Fládre, en la ville d'Audenarde vne merueilleusement grand'assemblée, de tous les Princes prelatz & autres des estats dudict païs (dōt neantmoins je n'ay memoire d'auoir encores entēdu l'occasion) & affin que ce qu'ils auoyent entre mains fortist meilleur effect, tous les corps sainctz, reposantz au païs de Flandre furent par cōmandement du Conte Baudouyn apportez en ladicte ville. Et cōme la procession se deuoit commencer, sur le debat qui se meut touchant le preference desdicts corps Saints, fust par le Conte suyuant l'aduis des prelatz illec estātz, dict & ordonné que cestuy de Monsieur Saint Gherolf de Tronchiennes, comme Flameng naturel, precederoit, & seroit en ladicte procession porté le premier. Or ledict Conte peu apres, ayant bien vertueusement gouuerné le païs de Fládre enuiron quarante six ans, trespasā en l'an mil trente quatre. Dieu par sa grace en vucille auoir l'ame, car ce fut vn bon, discret & vaillant Prince, l'ouable & honneste, qui traictā bien & doucement ses subjects. Il ay mā la saincte paix, autant qu'autre Prince du monde, au moyen de quoy s'edifierent en Flandre durant son gouuernement plusieurs chasteaux, cloistres & eglises. Les terres se misrent a labeur, & viuoient ses subjects en grand repos & tranquillité. Il fust enterié en l'Eglise de Sainct Pierre lez Gand, s'oubs vne basse lamic, sur laquelle est escript ce que s'ensuit.

Hoc tumulo tegitur Balduinus maxima magni

Arnulphi proles, hoc tumulo tegitur.

Quem Susanna sibi, genuit Regina superbum,

Edidit & puberem quem Susanna sibi.

Maximus herōum Regali scemate prodit,

Vir virtute potens, maximus herōum,

T y

Defen-

le Debonnaire
a cause de Ma-
dame Adele sa
femme.
Respect de li-
gne feminine,
en la couronne
de France.

Assemblée des
estats de Flan-
dre en la ville
de Audenarde.

L'an M.

xxxiiij.

Trespas de Baudouyn a la belle Barbe.

Epitaphe dudict
Baudouyn.

CHRONIQUES ET ANNALES

*Defensor fuerat vel amator hic monachorum,
Ecclesiæ, Dei defensor fuerat.*

*Deceſſit medius trinas Iuny ante calendas
He he cito nimium, deceſſit medius.*

*Dicito prateriens, Ieſu miſerere miſelli
Dag, pius veniam, dicito prateriens.*

Qui ſigne en François.

*Sonbs ceſte lame giſt Baudouyn magnanime
Directement venu de grand Arnould ſublime,
Qui de Susanne fuſt engendré royne ſage,
Iſſu de ſang Royal, lequel en brief langage
Fuſt puiſſant en vertus, & d'un port heroicque
Des gens d'Eglis' auſſy fuſt amy magnificque
Des cloiſtres proteſteur la mort par trop cruelle
Le rauit aſſez toſt de la vie mortelle
Trois jours deuant le Iuing. Or que tout puiſſant prie
Que noſtre bon Saulueur aye de luy pitie.*

O V L T R E lequel Epitaphe ſ'en treuve encore vn au-
tre du meſme Baudouyn, eſcript contre le mur, quy eſt a
l'opposite de ladiſte lame, dont la teneurs s'enſuyt.

Autre Epitaphe
du dict Baudouyn.

*Iunius ante ſuas triduo cecidiſſe calendas,
Balduinum deſlet, quo patre mundus eget.
Ipſe fuit princeps Flandorum, ſiue monarcha
Inclitus & fortis, regibus ortis auis.
Fama præclarus, nulli pietate ſecundus,
Cuius opum nullus aut modus, aut numerus.
Nutriuit crues, inimicos terruit orbis,
Prenauit gladio, nec minus ingenio.
Cultor iuſtitia, corrector legis iniquæ,
Defenſor patria, filius Eccleſia.
Seuus & immanis, raptoribus atque ſuperbis:
Sed pius ac mitis, mitibus atque pijs.
Pulchrè barbatus, oculis vagus, pre venuſtus,
Pollens conſilio, blandus & eloquio.
Plorantes igitur nos te bone Chriſte precamur,
Deſuncto famulo propiciare tua.*

Lequel ainſi ſe peut interpreter.

Iuing lamente la mort de Baudouyn venue

Truës

Trois-jours deuant son regne: & d'autre part le monde
Regret auoir perdu son pere, auquel abonde
Toute perfection, & duquel secouruë

Toute personne estoit tousiours en sa misere.
Cont' & monarch' il fut de Flandre l'excellente
Illustre courageux, & tiré de descende
Du sang des puissants Roys, & tresnobl' & sincere.

Du grand renom duquel, plein est toute la terre.
Lequel soit en bonté, douceur, ou autre grace,
A personne ne ced', & quand a sa richesse
Elle fut & sans nombr', & sans fin, & sans ordre.

Il a long temps nourry ses vassaux en heureuse
Et abondante paix, ses ennemis farouches
Il a semblablement defaict, comme des mouches
Le tout par son esprit, & main victorieuse.

Il a tousiours esté zelateur de justice,
Diligent correcteur de toute loy inique,
Protecteur de sa terr' & defenseur unique,
Humble fils de l'Eglise & deuot & propice.

Contre les fiers, cruelz, & les abominables
Il s'a monstré selon & sans misericorde,
Mais aux doux & benignes, ennemis de chof' orde,
Gracieux il estoit, clement humbl' & affable.

Vne barb' il auoit longu' & tresbien seante,
Vne proportion de corps de bonne grace,
Avec les yeux rians, & vne belle face
Vn esprit fort subtil, & la langu' eloquente.

Parquoy nous te prions, o Iesus debonnaire,
Que ce seruiteur tien, preseruer il te plaise
De la mort eternelle, & ardante fournaise,
Le collocquant pres toy en ta celeste gloire.

AV PRES dudit Baudouyn gist Madame Ognie sa cō
paigne, laquelle finá ses jours au mois de Feburier en l'an
mil trente, & est son epitaphe tel.

Præteriens miserere mei, qui vis misereri

Atque mihi requiem tuâ, deposce piam.

Nona dies Martis me transtulit ante Calendas,

Odgonâ innuêa fui Balduino Demiro.

Vertus de Cōre
Baudouyn & la
belle Barbe.

Trefpas de Ma
dame Ognie de
Brabant fem
me du Conte
Baudouyn.

Epitaphe de la
dite dame.

Ce que tranſlaté en François ſignifie.

*Quiconque paſſ' icy prenant pitié de moy
Prie que repoſer je puiſſe ſans eſmoy
Neuf jours deuant le Mars de ce monde paſſá,
Odgne, que Baudouyn en ſon temps eſpouſá.*

EN la meſme chapelle guerres loing deſdicts Conte & Contefſe, eſt pareillement enterrée Madame Giſle ſœur de ladiſte Odgnie, la quelle fit en ſon téps pluſieurs grâds biens audiſt monaſtere de Saint Pierre, ou elle giſt ſoubs vne petite l'ame, ſur laquelle eſt eſcript ceſt epitaphe.

Epitaphe de
Madame Giſle
ſœur de ladiſt
Ognie de Bra-
bant.

*Fœmina virtutis iacet iſto Giſla ſepulchro,
Quæ ſub Apoſtolicis ritè patrocinijs.
Deceſſit, Iunij duodenas ante Calendas
Il luc tunc rediens, venerat vnde prius.*

Ce qu'ainſi ſe peut interpreter en rime Françoisſe.

*Giſle cy deſſoubs giſt de vertus bien pourueüe,
Quy mourut ſainctement ſoubs la foy Catholique,
Douze jours deuant Iuing, retournant ſans replique
Au lieu duquel premieres, ell' eſtoit deſcendue.*

Comment & pourquoy le Côte Baudouyn fit guerre a l'Empereur Henry, ſur lequel il prend la Conté d'Aloſt & de la paix qu'a ſon grâd aduātage ledit Baudouyn fit avec le ſuſdict Empereur.

CHAPITRE XXXIX.



L'an M.
xxxiiij.

Baudouyn de
Lille, aliàs le
Debonnaire,
pourquoy ain-
ſi appellé.

BAUDOUYN le Debonnaire, aliàs de Lille, emprint, apres le decez de ſon pere Baudouyn a la belle Barbe, le gouuernement de Flandre en l'an mil trête & quatre. Il ne fuſt que le ſeptieſme Conte de Flandre, encore qu'il ſoit ſur ſa tôte nombré pour vnziesme. Car Lyderic, Inghelran, ny les autres, ne furent Contes, ains foreſtiers dudiſt Flandre, cōme pourrez auoir cognu par noſtre precedent diſcours, il fuſt appellé de Liſle pour les fondatiōs qu'il fit illec, & qu'il fuſt enterré en ladite ville, mais le ſur nom de Debonnaire, luy fuſt acquis au moyen de ſes grâdes & excellentes vertus. Il fuſt marié, ſelon que cy deſſus auons deduiſt, a Madame Adele de Frâce, fille du Roy Robert, diſt Capet, de laquelle il euſt deux fils, leſquels ſuc-
cef-

reffluement ont depuis esté Contes de Flandre , scauoir Baudouyn de Mons, & Robert le Frison, & vne fille nommée Mehault, qui fust mariée a Guillaume duc de Normandie, & depuis Roy d'Angleterre. Il fut a cause de Madame Adele sa femme , tuteur & bail premierement du Roy Henry de Frâce, & apres de Philippe son fils dict le Premier, & en ceste qualité fut fait & creé regent de la couronne de Frâce, a raison de quoy, ne conuiét douter, qu'il n'ayt en son tēps eu plusieurs grâdes affaires audict royaume de France, encore que les histoires dudit France n'en fassent guerres de mention. Au commencement du regne de ce Baudouyn , la Royne Emme vefue de Cunet Roy d'Angleterre & fille du duc de Normandie, esguillonée du bruiet qui par tout voloit de l'humanité & courtoisie dudit Baudouyn, se retira en refuge vers luy, lequel la receut mout benignemēt, luy faisant toutes les caresses, honneur & bon traictement, dont il se pouuoit aduiser, & l'entretint en ceste sorte trois ans cōtinuels en sa ville de Gād & jusques a ce qu'estant aduertie du trespas du Roy Harroilus d'Angleterre son beau fils, lequel l'auoit enchassée avec ses deux enfans hors dudit Anglaterre, elle retourna audict royaume, ou ses enfans regnerēt depuis biē bon n'espace. Aucun temps apres, sicomme en l'an mil quarāte L'an M. six se meut vne merueilleusemēt grād' guerre entre l'Em-
 pereur Henry dict le Tiers, & Baudouyn le Debōnaire Cōte de Flādre, qui durā longuemēt & causā plusieurs maux audict païs de Flandre, encore que je n'aye souuenāce d'auoir trouuē le motif & occasion d'icelle guerre, sy ce n'est le parentage & alliance mutuelle qu'estoit entre ledit Baudouyn, & Godefroy Duc de Brabant sur nommé le Hardy fils de Gocelon, fils de Godefroy d'Ardēne, qui fust marié a Madame Mehault grand'mere de Baudouyn a la belle Barbe, & lequel Godefroy audict temps estoit en mortelle guerre cōtre ledit Empereur Hēry, a raisō qu'il luy refusoit la duché sur Mezelle, q̄ Gocelō son pere auoit tenue avec ladite duché de Brabāt. Laquelle duché neantmoins, il reduiēt assez tost sous son obeissance, & occist le duc Olbert, qui occupoit ledict païs. Cōme aussy d'autre costē, le Conte

Les enfans de
 Baudouyn de
 Lille.

La Royne Em-
 me Douagiere
 d'Angleterre
 vient en refuge
 vers le Conte
 Baudouyn qui
 la receut & en-
 tretient hu-
 mainement.

Guerre entre
 Baudouyn &
 l'Empereur
 Henry.

Conte

Brachantum
maintenant
Eeuham.

Chastel en Au-
denarde.

Conte d'Alost a
Flandre.

Contes sans
queue.

Le chastel de
Gand assié-
gé par le Côte Bau-
douyn.

Lambert pre-
mier viscôte &
chastelain per-
petuel du cha-
stel de Gand.

Le Conte Bau-
douyn fait
Gand liene.

Côte Baudouyn molestoit grandement ledi&t l'Empereur
es terres qu'il auoit guerres loing de la ville d'Audenarde,
& signamment en celles qu'estoyent situées entre les ri-
uieres de l'Escault & la Teure, qui pour lors se nommoient
Brabant, & sont les mesmes que maintenant nous appel-
lons la Conte d'Alost, lesquelles toutesfois n'estoyent des
appertenances de Brabant, ains de celles de Lorraine. Au-
quel pais ledi&t Baudouyn exploicta tellement qu'il print
& ruyna le chastel d'Eenham appellé Brachantum, en la
ruyne duquel chastel il fit depuis edifier vn monastere de
moines noirs, & pour tenir ladi&te terre en subjection, fit
faire vn autre chastel en la ville d'Audenarde. Brief, il be-
soingna de sorte qu'il s'inuestit de tout le susdit pais, lequel
annexé a son d'omaine, marcha en grande diligence con-
tre le chastel de Gand, qu'auoit au temps de Baudouyn a
la belle Barbe, esté prins par l'Empereur Henry le secôd, &
lequel tenoit encore pour lors le party dudit Héry le tiers.
A la garde duquel se commettoient ordinairement des
grands personages, qu'on appelloit Côtes san queue, côm-
me auoient esté, les Contes Wycmannus, Lambertus, &
autres, & s'appliquoyent a l'entretenemēt dudi&t chastel,
les iiii. villes subsequētes: scauoir, Axelles, Hulst, Bochout,
& Assenede. Le Conte Baudouyn venu deuant ledi&t cha-
steau, fit asseoir son camp entre Lys & l'Escault en la mes-
me place, ou la ville de Gand est presentement située, &
en laquelle ny auoit lors autre chose que vne bien petite
chapelle consacrée au nom de Saint Iean. Et apres auoir
tenu quelque espace de temps son siege, deuant ledi&t cha-
steau, il le renga finablement a son vouloir, estant a ce
aydé par la subtilité d'vn gentil homme nomme Labert,
lequel en recompense du susdit bon seruice, le Conte
Baudouyn fit & crea premier viscôte chastelain perpetuel
d'iceluy chastel. Sy commença delors la ville de Gand a se
multiplier, & croistre en edifices, a raison melmes que le
Conte Baudouyn ostant dudi&t Gand, plusieurs seruitu-
des, la soulagea de beaucoup d'autres charges que le Côte
Arnould y auoit mises, & fit ladi&te place liene. Laque-
lle par succession de temps est tellement augmentée, que
l'on

Gand des plus
grâdes & mag
nifiques villes
de l'Europe.

Descente de
l'Empereur
Heynric en Fla
dre.

Le Côte Bando
uyn pour em
pêcher la ve
nue de Lemp
reur, au vvest
quartir, faict en
trois jours fai
re vne fosse de
l'estendue de
trois lieues.

La ville de Ver
dun brûlée
par les Flamés.

l'on peut pour le jourdhuy la mettre au rang des plus am
ples & magnifiques villes de toute l'Europe. D'autre coste,
l'Empereur Henry aduerti du damage, que le Conte Bau
douyn luy auoit fait, & des places que sur l'empire il auoit
conquises, fit assembler le plus de gens que luy fust possi
ble, avec lesquels marcha en grande diligence vers le pais
de Flandre, prenant son chemin par Arkes pres de Saint
Omer en intention de descendre d'illec au *Vvestquartier* de
Flandre: mais le Conte, qui ce pendant ne dormoit, ains
auoit continuellement les oreilles dressées pour toutes
aduenuës, se doutant de la deliberation de l'Empereur, y
preuint & remedia par trenchées & fosses, que d'une d'ex
terité merueilleuse, & diligence incroyable il fit faire en
moins de trois journées, lesquelles se peuuent encores au
jourd'hui veoir de la longueur & extendue de trois lieues
ou enuiron, tellement qu'obstant le brief & bon ordre que
ledict Baudouyn mit a fossoyer comme dessus, la descente
dudict Empereur au *Vvestquartier*, ne fust seulement em
pêchée, mais (que plus est) fust ledict Empereur contraint
soy retirer dudict pais assez plus hastiuement, qu'il n'y estoit
descendu. Auquel aussi ledict Baudouyn, secondé du sus
dict Duc de Brabant (lesquels pour semblable accident a
uoient leurs gents prests & appareillez) chaufférēt les espe
rons de si pres, que ladicte retraicte ressembloit trop mieux
vne vile & honteuse fuite, que tout autre chose. Et qu'ainsi
soit, ils entrerent en poursuivant ledict Empereur dans la
ville de Nymweghe, ou ils brûlérēt sans aucun contredit
ou resistance le palais d'iceluy Empereur. Et de ce non cō
tents, entrerent peu apres en la ville de Verdun, en laquel
le ils mirent semblablement le feu, lequel fust tant vehe
ment, qu'il ne fust possible d'exemter de la violence d'ice
luy la grande eglise de nostre Dame estant audict Verdun,
laquelle pourtant avec ladicte ville fust arsée & cōsummée.
Ce sont les liurées & fructs des guerres q̄ les Princes Chre
stiens s'entrefont, lesquelles neantmoins, & avec assez meil
leur raison ils deuroient conuertir contra les Turcs, a l'a
bolition de leur malheureuse loy & creance, & exaltation
de nostre sainte & vraye religion. Dieu quand son bō plai
sir le

Les Princes
Chrestiens re-
pris a raison
des guerres qui
s'entrefont &
lesquelles ils
deuroient co-
operer contre le
Turc.

sur le portera, les inspirera autrement, & leur mettra de-
vant les yeux, & le blame & le chastoy qu'ils meritent, en
consumant leur forces & les appliquant a l'effusion du
sang Chrestien, lesquelles ils sont obligez d'employer a la
ruyne des mescreants pour l'assurance & conseruation
des fidels. Pour retourner donc a nostre propos, le Conte
Baudouyn & le Duc de Brabant, apres le susdict exploit
execute de la rigueur qu'auz entendu, retournerent cha-
cun en leur quartier, bien deliberez de mettre pour l'adue-
nir vne telle & si puissante armee sus qu'ilz auroyent moyen
de faire teste audict Empereur, & a ses adherents: de sorte
que vers les termes & le chemin que la susdicte guerre sem-
bloit prendre, on ne pouuoit attedre, qu'une assuree desola-
tion, & ruyne manifeste de tout le pais si Dieu par sa mise-
ricorde ny eust remedié: lequel a cest effect, suscita le Pape
Leon le neuuiesme qui lors presidoit au saint siege Aposto-
licque, & auquel ces seditiós & tumultes entre les Princes
Chrestiens, reuenoyent merueilleusemēt mal: & non sans
cause: car il consideroyt que par le moyen d'icelles, les for-
ces des aduersaires de nostre foy se nourrissoient, avec grā-
de diminutiō & affoiblissement des nostres. Qui fust la cau-
se, que pourtant mieux, & plus commodieusement y ob-
tenir, le bon saint pere & vigilant pasteur, descendit vers
l'Empereur. Et apres auoir dispose le coeur & volonte d'i-
celuy a toute bonne paix accord, & tranquillite il s'adres-
sa audict Godefroy Duc de Brabant, lequel il persuada tel-
lemēt, que s'estant accordé avec ledict Empereur Henry, il
renonça a toute l'amitie, confederation, & alliance, qu'il a-
uoit jusques lors eue & gardée audict Baudouyn. Au cer-
ueau duquel, ne fust oncques possible audict Saint pere,
d'enfoncer aucune volonte de paix ou appointement. Tāt
estoit grand le mal talent qu'il auoit conceu cōtre le susdict
Empereur, lequel aduerty & grandement indigné, de l'ob-
stinée inimitie que le Conte Baudouyn luy portoit, enuoyā
peu apres vne grande armee vers le pais de Flandre, moyē-
nant laquelle il prinst beaucoup de nobles & autres gens de
bien de Flandre prisonniers. Toutesfois par l'entrepayer &
intercession de plusieurs Princes & grands varons, tāt d'un
costé

costé que d'autre, l'on conceut finalement vne certaine forme de paix entre ledict Empereur & le Conte Baudouyn, laquelle peu apres fust confirmée & ratifiée par iceluy Empereur, en la ville d'Aix en Allemagne en l'an mil quarante neuf, & suyuant le traicté d'icelle paix: les prisonniers que dessus, furent rendus sans aucune rançon au Conte Baudouyn, lequel l'Empereur a l'heure mesme fit son homme de fief, luy accordant & donnât toute la terre qui se d'ct maintenant la Conté d'Alost, ensemble les quatre mestiers, les ysses de Walchere, Noortbeuelandt, Zuutbeuelandt, Borssele, & tout ce qu'est entre Hedinzee & l'Escault, desquelles le Conte luy fit aussi hōmage, promettant les tenir pour luy, & ses successeurs perpetuellement, en fief & hommage de l'Empire.

Paix entre l'Empereur Henry, & le Conte Baudouyn.

L'an M. xlix.

Terres données par l'Empereur Henry au Conte Baudouyn pour les tenir de l'Empire.

De la conqueste d'Hainault faicte par le Conte de Flandre, ensemble des guerres qu'il eust, contre ceux de Brabant, & contre l'Empereur Henry, & de la fin desdictes guerres.

CHAPITRE XL.



RAUDOUYN le Debonnaire, apres la paix telle que dessus, faicte & cōtraictée avec l'Empereur Henry le tiers, si grandement a son auantage, se retirâ en son pais ou il demourâ pour quelque temps paisible, & sans aucun tumulte de guerre: ce que neantmoins durâ bien peu, pourautât qu'ayant entendu le trespas de Herman Conte de Hainault, lequel aduint en l'an mil cinquante & vn, il entreprint la conqueste dudit pais d'Hainault, je ne scay toutefois qu'el pretext & a quelle occasion. Tant y a qu'il eust incontinent mis sus vne bien belle armée avec la quelle il entra audit pais, lequel il reduict facilement & en petite espace, sous son pouoir, & obeissance. Ce faict pour donner meilleur couleur a l'vsurpation par luy faicte de ladicte Conté de Hainault: il prâ à ce qu'il le mariage de Madame Richilde, a laquelle ladicte Côte appartenoit en propriété, & qui pour lors estoit veufue dudit Herman, avec Baudouyn son fils aîné, leq̃l deslors il fit appeller Baudouyn de Mons. Auquel mariage neantmoins Enghebert Euesque de Ca-

L'an M. li.

Le Côte de Flandre entreprend la conqueste de Hainault.

Mariage de Baudouyn de Mons & Madame Richilde de Hainault.

V ij

bray

Le Pape Leon.

Le Conte Baudouyn mit son
sege deuant la
ville d'Anuers.

L'Empereur Héry
est mal con
tent du maria-
ge de Baudouyn
de Mons
avec la contesse

bray s'oposa, a raison de la proximité de linage qu'il mainte-
noit estre eux, & pour autant, que nonobstant la dicte oppo-
sition, ils ne voulurent consentir au diuorce qu'il auoit or-
donné estre fait dudit mariage, il les excommuniâ. Mais
le Pape Leon qui estoit oncle de Madame Richilde les dis-
pensa, leur donnant absolution de ladicte excommunica-
tion, comme plus au lon recitent Alberic & autres chroni-
ques. Toutesfois je ne scay qui fust ce Leon, ny mesmes com-
ment il pouuoit estre oncle de ladicte Richilde. Veu prin-
cipalement qu'il estoit Alleman, & auparauant estre par-
uenue a la supreme dignité, appelé Bruno Euesque Tullen-
sis, homme simple & de bonne vie, & lequel par le moyen
de l'Empereur Henry, fust pourueu de la susdicte dignité,
contre son gré & volonté, & neantmoins fit depuis beau-
coup de biens a l'eglise de Romme. Or ledict mariage ac-
comply, le Conte Baudouyn ne fust plustost retourné en
Flandre, queluy vindrent lettres, par ambassadeurs que luy
enuoyoit le Duc Godefroy de Brabant, avec lequel en cō-
tractant la susdicte paix, il auoit renouuellé son ancienne cō-
federation & alliance, & suyuant laquelle il fut requis de la
part dudit Godefroy, de luy prester secours contre Ferry,
fils de Frederic, jadis Duc de Brabant, lequel occupoit en
Lorraine & Brabant, plusieurs villes a luy par l'Empereur
données. Pour a quoy satisfaire, le Conte Baudouyn dressa
de rechief vne assez bonne armée, avec laquelle jointe a
celle dudit Godefroy, ils se camperent deuant la ville d'An-
uers, en laquelle ils assiegerēt ledict Ferry. Mais comme ils
furent aduertis, que les Brabançons faisoient vne merueil-
leusement grosse assemblée, pour en faueur dudit Ferry,
faire leuer ledict siege, ils se partirēt d'illec, & retourna chas-
cun deux respectiuelement & sans rien faire, en son quartier.
Toutesfois assez tost apres, moyennāt le trespas dudit Fer-
ry, le Duc Godefroy deuint seigneur & maistre de tout ce
qu'il auoit possédé. Ce pendant le susdict Empereur Héry
dict le tiers estoit empesché en Lombardie, lequel de retour
en Allemagne, grandement indigné du mariage de Bau-
douyn de Mons, & de la Contesse Richilde, fait & cōtrai-
cté en son absence, sans son sceu & adueu, assembla grand
ost &

ost & vint en grosse puissance vers Hainault. An moyen de quoy le Conte Baudouyn estonné d'une si soudaine, & non premeditée surprinse, enuoyá en toute diligéce vers le Duc Godefroy pour assistance, lequel y entendit d'autát plus volontiers que ledict Empereur par la detentió d'aucunes places, que puis naguerres il auoit prins en Lombardie, appartenantes audict Duc Godefroy, luy auoit donné nouuelle matiere de desdain & mescontentement. Qui fut la cause, que de tout son pouoir il assista & fauorisa cõtre ledict Empereur, le susdict Baudouyn. Lequel en intention de tirer l'Empereur hors du país d'Hainault, & de chasser la guerre hors ses país, entra avec bonne partie de ses forces au país de Liege, ouquel il print la ville d'Hoye, laquelle il desmolit & brusla, dõt l'Empereur assez plus irrité qu'au parauát, laissant le país de Hainault, auql il estoit entré vint contre l'opinion du Conte Baudouyn en cestuy de Flandre, & passa la riuere de l'Escault, gasta tout le país circumuoisin, & s'estant rencontré avec Lambert, que le Conte Baudouyn auoit (comme dict est) constitué premir Visconte de Gand, & auquel il auoit laissé partie de son armée, occist ledict Lambert, & rua jus la meilleure part des Flamens qui estoient sous sa charge, poursuyuant le demeurant jusques a la ville de Tournay, qu'il assiegeast, print & saccageá, & apres y auoir laissé bonne & suffisante garnison, se retira en Allemagne, grandemét enrichy du butin qu'il auoit fait en Flandre & menant avec luy bon nõbre de nobles, bourgeois, marchans, & autres gens de bien dudit país. Ou arriué, il trespassa tost apres en l'an mil cinquante six : & en son lieu fust esleu, fait, & crée, Empereur Henry le quart son fils: deuant le couronnement duquel fust en l'an mil cinquante sept, tenu en la ville de Coulongne vn concil general, pour appaiser les differents des Princes de l'Empire, auquel assista en presence nostre Saint pere le Pape Victor, par l'intercession duquel lesdicts Baudouyn Conte de Flandre, & Godefroy Duc de Brabant furent receus en grace du nouuel Empereur. Au moyen de quoy cessèrent toutes guerres & hostilitéz, & se fit vne bonne & desirée paix : par laquelle ledict Empereur, dona, ceda, & transporta tout le

d'Hainault & pour ce recommence la guerre contre Flandre.

Entrée du Conte de Flandre au pays de Liege & la Prise d'Hoye.

L'Empereur Henry deffait les Flamens que estoient sous la conduict de Lambert Visconte de Gand.

L'an M. lvi.

L'an M. lvij.

Cocile general a Coulongne pour appaiser les differents des Princes de l'Empire.

L'empereur Héry
ordonne son
droict qu'il a
en la ville &
Conté de Tour
nay a Baudouyn de Mons.

Paix entre l'Em
pereur Héry le
quart, & le Côte
Baudouyn.

Le Côte de Flá
dre faict hom
mage a l'Empe
reur des terres
qu'il tiét sous
l'Empire.

droict qu'il pouoit pretédre en la ville & Conté de Tournay a Baudouyn de Mons, fils du Conte Baudouyn de Fládre, & laquelle auparauint luy auoit esté donné par le Pape Estienne huitiesme ou neufiesme de ce nom. Et outre ce, le Côte Baudouyn le Debonnaire rerint par icelle paix, toute la terre qu'est située entre l'Escault & la Teure, ensemble le chastel de Gand avec tout le país qui gist entre l'Escault & le Honte, depuis la fosse appelée Ottinghe jusques deuant Anuers, y joindant les Ysles de Zelande que l'Empereur Henry le second auoit donné a Baudouyn a la Belle Barbe : dont le Conte Baudouyn le Debonnaire fit audiét Empereur Henry le quart au jour de son couronnement, hommage en sa ville de Coulongne, audiét an mil cincquante sept.

Comment le Conte de Flandre se transportá a Tournay pour illec faire recevoir Baudouyn de Mons son fils pour Conte et Seigneur Et comment lediét Conte de Flandre fut iteratiuement a cause de Madame Adele sa femme crée tuteur et regent de France.

CHAPITRE XLI.

L'an M.
lix.



Des choses susdictes ainsi executées, le Conte Baudouyn de Flandre retourná en son país, & en l'an mil cincquante neuf se mit en bel equipage & tirá vers Tournay, ou le Conte Baudouyn de Mons fut receu en gráde magnificence pour Conte & Seigneur, au grand contentement de ceux de ladiète ville, & mesmes des suppostz fortifians sous icelle, le tout suyuant la susdicté donnation, que luy en auoit faict le Pape Estienne, & moyennant l'agregation dudiét Empereur Henry le quart, les solennitez susdictes acheuées, & accomplies toutes les ceremonies qu'a la joyeuse entrée de quelque Prince, l'on est accoustumé faire : le Conte Baudouyn le Debonnaire, avec Baudouyn de Mons son fils, tirèrent vers Cambray en grand triumphe, ou ils sejournerent pour quelque temps & assisterent aux nopces que illec furent solennisées en merueilleuse pompe d'entre Eustace Conte de Boulongne &

ne & Madame Yde fille de Godefroy Duc de Brabant, & mere de Godefroy de Buillon duquel cy apres sera parlé. Assez tost apres sicomme en l'an mil soixante morut Henry Roy de France, lequel auoit esté sous la tutele & gouuernement de ce Conte Baudouyn le Debonnaire : & lequel par ordonnance & derniere volonté dudit Roy Henry, fust iteratiuement (comme le plus proche a la couronne, a raison de Madame Adele sa femme) cõmis, & constitué bail, tuteur, & mambour, de la personne & biens de Philippe, fils d'iceluy Henry, & depuis Roy de France. Et en la susdicte qualité, les Princes & barons de France, firent hõmage audit Baudouyn le Debonnaire, consentãts & promettants, que si ledict Philippe mouroit sans hoir de son corps, ils tiendroyent ledict Baudouyn pour Roy de France, sans aucune vltérieure solennité. Au moyen de quoy, & en signe de ce, le Conte Baudouyn le Debonnaire, s'attitula depuis tousiours en ses lettres en ceste maniere, *Balduinus Comes Flandrie Marchio, et Philippi Francorum Regis, eiusque regni procurator et baiulus.*

Le Conte Baudouyn tuteur de Philippe Roy de France, & regent dudit France, a cause de Madame Adele sa femme.

Respect de ligne feminine en la couronne de France.

Comment le Conte de Flandre Donne en mariage Madame Mehault sa fille, au Duc de Normandie, lequel il assiste a conquerre le royaume d'Angleterre, et d'autres choses singulieres.

CHAPITRE XLII.

SN l'an mil cinquante trois Guillaume le Bastard Duc de Normandie, vint en tresbel ordre & equipage au païs de Flandre, pour en personne demander en mariage du Côte Baudouyn de Lille, Madame Mehault sa fille, laquelle luy fust accordée, & furent les nopces celebrées avec toute la magnificence, pompe & triumphe que la grandeur de leur estat pouuoit permettre, & requerir, & eust ledict Guillaume de Normandie de ladicte Dame Mehault, trois fils & quatre filles, dont l'aîné appelé Robert fut apres luy Duc de Normandie, & alla avec Godefroy de Buillon en la conqueste de Hierusalem: le second fut Guillaume, dict le Roux depuis Roy d'Angleterre, & le tiers Henry, qui apres la mort dudit Guillaume le Roux

L'an M. liij.

Mariage de Madame Mehault de Flandre, avec le Duc Guillaume de Normandie.

Des enfans qui vindrẽt dudit mariage.

La noblesse de
la maison de
Flandre.

Le Conte Baudouyn va en
personne a la
conqueste du
royaume d'An
gleterre en fa
ueur du Duc
de Normandie
son beau filz.

le Roux fut pareillement Roy d'Angleterre, la premiere fil
le fut abbessse de Caen: la deuxiesme fut mariée au Duc de
Bretaigne, la tierce fust promise a Harald, qui depuis vsur-
pá le royaume d'Angleterre, mais il ne l'espousá pas, pour-
quoy elle fut mariée a Estienne Conte de Chartres, la qua-
trieme fille fut mariée au Conte de Bloys, de laquelle en-
tre autres enfans yssit Thibault qui fut Côte de Chápaigne
& Estienne Côte de Mortaigne & de Boulógne, & depuis
Roy d'Angleterre, lesquelles genealogies je deduiets volun-
tiers, affin de mettre deuát les yeux d'un chascú la gráde no-
blesse de la maisón de Fládre, & les puissants Princes, qui d'i-
celle sôt descédus. Peu apres le mariage dudiect Guillaume
de Normandie avec Madame Mehault de Flandre, le Roy
Edouart d'Angleterre trespassá: mais auparauant, estant en
son liect mortel il nomma pour son vray legitime & plus ap-
parent heritier, lediect Bastard de Normandie, lequel estoit
son cousin germain. Nonobstant laquelle declaration du-
diect Edouard, & mesmes sans prendre regard, a ce que par
son testament il auoit laissé lediect royaume d'Angleterre
audiect Guillaume de Normandie: Harald beau fiere de
la Roynce Douagiere d'Angleterre, (lequel auparauát auoit
par serment promis au Duc Guillaume de Normandie,
qu'apres la mort du Roy Edouard, il l'assisteroit a conque-
re la couronne d'Angleterre) faulánt sa promesse & sa foy,
vsurpá lediect royaume. Dont le Duc Guillaume aduertty,
enuoyá pour secours & assistance vers Baudouyn le Debó-
naire son beau pere, faisant ausurplus le plus gros amas de
gens, en toutes ses terres & seignories dont il se pouuoit ad-
uiser. Le Conte Baudouyn d'autre costé, resolut se trouuer
en personne a ladiete conqueste, & fit a cest efect, en quali-
té de regent de France assembler au royaume, toutes les
forces a luy possibles, n'oubliant ce pendát de faire le sem-
blable, en Flandre, Hainaut, & ses autres païs de pardeça,
de sorte qu'en peu de temps, il leuá vne infinité de gens, la
pluspart desquels estoyent aguerris & exercez au faict des
armes. Mais avant partir, scaischant qu'il estoit mortel,
voulut pourueoir aux qu'estions qu'autrement il doutoit,
deuoir yssir apres sa mort, entre Baudouyn de Mons, & Ro-
bert

bert ses fils. Mesmes d'autant plus qu'il cognoissoit le naturel de Baudouyn de Mons son fils aîné estre doux, pacifique & debonnaire: & qu'au contraire ledict Robert son fils maisné, estoit rusé, ingenieux, & de grande entreprinse. Au moyen de quoy il fit assembler en sa ville d'Audenarde tous les prelates, barons & hauts homes de Flandre: en presence desquels, apres auoir assigné audict Robert pour sa portion & droict de partage, la Conté d'Alost, les quatre mestiers & les ysls de Zelande, & que auparavant il auoit practiqué le mariage d'entre iceluy Robert, & Madame Ghertrude vesue de Flores Conte d'Hollande, il fit promettre audict Robert & jurer que jamais pour quelque occasion que ce fust, il n'attenteroit rien au prejudice de son frere, ny de ses successeurs, sur le pais & Conté de Flandre. Ce que ledict Robert promit, & par serment solennel accorda & cōfirma, encores que depuis il ne tint aucune chose de sondict serment, selon que voirez en poursuyuant ceste histoire. Or le Conte Baudouyn, apres auoir mis tel ordre en ses affaires particuliers, se mit en chemin, & s'estant depuis joinct auec le Duc Guillaume son beau fils passerent ensemble au royaume d'Angleterre, ou ils eurent plusieurs dures & dangereuses rencontres. Et neantmoins ledict Guillaume occist finalement en camp de bataille ledict Herold vsurpateur d'iceluy royaume, mettât en desarray & desconfiture tous ses cōfederez & adherets. Exploitant ausurplus moyennant l'ayde & support du Conte de Flandre, tellement qu'il demeura paisible dudit royaume, dont il fut couronné Roy en l'an mil soixante sept. Depuis lequel temps la couronne d'Angleterre a tousiours jusques a present demeuré en la lignée de ce Duc Guillaume de Normandie: lequel en recognoissance du grand bien, que par le moyen du Conte de Flandre, & des Flamens, qui l'accompagnerent en ladicte conquete, il auoit receu, donna au susdict Baudouyn & a ses successeurs Contes de Flandre, & eternellement, & par forme de pension, trois centz marcs d'argent par an, pour le faict de laquelle yssirent depuis plusieurs debats entre les Contes de Flandre, comme vous sera declaré cy apres.

Assemblée des
estats de Flan-
dre a Audenar-
de.

Le Conte Bau-
douyn auant
son partement
pour Angleter-
re faict partage
entre ses enfans
& faict jurer a
Robert le Fris-
de ne jamais
rien attenter en
la Conté de
Flandre contre
son frere ny ses
successeurs.

Herold vsur-
pateur du roy-
aume d'Angle-
terre occis.

L'an M.
lxxvij.

Le Roy d'An-
gleterre donne
trois cents
marcs d'argent
de pension par
an aux Contes
de Flandre, sur
le royaume du
dict Angleterre

CHRONIQUES ET ANNALES

De la grand peste qu'au temps du Conte Baudouyn regnâ en la ville de Gand, d'aucuns monasteres & eglises par luy edifiées, & d'autres particularitez, ensemble du trepas dudit Conte Baudouyn.

CHAPITRE XLIII.

Peste en la ville de Gand.



Saint Machaire a Gand.

Prodige en Flandre.

La ville de Lille murée & fortifiée par le Conte Baudouyn.

E treuve par aucunes vieilles & authentiques chroniques de Flandre qu'au temps du Conte Baudouyn le Debonnaire, regnâ en la ville de Gand vne pestilence tant infectée & merueilleuse, que mourroyent tous les jours plus de six cents personnes, de sorte qu'on n'auoit jamais auparauant veu ny ouy parler d'une telle mortalité audict pais de Flandre : laquelle neantmoins, par la volonté & grace diuine, & moyennant la sainte priere & humble intercession de Monsieur Saint Machaire, qui lors estoit audict Gand, cessa & s'esuanouit assez tost. Au temps du mesme Conte, sicomme en l'an mil cinquante sept, aduint vne autre chose bien admirable, en vn village, guerres distant de la ville de Tournay : pres lequel s'assemblâ vne multitude de couleures en nombre quasi innumerable, lesquelles se separerent en deux parties, en forme de deux batailles : les vnes deça, les autres de la. Puis se coururent sus les vnes aux autres, & se combattirent & entretuerent, de sorte que l'une des parties se voyoit a veuë d'oeil affoiblir, & lors celles qui restoyent, s'allerent cacher au creus d'un arbre dedans terre : demeurant l'autre partie au camp : laquelle en signe de victoire, s'iffoit & menoit tant grand bruit que merueilles : continuants telles fanfarres, jusques a ce qu'on apporta force bois & paille, auxquels on mit le feu, & par tel moyen elles furent toutes bruslées. Dont vn chascun fut assez estonné, interpretant ce mystere diuerfement, & selon qu'en chose semblable vn populaire est accoustumé de faire. Ce pendant le Conte Baudouyn lequel en rien ne se doit a la vertueuse inclination & deuotion de ses trefrenommez predecesseurs, fist esleuer partie des murailles de la ville de Lille, laquelle il munit de portes & fosses, & fit faire audict Lille vne platte

platte maison, qui pour le jourdhuy se nomme la salle: il y fonda semblablement l'église collegiale de Saint Pierre qu'il enrichit de plusieurs grands biens, & doua de divers beaus droits & preuileges dont sont lettres en date de l'an mil soixante six. Il fonda pareillement avec Madame Adelis de France sa femme, l'église & monastere de Saint Saulueur a Eenham pres d'Audenarde, & leur donna le vieil chasteil selon qu'en souloit jouir le Conte Herman avec les eautés, tolz, & toutes ses autres appertenances, comme de tout peut plus à plain apparoir par ses lettres datées en l'an mil soixante trois: Dont neâtmoins par autres ses lettres de l'an soixante quatre, il rescrue a soy & ses successeurs Contes de Flandre, la garde protection & deffense: d'autre costé, Madame Adele de France sa femme, fonda l'église & monastere de Messines, auquel elle colloqua des nobles femmes, religieuses de l'ordre de Saint Benoist, & dorá grandement ledict monastere. Outre lequel, elle fonda aussi aucunes prebendes de chanoines en l'église d'Harlebecque. Ilz firent semblablement plusieurs grands biens a l'église & monastere de Saint Pierre a Gand par leur lettres de l'an trente sept. Et fust ledict Conte present en ladicte ville de Gand, avec grand nombre de Princes & seigneurs, a la dedication de l'église de Saint Bauon qui fut faicte par Baudouyn Euesque de Noyon: ensemble a la translation que fit le mesme Euesque du glorieux corps de Monsieur Saint Machaire. Il se trouua pareillement en personne, accompagné de plusieurs nobles & prelats, a l'eleuation qui se fit, du premier abbe de Saint Pierre & Saint Bauon, nommé *Flobertus*: ce que aduint en l'an mil quarante neuf, selon que disent ceux dudiect Saniect Pierre: lesquels en celebrent la feste le douziésme de May, comme d'un confesseur, encores que ceux dudiect Saniect Bauon maintiennent que Flobert leur premier abbe soit enterre en leur monastere, & qu'il ne fust jamais canonizé, mesmes qu'en signe de ce ils chantent pour luy le mesme jour la Messe de Requiem. Or le Conte Baudouyn apres auoir heroiquement & vertueusement gouuerné le pais

La salle de Lille.
L'église S. Pierre a Lille, fondée par le Conte Baudouyn.

Le monastere de S. Saulueur a Eenham.

Le Conte de Flandre gardi d'Eenham.

Le monastere de Messines fondé par Madame Adele de France, femme du Conte Baudouyn.

De Flobert premier abbe de S. Pierre lés Gât.

L'an M.

lxvij.

Decès de Fau-
douyn dict le
Debonnaire,
Epitaphe du
Comte Baudouyn
dict le Debonnaire.

de Flandre, trepassa en l'an mil soixante sept, & sur l'ordonnance l'aissée par son testament, fust enterré en la ville de Lille, en l'église de Saint Pierre, au milieu du cœur, sous vne l'ame & est son Epitaphe tel:

*Humano generi Parca non parcuus vnquam
Mortis ad interitum sed trahitis miserum.
Non vir non mulier, non vllus denique sexus,
Vestris è manibus, liber abire potest.
Vos nostrum Comitem rapuistis nomine clarum,
Et genere, & vita, moribus eximium.
Nostis quem querela, Parca, tam voce quereler,
Aut qualem plango vos rapuisse virum.
Nempe pium Comitem Flandrensem Balduduinum,
Insulanus & hic, est vocitatus homo.
Dux tuus ille fuit, ò Flandria, septimus olim,
Barbate ac gnatus Balduduine tuus.
Vir fortis, prudens super omnes, atque modestus,
Actibus in cunctis, exstitit iste suis.
Insulense opidum cum castris fondat ibidem,
Ecclesiam ædificans, o Petre sancte, tuam.
Quam magnus etiam præbendis constabiliuit,
Hic ipsumque d' Eenham cœnobium statuit.
Huius Adela fuit coniunx ea nobilis, atque
Reberti Regis filia Francigenum.
Que Balduinum Montensem, Frisonemque Robertum,
Postea Flandrenses hinc peperit Comites.
Machtildem quoque quam Dux Normanus Guilelmus
Rexque Anglus cœpit coniugio sociam.
Hic demum noster Balduinus Francigenarum
Regis director, tempore multo fuit.
Philippi sua quem vetuit regnare inuentus,
Hic pater, ergo tibi Francia fidus erat.
Postquam terdenos, & tres regnasset is annos,
Extulerat patriam, qui probitate sua.
Circa annos Domini mil sexagintaque septem
Corpus deseruit spiritus egrediens.
Insulana istum comitem gens consepeliuit,
In Petri ipsa quam struxerat ecclesia.*

Ce

Cc qu'en rime François se peut translater en ceste sorte:

Fatales soeurs qui jamais ne cessez,
De virer le fuseau mortel de vie humaine,
Et qui sans espargner creature mondaine,
Vox cruantez sur chascun exercez,

Nostre bon Conte osté vous nous auez,
Lequel fut en son temps de grande renommée
De tresnoble maison, de vie bien riglée,
De bonnes moeurs. Au reste vous scauez,

Qui je regrette & pour qui d'une voix
Tant plantifus & dolent' ores je me tourmente,
Vous n'ignorez combien cestuy que je lamente,
Homme excellent estoit preus, & courtois.

C'est Baudouyn de qui j'entendz parler,
Des Flamens le grand Conr, auquel son exemplaire
Vie, tost moyenná le nom de Debonnaire,
Autrement dict de Lille: declarer

Duquel les faictz je vens presentement,
Il fut des tresvaillants Flamens Conte septiesme,
De Baudouyn Barbu cher fils & legitime,
En tous ses faictz & dictz modestement

Gouverné s'a tousiours, & fut vaillant,
Prudent, sage, discret, & de grand' entrepriuse,
En la ville de Lille il a la pierre mise,
Premiere des murailles, & ardant

Au service diuin: au mesme lieu
Vn' eglise fondá superb' & manifique,
Qu'a saint Pierre, vouá, de l'ordr' Apostolique
Chef excellent. Et pour l'honneur de Dieu.

Doná ladicte eglise de plusieurs
Prebendes, & depuis fit eriger & faire
Le tresdeus d'Eenham & riche monastere,
Au lieu du viel chastel, qu'il fit tout leur.

Vne Dame bien nobl' & de grand nom,
Il print pour son espous' & chere compaignie,
La fille de Robert Roy de France jolye,
Ce fut Madam' Adle dont le renom.

Bruit encor' aujourdhuy, comme l'on voit

X iij

Laquel-

CHRONIQUES ET ANNALES

La quelle peu apres au grand Conte de Flandre,
Deux beaus fils engendra, qui furent sans esclandre
Contes depuis, des Flamens les cortois :

Dont le premier s'appelloit Baudouyn
Peu apres surnommé le Montois: le deuxiesme
Fust Robert le Frison de coeur grand: & extreme
En vaillantis, & d'un esprit diuin.

Ell' eust aussi pour fille la Mehanlt,
Qui fust excellement par mariage vnne
A Guillaume gentil Duc de la Normandie,
Depuis Roy des Anglois puissant & hault.

Or nostre Baudouyn fut fort long temps,
De Fhilippes & Henry gouverneur Roys de France.
Et super-intendent de toute la cheuance
Du pais des François tresopulents,

Lesquels il gouverna comme loyal
Prince, & tresuertueux iusques a ce que l'aage
Plus grand leur eust acquis vn cerueau stable & sage,
Mais peu apres le cruel sort fatal.

Enuiron l'an mil & soixante sept,
A rauy d'entre nous le prudent & sublime
Esprit de Baudouyn pieux & magnanime,
Hors du corps d'iceluy treschast & net

Que ceux de Lill' en memoire de l'heur
Receu par ce bon Princ', ont enterré sains sainte,
Dans l'eglise dudit Sainct Pierr' & ampl' & sainte,
Qu'il auoit faict fonder, d'un deuot coeur.

P E v apres le trepas dudit Conte Baudouyn appelé le
Debonnaire, ou de Lille, Madame Adele sa femme, laquelle
le auoit comme cy dessus auons déclaré, fondé le mona-
stere de Messines, se fit par grande deuotion porter dans
vne liechiere en la ville de Romme. Ou elle receut en tres-
grande reuerence la benediction du Pape Alexandre,
qui lors presidoit, & print des mains dudit Alexan-
dre en merueilleuse humilité l'habit de vuidité, & retour-
na en Flandre, se retirant audict cloistre de Messines, ou el-
le acheua le demeurant de sa vie en grande austerité & pe-
nitence. Ceste Princesse fust autant vertueuse & bien con-
ditio-

La Douagiere
de Flandre se
faict par deuo-
tion porter a
Rome.

La Douagiere
de Flâdre préd
l'habit de vi-
dité des
mains du Pape
Alexandre.

ditionnée qu'autre dont on ouyt oncques parler. Et pour autant qu'en son epitaphe est assez amplement parlé de ses vertus & bônes conditions je me deporteray de m'eslargir dauantage en ce propos : seulement vous aduertiray que finalement elle trepassa en l'an mil septante vn audict monastere de Messines, ou elle fust enterré, & est son epitaphe tel:

Trepass de Madame Adele de Frâce Douagiere de Flandre.

*Hic iacet in tumba Francorum Regis Adela
Filia Roberti, nobilitatis honos.*

Epitaphe de la-dicte Dame.

*Ista pij Comitissæ Balduini erat inclita coniunx:
Septima Flandrensis quæ comitissa fuit.*

Lonanges de la-dicte Princesse.

*Hæc quoque norma fuit virtutum, regula vitæ:
Iustitiam docuit moribus ista suis.*

*Omnibus exhibuit se mitem, pacis amica,
Candida vita eius omnibus est specular.*

*Porro suis musis nec posset doctus Homerus,
Dicere quam fuerit religiosa Deo.*

Multum jejuniens, Christum frequenter adorans,

*Institit & precibus, hæc tua serua Deus
Cænobium Mesina construxit Virginis alma,
Sacris virginibus canonicisque viris.*

*Hæc viduata viro sacra limina visitat vrbs,
Vestit ubi summus vestibus hanc vidua,*

*Presul Romanus, a quo benedicta recedens
Ad Mesinas redijt dicta Dei famula:*

*Egit ubi reliquæ presentes tempora vitæ,
Operiens Christum qui vocitaret eam.*

*Si septuagesimo primo anno millia iunges,
Inuenies tempus, quo redit ad Dominum,*

*Hæc vestes, Mesinas sed corpus dicit humanum,
Quod iacet in templo Virgo Maria tuo.*

Ce qu'en François signifie:

*La fille cy dessous gist du grand Roy François,
Madam' Adele qui fut d'honnestete la perle,
Laquell' en son temps fut de Baudouyn courtois
Et Debonnaire, semm' & vertueuse & belle.
Contes' ell' a regné septiesme des Flamens,*

Lonange de la Douagiere de Flandre.

Bon-

CHRONIQUES ET ANNALES

Bonn' espac' et donné par sa v^e exemplaire
 A celles de son temps des beaux enseignements,
 Pour en faictz & en dictz au Dieu souverain plaire.
 Elle fut de justic' amye, & en ses moeurs,
 Douce, traittabl', honnest', & gran' & amiable:
 Se pourtant de vertu, comme vn miroir tressueur
 Se monstroït vers chascun gracieus' & affable.
 Aureste ne scauroit le doct' Homer', & grand,
 Par sa subtile muse, & plume bien disante,
 Assez vous exprimer le desir trespardant,
 Duquel tousiours brusloit ceste dame plaisante.
 Vers l'amour & honneur & service divin.
 Elle continuoit en jeusn' & abstinence,
 Adoroit le seigneur, ne pouant mettre fin
 Aux humbles oraisons qu'elle fondeit sans cesse.
 De Messines de cloistre & deuot, & tressainct,
 Elle fit consacrer a la Vierge trespure,
 Et mit dans iceluy des pucelles, affin
 Que Dieu y fut seruy, de sincerité pure.
 Estant vesue depuis, ell' allá visiter
 De Romme le saint lieu, & la cité notable,
 Ou le pere tressainct la vestit sans tarder,
 Des sacrez vestemens de vesueté louable.
 Du Pap' ayant receu la benediction,
 Vers Messines reuint en toute diligence,
 Ou jusques au mourir en grand' deuotion
 Elle vescut, & en salutair' abstinence.
 Attendant prudemment le temps auquel plairoit
 Au souverain Seigneur l'appeller en sa gloire,
 Si septant' & vn ans a mill' on adjoustoit,
 On trouueroit le temps, auquel ce peremptoire
 Exemple de vertu, de ce monde passá
 L'ame rendant au Dieu, qui l'auoit rachaptée
 A Messines le corps, que lors illec laissá
 En l'eglise enterré de la Vierge sacrée.

Com-

Comment la Contesse Richilde fit, en faueur de Baudouyn de Mons renoncer ses enfans du premier liēt a la Contē d'Hainault, laquelle depuis a tousiours iusques a ce temps succede aux enfans de Flandre, & des vertus & bonnes conditions dudict Baudouyn de Mons.

CHAPITRE XLIIII.

BAUDOUYN de Mons autrement appelle le Bon, succeda au gouuernement de Flandre a Baudouyn le Debonnaire son pere en l'an mil soixante sept, il acquist le furnō de Mōs, pour autant qu'auant estre Côte de Flandre il fut Seigneur de Mons en Hainault, il eust a femme (selō que cy dessus auons declare) Madame Richilde, fille de Renier, dict le troiziesme Conte d'Hainault, & vefue de Herman Conte d'Ardenne de laquelle vindrēt Ernoult le Simple, qui luy succeda, & Baudouyn depuis Conte de Hainault. le treuve par les chroniques que la Contesse Richilde ayma tellement le Conte Baudouyn de Mons son mary, qu'en sa faueur, & pour aduancer lesdicts deux enfans qu'ell' auoit eu de luy, elle fit aux deux autres enfans quell' auoit eu de son premier mary, renoncer a ladicte Conte d'Hainault, ensemble a toutes autres successiōs que leur pourroyent escheoir, tant paterneles que materneles, le tout au prouffit desdictz deux enfans du Côte Baudouyn & d'elle, & affin que ladicte renonciation ne reysist par succession de temps friuole, & que pour le fait d'icelle ne sourdissent a l'aduenir aucuns debats, elle trouua pratique de faire son fils, qu'ell' auoit de sondict premier mary, Euefque de Chalon, & pour le tant mieux contēter luy mit es mains vne bien notable somme de deniers, faisant d'autre costē, vne sienne fille qu'ell' auoit du suddits premier mary, religieuse: je ne scay toutesfois en quel monastere elle fust colloquē & par ce moyen ladicte Contē d'Hainault vint depuis sur les enfans de Flandre, qui la possèdent encore pour le jourdhuy. Ledit Conte Baudouyn ne vesquit guerres de temps apres son aduenement en la Contē de Flandre. Et neantmoins gouuernā ledict

Baudouyn de Mons autrement appelle le Bon.

Des enfans de dict Baudouyn.

La Contesse Richilde fait en faueur du Conte Baudouyn son mary, renōcer les enfans de son premier mariage a la Contē de Hainault.

La Contē de Hainault fut les enfans de Flandre qui la possèdent encores pour le jourdhuy.

Grande tranquillité au pais de Flandre durant le gouvernement de Baudouyn de Mons.

Pourquoy de Baudouyn fut appelé le Bon.

Le deuoir vers Dieu du Conte Baudouyn.

Des vertus & bonnes conditions du Conte Baudouyn.

L'irongnerie inuigne de tout France.

pais, avec cestuy de Hainault, en paix, vntou, police & justice sy grande, que durant son gouuernement, n'estoit a personne, pour crainte des larrons, necessaire de fermer leurs portes ou maisons, & beaucoup moins de porter aucunes armures defensiues ny inuasiues, ny mesmes de faire le guet, ny autres choses semblables, qu'au parauant pour bon & stable paix, quil y eust au pais, l'on auoit accoustumé faire. Au moyen de quoy il merita d'estre appelle Baudouyn le Bon: Voires d'autant plus que sur toutes choses il auoit tousiours la crainte de Dieu deuât ses yeux, qui estoit la cause que jamais il ne commençoit rien que preallablement il proust inuocquer son nom tressainct. Il hantoit merueilleusement volontiers les eglises, & ne passoit iour qu'il ne frequentaist avec tout respect & diligence le service diuin, sy auant toutesfois que les affaires plus vrgents de son domaine le luy permettoient. Car il scauoit que mesmes en l'expedition d'iceux, il faisoit oeuvre meritoire & tresagreable a Dieu. Il s'accoustuma des sa jeunesse d'estre traitable, courtois & affable vers vn chascun, & neantmoins il se rendoit familier a peu de gens, encores qu'a l'endroit de tous en general il se monstroit iuste, droicturier, & raisonnable; il estoit sobre en manger & au boire fuyant le vin comme venin. Car il consideroit qu'il ny auoit chose plus detestable & mal seante a vn Prince, que la bestiale irongnerie, il s'auecoustroit tousiours fort honnestement, & d'une grauite conuenable a vn Prince, & non comme vn iougheleur ou joueur de farces. Il estoit de peu de propos, mais ce qu'il disoit, auoit lieu. Il estoit exercite aux Langues, François, Flamenghe, & Latine, & parloit tousiours luy mesme, donnant bonne audience a ses vassaux, sans qu'a ces fins il s'aydast d'aucun interprete: il vloit tousiours de conseil, ne commençant jamais chose d'aucune importance de sa seule teste. Il desestimoit grandement, tous follastres, riuâs, flatteurs & telles sortes de gés, pour autant que (selon que luy mesme disoit & avec tresiust occasion) il ne trouuoit en eux qu'abus & tromperie: il estoit veritable en ses parolles, se persuadant qu'un homme sans foy faisoit a comparer a une beste brute, il ne promettoit

mettoit jamais a personne quelque chose, sans grande consideration ou raison, mais il furnissoit tousiours a sa promesse, & mesme l'excedoit, il estoit large & liberal : mais c'estoit avec telle discretion & moderation que sa liberalité ne tournoit au dommage de personne, par ce qu'il n'ignoroit que liberalité & iniustice ne pouuoient ensemble consister. Il estoit lent & fort tardif a entreprendre ou commencer quelque guerre, tenant continuellement bonne alliance & amitié avecque ses voisins. Et s'il suruenoit aucun different, il taschoit de le pacifier par ambassadeurs, & cedit trop plus volontiers de son droit, autant que son honneur pouoit porter, que d'entreprendre vne lourde & dangereuse guerre pour petite occasion. Son principal passe temps estoit le deduit de la chasse, & cestuy de la fauconnerie. Il estoit assez resolu en ses exploits de justice, sachant certainement que c'il estoit le souverain moye, pour maintenir & conseruer ses vassaux & subiects en paix, vnion, & tranquillité. Non obstant, quoy il scauoit pareillement bien user de grace, lors que le cas luy sembloit le pouuoir permettre, & selon l'exigence & qualité des delicts. Il fit plusieurs belles ordonnances sur le fait de justice, & entre autres voulut & ordonna, que de la en auant les baillifs en Flandre portassent vne blanche, longue & droite verge, denotant par ce, que la justice doit estre nette droite, & auncfois meslée de misericorde. Brief il gouuerna de sorte qu'il n'est memoire que les pais de Flandre fust oncques sy payisible, qu'il auoit esté en son temps.

Liberalité & iniustice ne peuuent ensemble subsister.

Pourquoy les baillifs en Flandre portent vne blanche & droite verge.

Comment le Conte Baudouyn edifia & priuilegea la ville de Grasmont, & d'aucuns monastères, en son temps constructs en Flandre, avec autres singularitez.

CHAPITRE XLV.



DVANT le regne dudit Baudouyn de Mōs, appelle le Bon, fut fondée pres la ville de Douay, l'Abbaye d'Auchin par vn cheualier nommé Messire Arnould de Rubemōt. Et ledit Baudouyn avec Madame Richilde sa femme, firent edi-

L'abbaye d'Auchin fondée par Messire Arnould de Rubemont.

Le monastere
de Hasnon edi-
fié par Baudouyn de Mons
& la cause d'i-
celle edificatio:

Les palais &
parc d'Heudin
edificz par Heu-
douyn de Més

Baudouyn fon-
de la ville de
Grantmôt quil
applique a son
domaine de
Flandre.

L'an M.
lxviii.

Le Conte Bau-
douyn pre-
scrips a ceux
de Grantmont
ordre & manie-
re de viure &
leur donne
leurs premiers
privileges.

fier le monastere de Hasnon, auquel ils misrent premièrement des Chanoines reguliers, & depuis au lieu d'iceux y soubroguetent des religieux de l'ordre de Saint Benoist. La fondation de quel cloistre, ou moins l'occasion d'icelle, proceda (seló les anciens chroniqueurs) d'une certaine revelation & aduertissement, de Monsieur Saint Marcellin & Saint Pierre martyres. Lesquels apparurent au Conte Baudouyn estant lors griefuement malade, qui suyuant ladicte admonition, requist le Conte Baudouyn le Debonnaire son pere, lequel n'estoit lors encóre terminé, qu'il luy pleust luy dontier le chasteau de Hasnon, pour y edifier (conformement a la volonte desdicts saints) un monastere, laquelle requeste impetree, il fust incontínét restitué en sa premiere sante. Au moyen de quoy il hastá d'autant plus ledict ourage. Il fist semblablement edifier en la ville de Heudin un bien sumptueux & magnifique palais, avec un parc merueilleusement ample, ou il consumma en peu de temps un incroyable cheuáche. Le mesme Baudouyn fonda pareillement la ville de Grantmont, quil appliqua a son Domaine de Flandre, & achata bonne parcie de la terre, sur laquelle ledict Grantmont est situe d'un homme de grand' autorité, nomme Gherard, luy estant le surplus vendu par le Seigneur de Boullers, si comme Bussemont, Cortefcke, ensemble les pastures, depuis le pont de Boullers jusques a Huneghem, & depuis la riuere de Teure jusques a la terre Hanabale, & fit munir ledict Grantmôt de bons murs, portes & fossés. Sy appella ladicte ville du nom du susdict Gherard, Gherardmont, que nous disons maintenant en langage corrompu, Grantmont. Laquelle ville acheuée, ledict Baudouyn se transporta en l'an mil soixante huit, en un lieu (duquel je ne treuve le nom) sur les frontieres de Flandre, Brabant, & Hainault, ou il fit appeller aucuns des principaux Barons, & Seigneurs desdicts pais, par l'advis & conseil desquels il donna aux habitants d'adict Grantmont ordre, & maniere de viure, avec plusieurs privileges, lesquels iceux Barons (comme voisins) promirent & jurerent entretenir seló que du tout manifestement peut apparoir, par lettres qu'en forme de pri-

pruilege le Conte Baudouyn leuren baillá, datées dudist an mil soixante huiet, esquelles sont contenus plusieurs estranges articles, & entre autres les subsequents. *Si quis alius occiderit, vel membrum truncauerit, caput pro capite, membrorum pro membro, amputetur; nisi si deffendenda hoc fecerit: Item: Nemo cogatur inire Duellum nisi spontaneus, vel iudicium subire ignis vel aque.* Par ou se descouure, que lors l'on contraindoit les gens a combat mortel, ou bien d'eux purger, *vulgari purgatione*, qu'estoit celle de leaué ou du feu: ce que toutesfois est pour le present deffendu tât par droits humains que diuins. Et non sans cause, car c'est vn jugement incertain, & vne maniere de tempter Dieu. Il ya en outre ausdictes lettres cest article. *Laius pro querela clerici non debet citari coram decano vel Episcopo de debito, vel pacto, vel hereditate, quam diu valuerit stare iudicio scabinorum, sed de his quæ pertinet ad ius ecclesiasticum, sicut de fide, matrimonio, vel eiusmodi, respondere debet Ecclesia.* Esquelles lettres & en routes autres je treuve que ce Baudouyn s'a tousiours attislé. *Baldwinus per Dei clementiam Princeps Flandria.* Et pour autant que les François nous ont souuent argué & taiché reprédre de ce mot, par la grace de Dieu, soustenants que nul n'en doit verser au royaume que le Roy seul, nous monstrerons au chapitre subsequent, que les Contes de Flandre ont quasi de tout temps tousiours vsé de ce tiltre, & mesmes la raison pourquoy, avec autres preeminences deïdicts Contes de Flandre, q̄ les autres Pairs de Frâce n'ont jamais eu, ny vsé.

D'aucuns articles inferez ausdictes priuileges..

Que les Contes de Flandre vsent de ce terme, par la grace de Dieu.

Comment les Contes de Flandre ont plusieurs authoritez & preeminences en Flandre, que les autres Pairs de France n'ont en leurs Pairries, & de la raison desdictes preeminences, ensemble du trespas de Baudouyn de Mons.

CHAPITRE XLVI.



POUR furnir a ce qu'au chapitre precedent auons promis, touchant la specification d'aucunes authoritez, & preeminences, que les Contes de Flandre ont plus grand, en leur Pairrie, que les autres Pairs de Frâce en leurs terres & Seigneuries, deuez entendre en premier lieu, q̄ le

Y ii,

Conte

Le Conte de Flandre a quatre souuerains officiers en sa maison cōme le Roy de Frâce.

Les offices de Chancelier, Connestable, Châmbrier, & Pincerne en Flandre.

Flandre n'est subiecte a aucun empenage.

Le Conte de Flandre peut en son pais statuer toutes manieres d'ordonnances & leur donner force de loy escripte.

Le Conte peut en son pais par donner tous crimes, & convertir le criminel en civil.

Le Conte peut en ses pais donner preuileges & affranchissemens.

Conte de Flandre a, & des le commencement a eu en sa maison, tels quatr' officiers souuerains, appelez ministeria les domus, qu'ancienement le Roy par excellēce auoit, & a maintenant en la sienne, sicomme vn chancelier, Connestable, Châmbrier, & Pincerna: cōme se peut veoir par plusieurs anciennes lettres, & signamment par ce, que depuis, lesdits quatre officiers, ont estez par luy Infeodez: scauoir l'office de Chancelier a la preuosté de Saint Donas, cestuy de Connestable au chastelain de Lille, ou selon autres, au Seigneur de Wingles cil de Chambrier au Seignr d'Oudenbourg, que le Conte Louys dict de Cressy rachata, & l'office de Pincerne a . . .

Dauantage le Conte de Flandre a, & des le commencement a eu la singularité que la Conté de Flandre n'est subiect a aucun empenage. Mais succede aussy bien sur filles que sur fils, & qu'ainsi soit, vous voirez par le discours de cest' histoire, que Flandre par cinc diuerfes fois, a succedé sur filles. Le Conte de Flandre, a aussy, & des le commencement a eu, la preeminence & autorité de faire & statuer toutes ordonnances & constitutions, seruants au bien & prouffit de la Conté, & mesmes dōner a icelles force & vigueur de loy escripte. Dont assez appert, par ce que toutes les villes & chastelenies de Flandre, ont de tout tēps esté, comme encore sont, regies & gouuernées, par les kueres statuts & ordonnances des Contes de Flādre, & nō du Roy ny d'autre. Oultre ce le mesme Conte a, & des le cōmencemēt a eu, la iurisdicțiō & puissance de remettre & pardonner tous crimes, ensemble de cōuertir le criminel en civil, & de dōner & faire expedier par sa chācelerie toutes prouisions & de justice & de grace, que vn Seigneur souuerain peut & est accoustumē faire & donner, voire de la mesme forte que le Roy de Frâce fait en son royaume. Le mesme Conte de Flandre a pareillemēt, & des le cōmencement a eu, preeminēce & autorité de donner priuileges, affranchissemens & libertez, tāt aux eglises, qu'aux villes & chastelenies. Selon que manifestement se treuve par les priuileges donnez, par les Contes de Flandre de bien grand' anciennete, aux eglises, villes, & chastelenies dudit Flādre. Dont

Dont les tresoreries de Saint Amand, Saint Bertin, S. Pierre, Saint Bauon & autres, semblablement les villes & chaste-
lenies d'Arras, de Saint Omer, de Gand, Bruges, Ypre, &
autres sont toutes pleines. Sy a ledict Côte, & de tout tēps
a eu autorité & preeminence singuliere de forger en Flā-
dre monnoye d'or & d'argent de tel aloy & valeur, qualite
& quantite que bon luy semble, mesmes de reduire & eua-
luer la monnoye du Roy a la sienne: il a aussy comme rou-
siours a eu la preeminence de juger en ses chambres, rega-
le & de reuengs par arrest & sans ressort ensemble d'auoir
& leuer aydes & subsides par ses propres octroys & quitā-
ces. Le Conte semblablement a de tout temps eu, & a en-
cores pour le present, la preeminence de liberte & exem-
ption, obstant laquelle le Roy n'a jamais vsé en Flādre de
sa pleine souuerainete, comme il a faict es autres pairies.
Car ses ordonnances ny ont lieu ny ses lettres de grace
qu'elles soyent, ses juges royaux ny ont jurisdiction par pre-
uention ny autrement. Les generaux impôts qui se met-
tent sus au royaume, sicōme du dixiesme, vingtiesme, cin-
quantiesme, & centiesme ou autres ne s'estendent point
en Flandre, cōme aussy ne sont les regales du Roy. Finable-
ment (pour venir a ce quy nous a faict entrer en ce pro-
pos.) Le Conte de Flandre a l'autorité & preeminen-
ce d'vsfer en son tiltre du mot. Par la grace de Dieu, ce
que ne faict ny peut faire aucun autre en France (selō que
les François mesmes tesmoignent.) Et pour monstrier que
les Contes de Flandre ont pouoir & autorite d'en vsfer,
nous auons desja declare que le Conte Baudouyn de Mōs
s'attituloit de telle sorte. Robert le jeune se nommoit par
ses lettres, en ceste maniere: *Dei misericordia Flandrensis Mar-
chio*. Philippe le premier: *Philippus Dei gratia Comes Flandrie.
& Vircandie Comes*. Semblablement Thierry d'Elhate son
pere. *Theodericus Dei gratia Comes Flandrie*, Baudouyn Empe-
reur de Constantinople, *Baldwinus Dei gratia Flandrie et Hāno-
nie Comes*. Thomas de Sauoye. *Thomas Dei gratia Flandrie &
Hannonia Comes*. Louys de Male en ses monnoyes. *Ludoui-
cus Dei gratia Comes et Dominus Flandrie*. Toutesfois affin de
ne rien obmettre, je treuve aussy que plusieurs Contes
& Con-

Le Conte de
Flandre peut
en son pais for-
ger monnoye
d'or & d'argent
de tel alloy
qu'il veut.

Le Conte de
Flandre a rou-
siours jugé par
arrest en sans
ressort en ses
Chambre leu-
gale & des
reuenghēs.

Les regales de
France ne s'ex-
tendent en Flā-
dre.

Le Conte pour-
uoir en son tilt-
re, de ce terme,
par la grace de
Dieu.

& Contesses de Flandre, ont laissé en leur tiltre, ledict terme *Deignatia*, pour la reuerence peut estre qu'ils auoyent aux Roys de France de leur temps. Car les Contesses lehenne & Marguerite n'en vserét point, cōme pareillemēt ne firent les Contes Guy, ny Robert son fils, ny Louys de Cressy, ny Louys de Male, ne fust en ses monnoyes : Sauf qu'apres la paix de Brabant il s'attitulá aucunesfoys Louys Conte de Flandre, par la grace de Dieu Duc de Brabant. Philippe le Hardy semblablemēt n'en vsá point, ny le Duc Jean son fils, ny le Duc Philippe en son commencement. Mais en l'an quatre cents trente, quād les duchés de Lorraine de Brabant & de Lembourch, luy furent succedées, il commença d'en vser, & continua tant quil vécut. Auffy fit le Duc Charles son fils, & apres luy Madame Marie puis le Roy Philippe, l'Empereur Charles, & maintenāt en vse le Roy Philippe nostre souuerain Seigneur, que Dieu maintienne & conserue long temps en toute prosperité. Toutes lesquelles preeminences cy dessus declarées, procedent de la grande noblesse des Contes & antiquité dudiēt Flādre. Car quant a la noblesse cest chose seure qu'en icelle, ils excedent tous les autres Pairs de France. Et qu'ainsi soit les Contes de Flandre jusques a present, sont venus & descendus en ligne directe, de la race & estoc de Charles le Maigne. Scauoir de Charles le Chaulue, fils de Louys le Debonnaire, fils du Roy Charles, ce que ne font les autres Pairs, & ne vuiderent ledict Contes jamais iceluy estoc, cōme bien ont fait les Roys de France, par l'usurpation de Hue Capet, & s'ils disent qu'ils y sont rétrez par le mariage que fit Philippe le Conquerant a Madame Ysabeau de Hainault, ils ont raison, & toutesfois ils doiuent recognoistre ce bien de la maison de Flandre, dont icelle Ysabeau estoit descendue, & par pere & par mere, d'autāt que son pere Baudouyn Conte de Hainault, estoit en directe ligne yssu de son costé paternel de Baudouyn de Mōs, (duquel nous auons parle presentement) d'autre part Madame Marguerite mere de la susdicte Ysabeau, estoit venue directement, de Robert le Frison, secōd fils de Baudouyn le Debonnaire. Mais s'ils maintiennent qu'ils sont rentrez en l'e-

Le Contes de Flandre excedent en noblesse tous les autres Pairs de France.

Les Contes de Flandre n'ont jamais voidé l'estoc de Charles le maigne.

Que les Roys de France sont rentrez a l'estoc dudiēt Charles Maigne par benesice de la maison de Flādre.

en cestoc dudidit Charles le Maigne, par la fille de Charles Duc de Lotrice, frere du Roy Louys le sixiesme, que Huc Capet dechassa, laquelle fut mariee a un Côte de Namur, dont descendit ladicte Ysabeau de Hainault, ils ne sont du tout hors de propos, encorres que ce luy aduint par le moyen dudidit Baudouyn son pere, lequel du costé paternel venoit directement de Flandre, & du maternel dudidit Charles Duc de Lotrice. Touchant l'antiquité dudit Flandre, il est notoire, que ceste Conté, fust la premiere Pairrie infeodée, precedant pourrant en ancienneté toutes les autres. Comme peut apparoir par les dates de leurs infeodations, & se trouuera que Flandre fut infeodée par le Roy Charles dict le Chaulue, en l'an huit cents soixate deux, & Normandie l'an neuf cets neuf, par Charles le Simple: Bourgoingne l'an mil trente cinc par Robert Capet, & les autres successiement en autres temps, bone espace apres l'infeodation dudidit Flandre. Les autres estiment les susdictes preeminences proceder, de ce qu'ils maintiennent Flandre estre partage du royaume de France, fait par le Roy Charles, dict le Chaulue, a Madame Iudith sa fille, & par luy donné en mariage, a Baudouyn Bras de Fer, dernier forestier, & premier Conte de Flandre, pour le tenir par luy, & ses successeurs males & femelles en telle preeminence que partagiers du royaume ont droit de tenir leurs partages, & a ce dire les meut, la tresgrande extésion faicte dudidit Flandre par ledict mariage, que par nostre discours a ce destiné auez peu entendre. Plusieurs'oustiennent que lesdicts preeminences ont par les Contes de Fládre esté acquises, par longue & inueterée vsance, & coustume prescrite, par tant de temps, qu'il n'est memoire du contraire: de sorte que comme le Roy de France, par longue & inueterée vsance, & coustume prescrite, & non debatue par le Pape ny par l'Empereur, s'est exempté de l'Empire, ne cognoissant aucun souuerain, de mesme sorte, par longue vsance, & coustume, non debatue par les Roys de France, le Conte de Flandre a obtenu lesdictes preeminences & autoritez. En quoy je me suis d'autant plus volantiers eslargy, que je m'assure la cognoissance de

La Conte de Flandre precede en antiquité les autres Patries de France.

Flandre, partage de France.

Lesdictes preeminences acquises a Fládre par prescriptio

ces singularitez deuoir reüssir agreable & plaisante , á tout curieux & diligent lecteur , & toutesfois (affin de ne trop nous esgarer ,) s'aschiez que ledict Baudouyn de Mons , autrement appellé le Bon , Conte de Flandre , apres auoir tát vertueusement gouuerné la prouince de Flandre l'espace de trois ans seulement , trespassá bien hastiuement , lon ne scait de quelle maladie , en l'á mil sepráte. Dieu par sa grace vueille auoir pitie & misericorde de luy , car c'estoit vn Prince merueilleusement vertueux , lequel a raison de sa modeste façon de faire auoit en son temps esté grandement honnore de tous. Qui fut la cause , qu'apres sa mort , il fut regreteé plaint & lamenté d'un chascun , tant petit que grand , non point par honneur feint , mais par vrayes larmes , sortants tant du coeur , que des yeux , de la mesme sorte & maniere , comme sy chascun eust faict quelque grande perte particuliere . Tant auoit esté grande sa molestie , & gracieus son gouuernement , comme de celuy quy n'auoit offenseé personne . Il fut enterreé au monastere de Hasnon , que luy mesme auoit faict construire & edifier , auquel se voit son Epitaphe tel que s'ensuyt.

L'an M.
lxx.

Deces de Baudouyn de Mons
autrement dict
le Bon.

Epitaphe de
Baudouyn de
Mons.

*Omne genus hominum mors pessima cogit obire
Euadit nullus, situe vir, aut mulier.
Cepit & istum mors, hoc cuius membra sepulchra
Sunt sita, ceu poteris hoc titulo legere.
Montensis Balduinus hic est, homo pacis amicus,
Octauum comitem Flandria quem tenuit.
Obq; suam dictus Bonus est, magnam bonitatem
Qua rexisse suam dicitur hic patriam.
Arma suo siquidem non bellica tempore quisquam,
Aut gladium, aut fustem, ferre necesse habuit.
Ostia non fures ausi ferire domorum,
Raptores nullos tunc populus timuit.
Rusticus arua colens, linguebat aratra ligones,
Et capulos campis, perdidit ac nihilum.
Richildem duxitq; hic Hannonia Comitissam,
Hinc etiam comes Hannoniensis erat.
Hac uxore duos gnatos sibi progenerauit,*

Qu

*Qui post Flandrenses ambo fuere duces.
 Balliuos statuit virgas quoque ferre nitentes,
 Longas & rectas iustitie titulo.
 Hic nisi tres annos regnans, est mortuus anno
 Millesimo Domini, septuag. gesimo:
 Atque apud Hasnonium tumultatus coenobio isto,
 Quod prius infandos nunc monachos retinet.*

Ce quen rime François signifie comme s'ensuit.

*Toute sorte de gens la mort contrainst mourir
 Sans que person' eschapp' ou soit hommi ou soit femme,
 Comme peut apparoir par cestuy quy gesir
 Soubz ce tombeau vouldus, que la mort trist & bleisme
 Rany, nous a trop tost. Duquel pourrez au plain
 Lire & scanner le nom, contemplant ceste table,
 Ce fut le vertueux dict de Meus Baudouyn,
 Prince clement, courtois, & modest & affable.*

*Lequel en son temps fut huitiesme des Flamens
 Conte, nommé le Bon, pour sa douceur famese,
 De laquell' a regy ses pays peu de temps,
 Le maintenant tousiours en union heureuse.*

*Car ce pendant qu'il fut en son gouvernement,
 N'estoit a ses vassaux & subjects, necessaire,
 Porter glaiue, baston, ou autre ferrement,
 Ou fut pour agresser, ou resistance, faire.*

*Aux larrons, & meurtriers, & mauuais garniments.
 Pour la crainte desquels ne conuenoit les portes
 Des demeures fermer, de bonni & riche gents,
 Les labouriers aussy leurs charrues tresfortes*

*Leur hoyau, leur louchet, leur faussell', & leur fan,
 Laissoient parmy les champs: sans que jamais ils fussent
 Ou prins, ou desrobez: dont n'esbahir se faut
 Car il conuenoit lors que les malfaiets cessassent,*

*Tant bien auoit a tout ce Baudouyn pourueu,
 Qui la Contesse print Richilde pour sa femme,
 Au moyen de laquell' est depuis paruenue
 A la Conté d'Hainault, en richesses extreme.*

*De cest dami il eust deux fils massés, de coeurs
 Magnanimi & vaillants, quy furent depuis Princes*

Des Flamens, mais illec ils n'en firent pas trop d'heur
Car ils furent des faictz, & l'un d'eux mis en piéces

Au rest il ordonnâ que de lors en auant

En Flandre les baillifs portaissent une blanche
Verge longu' & bien droicte, signifier vucillans
La iustice deuoir egall estre en ballance.

Il ne regnâ non plus, que trois ans, & mourut
En l'an septant. & un & mil, & en ce cloistre
Religieux d'Hasnon gisl, ou enterré fut:

Les moines qu'il y mit print Dieu pour sa gloire.

AVPRESD'audit Baudouyn de Mons, aliâs le Bon, gisl
audit monastere de Hasnô Madame Richilde sa femme,
laquelle mourut en l'an quatre vingts quatre a Messines,
ou ell' auoit long temps pleuré ses pechez & faict bien du
re penitence, & combien que cy apres entendons faire de
cette dame plus particuliere mention, sy est-ce qu'il nous
bien voulu inserer en ce passage son epitaphe, afin que cō
me elle fut enterrée audit Hasnon pres sondict mary, il
puisse d'un mesme context faire l'epitaphe d'iceuy son
mary.

Epitaphe de
Madame Ri-
childe de Hal-
nault Dou-
giero de Flâde

Continet ingenua breuior vna hac ossa Richildis,

Flandrina octava qua comitissa fuit.

Coniunx Balduini Montensis nobilis olim,

Flandria & Hannonia magnifici comitis.

Post mortemq; viri licet ipsa tyranna fuisset,

Post tamen effecta est mitis & innocua.

Postea nam sese solita est affligere dure

Ieiunans, orans, sancta patrans opera.

Ista ministravit mendicis, ista leprosis

Sape suis proprijs seruijs & manibus.

Hunc sibi postremo mundum totum crucifixit,

Et munda pariter hac crucifixi fuit.

Hasnoniensis salum sepeliuit corporis artus,

Condens hocce loco, cernis ubi hunc titulum.

Anno millesimo centeno bis minus cēto.

Sustulit hanc Idus Martis & eripuit.

Ce qu'en François signifie.

Sous ce petit tombeau gisl le corps magnifique,

De Ri-

*De Richilde, quy fut huitiesme des Flamens
Contesse de grand coeur, & d'esprit heroique
Femme de Baudouyn Conte tres excellent*

*Et de Flandre & d'Hainault, & combien que cruelle
Elle fut & tyrann' apres que son espous
De ce siecle passa, neantmoins de rebello
Inhumain' & tresdur' elle deuint tout doux*

*De grand deuotion, pitoyabl' & clemente
Et changea tellement de coustume & de moeurs,
Que de peruerse vint vne femme tressaincte,
Chastoyant le passé, par ieusnes & par pleurs.*

*Diligent' ell' estoit au seruice des pourceux
Auquel elle vaquoit, & fussent ils lepreux
Ords, rögneux, mal sentants, tousiours de ses mains propres
Leur ministroit de coeur, & de sprit fort soingneux.*

*Brief, ell' à tout ce monde en peu de temps de sorte
En soy crucifié, crucifiant aussy*

*Audit monde son corps, comme vne femme forte
Que Dieu, comme esperons, aura d'elle mercy.*

*D'Hasnon le cloist're grand & ample monastere
Son corps á enterre cy bas au mesme lieu,
Ou cest escript est mis sur vne dure pierre,
Quy pourra d'un chascun veu estre, & entendu.*

*De l'an mil & un cent sy vous en osez seize,
Le temps vous trouuerez qu'elle finá ses jours,
Priez Dieu tout puissant qu'illa maintienn' en ayse
Et la face jouyr de sa gloir' a tousiours.*

*Des troubles que Robert le Frison suscitá en Flandre, & commés
finablement ayant esté deffaict par le Duc de Brabant, il se re-
tirá en Saxe.*

CHAPITRE XLVII.



RNOULD le tiers, appellé le Simple, succedá
au Conte Baudouyn de Mons son pere en
l'an mil septante, & gouerná le païs de Flan- L'an M.
dre, avec Madame Richilde sa mere, enuiron lxx.
deux ans, & assigná a Baudouyn son frere,
pour

Arnould le
Simple assigné
à son frere
pour partage
la ville & cha-
stelenie de Do-
uay.

Robert le Fri-
son trouble le
pays de Flan-
dre.

Journée d'Au-
denarde.

Robert le Fri-
son demande la
gardenorie &
tutelle de ses
neveux mi-
neurs d'ans.

Robert le Fri-
son se declare
ennemy de Flā-
dre.

pour son partage de Flandre & portion hereditaire la vil-
le & chastelenie de Douay. Toutesfois ledict Baudouyn
eust puis apres semblablement la Conté de Hainault, se-
lon que voirez incontinent. Au commencement du gou-
uernement de cest Arnould, la prouince & contrée de Flā-
dre, fust grandement troublée, & merueilleusement agi-
tée de plusieurs nouuellitez & diuisions, quy y suruindrēt.
Et premierement par le faict & moyé de Robert le Frison
son oncle. Lequel peu apres le trespas dudit Baudouyn de
Mons son frere, requist ausdict de Flandre d'estre receu
pour leur Conte & Seigneur: soy fondant (& neantmoins
contre droict & raison) sur certain pretendu, partage qu'il
maintenoit Baudouyn de Lille auoir faict, en la journée
d'Audenarde entre ses enfans, & que par iceluy il auoit or-
donné que ledict Robert le Frison, succederait en ladicte
Conté de Flandre a Baudouyn de Mons son frere, voires,
combien qu'il eust des enfans. Ce que ledict Robert ne
proposoit pour opinion qu'il eust d'estre bien fondé, (veu-
qu'il n'ignoroit que luy mesmes en ladite journée d'Aude-
narde auoit par serment promis de ne rié attenter, contre
ledict de Mons, ny ses successeurs) mais en intencion de trou-
bler ledict pais, esperāt de plus cōmodieu' emēt y pouuoir
lors pescher & tirer, quelque chose de bon. Aussi auoit il
desia gaigné plusieurs de ceux dudit pais, qui pretēdoient
en ce l'assister & fauoriser. Et neantmoins, considerant q̄ la
plus part des nobles & cōmunes, luy estoient en ce con-
traires, il se deportā de la susdicte demande, au lieu de la-
quelle il aspira seulemēt ala tutelle de ses neveux mineurs
d'ans. Qui semblablement luy fut refusée, au moyen que
ceux du pais, a raison de la premiere poursuite & pretension
auoyent pour suspecte la magnanimité, & bon esprit d'i-
celuy Robert. Lequel mal satisfait desdicts de Flandre, se
declará pour occasion dudit refus, leur aduersaire & enne-
my, & retourna en toute diligence vers Hollande, ou il a-
uoit laissé la Contesse Ghertrude sa femme, cōtre laquelle
les Frisons s'estoyent en son absence rebellez & esleuez.
Pour aquoy remedier, il assemblā gens de toute part, & be-
soigna de sorte qu'e peu de tēps il reduit sous son obeis-
sance

sañce tout le païs d'Oostfryse, se faisant a raison de ce appeller le Frison. D'autre costé la Côtresse Richilde, (qui pour la minorité du Conte Arnould son fils auoit emprins le gouuernemēt de Fládre, ou du moins gouernoit avec luy) apres le partement dudit Robert, fit layrir, & mettr' en les mains, comme confisquees, tous les biēs qu'auoit ledict Robert en Fládre, sicōme la Côté d'Alost les quatre Mestiers & les ysles de Zeláde, le tout sous pretext, de ladicte inimitie par la bouche dudit Robert declarée. Dōt neátmōins elle se repentit depuis tout a loisir: car le Cōte Robert de ce aduert, enuoyá vers Flandre aucuns ambassadeurs, par lesquels il fit sommer la Côtresse Richilde ala restituciō, & main leuée des terres a luy par droict de partage assignées: & pour ce qu'elle n'y voulut entendre ny condescendre, il se tirá plaintif vers Philippe Roy de Fráce son cousin germain, luy remonstrát la rudesse & grád tort que luy faisoit ladicte Contesse, s'aydant au reste de plusieurs propositiōs tant persuasives, que le Roy Philippe luy promit sus le cāp toute faueur, support & assistance. Non obstant laquelle promesse ledict Philippe changeá tost apres d'opiniō. Car la Princesse Richilde, ayant entendu le secours que iceluy Roy auoit promis audit Robert, enuoyá sans tarder certains ambassadeurs vers France, pour attirer de son costé ledict Roy Philippe, ou du moins, affin de practiquer la dissolution de la susdicte alliāce, faisant au susdict effect, promettre & offrir audit Roy Philippe de Fráce quatre mille liures d'or. Au moyen desquelles laissant le party d'iceluy Robert il print cestuy de la Contesse Richilde, faulxant par mēme moyē sa parole & promesse, auparauāt autrepart fiācée & obligée. Dōt vn chascun & signāment tout Prince se deuroit bien garder, estāt assuree que la corde ny le clou, ne peuuet tant etraindre ny serrer la chose contre laquelle on les veut approprier, pour tenir ferme, comme la foy ceint & troitement vn gentil esprit de son indissoluble lien. Et voyla pourquoy (selon mon opinion) les peintres anciens la paindoient vestue d'un seul linge blanc, demonstans par ce, la pureté d'elle, quy ne peut ny doit estre souillée par aucune tāsche, pour quelque peril, frouffie

Pourquoy ledict Robert fut appellé le Frison.

Les Gens de Robert le Frison en Flandre confisquees.

Le Roy Philippe de France promet a Robert le Frison toute assistance contre la Contesse Richilde.

Le Roy de France au moyen de quatre mille liures d'or le depart de l'assistance. qu'il auoit promis a Robert le Frison.

La foy doit estre gardée.

Pour quoy les anciens peintres doient la foy vestue d'un seul linge blanc.

Robert le Frison
son deffait par
le Duc de Brabant.

Robert le Frison
se retire avec
ses femme &
enfants vers
son beau pere
le Duc de Saxe.

prouffit ou dommage, tant soit il estrange, grand, ou dange-
reux. Or ledict Robert le Frison, se voyat frustré de l'ex-
pectation & attente, qu'il auoit eue du secours du Roy Phi-
lippe, se retirá, avec tel mescontentement que chascun peut
penſer, vers Hollande. Ou il fut rechargé d'un aultre infor-
tun' assez plus grand, que le precedent. Car ayant entendu
que Godefroy le Bochu Duc de Brabant estoit entré en ar-
mes au pais de Westrise, il assemblá force gens & se mit en
equipage pour l'aller rencontrer, & de faict luy liurá peu
apres vne bien dur' & aspre bataille, en laquelle la fortune
luy bastit si tresmal, qu'ayant perdu audict conflict la mei-
lleure part de ses gens, il fut contrainct s'enfuir, & aban-
donnant son pais d'Hollande (dont peu apres ledict Go-
defroy s'attitulá Contre) & tout ce qu'il auoit conquis en
Frise, se retirá avec sa femme, & ses enfans vers le pais de
Saxonne lez le Duc Bernard son beau pere, ou nous le lais-
serons pour quelque temps, affin de vous declarer, com-
ment les affaires de Flandre, ce pendant se portoyent.

*Comment la Contesse Richilde emprint le gouuernement de Flan-
dre, & des grandes tyrannies, que par le conseil des Seigneurs
de Couchy & de Mailly, elle exercea au dict pais.*

CHAPITRE XLVIII.



La Contesse
Richilde em-
prend le gou-
uernement de Flan-
dre.

Les Seigneurs
de Mailly & de
Couchy cor-
rompent du tout la
Contesse Ri-
childe.

A Contesse Richilde, se voyant deliurée de la
doubte & crainte esuelles Robert le Frison
l'auoit mise, & d'autant plus au moyen de la
perte que ledict Robert auoit puis nagerres
faicte du demeurant de ses pais, elle commé-
ça de s'appliquer du tout au gouuernement de Flandre,
prenant pour tout conseil & assistance, les Seigneurs de
Mailly & de Couchy : par l'aduis desquels elle se gouver-
noit en toutes affaires, & lesquels plus affectionés a leur
prouffit particulier, qu'à cestuy du pais (le faict duquel re-
posoit quasi totalement sur leurs espaulies) gasterét & cor-
rompirent du tout le gentil naturel de ladicte Cotesie : la-
quelle de courtoisie & liberale, ils rendirét en peu de tēps,
superbe & tres-aure, & de clemente, & debonnaire, tres-
cruelle

cruelle & tyranne, luy mettant en la teste vne infinité de tromperies & abus, lesquelles en fin furēt cause quelle perdit pour ses enfans, la prouince & Conté de Flandre : ne cessants au reste de luy administrer vne infinité de moyens, pour exactioner & appouvir ses pouures subjects & vassaux. Lesquels journellement elle traictoit plus durement & cruellement. Par ou se descouure manifestement, la paine que meritent ceux qui gastent & corrompent le bon esprit & doux naturel d'un Prince. Lesquels a mon aduis sont dignes d'aussi grieve punition, que cestuy qui empoisonne vne fontaine publique, dont tout le monde boit. Et si celuy, lequel a difformé & adulteré la monnoye d'un Prince, est puny (& a bon droit) de supplice extreme: que dirons nous de ceux qui gastent & infectionent la nature d'un Prince? veu mesmes que selon la disposition d'icelle, un païs entier, voire bien souuent, plusieurs royaumes, sont taillez de recevoir ou extreme misere, ou prosperité bien heureuse. Pleust a nostre bon Dieu, q̄ encores aujourd'hui l'on ne trouuast de tes seigneurs de Couchy & Mailly, qui pendants aux auelles de leurs Roys ou Princes, ne font que leur conseiller, & mettre dans le cerueau, vne infinité de moyens, pour traualier le peuple, les aygrissant a toutes opportunités, contre iceluy. Et neantmoins, vetuillent ce pendant, sembler & apparoistre bons & loyaux seruiteurs. Desquels toutesfois tous Princes ce doiuent garder, s'asseurants que telles manieres de pippards, par semblables menées, ne cherchent rien moins que la seureté & stable domination de leur Prince, trop bien tasché & s'esforcent d'establiir & augmenter, leur propre richesse & puissance particuliere : comme faisoient lesdicts de Mailly & de Couchy: lesquels auoyent par leurs flatteries & adulations tellement endormy le bon naturel de la Contesse Richilde, autrement assez enclin a repos & tranquillité quelle auoit toute autre chose trop plus en sa fantasie, que le prouffit & vtilité du peuple de Flandre, lequel elle commença de lors en auant gouverner plus par sa volonte que par raison, s'auançant, de sa propre autorité, & en son uom, de faire expedier, toutes prouisions, sans en icelles fai-

La Contesse Richilde deuenit tyranne.

Grand vice gaster de bon naturel d'un Prince.

Les Princes se doiuent garder de flatteries.

La Contesse Richilde gouverne Flandre plus par volute que par raison.

A a

re au-

Tyrannie de la
Contesse Ri-
childe.

La Contesse Ri-
childe fait vic-
ter la teste aux
deputez d'Ypre

Messire Jean de
Gauere executé
par l'épée.

Messire Ghe-
rard de Buc
chastelain de
Lille, sauve des
mains de la Co-
tesse Richilde
les deputez de
Gail & de Bru-
ges.

La Contesse Ri-
childe se rema-
rie a vn estran-
ger & le fait
attituer Conte
de Flandre.

Les nobles &
estatz de Flan-
dre appellent
Robert le Fri-
son, pour eux
venger des cru-
autez de la Co-
tesse Richilde,
& luy promet-
tent l'ineustir
de la Conté de
Flandre.

re aucune mention du Conte Arnould son fils, destituant tous officiers, & en y commettant en leur place des autres, du tout a sa poste, de la mesme sorte & maniere, comme si elle fust esté Contesse propriétaire : mettant au reste vne infinité de tailles, impostz, & autres semblables charges sus le peuple. Et si quelcun si opposoit & contredisoit, elle le faisoit mettre en pieces. Comme par experience, & aux despens de leur vies cognurent plusieurs nobles deputez de la ville d'Ypre, qu'elle auoit mandé vers elle en la ville de Messines, ausquelz & a leurs seruiteurs en nombre de soixante elle fit trencher la teste, & puis brusla la ville & monastere dudit Messines. Elle fit semblablement executer vn grand baron de Flandre, nommé Messire Jean de Gauere, estant en volonte, de faire le mesme, a l'endroiect des deputez des villes de Gand & de Bruges (qui estoyent vers elle enuoyez en la ville de Lille, affin de la supplier que luy pleust soy deporter du gouuernement de Flandre, & qu'elle en voulst laisser conuenir a ceux dudit pais) n'eust esté Messire Gherard de Buc Chastelain de Lille, qui les sauua en son chastel. Brief, elle n'obmettoit chose, par laquelle elle pensast greuer le peuple de Flandre, & irriter les estats du pais. Elle se remaria tiercement a vn gentilhomme de la maison du Roy Guillaume d'Angleterre, nommé Guillaume Osberne, lequel pour faire plus grand despit ausdicts de Flandre, elle fit nommer Conte dudit pais, faisant sur le nom d'iceluy, conduire les affaires du pais & principalement es petites villes, ou l'on n'osoit luy contredire. Desquels griefs & nouuellitez, les prelatz, barons, & nobles de Flandre, ensemble lesdictes deux villes Gand & Bruges, grandement emeus, enuoyèrent secretement vers Robert le Frison, qui (comme dessus auons declare) s'estoit retiré en Saxonne, lez son beau pere le Duc Bernard) le faisant, de leur part, asseurer, ques'il vouloit descendre en Flandre, ils luy presteroient secours & assistance, non seulement pour recouurer sa teire d'Allost, & portion hereditaire, mais aussi que dechassants mere & enfans, ils l'ineustiroient de la conté & domaine de Flan-

Flandre, ou du moins qu'ils luy en donneroyent le gouvernement & administration, adjoutants, qu'il n'estoit en eux, de souffrir dauantage & plus longuement, le rude gouvernement de la Contesse Richilde, ny mesmes les nouuellites, que journellement & au grand prejudice des droicts du pais elle mettoit sus. Ledit Robert ayse au possible de ces nouuelles, apres auoir prins de ceux que estoient enuoyez vers luy telle assurance de leur promesses & offres, que le temps & lieu requerroient, promit de se trouuer de brief au pais de Flandre, avec bonne troupe de gens, & apres leur auoir enchargé, d'asseurer ceux de Flandre de sa part de tout bon & gracieux traitement, les laissa partir, & ce pendant besongna de sorte, que moyennant l'ayde & assistance du Duc Bernard de Saxonne son beau pere, il mit sus vne belle armée, avec la quelle il se mit en chemin, pour venir vers Flandre.

Comment Robert le Frison a la requeste des estats du pays vint a grand puissance en Flandre, ou il fut en plusieurs lieux bien receu, et comment la Contesse Richilde alla pour secours vers France avec autres particularitez.

CHAPITRE XLIX.



LE Conte Robert le Frison avec l'equipage qu'il menoit avec luy, exploicta par ses journées tellement, que peu apres il se trouua au pais de Flandre, prenant son chemin droit vers Lessines, ou pour lors il esperoit trouuer la Contesse Richilde, laquelle neantmoins se estoit vn peu auparauant retirée de ce lieu, soy transportant en la ville de Lille, ou elle auoit laissé ses enfans. Dont aduertie le Conte Robert, tira vers la ville de Gand, en intention de, moyennant la faueur des habitants d'illec, renforcer son armée d'vne bonne troupe de gens, comme aussi il fit, trouuant en ladicte ville de Gand plusieurs prelatz, barons, nobles, & deputez d'aucunes villes de Flandre, qui s'estoyent la assemblez,

Robert le Fr.
son descend
avec puissance
en Flandre.

Aa ij pour

Du recueil que
ceux de Flandre
furent à Robert
à Frison.

Robert le Fri-
son près Ypre.

Mort du sei-
gneur de Mailly
principal au-
teur des cruau-
tez de la Con-
tesse Richilde.

La Contesse Ri-
childe se retire
pour secours
vers le Roy de
France.

Les villes du
Westquartier,
se soumettent
au Robert le
Frison.

Premier renou-
veau de Flandre co-
tre son seigneur
naturel.

pour rafraîchir & renouveler la promesse, que auparavant par main interposée ils auoyent faite, audit Conte Robert. Auquel fut audit Gand, fait tout l'honneur, & bon recueil dont on se pouoit aduier. Et lequel apres auoir reçu le serment de fidelité de ceux illec venus ausdictes fins, marcha contre la ville d'Ypre, laquelle en bien petite espace il reduit sous son obeissance. De la s'acheminá vers Lille, ou par le moyen & faueur du susdict Messire Gherard du Buc chastelain il fut receu dans le chastel, & tost apres se fit semblablement maistre de la ville, ou fut occis & mis en pieces le seigneur de Mailly, en payement du buirage, qu'il auoit par ses ruses & parnicieux conseil brassé, au pouure país de Flandre. Mais Madame Richilde incontinent qu'elle sceut que iceluy Robert s'estoit inuesty du chastel, pourueut diligemment a sa retraicte, & s'enfuyt vers la ville d'Amiens, en deliberation d'y attendre le secours & assistance qu'elle esperoit du Roy. Ce pendant le Conte Robert, ayant laissé aucuns de ses gens en garnison audit chastel de Lille, vint vers la ville de Cassel, qui sans aucune difficulté par le capitaine Boniface luy fut aussi tost mise entre les mains, & successiuelement le demeurant des petites villes du Westquartier, se submirent au pouoir & obeissance du Conte Robert. Et ceste fut la premiere commotion & rebellion, qui par les histoires se trouue auoir esté faite par les Flamens contre leurs Contes & seigneurs. Ausquels ils se sont depuis quasi tousiours monstrez tresobeissants & loyaux, comme aussi de leur costé, les Contes & seigneurs de Flandre, ont ordinairement esté Princes autant modestes, discrets, vaillants, & debonnaires qu'on ayt jamais sceu trouuer au demeurant de la Chrestienté. En ceste guerre (dont la source fut telle qu'auuez veu) tindrent le party du Conte Robert, les villes de Gád, Bruges, Furnes, Berghe, Bourbourg, Cassel, Roulers, Courtray, Harlebecque, Oudenbourg & Ardenbourg, & depuis les villes d'Ypre & de Lille, mais pour la Contesse Richilde & ses enfans tenoyent les villes d'Arras, Douay, Tournay, Saint Omer, Boulongne, Ardre, Saint Pol & Bethune.

Cam-

Comment le Roy Philippe de France descendit avec merueilleuse puissance au pais de Flandre, au secours de la Contesse Richilde & de l'encouragement que Robert le Frison donne aux Flamens.

CHAPITRE L.



O v s auons laissé au chapitre precedent, la Contesse Richilde avec ses enfans, en la ville d'Amiens, ou elle s'estoit retirée, esperant d'estre secouruë & fauorisée du Roy Philippe de France. Or entendez maintenant, que la dicte Richilde, estant arriuée audict Amiens, enuoyá en toute diligence vers ledict Roy Philippe pour son ayde & assistance, lequel aduertí de tout ce que s'estoit passé au pais de Flandre, assemblá vne merueilleusement grosse armée, avec laquelle il vint trouuer la Contesse audict Amiens, & print son chemin vers Flandre ou il ne fut plustost entré, que plusieurs nobles & autres de la Flandre Gallicante se vindrent presenter a ladicte Contesse, & au Conte Arnould le Simple son fils leur vray & naturel seigneur, sous lequel ils se joindirent aux forces dudit Roy Philippe, lequel ce pendant gaignoit tousiours chemin, & marchoit en grande diligence, avec deliberation de liurer bataille, le plustost que luy seroit possible au Conte Robert & aux Flamens Flamengants, qui tenoyent le party d'iceluy, lesquels d'autre costé s'estoyent assemblez en la ville de Cassel, ou pour lors estoit ledict Conte Robert : le quel, s'apperceuant de l'estonnement & frayeur dont les coeurs de ses gens estoyent saisis, au moyen de l'incomparable puissance, que le Roy Philippe menoit avec luy s'aduisá de les consoler, & animer par les raisons, qu'il deduiet & proposá, en vne harangue qu'il leur fit, telle en substance: O hommes vaillants mes bons amis & compagnons, je scay que plusieurs d'entre vous, se treuuent assez estonnez, de l'incomparable puissance que le Roy Philippe de France meine avec luy, pour secours de celle, que iulques a present vous a traicté comme serfs & esclaués, & mesmes que personne ne se doit esbahir de vostre crainte & estonnement. Mais pour ce que la guerre, & la bataille sont a noz portes: & que les choses qu'en ma faueur, (prin-

Les nobles de Flandre Gallicante viennent au secours du Conte Arnould leur seigneur naturel.

Les Flamens timidez a raison du grand nombre de soldats du Roy de France. Harangue de Robert le Frison aux Flamens.

Exaggeration de la cruauté de la Contesse Richilde.

Remonſtrance
de l'injuſtice
de ſes ennemis

L'auarice deſ-
dicts ennemis.

La foy doit e-
ſtre entretenue
au meſme ca-
nemuy.

cipalement toutesfois pour le maintien de voſtre liberté) „
 vous auez juſques icy faiſtes , contre la Contefſe Richilde „
 ſont telles, que veuë la cruauté d'icelle , ne pourriez en „
 deſiſtant de voſtre entreprinſe , attendre que vne miſera- „
 ble mort , ou bien vn autre ſeruitude , trop plus intollera- „
 ble que tous autres tourments du monde : il m'a ſemble „
 bon de vous exhorter & admoneſter, comment vous pour- „
 rez recouurer la premiere force , de voz courages . Pre- „
 micrement je feray mention de la guerre , & vous mon- „
 ſtreray , que nous auons bonne & juſte cauſe , de la faire „
 & que les injures & outrages , de nos ennemis nous y con- „
 traindent. Ce qui doit principalement aguifer voſtre mag- „
 nanimité . Puis apres, je vous feray cognoiſtre que les cho- „
 ſes meſmes qui nous contriſtent, ne ſont pas ſi dangereuſes „
 qu'il ſemble , & que encore y a il bon eſpoir a la victoi- „
 re . Pour traicter donc , de ce que j'ay propoſé en pre- „
 mier lieu , je veux deuant toute choſe faire vous meſ- „
 mes teſmoings de mon dire . Car vous ſcauez qu'elle „
 eſt l'iniuſtice de ceſte Contefſe & de ſes adherents , com- „
 me de faiſt ce ſont gens ſans religion & du tout barba- „
 res , & qui ſur tous autres vous ont grandement trauail- „
 lé . Vous ne deuez auſſi ignorer le peu de foy , & auar- „
 rice extreme de ce Roy François , lequel eſt preſente- „
 ment deſcendu pardeça pour noſtre commune ruyne . Et „
 toutesfois (encore que je ne reproche point les autres be- „
 nefices , que autrefois noz predeceſſeurs ont faiſt a ceſte „
 nation) qui eſtce qui durant la minorité d'iceluy Roy, luy „
 a conſerué entier , & ſans aucune dommaige ſon royau- „
 me que feu Baudouyn de Lille mon treſhonnoré ſeigneur „
 & pere . Nonobſtant quoy , apres m'auoir premierement „
 fiancé & promis ſon aſſiſtence , n'a eu vergongne de ſe al- „
 lier a la Contefſe Richilde , m'eu ſeulement d'vne ordu- „
 re de deniers , qu'on luy a offert & preſenté . Et ſi ainſi eſt, „
 que la foy doue eſtre gardée , meſmes a l'ennemy, com- „
 bien pluſtoſt la deuoit il auoir entretenue en mon endroiſt „
 qui luy eſtoye amis ? Mais cela ne ſe trouue entre telles „
 gens comme ils ſont , leſquels ne penſent ſe trouuer aucu- „
 ne honneſtete , a laquelle le gaing ne ſoit conjoinct , eux „
 pre-

" persuadants aussi, que les torts & oultrages doiuent demeu-
 " rer impunis, quand ils sont faicts sous esperance de gaing.
 " Doubterons nous donc, que ce ne soit nostre devoir de
 " pourfuyre ces hommes injustes, par juste guerre, laquel-
 " le Dieu veut que nous facions, & la raison nous comman-
 " de, de nous venger tousiours des oppressions & violen-
 " ces qui nous sont faictes, voire par guerre qui non seule-
 " ment est iuste, mais aussi necessaire. Car ceste Contes-
 " se, & (par consequent) tous ceux qui luy adherent, en-
 " tuant les deputéz vers elle, autrefois par vous enuoyez,
 " pour les affaires de ce païs, & lesquels indubitablement
 " sont a nombrer au lieu d'embassadeurs, messagiers, ou
 " heraulds, a perpetré la plus grande cruauté de toutes
 " les autres, selon la confession mesme tant des Greqs,
 " que de toutes autres nations. Aussi y a il chose plus
 " meschante, que de tuer vn messagier, ou deputé, trai-
 " tant de droict & raison ? Qu'elle prosperité en guerre,
 " ou qu'elle felicité au reste de sa vie, peut attendre vne
 " telle meurtre ? On pourroit dire que le droict & la
 " raison est pardeuers nous, mais que les forces & le plus
 " grand nombre sont de leur costé. Et ores que ainsi
 " fut, cela mesme nous deuroit inciter a plus grande
 " vertu : car ce n'est le faict d'un homme preux & har-
 " dy, ny son honneur, d'assaillir ou deffier le premier foi-
 " ble qu'il pourra rencontrer, ains se doit attacher aux
 " plus forts & les vaincre : Outre ce, que tel propos,
 " n'est bien seant, ny conuient a vn homme Chrestien :
 " lequel se doit asseurer, que toutes les forces de quel-
 " que grande armée que ce soit, doibuent necessaire-
 " ment estre reduictes a neant, quand on prend les ar-
 " mes temerairement pour combattre contre l'equite, mes-
 " mes que l'esperance de la victoire ne peut estre bien
 " appuyée si preallablement, la crainte de Dieu & la justice
 " ne luy seruent de fondement. Or nous auons la justice pour
 " nous. Parquoy ne reste que de prendre vne vertueuse &
 " magnanime resolutiō ou de mourir tous ou de vaincre met
 " ras au reste toute nostre fiace en la bonté & juste prouidēce
 " de Dieu

*La multitude
des ennemis
maniere de plus
grande gloire.*

*L'esperance de
la victoire ne
peut estre bien
appuyée, quand
on combat con-
tre la raison &
equité.*

Les Flamens se
mettent en estat
de grace auant
combattre ceux
qui venoyent a
l'assissement de
la Contesse Ri-
childe.

de Dieu. Et afin de le nous rendre plus propice mon opi-
nion seroit, comme aussi je vous conseille a tous en gene-
ral, que chascun particulierement se mette en deuotes prie-
res & en estat de grace. Ces parolles encouragerent mer-
ueilleusement les Flamens, lesquels suyuant le conseil &
ordonnance du Conte Robert, se mirent en estat de grace,
colloquans toute leur esperance en Dieu & en la justice
de leur querelle, causée des exactions & cruantez insup-
portables, dont ladicte Contesse par l'aduis & conseil des-
dicts seigneurs de Mailly & de Couchy, les auoyt chargez
& traictez.

*De la cruelle bataille des Flamens sous la conduite de Robert le Fri-
son, contre la merueilleuse puissance des François, pres la ville
de Cassel, et de la glorieuse victoire que ledict Robert le Frison ob-
tint sur lesdicts François.*

CHAPITRE LI.



E pendant que les choses susdictes se faisoient
en la ville de Cassel, le Roy Philippe de Fran-
ce, le Conte Arnould de Flandre, la Contesse
Richilde sa mere & le reste de leurs gens mar-
choyent a grandes journées, faisant estat de
reduire de brief leurs ennemis a telle raison qu'ils desiro-
yent: veu principalement le grand nombre de gens qu'ils
estoyent: & quasi tous experimentez en la guerre & cōtre
le quels ils esperoyent que le Conte Robert & ses adherēts
n'auroyent pas plus de durée, que vn peu de paille seiche
dans vne ardante fournaise, & neantmoins ils se trouuerēt
peu apres par trop deceuz, & fourcomptez. Pour autant
que le Conte Robert, estant aduertie du grand deuoir que
le Roy Philippe faisoit de marcher pour le venir trouuer,
& mesmes qu'il n'estoit guerres loing d'eux, mit ses gens en
bon ordre, avec lesquels il attendit de pied quoy, guerres
loing de la ville de Cassel, la venue de ses ennemis: lesquels
ayant d'assez pres apperceu, pour dauantage encourager
ceux de son party, parla de rechief a eux de ceste sorte. En-
cores, que l'assurance qui j'ay de vostre prouesse & mag-
nani-

Autre hardiesse
de Robert le
Frison a ses gens
auant combattre.

« unanimité (opreux & excellents cheualiers & vous autres
 « mes bons amys & compagnions) m'oste toute occasion d'i-
 « teratiuement vous remonſtrer, les cauſes pour leſquelles
 « nous deuôs aujoudhuy veindre noz ennemis ou bien mou-
 « rir en la bataille. Si eſt ce que pour autant que ceſte tant
 « haſtée venue de noz ennemis, m'a mis en la memoire au-
 « cuns poincts, deſquels auparauant ne m'eſtoys ſouuenu, ay
 « bien voulu les vous communiquer, auant que nous en-
 « trions en la future meſlée. Ne ſoyez donc poinct eſtonnez
 « pour la multitude des ennemis, car le deſordre auquel je
 « voy marcher, m'aſſeure de la victoire, & quand, bien les
 « bonnes raiſons ne nous pourroyent entierement rendre
 « certains de la fortune a venir, ſi eſt ce que la fortune n'eſt
 « a craindre, quand on s'abandonne a ſes hazards avec bon-
 « ne occaſion. Je le dy (mes amis) par ce que la diſpoſition
 « du temps preſent (que noz aduerſaires ſont deſialas, & tra-
 « uaillez du grand chemin que continuellement ils ont faiſt)
 « nous donne plus grand aduantage ſur eux, que nous n'au-
 « rons parauenture jamais, ſi nous les laiſſons guerres en re-
 « pos. & puis que la raiſon bien ordonné en vn petit nombre,
 « eſt ſuffiſante pour veindre vne deſordonnée multitude, il
 « ne faut craindre la fortune, ou la raiſon laiſſée, la hardieſſe
 « ſans aucune temerité. Croyez que ce que aduiét en vn cō-
 « bat particulier de deux cheualiers, aduiét auſſi en vne ba-
 « taille generale de pluſieurs, reduicte ſoubs la charge & vo-
 « lonté, de deux capitaines. Car tout ainſi que entre deux
 « cōbatans, chaſcun taſche par tous moyens a ruer bien ſes
 « coups, affin qu'ils ne paſſent en vain, & a bien rabatre ceux
 « de ſon ennemy, affin qu'ils demeurent ſans effect, cherçant
 « au reſte tout l'aduantage, a luy poſſible. Ainſi, entre les ca-
 « pitaines il conuient par prudence chercher le moyen de
 « trouuer ſes ennemis en deſordre, ſoit en gaignant l'auan-
 « tage du lieu ou en leur donnant le Soleil, le vent, la pluye,
 « ou la poudre au viſage, affin que ayants la veuë empeſchée,
 « les bras ne poiſſent faire leur office ſi dextrement. Or puis
 « que ces aduantages ſe doiuent chercher avec l'opportuni-
 « té, & que aujoudhuy nous les auons en noſtre poiſſance,
 « eſtants nos ennemis en deſordre, & las du chemin, pren-

Les aduantages
 que faut cher-
 cher ſur ſon en-
 nemy en vne
 bataille.

B b dons

Le soldat est
fol, qui par co-
noissance de vi-
vre s'enfuit en
la bataille.

La cruelle ba-
taille de Cassel.

dons pour gage de nostre prochaine victoire, l'occasion que
 la fortune nous presente, & l'employons si courageuse-
 ment, qu'à l'aduenir elle ne se puisse plaindre de nous, ny
 nous de nous mesmes par la repentance, en laquelle nous
 pourrions tomber, pour auoir mal vſé d'un temps tant ap-
 pareillé en nostre faueur. Vous pryant au reste, d'auoir (en
 combatant) continuellement ces deux poinctz deuant voz
 yeux, sicomme, que de la vertu de voz bras, appuyée sur la
 justice de vostre querelle, depend la liberté de voz fem-
 mes, enfans, & patrie. Et que fol est le soldat, lequel par
 conuoitise de viure s'enfuit, veu que ordinairement l'on
 voit plus de couards mourir en fuyant la bataille, que de
 gens belliqueux & de vertueux courage, qui s'exposent a
 tous hazards. Ce dict, fit renger ses gens en bataille, & mit
 les gens de cheual aux deux ailes d'un costé & d'autre, &
 sur le front, ceux qui estoient legierement armez & les
 archiers, & apres ceux cy la force de la bande des Alle-
 mans & Frisons qu'il auoit mené de Saxonne, & depuis as-
 semblé deuant entrer en Flandre, & voulut estre luy mes-
 me en l'aile droicte de la bataille. Apres auoir ainsi ordon-
 né ses gens, il fit marcher tout son ost contre son ennemy:
 lequel d'autre costé, estonné au possible de l'hardiesse de
 ceux, qu'ils ne pensoyent deuoir seulement attendre leur ve-
 nue, & que neantmoins d'une telle assurance & mag-
 nanimite venoyent eux mesmes les assaillir, disposa de sa
 grosse armée, selon que le temps & le lieu pouuoient re-
 querir, admonestant en peu de parolles ses gens d'armes,
 qu'ils eussent a bien faire leur deuoir, attendu mesme la
 grande honte & perpetuel deshonneur que luy seroit, de
 succumber & se laisser vaincre par vne si petite troupe de
 gens, eux estants en si gros nombre, & combatains pour la
 restitution d'un jeune Prince desherité, par ses propres
 vassaux & subjects, autant traystres & malheureux, que
 la punition qui de brief s'en feroit, reysiroit grande, juste
 & exemplaire. En ces entrefaites, l'on sonna d'un costé &
 d'autre l'alarme, suyuant laquelle se leua un cry par les
 deux camps, si vehemēt qu'on n'eust quasi onc trouuer, &
 ainsi commencerent a s'entrechoquer, auquel endroit y
 eust

eust d'un costé & d'autre de grands coups ruez, continuant la bataille quasi jusques a Soleil couche: lors le Conte Robert s'appercheuant que le bataille se renforçoit du costé fenestre, print les plus hardis de ses gens avec soy, & se jectá de ce costé la, & ayant mis en route les premiers qui se presenterét, entrá jusques en la bataille, & mit en fuyte les adversaires en la poursuyte desquels il fust tant chauld, aspre, & violent, qu'ayant de beaucoup deuançé ses gens, il fut bié esbahi de veoir, tost apres aucuns de ses ennemis tourner visage, lesquels l'environnerét de tout costé, & le presserent de sorte, qu'il fut finablement contraint, demeurer entre les mains du Cōte Eustace de Boulongne, qui le mená prisonnier vers le chastel de Saint Omer, lequel tenoit lors pour la Cōtesse, Richilde. D'autre part les gens du Cōte Robert, qui estoient demeurez en l'aile droicte, voyants que l'autre partie de leurs ennemis estoit mise en fuyte, se esuertuerent de sorte, qu'ils mirent semblablement en branle l'aile droicte de leurs ennemis, qui jusques a lors, leur auoyent tenu cōtre carre, & en laquelle estoit le Conte Arnould, avec aucuns Flamens Gallicans, qui se portèrent mout vigoureuement, & signáment ledict Conte Arnould, lequel eust en icelle journée deux cheuaux tuéz dessoubs luy, lequel aussi cognoissant qu'il estoit de tout costé enuironné, que le Roy Philippe & ses gens estoient fuys, & que il n'auoit aucune ouuerture pour eschapper, s'arresta sur le lieu mesme avec aucuns que luy estoient demeurez de ses gens, & apres auoir occis plusieurs de ses ennemis, il mourut finablement l'espée au poing, & en vertueux & vaillant Prince. Qui fust veritablement vn grand domage a raison du grand bien & honneur, que promettoit pour l'aduenir la magnanimité de son courage, en aage tant jeune & delicat. Ses gés le voyants mort, & se sentáts de plus en plus presséz se mirent tous a fuyr, s'escartants ça & la. Et comme les Flamens Flamengants entendoient a les poursuyure, ils furent aduertis de la prinse du Conte Robert le Frison, & mesmes que le Conte Eustace de Boulongne le menoit en toute diligéce vers Saint Omer, Qui fut la cause que l'aisants ladicte poursuyte, ilz se joindirét avec la reste des gés

Le Frison mit en fuyte l'aile fenestre des François.

Robert le Frison pourchassant trop chaudement les ennemis, est luy mesmes arresté prisonnier par le Conte Eustace de Boulongne & mené vers Saint Omer.

Le Conte Arnould de Flandre a deux cheuaux tuez sous luy en ceste bataille.

Le Conte Arnould meurt l'espée au poing, & combatant vaillamment.

L'armée des France & Flamengs Gallicans du tout deffaite.

que auoyent auparauant fuy le fufdict Rober, & diligenterent de forte, qu'ils rencontrèrent ceux qui le conduiso-yēt guerres loing dudiēt Sainct Omer, & lesquels ils pourfuyirent d'une telle viuacité, qu'il ne fut oncques en leur pouoir, (nonobstant l'extreme diligence qu'ils y mirent d'entrer audiēt Sainct Omer, auant qu'estants lefdits Flamens desia sur leurs tallons, ils eussent pareillement moyé, d'eux fourrer pelemesse dedans ladiēte ville: ou ils deliurèrent lediēt Conte Robert des mains dudiēt Eustace, lequel mesmes fust prins & fait leur prisonnier. Telle fut l'issue de la fufdictē bataille, par laquelle se monstre que la victoire ne consiste point en la multitude des gens d'armes: mais en la promptitude & allegresse des combatās, & qu'il ny a si grand nombre, duquel la vertu ne vienne au dessus, comme il appert par le Conte Robert, lequel n'ayant vn tiers des forces que auoit le Roy de France, desconfit & mit en defarroy vne si puissante armée. Le Roy Philippe & ceux qui se sauuerent avec luy, se retirā a grand perte & deshonneur vers Monstreul, ou nous le laisserons, pour vous declarer ce que aduint au païs de Flandre, depuis vne victoire si glorieuse.

Robert le Frison deliuré des mains du Conte Eustace lequel est luy mesmes arresté prisonnier.

La victoire ne consiste en la multitude, mais en la magnanimité des combatans.

Le Roy de France s'esfuyt vers Monstreul.

Comment Robert le Frison fut receu apres la fufdictē victoire pour Conte de Flandre, & de la sepulture qu'il fit faire au Conte Arnould le Simple.

CHAPITRE LII.



LE Conte Robert & les siens, aises au possible d'une victoire si excellente, & mesmes quasi inespérée, firent le lendemain reueué de leurs gens, par laquelle ils cognurent, la perte qu'ils auoyent faite de plusieurs gentils compagnons de leur coste, entre lesquels neantmoins ny auoit aucun personnage de nom. Si auoit bien de ceux que auoyent tenu le party de la Contesse Richilde. Car le fufdict seigneur de Couchy y demoura, avec plusieurs nobles hommes, & grands barons, tant de France que du païs de Hainault, & de la Flandre Gallicante, & mesmes Guillaume

Mort du seigneur de Couchy.

me Osberne mary de ladicte Richilde, outre le Conte Arnould de Flandre dict le Simple, dont nous auons cy dessus descrit la noble & vertueuse mort, lequel aussi fut pleuré & merueilleusement regretté, du Conte Robert son oncle, lequel en memoire de sa vaillantise, fit représenter au vif sur son sepulchre l'image d'iceluy Conte Arnould en escarmouçant, & ayant vne espée en sa main, il fut enterré au monastere de saint Bertin, & mourust au mois de Mars en l'an septante deux, qui fut le temps mesme auquel la susdicte bataille se fit, sur le territoire de Cassel, sur vn jour de Sainct Pierre. Il fit aussi enterrer audict Sainct Bertin le corps dudit Guillaume Osberne. Ce faict, il se retira au pais de Flandre, ou il fut par tout receu a Conte, au grand contètement des vassaux & habitants dudit pais. Tant estoit grande la hayne & indignation, que pour les raisons que dessus ils auoyent conceu contre la Contesse Richilde, laquelle semblablement auoit en la susdicte journée de Cassel, esté constitué prisonniere. Qui neantmoins peu apres par l'entrepaiser de plusieurs barons, & nobles de Flâdre fust deliurée, & se retira pour quelque temps en France deuers le Roy. Comme pareillement fust deliuré, & mesmes sans payer aucune rançon, ledict Conte Eustace de Boulogne, & ce moyennant la tresinstante poursuyte, & a l'intercession de Geoffroy Eueque de Paris, que estoit frere dudit Eustace, de la quelle gracieuse té le Conte Robert fust assez tost apres, plus que suffisamment recompensé, selon que vous voirez, par le discours des chapitres subsequents.

Robert le Frison regrette la mort du Conte Arnould son neveu.

Sepulture du Conte Arnould. L'an M. lxiij.

Robert le Frison receu pour Conte de Flandre.

La Contesse Richilde prisonniere, & peu apres deliurée.

Robert le Frison relaxé de prison le Conte de Boulogne sans aucune rançon, dont apres il est bien recompensé.

De l'estrange aduenture que aduint prez Coulongne aux ambassadeurs de Robert le Frison, de la descente du Roy de France au pays de Flandre, & comment Robert le Frison contraindit Bandonyn de Hainault renoncer a la Conté de Flandre.

CHAPITRE LIIII.

PAR la maniere qu'aurez cy dessus peu entendre, Robert dict le Frison emprint le gouuernement de la Conté de Flandre, ou il fut receu pour seigneur.

B b iij

Robert le Frison
sondeur de Flandre
encoire qu'il ne
soit le plus pro
chain heretier.

Robert le Frison
son Mariage
Madame Ghertrude
de Saxe.

Les enfans de
Robert le Frison.

Robert le Frison
enuoye les
ambassadeurs
vers l'Empe
reur Henry le
quint, pour se
cours contre le
Roy de France.

De la merueilleuse
aduenture que
aduient aus dictz
ambassadeurs,
pres Coulongne.

neur audict an septante deux, du consentement des prelates nobles & commune d'illec. Le tout nonobstant & sans auoir regard a ce, qu'il en auoit vn autre assez plus prochain queluy, scauoit Baudouyn frere dudit Arnould le Simple, lequel s'estoit eschappé de la susdicte bataille, & retiré au pais de Hainault. Iceluy Robert le Frison, eust (comme dict est) a femme, Madame Ghertrude fille de Barnard Duc de Saxonne, auparauant vesue de Florens Conte de Hollande, de laquelle il eust trois fils & trois filles, sicomme Robert le Jeune Frison qui luy succeda Philippe pere de Guillaume d'Ypre, & Baudouyn Euesque de Therouaene, Marie Abbessse de Messines, Adele femme de Canut Roy de Denemarche, & apres Duchesse de Pouilles & de Naples, mere de Charles depuis Conte de Flandre, & Ghertrude Contesse de Louvain & apres Lantgrauessse d'Alsate, mere de Thierry d'Alsate, qui aussi en son temps fut Conte de Flandre. Le susdict Robert estoit vn Prince magnanime, vertueux & vaillant, & auoit la liberalite en singuliere recomandation, mais il estoit assez ambitieux & conuoiteux de grands gouuernemens. Peu apres que ce Robert fut receu audict gouuernement de Flandre, estant aduertty du grand appareil que Philippe Roy de France faisoit pour retourner en Flandre, en faueur du Conte Baudouyn de Hainault, ensemble pour se venger du grand deshonneur qu'il auoit receu en la journée de Cassel, doutant la grande force & puissance d'iceluy Roy, il enuoya aucuns ambassadeurs deuers l'Empereur Henry le quint, tant affin de luy faire hommage de la Conté d'Allost, & autres terres qu'il tenoit de l'Empire, que pour practiquer son aliance, & luy demander secours, contre le Roy de France & ses adherents. Ausquels ambassadeurs aduint apres de Coulongne vne bien estrange auenture, selonc que plusieurs fois depuis & par grande admiration, recita l'un desdicts ambassadeurs appelle Baudouyn, lequel estoit en son temps aduoué de Tournay. Si fust le cas tel: comme lesdicts ambassadeurs approchoyent, ladite ville de Coulongne ou pour lors estoit l'Empereur, ils rencontrerent vne dame de representatiō fort grāde & non

« honneſte, laquelle les interregá de leur eſtre, d'ou ils veno-
 « yent, & vers qu'il lieu ils ſ'acheminoyent, & pour autát que
 « ils tardérent vn peu a luy reſpondre: je ſcay bien (dict elle)
 « qui vous eſtes, ou vous allez, & d'ou vous venez, vous eſtes
 « meſſagiers de Robert le Friſon, lequel contreuenant au
 « ſerment, qu'en l'aſſemblée d'Audenarde il fit es mains de
 « Baudouyn de Lille ſon pere, touchant le faiſt du gou-
 « uernement de Flandre, a inhumainement faiſt mourir
 « le Conte Arnould ſon neveu, & deſherité contre tout
 « droict Baudouyn frere durdict Arnould deſa conté, & ſuc-
 « ceſſion de Flandre, il vous enuoye preſentement vers l'Em-
 « pereur Henry, pour contracter alliance avec luy, & auoir
 « ſa grace. Scaſchiez que l'Empereur vous fera gracieux re-
 « cueil, & vous donnera bonne reſponſe: meſmes que Ro-
 « bert le Friſon viendra au deſſus de tous ſes affaires, & de-
 « uiendra enſemble ſes enfans paiſible Conte de Flandre. Et
 « neantmoins a raiſon de ſes inhumanités, injuſtice, &
 « perjure ſuſdictz, ſa lignée defaudra tantotſt, & ne paſſe-
 « ra le troiſieſme degré. Si viendra la Conté de Flandre
 « ſur vn beau jouencel, lequel meura ſans lignée. Mais a-
 « pres ceſtuy, deux autres ſeront en merueilleuſement
 « grand debat, pour la ſucceſſion de Flandre, l'vn deſquels
 « ſera vainqueur, & tiendront ſes hoirs & ſucceſſeurs ladiſte
 « Conté de Flandre juſques a la venue d'Antechriſt. Ce
 « dict, ladiſte dame ſ'eſuanouyt de ſorte, qu'elle ne fut onc-
 « ques depuis deſdicts ambassadeurs veüe, ny apperceüe. Lei-
 « quels auſſi, ſuyuant le preaduertiffement de ladiſte dame,
 « eurent dudict Empereur telle reſponſe qu'ils deſiroyent, a-
 « uec laquelle ils retournérent peu apres vers le Conte Ro-
 « bert leur ſeigneur, lequel ils trouuèrent deſia en armes, &
 « preſt pour marcher contre le Roy de France, lequel eſguil-
 « lonne du deſdaing, qu'il auoit conceu de ſa honteuſe fuyte
 « & grád perte, auoit aſſemblé a Vitry vne incóparable puif-
 « ſance, avec laquelle pluſtoſt q' n'eſtimoit le Cöte Robert, il
 « eſtoit deſcédü vers S. Omer, qui par ſa factiö de Wulneric le
 « chaſtelain eſtoit miſe en ſon pouoir, & en laquelle ville il fit
 « des exploits de guerre ſi deteſtables, q' ma plume n'e porte
 « de les vous reciter, car il n'eſpargná ſexe, aage, ny religion,

Elle parle du
bon Conte
Charles.

Ce ſont Gug-
laume de Hain-
mandie &
ery d'Ellay

Predictiö de
chait ſuſdict
ſon enſi, Cöte
de l'ayſne.

Le Caſteleyn de
Saint Omer
tiure la ville au
Roy de France.

Lu croizé dös
le Roy de Fran-
ce en ladiſte vil-
le viä.

met-

Mirabilia opera Domini.

Le Roy de France meut d'une frayeur miraculeusement a luyenuoyée retourne vers France abandonnant partie de ses bagages & charroy.

Autre occasion de ce subit partement du Roy selon aucuns.

La forest de Bethloo, aux Contes de Boulongne.

mettant au reste toute la ville en vne lamentable confusion. Comme aussi auoit delibéré de faire par toute la Westflandre. Mais nostre bon Dieu, lequel comme vn pere soigneux, n'oublie jamais son peuple, du moins s'il n'est preallablement mesprisé & oublié, inuestit le coeur de ce Prince d'une frayeur & crainte ran estrange, que subitement, & sans attendre le demain il retourna en France, & pour la grande haste qu'il eust de partir, abandonna partie de son charroy & bagages, il laissa neantmoins aucunes gens en compagnie, & pour assistance de Baudouyn d'Hainault. Aulcuns estiment que ce subit partement du Roy Philippe hors du pais de Flandre, ayt esté practiqué par Godefroy Euesque de Paris, frere du Conte Eustace de Boulongne, lequel portoit faueur au Conte Robert, a raison que auparauant, il auoit a sa requeste deliuré ledict Conte Eustace de ses prisons sans luy faire payer aucune rançon, outre ce qu'il auoit les vertus dudit Robert en admiration si singuliere, que pour obuier a ce qu'il ne fust du tout destruit resolut en soy mesme de l'assister, & que suyuant ce apres auoir long temps pensé au moyen qu'il deueroit tenir pour paruenir a son intention, ensemble pour diuertir le Roy de son cruel propos, luy rescriuit secretemēt, qu'il auisast bien a son affaire, pour autant que s'il marchoit plus auant, & ne mettoit peine d'hastiuement se retirer, il se trouueroit trahy & liuré es mains de son ennemy. Et que le Roy adjoustant foy a cest aduertissement, abandonnant ses bagues, artillerie, charroy, têtes & pauillōs, seroit en toute diligence retourné en son royaume de France: ceux qui sont de ceste opinion adjoustant en outre, que le Conte Robert auroit depuis en recognoissance de ce grand benefice, donné audict Conte Eustace, la forest de Bethloo, que les Contes de Boulongne tiennent encores pour le jourdhuy. Quant a moy, je laisse a la discretion du lecteur, d'adherer a ce qu'il trouuera plus a son goust, & retoutneray au Conte Robert, que j'auoye laissé en equipage pour venir trouuer ledict Roy Philippe, lequel Robert aduertit du partement d'iceluy & que neantmoins Baudouyn de Hainault son neveu, assiste d'aucune troupe de gens, que le susdict Roy

Roy François luy auoit laissé, assembloit encores de toutes parts tant de gens qu'il luy estoit possible, tira contre ledit Baudouyn . Lequel il rencontra pres ledict Saint Omer, (que le Roy de France auoit (côme dict est) puis nagueres mis sous son obeissance , & apres vn dur & aspre conflict, qu'il eut contre luy, le mit en desarroy, & en fuite. Et s'aydant de sa fortune quy lors luy disoit bien , affin de ne laisser couller ceste bonne occasion de mettre vne fin a sa guerre, entra poursuyuant ledict Baudouyn , & Madame Richilde sa mere , au pais de Hainault, ou il fit plusieurs grands degasts, & dommages, & pressa de sorte lesdicts Baudouyn & Richilde, qu'iceux se voyants reduits en termes de perdre avec la Conté de Flâdre celle dudit Hainault, & n'ayant plus aucune esperance de secours du costé de France, enuoyèrent leurs ambassadeurs vers le pais de Liege, affin de practiquer l'alliâce, confederation, & amitie de Thiery Euesque dudit lieu, ensemble pour impetrer son secours & assistance contre la violence dudit Robert le Frison . Et affin de tant plus legierement l'attirer de leur costé, & le faire condescendre a leur requeste , releuerent par leursdicts Ambassadeurs, la Conté d'Hainault de l'Eglise de Liege. Au moyen dequoy, ledict Euesque leur presta route l'assistance a luy possible , & besoingná de sorte, qu'il moyenná vne bonne & seure paix entre le susdit Robert Conte de Flandre, & lesdicts de Hainault. Par laquelle entre autres choses fut traicté, conclu, & appointé, que le Conte Robert le Frison auroit pour soy & ses heritiers route la Conté & pais de Flandre, reserue seulement , la ville de Douay, avec ses appartenances, quy demoureroit au pouuoir du Conte Baudouyn de Hainault & de ses heritiers, moyennant aussy certaine somme de deniers , que ledict Robert le Frison promit payer a Madame Richilde & Baudouyn de Hainault, aux temps & payements lors assignez. Lequel Baudouyn de son costé, renonça lors pour luy & ses succeurs a la Conté & Seigneurie de Flandre, ensemble au droit que jamais il y pourroit pretendre. Par ledict appointement fust semblablement pour parlé & accordé, qu'iceluy Baudouyn seroit tenu & obligé de pré-

Robert le Frison
est en fuite
le Côte Baudouyn de Hainault, prez S. Omer.

Robert le Frison
gaste le pays de Hainault.

Baudouyn de Hainault enuoye ses ambassadeurs vers l'Euesque de Liege pour secours contre Robert le Frison.

Hainault releuée de l'Eglise de Liege.

Paix de Flâdre & d'Hainault.

Baudouyn renonce pour luy & ses succeurs a la Conté de Flandre.

dre en mariage vne des nieces du susdict Robert, sous condition & a peine que s'il ne le faisoit, il souffrieroit & perderoit la dicte ville de Douay, quy de toute sa succession de Flandre luy estoit seulement demeurée.

Comment Robert le Frison estant deuenu paisible Conte de Flandre fit paix avec le Roy de France, & du voyage qu'il fit vers Hierusalem, avec autres choses admirables.

CHAPITRE LIIII.



Baudouyn de Hainault trouue la niece de Robert le Frison sy laide qu'il ayme mieus souffrir la ville de Douay que l'espouser.

DA SUSdicte paix & appointment faict & accordé comme dessus, la niece de Robert le Frison fut a bonne compagnie conduite vers Hainault, pour suyuant ledict appointment, la marier avec Baudouyn Cote dudit Hainault, lequel trouua ladicte dame sy extremement laide, qu'il ayma trop mieus souffrir & perdre sa ville de Douay que de l'espouser, quy fut la cause qu'il la reuoya, & que par mesme moyen ledict Douay retourna es mains des Contes de Flandre. Et peu apres ledict Baudouyn se maria a Madame Yde, fille de l'Empereur Henry quatriesme de ce nom, de laquelle il eust vn fils nommé Baudouyn, quy luy succeda audit Hainault, par le moyen duquel plusieurs guerres s'esmeurent depuis entre Flandre & Hainault a raison du droit qu'il pretendoit audit Flandre, ce que causa vne grande ruine & destruction audit pais de Flandre, & de Hainault respectiement. D'autre costé le Conte Robert de Flandre, estant par le moyen qu'auex peu veoir deuenu Seigneur paisible d'icelle contrée, trouua moyen de faire paix, & pareillement s'accorder avec Philippe Roy de France, lequel finalement a l'instance & persuation de Godefroy Euesque de Paris print en mariage Madame Bertrude que la Contesse de Flandre femme de Robert le Frison auoit eu de Florens jadis Conte d'Hollande son premier mary, & de la quelle ledit Roy Philippe eust par succession de temps, Louys dict le Gros depuis Roy de France. Environ ce mesme tēps Philippe second fils de Robert le Frison, tomba d'un grenier, & se

Robert le Frison faict paix avec le Roy de France.

& se blessâ de sorte, qu'il en mourut tost apres, & fut enterré a Berghes Saint Winoch. Il laissa d'une sienne concubine, ou selon autres de sa femme qu'estoit fille de Guillaume Seigneur de Loo & viconte d'Ypre, un fils nommé Guillaume de Loo, & autrefois Guillaume d'Ypre, dont cy apres se fera plus particuliere mention. Le trouue par une ancienne chronique, que ledict Philippe le quinzieme jour apres sa mort, apparust sur sa sepulture a un religieux nommé Editius (qui s'estoit leué de bonne heure pour sonner la cloche des matines) & qu'il requist dudit Editius, qu'il voulüst prier pour son ame, l'asseurât que les oraisons des deuotes personnes, sont grandement prouffitables aux trespassés, comme le jour mesme ledict Editius recita a tous ceux du conuent, & au moyen de la frayeur, dont a raison de ladicte apparition, il auoit esté saisi, il mourut huit jours apres. Ledit Robert le Frison fut suiuant la bonne inclination de ses predecesseurs, pareillement fort enclin au seruice diuin, & au support des Eglises, il fonda le cloistre de Vvatene de chanoines reguliers au lieu mesme ou auoit esté la chapelle de Saint Regnier confesseur. Il eust toute sa vie merueilleuse & particuliere deuotion a Monsieur Saint Pierre, & principalement a raison de la belle victoire que au jour dudit Saint Pierre (qu'on dict Cathedra Petri) il eust contre le Roy Philippe de France, Arnould son neveu, & leurs adherents. Il fonda l'Eglise de Saint Pierre a Cassel de vingt prebendes, & fortifia le chastel dudit Cassel, ayment grandement tant qu'il vescu ladicte ville, en recordation de sa susdicte victoire, que pres icell il auoit obtenu. Il fit reparer grand nombre d'Eglises fondées a l'honneur & consacrées au nom dudit Saint Pierre. Il fonda, aussi en l'Eglise de Thorout dix prebendes, & fit faire la maison de VVinendale, avecq un bel & excellent parcq. Ces choses ainsi executées ledict Robert fit ses apprestes pour aller vers la sainte cité de Hierusalem. Ou de fait il s'acheminâ a tresgrande deuotion, en l'an mil septante cinq, & vindrent avecq luy de compagnie plusieurs nobles barons de lxxv.

Philippe de Flandre cobant d'un grenier se blesle & meurt laissant un fils, appelle Guillaume de Loo.

Ledit Philippe de Flandre xv. jours apres se monstre a un religieux qui peu apres meurt de frayeur.

Le Cloistre de Vvatene fondé par Robert le Frison.

L'Eglise de S. Pierre a Cassel fondée par Robert le Frison.

Les maisons & parc de VVinendale edifiez par Robert le Frison.

Lan M.

Robert le Frison avec plusieurs grands Seigneurs se transporte vers Hierusalem.

Le temple de Hierusalem se ferme contre Robert le Frison.

Flandre, & d'autres païs, entre lesquels se trouua le Conte de Iullers, qui passerent tous ensemble jusques au mont de Sinay, & visiterent les glorieuses reliques de Madame Sainte Catharine. La Chronique de Dunes atteste, que comme Robert le Frison pensoit entrer au temple de Hierusalem, la porte de l'Eglise se ferma contre luy. Dont ledict Robert estonné au possible, se confessâ a vn Saint ermite (qu'il trouua en ladite cité) d'un pesché que jusques lors il auoit tousiours tenu merueilleusement secret. Et apres retourna a piedz nudz, & la teste descouuerte vers ledict temple, ou la porte, lors s'ouurit d'elle mesme, & entra ledict Robert sans aucune difficulté, ou en faisant ses deuotions luy apparurent des admirables & estranges visions, selon que depuis il auroit plusieurs fois raconté, & apres auoir illec vaqué quarante deux jours continuels en prieres & oraisons, il se mit en chemin pour retourner en son païs de Flandre.

Comment apres la mort du Duc de Brabant, Robert le Frison restituâ Thierry son beau fils en la Conté d'Hollande, & comment ledict Robert, s'appareillant pour mener guerre contre Angleterre, pour ce qu'on luy refusoit la pension des trois cents marcs par an, mourut en sa maison de Vinendale.

CHAPITRE LV.



E Conte Robert le Frison, apres auoir fait ses deuotions en la sainte cité de Hierusalem retourna vers Flandre & exploicta tellement par ses journées, que finalement il y paruint au grand contentement de tous ses vassaux & supposts, & signamment de la Contesse sa femme, & de Robert le jeune Frison son fils, auxquels auât son partement, il auoit commis le gouuernement de Fládre, lequel luy fut remis es mains a son retour. Et estant peu apres aduertý du deces de Godefroy Duc de Brabant, lequel s'estoit par force fait Conte de Hollande (comme auiez veu cy dessus) & lequel fut par vn sien seruiteur nomme Ghislebert meurdry en sa chambre dans la ville d'Vtrecht,

Le duc de Brabant meurdry par vn sien vassal.

trecht, pensant aller au retraict, il besongna tellement que moyennant son ayde & assistance, Thiery fils de Florens le Gros, jadis Conte de Hollande & premier mary de la Cōtesse Ghertrude sa femme, fust restitué en ladicte Conté d'Hollande, a luy par droict de patrimoine escheu, & appartenante. Et l'Empereur Henry le cinquiesme, mit la main sur la duché de Lotrice & de Brabant, pour autant que le susdict Godefroy estoit terminé sans hoir de son corps. Enuiron ce mesme temps, sicomme en l'an septiesme sept, le Conte Robert le Frison, enuoya vers Angleterre pour receuoir du Roy Guillaume, la pension de trois cēts marcs, qu'il estoit accoustumé deliurer aux Contes de Flādre, pour la raison qu'en l'histoire de Baudouyn le Debonnaire, aurez cy dessus peu entendre, & selon que depuis il auoit tousiours payé, tant audict Baudouyn le Debonnaire, qu'à Baudouyn de Mons son fils, & mesme au Conte Arnould le Simple puis naguerres occis en la susdicte journée de Cassel. Et pour autāt que ledict Roy Guillaume refusa payer icelle pension, sous pretext que ledict Robert n'estoit vray et legitime heritier de ladicte Cōté, ains quil sy estoit fourré sinistrement, & par violente usurpation, Robert le Frison fit appareil de grand nombre de nauires, & de bonne troupe de soldats en intention de passer en Angleterre, & contraindre ledict Roy Guillaume a la prestation & payement de la susdicte pension. En laquelle entreprinse neantmoins il fut empesché par la mort quy le surprint en sa maison de Winendale, audict an mil septanttesept, & fust son corps transporté en la ville de Cassel, & enterre dans l'Eglise de Saint Pierre qu'il auoit fondé. Aucunes Chroniques maintiennent, que certain temps apres son trespas, l'on trouua que sa barbe estoit creute en bien grande cognoissance. Quant a Madame Ghertrude sa femme l'on ne trouue en aucuns histoires ny le temps de son trespas, ny le lieu auquel elle fut enterree. Tant estoit grande la negligence des historiens du temps passé.

Thiery fils de Florens le Gros restitué en la Conté de Hollande, par le moyen de Robert le Frison son beau pere.

Lan M.

lxxvij.

Robert le Frison enuoyé en Angleterre pour la pension des trois cents marcs au chapitre alij.

Trespas le Robert le Frison.

La barbe de Robert le Frison creuë apres son trespas.

Comment Robert le Jeune, cassá pour luy & ses successeurs la coustume, par laquelle les Contes de Fládre succedoyent aux biés meubles des gens d'Eglise, et de plusieurs fondations qu'il fit, & comment il crée le preuost de Saint Donas a Bruges, chancelier perpetuel de Flandre.

CHAPITRE - LVI.



Mariage de Robert le Jeune avec Madame Clemence de Bourgoigne.

Des enfans de ce Robert.

Madame Clemence craindát auoir trop de enfans vsá de quelque art, pour n'en auoir plus nulz, dont finablement elle est bien punié.

La clereté de Flandre se plainct au Conte d'vne mauuaise coustume que lors auoit au pays.

ROBERT, dict le Jeune Frison, succeda a Robert le premier son pere, & emprint le gouuernement de Flandre en l'an mil septante sept, il eust a femme Madame Clemence, fille de Guillaume Cote de Bourgoigne sur nomme Teste hardye, quy fut fils de Orho premier Duc de Bourgoigne, second fils de Robert Roy de France dit Capet, dont il eust trois fils sicome Baudouyn appelle Hapkin, qui depuis fut Conte de Fládre. Guillaume qui mourut en l'aage de dix & huit ans, & gist a S. Bertin. Et Philippe le quel semblablement trespassa bien jeune. Le treuve que ceste dame Clemence, eust lesdicts trois fils en moins de deux ans, & q̄ pourtant, pour la crainte quell' auoit, de auoir trop d'enfans, elle fit par je ne scay quel art, de sorte qu'elle n'en portá plus, selo que plus au plain tesmoingne la chronique d'Alberic, dont neantmoins elle portá assez tost apres la penitence. Car Dieu indigné de cest' inhumanité & malice, permit que ses trois fils mourussét sans enfans, luy donnant par mesme moyen occasion de pleurer au temps de sa viduité, & tout a loisir, la faute qu' auparauant & trop follement ell' auoit comise, seruant d'exéple pour destourner toutes autres de semblables fourfaicts. Ledit Robert fust en son téps vn vertueux Prince, prudét & hardy, comme mieux vous pourrez apperceuoir par la deduction de ses actes. A son aduenement en la Conté de Flandre, la clergie dudit pais se plaindoit merueilleusement, de la coustume, q̄ lors & tousiours auparauant auoit esté audit Flandre, par la quelle les Seigneurs & Cotes de Fládre succedoyent aux biens meubles de tous les prestres clerics seculiers, pour a quoy obuier le Pape Urbain rescriuit au Conte Robert en l'an mil nonante & vn vne lettre dont la teneurs' ensuit. *Urbanus Episcopus seruus seruorum Dei,*

dile-

" dilecto filio Roberto , totius Flandriae strenuo militi Salutē & Apo-
 " stolicam benedictionem. Memento, charissime fili, quantum omnipo-
 " tenti Deo debeas, qui te contra voluntatem parentum tuorum, de par-
 " uo magnum, de paupere diuitem, de humili gloriosum Principem se-
 " cit, & (quod maximū est et inter seculi Principes rarum) dote litera-
 " rum scientiæ atque Religioni donauit. Eius igitur memor esto qui te
 " talem fecit, & omnibus modis elabora, ut tantis beneficijs non inue-
 " niaris ingratus. Honora igitur eum in ecclesijs suis, & ulterius pres-
 " byteros aut clericos qualescunque sint, sub aliqua occasione vexare
 " minime presumas, nec eorum predia in tuos usus post eorum exitum
 " redigas, nec pecuniam seu quodcunque de patrimonio suo, illi dimit-
 " tunt violenter auferas, sed libera sit eis facultas, & Deo seruendi, et
 " res sui patrimoniij cuicunque voluerint impendendi. Quod si praten-
 " dis hoc ex antiquo usu in terra tua processisse, scire debes creatorem
 " tuum dixisse, ego sum veritas non autem usus vel consuetudo. Qua
 " igitur diximus charissime filij, volumus & per beati Petri Aposto-
 " lorum Principis clauas precipimus, ut obserues, & super libertate
 " clericorum te Christum honorantem honorifices, ipse verò attesta-
 " tione sui ipsius honorificantem se, honorificabit. Vale. Datum Apud
 " Sanctum Petrum anno millesimo nonagesimo primo.

Auxquelles lettres enuoyées du saint siege, le Conte Robert ne vou-
 lut obtemperer ny obeir, soy fondant sur l'usage & coustu-
 me inueterée de Flandre, & que vsant de son droict, il ne
 faisoit tort a personne. Au moyen de quoy ceux de la cler-
 gie firent vn assemblée par deuant Renauld Archeuesque
 de Rains & Loys Metropolitain de Fladre, ou fut finable-
 ment conclu & resolu de proceder contre le Conte Ro-
 bert, & ceux qui le portoyent en sadiete opinion & erreur
 par interdict & excommunication, Pour laquelle luy de-
 noncer furent enuoyez deuers luy Ernould preuost de
 Saint Omer, Jean Abbé de Saint Bertin, Gherard Abbe
 de Flam, & Bernard preuost de Watenes, lesquels vindrēt
 trouuer le Conte Robert au cloistre dudict Saint Bertin,
 ou il faisoit ses deuotiōs a raison du Saint temps de Qua-
 resme, & lequel receut lesdictz prelates moult benigne-
 ment, & doubtant les fulminations de Saint Eglise, cassa
 pour luy & ses successeurs eternellemēt la damnable cou-
 stume, dont auparauant ils auoyent vsc, au preiudice

des

Lettre du Pape
 Urbain tou-
 chant l'adisse
 plainte du
 clergé de Flan-
 dre.

Deus est veri-
 tas non autem
 usus vel consue-
 tudo.

Le Conte Ro-
 bert ne veut o-
 beyr aux lettres
 du S. siege.

Le Conte Ro-
 bert craindant
 estre excom-
 munié cassa la
 coustume par

laquelle, les
Contes de Flan-
dre succedoyent
aux biens meu-
bles des gens
d'Eglise.

Aduertissement
du lecteur tou-
chant la doub-
te que peut
sourdre, sy la-
dicte lettre fut
enuoye a Ro-
bert en questio-
n, ou a son pere
Robert le Fri-
son.

Aucuns esti-
ment que Ro-
bert le Frison
vescut jusques
a l'an quatre
vingts douze.

Le monastere
de Saint An-
drieu lez Bru-
ges fondé par
le Conte Ro-
bert.
Le Preuost de
Saint Donas a
Bruges, chan-
celier perpetuel
de Flandre, &
maistre des de-
niers de la mai-
son du Conte.

des libertez de l'Eglise, ordonnant que de lors en auant, les prestres & gens d'Eglise, peussent franchement tester de tous leurs biens meubles qu'ils delaisseroyent apres leur decés & trespas, dont aussi il leur donna lettres escriptes a Saint Bertin, audict an mil nonante & vn. Auquel endroit ay bien voulu preaduertir tout lecteur, que la susdicte lettre du Pape Urban peut sembler auoir esté enuoyée, non pas a ce Côte Robert, mais a Robert le Frison son pere, mesmes d'autant plus que ceste clause inserée en la susdicte lettre. *Quite contra voluntatem parentum tuorum de paruo magnum, de paupere diuitem, &c.* S'adresse directement audict Robert le Frison, lequel de pouüre fugitif, estoit deuenu riche & puissant Conte de Flandre. Qui me fait estimer, que l'opinion de ceux qui affirment, que ledict Robert le Frison vescut jusques en l'an quatre vingts douze, & qu'en l'an septante sept il resigna sa Conté de Flandre, a ce Robert son fils, pourroit estre veritable. Et principalement attendu, que autrement ladicte lettre datée de l'an quatre vingts vnz, ne pourroit auoir esté a luy adressée. Mais d'autre costé, se pourroit semblablement interpreter ladicte clause, *de paruo magnum, de paupere diuitem, &c.* qu'estant le pere d'iceluy Robert chassé de ses pais, & despoüillé d'iceux ce mesme Robert petit au moyen de la pouureté de son pere, seroit depuis, par la meilleure fortune d'iceluy, deuenu pareillement riche, & puissant. Laquelle diuersité d'opinions avec leurs raisons je couche volentiers en ce mien volume, afin que tout bening lecteur puisse commodieusement adherer a la plus vray semblable. Or pour retourner a nostre Robert le Jeune Frison, Conte de Flandre, sçachez qu'il ne degenera en riens des vertueuses traces de ses tres'illustres predecesseurs, ny mesmes en ce que cōcernoit le seruice & honneur diuin. Car il fonda l'Eglise & monastere de Saint Andrieu lez Bruges de religieux Benedictins, & doua de moult grands priuileges les preuost, & chanoine de Saint Donas a Bruges, par lesquels il fit & constitua ledict Preuost, chancelier perpetuel de Flandre, & maistre des deniers de la maison du Conte, permettant & accordant que les chanoines dudit Saint

Sainct Donas seroyēt a l'aduenir chapelains domestiques de ladiċte maison de Flandre, comme du tout appert par ses lettres de l'an mil quatre vingts neuf, esquelles sont inserées les clauses qui sensuyuent: *Præpositum sane eiusdem Ecclesie quicumque sit, cancellarium nostrum, & omnium successorum nostrorum, susceptorem etiam, & exactorem de omnibus redditibus principatus Flandriae perpetuò constituimus; eique magisterium meorum notariorum, et capellanorum, et omnium clericorum in curia comitis seruientium, potestatem concedimus. Canonici verò quicumque ad curiam meam venerint, ius capellanorum obtineant.* Il fit semblablement grand' assistance a Monsieur Sainct Arnould, Euesque de Soisson en la fondation du cloistre d'Oudenburch de Benedictins, & cōfirma le don que peu auparauint Anon chambrier perpetuel de Flandre, & Hasacca sa femme auoyent faict audiċt Euesque, pour commencer le susdiċt cloistre. Il donna congé & oċtroy, a aucuns religieux de l'ordre de Citeaux, pour commencer & fonder le cloistre des Dunes, sur la riuē de la mer au Westquartier dont sont lettres de l'an mil cent sept. Madame Clemēce de Bourgoigne sa femme, fondā deux cloistres de femmes de l'ordre de Monsieur Sainct Benoist, l'un a Bourbouch, & l'autre a Mercken ou selon l'opiniō d'aucuns a Auesnes.

Les chanoines de Sainct Donas, chapelains domestiques du Conte de Flandre.

Saint Arnould fonde a Oudēburch vn cloistre de Benedictins.

Anon chābrier perpetuel de Flandre.

Le cloistre de Dunes.

Madame Clemence de Flandre fonde deux cloistres de femmes, vn a Bourbouch, & l'autre a Mercken.

De l'institution d'aucuns ordres au temps du Conte Robert, & des choses miraculeuses & prodigieuses que au mesme temps aduindrent au pays de Flandre.

CHAPITRE LVII.



V temps du Conte Robert le Jeune Frison, sicomme en l'an mil septanteneuf sur la veille de Noel, aduint a Oudēburch en Flādre vn cas merueilleux & admirable. Car la tour de l'Eglise de nostre Dame, que monsieur Sainct Vrsmarus auoit au temps du Roy Dagobert fondē, ployā par force de vēt de sorte, que chascun estimoit, qu'elle deuoit tomber par terre, & demourā en tel estat, quatre ou cinc jours, au bout desquels par la volonte & permission diuine, ladiċte tour se redressā d'elle mesme, & fut

L'an M. lxxix.

Chose miraculeuse de l'Eglise de nostre Dame a Oudēburch.

D d

audiċt

Fontaine de
sang en zelande.

La chandelle
d'Arras.

Comencement
de l'ordre des
Cisteaux.

audist jour vetie en icelle Eglise vne merueilleuse clarté,
dont plusieurs au engles, foudrs, & autres malades y receu-
rent incontinent guarison. En l'an mil cent en Zelande, y
eust vne fontaine, qui durant quinze jours continuels, cou-
loit vne grand' abondance de sang, de sorte qu'ell' infecta &
redit sanguineuse les autres eaues qui estoient la autour.
D'autre costé enuiron ce mesme réps en la ville d'Arras la
vierge Marie apparust en accoustremét blac a deux iouués
ceux, lesquels ordinairement estoient accoustumez de jo-
uer d'aucuns instruments de Musique, dont ils se scauoient
ayder, deuant l'image de nostre Dame, & leur presentá vne
chandele de cire, qu'elle tenoit en sa main, laquell'a tou-
siours depuis esté, & encores est, conseruée, en grand hon-
neur & solénité. Et ores qu'elle soit souuent allumée l'on
maintient qu'elle ne se diminue aucunement. Et cest'est
la chandelle qu'on appellé la Chandelle d'Arras, qu'est an-
nuellement par deux jouuenceaux portée sur vn autel de
nostre Dame, le jour du S. Sacrement sy maintient on, que
plusieurs y vont par deuotiô pour auoir guarison de leurs
maladies, & signammét ceux qui ont aucun mébre espris
de feu, lesquels se lauans de leaué dans laquell' est distillée
& fondue la cire de ceste chandelle, recoient amende-
ment & santé. De ceste chandelle sont descendues plu-
sieurs autres, siccome celles de Berghe Valkéberghe, Me-
lun, Sangin, Arkes & autres. Je treuve qu'an temps de ce
mesme Robert, scauoir en l'a mil quatreuingts dix & huit
commença premierement l'ordre des Cisteaux, au moyen
d'vn religieux de l'ordre de S. Benoist de Mollins, au Dio-
cese de Langres, nommé Robert, lequel desirát viure du tout
conformément au vray ordre de Mōsieur S. Benoist, par-
tit de son monastere de Mollins, accompaigne de cinc ou
six religieux de son ordre, & se retira dás vne forest guerres
loing de Dijon, ou moyennát l'ayde du Duc Eude de Bour-
goingne, & a l'adueu du Pape Urbain, il comença fonder
vn petit monastere, ou il tint ladiete rigle moult estroicte-
ment. Et depuis reuint a Mollins, ou il reformá les religi-
eux, & procura q̄ Cisteaux fust erigée en Abbaye. Et peu
apres, siccome en l'an mil cent sept, fust erigée vn sembla-
ble

ble cloistre ou Westquartier de Flâdre du consentement du Conte Robert, selon qu'aurez peu veoir cy dessus. Environ ce mesme tēps cōmença semblablement lordre des Chartrous par vn docteur en theologie appellé Bruno, lequel estoit chanoine de l'Eglise de Rymes, & s'appliquoit a publiquement enseigner en la ville de Paris les escritures Saintes. Ledit docteur s'effroya merueilleusement d'un cas admirable & espouenrable, qui lors aduint audit Paris a l'endroiēt d'un notable docteur, puis nagerres terminé. Car ainsi qu'on le pensoit enterrer, il se leuâ debout en son luyseau, & cria a haute voix, par juste iugement de Dieu je suis damné. Ce qu'entendât ledit Bruno, lequel s'estoit trouué audit enterrement, & auoit tousiours eu le susdit docteur en reputacion d'hōme de bien & vertueux, se retirâ des tumultes & ambitions du monde, soy transportât a Cartruse, ou il institua l'ordre des Chartrous en l'an mil quatreuints & cinc. Et ores que cecy ne touche en rié les affaires de Flandre, sy est ce que j'en ay bien voulu toucher comme en passant, affin que ceux qui s'esbattront a lire ceste presente histoire, cōsidèrent la malicieuse calumnie des ennemis de nostre religion, lesquels s'efforcēt tant qu'en eux est, de persuader au pouure & simple peuple, que l'inuention, & institution des cloistres, abbayes & monasteres, est vn abus nouvellement introduit au monde. Pour donc retourner ad ce que concerne nostre pouriecté discours, sçaschiez que en l'an mil quatre vints quatre, le Conte Robert se transportâ vers l'Empereur Henry, quy lorstenoit son siege deuant la cité de Romme, ou ledit Robert luy fit hommage des terres qu'il tenoit de luy sous l'Empire, & se trouuâ present a la pōpouse & magnifiqu'entrée que le susdit Empereur fit en ladite cité de Romme, ensemble au courōnement d'iceluy. Et peu de temps apres, retourna en son païs de Flandre, ou luy furent apportées les nouuelles du trēspas de Madame Richilde sa tante, dont cy dessus auons souffissamment parlé. Laquelle apres les choses susdictes par elle faictes, meue du remord de conscience quy la poindoit, s'estoit en grande deuotion retirée vers la cité de Romme, ou

Cōmencement
de l'ordre des
Chartrous.

Pourquoy l'au
theus infere en
ce volume l'in
stitution, &
premier com
mencement
d'aucuns or
dres & reli
gions.

L'an M.
lxxxiiij.

Le Conte Ro
bert fait de
uant la cité de
Romme hom
mage a l'Em
pereur Henry
des terres qu'il
tient sous
l'Empire.

D d ij elle

La Contesse
Rechilde
Douagiere de
Flandre se tras-
porte vers Ro-
me & fait pe-
nitence de ses
crualtez pas-
sees.
Trespas de la
Contesse Ri-
childe.
Madame Ade-
le de Flandre
marie au Roy
Canut de De-
nemark.

L'an M.
lxxxvi.
Le Roy Canut
martirise pour
la sainte Foy
par ses propres
subiects.

La Roynes Ade-
le se teure a-
pres la mort du
dict Roy Ca-
nut, vers le Co-
te Robert son
frere.

Madame Adele
est remariee au
Duc de Pouille

elle fit pour quelque temps vne bien austere penitence, & depuis retourna a Messines, qu'elle fit reparer en merueilleuse sumptuosité, & peu apres mourut audict lieu en l'an quatre vingts quatre, & fut son corps enterre a Hasnó lez le Conte Baudouyn de Mons son premier mary, seló que aurez peu veoir en la vie dudit Baudouyn. Enuiron ce mesme temps. Le Conte Robert le Frison envoya en Denemark a grand pompe & magnificence, Madame Adele sa sœur deuers Canut Roy dudit Denemark, & ce pour effectuer le mariage commencé practiqué, & assez aupara-
uant conclu par le Conte Robert son pere, avec les ambaf-
sadeurs dudit Roy Canut, & deux ans apres sicomme en l'an mil quatre vingts six, le susdict Roy Canut fut piteu-
sement meurdry & martyrisé pour nostre sainte Foy, par ses propres subiects & vassaux, lesquels luy firent finer ses
jours du mesme genre de martire, qu'auoit auparauiant souf-
fert Monsieur Saint Hypolite, lequel fut deschiré & tiré en pieces par quatre cheuaux. Au moyen de quoy, la Roy-
ne Adele sa vesue merueilleusement effroyée d'une telle
nouuellité & cruauté, se retira le plus secretement & ha-
stiuement qu'il luy fut possible, vers le pais de Fladre pres
le Conte Robert son frere, portant avec elle vn jeune en-
fant, nommé Charles qu'elle auoit eu dudit Canut, lors
eagé seulement d'un an, lequel par succession de temps de-
uint comme voirez cy apres Conte de Flandre, & ladicte
Dame se remaria a Regnier Duc de Pouille quy fut fils du
tresuaillant Prince Robert Guistard, Duc de Pouille le-
quel fit vn' infinité de vaillantises contre les Turcs. Com-
batit l'Empereur de Constantinople Alexe, & deffendit le
Saint siege Apostolique contre l'Empereur Henry. Du-
quel Regnier ladicte dame eust vn fils appellé Guiscelin.

*De la premiere Crueiate contre les Turcs & infideles, qui fut publiée
au concile de Clermont, & comment le Conte Robert de Flandre
allá, avec plusieurs autres Princes, a la conqueste de la terre Sainte
de la prinse de la cité de Hierusalem, du trespas dudit Conte Ro-
bert, & d'autres choses memorables.*



En l'an mil quatre vingts quinze. Le Pape Vr-
 bain, vint vers Clermont ou il tint vn concile,
 auquel entre autres choses fust publiée
 vne Cruciate cōtre les Turcs. Lesquels auo-
 yent lors nouuellement prins sur les Sarra-
 fins, toute la Surie & Armenie, ensemble la ville de Hieru-
 rusalem, ou ils auoyent deshonneste le Saint Sepulchre,
 & faict aux Chrestiens dudict quartier des merueilleuses
 dirrifsions & insupportables outrages. Et fut ceste la pre-
 miere Cruciate quy jamais fut faicte par decret de Pape
 ou de concile, & dont fut cause selon que les histoires
 maintiennent, vn prestre d'Amiès, nomme Pierre, le quel
 retourne de Hierusalem en la cité de Romme, recita au
 Pape partye des grands maux que les Turcs faisoient en la
 saincte cité. Qui esmeut le Pape, & mesmes l'instigatiō de
 Boadmond Prince de Tarente, de proposer ladicte Crucia-
 te au susdict concile, & depuis de la faire publier. Suyuant
 laquelle publication s'assembla en peu de temps vne mer-
 ueilleuse multitude de peuple, de Flandre, Angleterre, Frā-
 ce, Brabant, Allemaigne, & de toutes les parties d'Occi-
 dent, quy tous ensemble prindrent la Saincte Croix, & se
 misrent en ordre pour passer la mer & faire ledict voyage,
 & de laquelle compaignie furent faicts conducteurs, Go-
 defroy Duc de Buillō, Baudouyn & Eustace ses freres, Hu-
 gue le grand frere du Roy de France Robert Duc de Nor-
 mandie, Robert Conte de Flandre, Baudouyn Conte de
 Hainault & plusieurs autres. Lesquels tirerent par diuers
 chemin vers Turquie en l'an mil quatre vingts seize. Mais
 uant partir, le Conte Robert de Flandre, comme Prince
 vertueux & prudent qu'il estoit, pourueut aux affaires de
 Flandre, commettant le gouuernement d'icelle a Madam-
 e Clemence sa femme, & a Baudouyn son fils appelle
 Hapkin, auxquels il donā pour adjoinct & collateral le Pre-
 uost de Saint Donas de Bruges: ce faict se mit en chemin,
 menant avec luy Madame Ghertude sa soeur, lors vesue
 d'Henry Conte de Louvain, laquelle il maria en chemin
 a Thiery Duc d'Elfate, dont vint Thiery d'Elfate depuis
 Conte de Flandre. Et continua ledict Conte Robert son

L'an M.
xcv.

La premiere
Cruciate con-
tre les Turcs &
infideles pub-
liee au Conci-
le de Clermon.

Le Conte Ro-
bert de Flandre
pren la Saincte
Croix, & parte
avec autres
Princes Chre-
tiens contre
les Turcs.

Madame Gher-
tude de Flandre
marie a Thiery
Duc, ou Lan-
grauce d'Alsace.

Dd iij che:

Le Conte de
Flandre prend
Romula sur les
Sarrafins, &
puis se joint
aux Chrestiens
tenant leur
siege deuant
Hierusalem.

Hierusalem
gaignée par les
Chrestiens.

Godefroy de
Bouillon Roy
de Hierusalem.

L'an M.
xcix.

Epitaphe de
Godefroy de
Buillon Roy
de Hierusalem.

chemin avec ses gens, jusques a ce qu'il paruint a Tripoli que lors aduerty de la deliberatiõ prise entre les Princes Chrestiens de mettre leur siege deuant la Sainte cite de Hierusalem, il sy transporta pareillement, & en passant print Romula qu'estoit vne bien forte place, & encores que ses gens fussent grandement trauaillez de faim & pestilence, sy eust ce qu'ils peruindrent a temps deuant ladicte cite, ou le susdict Robert acquist merueilleusement bon bruit & reputation, au moyen de sa magnanimité & vaillantise. Et pour autant que l'exploict lors fait par les Chrestiens deuant ladicte cite, & la prise d'icelle est assez au loing reprise & recitée par les chroniques de France, & mesmes par l'histoire particuliere dudit Godefroy de Buillõ, je ne suis deliberee trop m'arrester en ce passage, seulement vous veus declarer, que ladicte cite fust finablement (apres auoir este assiegee trente neuf jours continuels) reduicte par l'effort & magnanimité des Princes Chrestiens, sous leur pouoir & obeissance. Dont peu apres ensemble de toute la Syrie, ledict Godefroy de Buillon fust d'un commun accord des Princes Chrestiens illec assemblez, fait & esleu pour Roy en la cite d'Ascalon, en l'an mil quatre vingts dix et neuf, lequel morust vn an apres. Et fut enterre a Golgotha au portal du temple du S. Sepulchre, les actes & vertus duquel meritent bien qu'on adjoüst en tous volumes & escriue par tout son Epitaphe. Entât mesmes qu'il pourra parauenture seruir a tous autres Princes Chrestiens d'esguillon pour en ensuyuant le bon zele & la magnanimité vraiment Chrestienne de ce tresuictorieux Prince, entreprendre pareillement quelque fois la conqueste des terres saintes, que noz ennemis communs ont sy long temps occupé, & detiennent encore pour le present, a nostre tresgrand honte & confusion. L'epitaphe donc d'iceluy Godefroy, qu'encores pour le jourdhuy se peut veoir, sur sa sepulture, est tel.

*Fraucorum gentes Sion pia loca petentes
Mirificum syds dux hic rexit Godofridus,
Egypti terror, Arabum fuga, perfidis horror,
Rex licet electus, Rex noluit attitulari*

Nec

*Nec diadema tulit, voluit Christo famulari,
Eius erat cura Syon sua reddere iura,
Catholicęque sequi pia dogmata iuris & æqui,
Totum scisma teri pietatem inſque ſoueri.*

Quy ſignifie.

*Cy giſt ce Godeſroy treſuaillant capitaine
Eſtoile ſplendiſſante & prudent gouuerneur
Des braues champions François, leſquels il meine
Deuers Hieruſalem la Saincte, d'un grand coeur
D'Egypte le ſleau, des Arabes la ſuyte,
Des periuers meſchans la crainte & la terreur
Lequel eſten pour Roy des Priuces & leur ſuyte;
Eſtre oncques ne voulut Roy nommę, pour l'ardeur
Qu'il auoit de ſuyuir en l'amilitę ſaincte
Les marches de ſon Chriſt & bening redempteur,
Eſtre auſſy ne voulut couronnę, mais ſans ſainte
Au prouiſſe de ſon peupl entendoit & bon heur
Son premier ſong eſtoit d'adminiſtrer juſtice
Aux ſiens, & d'adhérer aux enſeignementz bons
De la foy & meitroir par tout bonne police,
Les ſeiſmes deſtruivant pleins d'erreur & ſelons.*

OR (pour retourner a noſtre propos) le Conte Robert, apres q̃ la ſainte citę fut reduite ſoubs le pouoir des Chreſtiens, retourna en l'an mil cent en ſon païs de Flandre. Ou l'on fit par tout vn' infinite de feus de joye, pour teſmoigner le contentement quę chaſcun auoit conceu, par le retour de leur bon Prince & Seigneur. Il rapporta avec luy d'oultre mer le bras, de Monſieur Saint George qu'il donna a l'Egliſe d'Auchin, ou il l'enuoya par l'Abbe Aymeric. Et aſſez toſt apres fit conduire en merueilleuſement de ordre & equipage Madame Gheirtrude la ſœur, vers le païs d'Elſate, pour conſommer le mariage qu'en paſſant par les Allemagnes il auoit auparauant conclud & arreſte, d'être ladicte dame, & Thierry Duc dudit Elſate. Ledict Robert eult, en l'an mil cent & deux, groſſe guerre contre l'Empereur Henry le quinze, & allęga la ville de Cambray, au ſecours de la quelle l'Empereur deſcendit vers Flandre en grād puiffance, mais il fut toſt apres cōtraint de retourner ſans

Retour du Conte Robert en Flandre. L'an M. cent.

Madame Gheirtrude de Elſate enuoyę vers le païs d'Elſate pour conſommer le mariage d'elle & dudit Duc Thierry. L'an M. cent ij.

Le Conte Robert assiege la ville de Cābray & la recoit en son obeissance par appointement.

L'an M. cent ij.

Le Conte Robert reconcilié a l'Empereur Henry moyennant la restitution qu'il luy fait de ladicte ville de Cambray.

L'Eglise d'Arras exemptée de celle de Cābray, a un Euesque particulier.

L'an M. cent xi.

Le Conte Robert passant par vn pont appelle pons Neldensis, tombé par faulte de son cheual, & trois jours apres en mourut.

Madame Clemence Douagiere de Flandre se remarie au Duc de Brabant.

L'abbaye de Affleghem fondée par le Duc de Brabant.

sans rien faire, obstant l'extreme & dur yuer que lors suruint. Au moyen de quoy le Conte Robert receut ladicte ville par appointement. Et en l'an suyuant quy fut mil cent & trois, en vne grand feste & assemblée, que l'Empereur tint avec merueilleuse pompe & solemnité, en la cite de Mens, le Conte fust reconcilié audict Empereur, moyennant la restitution qu'il luy fit de ladicte cite de Cambray: je nay memoire d'auoir jamais trouué l'occasiō de ceste guerre. Il suffira pourtant vous declarer, que dudict siege de Cambray est yssu que l'Eglise d'Arras, eust vn Euesque particulier & fut exemptée de celle de Cābray, moyennant la poursuite que le Conte Robert fit a ces fins vers le Pape de Romme, & fust lors constitué Euesque Lambert Archidiacre de Tournay. Ledit Conte Robert se transporta en l'an mil cent & vnze vers France pour assister au couronnement du Roy Louys. Et comme a la requeste du dict Roy Louys, il s'estoit mis en armes en intention d'aller trouuer le Conte de Dampmartin, & le cōbatre, passant par vn pont appelle *Pons Neldensis*, son cheual broueschā, & tombā dessoubs. Dont il se bleschā de sorte, que le troisieme jour ensuyuant, qu'estoit la veille de Sainte Barbe, il termina audict an mil cent & vnze. Et fust son corps, enterre au cloistre de Saint Vaast d'Arras, que lors il auoit nouvellement reformé, & reduit sous la rigle de Clugny. Madame Clemence sa vefue se remaria aucun temps apres, a Godefroy Duc de Lotrice & de Brabant, fils du Conte Henry de Louvain, & de ladicte dame Ghertrude, qui fut depuis remariée au Duc d'Elfate. Et auquel Godefroy l'Empereur Henry le quint, auoit vn peu auparauant doné, lesdicts duchez de Lotrice & de Brabant auxquelles il incorpora Louvain & Bruxelles. Ce mesme Godefroy fust le premier & principal fondateur du cloistre d'Affleghē, & eust de ladicte dame Clemence de Bourgoingne, deux fils & deux filles, scauoir, Godefroy, qui fut Duc apres luy, Henry lequel deuint moine audict Affleghem, Aleys qui fut marié au Roy Henry d'Angleterre, & Yde que le Conte de Cleues print a femme. Ladicte Clemence de Bourgoingne vefue dudict Conte Robert trespassa en l'an mil

mil cent vingt & huit, mais je ne scay ou elle fust enterrée, elle eust a freres le Pape Calixte deuxiesme, Otho Duc de Bourgoingne, & Henry Duc de Bauiere.

Comment Baudouyn Hapkin print a femme Madame Agnes de Bretagne, laquelle a raison de leur proximité de sang luy conuint delaisser, avec autres choses memorables.

CHAPITRE LIX.



BAUDOUYN Hapkin, fils de Robert le Jeune, emprint le gouuernement de Flandre en l'an mil cent & vnze; il fust appellé Hapkin ou Hapicle, a raison de sa grande justice. Car en son temps & plusieurs ans apres les executions de justice, qui de present se font de l'espée, se faisoient de douloires ou hapkins. Autres maintiennent qu'il fut ainsi nommé, pour autant qu'il estoit accoustumé de se seruir de tel baston plus que de nul autre, & que toujours en auoit vn avec luy, mesmes que ordinairement il portoit pour enseigne en sa banniere vn semblable baston. Il print a femme Madame Agnes fille de Allain Conte de Nâtes ou de Bretagne, mais pour la cōsanguinité qui fut trouuée entre eux, ils furent diuorcz. Et fut icelle proximité recitée au consistoire du Pape, par Conon Euesque *Prenestensis*, en ceste maniere. Constance femme de Robert dict Capet Roy de France, & Emergaert Contesse de Auvergne furent sœurs, filles de Guillaume Conte d'Arle. De Constance vint Adele Contesse de Flandre, mere de Robert le Frison: d'iceluy Robert, Robert le Jeune, qui fut pere de Baudouyn, dont a present entendons parler. D'autre costé de ladicte Emergaert, vint vn autre Emergaert, qui eust a fille Berthe la Contesse, dont vint abissis Contesse de Nantes, & d'elle le Conte Allain, pere de ladicte Agnes. Par ou appert que le respect de consanguinité aux faicts de mariage, estoit lors en trop plus grande consideration que maintenant. Apres ledict diuorce le Conte Baudouyn ne se remaria jamais, & mourut sans hoir de son corps, selon que entendrez incontinent. Il fit

Baudouyn Hapkin pour quoy ainsi appellé.

Baudouyn Hapkin prend a femme Madame Agnes de Bretagne, de laquelle il est depuis diuorcé a raison de leur mutuelle proximité.

E c

refor-

Baudouyn
Hapkin donne
à ceux de saint
Bertin la ville
de Poperinghes

Bonne coustu-
me en Flandre
s'elle fut bien
observée

Assemblée des
estats de Flâdre
en la ville d'Y-
pre.

reformer avec Madame Clemence sa mere, le cloistre de Saint Pierre a Gand, & cestuy de Saint Bauon, le tout moyennant l'assistance qu'a ce luy firent Arnould Abbé dudict Saint Pierre, & Lambert Abbé de Saint Bertin. Auquel Saint Bertin il fit plusieurs grands biens, & entre autres luy donna la ville de Poperinghes. Il estoit assez jeune quand il vint au gouvernement dudict pais, car il ne excedoit l'age de dix & huit ans, & neantmoins il estoit sage, prudent & de grande entreprinse : & que ainsi soit, ce fut le premier selon le tesmoignage de tous les historiens de Flandre, qui s'auança de chastoyer & faire justice des nobles, faisants outrage aux poures gens du pais, & renouuellâ la coustume, que long temps auparauant auoit esté audict pais, par la qu'elle n'estoit loisible a personne de quelque condition ou qualité qu'il fut, de prendre aucune chose sans payer, ou despouiller quelque paissant ou autre, ny mesmes en temps de guerre & ce sous peine de fourfaire la vie, sans aucun respit ny misericorde, laquelle coustume neantmoins encore que tresbonne, & raisonnable auoit par les Contes ses predecesseurs, esté mise en nonchalloit & hors d'vsance, obstatz (comme je croy) les continuelles guerres, esquelles ils s'auoyent quasi tousiours trouuez enuoloppez. Pour la restitution de laquelle coustume en son premier estat, ensemble affin d'aduiser le moyen qu'on pourroit tenir, pour gouverner & regir ses subjects en bonne paix & assurance, le Conte Baudouyn fit, au commencement de son regne, appeler les principaux barons & nobles de son domaine en sa ville d'Ypre, ou se traictèrent les choses que pourrez cognoistre par le chapitre subseqent.

Comment Baudouyn Hapkin au commencement de son gouvernement fit assembler les estats de Flandre, pour aduiser au moyen que conuiendrait tenir pour gouverner le pais en union & tranquillité, & de la paix publique, qu'il fit publier, ensemble de la rigoureuse execution faicte sur aucuns seigneurs contreuenants a ladicte paix.



Des barons nobles, & autres, du pais de Flandre, assemblez en la ville d'Ypre, au jour par le Conte Baudouyn, a eux assigné, se trouuerent vers ledict Conte, pour entendre le motif de sondicte commandement, & l'occasion qui l'auoit meu, de les faire illec euoquer. Ausquels pour tant le Conte, apres le silence par son herauld commandé, parla d'une bien bonne grace de ceste sorte. Mes amys & bons vassaux, je croy que nul de vous soit ignorant, des graces, qu'a pleu a nostre Seigneur me faire, me constituât Conte & Seigneur sur vn pais tant riche & opulent, qu'est cestuy que je possède. A raison de quoy, me semble raisonnable, que tout ainsi que sommes en ce pais les premiers, qui parcellément nous ne soyons seconds a nul autre Prince, pour luy en rendre graces immortelles, par bonnes & vertueuses œuvres, ausquelles sommes obligez de nous occuper, & appliquer. Qu'est l'occasion, qui me meut de bien instamment vous prier, & neantmoins (suyuant l'autorité par le tout puissant a moy donnée) vous commander, que tous ensemble vueillez me conseiller comment en voz consciences vous semble, que je me doive a l'aduenir gouverner pour le soulagement de mes subjects, & pour l'entretènement & augmētation de nostre estat. Vous assureāt (mes amis) que suis delibéré non seulement croire, mais aussi d'exécute le bon conseil, qu'au susdict effect, j'attens de vous, cōme de mes loyaux & fideles subjects, & affin d'y pouuoir plus muerement pēser, vous pourrez cōmuniquer par ensemble tout a loisir, & retourner avec vostre réponse, en dedās vn mois, en ma maison de Winendale, ou je seray vous attendant. Ce dict: apres que l'assemblée eust prins conge de luy chascun retourna en son quartier, & vn mois apres ayants bien pensé a la proposition du Conte Baudouyn, reuindrent audiēt Winendale. Ou par charge, & au nom de toute la compagnie, Messire Guillaume de Praet, respondit a la susdicte proposition du Conte Baudouyn, en ceste sorte. Mō tresredouté Seigneur, les prelatz, barōs, nobles & autres de ceste compagnie icy assemblez, vous trefobeifants vassaux, mōr d'un cōmun accord commis (encore que

Harangue de
Baudouyn
Hapkin aux es-
tats de Flan-
dre pour adui-
ser a ce que es-
toit necessaire
pour le bien &
repos du pays.

Response des
dicts estats de
Flandre a la sus-
dicte proposi-
tion du Conte
Baudouyn.

E e ij insuf-

La justice doit
estre egale.

insuffisant) pour de leur part , vous declarer , que ayantz ,,
bien diligemment considéré , & meurement examiné le ,,
faict de vostre proposition , (dont nous vous tenons Mon- ,,
seigneur pour recors) ils ne trouuent autre plus souuerain ,,
& peremptoire moyen pour paruenir a ce que desirez , que ,,
par vne reformation generale de la justice qu'est assez mal ,,
obseruée en voz pais , laquelle conuient reduire sous vne ,,
balance tant egale , que la debilité & impuissance des pe- ,,
tits ne soit opprimée , par l'arrogance & tyrannie des grâds. ,,
Auquel effect nous semble tresexpedient , d'ordonner que ,,
l'on concoiue aucunes loix , lesquelles puis apres , par or- ,,
donnance de vostre seigneurie , soyent publiées par tous ,,
vos pais , & conformement auxquelles chascun a l'aduenir ,,
ayt de soy conduire & gouuerner . Nous offrans au reste , ,,
soit en cest endroict ou en tel autre que trouuerez bon de ,,
nous employer , de vous prester toute l'assistéce & obeissan- ,,
ce , que treshumbles & loyaux subjectz doiuent a leur Prin- ,,
ce & seigneur naturel . Le Conte aisé au possible , de la bon- ,,
ne affection qu'il consideroit ausdicts ses subjects vers son
seruice , & mesmes que par leur réponse , il voyoit le che-
min ouuert pour paruenir au but qu'il pretendoit , les re-
merciâ en premier lieu de leur bonne affection , a laquelle
il esperoit satisfaire par vn doux & bening traictement que
ils deuoyent tousiours attendre de luy . Et que au regard de
de la réponse qu'ils auoyent donnée , sur ce que aupara-
uant il leur auoit proposé , il l'auoit trouuée conforme & a
la loyauté , qu'il s'estoit tousiours promise d'eux & a l'in-
tention , qu'il auoit de mettre ordre , au peu de justice qu'il
sçauoit s'observer en ses pais mesmes qu'il se trouuoit d'au-
tant plus resolu en ceste sienne premiere deliberation que
il voyoit leur conseil & aduis , du tout soy conformer a i-
celle . Outre ce , que les excès foules , rapines , & extorsions
qui journellement se commettoyēt contre les gens d'Egli-
se , poures labouriers , & autres gens de ses pais , estoient si
exorbitantes , que la seule souuenance d'icelles , luy faisoit
rougir le visage , & de vergongne qu'il auoit d'auoir tant
tardé a y mettre ordre , & de l'indignation conceuë contre
ceux qui en estoient la cause . Laquelle neantmoins , & tou

tes

tes les choses jusques a lors passées, il leur pardonneroit volontiers, pourueu qu'a l'aduenir non seulement ils s'en gardassent, mais aussi qu'ils luy fussent aydants & assistants, pour punir ceux qui continueroient en semblables fouldes. A quoy aussi ils deuoyent eux monstrer d'autant plus volontaires & resolu, qu'ils n'ignoroient de quelle importance souloit estre en vn royaume ou prouince, l'observation & execution d'une police & justice bien riglée. Adjoustant au reste, plusieurs autres raisons a celles que dessus: de sorte, qu'il les fit lors tous jurer, & promettre, que de la en auant, ilz tiendroyent bonne, et stable paix avec tous gens d'eglise, labouriers, & autres, & mesmes en temps de guerre. Ce que entendu par ledict Baudouyn, soy leuant de son siege, euaginá l'espée qu'il auoit ceinte, & la tenant contremont, d'un courage vrayement heroicque joinct a vne magnanimité qui de beaucoup excedoit le port de son aage, fit serment solennel & jurá par le Dieu tout puissant, que ceste paix seroit entretenue & obseruée, & q' luy mesme de sa propre main puniroit corporellement & de mort, celui qui la violeroit. Et puis mettant son espée qu'il tenoit nue, bas sur vn quarreau de veloux, fit a sa semonce, & par sentence du preuost de Saint Donas son chancelier, confortée, par ses autres hommes & conseil, aduouer & publier ladicte paix, mettant au mesme temps, l'eglise, vesues, orphelins & tous ses autres vassaulx, sous sa protection & sauuegarde. Et affin que ladicte paix fust mieux entretenue il fit & decretá plusieurs rigoureuses ordonnances, si comme, que personne de quelque qualite ou condition qu'il fust, s'auançast de porter armes, sauf les officiers, & ceux qui estoient deputez pour la garde du Prince, tution du pais, & deffense des villes. Que si quelcun contrevenant a la susdicte paix se trouuoit, lequel eust occis ou blessé quelque personne, il seroit puny *pœna talionis*, sçauoir teste pour teste, & membre pour membre, ne fust qu'il apparust ce auoir esté fait par necessité, & en corps deffendant, & dont la preuue se deuoit faire, par le coupable ou accusé, moyennant combat mortel, ou par purgation de feu & d'eau, qu'estoit lors beaucoup en vſance, au moyen

Les nobles de Flandre jurent & promettent d'entretenir la paix publique du pays.

Grand zele de Baudouyn Hapkin, au fait de la justice.

Le paix publique publiée en Fládre, par sentence du preuost de Saint Donas chancelier d'icelle Fládre.

Statuts & ordonnances de Baudouyn Hapkin pour assésurance & conseruation de ladicte paix.

Pœna talionis.

Purgation de feu & d'eau.

que le peuple estoit encores enucloppé en cest erreur, qu'il leur sembloit que la justice diuine, ne permettoit que les innocents fussent punis. Toutesfois le contraire aduenoit bien souuent, & par autant que cestoit vne espee de tenter Dieu, ceste coustume a depuis esté abolie, par le droit Canon. Il ordonna semblablement que tous manifestes volleurs, fussent pendus aux hauts arbres, sur le coing des bois, ou bien sur les chemins, ausquels le delict auoit esté commis, & les larrons aux gibets. Dauantage pour ce que souuent y auoit plusieurs differents entre les nobles a l'occasion de la venerie, il reserua pour soy & s'appliqua la preeminence de la chasse, constituant pour le faict d'icelle, vn grand veneur, deffendant a tous autres de chasser ou tendre aux oyseaux, ne fut en la compagnie du grand veneur, ou de son consentement. Il fit semblablement plusieurs statuts & edicts, concernant les choses ciuiles, & lesquels seroit trop long particulariser : il suffira donc de seulement vous aduertir, que de toutes les amendes qu'il imposa pour les fourfaicts ciuils, il voulut que les delicts des officiers fussent chastoyez au double, & non sans cause, car les fautes de ceux qui sont commis pour la correction des autres sont beaucoup plus a peser, & meritent vne punition extraordinaire. Or ledict Baudouyn ne se trouua moins rigoureux en l'execution de ses ordonnances, qu'au decretement d'icelles. Et que ainsi soit, les anciennes chroniques tesmoignent, que le susdict Baudouyn, estant vn jour entre autres aduertty, d'vn outrage que vn de ses cheualiers nommé Pierre seigneur d'Oostcamp, auoit faict a vne pouure femme des champs luy desrobant deux vaches, fit mener ledict cheualier deuers luy en la ville de Bruges, & apres qu'il eust confesse ledict mesus, le fit jecter tout vestu, houzé, esperonné, & l'espee encore ceincte dans vne chaudiere d'eauë bouillante, mesmes en plain marché, & en presence de tout le peuple de Bruges. Qui causast vne telle terreur & frayeur aux autres, que de la en auant personne n'osoit toucher aux pouures gens du pais. Et beaucoup moins a raison d'vne autre execution qu'il fit faire en la maison de Winendale, & en la

Punition des manifestes voleurs.

Instituant de grand veneur en Flandre.

Les delicts des officiers punis au double.

Pierre Seigneur d'Oostcamp jecté par commandement du Conte Baudouyn, vestu houzé & esperonné, dans vne chaudiere bouillante au plein marché, en la ville de Bruges.

en sa presence, de dix cheualiers de grand nom entre lesquels estoit Messire Henry de Carloo, qu'il fit pendre & estrangler, pour autant que contreuenants a la susdicte paix jurée, ils auoyent destrouffé aucuns marchands entre Bruges & Thoroult. Il ruá semblablement jus & fit desmolir plusieurs chasteaux & fortereffes, desquelles aucuns gentils hommes soulloyét faire leurs sallies, & surprendre les pources gens. Au moyen de quoy Gaultier Conte de Hesdin se rebelle contre ledict Baudouyn, ayant attiré a son assistance Hughe Champdauaine Conte de Saint Pol. Qui fut la cause que le Conte Baudouyn se mit en armes, & que peu apres il print le castel d'Encre, lequel il donna a Charles fils du Roy de Denemarque son cousin germain, duquel il practiquá peu apres le mariage, avec Madame Marguerite, fille de Renault Conte de Clermont, avec laquelle ledict Charles eust la Conté d'Amiens & le chasteau de Iereuse. Ce fait considerant que ledict Hue Champdauaine ne cessoit de piller & molester la Flandre ou il auoit bouté le feu en plusieurs lieux, le Conte de Flandre, avec vne bonne troupe de gens, que a ces fins & a la legiere il amassá, vint assieger la ville de Saint Pol : mais a la poursuyte & par l'entrepayer d'Eustace Conte de Boulongne, il s'accorda & fit finablement paix avec ledict Champdauaine. Duquel pour la raison que cy apres entendrez j'ay deliberé deduire la descende & successeurs par le chapitre subsequnt.

Rigouteuse luyte du Conte Baudouyn contre dix cheualiers ayant cōtrauenus a la susdicte paix.

Gaultier Cōte d'Hesdin se rebelle cōtre le Conte baudouyn.

Mariage de Charles de Denemarque avec Madame Marguerite de Clermont,

La ville de Saint Pol assiegée par le Conte de Flandre.

Deduction de la maison & genealogie des Contes de Saint Pol, & de Luxembourg.

CHAPITRE LXI.



De ce Hughe Champdauaine, qui fut fils du Conte Anselme de la lignée de Melusines fille du Roy d'Albante, & de la quelle se trouuent escriptes plusieurs choses fabuleuses, sont descendus en directe ligne ceux de la maison de Saint Pol & de Luxembourg. Et pour autat que ceste mai-

Les maisons de
Luxembourg
& de Sainct
Pol, ont tou-
siours esté en
Flandre en grã-
de estimation.

maison a de nostre temps esté tresgrande & fort renom-
mée, comme encores elle est, mesmes que cy apres nous
en conuiendra souuent parler, m'a semblé n'estre du tout
impertinent, de presentement toucher comme en passant
vn mot, de la succession dudit Hughe, ensemble de la lig-
née d'iceluy. Cest Hughe Champdauaine donc Conte de
Sainct Pol, qui gist *in Curicampo*, en vn monastere de l'ordre
de Cisteaux, que luy mesmes auoit fondé, eust vn seul fils
nommé Engueran, duquel vint vne fille depuis mariée a
Hugue de Chastillon, laquelle eust vn fils nommé

& estoit a la bataille de Bouines avec le Roy de
France contre le Conte Ferrand, & certain temps apres,
trepassa au siege deuant Auignon, delaisant deux fils Hu-
gue & Gaultier. Hughe fut Conte de Sainct Pol, & trepa-
sa sans hoir de son corps ou Sainct voyage qu'il fit avec
Monsieur Sainct Louys en Egypte, & succeda ladiete Con-
te a Gaultier son frere, lequel delaisa vn fils nommé Guyó
de Chastillon: lequel eust a feme Mehault de Bruges ve-
ue de Robert primer Conte d'Artois. De laqñlle, luy vindrét
deux fils Guyon & Iacques, & vne fille qui fut mariée a
Guyon de Luxembourg, premier Conte de Ligny. Et de-
puis Guyon de Chastillon se remaria a Mehault de Cha-
stillon, de laquelle neantmoins il n'eust aucun enfant. Et i-
celuy trepassé, icelle Mehault se maria a Charles Conte de
Valois. Et fut ledict Guyon a la bataille que le Duc de
Brabant eut contre Blondengues de Luxembourg & ses
freres, & aussi contre le Conte de Gheldres & l'Archeue-
que de Coulongne. Guyon & Iacques enfans dudit Guyó
de Chastillon, trepasserent sans hoirs de leurs corps, & suc-
ceda ladiete Conte audict Guyon de Luxembourg de
par sa femme: & lequel Guyon fut fils de Iean de Luxem-
burch & de Adelis de Flandre Chastelaine de Lille, &
dame de Phalempin, Armentieres, Arckingham, Ricken-
burch, Haultbourdin & Saigny. Et eust le dict Guyon plu-
sieurs enfans, sicomme Walrand, Pierre, Iean, Andrieu, &
les Contesses de Rethel, de Vaudemont, de Ghebenier de
Moriane & de Lerhit, lequel Guyon aussi mourut en vne
bataille contre le Duc de Gheldre Edouard, anno mil trois

Guyó de Lux-
burch premier
Conte de Ligny.

Adelis de Flan-
dre Chastelai-
ne de Lille.

centz

centz septante & vn. Auquel succedá en la Conté de saint Pol Wallrand son fils aisné, lequel eust a femme la fille de Edouard Roy d'Angleterre, dont vint vne seule fille qui fut mariée a Antoine Duc de Lotrice de Brabant & de Lembourch, frere au Duc Iean de Bourgoigne Conte de Flandre. Dont vindrent deux fils Iean & Philippe, qui successivement furent tous deux Contes de Saint Pol, & moururent sans hoirs de leurs corps, de sorte que ladicte Conté de Saint Pol ensemble celles de Briame, Commerffant, & plusieurs autres, succederent a Pierre de Luxembourg & a Iehan Conte de Ligny freres audict Conte Wallran, & laissa Pierre de sa femme Marguerite de Beaux, fille de François Duc d'Andrie, Luys, Pierre, Iean, Catharine & Iehenne de Luxembourg. Luys fut premierement Euesque de Therouéne, apres Archeuesque de Rouen, & puis Cardinal & chancelier du Roy. Iean qui fut Conte de Ligny eust a femme la dame de Bethune, mais il n'en eust aucuns enfans, comme aussi Catherine & Iehenne moururent sans hoir de leur corps. Er ainsi toute la succession vint a Pierre de Luxembourg, lequel eust Louys Thibault, & Iacques, Louys fut Conte de Saint Pol, de Marle, de Briane &c. & eust de Madame Iehenne de Bar, dame de Ghistelles sa premiere femme, quatre fils, scauoir, Iean Conte de Marle qui mourut a Granfon sans hoir de son corps. Pierre Conte de Briane, Authoine Conte de Roussi, & Charles Euesque de Laon. Apres le trepas de Louys la Conté de Saint Pol succedá a Pierre, lequel eust d'une fille de Sauoye, deux filles Iehéne & François: Iehéne fut mariée a Iacques de Sauoye, Côte de Romôt son oncle, & elle succedá a son pere és Côtes de Saint Pol de Marle de Briane & seigneuries de Ghistelles, Dunkerke, Bourboursch, Graueninghes, & autres, comme plus amplement vous voirez en la seconde partie de nostre histoire.

Madame Iehenne de Bar, Dame de Ghistelles.

Comment le Conte Baudouyn entrá avec puissance en la Normandie, dont il reduit bonne partie, sous l'obeissance du Duc Guillaume, comment ayant esté blescé par les Anglois en vne escarmouche, il mourut encorcs jeune a Roulers.

CHAPITRE LXII.

Ff

Novs



NOUS auons au chapitre precedent quelque peu discontinué nostre discours, pour vous deduire, ce que auez entendu, de la maison de Saint Pol & de Luxembourg. Or pour reprendre nostre premier theme, sâciez maintenant, que le Conte Baudouyn ayant mis tel ordre que dessus, au faict de la police & justice des païs subjects, a sa jurisdiction: enuoya ses ambassadeurs vers Henry Roy de Angleterre, tant pour leuer & receuoir de luy la pension annuelle de trois cents marcs, que ses predecesseurs Contes de Flandre auoyent receu & estoient en possession de auoir des Roys d'Angleterre, que pour sommer ledict Roy Henry, a la restitution de la Duché de Normandie es mains de Guillaume fils de Robert dict Courtehoise, Duc de Normandie, & par consequent vray & legitime heritier d'icelle Duché. Et pour autant que ledict Roy Henry ne voulut entendre ny a l'vn ny a l'autre: le Conte Baudouyn se preparâ a luy faire guerre, & de faict entrâ a grande puissance au païs de Normandie, ou il gasta & fit desmollir plusieurs places & chasteaux, tyrant puis apres vers la ville de Rouen, accompagné de cinq cents cheuaux, & bon nombre de gens de pied. Et a raison qu'il scauoit que le susdict Roy Henry s'estoit enfermé dans icelle ville, frappantz aux portes, fit demander s'il ne vouloit sortir. A quoy le Roy Henry fit respondre qu'il n'entendoit auoir affaire a vn tel esluenté & sot jouvenceau: au moyen de quoy Baudouyn grandement irrité gasta tout le païs d'alentour, & durâ ceste guerre environ trois ans continuels, que ayant ledict Baudouyn moyenant sa magnanimiré, & grand courage, reduict sous l'obeissance dudit Guillaume, bonne partie de la Normandie, comme finalement il partoit de Saint Omer, vers Poictou en intention de tirer d'illec vers la Normandie, il tombâ, de grand malheur guerres loing d'Arkes es mains des Anglois ses ennemis, qui s'estoyent mis en embusches dans vn petit bois attendantz la venue dudit Baudouyn, lequel neantmoins, & nonobstant ladicte surprinse se porta si vertueusement, & successiuellement ceux de sa

Baudouyn
Hapkin fuoye
vers Angleterre
pour auoir
la pension de
trois cents
marcs d'arget.

Baudouyn
faict guerre au
Roy d'Angleterre,
& entre
au pays de Normandie.

Bonne partie
de la Normandie
reduict
sous l'obeissance
du Duc
Guillaume par
l'effort du Conte
Baudouyn.

Les Anglois
en embusches
pour surprendre
le Conte
Baudouyn.

fuyte

fuyte a son exemple, que apres vn dur & trefaspre conflict, ses aduersaires estoient en branle de tourner le dos, & se mettre en fuyte, lors qu'au moyen d'une trefgriefue blessure, que le Conte Baudouyn, en escaramouçant receut en sa teste, l'estonnement de ceux de son party fit reprendre courage a ses ennemis, de sorte que la chance tourna, au detrimment des Flamens, qui auparauant estoient cōme assurez de la victoire. Qui doit seruir d'exemple a tout conducteur & capitaine general, de quelque armée que ce soit de ne s'exposer tant legieremēt a tous hazards, veu mesmes qu'il doit estre certain, que le bon succes & la vie d'un capitaine, cause souuēt vn heureux euent de la bataille, qui par la mort de son chief, plusieurs fois est perduē, ou bien reduite en piteux termes, comme aduint audiēts Flamē, lesquels au mieux que leur fust possible, se retirērent vers la ville d'Arras, conduisants avec eux, le vaillant Baudouyn, lequel voulut estre menē en sa maison de Winendale, mais estant paruenū jusques a Roulers, ne fust possible de le conduire plus auant, obstant l'vrgente & extreme douleur de sa playe, qui s'estoit apostumée, & empiroit de jour, a aultre. A raison de quoy, & preuoyant sa mort desia prochaine, considerant que apres son decēs se pourroyent esmouuoir plusieurs debats pour la succession de Flandre, & qu'au moyen d'iceux le pouure pais pourroit a l'aduenir auoir trop a souffrir, delibera d'y mettre ordre, faisants a ces fins conuoyer vers soy les estats de Flandre, lesquels tost apres, se trouuerēnt audiēt Roulers vers leur bon Conte, qui d'une bien bonne grace leur remōstrā, que le seul soucy auquel il estoit pour oster les differēts & dissensions, qu'apres la mort pourroyent entre eux souldre, pour le faict de la successions de Flādre, l'auoit meū de les faire appeller, ensemble de leur declarer & assurer que il ne cognoissoit Prince au monde plus digne d'eux, & duquel il esperoit si doux prudent, & gracieux traictemēt, que son cousin Charles fils du Roy de Denemarque, qu'eux mesmes cognoissoyēt de lōgue main, reſtant pourrāt qu'ils voulissēt, & mesmes des lors pour l'aduenir receuoir lediēt Charles pour leur Côte & Seigneur, & a quoy ils deuoyēt d'au-

Le Conte Baudouyn en escaramouchant griuement blessé des Anglois.

Vng chief doit garder en toutes batailles.

Conuocation des estats de Flandre a Roulers.

Propos de Cōte Baudouyn pour induire les estats de Flādre, a receuoir, Charles de Denemarque pour leur Côte.

tant plus volontiers condescendre, que outre ce qu'il seroit effectuellement trouué autant proche heritier de ladiète Conté, que aucun autre, ils fermeroyent, par ce moyen, le passage a ceux, qui sous pretext du droit qu'ils prétendroyent, a icelle Conté, voudroyent susciter aucunes guerres ou tumultes audict país, & a quoy ils deuoyent bien & diligemment penser. Ce dict, & apres le consentement & adueu que a ces fins, luy donnèrent lesdicts estats de Flandre, il declará & constituá pour son successeur, & heritier ledict Charles, qui au mesme instant fut desdicts estatz, receu, admis & reconnu pour leur Conte & Seigneur. Peu apres le Conte Baudouyn print l'habit de moine noir, & tre passa paralitique le quinziesme de Iuing l'an mil cent dix & neuf, ou selon autres en l'an vingt, & fut mené a Saint Bertin, ou il fut enterré avec ledict accoustrement en tres grande pompe & magnificence. Dieu vueille auoir pitie de son ame, car ce fut vn Prince tresuertueux, vaillant & excellent, & lequel sur tous ses predecesseurs estoit amy & grand obseruateur de justice. Au regard de Madame Agnes de Bretagne sa femme diuorcée, je ne scay qu'elle deuint, s'elle se remaria depuis, quand elle trepassa, ny ou elle fut enterrée.

Charles de Denemarque receu pour Cote de Flandre.
L'an M. cent xix.

Trepassa de Baudouyn Hapkin.

De l'aduenement de Charles de Denemarque a la Conté de Flandre, & du commencement des cheualiers de Saint Iehan, des Templiers, & des Premonstrez.

CHAPITRE LXIII.



CHARLES de Canut, Roy de Denemarque & de Madame Adelis, seconde fille de Robert le Frison, succeda en la Conté de Flandre au susdict Baudouyn surnommé Hapkin, & commença regner en l'an mil cent dix & neuf, *alias* xx. il eust (selon que auons cy dessus declaire) pour femme Madame Marguerite *alias* Zwamahilde, fille de Renault Conte de Clermont & d'Auuergne, & avec elle la Conté d'Amiens & le chasteau de Ieruse, il merita & acquist le nom de Bon, au moyen de ses vertus & sainte vie

Pourquoy Charles fut appelé le Bon.

vie, il fonda en l'eglise de nostre Dame de Bruges, ou il fit
 faire le cœur vn preuost & huit chanoines. Au commen-
 cement du regne de Cebon Conte Charles, sicomme en
 l'an mil cent & vingt, l'ordre que nous appellons de Pre-
 monstre fust institué sous le bon pere Nobert de Lorrai-
 ne. Lequel a l'adueu, & du consentement du Pape Calix-
 te, & de Bartholomieu Euesque de Laon, descendit a Pre-
 monstre, ou il vescu vne tressainte vie, en compagnie de
 de treize religieux de l'ordre de Saint Augustin, qui le sui-
 uirent, tenant la rigle dudit Saint Augustin, selon les
 constitutions que luy mesmes auoit mis sus, & ausquelles
 ledict Nobert adjousta plusieurs bons articles. L'an ensuy-
 uant qui fut mil cent vingt & vn, commença semblable-
 ment l'ordre de Templiers en Hierusalem, sous Hugue
 de Pagans & Galfiert de Saint Omer, qui en furent les
 inuenteurs, lesquels avec sept autres chevaliers, firent veu
 de seruir Dieu, sous la rigle de Saint Augustin, reserue
 qu'au lieu de lire leurs heures, ils reciteroyent chascun jour
 certain nombre de Pater noster, pour autant qu'ils estoient
 du tout lays, & ne s'entendoyent a la lecture desdictes heu-
 res. Si fust le susdicte ordre premierement institué, pour te-
 nir les chemins ouuerts contre les larrons, qui destrouoyent
 les pelerins, venants vers la sainte Cité, & lequel ordre fut
 depuis confirmé par le Pape Honorius, & Estienne Patriar-
 che de Hierusalem. Lesdicts Templiers militoyent au sou-
 uerein Dieu en obeissance, chasteté, & poureté, & porto-
 yent a leur commencemēt des manteux blancs sans croix:
 mais par succession de temps, ils attachèrent a leurs man-
 teaux blancs des croix rouges, & furent nommés Templiers,
 pour ce qu'ils se tenoyent au portail du Temple de Hieru-
 salem. Ausquels le Roy Baudouyn, & autres firent depuis
 tant d'aumosnes, qu'ils deuindrent les plus riches de tous
 les autres ordres. Enuiron ce mesme temps, commença
 semblablement en Hierusalem, vn aultre ordre de ceux
 qui administroyent aux poures pelerins, & autres malades
 en vn hospital, qui s'appelloit l'hospital de Saint Iehan, &
 furent vestus de manteaux noirs a vne croix blanche, les-
 quels aussi en peu de temps acquirent, des aumosnes que

L'an M.
cent xx.

Commence-
ment de l'Or-
dre des Premo-
stres.

Rigle de Saint
Augustin.

L'an M.
cent xxi.

Commence-
ment de l'or-
dre des Tem-
pliers, & pour-
quoy il fut in-
stitué.

F f iij les

Cómmencement
de l'ordre des
cheualiers de
Sainct Iehan.

les Princes & pelerins leur faisoient, si gráde ceuance, que ilz en açaterent plusieurs rentes & reuenus ensemble des terres & possessions sans nombre, par tous les endroits de la Chrestienté, & sont ceux mesmes que aujourdhuy nous appellons cheualiers de Sainct Iehan. Desquels & du commencement de tous autres, que cy apres seront instituez, je faiçts & feray mention pour le raison cy dessus reprinse, sans que je me puisse persuader que mon histoire doive pour ce sembler au lecteur extrauagante, & sans continuation, pour a laquelle retourner, je veux presentement vous mettre deuant les yeux, les bonnes conditions, institutions & ordonnances de nostre Bon Charle Conte de Flandre, duquel nous auons desia commençé le discours.

*De vertueuses ordonnances du Bon Conte Charles, & comment au moyen de la Douagiere de Flandre, qui vouloit auancer Guillaume de Loo, a la Conté dudit Flandre, il eust plusieurs fasce-
ries auant estre paisible dudit pais.*

CHAPITRE LXIIII.



E Bon Conte Charle, auoit des le commencement de son gouuernement, & mesmes auoit eu auparauát, continuellemét en sa cõpagnie trois notables religieux, docteurs en Theologie, lesquels journellemét apres souper, luy proposoyét & expliquoyét vn chapitre ou deux du Bible ou d'autres liures de la Saincte Escriture, en quoy il prenoit vn singulier plaisir. Il fit deffense a chascun sur peine de perdre vn membre, de jurer par le nom de Dieu, ny par chose qui touchast a Dieu ou a ses Saincts. Et quand aucun de sa maison estoit trouué en ceste faute, il le faisoit outre ce, j'eusner quarante jours au pain & a l'eau. A la mienne volonte que tous Roys, Princes & Seigneurs de nostre temps gardissent ceste honnesteté, & bonne coustume en leurs cours & maisons, l'on ne trouueroit tant de blasphemateurs du nom de Dieu, qu'il y a presentement. Il ordonná que tous ceux qui sont condemp-
nez

Le deuoir du
bon Cõte Char
les vers le nom
de Dieu.

nez au dernier supplice, fussent confessez, & que vn jour deuant l'exécution on leur administrast le Sainct Sacrement, ce que parauant on n'estoit accoustumé d'observer. Il estoit merueilleusement feure & rigoureux, contre les forchieres enchanteurs, nygromanciens, & autres, qui s'aydoient de semblables & indeuës arts, il taschoit de tout son pouoir, de conseruer son peuple en amour, tranquillité & vnion. Il estoit grand aumosnier, & faisoit luy mesmes volontiers ses aumosnes: Il auoit ordinairement au dîner en sa salle ou chambre treize pouures, lesquels il faisoit seruir du mesme que ses Cheualiers & Seigneurs: Il fit publier en la ville de Sainct Omer par ceux de son conseil, la susdicte paix (que les Flamens appellent *heerlijcke vrede*) & que Baudouyn son predecesseur auoit introduict, ou faict renouueller, adjoustant a icelle paix plusieurs autres bons articles: siccomme, que personne n'assailit de nuict la maison d'autrui sur peine de la vie: Que personne ne boutast le feu, ny menachast de ce faire en la maison estable ou grange d'autrui, sur peine que dessus. Que personne ne logeast garçons ou vagabonds, sur peine de restaurer les dommages & interests qu'ils auroient faict a autrui. Que personne de quelque qualité ou condition qu'il fut, s'aduanchast d'emmener ou faire emmener, les enfans sans le consentement de pere, mere, tuteurs & autres parents, avec plusieurs articles qui seroyent trop longs a repeter, & lesquels tendoyent pour tenir le peuple en bonne paix, & cōcorde: Il chassit & bannit de Flādre, tous iuyfs & vsuriers, lesquels auoyent auparauant illec vecu soubz tribut: disant qu'il ne les vouloit souffrir, jusques a ce qu'ils eussent satisfait, & amendé, le meurdre par eux cōmis, en la personne du fils de leur Seigneur: Il estoit merueilleusement bon justicier, de sorte qu'il cōstraignit ceux que auoyent accoustumé d'opresser les pouures gens, d'eux en desister contre lesquels il vloit d'vne telle rigueur, que les pouures gens viuoient en bonne paix & tranquillité. Et pour autant que plusieurs rudes gens, demourāts au West-quartier de Flādre, sur les marches & limites de la mer, cōmettoyēt plusieurs homicides, & espādoient beaucoup de sang

Le bon Conte Charles ordonna, que ceux qu'on deuoit executer par le dernier supplice, fussent confessez.

Le bon Conte Charles faisoit vouloiriers luy mesme ses aumosnes.

Publication de la paix publique, que, appellée en flameng, *heerlijcke vrede*.

Auleues ordonnances du bon Conte Charles, pour la tranquillité du pays.

Les iuyfs bannis de Flādre.

Rudes gens du West-quartier de Flādre.

sang humain par arcs & par fleches , le bon Conte defendit par tout , que nul sus la hart, s'aduançast, de porter arcs, sayettes ny fleches , faisant au reste continuellement entre parties, bonne & briefue expedition de justice. A son aduenement en la Conté , & gouuernement de Flandre il eust plusieurs facheries & trauaux auant, pouoir payssiblement jouyr d'iceluy pais . Auquel Madame Clemence mere du susdict Baudouyn Hapkin pretendoit auancer & entroniser Guillaume de Loo son neveu, fils de feu Philippe de Flandre, & de la fille de Guillaume , seigneur de Loo . Et pour plus facilement paruenir a son intention , & affin d'a ce estre secourue par estrangers, elle se remaria a Godefroy a la Barbe Duc de Brabant (dont cy dessus a esté parlé) & practiqua l'alliance des Contes de Hainault, de Saint Pol & d'Hesdin, ensemble d'Eustace auoué de Therouane, avec plusieurs autres , qui d'autant plus volontiers adheroyent a ladicte Clemence, pour ce que le bon Conte Charles, insistant aux traces dudit feu Baudouyn son predecesseur, auoit fait publier la susdicte paix, autrement appelée *heerlijcke vrede* , & a laquelle ils ne vouloyent aucunement obeir . Au moyen de quoy , le Conte de Flandre assembla bonne trouppes de gens , & assaillit le chastel de Saint Pol, qu'il fit desmollir, print prisonnier le Conte Gaultier de Hesdin, lequel il desherita perpetuellement de sa Conté qu'il applicqua au Domaine, & a son pais de Fládre. Peu apres il constrainit venir a son obeissance le Conte Baudouyn de Mons & Thomas de Couchy (filz de ce seigneur de Couchy, du quel nous auôs parlé en l'histoire d'Arnould le Simple) lesquels costumierement molestoient la Flandre par leurs excursions & pilleries: il osta aussi a la Contesse Clemence, les villes de Dixmude, Aire, Cassel, Saint Venant & autres que pour assignation de son douaire luy auoyent esté laissées & accordées . Ce fait, il s'achemina vers Therouane, laquelle il print assez legierement , & fit desmollir le Chastel que Eustace auoué de Therouane auoit fait exstruire, sur le chemitiere de nostre Dame. Et au regard de ce que le susdict Guillaume de Loo , maintenoit debuoit estre preferé a luy en ladicte Conté de Fládre,

Madame Clemence douagiere de Flandre pretend aduan cer a la Conté de Flandre Guillaume de Loo.

Madame Clemence fait plusieurs alliances pour expulser le bon Conte Charles du pais de Flandre.

Le bon Conte Charles prend & fait desmollir le Chastel de Saint Pol.

Le bon Conte Charles oste a la douagiere de Flandre plusieurs villes a elle assignees au dict Flandre pour son douaire

dre, sous pretext qu'il se disoit estre descédu de teste masculine, & qu'iceluy Charles venoit de ligne feminine, le susdict Charles luy fit respondre, qu'il estoit plus eagé que ledict Guillaume, & que par la coustume de la couronne, (de laquelle Flandre estoit tenue) le plus ancien parent en vn mesme degré faisoit a preferer en successiõ de fiefs a tous autres. Finablement ce different fut appaisé, moyénant quelque somme d'argent, & certaine partie de Seigneurie au Westquartier, que par forme de partage, fut assignée audict Guillaume. Et de ceste sorte ledict Bõ Charles demoura paisible Seigneur, & Conte du païs de Fládre.

Debat verbal entre Guillaume de Loo & le bon Conte Charles pour la succession de Flandre.

De la grand famine qu'au temps du bon Conte Charles fust en Flandre, & aux pays circumuoisins, & des grands deuors auxquels ledict Conte pour obuier a ladicte famine se mit, ensembles des causes de la conspiration de ceux de vande Straten, contre iceluy bon Conte.

CHAPITRE LXV.



Le bon Conte Charles deuenü paisible au gouuernement de Flandre, enuoyá, enuiron l'an mil cēt vingt & six l'abbé de Saint Pierre & le Chastelain de Gád ses ambassadeurs vers Lotaire, lors nouuellement esleu a Em-

L'an M. cent xxvi.

pereur au lieu d'Henry le cinquiesme (qu'estoit vn peu au parauant terminé) & lequel Lotaire faisoit audict temps ses Pasques en la ville de Coulongne: en la presence duquel estants lesdicts Ambassadeurs venus, declarèrent la charge de leur Ambassade, laquelle en effect consistoit, en l'aduerrence qu'ils firent audict Empereur, que le Conte Charles leur souuerain Seigneur estoit prest, pour venir vers luy, tant affin de luy faire la reuerence, que pour luy prester l'hommage, & serment de fidelité, deu a raison de ce qu'il tenoit de l'Empire. Et fut ladicte legation receuë mout benignement dudit Empereur, lequel pour l'effect que dessus, assigná jour au Conte Charles pour la Saint Iehan lors prochaine, & en la ville d'Anuers. A laquelle neantmoins le susdict Empereur ne vint au jour as-

Ambassadeurs du bon Conte Charles a l'Empereur Lotaire.

G g signé,

Prodiges en
Flandre & Bra-
bant.

Famine gene-
rale en Flandre
Brabant & au-
tres pays.

Les ceruoises
defendues &
les chiens &
veaux tuez en
Flandre pour
obuier a la
chierise.

Liberalité du
bon Côte Char-
les vers les po-
uers au temps
de ladite fami-
ne.

Impleté de
ceux de Vande
Strate durant
la fustidie chie-
reté.

signé, obstantz les empeschemens que depuis luy suruin-
drent, au moyen des seditiōs & differentz que les Princes
de Lotaringe auoyent contre luy meues & fuscitées. Peu
apres scauoir audiēt an vingt & six, furent veues en plu-
sieurs lieux des choses bien admirables, & signamment au
païs de Brabant, ou vne femme enfantā d'vne portee qua-
tre enfans masles, & en Hasprug, vn' autre pouure femme
engendra vn enfant monstrueux, ayant deux corps, dont
la partie anterieure estoit figurée d'hōme, & celle de der-
riere auoit la façon d'vn chien, ayant au reste deux testes.
Et tost apres suyuit vne famine generale, par les païs de Flā-
dre, Brabant, Henault, & autres circunuoisins, sy tresgrād'
& extreme, que l'on trouuoit par les rues, & chemins les
gens morts de faim en nōbre incōparable. Pour a laquelle
famine obuier, & affin que les viures fussent de tant meil-
leur pris, le bon Conte Charles fit par tout le païs de Flan-
dre deffendre les ceruoises & tuer les chiens & veaus, or-
donnant que tous les greniers des marchands de bled fus-
sent ouuerts, & que lesdicts bleds fussent vendus & distri-
bues a pris raisonnable, faisant aus surplus en tous les lieux
auquels il se trouuoit vn' infinité d'aumosnes, & trop lon-
gues a reciter. Parquoy me contenteray de vous declarer
la liberalité, dont il vsa en la ville d'Ypre, affin que par ce-
ste cy vous puissiez mesurer le bien qu'il pouoit auoir faict
es autres villes, & lieux de son dōmaine. Estant donc ledit
bon Conte audiēt Ypre, & ayāt merueilleusement grand'
compassion des crys & lamentations de son pouure peuple
pressé del' intollerable mal de faim, ordonnā vn jour entre
autres que de son frument on distribuast aux pouures, jus-
ques a sept mil & huit cents pains d'vn marc la pieche,
qu'estoit vne grande liberalité, sy nous voulons considerer
l'extremite & necessité du temps d'alors. Le mesme Côte
se trouuant, durant icelle famine, en sa ville de Bruges, fut
aduerty que Messire Bertholf vande Strate Preuost de
Saint Donas & cancelier de Flandre, Lābert & Boussaert
Vande Stratē sēs freres, & autres de leurs parentz, auoyent
de longue main amassé quasi tout le bled du quartier, mes-
mes qu'ils auoyent par ensemble faict monopole, retenāz
lesdicts

lesdits bleds en leurs greniers, lesquels ils ne vouloyēt vendre a raisonnable pris. Et qu'a raison de ce la foule du menu peuple mouroit de pouurete, a la quelle neâtmoins par le moyen desdits bleds, on pourroit legierement pourueoir. Qui fut la cause que le bon Conte sans soy soucyer ny de la grandeur, ny de la puissance, desdits de Vande Strate (questoyent des plus apparentes de tout le païs de Flandre) enuoyā son aumonier appellé Thāmaert, Chastelain de Bourbouch, pour par main souueraine, leuer de leurs greniers les dessusdits bleds, lesquels il fit distribuer & vendre a raisonnable pris, quy fut cōsigné es mains desdits de Vande Strate, auxquels neantmoins il auoit laissé vne provision souffisante pour eux & leurs familles, mesmes pour le chapitre dudit Sainct Donas. Non obstant quoy, ledict Preuost & ses freres, conceurēt vne merueilleuse indignation contre ledict Thammaert, a l'instigation duquel ils estimoyent ladicte distribution auoir esté faicte. Et suyuant ce luy firent plusieurs rudesses & dommages, en ses jardins, maisons & possessions. Eux aydāt a ces fins de Bouffaert, Vande Straten neveu dudit Preuost, & fils de Lambert Vande Straten. Lequel Bouffaert, fut finablement adjourné, pour comparoir en personne en la court du Conte Charles, & illec rendre raison des excès & outrages commis contre ledict Thammaert, & a raison que ledict Bouffaert ne comparut au jour assigné, il fust condamné de rendre a partie aduerse, tous intersts & dommaiges soufferts mesmes que pour la non comparition, les maisons d'iceluy Bouffaert seroyent abbatues, & bruslées. Qui aygri merueilleusement ledict Preuost & ses adherents, lesquels toutefois furent asses d'auantage irritez, par vne sentence que le bon Conte Charles prononça sur l'incident quy sensuyt. Le susdict Preuost auoit vn beau fils marié a la fille, homme fort hautain & estrangement orgueilleux, lequel peu apres les choses que dessus, fit adjourner vn autre cheualier en la court du Conte, sur matiere de trefues enfrainctes. Et apres demande faicte, le cheualier deffendeur declara, n'estre tenu de respondre, pour ce que le cheualier demandeur estoit de serfue condition, entant qu'il auoit

Thāmaert Chastelain de Bourbouch aumonier du bon Conte Charles.

Le bon Conte Charles faict leuer les bleds, des greniers de ceux de Vande Strate, & les faict distribuer a raisonnable pris.

Causēs de la conspiratiō de ceux de Vande Straten contre le bon Conte Charles.

Pour ce que Bouffaert Vande Straten n'obeyt a l'aduertissement a luy faict, ses maisons sont bruslées.

Aduertissement sur matiere de trefues enfrainctes.

Le Preuost de
Saint Donas
compare en
jugement avec
son beau fils,
accompagné
de plusieurs
gens d'armes.

Ceux de Vande
Straten font
assembler leurs
parents a Ypre
pour eux ven-
ger le bon Co-
te Charles.

esposé la fille du preuost qu'il maintenoit estre serfue. Au moyen de laquelle responce, s'ouïrent grandes & superbes parolles, entre ledict deux cheualiers en la presente du Conte, lequel a ceste occasion remit ledict affaire a vn aultre journée, que peu apres se tiendroit a Cassel, & en laquelle le cheualier demandeur seroit tenu soy purger du seruage a luy imposé, que lors on procederoit au principal dela matiere en question, comme l'on trouueroit de droict & de raison. Le jour seruant venu, le susdit Preuost comparut audiect Cassel avec le cheualier demandeur son beau fils, accompagné de cinc centz compaignons, bié en ordre, de sorte qu'il sembloit, vouloir venger le cas de fait, & nō par voye de justice. Parquoy, & pour euitier plus grād inconuenient, le bon Conte remist la cause a Saint Omer a autre jour, deffendant aux parties tout oeuure de faict. Auquel jour, parties ouyes ledict Conte declarā que la dame du cheualier demandeur, purgeroit son seruage par le serment & attestation de douze hommes nobles, demourant ce pendant, la querelle du Conte en son entier, pour son droict & interest. Dont ledict preuost & ses adherents conceurent vn despit sy vehement, que pour eux venger des torts qu'en ce que dessus, ils se persuadoient leur auoir este faicts, s'assemblerēt peu apres en la ville d'Ypre ou selon aucuns au territoire de Furnes, & apres auoir mandé vers eux leurs principaux parents, du moins ceux auxquels ils pensoyent se pouoir fyer en toute asseurance, conclurent audiect Ypre l'abhominable trahyson, & coniuration, que voire's par le chapitre subsequnt.

De l'abhominable trahison que ceux de Vande Straten commissent contre le bon Conte Charles, qu'ils meurdrirent en l'Eglise de S. Donas, & d'autres choses memorables.

CHAPITRE LXVI.



PRES que les parents, confederez & alliez de Messiere Bertholf Vande Straten, Preuost de Saint Donas, chancelier & archichaplain du Conte Charles de Flandre, furent tous assembles en la susdicte ville d'Ypre, ledict,

„ dict preuost parla a eux de ceste sorte. Messieurs, mes bons
 „ amis, & alliez, vous aues veu, entendu, & sceu le grád tort
 „ que tant de fois le Côte Charle nostre Prince, a pourchas-
 „ sé non seulement a moy, ains a vous tous tant en particu-
 „ lier, qu'en general, en sorte que non ayant esgard a nous,
 „ quy sommes sy grands & puissants que chascun scait, a for-
 „ ciblement faict leuer de noz maisons & greniers les bleds
 „ que sans tort de personne nous auions achapté & payé, &
 „ auxquels sans grand' iniustice n'estoit loysible n'a luy, ny a
 „ personne viuante, de mettre les mains, sans nostre gré &
 „ volonte. Dece non content, a aussy puis n'aguerres, sous
 „ pretext de la faueur qu'a nostre deshonneur il porte a ce
 „ paillard de Tham maert, faict brusler & destruire les mai-
 „ sons appertenantes a mon nepueu Boussaert, vostre parét
 „ & allié, nous pourchassant au reste par toutes les voyes a
 „ luy possibles, tant de deshóneur & vergoingne, qu'au lieu
 „ de l'authorité & preeminence, auxquelles nous sollions es-
 „ stre, il nous a mis a la risée & mespris de tout le peuple, &
 „ d'un chascun. Dont j'ay certainement telle douleur, que
 „ j'en meurs cent fois le jour. Et quant a vous mes bons pa-
 „ rents & amis, je croy fermement, que vostre hóneur & re-
 „ putation vous esguillonent tellement, que le cueur vous
 „ pleure, & sentirez la playe de ce mespris, tant que vous, ou
 „ les vostres, aures nom de gentils hommes. Toutesfois, sy
 „ vous voules suyure mon aduis, nous n'en differerons sy lóg-
 „ temps la vengeance, mais vous donneray moyé de recou-
 „ urer nostre honneur tant abbaisé, & quy vous tournerá a
 „ gloire, & grand prouffit. Lors chascun s'escria, qu'ils y em-
 „ ployeroyét & leurs vies, & leurs biés. Mes amis dict il, estes
 „ vous donc deliberez de suyure mon conseil: Monsieur (re-
 „ spondit le plus adnoué de tous.) Nous vous jurons sur la
 „ foy que deuons a Dieu, que nous vous obeyerons, quant
 „ a ce point. Bien affectueusement les remerchiá le preuost
 „ & voyant leur bonne volonte, commença a desmesler son
 „ entreprinse ainsi que vous entendres. Messieurs & paréts
 „ dict il, je seroye d'aduis, que pour paruenir a mon entente,
 „ la plus part de nous, ou bien tous ensemble (mais en diuers
 „ temps) se trouuassent pour le commencement du quares-

Harangue du
 preuost de S.
 Donas, a ses pa-
 rents & confan-
 deres.

La damnable
 conspiration
 de ceux de Vli.
 de Straten con-
 tre le bô Conseil
 Charles.

me prochain, en la ville de Bruges : ou mon neuveu Bouf-
 saert (comme cestuy quy a esté le plus interessé) assisté de
 ceux qu'il voudra prendre en sa compaignie, se tiendra
 aux escoutes, & espiera le jour, auquel le Conte Charle,
 selon sa coustume viendra de bon matin, & le moins ac-
 compagné a l'Eglise de Sainct Donas, que lors entrant
 en son oratoire, il pourra faire dudiect Conte, ce qu'on est
 accoustumé d'executer contre son mortel ennemy, & a-
 pres se transporterá en la maison dudiect Conte, ou il trou-
 uera ce malheureux Thammaert & ses adherets lesquels
 (comme n'attendants telle entreprinse, & nestants sur
 leurs gardes) luy sera facile d'occire, & mettre en pieches.
 Cependant nous serons tous ensemble sur nos gardes, &
 regarderons de nous inuestir du Burch, jusques a ce qu'ay-
 ons autrement pourueu a nos affaires, & par tel moyen
 nous recourirons nostre anchiene autorité, demeurant
 de mon costé satisfait de la juste vengeance, qu'aura esté
 executé sur mes ennemis, & vous autres mes bons amys
 deuiendres riches & opulents, du notable & tresgrand bu-
 tin q' ferez des bagues, joyaux, & richesses du Conte Char-
 les, & de ses domestiques: & en quoy vous deues tant plus
 volontairemēt resoudre, pour ce qu'estant lediect Conte e-
 strangier, & pouure de parents & amis, n'aues matiere de
 craindre qu'a l'aduenir, l'o pourchasse sur nous aucune vé-
 geance, pour la mort d'iceluy. Certes ce conseil & aduis
 damnable, eust tant de forche, que nul assistants y contred-
 iect, mais l'approuerent & louerent: arrestants sur l'heu-
 re d'eux trouuer au temps prefix en la ville de Bruges, &
 exploicter le diabolique cōseil de ce malheureux preuost,
 les principaux de ceux quy se trouuerent en ceste conspi-
 ration furent les subsequents. Scauoir le preuost mesmes,
 Lambert & Boussaert Váde Straten ses freres, Ysaac Váde
 Straten leur neuveu, Boussaert Vande Straten qu'estoit cō-
 mis pour executer ce meurdre, Messiere Guy de Steeuoor
 de chastelain de Cassel, Enguerá vá Essene, & plusieurs au-
 tres, quy tous ensemble se trouuerēt au jour assigné audiect
 Bruges. Ou ils n'eurent guerres tardé, que l'opportunité
 s'offrit de mettre a execution leurdictē trahyson, pour au-
 tant

Les conspi-
 rateurs eurent
 l'impunité de
 leur trahyson
 au moyen du
 peu de parents
 que le bon
 Conte Charles
 auoit en Flan-
 dre.

Les noms des
 principaux cō-
 spirateurs.

tant que ledict Bouffaert, qu'estoit tousiours aux escoutes, fut sur le jour des cendres de l'an mil cét vingt & sept, ou (selon autres) sur vn premier vendredy de quaresme dudit an, aduertý que le bon Conte Charles estoit allé aux matines, en ladicte Eglise de Saint Donas, parquoy accompagné d'aucuns autres, autant traistres & meschans que luy, se transportá incontinét en ladicte Eglise, & vint trouver (menant le moins de bruit que luy fut possible) ledict Conte en la chappelle de la Trinité en hault, faisant ses deuotíons, & auquel ledit Bouffaert doná le premier coup, duquel il couppá la main dextre, que le bon Prince auoit extendue, pour donner l'aumosne a vne pouure femme, laquelle de ce s'appercheuant, s'estoit escryée de grand effroy que le Côte se gardast, quy peu apres d'un autre coup que ledict Bouffaert luy rechargeá sur la teste, eust la cervelle espanduë par la terre, & incontinent fut le corps d'iceluy jecté du haut en bas dans le coeur dudit Saint Donas, ou il demourrá troys jours continuels sans sepulture, au moyen, qu'obstant la craincte que chascun auoit desdicts traistres, & conspirateurs, personne ny osoit mettre la main, pour l'enterrer. Ce malheureux oeuvre acheué, ledict Bouffaert courut en grád' diligence vers le logis du susdict Thammaert, lequel il mit a mort, avec siens fils Gaultier & Guillebert, & apres auoir pillé toute la maison, ils se transportèrent au logis du Côte, ou entre ses domestiques fut pareillement meurdri Gautier de Locre, escuyer trenchant d'iceluy Conte, & avec luy plusieurs Danois, & Allemans, desquels le bon Conte Charles se souloit seruir, butinants au reste toutes les bagues, & joyaux, qu'ils trouuèrent illec, & en retournant, vers le bouch dudit Bruges, occirent semblablement plusieurs autres nobles du pais, & bourgeois d'icelle ville, lesquels ils scauoient auoir esté fauorables audit Conte, & partiaux contre eux & leurs adherents. Ce faict ils se retirèrent audit Bouch, ou ils se fortifièrent, en intention d'eux y tenir tant que leur faict seroit plus assuré:

L'an M.
cent xxvij.

Bouffaert coupe la main dextre que le bon Conte Charles auoit extendue pour donner aumosne.

Le bon Conte Charles pieusement meurdry, & le corps d'iceluy jecté au coeur de l'Eglise de S. Donas.

Thammaert & autres occis par lesdicts conspirateurs.

La maison dudit Conte butinée par lesdits conspirateurs.

Lesdicts conspirateurs se fortifient au bourg de Bruges.

Com-

Comment Seruas de Praet & autres vindrent en diligence vers Bruges, pour vanger la mort dudit bon Conte Charles, de l'emprisonnement des complites d'iceluy meurtre, des miracles que Dieu manifestá en faueur dudit bon Conte, & d'autres choses memorables.

CHAPITRE LXVII.



*Lesdicts conspi-
rateurs parla-
mentent au
peuple pour ex-
cuser leur tra-
hyson.*

*Seruaes de
Praet vient en
diligence a Bru-
ges pour véger
la mort du bon
Conte Charles.*

*Seruaes van
Praet exhorte
ceux de Bruges
a la vengeance
du susdit meur-
dre.*

*Le Bouch de
Bruges assiegé.*

*Le preuost de
Saint Donas,
s'enfuit de
nuict du Bourg
de Bruges.*

Es susdits traistres & cōspirateurs s'estáts (ap-
res auoir perpetré les l'abominables meur-
dres que dessus) retires, au bouch de Bruges
commencèrent a parler au peuple, &
excuser leur trahyson par plusieurs parolles
farsées, pleines de malheureux & damnables mensonges:
de sorte que le peuple (ordinairement nonchallant des
benefices receus, & conuoiteux de choses nouuelles) sem-
bloit aucunement approuuer leur fourfaict, quand en grá-
de diligence suruint en ladiète ville, vn noble & vertueux
cheualier d'iceluy quartir, nómé Seruaes de Praet, lequel
ayant entendu la piteuse mort de son bon Prince, auoit a-
massé le peu de ses subiects, dont il auoit peu finer, & estoit
venu vers ledict Bruges, en intention de faire la vengeance
dudit meurtre. Or ledict Seruaes (auquel s'estoyét aussy
joincts l'abbé de Saint Pierre a Gand, Messiere Helin de
Bouchoute, Messier Baudouyn de Gand, Messiere Thie-
ry de Dixmude & Messiere Richard van Bieft son frere)
apres auoir remonstré au peuple, l'horreur & abhominá-
tion du meurtre, commis en la personne de leur bon Prin-
ce, & le grand blasme qu'ils incoureroient vers toutes na-
tions, sy passoyent par conuience ou dissimulation, vne
tant grande trahyson, & de la quelle s'ils ne faisoient bien
aspre vengeance, eux mesmes se renderoyent coupables,
les encourageá de sorte, que tous d'vn commun accord, &
de main joincte assiegerent ledit bouch, duquel neant-
moins la nuict ensuyuant, ledict preuost & ses adherents,
(voyants que la fortune bastoit mal pour eux) trouuerent
moyen d'eux retirer, & se sauuerent en diuers lieux. Tou-
tesfois aucuns d'eux furent prins & questionnez. Et fut de-
puis le preuost mesme, trouué a Watenes, ou selon autres
en la

en la maison d'Alard de Warneston, & prins par Guillaume de Loo, quy lors se disoit le plus proche a la Conté de Flandre, Ysaac quys'en estoit fuy en l'abbaye de Saint Iean, pres ledict Warneston, & avec luy Guyon d'Estanfort, furent prins par la justice de Saint Omer, & le susdict Boussaert qu'auoit meurdry le bon Conte, fust constitué prisonnier en la maison de Bernard de Roubaix, son oncle, & ainsy successiuellement des autres, quy furent constitués prisonniers, les vns ça, les autres la. Apres que les susdicts traistres se furent retires dudit Bouch, l'abbé de Saint Pierre de Gand, ledict Seruaes, & les autres de sa suyte, enterrent non sans vne infinité de larmes, le corps du bon Conte Charles a l'Eglise de Saint Christoffle, sur le marchié dudit Bruges, pour autant qu'il ne pouoit estre enterré en celle de Saint Donas, au moyen, que par le susdict meurtre, elle auoit esté violée. Peu apres, le Roy de France Louys, dict le Gros, vint en ladite ville de Bruges, tant pour faire justice des susdicts meurdriers, que affin d'induire les estats de Flandre, a receuoir pour leur Conte Guillaume, fils de Robert Courtehoise, Duc de Normandie, duquel nous parlerons cy apres. Et estant ledict Roy Louys audict Bruges, il fit au bout de soixante jours, durant laquelle espace, le corps dudit bon Côte Charles auoit reposé, en l'Eglise de Saint Christoffle, le rapporter audict Saint Donas, ou il fust enterré en merueilleuse magnificence. Auquel endroit ne voulons passer en silence, les miracles & choses merueilleuses que les chroniques tesmoignent, estre aduenues apres la mort de ce vertueux, & vraiment Saint Conte.

„ Le corps duquel estant reposant au cueur de Saint Donas, sans aucune sepulture, vn boiteus Robert le Tollenaar, lequel auoit vescu plus de huiet ans, sur les aumosnes au cloistre de Saint Andrieu les Bruges, vint, soy treinant le mieux qu'il luy fust possible, toucher avec reuerence le ledict corps, & incontinent se leua, receuant toute san té & guarriçon. Comme aussy fut audict lieu guarrie vne notable multitude de malades, les vngs de fiebres, autres de mal de teste, & successiuellement d'autres mala-

Guillaume de Loo prend prisonnier ledict preuost.

Lesdicts conteurs prins en diuers lieux.

Le corps du bon Conte Charles enterré en l'Eglise de Saint Christoffle a Bruges.

Louys le Gros Roy de France vint a Bruges & fait transporter le corps dudit bon Charles a Saint Donas.

Miracles aduenus apres la mort du bon Conte Charles

H h

dics.

dies. En outre Bouffaert Vande Straten qui auoit commis ,
 ledict meurtre, s'estant fuy avec vn seruiteur vers Anuers, ,
 & venant sur leauë, la barque demoura quoye, sans vouloir ,
 aller auant, de sorte que tous ceux qui estoient dans icelle ,
 barque, voire & luy mesmes, disoyent que cestoit vn cha- ,
 rroy diuin, priants tous Dieu pour sa misericorde, & nō ob- ,
 stant ce, ne leur fust possible passer ladicte eauë, au moyen ,
 de quoy, ils furent contraincts de retourner en Flandre. ,
 Qui fut cause que ledict Bouffaert se mit en chariot pour ,
 venir vers Lille, ou il fut peu apres prins en la maison de ,
 Bernard de Roubaix son oncle, selon que vous auez desia ,
 entendu. D'autre part, quand on tira le corps dudit Con- ,
 te Charle hors le sepulchre, auquel il auoit esté en l'Egli- ,
 se de Saint Christoffle soixante trois jours continuels, ,
 toute ladicte Eglise fust remplie d'vne clarté admirable, ,
 & de tant bonnes odeurs, qu'il seroit impossible le vous ,
 declarer, mesmes que plus est, le susdict corps fut trouué ,
 autant entier, & les playes sy fresches, comme s'il ne fust ,
 esté mort d'un' heure, dont aussy le Roy Louys quy estoit ,
 lors illec present, fut grandement esmerueille, & d'au- ,
 tant plus eschauffé au desir quil auoit d'en faire vne tref- ,
 rigoreuse, exemplaire & memorable vengeance. Auquel ,
 passage je veux inserer en cest histoire, vn bon aduertisse- ,
 ment qui non seulement pourra prouffiter au commun- ,
 populaire, mais principalement inciter a vertu, les gran- ,
 des & excellents personnages. Il ny a que la vertu quy ,
 puisse mettre en perpetuelle memoire, ceux quy l'ont ay- ,
 mé, & suyuié. Puis qu'ainsy est, elle doit seruir d'un poi- ,
 gnant aguillon, tant aux Rois, & ceux quy ont le gouuer- ,
 nement des peuples, qu'aux magistrats, quy ont la super- ,
 intendence sur les villes, a ce qu'ils taschent a faire cho- ,
 ses honnestes, & mesmes, que mesprisants les dangiers, ,
 ou bien la mort, quand elle se presentera, ils ne reculent ,
 & fachent difficile d'endurer, & soustenir toutes cho- ,
 ses pour le bien public, tant dures soyent elles. Il y a icy ,
 vn exemple notable, en nostre bon Conte Charle, car com- ,
 bien qu'il vit le dangier eminent, ou d'estre chassé du ,
 païs, ou de sa mort asseurée, a raison de l'egalité de justi- ,
 ce qu'il

Aduertissement
 de l'auteur
 pour inciter vn
 chascun au de-
 sir de vertu.

Li euange du
 bon Conte
 Charles.

ce qu'il faisoit obseruer, voires a l'endroict des plus grands du pais, & au moyen de la susdicte distribution de bled, qu'il voulut estre faicte, tant y a qu'il ne voulut reculer de son bon & saint propos, & beaucoup moins, ou pour la conuoiteuse de dominer, ou pour desir de conseruer sa vie en plus grande assurance, laisser son peuple endurée vne faim tant extreme, ou demeurer par faute de justice oppresse des plus grands, ne pouant aucunement endurer que son autorité & reputacion fut deshonorée, par vne dissimulation tant lasche & sy tresgrande. Mais plustost, s'exposant a tous dangiers, il a reputé que ce luy seroit vne chose honneste, d'estre chassé de son domaine voires & de mourir pour le bien & tranquillité de ses subiects. Par quoy me semble que ce personnage a esté vn homme vraiment prudent & magnanime, & que cest bié raison que tous luy rendent tesmoinnage de vertu. Cest cy la louange de nostre bon Conte, quy donne exemple a tous amateurs de vraye gloire, q̄ s'ils ont soing de laisser apres eux vn' honneste renommée, ils se proposent le semblable, sy cela viét quelque fois a propos, & sur tous autres, les Roys, Princes, gouuerneurs & magistrats des villes y doiuent aduiser, tant s'en faut qu'ils doiuent estre oyseux, lasches & craintifs, que mesme ce leur est deshonneur, quand il y a seulement vne prudence, justice, ou magnanimité commune en eux: je pourroye bié a ce propos alleguer d'autres arguments, pour monstrier la vertu & constance de nostre bon Conte, mas affin que je ne soye long outre mesure, je retourneray au propos que j'ay laissé.

Le bon Conte Charles a esté vne chose honneste, s'exposant a tous peils pour le bien & repos de ses subiects.

C'est deshonneur a vn Prince d'estre seulement deué d'une prudence, justice ou magnanimité commune.

Comment le Roy de France fit executer par diuers supplices les susdits conspirateurs, desquelles toutes les familles & allies furent bannis, qui se retirèrent en vne ylle d'Hybernie, nommé Gherma, avec autres singularites.

CHAPITRE LXVIII.



LE Roy Louys donc estant pour les raisons que dessus grandement eschauffe, au desir de faire la vengeance, du meurdre inhumain commis en la

H h ij per

Punition des
dicts conspira-
teurs.

Les maisons
des susdicts con-
spirateurs sont
pour l'abomi-
nation de leur
trahison de-
molies avec
defence de ja-
mais les po-
uoir reedifier.

Adueniement
de discours de
l'auteur sur
la fin misera-
ble desdicts tra-
istres.

Naturel des
ambitieux, en-
sieux & aua-
res.

personne du bon Conte Charles, enuoyá par tout ses offi-
ciers, pour apprehendre les meurdriers & leurs complices,
lesquels il fit diuersement, & par vne infinité de supplices
executer en diuers lieux, ordonnant que toutes leurs mai-
sons, en quelque lieu qu'elles fussent situés, sous les limi-
tes de sa jurisdiction, fussent abbatues, & leurs autres biens
confisquez, mesmes fut publié, & par edict perpetuel & ir-
reuoicable deffendu, que lesdictes maisons demollies ne
fussent, sus grandes peines a ce imposées, jamais redres-
sées ou reedifiées, & ce en memoire de l'enormité du
mefait perpetré en la personne de leur Prince & Seignr
naturel, estant ledict decret encore pour le jourdhuy en la
villo de Bruges bien estroictement obserué, ou l'on peut
encores maintenant veoir plusieurs heritaiges desdicts de-
Vande Straten deserts vagues, & sans aucun edifice. Telle
fut la malheureuse fin dudit preuost & de ses cõplices, ser-
uant aujourd'hui d'exemple pour tous traistres & meur-
driers, lesquels Dieu permet aucunes fois triompher &
prosperer, pour quelque temps, mais a la fin il descoche sa
sagette contre eux, quy les fait tomber & entierement
ruiner. Par lequel exemple aussi, l'on peut manifeste-
ment veoir, que les hommes quy sont addonnés a am-
bition, auarice, & enuye, ne laissent rien qu'ils n'atten-
tent, & ne vueillent quiter la place a autrui, tant grand
soit il. Et de fait quand telles gens veulent venir au bout
de leurs desirs, ils ne font conscience de perpetrer tout
horrible cas, pour abhominable & inhumain qu'on puis-
se songer. Et de paour qu'ils ont de perdre ce qu'ils ont
vne fois recouré, ne craignent de faire encore de plus
grandes meschancetez. Et voycy qu'elle opinion ils ont.
Que ceste vne plus legiere perte & plus facile a porter de
ne point paruenir a quelque degré, & haute dignité, que
de decheoir des biens & honneurs, lesquels desia ont a ac-
coustuméz. Parquoy cecy leur demeure de reste, qu'ils
ont vne plus grande audace, quand ils craignent d'estre
frustres de leur premiere felicité, mais ce m'est assez d'a-
uoir fait ceste remonstrance comme en passant. Or (pour
retourner a nostre propos) apres que lesdicts conspira-
teurs,

teurs, furent exécutes, les autres qui s'effoyent saulues, & mesmes le demeurant de tout leur linage, coupables & non coupables, furent dechassés du pais de Flandre, & de tous autres, subiects a la couronne de France, & bannis a perpetuité. Lesquels furent long temps vagabonds & sans asseurée demeure, pour autant que au moyen de l'enormité du susdict cas, personne ne les vouloit recevoir, mais en fin ils se retirerent en Ybernies, ou le Roy d'Angleterre leur accorda demeure en vne petite ylle nommée Gherma, ou ils multiplièrent par succession de temps, en sy grand nombre, qu'en l'an mil deux cents quatre vingts sept, ils osèrent faire guerre au Roy d'Angleterre Edouard, mais neantmoins ils furent tous defaits & dechassés dudit lieu, & ceux qui eschapperent, deuiendrent pyrates de mer. Qui doit seruir de preadvertissement a tous Roys, Princes, ou republicques de ne recevoir, ny caresser aucuns traistres, ny mesmes ceux qui seulement sont par leurs fautes precedentes, tombez en reputation de telles gens.

Les susdicts conspirateurs bannis sont abhorres de tous estrangers a raison de lenormité de leur trahyson.

Tous Princes & republicques le doiuent garder de recevoir en leur pays aucun traistre.

Comment plusieurs Princes callengèrent la Conté de Flandre laquelle finalement, contre droit & raison, fut par le Roy de France adjudgée a Guillaume de Normandie.

CHAPITRE LXIX.



ANDIS que les choses susdictes se faisoient, Guillaume d'Ypre, fils de Philippe de Flandre, second fils de Robert le Frison, callengea par l'enhort & a l'adueu de la Contesse Clemence, la Conté de Flandre, comme le plus prochain & apparent heritier, & prinst en ladite qualité, les villes d'Aire, Cassel, Ypre, Furnes, mettant sous sa subiection toute la basse Flandre, de laquelle il se fit appeller Conte. D'autrepart le Roy Henry d'Angleterre, pretendoit estre luy mesme le plus prochain, disant qu'il estoit venu de Madame Mehault fille de Baudouyn de Lille, & que luy ny ses predecesseurs, n'auoyent renoncé, a leur droit, comme bien auoyent

Guillaume d'Ypre, ou de Loo, calenge comme le plus prochain heritier la Conté de Flandre.

El. h. iij. fait

Debats entre
plusieurs Prin-
ces pour la suc-
cession de Flan-
dre.

Arnould ne-
veu du bon Co-
te Charles pié-
d Saint Omer.

Le Roy de Fra-
nce mandá vers
luy en Arras
tous ceux qui
pretendoyent
en la successió
de Flandre.

Le Roy de Fra-
nce plus par fa-
ueur que selon
droict adjugé
la Conté de Flá-
dre a Guillau-
me de Normá-
die.

La nation de
Fládre ne cede
a aucune autre
de toute l'Eu-
rope.

Le bon Conte
Charles aux
Flamens, ce
que S. Louys
aux Francois.

faict ceux de Hainault, & de faict enuoya vne bien grosse armée en Calant, esperant auoir la faueur de ceux de Bruges & de plusieurs gentils hommes de Flandre, lesquels il auoit sollicité par plusieurs dons, & grandes promesses. Pareillementy contendoit & aspiroit, Thiery d'Elstare fils de Ghertrude, fille de Robert le Frison, comme semblablement fit Arnould neveu du bon Conte Charles, & fils aîné de sa sœur, lequel print Sainct Omer, convertissant le monastere d'illec en vne forteresse: de sorte que le pouure pais de Flandre a raison de ce, estoit apparant tomber en merueilleusement estrange desolation, sy le Roy Louys le Gros, ny eust romedié. Lequel estant en la ville d'Arras, mandá vers luy tous ceux qui pretendoyent droict audit pais, affin de toutes matieres debatues il puint, comme souuerain, adjuget ladicte Conté selon qu'il troueroit de raison, vers lequel pourtant se trouuerent les susdicts Princes & avec eux Baudouyn Conte de Hainault, qui se disoit fils de Baudouyn frere de Ernould le Simple, Conte de Flandre, occis par Robert le Frison en la bataille de Cassel. Mais le Roy Héry d'Angleterre n'y vint en personne, ains y enuoya Estienne Conte de Bloys, pour remonstrer son droict & proximité, telle que dessus. Finablement le Roy (plus par faueur que selon droict) adjugeá ladicte Côté de Flandre, a Guillaume fils de Robert dict Courtehois, Duc de Normádie, nō pour ce qu'il fut le plus prochain, (veu q̄ le contraire estoit veritable) mais a raison de l'affectiō qu'il portoit audit Guillaume, pour ce qu'il estoit fiácé avec Madame Sybille cousine de la femme d'iceluy Roy Louys le Gros. Or voyla ce que je trouue des affaires & actes du susdict bon Côté Charles, & des débats quy s'esmeurent pour la succession de Fládre, apres la mort d'iceluy, voulant bie-
icy noter; (pour ce que par le contenu au prologue qu'a-
uons faict sur ceste histoire, auons declaré que nostre natiō
ne doit en riē ceder a aucun' autre de toute l'Europe) que
par le moyen de ce bon, sainct, & vertueux Conte, ceux de
Flandre out euvn Prince & gouuerneur, lequel ne decore
moins le pais de Flandre, que Monsieur Saint Louys a de-
puis honore le royaume de France, comme assez peut ap-
paroir

paroir par les miracles que nostre Seigneur, depuis sa mort a montré a l'endroit de son corps bienheureux, lequel est pour le present esleue en la sacristie de Saint Donas, ou on le voit journellement en grand' deuotion & reuerence. Quant a Madame Marguerite sa femme, dont toutesfois il n'eut aucun enfant, elle se remaria depuis a Thiery d'Elstare, quy deuint finalement Conte de Flandre selon que pourrez veoir par la continuation de ceste histoire.

Comment Guillaume de Normandie se fit au moyen de l'assistance du Roy de France, recevoir en plusieurs lieux par force, pour l'entre de Flandre dont finalement il deuint paisible, apres la bataille qu'il eust deuant Ypre Contre Guillaume de Loo.

CHAPITRE LXX.



VILLAVME de Normandie, fils de Roberts Duc de Normandie, fut nomme Courtenhoise, quy fut fils de Madame Mehault, fille de Baudouyn de Lille, succeda audit bon Conte Charles, en la Contee de Flandre (au moyen de l'assistance & faueur du Roy Louys de France) en l'an vingt & huit. Il ne fut jamais marié, trop bien estoit fiancé a Madame Sybille, fille de Foncault Conte de Anjou, & apres Roy de Hierusalem. Mais le mariage n'allit auant, au moyen de l'obstacle, que y mit, Henry Roy de Angleterre, lequel tousiours luy auoit esté grand ennemy. Ledit Guillaume deuant son aduenement a ladicte Contee de Flandre s'auoit tousiours porté modestement & vertueusement, mais incontinent qu'il pensoit estre asseuré de sa grandeur & puissance, il changea de conditions, & deuint cruel & tyran, dont aussi mal luy en print, selon que voirez presentement. Auant que ledit Guillaume peust estre par tout receu, pour Conte & Seigneur, il endura beaucoup de facheuries, qui fut cause, que le Roy Louys de France, pour le mettre partout en possession vint en personne avec luy, au mois de May dudit an mil cent vingt & huit en la ville de

L'an xxx.
& viij.

Le Conte Guillaume au commencement, bien conditionné, & estant paruenue a la Contee de Flandre deuiant tyrann.

de Lille, ou il fut receu pour Conte & fit le serment en tel cas requis & accoustumé, de là le Roy le mená en la ville de Bruges, ou il fut semblablement receu, mais pour autant que ceux de Gand mettoient difficulté a le recevoir, obstant la faueur qu'ils portoyent au Roy Héry d'Angleterre. Le Roy Louys & le Conte Guillaume retournerent audict Lille, & de là tirèrent a Saint Omer par Bethune, deuant lequel Saint Omer ils mistrent le siege, pour autant que vn adolescent du royaume de Naple appellé Arnould, s'estoit en qualité de neveu du feu Conte Charles, mis dedans ladicte ville, & auoit fortifié le cloistre d'illec, lequel fust assailly & prins, par lesdits Roy Louys & le Conte Guillaume, quy constraindirent iceluy Arnould a la renonciation du droit qu'il pretendoit audict Flandre, moyennant toutesfois quelque somme d'argent, que luy fut deliurée pour retourner en ses pais, & laquelle lesdicts de Saint Omer furent contraincts luy payer & furnir. Du dict Saint Omer, ils tirèrent a grand' puissance contre la ville d'Ypre, laquelle tenoit pour Guillaume de Loo, dont nous auons parlé cy dessus, & deuant laquelle y eust vne dure & trefaspre bataille. Et tandis que l'on se combatoit, le Seigneur de Roubaix entra dedans ledict Ypre, par la faction du guet de la porte de Messines, dont s'appercheuât le susdict Guillaume de Loo & les siés, perdirēt tout courage, & s'ensuyrēt a vau de route, mais ledict Guillaume fust poursuuy, & rattachē par vn cheualier appellé, Messiere Daniel de Tenremonde, quy l'amená prisonnier avec plusieurs autres cheualiers. Et fut ladicte ville d'Ypre par les gens du Roy arsē & pillée. Dōt estōnées les autres villes de la basse Flandre, lesquelles auoyent tenu le party dudict Guillaume de Loo, se misrent sans aucune resistēce, sous l'obeissance du Roy Louys, receuāts ledit Guillaume pour leur Côte & Seigneur. Comme aussy finablement ceux de Gād moyennāt aucunes conditions lors concheuēs, reconnurēt le susdit Guillaume de Normādie pour Côte de Flādre, encores que ce fut a leur tresgrand regret & deplaisir. Ce faict, ledict Roy Louys, retourna en France. Et assez tost apres Guillaume de Loo, a la requeste des barōs & nobles de Flan-

Saint Omer
Prise par Gui-
llaume de Nor-
mandie.

Ypre dont le
party de Gui-
llaume de Loo

Du conflict
que deuant Y-
pre Guillaume
de Loo eust co-
tre le Roy de
France & Gui-
llaume de Nor-
mandie.

Guillaume de
Loo prisonnier

Ypre bruslée.

Guillaume de
Normandie
par tout receu
pour Conte de
Flandre.

de Flandre, fut relaxé & mis en sa liberté, moyennant toutesfois la promesse qu'il fit de faire hommage audict Guillaume de Normandie, comme Conte de Flandre, de ses Visconté d'Ypre & seigneurie de Loo, ensemble de renoncer a tout tel droit que jamais il pourroit pretendre en la Conté de Flandre. Ce que neantmoins ledict Guillaume n'observâ guerres bien. Ce pendant Baudouyn Conte de Hainault, quy semblablement auoit pretendu droit en la susdicte Conté de Flandre, faisoit plusieurs courses audict pais, brullant villages, maisons de plaisance & tout ce qu'il pouuoit rencontrer sur le plat pais, & signamment es terroirs & chastellenies d'Alost & Audenarde. Contre lequel le Conte Guillaume enuoyâ en grande diligéce Messire Bertran marischal de Flandre: mais auant sa venue audict pais, le Conte de Hainault s'estoit retiré. Au moyen de quoy il retourna vers le Conte Guillaume, lequel estoit par le moyen que dessus demeuré paisible Conte de Flandre.

Guillaume de Loo renonce au droit qu'il pretendoit en Flandre.

Baudouyn Conte de Hainault infeste le pais de Flandre.

Des exactions & cruautés du Conte Guillaume, apres qu'il fut devenu Seigneur paisible de Flandre, & comment ceux de Lille rebellèrent contre luy.

CHAPITRE LXXI,



Asses tost apres, que ledict Guillaume fut par tout receu & obey comme Conte de Flandre, il commençâ greuer le pais, faisant plusieurs nouuellitez contre les loix & ancienes coustumes des villes de Flandre, car il faisoit marchandise des offices, comme si ce fussent esté cheuaux ou autres sortes de denrées: il cōtrouuoit & imposoit nouuelles exactions, amenoit gens de guerre au pais, lesquels il mettoit en garnison es petites villes, trauaillant par ce grandement le peuple & contreuenant a la paix & tranquillité du pais jurée, promise, & adjudgée par ses predecesseurs traitant au reste ses subjects, avec toute la cruauté & rudesse, dont il se pouuoit aduiser. Par lesquelles tyrânies il a bien euidamment monstré combien le naturel des hommes est

Le Conte Guillaume vend les offices.

Tyrannie du Conte Guillaume.

Naturel pervers des hommes.

Li per-

*Honores mutui
morei.*

*Condition de
gens inespere-
ment esleuez
a quelque grád
dignité.*

peruers. Car cépendant qu'ils seront d'une condition abjecte, ils auront quelque semblant de preudhommes & gens de bien, & apparence de zele & affection de justice, pour autant qu'ils n'oseroient obtemperer a leur naturel, & aussi ne leur permettroit on pas. Et qui plus est, durant ce temps la, il semble qu'il y ayt quelque crainte de Dieu en leurs moeurs, & eux mesmes ont ceste opinion en eux que Dieu assiste & est present a toutes les operations des homes, & regarde toutes leurs pensées. Mais aussi tost, qu'ils se voyent esleuez a quelque puissance, & haulte dignité, ils mettent bas & quittent leurs premieres façons de faire, & comme si ils auoyent changé d'habit & ornement sur vn eschaffault, pour jouer vn nouveau personnage, ils se desbordent a toute audace & insolence, & viennent a orgueilleusement mespriser toutes choses, & diuines & humaines. Et combien que pour surmonter l'enuye, ils ayent besoing sur toute chose de la crainte de Dieu, & d'une vraye bonté & justice. Combien aussi q non seulement toutes leurs operatiós, mais aussi leurs volótez soyét en euidence, deuant les yeux de tous : neantmoins cest lors principalement qu'ils s'escarmouchent d'une façon furieuse contre leurs subjects, & se bail'ent licence de toutes choses : comme si Dieu fermoit les yeux, ou comme s'il redoutoit leur puissance. Et ont opinion que tout ce qu'ils ont decreté, ou par auarice, ou par haine ou par desir immodéré de vengeance injuste, ou par faueur desraisonnable, doit estre ratifié tout incontinent par les hommes, & que Dieu y doit soubsigner pour l'approuuer, n'ayants au demeurant aucun regard a ce qui en peut auenir. Car s'il faut parler de ceux, qui auront prins de grandes peines, & se seront exposez a beaucoup de difficultez pour l'amour de ceux cy, premierement on les voyrá esleuer par eux a quelque dignité, & apres qu'ils les auront esleuez conçoient telle enuye contre eux, que non seulement ils les priuent de leurs dignitez, mais aussi bien souvent les opprimét par calónies : ne cōsiderants point qu'elle raison ils ont de ce faire, & n'adjoustants point foy, sinon aux faux rapports qui sont faicts, sans aucune probation legitime : & traictent rudement non pas ceux, qu'il falloit ainsi

trai-

traicter, mais ceux enuers lesquels il leur est bien facil d'vser de cruauté. Et quant au serment par eux fait de bien & legitimement gouverner son peuple, ils en font autant d'estime, que sont accoustumez ceux, qui se persuadent ny auoir aucune puissance souueraine & eternelle sur eux, ou bien que Dieu le createur n'a aucune sollicitude des choses, qui se commettent icy bas. Nous auons vn exemple bien manifeste de cecy, proposé en Guillaume de Normandie, lequel (encore que cōtre tout droit veu qu'en y auoit des plus prochains que luy) esleué a la dignité, en laquelle il se trouuoit depuis auoir esté fourré en la Conté de Flandre, se gouuerná selon que cy dessus vous auons déclaré, & dont neant moins il portá tost apres la juste penitence. Car le peuple de Flandre, grandement indigné a raison de ses iusdictes rudesses & cruantez, conceut vne extreme hayne contre luy, & commençá petit a petit de se rebeller, & signamment les habitants de la ville de Lille, lesquels comme ledict Guillaume pensoit vn jour entre autres venir dans ladicte ville, luy fermèrent leurs portes a son néz, disants qu'ils n'entendoyent estre regis ny gouuernez de la façon, dont il les auoit cōmençé traicter. Lesquels de Lille, furent assez tost suyuis, par ceux de Gand & aucuns autres. Dont aduertý Guillaume de Loo, qui s'estoit retiré vers le Roy Henry d'Angleterre son cousin, retourna avec grand nombre de nauires bien garnies de gens de guerre, que ledict Roy Henry luy auoit baillé, vers le país de Flandre. Pour auquel resister, le Conte Guillaume se transportá en toute diligence vers le Dam, & fit de sorte, que non seulement la descente dudit Guillaume de Loo au país de Flandre fut empeschée, mais aussi le forçá de retourner en Angleterre avec grande perte & deshonneur,

Ceulx de Lille rebeller contre le Conte Guillaume a raison des cruantez.

Guillaume de Loo retourne avec puissance vers Flandre se fuyant ault rebellions que ceulx du pays auoyent communément contre le Conte Guillaume, lequel neantmoins fait retourner ledict de Loo vers Angleterre avec la perte & deshonneur.

Comment ceux de Flandre mandèrent a leur secours Thierry d'Elste contre leur Conte Guillaume & du diuers euenement de la guerre desdict Thierry & Guillaume, ensemble de la mort dudit Guillaume.

CHAPITRE LXXII.

Ii ij

APRES



A PRES que ledict Guillaume de Loo se fut avec sa courte honte retiré au royaume d'Angleterre, le Conte Guillaume continua ses cruautéz, rudesses, & exactions, mettant sus gabelles, & tonlieux non accoustumez, vendant comme dict est les offices, contre-venant aux loix & coustumes du pais, remettant en leur estat les juifs que le bon Conte Charles auoit auparavant dechassez, & leur donnant autorité de faire vsures cōme deuant, & traitāt au reste ses subjects & vassaulx en toute tyrannie & cruauté. Au moyen de quoy les prelatz barons & gouuerneurs de villes de Flandre, spécialement, de Gand, Bruges, Ypre, & Lille, ne pouantz dauantage tolerer l'insupportable gouuernement du Conte Guillaume, & considerants que sur les plainctes de ce faictes au Roy de France, il ne faisoit semblant d'y vouloir mettre aucun ordre: mandērent secretement Thiery d'Elzate, filz du Duc d'Elzate & de Madame Ghertrude seconde fille de Robert le Frison, & cousin germain du feu Conte Charle le Bon, qu'il vint incontinent vers eux, & qu'ilz l'iuesteroyent de la Conté de Flandre, veu mesmes qu'ils le tenoyent pour le plus prochain heritier, (comme de faict il estoit). Desquelles nouvelles ledict Thiery merueilleusement satiffaict, & joyeux, assemblā enuiron cinc mil Allemans, ou (comme autres histoires tesmoignent) mille cheualiers, & vint a grandes journées au pais de Flandre, ou il fut receu avec merueilleusement grand joye & contentement du peuple, & signamment des habitants de Bruges, Ypre, & Gand, lesquels manderent au Conte Guillaume, qui lors se tenoit a Saint Omer, que vn tel cheualier estoit descendu avec puissance au pais de Flandre, soubz pretext du droict qu'il pretendoit a ladiēte Conté, & pourtant qu'il aduist a son faict, attendu que quant a eux, ils n'estoyent deliberez de se mesler du faict de ladiēte querelle, en faueur de l'vn ny de l'autre, ains en laisseroyent conuenir eux deux. Ce pendant ledict Thiery qui s'estoit quelque peu arresté en la ville de Gand, partit vers Courtray & de la print son chemin vers Lille, trouuant par tout tant de faueurs & carēs-

Les estatz de Flādre se rebel-
lent contre le
Conte Guillau-
me a raison des
cruautéz d'ice-
luy, & mandēt
vers eux Thie-
ry d'Elzate pro-
mettantez l'in-
uestir de la Cō-
té dudiēt Flā-
dre.

Thiery d'Elzate
descend en Flā-
dre ou il est re-
ceū honnora-
blement des
trois principa-
les villes.

ses qu'il seroit impossible le vous exprimer par escript: voires & que plus est, il y auoit desia aucuns gentilzhommes qui s'estoyent faiz de sa maison. Dont le Conte Guillaume aduerty, & voyant le peu d'occasion qu'il auoit de s'oyfier en ses subjects, enuoyá vers le Roy Louys le Gros pour secours, lequel descendit incontinent en personne avec merueilleuse puissance, & vint jusques en la ville d'Arras, dont il fit plusieurs courses jusques aux portes de Lille, ou ledict Thiery s'estoit pour lors retiré. Et considerant que la ville n'estoit prendable sans siege, & mesmes beaucoup moins a raison du grand nombre de gens qui estoit dedás: Il fit citer ledict Thiery pardeuant l'audience de l'Euesque d'Arras, comme occupateur & inuahisseur de la terre d'autruy, lequel pour sa contumace il fit excommunier avec tous ses fauteurs & adherents, il fit aussi mettre le ces & interdict en la ville de Lille, sous pretext de la faueur qu'ils portoyent audict Thiery. Ce faict, ledict Roy retourna en France. Nonobstant quoy la guerre continua tousiours, entre le Conte Guillaume & Thiery, lesquelles s'entredonnoient bien souuent des trespourdes rencontres: esquelles aduenoit plusieurs fois, qui cestuy qu'auoit obtenu victoire sur son ennemy, fust le jour subsequent vaincu: de maniere que leur querelle estoit bonne espace de temps en branle, avec merueilleusement grande expectation du peuple de l'euet de ce debat, & de quel costé la victoire en fin s'inclineroit, encore que la meilleure part, desirast que ledict Thiery reussit victorieux. Lequel finablement, estant vn jour entre autres sorty de la ville de Lille, pourchercher le Conte Guillaume son ennemy, trouua le susdict Guillaume a Axele avec grand ost, que nouvellement il auoit ramassé des pais de Normandie, Picardie, & de France. De maniere qu'il y eust illec vn trespdur & aspre conflict: auquel ledict Thiery, apres auoir longuement soustenu l'effort de ses ennemis, & faict tout ce que vn vaillant capitaine en rencontre tant inegalle eust peu faire, fust mis en desarroy, & se sauua en la ville d'Alost. Ou neantmoins il fut pourluyuy en toute diligence par le Conte Guillaume & les siens: lesquels liuerent au mesme instant plu-

Aucuns nobles de Flandre sont de la maison de Thiery d'Elstete.

Le Roy de Frá ce vient en Flandre au secours de Conte Guillaume.

Thiery d'Elstete avec ses adherents excommunié, comme occupateur de la terre d'autruy.

Diuers euement de guerres entre ledict Thiery, & le Conte Guillaume.

Tournée d'Axele ou ledict Thiery est defaict par le Conte Guillaume.

Thiery d'Elstete s'enfuyt vers Alost.

Alost assigné
par le Conte
Guillaume.

fieurs & diuers assauts a ladicte ville, esperants par ce moyen
estonner les manants & habitants d'illec, de sorte, qu'ils
seroyent du moins contents, deliurer es mains du Conte
Guillaume ledict Thiery, en la personne duquel ils sca-
uoient consister la fin ou continuation de ceste guerre. Pour
a quoy paruenir, le Conte Guillaume se trouua finable-
ment en personne deuant la porte, cryant & faisant com-
mandement a ceux de dedans qu'ils eussent luy faire ou-
uerture, comme a leur vray & naturel Seigneur. Les asseu-
rant au reste de tout bon traictement & qu'il ne cherchoit
autre que la personne du susdict Thiery. A quoy toutesfois
ne luy fut donnée aucune responce, mais vn archalestrier de
dedans nomme Nicayse, descoçá apres luy & le touchá de
vn virton ou sagette sous le pous, ou (selon autres) en l'e-
spaule droicte, dont le bras s'allumá & appostumá: de sorte,
que cinc jours apres il en mourut, & fut son corps par ses
cheualiers transporté au monastere de Saint Bertin, ou
ils l'enterrerent en habit de moine, sur la fin d'Aougt

Le Conte Guil-
laume est á de-
uant la porte
d'Alost, est blec-
té d'vng virton
a l'espaule d'or
il meurt peu a-
pres.

L'an M.
cent xxix.

en l'an mil cent vingt & neuf. le trouue par les histoires
que auant le trespas de ce Guillaume, aduindrét deux cho-
ses prodigieuses, lesquelles (selon que depuis on a veu par ex-
perience) annonchoient & designoyent la mort d'iceluy.

Prodiges adue-
nus au camp
du Conte Guil-
laume auant le
trespas d'ice-
lui,

Sicomme que la nuit precedente le jour, auquel ledict
Conte fut blessé, fut veüé dans les tentes dudit Con-
te, grande quantité de gens de guerre a cheual. A rai-
son de quoy s'esmeur grand bruiet par tout le camp, de
sorte, qu'on sonná l'alarme. Mais quand on approchast,
l'on ne vit autre chose que la similitude de quelque hom-
me, lequel sembloit blesser d'vn archalestre ledict Con-
te a l'espaule, de sorte qu'on maintient que ce fussent au-
cuns esprits, qui venoyent signifier au Conte sa prochai-
ne mort. L'on vit aussi sur la mesme nuit, deux chats
huants, qui combatoyent au dessus, & a l'entour de la
tente du mesme Conte: desquels l'vn fut le lendemain
au matin trouué a terre griefuement blessé, voies jus-
ques au mourir, & mourust au mesme temps, jours, &
heure, que ledict Conte trepassá. Les gens duquel, vo-
yantz la disgrace & mauuaise fortune que luy estoit adue-
uenü,

nuë, leuèrent sans faire bruit, le siege de deuant Aloft, & abandonnans bagues & charroys, chascun si sauua le mieux que luy fut possible : suyuant quoy, ledict Thiery ayse au possible d'une aduventure tant bonne, & inesperée partit incontinent vers Gand, ou il fut receu a Conte de Flandre, comme pareillement il fut a Bruges, Ypre, & au reste de villes & pais dudiect Flandre, en toutes lesquelles il fit & receut le serment en tel cas accoustumé. Durant le gouuernement dudiect Conte Guillaume, sicomme en my Septembre de l'an mil cent vingt & huiet fit par tout le pais si trefroid, qu'il n'estoit memoire du semblable, & furēt au pais de Fladre plusieurs eauës es fosses rouges comme sang, & tout apres suyuit vne grande pestilence, dont Dieu nous vueille tous garder.

Le siege d'Aloft leué apres le trespas dudiect Conte.

Thiery d'Elfare receu pour Cöte de Flandre.

Cötes prodigieuses en Flandre.

Comment le Conte Thiery fut receu pour Seigneur de Flandre, & du Saint Sang qu'il rapporta d'outre mer, & donna a la ville de Bruges, ensemble de la fondation d'aucuns monasteres, avec autres choses memorables.

CHAPITRE LXXIII.



HIERY d'Elfare, fils de Thiery Duc d'Elfare, & de Madame Ghertrude de Flandre, fille de Robert le Frison, fut par les prelates, nobles & peuples de Flandre, receu & admis a Conte de Flandre, en l'an mil cent vingt & neuf. Il fut deux fois marié, la premiere fois a Madame Marguerite fille de Renault Conte de Clermont, laquelle estoit veue de feu Charles le Bon, de laquelle il eust vne fille nommée Laurette, laquelle fut depuis mariée au Duc de Lembourg, mais pour la proximité du lignage, elle en fut séparée, & remariée a Ywain de Gád, Côte d'Aloft qui gist a Tróchienes & duquel vint Thiery depuis Côte d'Aloft. Elle se remaria depuis a Raoul Conte de Peronne, & pour la quatrieme fois au Conte de Namur. Aucuns historiés maintiennēt, que pour ce que ladicte Marguerite auoit esté mariée au Côte Charles le Bon, le Pape Honorius voulut separer ledict Thiery d'auec elle, & pour ce que le Conte Thiery ne la vou-

Le Côte Thiery premierement marié a Madame Marguerite du Clermont auec Ywain.

Mariage du Cōte Thiery avec Madame Sybille de Hierusalem.

Des enfans du Thiery

Accoustumés dont le Conte Thiery v'sont volontiers.

Le cloistre des Clermarez fondé par le Conte Thiery.

S. Gilles a VVa sene fondé par le Cōte Thiery

lut laisser, il les excommuniâ; & mit le ces en Flandre, au moyen de quoy y eust de grands brouillis audi& pais, lesquels neantmoins ne durèrent guerres, pour autant que la bonne dame trespassâ tost apres, scauoir en l'an mil cent trentequatre. Le ne scay ou elle fut enterrée, il se remaria depuis a Madame Sybille fille de Foucaut Conte d'Anjou, & Roy de Hierusalem, laquelle auparauant auoit esté fiancée, au susdict Guillaume de Normandie Conte de Flandre, mais le Roy d'Angleterre auoit empesché le mariage, (comme est déclaré cy deuant) de laquelle ledict Conte Thiery eust cinc fils & deux filles, si comme Philippe qui luy succedâ en la Conté de Flandre Mahieu Conte de Boulongne de par sa femme, Gherad preuost de Sain& Donas, Baudouyn Euesque de Therouane, qui termina jeune, & Pierre esleu de Cambray, lequel depuis renonça a l'electiō, & se maria a la vefue du Conte de Neuers, fille du Conte de Vermendois. L'vne des filles fut nommée Marguerite, qui fut premierement mariée a Roulof filz de Roulof Cōte de Vermendois, qui morut ladre, & apres a Baudouyn Conte de Henault & de Namur, dict le quart, laquelle auf si fut depuis Contesse de Flandre. L'autre s'appelloit Ghertrude, femme de Lambert Conte de Montagu ou de Moraigne, & en apres de Thomas d'Oisi, & finalement religieuse, mais je ne scay en quel lieu ladi&te Ghertrude, donna a l'abbay des Dunes en Westfandre cent^m marcs tous les ans, & fut iceluy don confirmé par Gherard preuost de Sain& Donas son frere. Ledit Thiery, estoit vn Prince merueilleusement discret, prudent subtil, & vaillant, il s'accoustroit volontiers, a la maniere des Princes Chrestiens, estârs en la terre sain&te, ou il auoit este nourry, & lōg tēps milité soubz le Prince Rogier de Sicille son oncle, il fondâ avec Madame Sybille sa femme, & a la requeste de Monsieur saint Bernard Abbe de Cleruaux, le cloistre de Clermarez pres de Sain& Omer, de l'ordre des Cisteaux, il dotâ aussi grandement le cloistre de Sain& Gilles a Watene, lequel il auoit fondé, & y mit des chanoines Reguliers, il confirma a l'eglise de Tronchiennes les dons, que firent a icelle eglise Ywain de Gand Conte d'Alost & Madame Lorette sa fem-

la femme, conuertissant les preuost & chanoines reguliers qu'il y auoit illec en Abbé & religieux de l'ordre de Premonstrez. Il apportá d'outre mer & donna a la chappelle de Saint Basile a Bruges le Saint Sang, que chascun Vendredy on monstre encores pour le jourdhuy, en grande deuotion & reuerence. Et donna a l'eglise Saint Walbrugge de Furnes, vne grande piece de la vraye croix, que semblablement il auoit apporté de la terre Sainte. Le mesme Conte Thiery avec Philippe son fils firent de la paroisse de Sainte Willebrode, vne nouuelle ville & haure que maintenant nous appellons Greueninge, y appliquants plusieurs terres, que feu Robert le Frison, auoit donné a l'eglise Saint Bertin, selon que tesmoingne l'histoire dudit Saint Bertin.

Le Saint Sang rapporté d'outre mer & donné a la chappelle de S. Basile a Bruges par le Conte Thiery.

Greueninghe.

Comment le Conte Thiery chassá du país du Flandre Guillaume de Loo, qui pretendoit droit en audit Flandre, & fit son premier voyage pour la conqueste de la terre Sainte, ensemble du commencement des Ingrekens & Blaumotins, au VVestquartier de Flandre.

CHAPITRE LXXIIII.



LE Conte Thiery eust a son aduenement en la Conté de Flandre, plusieurs trauaux & fache-ries, qui luy firent aucuns Princes, pretendants droit en icelle Conté, & signamment Guillaume de Loo Viconte d'Ypre (duquel cy dessus auons fait plusieurs fois mention) & lequel estat descendu avec bon nombre de nauires, s'estoit mis dedans la ville du Dam, pres Bruges qu'il auoit fait fortifier. Toutesfois ladicte ville fut en fin prinse, au moyen de quoy ledict Guillaume preuoyant qu'il ne gaigneroit riens sur le Conte Thiery, retourna avec peu de prouffit en Angleterre, vers le nouuel Roy Estienne, lequel le receut treshumainement, & luy donna depuis des grands gouuernements. Enuiron ce mesme temps, si comme en l'an mil cét trente huit, le Conte Thiery accompagné de trois centz hommes en bon equipage, print avec plusieurs Princes

Guillaume de Loo, prend & fortifie la ville du Dam, & fait guerre au Conte Thiery.

L'an M. C. xxxviij

K k

Chre-

Le Conte Thie
ry prend la cru
ciate & des be
aux exploits
d'iceluy contre
les Infideles.

Le Conte Thie
ry retourna du
Saint voyage
vers Flandre.

Saint Bernard
prez le Conte
Thiery.

L'Anthene du
Salue Regina
portee en Flan
dre par Saint
Bernard.

Commence
ment des Blau
motins & In
grekins en Fla
dre.

Chrestiens de la couronne de France, la cruciate, & passerent outre mer au Saint voyage, pour recouurer aucunes places, que les Turcs & Sarrazins auoyent puis nagueres gaignees, sur les Chrestiens, auquel voyage ledict Thiery fit des merueilleuses prouesses, tant en Surie, que en Barbarie, Egypte, & outre le fleuve de Jordan, auquel lieu il desit vne forteresse des Turcs, que les historiens ne nomment: se portant au reste si vertueusement, & magnanimement que Foucault Roy de Hierusalem, luy accorda & donna en mariage Madame Sybille sa fille, qu'il auoit eue de sa premiere femme, qui fut sœur de Geoffroy Conte d'Anjou, pere d'Henry qui depuis fut Roy d'Angleterre. Et apres les noces faictes, le Conte Thiery retourna avec Madame Sybille sa femme au pais de Flandre. Ou il fut receu en la plus grande magnificence & liesse, dont ses bons & loyaux vassaux se pouoyent auiser. Et vint vers luy Monsieur Saint Bernard, lequel estoit vn peu auparauant descendu en Flandre, pour visiter le cloistre des Dunes, qui fut receu dudit Thiery, d'une humanité & benignité, digne a deux tels personages, au nom duquel aussi le Conte Thiery, doua de plusieurs beaux preuileges ledict cloistre de Dunes. Auquel le susdict Saint Bernard auoit constitué & estably le premier Abbé, ayant au mesme temps apporté au pais de Flandre, l'Anthenne du Salue Regina, laquelle il requist estre chantée tous les Sabmedys en honneur de la vierge Marie. Et auoit lors icelle Anthenne esté nouuellement composée, par l'Euesque Podiensis. Si affirmá ledict Saint Bernard, qu'on l'auoit ouy chanter par les Anges, en signe qu'elle plaisoit & estoit agreable a Dieu, & a sa benoiste mere, la vierge trespure. Le treuve qu'en l'absence de ce Conte Thiery, commença au pais de Furnabocht, vne partialité de deux bēdes, dōt les vns se disoyent Blaumotins, & les autres Ingrekens, lesquels s'assemblerēt souuēt les vns cōtre les autres a grande puissance, & s'entretuoyēt sans aucune misericorde, sans q̄ fust au pouoir du Conte ny d'autre d'y mettre ordre, jusques a ce que deux mesmes ils se lassèrent, & que lors s'esuanouyt ladicte partialité comme le vent

le vent, laquelle neantmoins durá long temps depuis, cōme vous voirez cy apres. Et pour antát que Arnould aduo ué de Therouaene, auoit en partie esté cause de ceste parcialité, & esmeule le país de Flandre, durant l'absence du Cōte Thiery: ledict Thiery, fit desmollir vn chasteau, appartenant au susdict Arnould.

Arnould aduo
ué de Theroua
ne cause de la
dicté parcialité.

Comment le Conte Thiery entreprend ses deuxiesme & troisieme voyages vers la terre Saincte, de la victoire qu'il obtient contre les Hennuyers, Liegeois, & Namurois, ensemble du mariage de Madame Ysabeau de Vermandois avec Philippe de Flandre, auquel ledict Thiery resigne la Conté dudiect Flandre.

CHAPITRE LXXV.



N l'an mil cent quarante six, l'Empereur Cōrard, Louys Roy de France, Thiery Conte de Flandre, avec plusieurs prelatz, Princes, baró & grand peuple Chrestien, des parties d'Occident, prindrent la croix a la predication & enhortement, de Monsieur Sainct Bernard, & d'un commun accord passerent la mer, pour a force d'armes, recourir la ville d'Édiffe, que les Turcs auoyent conquisé l'année precedente, par la faute & negligence des Chrestiens: & s'accompagna ledict Thiery Conte de Fládre de plusieurs nobles de son país. Sicomme d'Arnould son neveu, de Lambert Conte de Montagu, de Thiery chastelain de Dixmude, de Henry de Wulfregem, & de plusieurs autres laissant le gouuernemēt de Flandre a Sybille sa femme, assistée de Rogier preuost de Sainct Donas & chancelier de Flandre. Et en l'an mil cent quarante neuf, les Princes Chrestiens retournerent dudiect Sainct voyage sans rien faire, a raison des pestes, famines & autres inconueniens qui leur suruindrent. Nonobstant quoy le Conte Thiery de Flandre ne retourna avec eux, ains demoura la encore vn an pour assister contre les ennemis de nostre Sainct Foy, le Roy Baudouyn le tiers fils de Foucault & frere de Madame Sybille sa femme. Ce pendant le Conte Baudouyn d'Hainault le quart, pendant opportunité par l'absence

L'an M.
C. xlvj.

Cruciate des
Princes Chres-
tiens cōtre les
Turcs a la pro-
dication de S.
Bernard.

Thiery d'Elfa-
te laisse le gou-
uernement de
Flandre a ma-
dame Sebile sa
femme & va
pour la deuxief-
me fois a la co-
queste de la ter-
re Saincte.

Baudouyn
d'Hainault en
l'absence du
Conte Thiery
fait guerre a
Flandre.

K k ij du

Armée des Fla-
mens en Hai-
nault.
Trefue de Flan-
dre & d'Hai-
nault.

Le Conte Thie-
ry defaict en ba-
taille rengée,
Baudouyn de
Hainault assi-
sté des Liegeois
& Namurois.

Paix entre Flan-
dre & Hainault

Mariage de Ma-
dame Margue-
rite de Flandre
avec le Conte
d'Hainault.

Euesque a
Tournay.

du Conte Thiery, de molester la Flandre, assemblá vne bõ-
ne troupe de gens, avec lesquels il entra au quartier d'Ar-
ras, brullant & destruisant tout ce qu'il trouuoit, en son che-
min. Dont Madame Sybille grandement estonnée, se mit
semblablement en armes, & enuoyá, par forme de contre-
venge, & affin de retirer, l'ennemy hors ledict quartier d'Ar-
ras, vne armée pour piller & gaster tout le país de Hainaut,
mais par l'intercession de Sampson Archeuesque de Reins,
ceste guerre fust appaisée pour quelque temps, & s'entre-
donnerent trefues d'un demy an: lesquelles expirées, & le
Conte Thiery retourné de Hierusalem, ledict Thiery pour
foy venger de l'outrage, qu'en son absence le Conte Bau-
douyn, luy auoit faict & a Madama Sybille sa femme, as-
semblá vne grosse troupe de soldats, & tira a grande puis-
sance au país de Hainault, lequel il gasta entieremét. Mais
en fin Baudouyn de Hainault, assisté de Henry Euesque de
Liege, & de Henry Conte de Namur son oncle vint ren-
contrer audict país de Hainault iceluy Thiery, auquel il li-
urá vne bien rude bataille, & en laquelle y eust tant d'un
costé que d'autre beaucoup de sang espendu. La victoire
neantmoins demourá au Conte Thiery, lequel depuis fit
paix avec le Conte Baudouyn, par laquelle entre autres cho-
ses fut dict & accordé, que ledict Conte Baudouyn pren-
droit en mariage Madame Marguerite fille dudit Conte
Thiery, & vesue de Raoul fils de Raoul de Vermandois, &
laquelle dame estoit extremement belle & de bonne gra-
ce. Au moyen duquel mariage, ledict Baudouyn deuint de-
puis Conte de Flandre, & cessa la guerre, d'entre ledict Flá-
dre & Hainault que auoit par interualles duré plus de six
vingts ans. Vn peu aupauiant, si cõme en l'an mil cent qua-
rante six, le Pape Eugenius fit & consacrá, l'abbé de Saint
Vincent a Laon appellé Anselme, pour Euesque & pasteur
de l'eglise de Tournay, laquelle auoit esté sans propre Eues-
que plus de quatre cents ans continuels, scauoir depuis le
temps de Monsieur Saint Medart jusques lors. Durant la
quelle espace, celle partie de Flandre, qu'est maintenant
sõubs la diocèse ou euesché de Tournay, estoit subiecte a
l'euesché de Noyõ. Peu apres ledict Côte Thiery, sicõme en
l'an

l'an mil cent cinquante six, practiquá le mariage de Madame Ysabeau fille de Raoul Conte de Vermandois, & pere de cestuy Raoul, avec lequel Madame Marguerite auoit premierement esté mariée, & de Philippe de Flandre son fils. Si furent lesdictes noces tenues en merueilleuse sumptuosité, & magnificence en la ville de Beauuais, au mois de Septembre dudiect an cinquáte six. Lesquelles accomplies & consommées le Conte Thiery, laissa le gouuernement de Flandre audiect Philippe son fils, non en qualite de lieutenant, mais comme gouuerneur & Conte, le faisant pour tel receuoir, par toutes les villes de la prouince de Flandre. Et peu apres il entreprint pour la troiziesme fois le voyage de la terre Sainte. Tant estoit ardante, & vehemente l'affection, que ce bon Prince auoit, au seruice de Dieu, & de nostre Sainte Foy. A la mienne volunté, que les Princes modernes de nostre pouure republicque Chrestienne, vnaniment prissent vne semblable resolution, & que metans sous pieds toutes haynes & questions particulieres, ils conuertissent vne fois le moule de leurs forces, contre ce malheureux ydolatre, lequel seriant & de nous, & de noz guerres intestines, marche tousiours auát sur noz limites, gaignant paissant qu'en luy est, a l'augmentation de son ydolatre & tresmeschante, & au grand detrimet & deshonneur de nostre pure & Sainte foy, mesmes a l'extreme confusion de tous Princes Chrestiens, la plus part desquels comme si l'affaire ne leur touchoit, s'en lauent les mains. Qu'ils regardent (au nom de Dieu) & contemplent la vertu, & magnanimité de leurs predecesseurs, joincte au zel ardent, qu'ils monstroyent auoir a la defense, & accroissement des limites Chrestiens, & que commençant a prendre vergoingne du long delay, qu'ils ont mis a l'accomplissement d'vn ceuvre tant louable, ils employent vne fois leurs forces, pour la ruine de cestuy nostre commun ennemy, le pouoir duquel ne peut croistre sans la diminution du nostre, & qu'ils ensuyuent en ce, le susdict Thiery, lequel se mettant pour la troiziesme fois audiect voyage, mená avec luy Madame Sybille sa femme, laquelle auoit grand desir de veoir Baudouyn Roy de Hierusalem son frere, ensemble

Les nocces de Philippe de Flandre & de Madame Ysabeau solennisées a Beauuais.

Le Conte Thiery fait receuoir Philippe son fils pour Conte de Flandre.

Troiziesme voyage du Conte Thiery vers la terre Sainte.

Discours de l'aurheur pour enflammer les Princes Chrestiens a l'entreprinse, & conqueste de la terre Sainte.

Madame Sybille accompagne le Conte Thiery son mary, au voyage de outre mer.

ses autres parentz & amys de pardela , & laissa au gouuernement de Flandre ledict Côte Philippe son fils, lequel depuis ce temps se portá tousiours, tant en l'absence qu'en la presence du Conte Thiery son pere , pour Conte & Seigneur de Flandre.

Comment Philippe de Flandre purgeá la mer des Pyrates Holladois, & applicqua le terroir de VVast a la Conté de Flandre, & de la belle victoire, que le Conte Thiery & Baudouyn de Hierusalem eurent contre les infideles, du rauissement de Marie de Boulongne fait par Mahieu de Flandre, & de plusieurs choses prodigieuses aduennes en Flandre.

CHAPITRE LXXVI.



Le chastel d'Oisy prins & bruslé par le Conte Philippe.

Philippe de Flandre purge la mer des Pyrates Hollandois.

Terroir de VVast vni a Flandre.

Le castel de Beuere bruslé.

Tonlieu de Gheeruliet a Hollande.

LE Conte Philippe, lequel estoit vn vertueux & vaillant Prince, assez tost apres le partemét du Conte Thiery vers la terre Sainte, fit guerre a Simon d'Oysy: je ne scay toutesfois a quelle occasion & print le chastel dudit Oysy, qu'il brusla: & peu apres mit sus vne grosse armée & grand nombre de nauires, affin de purger la mer des Pyrates & escumeurs que les Hollandois y tenoyent au prejudice & grand detrimet des marchands passantz icelle mer, & traffiquants en Flandre: en quoy aussi ledict Conte Philippe se portá si vaillamment, qu'il nestoya la mer desdicts escumueurs & en retournant, print le terroir de Wast, lequel par sentence de ses barons il confisqua en l'appliquant a son domaine, ensemble les autres terres & possessions, que le Conte d'Hollande tenoit en fief, de la maison de Flandre, & brusla le chastel de Beuere, que pour lors appartenoit audit Conte d'Hollande, au moyen de quoy s'esmeurent depuis plusieurs guerres entre Flandre & Hollande, & mesmes pour autant, que le Conte Florens d'Hollande sous pretext de tonlieu de Gheeruliet (qu'il n'auoit puis naguerres obtenu de l'Empereur Frederic le premier, a le tenir en fief du Sainct Empiere) molestoit & trauailloit grandement les marchands de Flandre, passants par ses destroits. Ce pendant le Conte Thiery, lequel nous auons

uons laissé au chemin de la terre Sainte, estant arriué en Hierusalem, se joindit avec le Roy Baudouyn son beau frere, pour faire leuer le siege que Noradin auoit mis deuant vn chasteau appellé la Spelunque, & comme ils trouuerent a leur venu deuant ledict chasteu que ledict Noradin s'estoit retiré, le poursuyrirent si chaudement, que finalement ils le rattindrent peu apres: de sorte qu'ils eurent contre luy, vne tresaspre & dangereuse bataille, en laquelle neantmoins par la prudence & magnanimité du Conte Thiery, l'on se gouerná, de sorte, que la victoire demourá du costé de Chresttiés, non sans notable dommage & perte des ennemis. Ce faict & considerant que les affaires du Roy Baudouyn de Hierusalem, estoient mis en plus grande assurance, le vaillant Conte retourna en ses país de Flandre, laissant Madame Sybille sa femme audict Hierusalem, ou du consentement du Conte Thiery son mary, elle se fit religieuse au monastere Sainct Lazarus, & administra aux poures mout soigneusement, par plusieurs années, & jusques en l'an mil cent soixante cinq, qu'elle trepassá. Et trois ans auparauant mourut Guillaume Viconte d'Ypre, dict de Loo, lequel apres le trepas du Roy Estienne d'Angleterre, (sous lequel il auoit eu illec des grands gouuernements) s'estoit retiré en Flandre, & apres auoir obtenu son appointement du Conte Thiery, s'auoit mis dans son chastel a Loo, ne s'entremettant de aultre chose, que de seruir Dieu, au monastere & avec les religieux qu'il auoit fondé audict lieu. Au mesme temps ou enuiron, Mahieu de Flandre fils du Conte Thiery, reuint & print par force Madame Marie, fille vnique & heritiere de Guillaume Conte de Boulongne, hors du monastere de Monstreul, duquel elle estoit Abbessse: mesmes se maria & couchá avec elle, soy portant au moyen de ladicte Marie, pour Conte & Seigneur de Boulongne. Duquel rauissement le Conte Thiery & Philippe son fils, furent grandement indignez, & le priuerent pour ceste occasion, de toute sa succession, luy ostant entre autres terres, le chasteau de Lens, que on luy auoit assigné par forme de parrage. Et outre ce fut

Le Conte Thiery arriué en Hierusalem de luy le Chastel appellé la Spelunque du siege des infidelles.

Victoire des Chresttiens contre les infidelles par le moyé du Conte Thiery.

Madame Sybille femme du Conte Thiery deuint du consentement de son mary, religieuse au monastere de S. Lazarus en Hierusalem.

Trepas de Guillaume de Loo.

Mahieu de Flandre rauit hors du monastere de Monstreul Marie de Boulongne Abbessse dudit lieu & se maria avec elle.

Mahieu de Flā
dre desherité
par le Conte
Thiery, & ex-
communié par
l'Archeueſque
de Rains a rai-
ſon d'audiēt ra-
uiſſement.

Prodiges en
Flandre.

Famine de ſept
ans continuels
en Flandre, &
aux pais circū-
uoiſins.

ce fut lediēt Mahieu, excommunié par Sampſon Archeueſ-
que de Rains. Dont neantmoins lediēt Mahieu ne tint au-
cun compte, ains demourá avec ladiēte Marie viuant en in-
ceſte, ſix ou ſept ans continuels, de ſorte qu'il en euſt fille
nommée Yde, laquelle par ſucceſſion de temps, deuint
Royne de France. Enuiron le meſme temps, ſe virent en
Flandre & aux lieux circumuoiſins pluſieurs choſes mon-
ſtrueuſes. Et premierement a Gand naſquit en l'an mil
cent ſoixantetrois vn enfant ayant trois teſtes, & derriere
vne queuē, comme celle d'un mouton, lequel morut au
bout de deux jours. Et au village de Saint Pierre léz Gád,
vne femme qui auoit eſté groſſe vnze mois, enfantá vn mō-
ſtre, ayant deſſus la façon d'un coſſie a mettre ſagettes, que
l'on diēt en Latin *Pharetra*, & deſſus la façon d'un heaul-
me avec deux cornes ſur iceluy. En l'an mil ſoixante cinc
a Mons, fuſt né vn enfant ſans teſte, ayant ſix doigts, &
ſix ortex en chaſcū pied, & ne veſquit qu'un jour. A Tour-
nay en l'an mil cent ſoixante deux, fut jecté vn agneau a-
uec deux teſtes & huit piēds, & au meſme temps guerres
loing de la, fut né vn enfant ſans teſte ayant deux yeux aux
deux eſpaulles. Et autour de Louuain tombá audiēt temps
du ciel en maniere de pluye, du vray miel, comme appa-
ruſt par experience & au gouſt. A Saint Omer en la paroif-
ſe de Sainte Marguerite fut né audiēt an ſoixante deux,
vn enfant a deux teſtes, avec quatre bras & quatre piēds
ayant double nature d'homme & de femme, mais il ne veſ-
quit que trois jours. En l'an mil cent ſoixante quatre, appa-
ruſt en la Lune au mois d'Aouguſt vne croix & vne image a
icelle de verde & jaulne couleur, la teſte tirant vers l'Oriēt,
& les piēds vers l'Occidēt. Et quand ce diſparuſt, ou perdit
petita petit premieremēt le bras droiēt, apres la teſte, apres
le bras gauche, & ainſi ſucceſſiuemēt du demeurāt. Et peu
apres fuſt né en la ville de Heſdin vn enfāt ayāt deux teſtes,
quatre mains, quatre bras, & quatre piēds, mais il n'auoit q̄
vn corps, & ne veſquit que demy jour. Toutes leſquelles cho-
ſes furēt ſuyuies d'une famine & chiereté generale, & telle
que pluſieurs perſonnēs moururent de faim, & durá ladiēte
famine, l'eſpace d'environ ſept ans continuels ſignes tref-
cui-

évidents de l'ire & couroux de Dieu contre son peuple, lequel doit estre bien redouté de tous, veu que par necessité faut que les calamités empoignēt ceux qui prouocquent l'ire de Dieu cōtre eux, & mesmes que la terre, l'air, & toutes les autres creatures leurs soyent ennemyes voires qu'ils procréent vne generation malheureuse, de sorte que les elements mesmes soyent suscités contre eux, pour en faire la vengeance. Ire de Dieu.

Du quatriesme voyage du Conte Thiery vers la terre Saincte, & comment a son retour il se retirā pour le demeurant de sa vie au monastere de VVatenes : de la victoire des Flamens contre les Hollandois, & du memorable traicté de paix, faict entre le dict de Flandre & de Hollande, en la ville de Bruges.

CHAPITRE LXXVII.

LE tresnoble, & magnanime Thiery d'Elstate Conte de Flandre, estant aduerty que les ennemis de la foy, auoyent puis nagerres conquis la cité de Damasco, & autres places appartenantes aux Chrestiens, entreprint, a la resurgente requeste de Madame Sibille sa femme, & mesmes du nouuel Roy de Hierusalem Almeric, son neveu; son quatriesme voyage d'oultre mer, & se transportā en l'ā mil cent soixante trois, vers la Saincte Cite de Hierusalem, laissant Philippe son fils au païs de Flandre pour gouuerner les terres, desquelles asses auparauant, il l'auoit inuesty. Et le quel Conte Philippe incontinent apres le partement du Conte Thiery son pere, insistā aux traces de ses predecesseurs, & mesmes de Baudouyn Hapkin, & du bon Conte Charles, renouuellā, confirmā, & agreā la paix publique, autrefois par eux publiée, ordonnant ausdictes fins que les nobles & estats de Flandre, s'assemblāssent en la ville d'Audenarde, ou il les fit jurer l'observation deladicte paix, defendant au reste le port de toutes armes tant inuasives que defensives, a toutes personnes de quelque condition ou qualite qu'ils fussent, reseruant neantmoins celles qu'auoyent par l'ordonnance dudiēt Baudouyn Hapkin esté, excluës

L'an M.
cēt xliij.

Quatriesme
voyage d'oultre
mer du Conte
Thiery.

Publication, &
innouation de
la paix publique.

Assemblée des
estats de Flandre.

La justice rele-
uée et ren. lée
sus en Flandre.

Preoileges a
cena de Nicu-
poort.

Aucuns articles
vontenus eldict
preuileges quy
semblent mer-
ueilleusement
estanges.

L'an M.
cēt lxxiij.

Le Conte Phi-
lippe faict hô-
mage a l'Empe-
reur des terres
qu'il tiēt sous
l'Empire & im-
pette dudit
Empereur au-
cuns preuile-
ges pour les
marchands de
Flandre.

cluës & reseruées. Et par ce moyen la justice, laquelle par les guerres & seditions passées, auoit esté comme sopyé & amortyé, fust reuouquée & releuée. Ledit Philippe octroya a ceux de Nieupoort en ce mesme temps plusieurs beaux priueleges, ausquels il appelle lesdicts de Nieupoort. *Oppidanus suos habitatores in nouo oppido, & lesquels contiennent, les loix & coustumes de leur vierschare, entre lesquelles y en a de bien estranges. Sicomme: Si quis vulneratus in nocte vulnus acceptum alijs imputauerit, si Scabinis dignum videbitur, ferro candenti se excusabit accusatus, si ausus non fuerit, manum perdet. Si fur vocatus accusatus fuerit, candenti ferro se excusabit, si culpabilis permanserit, suspendetur: sed si accusans in iudicio iurare noluerit, accusatus liber erit de hac accusatione. La stinga manus iudicarij est, & qui eam habuerit, fures suspendet, manus abscindet, oculos eruet.* Ledit priuelege fut donné, aux susdicts de Nieupoort en l'an mil cent loixâte trois: presents, Mahieu de Flandre Conte de Bouloingne, Robert aduoué de Bethune, Conrard de Tournay, Henry, Chastelain de Bourbouch & les enfans, Guillaume Chastelain de S. Omer, Guido, Chastelain de Berghes, Guillaume Broon, Gaultier de Locre, Baudouyn Paldinc, Gherard de Somerghelem & Bernard son frere, Baudouyn d'Hontscote, Gaultier de Beuere, Gaultier d'Ypre, & Gaultier de Formizelle. Audist an soixante trois, le Conte Philippe fut requis du Roy Louys de France, de se transporter a Compienne pour tenir sur sons, vn sien fils, duquel la Roïne Adele la femme, s'estoit puis naguerres accouchée, lequel du nom d'iceluy Conte, fut appelle Philippe. Et l'an ensuyuant, le mesme Conte Philippe se transporta vers Aix en Allemagne, pour faire hommage a l'Empereur des villes qu'il tenoit du Sainct Empire, duquel il impetra plusieurs beaux priueleges, pour les marchands de Flandre, affin de pouoir librement contracter en Allemaignes, & autres pais de Lempire, mesmes au loing de la riuere du Ryn. Et tandis que le Conte Philippe estoit en ladiete ville d'Aix, luy vindrent nouuelles du retour du Conte Thiery son pere, au moyen de quoy il print incontinent congé dudit Empereur, & retourna en toute diligence vers Flandre, ou il trouua

trouua le pouure Conte Thiery merueilleusement travail-
 lé, tant a raison de ce dernier voyage, que par sa grande
 vielleſſe, & pour les trauaux qu'en ſa jeuneſſe il auoit ſup-
 porté, qui fut cauſe que iceluy Thiery, laiſſant tout le ſoing
 du gouuernement de Flandre ſur les eſpaulles de Philip-
 pe ſon fils, ſe retira au monaſtere de VVatenes, qu'il a-
 uoit (ſelon que cy deſſus aues veu) auparauant fondé. Et
 peu apres ſicomme en l'an mil cent ſoixante cinc, le Con-
 te Philippe de Flandre, aſiſté de Mahieu Conte de Bou-
 longne ſon frere, & du Duc Godefroy de Brabant, mit ſus
 vne groſſe armée, & tira vers ſon païs d'Elzate, auquel le
 Conte Florens de Hollande eſtoit entré avec grande puis-
 ſance, & auoit mis ſon ſiege deuant la ville d'Armeſtain, dôt
 neantmoins l'on ne ſcait l'occaſion ne ſoit le deſdain & cre-
 uecoeur que ledict Florens auoit cōceu a raiſon du maria-
 ge contracté entre ledict Philippe & Madame Marguerite
 de Vermandois, laquelle luy meſmes auoit penſé auoir, tāt
 y a que pour moleſter & faire guerre audict Philippe, il s'e-
 ſtoit allyé aux Contes de Gheldre & de Mons, avec leſ-
 quels il auoit aſſiegé ladicte ville, & pour leuer ce ſiege, le
 Conte Philippe accompagné de ceux que deſſus, ſe trans-
 porta vers icelle ville, deuant laquelle, il s'entredonnèrent
 vne bien cruelle & ſanguinolente bataille, dont neant-
 moins la victoire demoura du coſté du Conte Philippe, le-
 quel print priſonnier ledict Florens Conte d'Hollāde, & a-
 uec luy plus de trois cents cheualiers, qui furēt tous menez
 en Flandre au grand honneur & triumphe du ſuſdict Cō-
 te Philippe, par l'ordonnance duquel leſdicts priſonniers
 furent mis & diſtribues en diuerſes priſons, faiſant mettre
 ledict Conte Florenſen la preuoiſté de Sainct Donas a Bru-
 ges, ou luy furent faiſts tous les honneurs & bons traite-
 ments, dont le Conte Philippe ſe pouoit aduiſer. Au mo-
 yen de quoy ſe moyennā toſt apres vn bon appointement
 entre eux, & vne paix aſſeurée, qui fut conceüe & ac-
 cordée aux conditions quy ſenſuyuent. Premiers, que ſes
 hoſtagiers, que le Conte auoit prins pour les yſes de Zelan-
 de entre l'eſcaut & hedinzee, demoureroyent a Bruges, &
 ne ſeroyent rendus au Conte d'Hollande, par fideiuſſion ny

Le Conte Thie-
 ry ſe retire
 pour le demeu-
 rant de ſa vie
 au monaſtere
 de VVatenes.

L'an M.
 cēt lxxv.

Guerre entre
 Flandre & Hol-
 lande, & l'occa-
 ſion d'icelle.

Les Contes de
 Gheldre & de
 Mons alliés du
 Conte d'Hol-
 lande.

Victoire des
 Flamens ſur les
 Hollandois.

Le Conte de
 Hollande pri-
 ſonnier des
 Flamens.

Le Conte Phi-
 lippe traite hu-
 mainement le
 Conte d'Hol-
 lande ſon pri-
 ſonnier.

Traité de paix
 entre Flandre
 & Hollande.

autrement ne fust le consentement & vouloir du Conte
 de Flandre . Que nul camp de bataille se feroit entre les
 hostagiers desdictes yles, ailleurs qu'en la ville de Bruges .
 Que tout le prouffit que viendra desdictes yles, sera party
 entre les deux Contes. Que toutes confiscatiōs aduenues
 esdictes yles seront communes à eux deux . Sy aucun de
 Flandre est spolié & desrobé en la terre d'Hollande, les in-
 habitants du lieu ou le cas sera aduenue, en feront la restitu-
 tion & deschargeront le desrobbeur, & s'ils ne le veulent
 faire, le Conte d'Hollande le fera luy mesme a l'arbitrage
 de six hommes. Que les Gheleedes que tient le Conte de
 Hollande sur les marches de Flandre, seront abolyes, & ne
 souffrirá le Conte qu'elles soyent plus leués. Comme aussy
 seront reuocques & abolis tous autres impolts, commét on
 les puisse ou veuille nommer, & sy aucuns tels impolts se
 payoyent ou exigeoyent par ignorance, le Conte d'Hollá-
 de seroit tenu a la restitution. Que nuls desdicts deux Cō-
 tes pourront faire forteresses esdictes yles, que si aucun
 marchant de Flandre passant par Hollande fut arresté pour
 debtes, iceluy marchant s'en pourra purger par serment,
 affin que son voyage ne luy soit retardé, & sy l'arrestant ne
 s'en veut contenter, que faudra qu'il poursuyue ledict mar-
 chant, deuant son juge ordinaire, & sy par dessus ledict ser-
 ment faict, le marchant est detenu ou empesché, le Conte
 d'Hollande luy payerá tous ses despens, dommages, & in-
 terests. Lequel contre venant a ceste paix fourferá toute la
 terre, qu'il tient en fief de la Conté de Flandre, sans autre
 solénité de loy, & n'ẽ jouirá jusques a ce qu'il auroit le tout
 réparé. Ce fut faict a Bruges, en la Preuosté de Saint Donas
seria ij. post Reminiscere, en l'an mil cent soixantesept. Et
 pour ce que depuis le Conte de Florens n'entretint ladicte
 paix, le Conte Philippe luy ostá de rechief tout ce qu'il a-
 uoit esdictes yles, & avec ce confisquá la terre de Wast, que
 auparauant il luy auoit restituée. Audiẽt an le Conte Phi-
 lippe & Mahieu de Flandre practiquèrent que Pierre leur
 frere maísné, fust esleu pour Euesque de Cambray, a quoy
 neantmoins il renonça peu apres, comme voirés aux cha-
 pitres subseqvents.

L'an. M.
 cẽt lxxij.

Com-

Comment le Conte Thiery fit appeller auant mourir ses enfans au monastere de Watenes, & des saintes remonstrances qu'il leur fit, & du trespas dudit Thiery.

CHAPITRE LXXVIII.



L'an milcent soixante huit, le Conte Thiery d'Elſate se sentant griefuement malade, & preuoyant sa mort certaine, fit venir vers soy au monastere de Saint Gilles a Watenes, le Conte Philipe, Mahieu, & Pierre ses enfans: auxquels il fit (apres auoir neantmoins grandement blasme audit Mahieu son detestable mariage, & le sacrilege qu'il auoit commis, en rauissant, hors son monastere Madame Marie de Boulongne) telles remonstrances. Mes enfans, je men voy a mes peres, comme tel est le bon vouloir de Dieu & j'entre en la voye commune, tant a ceux quy sont au jourd'hui viuants, qu'à ceux qui naistront cy apres: de laquelle je ne pourray retourner, ne venir veoir, ce que les hommes font en ce monde. Parquoy ce pendant que je suis encore sur la terre, & prochain de ma mort, je vous veux admonester de rechief des choses, desquelles je vous ay tenu propos par cy deuant. Scauoir: que vous exercez justice enuers voz subiects, que vous portez reuerence a Dieu, quy vous & appellez es dignites auxquelles vous estes, & que gardez bien ses commandements & saintes ordonnances, sans les mespriser, soit par flatterye ou faueur, ou par quelque autre affection de prauée. Car il n'est possible vous maintenir en la grace de Dieu, sy pareallablement vous n'observez ses loix & ordonnances & sy en ce venes a vous oublier, il destournera semblablement de vous sa sollicitude & faueur paternelle. Sy vous demonstres tels enuers sa mageste diuine que debués, & tels que je desire, vous ferez que ceste Conté, avec ce qu'en depend, demeurera ferme en nostre famille, & qu'il ny aura jamais autre maison quy obtienne domination sur les Flamens que la nostre. Je vous recommande mes enfans les Eglises, monasteres, & villes du pais de Flandre, & veusque vous pourchasses leur bien & prouffit, & que les traicties en toute douceur & humani

L'an M.
cēt lxviij.

Remonstrances
du Conte Thiery
a ses enfans
auant mourir.

Iustice vers les
subiects.
Reuerence vers
Dieu.

L i iij té. Car

Trefpas du Cō
te Thiery.

Louange du
Conte Thiery.

Principales
vertus des
Rois & grāds
Seigneurs.

ré. Car en ce faisants, vous ne feres que vostre deuoir, & „
reconoistres les benefices que jay receu d'eux, ayants vſé „
de grande liberalité & benignité enuers moy, durants les „
debats que j'ay eu pour la succession de Flandre, nous ren- „
dants par meſme moyen grandement obligez a eux. Apres „
qu'il eust donné telles charges, & faiſt les ſuſdiſtes admoni-
tions a ſes enfans, il rendit l'eſprit, ayant veſcu ſoixāte neuf
ans, & doit avec bonne raiſon eſtre mis au nombre des gés
de bien. Comme de faiſt il eſtoit remply de toutes vertus,
qu'il falloit que vn tel perſonnage eust, ayant domination,
& jectant ſes yeux ſur vne telle prouince pour la maintenir
en paix & tranquillité. S'il y eut jamais homme conſtant, &
magnanime, le Conte Thiery l'at eſté : & s'il y auoit quel-
que bataille a donner, il ſe jectoit le premier dedans le fort
de ſes ennemis, & s'expoſoit aux dangiers, ayant en ſingu-
liere recommandation la ſalut de ſon peuple. Et incitoit les
gens de guerre par ſon exemple, a faire actes cheualereux,
les conſtraintant a faire leur deuoir par tel moyen, & non
comme Seigneur, vſant d'autorité. Il eſtoit auſſy fort pru-
dent en conſeils, & ſcauoit bien ce qu'eſtoit expedient, tant
pour le preſent, que pour l'aduenir : il eſtoit ſobre, doux, &
fort bening, enuers les miſerables, exerceāt juſtice et vſant
de grande humanité, quy ſont les principales vertus des
Rois, & grāds Seigneurs. Et combien qu'il fut contre tou-
te ſ'on attente & expectation, eſleue en vne puiſſance ſy
haute, toutesfois il ne ſe deſtourné jamais de la droicture,
ou equité. Au demeurant l'on peut dire cela, qu'il ny eust
jamais Conte de Flandre, quy ayt faiſt tant de voyages
pour le ſeruice de la terre ſaincte, que ceſtuy-cy, lequel ſes
enfans enterrerent magnifiquement, a Watenes au mo-
naſtere de Sainct Gilles, qu'il auoit luy meſme edificé.

*Comment le Conte Philippe parla trois jours apres ſa
naiſſance & d'aucuns priuileges qu'il don-
nā aux villes de Flandre.*

CHAPITRE LXXIX.

PHI-



PHILIPPE d'Elſate, fils aîné de Thiery Conte de Flandre & de Madame Sybille, gouverna depuis la mort dudit Thiery l'espace de vingt & trois. Il se porta auſſy pour Conte de Vermandois, a cause de Madame Yſabeau ſa femme, depuis le trespas de Raoul Conte de Vermandois, frere de ladiſte Yſabeau, & lequel morut ladre, en l'an mil cent ſoixante quatre. Les Chronicques affirment vne choſe merueilleuſe de ce Conte Philippe, ſcauoir, que le troiſieſme jour apres ſa naiſſance, il cria tout haut, de vne voix troublee. *Euacuate mihi domum*, que eſt a dire, neſtoyez, ou purgés moy la maiſon : mais l'on ne trouue par eſcript qu'elle choſe ce pouoit ſignifier, trop bien qu'il a eſté vn des plus vertueux & vaillants Princes de ſon temps. Sy ne conuient ſ'eſmerueiller de la dicte voix, car la Chronicque de France teſmoingne, comme auſſy faiſt la Legende de Monſieur Sainct Amand, que quand ledict Sainct Amand baptiſa Sigebert fils du Roy Dagobert le premier de ce nom, le ſuſdict enfant, quy n'auoit que vnze jours, reſpondit tout haut & preſent vne grâde multitude de peuple. Amen. Ledit Philippe fut deux fois marié, ſicomme a Madame Yſabeau de Vermandois, laquelle trespasſa ſans hoir de ſon corps, enuiron l'an mil cent quatre vingts & deux & giſt a noſtre Dame d'Arras. Et pour ſa ſeconde femme, il print Madame Mehault fille d'Alſons Roy de Portugal, quy ſemblablement mourut ſans hoir de ſon corps. Le ſuſdict Philippe fuſt vn Prince merueilleuſement prudent, & lequel mit & entretint le païs de Flandre en bonne paix & juſtice, voireſ dauantage, que aucun autre de tous ſes predeceſſeurs, il fit grandement reparer le chateau de Gand, ou par ſon commandement la porte deuant fut edifiée, mais je ne trouue, qu'il ayt fondé aucun cloiſtre ou monaſtere. Il donna a ceux de Gād leurs premieres loix, *kyeres*, ou priuileges, leſquels de Gād, il appelle *Opidanos meos, caſtri Gādenſis*, par vnes lettres qui commencēt: *Hæc eſt lex & conſuetudo*, eſquelles on peut veoir pluſieurs beaux articles concernant la punition de tous crimes. Et

Choſe admirable du Conte Philippe.

Mariage de Philippe premierement auec Madame Yſabeau de Vermandois, & depuis avec Madame Mehault de Portugal.

Loix & priuileges donnés a ceux de Gand par le Conte Philippe.

entre

entre autres y sont les sublequents articles. *Qui ea que a Scabinis in iudicio vel testimonio affirmata fuerint contempserit, sexaginta libris mulctetur, & unicuique Scabino qui ab eo deductus fuerit, decem libris.* Par ou se descouure qu'on ne pouoit de faict blasmer la sentence ou jugement des escheuins. *Itē Præterea sciant omnes, quod vir qui fuerit de Gandauo, cuiuscunque forisfacti rem fecerit, non amplius quàm sexaginta libras amittet, nisi legitimè per Scabinos conuictus fuerit, de raptu, latrocinio, falsitate, vel homicidio.* Item Si Scabini a comite siue a ministro comitis submoniti super aliqua re iudicium fecerint, veritate Scabinorū Atrebatensium, siue aliorum quo eandem legem tenent, comes eos cōuincere poterit: & si conuicti fuerint, ipsi & omnia sua, in potestate comitis erunt. Item Quotiescunque verò super huiusmodi falsitate conuicti fuerint, nullatenus poterunt contradicere quin diem sibi a comite prefixam teneant, ubicunque comes voluerit in Flandria.

Item, De omnibus alijs causis ad comitem pertinentibus, placita tenebunt in presentia comitis, vel illius quem loco suo ad iustitiam tenendam instituerit institutis etiam ad eius sub nominationem de omnibus tanquam comiti respondebunt, quamdiu in hoc seruicio comitis erunt. Il donna ausdicts de Gand vne autre ordonnance a son retour de Hierusalem, commençant. *Hæc sunt præcepta & statuta Domini Comitis in Gandauo.* Laquelle ne traite q de la maniere d'excutions, & leuées des amendes, de soixante liures & autres, esquelles les delinquants viennent a estre condammes. Il baillá pareillement a ceux de la chastelenie de Bruges que l'on dit le Fracq ordre & rigle pour tenir la *viere schare*, & faire raison aux parties, dont il leur baillá lettres qu'ils appellent la *kueure*, lesquelles contienēt plusieurs articles, & entre autres que nul du Francq ne sera bastard de par sa mere, *sub his verbis. Quidquid mulieri contingere potest ex parentibus, hoc filio suo contingere potest, & sequitur. Quidquid homo filio suo fornicario dat sine conditione, hoc post mortem eiusdem filij deuenire potest in parentes matris pueri: si autem à patre conditio aliqua super donatione illa facta fuerit, conditio obseruanda erit post mortem predicti pueri,* par ou appert que vn Fracq hoste, peut laisser a son enfant bastard, tout ce qu'il veut, soit sous condicion, ou autrement. *Itē, quicunque scurræ hospitauerit, plus quàm una nocte, si in crastino abscedere noluerit*

Chastelenie de
Bruges mainie
nant le Francq.

Nul du Francq
bastard de par
sa mere.

luerit, poterit eum Dominus in aquam proijcere, absque foresfacto. Item De furto qui protractus fuerit, dabit illi qui suum abstulit, estimationē rerum suarum ablatarum, & Comiti & castellano tres libras, & duos plegios statuet cognitos, quod deinceps desistet, quemlibet eorum pro tribus libris. Si ille postmodum ceciderit, & eum plegij adducere non possunt, tunc iurabunt eum adducere non posse. Quod si postmodum de furto impetitus venerit, purgabit se iudicio frigide aque in suo corpore tantum. Lequel article semble donner aux franchostes liberté de desrober. Ladicte chastelenie de Bruges que nous appellons le Franc, appartenoit anchienement a vn seigneur particulier qui s'attituloit, Chastelain de Bruges, leql impetra les susdict ordre, & preuileges dudiect Côte Philippe: qui passant par Audenarde auant son partement vers la terre sainte, donā a icelle ville preuilege de pouuoir jouir perpetuellemēt des coustumes & loix dōt vsoyēt ceux de Gād affrācissant outre ce lesdicts d'Audenarde du meilleur Catheil, de la morte main, & de toutes autres seruitudes: saulf qu'en ses necessitez ils le seruiroyēt, comme leur Prince & Seigneur naturel, comme appert par ses lettres sellées & signées, de Gnerard preuost de Lille, Iean Chastelain de Bruges, & Michiel Conestable de Flandre, en date de l'an mil cent quatre vingts & huiet: il affrāchit aussi ceux de Dunkerke, qu'il appelle *Burgenses de nouo oppido de Dunkerke*, quos in conductu meo & protectione suscepam, de tous tonlieux, saulf ceux de S. Omer. Je treuve qu'au tēps de ce Côte Philippe, la ville de Tenremode appartenoit a vn nommé Guillaume de Bethune & Machtilde sa femme. Et Audenarde appartenoit a vne dame Richilde vesue de Guillebert d'Audenarde, laquelle auoit vn fils appellé *Arnulphus*.

Preuileges a ceux d'Audenarde accordez par le Côte Philippe.

Morte main.

Meilleur Catheil.

Dunkerke.

Tenremonde a Guillaume de Bethune.

Comment l'Empereur Frederic vint en la ville de Quesnoy aux nocces du Conte d'Hainault & de Madame Marguerite de Flandre, & comment Mahieu de Flandre renuoya Madame Marie a son abbaye, dont il l'auoit rauie.

CHAPITRE LXXX.

DE v apres le decēs du Conte Thiery de Flandre, la feste & solemnité des nocces de Baudouyn de Hainault, & de Madame Marguerite de Flandre

Mariage du Côte d'Hainault, & de Madame Marguerite, & des sumptueuses nocces qui se tindrent a Quesnoy.

Mm dre

dre sœur du Conte Philippe, fut tenue en la ville de Quesnoy, ou se trouua merueilleusement, grande noblesse, & entre autres l'Empereur Frederic en equipage, & compagnie digne d'une Magesté Imperiale. Lequel Empereur en plaine table, & en presence de plusieurs grands Princes, & barons, lors illec assistants blasma bien bruscquement a Mahieu de Flandre, l'outrage par luy commis, au ruiſſement, de Madame Marie de Boulongne, qu'il auoit prins a femme, & laquelle il auoit prins par force du monastere de Monstreul ou elle estoit abbesse, luy reprochant entre autres propos, qu'a raison de ce il n'estoit digne & ne meritoit d'estre receu en compagnie de gens de bien : au moyen de quoy, & mesmes, reuocant en memoire, ce que son pere touchant le mesme affaire luy auoit dict estant en son liſt mortel, ledict Mahieu se repentit grandement de sa susdicte faute, & apres en auoir demande pardon a Madame Marie sa femme, la renuoya de son consentement en son cloistre, & depuis ledict Mahieu de Flandre se remaria en l'an mil cent septante & vn a Madame Alienor vesue du Conte de Neuers. En ladicte assemblée faicte audiſt Quesnoy. Le Conte Philippe de Flandre se mit tant dextremement en grace dudiſt Empereur Frederic, que aucun temps apres, il impetra d'iceluy Empereur plusieurs priuileges pour les marchands de Flandre, & entre autres, que ceux de Flandre pourroient de la en auant venir vendre leurs draps es quatre foires, que lors il auoit puis naguerrres mis sus, consentant ausurplus que esdictes foires, le marchand de Flandre se pourroit purger, par serment de toutes detes que on luy vouldroit demander, saulſ de celles contractées esdictes foires, ou recognees pardeuant la justice ou la demande se feroit. Accordant outre ce, que le marchand de Flandre ne pourroit estre constrainct a champ de bataille, mesmes pour plus grande commodité dudiſt marchand, ordonna que leur compte se feroit par deniers & mailles, & fit forger a Ausbouch les deniers, & a Ais des mailles. Enuiron ce mesme temps si comme en l'an mil cent septante quatre, Thiery Conte d'Alost

Seig-

L'empereur Frederic blasme & reproche en plaine tabl : a Mahieu de Flandre le ruiſſement qu'il auoit fait de Madame Marie de Boulongne.

L'an M. cēt lxxj. Mariage de Mahieu de Flandre avec Madame Alienor vesue du Conte de Neuers.

Priuileges pour les marchands de Flandre.

L'an M. cēt lxxiiij.

Seigneur de Beuere, & chastelain de Dixmude, trepassa, & succéda la Conté d'Alost, a Philippe Conte de Flandre. Et n'a depuis ladicte Conté d'Alost jamais esté separée de celle dudit Flandre. Mais Beuere & Dixmude vindrent a vn sien cousin, nommé semblablement Thiery, je ne scay, si ce fut par succession ou par don que luy en pourroit auoir eufait le Conte Philippe, lequel confirma les priuileges, que le susdict Thiery auoit donné a la ville d'Alost, touchant la morte main & la half haue, comme appert par ses lettres données audit an en sa ville d'Aire, & signées de sa propre main, ensemble des signes de Pierre son frere, de Robert chancelier de Flandre, de Gherard de Menin & de ses enfans, de Raesse de Gaure, de Gautier & Gherard de Sotregghem, de Gherard de Hassel, de Iordain de Rassinghem, de Zegher Chastelain d'Alost, d'Albert de Crombodeghem, de Guillaume & Ywein de Liedekerke, de Baudouyn de Windeke & d'autres. Au temps de ce mesme Conte vn coral desfrobit en l'an mil cent septante L'an M. cinc sur vn autel en la ville d'Arras deus hosties consacrent lxxv. créées, & les portá au logis dont l'vne partie en trois, donnit santé a trois personnes malades, l'autre tirée de vn linge, ouquel elle estoit enueloppée, sembloit estre demy chair, demy pain.

Vnion d'Alost
a Flandre.

Morte main.
Half haue.

Chose miracu-
se, touchant le
sainct Sacre-
mēt de l'Autel.

Comment le Conte Philippe entreprend pour la premiere fois la conqueste de la terre Sainte, & des armes que cheualereusement il gaigná sur le Roy d'Albeme, dont les Contes de Flandre laissant les anchienes vsent encoires pour le present, avec autres choses memorables.

CHAPITRE LXXXI.

AV DICT an mil cent septáte cinc Philippe Cōte de Flandre, meu de bon zele (auquel cōme par succession, ont tousiours herité les Contes de Flandre) qu'il auoit au seruice diuin, & a la propagation de la foy Catholique, affin aussi d'en rien ne dementier la vertu euse tyge, dont il estoit yssu, print

M m ij en

Le Conte Philippe prend la Sainte Croix pour faire son premier voyage vers la terre Sainte.

Le Conte Philippe fait guerre à Jacques d'Auesnes, qui estoit rebelle contre le Conte de Hainault.

La ville de Condé prise par le Conte d'Hainault.

L'an M. cēt lxxvj.

Des barons de Flandre qui accompagnèrent le Conte Philippe au voyage d'outre mer.

Le Conte Philippe allant au saint voyage & passant par Italie appaise le différent que long temps auoit duré, entre l'Empereur Frederic & le Pape.

en l'église de Saint Pierre a Gand, la Sainte Croix en grande magnificence, pour faire son premier voyage vers la terre Sainte, comme semblablement firent avec luy & a son exemple plusieurs nobles barons & seigneurs de Flandre. Nonobstant quoy, & que toutes choses necessaires pour son voyage estoient appareillées: ledict Conte Philippe, ayant entendu, que Jacques d'Auesnes estoit rebelle contre le Côte Baudouyn de Hainault son seigneur naturel, & beau-frere dudict Conte Philippe, il voulut auant partir assister sondict frere, & de fait entra avec ses gens au pais de Hainault, ou il desmolliست aucuns chasteaux & forteresses appartenantes audict Jacques: & puis tira en son pais de Vermandois, ou il print & confisqua a son prouffit, aucunes places que ledict Jacques auoit tenu audict pais. Et ce pendant le Conte Baudouyn, d'autre costé assiegea & print la ville de Conde, dont il fit mettre bas les portes & murailles, au moyen de quoy la rebellion & orgueil dudict Jacques d'Auesnes, desquelles il auoit vsé contre son Prince & Seigneur lige furent punies & chastoyées. Et l'an ensuyuant environ le *Quasi modo*, ledict Conte Philippe accompagné de Robert aduoué de Bethune, Gherard de Tournay, Henry Chastelain de Bourbouch, Rogier Chastelain de Courtray, Henry de Morselle, Rasse de Gaure, & de plusieurs autres barons & nobles de Flandre, se mit en chemin pour faire son premier voyage outre mer, & exploicta tellement par ses journées, qu'il paruint assez tost apres aux Italies, ou il fit hommage a l'Empereur Federic de sa Conté d'Alost, qui puis naguerres luy estoit escheuë, & ce en la cité de Raouenne, ou il se journa pour quelques jours, affin d'ayder a appaiser le different, que plus de vingt ans auoit duré, entre le Pape & ledict Empereur Frederic, au grand detrimement de l'église, & indicible scandale de la republique Chrestienne, lequel different neantmoins, fit finalement par la diligence, bon esprit, & prudence du Conte Philippe de Fladre, estainct & assoupy. Au moyé de quoy, le Conte Philippe se remit en chemin & continua de sorte, que peu de temps apres il paruint en la terre Sainte, ou il fut receu avec grand plaisir du Roy, & de tous autres Princes Chrestiens.

tiens . Le Diable toutesfois qui continuellement veille pour troubler la republica Chrestienne ; & empescher les bonnes resolutions d'icelle , suscitá tost apres aucuns differrentz & debars, entre le Conte Philippe, & les Templiers que estoient illec : qui fut la cause que ledict Conte laissant la ville de Hierusalem , & le pais de Palestine, se joindit avec Boadmond Prince d'Antioche, & mit le siege devant le chastel de Herencus. Dont aduertý Sallhadin Prince de Surie, de Damas, d'Egipte, Roy des Turcs & Souldan de Babylone , se persuadant , que toute la puissance des Chrestiens, se fut transportée au siege dudit Herencus, & que Hierusalem seroit partant sans garde , il tirá celle part avec vingt & six mille combatants, & esperoit emporter la ville sans coup ferir . Mais il se trouua bien deceu de son opinion, pour autant que moyennant la prouidence & volonté diuine , il fut rencontré a l'impourueu d'une petite troupe de Chrestiens, qui le mirét en desarroy, le constraindant fuyr, & se sauluer en la ville de Damasco . Ce que aduint enuiron la Sainct Andrieu de l'an mil cent septante sept, & ce pendant qu'avec le Prince d'Antioche, le Conte Philippe de Flandre tenoit son siege devant, ledict chastel d'Herencus, auquel ils n'auoyent encores rien prouffité : ce que considerant le Conte Philippe, & mesmes le peu d'apparence qu'il y auoit d'y faire quelque chose , print congé dudit Prince d'Antioche, & retourna avec ses gens vers la cité de Hierusalem, tant pour visiter le Roy Baudouyn son cousin germain , que pour veoir la sepulture de Madame Sybille sa mere, qu'il n'auoit encores veüe : & defaict ledict Philippe fit ses Pasques de l'an mil cent septante huit en la sainte Cité , puis passa outre , & fit son pelerinage vers Sainte Catharine au mont de Sinay : & a son retour il fut assailly d'un bon nombre de Turcs, contre lesquels neantmoins il se deffendit vigoureusement , mesmes combatit corps a corps, vn Prince Turc qu'estoit de stature de beaucoup excedente la commune des autres hommes , & au reste bien adroict & vaillant , qui neantmoins fut defaict par le Conte Philippe , lequel luy osta ses armes , qu'il porta tousiours depuis , & sont celles sans autres, que les

Le Diable pere
du discorde.

Le Conte, Phi-
lippe assiege le
chastel de He-
rencus.

Deffaite des
Turcs par les
Chrestiens.
L'an M.
cēt lxxvij.

L'an M.
cēt lxxvij.
Le Conte Phi-
lippe fait ses
Pasques en la
cité d'Hierusa-
lem.
Le Conte Phi-
lippe defaict le
Roy d'Alben
sur lequel il
gaigne les ar-
mes que les
Contes de Fla-
dre portent
encores pour le
presens.

Contes de Flandre portent encore le present, scauoir vn Lyon de Sable a vn champ d'or, laissant au reste ses precedentes, que les autres Contes ses predecesseurs auoyent porté, que estoient telles que vous auons depeint au commencement de ceste histoire, & s'appelloit (selon que par aucunes histoires se trouue par escript) le Prince Turc, que le Conte Philippe despouilla & de sa vie, & de ses armes, Nobilion Roy d' Albeme. Et peu apres le Conte Philippe se mit en chemin pour retourner en Flandre.

Comment le Conte Philippe, a son retour de la terre sainte, practiqua l'appoinctement d'entre les marchans de Flandre, & de Coulongne, & du mariage de Madame Ysabeau d'Hainault niece dudit Conte Philippe avec le Roy de France, ensemble des terres qu'en auancement dudit mariage ledict Conte Philippe donna avec sadiete niece.

CHAPITRE LXXXII.

Debats entre
les marchands
de Flandre &
de Coulongne.



ENDANT l'absence du Conte Philippe de Flandre, plusieurs debats & questions se meurent entre les marchantz de Flandre, & signamment de la ville de Gand d'une part, & ceux de Coulongne d'autre: a raison que lesdicts de Coulongne, vouloyent soustenir que le marchand de Flandre ne deuoit frequenter le Ryn, n'acheter les vins es Allemaignes. Mais qu'il estoit obligé d'attendre que le marchand de Coulongne, les luy menast en Flandre. Au contraire ceux de Flandre se fondoyent sur les priuileges, qu'ils auoyent de l'Empereur, maintenants qu'il leur estoit loysible & permis, de hanter & traffiquer sur le Ryn, & de transporter toutes sortes de marchandises audict pais de Flandre. Neantmoins nonobstant toutes leurs bonnes raisons, lesdicts Flamens ne profiterent guerre, lesquels toutes fois aduertis du retour de leur Conte Philippe, & mesmes qu'il passeroit par la ville de Coulongne, conceurent vne meilleure esperance, sur l'euenement de leur debat, au moyen de quoy, & principalement pour satisfaire a leur deuoir, allerent en bonne compagnie vers ledict Philippe,

pe, qu'ils rencontrèrent guerres loing dudiect Coulongne, & aquel apres les deuës congratulacions faictes a cause de son heureux retour, ils exposèrent la fascherie que les marchands de Coulongne leur faisoient, pryant qu'il y voulüst pourueoir, attendu mesmes que l'interest de leur querelle & different estoit conjoint avec cestuy de ses pais de Flandre. En quoy aussi le Conte Philippe s'employa de sorte que les deux parties furent contentes se submittre au dire, & a la sentence arbitraire de l'Euesque de Coulongne, lequel parties ouyes, appoinctâ & prononça, que le marchant de Flandre pourroit de la en auant frequenter le Ryn, & vendre & acheter, charger & descharger, toutes sortes de marchandises a son bon plaisir & volonté, dont il leur donna lettres sous son seel, en date de l'an mil cent mil septante huiet: lequel Archeuesque prouuegeâ pareillement, a la requeste & instante poursuyte du Conte Philippe, le marchant de Flandre de champ de bataille, sauf vn cas seulement, qu'estoit cestuy d'homicide, accordant en outre que de toutes detes, il se pourroit purger par serment, reserue celles dont par suffisante preuue pourroit sur le camp apparoir. Les choses susdictes ainsi obtenues, & appoinctées: le Conte Philippe reprit son premier chemin, & arriua tost apres en son pais de Flandre, ou il fut receu d'un chascun, avecque vn plaisir, & contentement incroyable. Aussi estoit il aymé de ses vassaux, assez plus q vous pourroye declarer, lesquels le conduysoyent de ville a autre avec feus de joye, instrumets de musique, & toutes autres manieres de passe-temps, qu'est accoustume d'exercer vn peuple bié affectionné a l'entrée de leur bié aymé Prince, qu'a esté long temps hors du pais. Comme auoit esté le Conte Phillippe, auquel ceux de Bruges firēt lors present, d'un grand poisson de merueilleusement monstrueux, leq̃l auoit esté prins a Ostēde, & auoit lediēt mōstre la bouche en façon d'un bec d'aigle, & sur la creste vn bec en forme d'espee, & auoit quarāte deux pieds de lōgueur. En ces entrefaictes, le Côte Philippus fut mādē par Louys Roy de Frāce, pour assister au couronnement de l'Philippe fils dudiect Louys, que iceluy Louys auoit ordōné estre faict de son

Ceux de Flandre & de Coulongne se submittent de leurs differēts a l'arbitrage de l'Euesque de Coulongne.

L'an M.
cēt lxxviij.

Retour du Conte Philippe en son pays de Flandre.

Ceux de Bruges font present au Conte Philippe d'un poisson monstrueux.

L'an M.
cér lxxix.

L'an M.
cent lxxx.

Mariage de Ma
dame Ysabeau
de Hainault au
Roy Philippe
de France.

Le Conte Phi
lippe donne en
auancement du
mariage de Ma
dame Ysabeau
sa niece tout
ce qu'est main
tenant de la Co
té d'Artois.

Le couronne de
France retourne
a l'estoc de
Charlemaigne,
par le moyen
de la maison
de Flandre.

son viuant, encore que Philippe son fils fust assez jeune, lequel fust couronné Roy de France par Guillaume Archeuesque de Rains, audict Rains, en l'an mil cent septante neuf, presentz Henry Roy d'Angleterre & plusieurs Ducs, Princes, Côtes, barôs, & autres grands seigneurs, & peuples du Royaume. En laquelle journée le Conte Philippe, qui y estoit comparu en tresbel equipage, porta l'espée deuant le nouveau Roy, comme premier pair entre les Contes de la couronne. Et peu apres, sicomme en l'an mil cent quatrevingts, ledict Conte Philippe de Flandre, practiqua le mariage d'entre le susdict Roy Philippe de France, & Madame Ysabeau de Hainault sa niece, fille de Baudouyn Conte dudit Hainault, & Madame Marguerite de Flandre, sœur a iceluy Conte Philippe, lequel en auancement dusdict mariage, donna toutes les villes, terres, & signories, qui sont maintenant de la Conté d'Artois. Sicomme Arras (qu'estoit lors chief ville de Flandre) Bethune, Hesdin, Sainct Omer, Lens, Aire, Bapalmes & autres qui sont de la le noeu fesse, pour les auoir, jouyr & apprehender par la dicte Ysabeau, ou ses hoirs d'elle, apres le trepas dudit Conte Philippe & non ainçois. Et furent lesdictes noces celebrées par Rogier Euesque de Laon en la ville de Bapalmes, en toute la grandeur, triumphe & magnificence dont on se pourroit aduifer, presentz & assistants les Contes de Flandre d'Hainault de Namur, de Clermôt, de Ponthieu, de Sainct Pol, & autres en tresgrand nombre, estant lors le Roy Louys griefuement malade, de paralisie, lequel mourut audict an cent quatrevingts. Mais auant passer plus outre, conuient noter, que par le moyen du susdict mariage, & successiuent par l'assistance de la maison de Flandre, la couronne de France retourna en l'estoc, & lignée de Charles le Magne, pour autant que le Conte d'Hainault, & par consequent, Madame Ysabeau sa fille, estoient descendus en directe ligne, de Madame Emergaert, fille de Charles Duc de Lotrice & de Brabant, lequel estoit oncle, & deuant succédé au Roy Louys, cinquiesme de ce nom, qui morust en l'an neuf centz quatrevingt sept, quand Hue Capet vsurpa la couronne de France, selon qu'on peut plus a plain

plain veoir, par la legende de Monsieur Saint Renier, & comme le deduit Vincent, *in suo Speculo Historiali.*

Comment deux diuerses fois le Conte Philippe entra avec puissance, au Royaume de France, & de la paix qui se fit par le moyen du legat de Romme, entre Flandre & ledit France.

CHAPITRE LXX-XII.



V D I C T an mil cent quatrevingts, & peu apres le decés du Roy Louys de France, s'ourdirent & s'eismeurent plusieurs grands debats & dissensions, pour le gouuernement du jeune Roy Philippe de France, entre Philippe Conte de Flandre & de Vermadois, assisté d'Odo Duc de Bourgoingne, de Thiery Conte de Champagne de Baudouyn Conte d'Hainault & de Namur son beau frere, de Hugues Conte de Saint Pol, de Jacques d'Auefnes, de Hugues d'Oisy, chastelain de Cambrai, & d'autres, d'une part : & de Richard Duc d'Aquitaine, porté du Roy Henry d'Angleterre son frere, du Conte de Clermont, du Roulant de Couchy & de leurs adherents, d'autre. Et le Roy, non obstant sa jeunesse, soustint le party d'Aquitaine, & de Clermont, lesquelles parcialitez s'augmenterent de sorte, que peu de pais y auoit deça des Monts, qui ne se ressentissent, & principalement le Royaume de France, dans lequel le Conte Philippe de Flandre entra a grand puissance, & gasta tout le plat pais jusques a Senlis, & de la, tira vers Louuers pres Paris, surprint en son liét le Conte Alberic de Dampmarin, & mit tout le Royaume en merueilleux trouble & desfarroy, estant appareut de faire assez pire, n'eust esté l'intercession de Guillaume Archeuesque de Rains, & Thiabault Conte de Blois, oncles dudict Roy Philippe, par le moyen desquels, fut entre lesdictes parties prinse vne trefue jusques a l'Epiphanie, de l'an mil cent quatrevingts deux. Pendant laquelle le Conte Philippe de Flandre que voyant aucune apparence d'auoir generation de Madame Ysabeau sa femme, pour autat qu'elle estoit ordinairement, & quasi tousiours malade, & considerant que Mahieu son

Debats pour le gouuernement de France, entre Philippe Conte de Flandre, & les consorts contre le Duc d'Aquitaine & autres.

Le Conte Philippe entra avec puissance & gaste le pays de France.

Trefue entre Flandre & France.

L'an M. C. lxxij.

N n frere

Decés de Mahieu de Flandre. frere (lequel vn peu auparauant estoit trepassé d'un ject de fleische, qu'au siege de Neufchastel, il auoit receu en la teste) n'auoit laissé aucun hoir masse de son corps, fit renoncher son frere Pierre, a l'election que de luy auoit esté faicte, en l'Euesché de Cambray, & practiqua le mariage d'entre Madame Alienor Contesse de Neuers, & vefue dudit feu Mahieu de Flandre, & le susdict Pierre son frere, lequel neantmoins termina tost apres de venin, delaisant de ladicte femme vne seule fille, comme aussi morust pendant ladicte trefue, ladicte dame Ysabeau femme du Conte Philippe de Flandre, & fut enterre a nostre Dame d'Arras. Au moyen de quoy, & qu'elle estoit terminée sans delaisser hoir de son corps la Conte de Vermandois succeda a ladicte Alienor sa soeur, qui s'estoit remariée pour la troiziesme fois au Conte de Beaumont. Not obstant quoy le Conte Philippe, au moyen, & sous pretext du different, auquel il estoit contre le Roy de France & ses adherents, ne se voulut deffaire d'icelle Conté de Vermandois. Qui fut cause que ledict Roy de France, si persuadé d'auoir a ceste occasiō plus juste pretext, pour mener guerre audict Côte Philippe fit grandes apprestes, afin de pouoir, ladicte trefue finye, recōmencer mieux que deuant. Dont aduertty le Côte de Flandre, & mesmes que le Roy Henry d'Angleterre se mettoit pareillement en equipage, pour assister & fauoriser ses aduersaires, doutāt la puissance de deux tels Princes, vnys & confederez, se transportā au pais de Liege, en intention d'y practiquer l'amitie & secours du Roy Henry des Romains, fils de l'Empereur Frederic, duquel neantmoins il ne fut en son pouoir de tirer autre chose que vne infinité de promesse, par lesquelles il asseuroit le Conte Philippe d'enuoyer au nom de l'Empereur son pere & sien, aucuns ambassadeurs vers le Roy de France. Et que si ledict Roy & les siens ne vouloyent condescendre a quelque appointement raisonnable, & conforme a cestuy qu'il luy feroit par sesdicts ambassadeurs proposer, il viendroit avec toutes ses forces, fauoriser & assister ledict Philippe. Lequel n'en pouāt tirer autre chose, retourna en Flandre ou il fit sommer les gentils-hōmes & vassauls, & assemblā toutes les forces a luy possi-

Pierre de Flandre esleu de Cambray se marie, avec la vefue de Mahieu de Flandre son frere.

Pierre de Flandre empoisonné.

Trepas de Madame Ysabeau de Vermandois Contesse de Flandre.

Le Conte Philippe ne se veut deffaire de la Conté de Vermandois qui par le decés de Madame Ysabeau sa femme estoit succedée a Madame Alienor sa soeur.

possibles, lesquelles s'égallèrent, et a peu après, à celles de France & Angleterre par l'inspercée venue, de Eudes Duc de Bourgoigne & de la Ducesse de Champagne, accompagnés d'une belle armée, lesquels marchèrent par ensemble au Royaume de France incontinent que les fides trefues furent expirées, d'autant que l'ordonaire & la coutume du Conte Philippe estoit, de chasser toutes les guerres que luy survenoyent hors les limites de ses pais. Schascât certainement que oies que la victoire luy demourast en toutes guerres, que ce ne luy pouoit auenir sans grand detrimēt, & desolation de ses pais, si elles se commettoient dans les limites. Estants donc entrez audict Royaume de France, recommença la guerre plus forte & cruelle que jamais, de maniere que les affaires se disposoyent & s'acheminoyēt a la totale destruction d'iceluy Royaume, si Dieu par sa misericorde n'y eust pourueu. Par la volonté duquel, & moyennant l'entreparler d'Henry Euesque Albanensis, legat enuoyé a ces fins, du Saint siege Apostolique, fut soudainemēt concheuë & arrestée vne bonne & desirée paix, je ne scay toutefois sous qu'elles conditions, autrement qu'il semble par les anchienes chroniques & de France & de Flandre, que le Conte Philippe de Flandre rendit & mit entre les mains du Roy Philippe, la Conté de Crespy, avec aucuns autres chasteaux & places, qu'il auoit jusques lors tenus de par Madame Ysabeau sa femme, moyennant toutefois que le residu avec le tiltre de Conte de Vermandois, demoureroit au Conte Philippe, sa vie durant tant seulemēt. Et par ce moyen cessā la susdicte guerre, laquelle veu l'aigreur de ambedeux les parties, & le grand appareil faict pour la desmesler par bataille, fut assoupié autant doucement qu'on oynt oncques parler de semblable guerre.

Les Ducs de Bourgoigne & Ducesse de Champagne viennent au secours du Côte de Flandre, contre les François & Anglois.

Le Conte Philippe chassoit ordinairement & menoit les guerres hors son pays.

Henry Euesque Albanensis legat du saint siege Apostolique.

Paix entre Flandre & France.

Appareils de grande guerre doucement assoupiés.

Comment le Conte Philippe vint a grand magnificence en la ville de Mayence, vers l'Empereur Frederic, d'aucuns heretiques qui furent punis en la ville d'Arras, & comment le trou du Dam fut par le moyen d'un chien qu'on y jectā, miraculeusement rescouppé.

CHAPITRE LXXXIIII.

N n ij

P e v



En apres ladicte paix, le Conte Philippe estant aduertty que l'Empereur Frederic estoit delibere de tenir sa feste de Pentecouste, dudiect an quatrevingts deux, en la ville de Mayence, & que plusieurs Princes de l'Empire, pour honorer ladicte feste, si trouueroyent, se voulant entretenir en la grace d'iceluy Empereur, & mesmes d'autant plus, qu'il ne se fioit que bien a point, ala derniere paix d'entre France & Flandre, delibera se transporter pareillement vers lediect Mayence. Et de fait se mit en chemin accompagné de Gherard preuost de Bruges & Chancelier de Flandre, Raesse de Gaure, Thiery de Beuere chancelain de Dixmude, & de Baudouyn son frere, Gaultier de Neuele, Gherard de Hasselt, Thiery de Demze, Gaultier Buzet grand veneur de Flandre, Guillaume de Warneston, & de plusieurs autres avec six centz cheualz de nombre fait, qui tous estoient en ordre & equipage si magnifique, qu'il faisoit tresbeau les veoir, & dont l'Empereur Frederic se tint pour grandement satisfait, remercyant & recueillant le Conte Philippe, d'un tel visage, qu'il estoit ayse a cognoistre, le bon vouloir, qu'au moyen de ce il monstroir porter audiect Conte Philippe lequel apres auoir sejourne quelque temps en la court dudiect Empereur & renouuelle l'amitie autrefois avec luy, contractee, retourna en son pais de Flandre, & s'achemina en l'an mil cent quatrevingts & trois, vers la ville d'Arras, pour mettre ordre & faire punition de plusieurs heretiques, tant nobles que ignobles de tout sexe, & qualite qui s'estoyent descouverts audiect Arras. Ou peu apres vint au mesme effect Guillaume Archeuesque de Rains, lequel apres dequels informations sur ce tenues, declara par sentence, present le Conte Philippe, & Fremault Euesque d'Arras, que les conuaincus seroyent submis au jugement du fer, d'eau, ou de feu, & leurs substances & biens confisquees, au prouffit dedicts Archeuesque & Conte de Flandre, si auant toutesfois qu'ils ne se vouldroyent tresaire & abjurer leur erreur. Et lors apparust manifestement la force & vertu du saint & tresigne Sacrement de Confession, pour autant, que

Le Conte Philippe vint en grand magnificence en la ville de Mayence, vers l'Empereur Frederic.

L'an M.
C.lxxxiiij.

Punition d'heretiques en la ville d'Arras.

Vertu du saint Sacrement de Confession.

que plusieurs coupables de ladicte heresie , par la misericorde de Dieu, & moyennant la bonne doctrine des confesseurs , changèrent de leur damnable opinion , eschappants par mesme moyen la punition de la susdicte sentence. Desquels heretiques les vns se nommoient , *Manichai*, & les autres *Arriani*: tant y a, que cestoyent des trefdange-reuses heresies , & merueilleusement difficiles a extirper, entant mesmes qu'elles estoyent desia enrachinées , & furét semées en plusieurs lieux de Flandre, & entre autres en la ville d'Ypre, ou y eust plusieurs executez par le dernier supplice, & les autres par la vertu & force , dudit Saint Sacrement de Confession furent conuertis . Environ ce mesme temps ou quelque peu auparauant, les dicques du Dam pres Bruges , furent rompues , par les inundations & forces de la mer , de sorte que toute la ville de Bruges estoit en eauë . Pour a quoy obuyer le Conte Philippe, enuoyá en toute diligence vers Hollande , dou il fit venir des maistres qui s'entendoyent a ce mestier , lesquelz besongnerent par plusieurs jours , mais avec bien peu de prouffit , au moyen de la profondeur que la mer y auoit faicte . Finablement l'un desdicts ouuriers , s'auila de jecter au principal trou , vn grand chien qui d'auenture se trouuoit pres eux, & lequel leur estoit grandement moleste . Et tost apres la terre print fond & pied , de sorte que par la bonne diligence desdictz ouuriers , ledict trou s'estouppa, & fut la dicque par tel moyen refaicte . Et ceste est la cause . (mesmes qu'on tenoit ceste auenture comme pour chose miraculeuse) que lesdicts de Dam prindrent de puis lors, & portent encores aujourd'hui, pour leurs armes vn chien . Et de lors en auant l'on commençá edifier plusieurs maisons sur , & au dessoubz de ladicte dicque , par telle maniere que la ville du Dam creust & s'augmentá grandement . A laquelle le Conte Philippe donna le premier priuilege , par lequel il affranchist les habitantz de tous tonlieux par toute la contrée de Flandre , ensemble d'une coustume ou seruitude, qu'on appelloit la Hanze, dót aussi il leur baillá ses lettres , escriptes a Malle en l'an mil cent quatrevingts, soubz les signes de Gherard de Melins

Heretiques a
Ypre.

Les dicques du
Dam rompues

Le trou de Dá
miraculeuse-
ment estouppé
au moyé d'un
chien qu'on y
jettá dedans.

Premier priui-
lege de ceux de
Dam dóué par
le Conte Phi-
lippe.

qu'il appelle son notaire, & sigillain, Eustace son chambrier, Rogier chastelein de Courtray, Henry de Morfelle & plusieurs autres.

De la guerre que le Conte de Flandre, renouuellá contre France, a raison, que le Roy auoit repudié sa femme, qui estoit niece dudict Conte de Flandre, & comment le mesme Conte de Flandre fit guerre au Conte d'Hainault, & de la paix qui se fit entre eux.

CHAPITRE LXXXV.

L'an M.
C. lxxxiiij



Guerre entre
Flandre & France
a raison que
le Roy auoit re-
pudié contre
tous droit Ma-
dame Ysaheu
niece dudict
Philippe,

Trefue entre
Flandre & France

Guerre entre
Flandre & Hai-
nault.

Les Contes de
Flandre & d'Hai-
nault parlèrent
ensemble
au Mont saint
Remy, & par-
rent mal con-
tents l'un de
l'autre.

N l'an mil cent quatrevingts quatre, le Conte Philippe de Flandre, aduertý que le Roy de France auoit contre tout droit & raison, & par le mauuais cõseil d'aucuns de ses barons, ennemis dudict Conte Philippe, repudié, Madame Ysaheu sa niece, troublant la paix dernièrement faite entre ledict Roy & luy, fit sèmonder ses hommes, & assemblá merueilleusement grande puissance, avec laquelle il marchá contre le Roy de France, sur lequel il print la ville d'Amiens, & plusieurs places & forteresses du païs de Vermandois. Neantmoine par l'intercession & l'entrepayer d'Henry Roy d'Angleterre, furent entre lesdictes parties prises & accordées trefues d'un an : & pour autant que Baudouyn Conte de Hainault, & beau frere dudict Conte Philippe, se fit esdictes trefues comprendre entre les allies du Roy, le Conte de Flandre conuertit ses forces & puissances contre sondict beau frere, auquel il fit durant les susdictes trefues, vne bien dure & aspre guerre, laquelle toutesfois au moyen de l'hyuer, qui lors approchoit, fust conuertie en vne trefue qu'ils s'entredonnirent, jusques a la Saint Jean: pendant laquelle, lesdicts Contes Philippe, & Baudouyn se trouuerent ensemble en vn lieu, nommé le Mont saint Remy, ou ils parlementerent & tindrent longs propos ensemble, sur le faict de leurs differents. Nonobstant quoy, ils partirent mal contents & satisfaiscts l'un de l'autre, dõt on imputoit la principale charge & coulpe a Jacques d'Auesnes, contre lequel pourtant le Con-

le Conte Baudouyn d'Hainault se mit l'an ensuyuant en armes & gastá toutes les terres d'iceluy Jacques d'Auesnes. D'autre costé la trefue que dessus prinse entre le Roy de France, & le Conte Philippe de Flandre, expirée, chascun d'eux respectiuellement, sa remit aux champs, avec la plus grande puissance & armée, qu'ils peurent assembler, & portoit, le Conte Philippe en ceste expedition, pour manifester sa magnanimité & grand courage, vn estandaert mis sur vn haut chariot, a quatre rouës, faict en maniere d'une tour, ou quel estoit peint, vn grand dragon & horrible, gettant bonne quantité de feu, par les yeux, les oreilles, & la bouche, designant par ce, que son intencion estoit, de mettre tout le Royaume en feu & a flamme, dont le Roy & les siens coucheut vn tel creuecoeur & desdaing, que les affaires menachoyent vne merueilleuse effusion de sang, tant d'un costé que d'autre. Toutefois apres que ambedeux les puissances, eurent long temps & par plusieurs jours escarmouché, le Roy de France, eust volonté, de parler de bouche au Conte Philippe, lequel suyuant ce, se trouua vers luy en ses tentes, ou ils firent entre eux leur appointement, sans l'assistance ou intercession de autre personne du monde, saulx du Conte de Bloys, qui fut illec appelée pour les accorder lors, que en faisant ledict appointement, s'offroit entre eux aucune difficulté. Par lequel appointement, fust entre autres choses dict, & accordé, que le Roy en premier lieu, reprendroit Madame Ysabeau sa femme, veu mesmes qu'il n'auoit aucune legitime occasion, pour la pouoir repudier, & que suyuant ce, le Conte Philippe luy restitueroit les villes d'Amiens, & autres places, que il auoit prins sur le Roy, au pais de Vermandois, durant ceste derniere guerre, retenant neantmoins Saint Quintin, Peronne & Hen, ensemble le tiltre de Conte de Vermandois, pour en jouyr sa vie durant tant seulement. La paix fut semblablement illec concludé & appointée entre ledict Philippe Conte de Flandre & Baudouyn de Hainault son beau frere, de sorte que par tel moyé tous les souldicts differents furent assoupis & appaysez. En ladicte

Guerre entre France & Flandre, & de l'estadant que le Conte Philippe portá en ceste guerre.

Le Roy de France parlemente avec le Conte de Flandre, & se faict la paix sans assistance d'autre que du Conte de Bloys.

Le Roy de France reprend Madame Ysabeau sa femme qu'il auoit repudiée.

Paix entre Flandre & Hainault.

assem-

Mariage de Madame Mehault de Flandre au Duc de Brabant & des enfans qui vindrent de ce mariage.

Comencement & fondatiō du monastere du Doest prez Bruges.

assemblée fut pareillement faict & practiqué le mariage, de Madame Machtilde, fille de feu Mahieu de Flandre, qu'il auoit eue de Madame Eleonore de Neuers, sa derniere femme, & Henry Duc de Brabant, dont vindrent Henry depuis Duc de Brabant, Marie femme de l'Empereur Otho, Mehault Contesse Pallatine, & apres Contesse d'Hollande, la Contesse de Gheldre, & la Contesse d'Auergne. Enuiron ce mesme temps fut commence le monastere de Thosan pres Bruges, lequel autrement se nomme Doest, de l'ordre de Saint Bernard : & ce par Euerard Euesque de Tournay, lequel achaptā la place sur laquelle ledict monastere est fondé, de l'abbé de Saint Regnier en Ponthieu.

Comment le Conte de Flandre enuoyā ses ambassadeurs vers Portugal demander en mariage l'infante d'iceluy Portugal, laquelle en son chemin pour Flandre fut destrouffee sur la mer, & de l'exécution que le Conte fit faire desdicts destrouffeurs, ensemble comment ledict Conte fut crée Gardien de l'eglise de Cambray.

CHAPITRE LXXXVI.

Le Côte de Flandre enuoye ses ambassadeurs vers le Roy Alfonso, pour demander en mariage Madame Mehault de Portugal sa fille.
L'an M.
C. lxxxv.



Madame Mehault de Portugal destrouffee sur la mer en venant vers Flandre.

PHILIPPE Conte de Flandre, apres auoir mis bonne paix en ses pais, & practiqué les alliances que dessus, enuoyā ses ambassadeurs vers Alfonso Roy de Portugal, pour en son nom luy demander en mariage, Madame Mehault sa fille: laquelle fust accordée & deliurée ausdicts ambassadeurs, en l'an mil cent quatrevingts cinc, & passant la mer pouruenir par deçā, fut rencontrée, & destrouffée de toutes ses bagues & joyaux, par aucuns Pyrates, qui la surprindrent sur la costé de la Normandie, & lesquels neantmoins ne mesirent ny touchérēt a ladicte Princeesse. Nonobstant quoy le Conte Philippe, grandement indigné de la facherie, que lesdicts Pyrates auoyent donné a ladicte espousée, enuoyā en toute diligence aucuns nauires bien fretez & equippez, pour poursuivre & luy amener lesdicts Pyrates, lesquels furent finalement, attairés, prins, & depuis menez vers ledict Con-

Conte Philippe en nombre de quatre vingts, lesquels il fit tous pendre, comme pyrates en hauts gibets, que il auoit a ces fins faict esleuer au long de la riue de la mer, sans prendre aucun d'iceux a merchy ou misericorde. Entre lesquels les principaux s'appelloient, Gallyen bastard de l'Archeuesque de Rouën, Willebord, bastard de Montfort, Gilles de Laual, Alual bastard de Haricourt, & plusieurs autres, & fust ladicte execution, encore que tresjuste, bien mal prinse du Roy de France, & de ceux de sa court: je ne scay toutesfois sous quel fondement. Or (pour retourner a nostre propos) ladicte Dame Mehault, fut par les susdicts Ambassadeurs conduite en la ville de Bruges, accompagnée, de plusieurs dames & damoiselles, qu'elle auoit mené avecq elle, de son païs de Portugal: & fut receüe en grande triumphe par le Conte de Flandre, assisté de plusieurs barons, nobles, Seigneurs, dames, & damoiselles dudict païs de Flandre, avec l'honneur & bon accueil, que ses vertus, & grandeur meritoient. Et furent peu apres, les nopces dudit Conte Philippe, avec la Princesse Mehault celebrées, en toute la magnificence & solemnité possible, en la ville de Bruges, ou se trouuerent plusieurs Contes, Princes & Seigneurs, tant du païs de Flandre, que des circumuoisins, & entre autres ledict Conte Baudouyn de Hainault, beau frere d'iceluy Conte Philippe. Lequel, en l'an mil cent quatre vingts six, se transporta en la ville de Pauie, pour assister, & estre present, aux nopces que illec se celebroyent & solemnisoient, entre Henry Roy de Romains fils de l'Empereur Fredericq, & la fille de Rogier Roy de Sicille, ou se trouua merueilleusement bonne troupe de Princes & Seigneurs, & print ledict Philippe en allant vers ladicte ville de Pauie, son chemin, par les Allemaignes, pour autat qu'il ne se fyoit encore du tout a plusieurs de la court de France. Mais il retourna par France, craignant, que autrement le Roy Philippe ne conceut quel-

Quatre vints
pyrates quy auoyent destroussé ladicte
dame pendus.

Nopces du Conte de Flandre avec l'infante de Portugal celebrées a Bruges.

L'an M. cēt lxxxvi

O o que si

La couronne
du Portugal
esceue sur Me-
hault femme
du Conte de
Flandre.

Le Conte Phi-
lippe en quali-
té de Conte
d'Alost receu
pour gardien
de l'Eglise de
Cambay.
La Gauene de
Cambresis, &
en quoy elle co-
siste.

Serment du
Conte Philip-
pe tant receu
pour gardien
de l'Eglise de
Cambay.

que sinistre ou mauuaise opinion de luy, & que par ce moyen, la guerre se renouuellast entre eux. Lequel Roy Philippe tint lors plusieurs deuises & propos particuliers, avec le Conte de Flandre: de sorte, que depuis ce temps, ils s'entr'aymerent, & furent tousiours mieux de accord, que auparauant. Peu apres vindrent nouuelles au Conte Philippe de Flandre, des trespas quy s'estoyent d'af- ses pres entresuyuis, d'Alfons Roy de Portugal, & de son fils, pere & frere de Madame Mehault sa femme, & que au moyen de ce la couronne de Portugal estoit escheue sur ladicte Mehault, laquelle pourtant il enuoya releuer au nom de sadicte femme, quy depuis ce temps s'a tousiours porté comme royne dudict Portugal, non pas toutesfois le Conte Philippe son mary, & estoit lors ledict royaume bien peu de chose. En l'an mil cent quatre vingts neuf, ledict Philippe fut en qualite de Conte d'Alost faict & receu par l'Euesque Preuost, do- yen, & chapitre de Cambay, pour gardien, protecteur, & defendeur perpetuel, de l'Eglise de Cambay, les- quels a ceste occasion luy donnerent, & a ses successeurs Contes d'Alost a perpetuite, le Gauene de Cambresis, quy consiste en vn droit de certaine quantite de grains, que le gardien lieue, sur les charruës & manouuriers de Cambresis: siccome de chascune charruë, deux muids de frument, & demy muid d'auoine, & de chas- cun manouurier quy n'a point de terre a l'abourer, vn mencault de frument, & vn mencault d'auoine, le tout mesure de Cambay. Suyuant quoy le Conte Philip- pe fit serment sur les Euangiles de Dieu, & les Saint- es reliques illecq presentes, de obseruer ce que sen- suyt. Premiers, que de tout son pouoir, il garderoit & contre tous, les personnes & seruiteurs des Eglises de Cambay & de Cambresis, estants sous sa garde, en- semble leurs biens & possessions, sy auant toutesfois, qu'ils fussent molestez ou foulezz iniustement. Qu'il ne transporterait le benefice du Gauene, a autre qu'a l'hoir legitime

legitime de Flandre : Que es terres de l'Euesque de Cambray, & celles du domaine des Eglises, ny es fiefs d'iceluy, il, ne ses successeurs, ne prendront ny leueront point de Gauene, faulx que sy aucunes terres, que auparauant deuoyent Gauene, alloyent de main a autre, ou par achapt, ou autrement, que lors elles seroyent tenuës au payement dudit Gauene, comme deuant. Qu'il ne doneroit a aucun Seigneur la recepte du Gauene, ny a autre personne, en fief, laquelle n'exerceroit justice ny Seigneurie es villes des Eglises, s'il n'en estoit requis. Que s'il faisoit aucune execution ou justice sur aucuns malfaieteurs, il reserueroit entierement aux Seigneurs, auxquels les villes appartiendroyent, les paines & amendes deuës, a raison du malfaiet, soy contentant pour tout droit, du Gauene tant seulement.

Qu'il ne donneroit confort, ayde ny faueur, a aucuns malfaieteurs subiects des Eglises, s'ils retournoyent a luy a refuge, contre lesdictes Eglises. Qu'il feroit cueillir le Gauene en la maniere accoustumée, & comme cy dessus est repris, chascun an incontinent apres l'Aougt. Dont furent despechées lettres en date de l'an mil cent quatre vingts neuf, seellées des seaux de l'Eglise de nostre Dame de Cambray, dudit Philippe Conte de Flandre & de Vermadois, & de Madame Mehault Royne de Portugal sa femme.

L'an M.
C.lxxxix.

Comment le Conte Philippe enuoya vingt et sept nauires de Flandre a la conqueste de la terre Sainte, & des exploits que lesdicts nauires fissent en Hispaigne contre les Sarrazins, ensemble comment le Conte Philippe alla par terre avec grand puissance a ladicte conqueste, & du trespass dudit Conte Philippe qui morut deuant Ascalon.

CHAPITRE LXXXVII.

Oo ij

EN



Le Conte en-
uoye xxvij.
nauires de Flan-
dre a la con-
queste de la ter-
re Sainte.

Exploits des-
dict Flamens
contre les Sar-
razins en His-
paigne.

Le Conte Phi-
lippe meine au
re puissance
de gens par ter-
re, a la conqu-
ste de Hierusa-
lem.

En l'an milcent quatre vingts dix le Conte Philippe de Flandre mit en tresbel equipage vingt & sept nauires, pour enuoyer a la conquete de la Sainte Cité de Hierusalem, qu'en l'an mil cent quatre vingts sept Salhadin Roy des Turcs & des Sarrazins auoit prinse & fortifiée, au grand scandale & opprobre des Princes de la Chrestienté, & constituá sur lesdicts nauires, pour chef & capitaine general, Iacques de Auesnes, duquel nous auons parlé cy dessus, & lequel s'estoit reconcilié & remis en grace du Conte Baudouyn de Hainault son Prince & Seigneur naturel. Lesquelles nauires de Flandre, jointes a cinquante autres, que au fuisdict effect ceux de Frise & de Hollande auoyent mis sus, arriuerent peu apres en Hispaigne, ou ils prindrent la cité de Siluie, avecq plusieurs autres, que lors appertenoyent aux Sarrazins, & executerent les plus cruels exploits de guerre, dont on ouyt oncques parler, sans espargner, femmes, enfans ny a creature viuante, de quelque qualité ou condition qu'elles fussent, le tout en vengeance de semblable cruauté, que ledict Salhadin auoit auparauant exercée sur les Chrestiens, qu'il trouua au sacq de la dicte Sainte Cité de Hierusalem. Vers laquelle (apres auoir party, & distribué entre eux les biens & richesses que ils auoyent trouué ausdictes places, lesquelles ils laisserent au pouoir du Viceroy de Portugal, commis par la Royne Mehault Contesse de Flandre) ils s'acheminèrent, ou nous les laisserons, pour vous declarer, que ce pendant, le Conte Philippe faisoit semblablement ses apprestes pour se trouuer en personne a ladicte conquete, assemblant le plus de gens qu'il luy estoit possible, en intention de les conduire par terre vers la terre Sainte, & de faict, apres auoir laissé le gouuernement de Flandre a la Royne Mehault sa femme, (qu'estoit vne tressage, & vertueuse Princesse) & a Gherard Preuost de Saint Donas, & chancelier de Flan-

Flandre, il se retirá vers Paris, ou s'estoyent assemblez aux mesmes fins, les Roys de France & d'Angleterre, Eudes Duc de Bourgoingne, Henry Conte de Champagne, Thibault Conte de Bloys, Florens Conte de Hollande, l'Archeuesque de Rouën, les Euesques de Bloys & de Chartres, les Contes de Neuers, Beaumont, Clermont, & plusieurs autres Princes de France, Angleterre, & autrepart. Tous lesquels auoyent prins la croix a la persuation de l'Archeuesque de Tyrus, enuoyé vers eux en ambassade de la part du Roy de Hierusalem. A la persuation duquel, s'estoit a Paris tenu vn concile, ou s'auoit conclu & consenty, que tous ceux quy n'entreprendroyent ladicte croix, payeroyent le dixiesme de tout leur reuenu, tant Ecclesiastiques que seculiers, reserué seulement les Chartreux, les Bernardins, & les malades, & fut ce dixiesme appellé la Saladin, dont vous trouueres plus ample mention par les Chroniques Françoises. Comme aussy d'autre costé, le Empereur Fredericq print semblablement la croix, & mená quant & luy grande quantité de Prelats, Princes, & nobles de son Empire. Tous lesquels tirèrent les vns par mer, les autres par terre, en sy grosse multitude, que il seroit impossible le vous reciter, il suffira donc, vous declarer, que le Conte Philippe partit par terre, & paruint finablement aux Ytalies, ausquelles il hyberná, & puis cheminá de sorte, que il arriua en l'ost que les Chrestiens tenoyent deuant la Cité d'Ascalon, ou n'estoyent encores venuës les forces de France, ny d'Angleterre. Toutesfois elles arriuèrent asses tost apres. Que lors par l'aduis de tous les Princes Chrestiens, on ordonná que le lendemain on liureroit l'assaut a la dicte cité, lequel neantmoins fut differé a vn autre jour, au moyen des debats, & differents qu'estoyent entre les Roys de France, & d'Angleterre, & dont on donnoit grand tort audiect Roy d'Angleterre, lequel fust suspecte d'auoir intelligence avec Salhadin, & que lediect Salhadin l'auoit

Cruciate des Princes Chrestiens pour la conquesse de Hierusalem.

Du dixiesme qui fut leué en France, appellé la Saladin.

Le Conte Philippe vint en l'ost des Chrestiens quy estoit deuant Ascalon.

Afcalon redui-
te fous l'o-
beiffance des
Chrestiens.

Trefpas du Cō-
te Philippe en
la conquēte de
la terre fainte
L'an M.
cēt xcij.

Le pays que
maintenant
nous appellons
Artois, eſcliffé
de Flandre, &
foub, le po-
voir du Roy
de France,

gaigné, moyennant vne bonne ſomme d'argent qu'il luy auoit promiſe. Non obſtant quoy fut peu de jours apres liburé l'aſſaut a ladiſte Cité, & pourſuyuy tant viue-
ment, & que finalement, moyennant l'eſfort du Roy Philippe, & du Conte de Flandre, aſſiſtez des autres Princes Chreſtiens, ladiſte cité fut reduicte ſous leur obeiffance, ſans l'aſſiſtence du Roy d'Angleterre, lequel ce pendant, comme traître & ennemy de Dieu, ſe re-
noit quoy les bras croyez, ſans ſe meſſer dudiſt aſſaut, comme ſy l'affaire ne luy euſt aucunement touché. Au-
quel aſſaut, mourut le Conte Florens de Hollande, & Guillaume ſon fils maiſné, qu'y eſtoit audiſt ſiege le fit enterrer en Antioche. Comme pareillement trespaffa vn peu apres la Prinſe de la diſte cité, Philippe Conte de Flandre, & de Vermandois d'vne maladie que luy print, a raiſon des trauaux & pouuretes qu'il auoit en-
durées audiſt ſiege, & fut enterré en l'an mil cent qua-
tre vingts douze en vne chappelle de Sainſt Nicolas, pres des murs de ladiſte cité d'Acharon, mais depuis Madame Mehault ſa femme, fit translater ſon corps a Cler-
uaux. Dieu vueille auoir pitie de ſon ame, car c'eſtoit vn Prince merueilleuſement ſage, & lequel conduiſoit tous ſes affaires par vn' admirable prudence & hardieſ-
ſe. Incontinent que les nouuelles du trespas du Con-
te Philippe furent rapportées en Flandre, Guillaume Archeueſque de Rains, lequel en abſence du Roy de France gouuernoit le royaume, mit en ſes mains & ſay-
ſit au prouffit de Louys, ſils aiſné du Roy Philippe, les villes, que lediſt feu Conte auoit donné en mariage a la royne Yſabeau ſa niepce. Si comme Bethune, Arras, Ba-
paumes, Aire, Sainſt Omer, Heſdin, Lens, & generalle-
ment tout ce qu'eſt maintenant de la Conté d'Artois, pour en jouyr par lediſt Louys ſes hoirs & ſucceſſeurs a perpetuité, ſelon la conuention dudiſt traité de maria-
ge, dont nous auons cy deſſus parlé.

Com-

Comment le Roy de France ne voulut rechevoir Baudouyn de Hainault en hommaige pour la Conté de Flandre, ne fut l'agregation d'iceluy des terres ecclissées par le feu Conte Philippe dudit pays de Flandre, & comment les ducs de Brabant, Lembourch, Contes de Hollande, Namur, Vienne, & autres, a la persuation de Thiery de Beuere menerent guerre au Conte de Flandre.

CHAPITRE LXXXVIII.



MARGUERITE d'Elfate, seur dudit Philippe Conte de Flandre, succeda a ladicte Conté audit an quatre vingts douze, elle eust a mary Baudouyn Conte de Hainault, & de Namur, dict le quart, lequel estoit en directe ligne venu & descendu, de Baudouyn second fils de Baudouyn de Mons, expulsé par Robert le Frison son oncle, en ceste maniere. Baudouyn second fils de Baudouyn de Mons eust de Madame Yde fille de l'Empereur Henry le quart, Baudouyn le second, quy eust a femme Yolent fille de Gherard Conte de VVassembourch, dont vint Baudouyn le tiers, quy s'allia a Emiesinde fille de Godefroy Conte de Namur, dont vint ledict Baudouyn le quart, mary de la Marguerite, de laquelle nous entendons, presentement parler. Que est la cause que plusieurs mettent ce Conte Baudouyn pour principal Conte de Flandre, & non point ladicte Marguerite. Lesquels aussy ne me sembleroyent trop hors de propos, ne fust que ses predecesseurs auoyent renoncé a ladicte succession. Or lesdicts Baudouyn & Marguerite, eurent ensemble quatre fils & trois filles: sieomme Baudouyn quy leur succeda en Flandre, & Hainault, & fut depuis Empereur de Constantinople, Iehan qui succeda a la Conté de Namur, Philippe qui s'attitula Marquis dudit Namur, & fut vn temps rewart & gouuerneur de Flandre, & Henry li m-

Marguerite
d'Elfate Con-
tesse de Flandre

Les enfans de
la Contesse
Marguerite.

Descente de la
maison de Lu-
xembourg.

Appoinctement
de Baudouyn
de Hainault, a-
vec la Roynie
Mehault tou-
chant le douai-
re qu'elle auoit
en Flandre.

L'an M.
cét xcij.

ry semblablement depuis Conte de Namur, & Empe-
reur de Constantinople, Ysabeau Roynede France, fem-
me de Philippe le Conquerant, Yolent Contesse de
Neuers, & depuis Imperatrice de Constantinople, &
Contesse d'Ancerois. Et Sybille, femme de Gherard
de Luxembourg, Conte de Lygny, dont sont venus
ceux de la maison de Luxembourg. Lesdicts Baudou-
yn & Marguerite a leur aduenement en ladicte Con-
té de Flandre, fisrent appoinctement avecq la Roynie
Mehault, vesue du feu Conte Philippe, touchant le
faict de s'on douaire, car le douaire que le Conte Philip-
pe luy auoit assigné par son traicté de mariage, estoit par
trop exorbitant outre ce que par la susdicte sayfine, fai-
cte par l'Archeuesque de Rains, sous pretext du do-
uaire assigné par le Conte Philippe, a Madame Ysa-
beau, femme du Roy Philippe le Conquerant, sa niep-
ce, le païs & domaine de Flandre estoit grandement
diminué, par ledict appoinctement donc ils laisserent a
ladicte Mehault les villes de Lille, Douay, Orchies,
Vatenes, Bourboursch, Berghes, Bailleur, & plusieurs
autres bonnes villes au Westquartier de Flandre, que
lesdicts Baudouyn, & Marguerite ne retindrent pour
eux audict Flandre autre chose, que Gand, Bruges, Y-
pre avecque leurs Casselries, Allost, les quatre Mestiers,
Vvaest, & les Ysles de Zelande; & peu apres, le Con-
te Baudouyn se transporta: sicomme aux festes de Noel
de l'an mil cent quatre vingts douze vers le Roy Philip-
pe en sa ville de Paris, pour au nom de la Contesse sa
femme, faire hommage audict Roy de la Conté de
Flandre. Mais pour ce qu'il vouloit faire ledict homma-
ge de toute la Conté en general, tant de ce que le Con-
te Philippe auoit donné a sa niepce Ysabeau, que du
residu, de la mesme sorte qu'en auoyent jouy ses ance-
stres, sans en rien vouloir diminuer ladicte Conté, le Roy
luy monstra vn vilage tant ferouche, qu'il partit secretem-
ent de Paris sans rien besoingner, & retourna en Flan-
dre.

dre. Et neantmoins pour ne faillir a son deuoir, il enuoyá deuers le Roy, aucuns ambassadeurs, desquels le chief s'appelloit Daniel Abbé de Cábron, lequel moyennát l'adresse, & assistance que luy firent Guillaume Archeueque de Rains, & Pierre Eueque d'Arras cōseilliers du Roy trouuá maniere d'apporter le differét, de sorte q̄ certain brief jour suyuát, le Roy receut ledict Baudouyn, au nó de sa femme, a luy faire hōmage de la Cōté de Fládre, telle qu'elle est de-
 ça le noeuf fosse, & le surplus láissa le Conte Baudouyn au Roy, en cōfirmatiō de ce, que par le Cōte Philippe son predecesseur, en auoit esté fait & accordé. Enuiron ce mesme temps, Thiery seigneur de Beuere, Chastelain de Dixmude, lequel pour lors estoit puissant & grandement apparenté en Flandre, demanda que le Conte de Flandre luy rendist sa Conté d'Alost, soustenant que cestoit son bien patrimoniel, & que le Conte Philippe la luy auoit ostée contre tout droict & raison: sur quoy le Conte de Flandre, luy fit responce, qu'il estoit content d'attendre sur ce, & remettre leur different au jugement de l'Empereur. Nonobstant quoy & encore que la responce dudit Conte fut, & raisonnable, & trefcourtoise, ledict Thiery comme mal conseillé & rebelle a son Prince, s'allia au Duc Henry de Lotrice & de Brabant, qui lors estoit ennemy mortel au Conte Baudouyn, (dont toutesfois je ne scay l'occasion) & print le chastel de Rupelmonde, avec aucunes autres places audict quartier. D'autre costé, le Duc de Brabant, accompagné du Conte d'Hollande, d'Henry Conte de Namur, du Duc de Lembourch, avec ses deux enfans, du Conte de Vienne & de plusieurs autres, entra dans le país d'Hainault, ou il fit des grands degasts, mettant tout ce qu'il pouoit récontrer, en feu & en flamme. Pour ausquels resister, le Conte Baudouyn assemblá grand ost, & entra avec grosse armée au país de Brabant, & gasta tout le país jusques a Niuelle, & eust passé plus auant, n'eust esté la venue de l'Empereur Henry a Liege, ou il auoit mandé les deux parties, affin de les accorder: mais pour ce qu'il les voit toutes deux trop obstinées, il moyenna pour le moins vne trefue d'un an, esperant que ce pendant ils se pourroyent accorder,

Debat entre le Conte de Flandre & Thiery de Beuere pour la Cōté d'Alost

Thiery de Beuere rebelle au Conte de Flandre.

Thiery de Beuere assisté du Duc de Brabant, prend sur Flandre le chastel de Rupelmonde.

Les Duc de Brabant Contes d'Hollande de Namur de Vienne, Duc de Lembourch & plusieurs autres eurent guerre contre Flandre.

Comment la ville de Gand apres le transport d'Arras deuint chef ville de Flandre, & du tumulte de ceux de Gand, ensemble comment pour appaiser ledict tumulte, le Conte Baudouyn fut contrainct leur accorder plusieurs choses desraisonnables, & de la subtilité dont il v'sa, affin que ledict accord fut de nul effect.

CHAPITRE LXXXIX.

Gand depuis le transport d'Arras chef ville de Flandre.



Tumulte en la ville de Gand.

Demandes exorbitantes de ceux de Gand, a eux neanmoins accordées par le Conte de Flandre pour entier plus grands inconueniens.

APRES que le Côte Baudouyn eust exploicté, selon qu'auez veu cy dessus, il retourna en la ville de Gand, qui depuis le transport d'Arras se tenoit pour chef ville de Flandre, les habitants duquel Gand se mirent peu apres en armes sur le marche, non sans merucilleux bruit & tumulte, dont aduertý le Conte Baudouyn enuoyá pour scauoir la cause de ceste nouuelleré, & entendant que ce procedoit pour autant qu'il n'auoit encore confirmé les priuileges a eux donnez, par le feu Conte Philippe, & mesmes qu'ils en vouloyent auoir aucuns autres: le Conte Baudouyn qui se trouuoit lors enueloppé en autres affaires, considerant qu'il n'estoit temps d'ýser pour lors de rigueur, ny de chasser les mutins & autheurs de ce tumulte, leur fit promettre de sa part, tout ce qu'ils demandoyent. Nonobstant quoy, & pensant qu'on les vouloit contenter de parolles, ne voulurent partir dudict marché, que le Conte Baudouyn n'eust preallablement confirmé leurs susdicts priuileges, leurs accordant en outre les articles qui s'ensuyuent. Premiers que chascun pourra tenir escolle en la ville de Gand, quiconque voudrá. Que ceux de Gand ne seront attrayables en iugement a six lieues pres la ville, ny en tout le pais de Waes, ne fust que quelcun refusast attendre iugement audict Gand. Que tous bourgeois pourront vendre & aliener leurs biens, a qui bon leur semblerá, sans que personne s'y puisse opposer, ny par retraicte, ny par proximité, ny autrement. Que le Conte ne pourra faire aucun edict ou statut a Gand, sans le conseil & consentement des bourgeois de la ville, ny pareillement ceux de la ville sans l'aduis & consentement du Conte. Que des amendes qui se fourre-

ront

ront en la ville de Gand, les deux tiers seront au Conte, & le troiziesme a la ville. Que de la en auant auroit a Gand treize escheuins, soubz la juridiction desquels sortiroit toute la commune de Gand, & lesquels seroyent perpetuels. Que si lesdicts treize escheuins ne pouoyent en leurs jugemens accorder ensemble, l'on suyuroit l'opinion de la plus part d'eux. Que sy aucun desdicts escheuins trepassoit, ou que autrement sa place vint a estre vacquante, les autres douze en choyssiroient vn autre en son lieu, lequel ils presenteroyent au Conte pour par luy estre confirmé. Que ceux de Gand ne seroyent tenus faire au Conte autre seruice que de batalage & nauiere, & ce jusques en Anuers seulement. Qu'ils pourroyent fortifier leur ville & maisons particulieres a leur volonte. Qu'ils ne seroyent tenus d'aller au mandement du Conte, ne d'enuoyer leurs deputez deuers luy plus auant, qu'en la basse court du chastel de Gand. Que l'Euesque ne pourroit celebrer Synode qu'en trois ans vne fois, & ce en sa propre personne. Que nul bourgeois de Gand ne seroit attrayable pour matiere ecclesiastique hors la ville, ny tenu comparoir plus auant, qu'en l'eglise Saint Jean. Que ceux de Gand pourront desmettre & destituer de leurs offices leurs curez & coustres, toutes les fois que bon leur semblera. Et apres sensuyt, *Si quid acciderit quod in presenti scripto non concluditur, Scabini secundum conscientiam suam iuste & rationabiliter inde indicabunt, nec alicui super sententiam Scabinorum, aliam licbit pronunciare vel ferre sententiam*. Par laquelle clause ceux de Gand maintenoyent estre exempts de reformation. Il y a encores plusieurs autres articles esdictes lettres trop long a reciter, & merueilleusement desraisonnables, lesquelles pourtant sont sans date, & sans signature, sans adionction de tesmoings, de sorte qu'elles ne peuuent valloir, plus que escripture priuée, & mesmes assez moins, pour ce que le Conte par icelles en son nom priuée sans faire aucune mention de Madame Marguerite sa femme, qui toutefois estoit la vraye heritiere, ce que j'estime auoir esté obmis tout a propos, affin qu'elles fussent de moindre effect

Treize escheuins perpetuels a Gand.

Le Conte Baudouyn laisse subtilement ses lettres sur les demandes que dessus imparfaites, affin que pour le temps a venir, elles ne fussent d'aucune vigueur.

a raison qu'il sembloit parauenture au Conte, que plusieurs desdicts articles contenus aux susdictes lettres, estoient contraires a sa haulteur, & mesmes a la liberté de la sainte Eglise, joinct qu'ils estoient mpetrez, voire extorquez violement & par tumulte. Lesdicts de Gand voulerent auoir semblables lettres de mot a mot, de la Roïne Mehault, ores qu'elle n'eust aucune autorité en Flandre, Car elle estoit seulement douagiete. Et pourtant elles leurs furent despeschées, en la mesme forme, & sans date comme les precedentes.

Comment les Flamens desfirent pres de Namur, en bataille rengée ceux de Brabant, Hollande, Lembourch & autres, & comment le Duc dudict Lembourch, ses deux enfans & cent dix & huit cheualiers furent en ladicte bataille par les Flamens saïs & constituez prisonniers.

CHAPITRE XC.



PREs que les susdictes trefues que (moyenant l'intercession de l'Empereur Henry) le Conte Baudouyn, & le Duc de Brabat joinct au Conte de Namur & autres, s'estoyent entredonnées, furent expirées, le Conte Baudouyn aduertie que Henry Conte de Namur avec ses susdicts confederez, & mesmes accompagné semblablement du Conte d'Ambercy, estoit entré a grosse puissance en la Conté de Namur qu'il querelloit, & laquelle il pretendoit reconquerre par force d'armes, assembla en diligences le plus de gens que luy fut possible, avec lesquels il marcha a grandes journées vers ledict pais de Namur, ayant donné charge a Baudouyn son fils aîné, & a Robert de Waurin Seneschal de Flandre, qu'ils assemblassent vne aultre armée, & qu'ils le suyuaissent le plus tost qu'ils pourroyent, lesquels suyuant ce, besoingntèrent tellement, qu'ils se trouuerent prez le Conte Baudouyn tout a temps, pour liurer bataille a leurs ennemis. Laquelle aussi ils ne differèrent guerre, car deux jours apres, (ayants selon leur aduis donné, du loysir assez a leur soldats, pour reprendre leur

Baudouyn entre avec puissance au pays de Namur.

Robert de Waurin seneschal de Flandre.

Bataille des Flamens contre ceux de Brabat, Holland, Lembourch & autres.

leur premier vigueur, aucunement debilitée, par le trauail & diligence, qu'ils auoyent faict en cheminant). Les Flamens se ruèrent sur leur dits ennemis d'une telle impetuositè, qu'ils obtindrent quasi la victoire a leur premier chocq, auquel neantmoins les aduersaires firent tant de deuoirs pour resister, que la bataille auoit duré bonne espace de temps, auant scauoir de quel costé la victoire s'inclineroit: laquelle finalement apres grande effusion de sang, espandu tant d'un costé que d'autre, tourná du costé des Flamens, lesquels mirent en route & desconfirent les Brabançons, Hollandois, Lemburgois & autres leurs aduersaires, ausquels ils chaussérét les esperons de si pres, que les Contes de Namur, de Vienne & Dambourch, avec le Duc de Brabat eurent bien de l'affaire pour eschapper. Et neantmoins ils se sauluerent, se retirants assez plus hastiuement dudit país de Namur, qu'ils ny estoient entrez. Et furent constituez prisonniers le Duc de Lembourch, ses deux enfans Henry & Waleran, & plus de cent dix & huit cheualiers avec eux, lesquels furent menez prisonniers au país de Flandre, & distribuez en diuerses prisons. Et retourna le Côte Bandouyn plain de triúphe & victoire en sa ville de Gád, ou il trouua les habitáts empeschez a la fortificatió de la ville, qu'ils munirét & enuironnerét d'auës, de murs & de portes: & lesquels de la en auant commencérént a aspirer a plus grandes franchises, & libertez. Il ny auoit lors audit Gand que quatre paroisses, s'comme celle de Sainct Ieá, Sainct Nicolas, Sainct Iacques, & Sainct Michiel, comme aussi n'auoyt en ladicte ville que quatre portes, scauoir celle de Sainct George qui tire a Sainct Baun, la Braenporte qui tire vers Aloft, la Ketelporte, qui tire vers Courtray, & la Torreporte qui tire vers Bruges. Et se comprendoit la ville en ce qu'estoit entre ces quatre portes tant seulement: le surplus y a depuis esté adiousté par succession de temps, ainsi que vous voirez par la continuation de nostre histoire. Si prindrent ceux de Gand en ce mesme temps les armes du Lyon d'argent, couronné en un champ de sable, lesquelles ils portét encores pour le present. Et au parauant ils n'auoyent aucunes armes, ains portoyent tant

Victoire memorable des Flamens sur les dits de Brabat Hollans & autres.

Les Duc de Lembourch & ses enfans avec ces dix & huit cheualiers prisonniers par les Flamens.

Ceux de Gand fortifient leur ville & aspirent a plus grandes franchises & libertez.

Extendue de la ville de Gád au teps de la Côte & se Margu-tite.

Armes de ceux de Gand.

**Saint Jean pa-
tron de ceux de
Gand.**

seulement, vn ligne ród, auquel estoit depeint & graué vn
aguel de Sainct Iean, lequel ils tiennent pour leur patron,
& vñoyent de son image en leur principal seu, comme ils
font encores. Toutesfois autres disent, que les anchie-
nes armes de Gand sont vn escu de Sable a vn chief d'ar-
gent, & telles que portent pour le jourdhuy les Vicon-
tes de Gand.

**Anciennes ar-
mes de Gand.**

D'aucuns mariages qui se firent entre Flandre & Neuers par le moyen du Roy de France. Et comment Bandonyn de Hainault fit paix avec ceux le Brabant, Hollant & leurs conseillers, deliurant de ses prisons le Duc de Lembourch, avec autres singularitez ensemble du trepas de la Contesse de Flandre.

CHAPITRE XCI.

Debat entre le
Conte de Flan-
dre & cestuy
de Nevers.



Traité de paix
entre les susdits
de Flandre &c
de Nevers.

N V I R O N ce mesme temps, s'ouurit grand
debat & different entre Baudouyn Conte de
Flandre & d'Hainault, marquis de Namur,
& Philippe son second fils (car Jean estoit ter
miné) d'une part, & Pierre Conte de Neuers
d'autre. Dont neantmoins je ne trouue l'occasion par e-
script: trop bien que moyennant l'intercession de Philippe
Roy de France ils s'entre accordèrent de la sorte, & manie-
re qui s'ensuyt: Sicomme que le Conte Pierre de Neuers,
promist & jurá donner audict Philippe fils de Baudouyn, sa
fille en mariage, & avec elle la Conté Cormodorensis, avec
toutes ses appartenances, ensemble ce que la Contesse de
Saint Quintin possedoit, pour son douaire en la Conté de
Neuers. Et s'il aduenoit que ledict Philippe morust auant
la consummation d'iceluy mariage, le mesme Conte Pierre
promit comme dessus, donner sadicte fille, & avec sembla-
ble port de mariage, a Henry frere maisné dudit Philip-
pe. D'autre costé le Conte Baudouyn, s'oblegaá donner a
ladicte fille de Neuers, pour son douaire la moictie de la
Conté de Namur, reserué les villes de Namur & de Bomi-
nes, luy accordant & consentant de prendre pour sa de-
meure tel lieu en la Côté de Namur, que luy plairoit choy-
sir & eslire. Et outre ce, fut semblablement pourparlé, con-
clu

« ciu & arresté, que ledict Conte Pierre de Neuers, seroit te-
 « nu & obligé prendre en mariage Madame Yolent fille du- Roulers &
Deinze.
 « dict Baudouyn, lequel promist la luy donner avec cinc cét
 « liures de terre sur Roulers & Deinze, pour en jouir tantost
 « le mariage cōsommé, & autres cinc cents liures a prédre &
 « leuer leur Bailleul & Orchies incontinct que ledict Philip- Bailleul & Or-
chies.
 « pe, ou en son default, le susdict Henry auroit espousé ladicte
 « fille de Neuers. Et pour ce que Bailleul & Orchies, estoiet
 « lors avec grâde partie d'autres terres en Flâdre, sous le po-
 « uoir de la Roïne Mehault Douagiere de Flâdre, pour assig-
 « natiō de son douaire, fut dict & accordé q̄ ledict Côte Pier-
 « re, leueroit lesdictes cinc cets liures, sur Thoroult & Harle- Thoroult &
Harlebecque.
 « becque, durant la vie d'icelle Roïne Mehault. Si assigna le-
 « dict Côte Pierre, a ladicte Yolent pour son douaire, la juste
 « moitie du reuenu de la Côte de Neuers, luy accordant en
 « propriété, la moitie de tous les acquests qu'ils feroient en-
 « semble, durāt leur mariage. Lesquelles choses furēt faictes
 « & accordées en la presence de Philippe Roy de France, le-
 « quel promist faire cōstraindre les parties, a l'entretenement
 « dudit traité, au mois de May, de l'an mil cēt quatrevingts L'an M.
cent xciiij.
 treize . Et l'an ensuyuant qui fut l'an quatrevingts quator- L'an M.
cēt xciiij.
 ze, les deputez des Duc de Brabant, & Conté de Namur
 d'une part, & de Baudouyn Côte de Flandre & d'Hainault
 d'autre, s'assemblerent en la ville de Hauls, avec l'ambas-
 sade quy auoit enuoyé l'Empereur, & parlementèrent tel-
 lement, que la paix se fit : par laquelle entre autres choses Traicté de paix
entre Flandre,
& ceux de Bra-
bant & leurs
susdicts conse-
illers.
 le Duc de Lébourch, & ses deux fils, furent relaxez de pri-
 son, & demourā la Conté de Namur, (dont le Conte Hen-
 ry autrement auoit voulu disposer) au Conte Baudouyn. A
 condition aussi, q̄ le susdict Thiery de Beuere chastelain de Thiery de Beue-
re exclus de ces-
te paix.
 Dixmude (lequel s'estāt rebellé contre le Conte Baudouyn
 son seigneur naturel, auoit esté le principal motif & suscita-
 teur de la susdicte guerre) ne seroit cōprins sous ceste paix,
 lequel pourtāt se voyāt abandonné de ses cōfederez & alliez,
 & qu'il n'estoit suffisāt de resister au Côte Baudouyn, laissā
 la ville de Rupelmōde qu'il auoit prinse, & s'absenta l'ō ne Les biens de
Thiery de Beue-
re cōfisque-
z au prouffit du
Côte de Flâdre.
 scait, qu'elle part, & suyuant ce le Conte cōfiquā ses biens &
 les appliquā a sō domaine de Flâdre, qui doit seruir d'exēple
 a tous.

Jamais perfon-
ne fe trouua
bien de la rebel-
lion fufcitée
contre fon Prin-
ce naturel.

a tous autres de n'entreprendre fi legierement guerre contre leur feigneurs liges. Veu mefmes qu'en reuoluant toutes les hiftoires tant anchienes que modernes, l'on ne trouuera, que quelques vaffaulx ou fubjects fe foyent jamais bien portez, de la rebellion fufcitée, contre leurs Princes, & fi paraenture ils ont semblé pour quelque temps auoir aucune prosperité, elle fe trouuera auoir esté de fi petite durée, & au contraire, l'infamie & deshonneur que par ce moyen ils fe font acquis, fi continuel & enorme, que tous hommes de cœur, & esprit raffis, iugeront leur perte auoir esté trop plus grande, que l'apparence du prouffit, que par leur rebellions ils s'estoyent promis. Outre ce qu'estants Chrestiens, nous ne deuons ignorer, & beaucoup moins pretexter aucune excufe d'ignorance de la volonté de nostre bon & tout puiffant Dieu, lequel nous commande de obtemperer a tous Princes ou magistrats sur nous conftituez, mefmes de fupporter leurs imperfections & cruautés, voire pour exorbitantes & irraysonnables qu'elles nous semblent. Ce que touteffois foit dict comme en paffant, & retournons a nostre hiftoire, pour en laquelle continuer. Scafchiez, que audiét an mil cent quatrevingts quatorze morut en fa maifon de Winendale, Madame Marguerite Conteffe de Flandre, & femme du Conte Baudouyn de Hainault, & de Namur. Le corps de laquelle fut transporté en la ville de Bruges, & enterré en l'eglise de Sainct Donas deuant le grand autel, duquel lieu neantmoins il a depuis esté ofté, & mis de costé pour faire place a la fepulture de Louys Conte de Flandre, dict de Crefsi.

Trepas de Madame Marguerite Conteffe de Flandre.

Comment Baudouyn huitiefme de ce nom fuccedá a la Conté de Fládre, des vertus du dict Baudouyn, de fes fondations, & d'aucunes ordonnances & priuileges par luy faicts & donnez.

CHAPITRE XCII.



BAUDOUYN fils aîné de Marguerite Côtessé de Fládre, & de Baudouyn Côte d'Hainault, succedá par le trepas de ladiète Marguerite sa mere, en la Con-

L'an M.
cēt xciiij.Flandre retour
ne en ce Baudouyn
a son vray
& legitime heritier.Madame Marie
de Champagne
femme du Cōte
Baudouyn
de Flandre.Des vertus &
bonnes condi-
tions du Comte
Baudouyn.

la Conté de Flandre en l'an mil cent quatrevingts quatorze, par laquelle succession, ladicte Conté de Flandre retourna a son vray & legitime heritier, & auoit au parauant esté injustement possedée, par Robert le Frison, & ses successeurs, depuis l'an mil septantedeux, que ledict Robert desit, a la journée de Cassel, Ernoul qui estoit vray Conte de Flandre, & enchassa Baudouyn de Hainault son frere, jusques a cest an mil cent quatrevingts quatorze, qu'au moyen du mariage de Baudouyn Conte de Hainault a la susdicte Marguerite, la Conté retourna sur l'hoir d'iceluy Baudouyn, qu'est cestuy, dont a present nous entendons traicter, lequel des le viuant de son pere, auoit prins a femme Madame Marie, fille d'Henry, Conte de Troye & de Champagne, & niece du Roy de France Philippe, le frere de laquelle fut le vnziesme Roy de Hierusalem. De laquelle Dame Marie, ce Baudouyn eust deux filles Ichenne, & Marguerite toutes deux successiement puis apres, Contesse de Flandre. Ce Baudouyn estoit vn Prince vaillant, & auoit le parler amiable & eloquent, pensant bien a ce qu'il deuoit dire deuant le pronuncher, non superflu en parolles, ny vsant de langage fardé ou de hault styl. Il n'aymoit pas la vengeance, si non entant qu'il estoit requis, de l'exccuter sur les meschants, pour satisfaire a son estat & reputation. Il estoit amy de bonté & clemence, & grand zelateur & obseruateur de justice, laquelle il execu-
toit si bien, qu'on voyoit peu de meurdres, ou autres cas enormes, perperrez sous sa jurisdiction. Les bonnes loix y estoient obseruées estroitement, il tenoit vne grande modestie, & tant estoit affable & bening, que tous ses subjects le reueroyent comme faict l'enfant le pere. Aussi s'auoit il, des sa jeunesse tousiours persuadé, que le Prince se deuoit faire craindre & aymer de ses subjects, non point par forche ou cruauté, mais par bonne grace, & douceur, dont il estoit bien seant d'vsfer enuers eux, suyuant l'equité plus que la rigueur de justice. Au reste, ce Prince estoit tant sobre en toutes choses, & principalement en son boire & manger, qu'on ne le vit oncques mas disposé par excès qu'il fit. Aussi scauoit il qu'on mangeoit & prenoit vn

L'homme sage pour
viure, & l'on
ne vit point
pour manger.

L'an M.

C.XCV.

Trepas de Baudouyn de Hainault.

Le Conte Baudouyn vient a grand magnificence en Mets en Lorraine, ou il fait hommage des terres qu'il tiert sous l'Empire.

Descente de ceux de Hallewyn.

Le cloistre de Boudeloo fondé au temps du Conte Baudouyn.

brief repos pour viure, & qu'on ne viuoit pour manger. Il estoit tresaffectionné a la Sainte religion, craindoit Dieu, & n'excogitoit ny faisoit rien, qui ne fut correspondant aux statuts de nostre foy, & aux loix de nature. Il corrigea tout ce qu'estoit vicieux en son gouuernement, & osta enthierement toutes les ordures, qu'on auoit tirées d'ailleurs. Brief, toutes les vertus requises en vn Prince estoient en luy, au moyen desquelles il paruint depuis a la grandeur, & dignité quecy apres entendrez. Peu apres son aduenement a la Conté de Flandre, sicomme en l'an mil cent quatrevingts quinze, Baudouyn Conte de Hainault son pere trepassa, & fust enterré en la ville de Mons a Sainte Waldruyt, & par le decés dudit Baudouyn, la Conté de Hainault escheut au Baudouyn, duquel nous traictons presentement, lequel apres les exeques faites dudit feu Conte son pere, se transporta vers le Roy Philippe de France en la ville de Compiègne, ou il luy fit les feaulté & hommage deuëz & accoustumez, a cause de sa Conté de Flandre. Et peu apres il tira en grande pompe & magnificence, vers l'Empereur qu'estoit lors a Mets en Lorraine, auquel il fit semblablement feaulté & hommage, de toutes les terres & signories, qu'il tenoit du Saint Empiere. Ledit Baudouyn eust en ce dernier voyage pour sa compagnie, Guerard preuost de Bruges, & Chancelier de Flandre, Jehan chastelain de Bruges, Sohier chastelain de Gand, Thierry de Beuere chastelain de Dixmude, (auquel puis naguerres il auoit pardonné, son mal-talent) Baudouyn de Comines, Eustace de Lens, Guerard d'Oudembourch, Baudouyn vander Meerfch, duquel sont descendus ceux d'Hallewyn, & plusieurs autres. Il fonda avec Madame Marie de Châpaigne sa femme, en l'eglise de nostre Dame a Courtray, deux prebendes de quarate liures Parisis par an presents Gherard preuost de Bruges, & Héry de Flandre frere dudit Baudouyn. Et au temps de ce Baudouyn fut pareillement fondé *monasterium quod dicitur Boudeloo, a quodam monacho Sancti Petri Gandensis, nomine Baldnino de Bouclo, ou Boudeloo, qui monasterium exiens, ibidē solitariē vixit.* Il mit ordre & rigle a la requeste de ceux de Gand, au fait

faict des tonlieux d'illec: & par bonne equité & raison ordonné, combié on leueroit de chascune denrée, par les lettres de l'an milcent quatrevingts dix & neuf en Iuliet, auxquelles sont tels articles. *Per totam Flandriam debet esse e- quale pondus*, ce que toutesfois n'est pour le present obseruée, aussi s'en treuue il qui maintiengnent estre prouffituable pour les marchandises, que les mesures & poix soyent diuers, & ce a raison des frais qu'il conuient faire en la voiture. *Item, Totum Theoloneum Gandense debet stare, & sumi, ex iudicio Scabinorum. Item, Omnes Burgenfes manentes Gandau infra quatuor portas, scilicet, de Saint George, Braempoorre, Ketelpoorre, & Torrepoorre, & illi qui manent in vestri castro, aliàs Oudenbouch, similiter & homines sancti Bauonis, liberi sunt a Theoloneo, clerici quoque & milites, presbyteri, & omnes viri religiosi quicquid emant in cibis, vel in vestibus, ad usum proprium, liberi sunt a Theoloneo.* Par ou appert qu'en ce temps la vraye liberté de ceux de Gand ne s'estendoit plus auant qu'au comprins desdictes quatre portes. Par le mesme priuilege, il permet la pescherie en la riuere, de telle sorte: *Piscatores de Gandauo, & illi qui manent in vetri castro, & illi qui manent in bonis appenditijs castello Gandensi, liberé, & sine vlla contradictione, piscari possunt vsque ad pontem Reckelin, & vsque ad Cnapenarde, & vsque ad Bertousbecke.* Donné a Courtray en l'an que dessus, presents Gherard preuost de Bruges, & Chancelier de Flandte, le chastelain de Gand, Iean chastelain de Lille, Gherard van Belle, Gherard van Grimberghe, Baudouyn de Comines, & Thiery chastelain de Dixmude. Les Contes de Flandre au temps de ce Baudouyn, & de ses autres predecesseurs, estoient priuilegez & en possession de ne payer aux tauernes pour le vin de leur despense, d'auantage que trois deniers Parisis du lot, quelque chier qu'il fust, & auoit le Conte en sa maison vn homme feodal officier, nommé Briseccelier, lequel constraindoit les refusants a deliurer le vin audiect pris: mais pour ce que les villes & marchands se plaindoient merueilleusement de ceste seruitude, laquelle aussi sembloit exorbitante au Conte Baudouyn, il la reuocqua

Ordonnances & priuileges du Conte Baudouyn sur le faict des mesures & poix en Fladre, & autres particularitez.

Priuilege touchant la pische rie a Gand.

Les Contes de Flandre en possession d'auoir le vin de leur despence pour trois deniers Parisis le lot.

Briseccelier officier feodal de la maison de Flandre.

Le Conte Baudouyn qui a ladicte seigneurie de, touchant le dict pris du vin de la maison.

a l'instance de ceux de Bruges, & ordonná a son retour de Hierusalem, que luy & ses successeurs, Contes & Contesses de Flandre, payeroyent de la en auant, pour le vin de leur despense, autant que, par l'affirmation & attestation des escheuins, il seroit trouué auoir cousté, comme plus a plain appert par ses lettres données ausdicts de Bruges, en l'an mil deux cents deux. Et depuis ledict Baudouyn, accordá le mesme priuilege a toute la Conté de Flandre en general, par ses lettres de l'an mil deux cents trois.

Du secours que le Conte de Flandre fit au Duc de Brabant contre le Conte d'Hollande. Et comment le Conte Baudouyn, fit guerre au Roy de France pour rauoir les terres d'Artois, que le Conte Philippe auoit escliffées de la Conté de Flandre, ensemble du traicté de Peronne.

CHAPITRE XCIII.

L'an M. cent xvi.



Le Conte de Flandre assemble grand puissance pour secourir le Duc de brabant contre le Conte d'Hollande.

Le Conte de Flandre assemble puissance pour secourir les villes que le feu Conte Philippe en contractant le mariage de Madame Ysabeau, sa niece auoit escliffées de la Conté de Flandre.

N l'an mil cent quatrevingts seize, le Conte Baudouyn assemblá grande puissance, pour aller au secours du Duc Henry de Brabant, auquel le Conte Thiery d'Hollande, faisoit forte guerre, & auoit desia prins sur ledict Henry, la ville de Bolduc. Mais par l'arriuée du Conte Baudouyn, la chance commençá tourner : car ledict Thiery, qui auparauant s'estoit ingeré de prendre & piller le país, & les villes de son voisin, fut contrainct soy retirer dans sa ville de Huesden, ou il fust poursuyuy, & assailly, de sorte, que estant ladicte ville prinse par assault le susdict Thiery fut cõstitué prisonnier, lequel neantmoins fut assez tolt apres deliuré, moyennant bonne somme d'argent que luy fut necessaire payer, & sous aucunes autres conditions plus au long reprises, aux histoires a ce destinées. Et peu apres le Conte Baudouyn retourna avec ses gens en ses país de Flandre, ou il fit de rechief assembler le plus de gés de guerre, que luy fut possible, en intention de recourir les villes d'Arras, Bethune, & autres que le feu Conte Philippe son oncle, auoit donné en mariage avec Ysabeau sa niece, soustenans ne auoir esté en la puissance dudict Conte Phi-

te Philippe, de tellement diminuer la Conté de Flandre, au préjudice de ses successeurs. Suyuant quoy il se départit actuellement, & de fait de la fidelité, & hommage autrefois par luy prestez, au Roy Philippe de France, prenant opportunité de ce faire par la guerre qui continuoit, voires saygrissoit journellement, entre les couronnes de France & d'Angleterre. Et affin de plus facilement paruenir a son intention, il fit alliance avec Renault Conte de Dampmartin, lequel auoit espousé Madame Yde fille de Mahieu de Flandre, & practiqua l'amitié & confederation du Roy Richard d'Angleterre, & entra en tresbel equipage, & a main forte au Tournesis, qu'il ruyna du tout, puis passa jusques pres la ville d'Arras, deuant laquelle il mit son siege, & faisoit ses apprestes pour s'en saisir, fut par appoinctement ou par forche. Dont aduertý & grandement irrité, le Roy Philippe de France, descendit avec ses gens a Aire, delibéré de vser de reuenge, & de faire semblablement de grands degasts en Flandre, & print son chemin vers Ypre. Ou il se trouua tant pressé du temps & de la mauuaise sayson qui le surprindrent, qu'il fut content de chercher luy mesme moyen de soy retirer, & apres auoit tenu aucuns propos particuliers au Conte Baudouyn (dont on ne scait la teneur) retourna avec son ost vers France, sans autre chose faire. Et recommença peu apres la guerre contre les Anglois, en laquelle il conquist la meilleure partie de Normandie. Mais cependant, le Conte Baudouyn persistant en sa premiere deliberation, le molestoit de tout son pouoir, car il vint assieger la ville de Saint Omer, qu'au bout de cinq semaines il print par traicté & appoinctement, pour autant que le Roy de France, durant ledict temps, ne leur auoit euuoyé aucun secours, & auoit auparauant reduict sous son obeissance, les villes & forteresses d'Aire, Malanoy, Lillers, & autres, gastant de rechief tout le pais du Tournesis. Ce fait, il retourna en Flandre, enuoyant Philippe Conte de Namur son frere, avec vne bonne troupe de gens vers Arras, pour y exploicter pareillement selon les opportunités qu'il trouueroit. Lequel Philippe fut peu apres rencontré, de Robert de Bloys & Eustace de Neuf-

Le Côte de Flādre fait alliance avec le Roy d'Angleterre.

La ville d'Arras assiegée par le Conte de Flādre.

Le Roy de France descend a grand puissance en Flandre, dont il se retire peu apres a raison du mauuaise temps.

S. Omer se rend au Conte de Flandre.

Le Côte de Flādre prend plusieurs forteresses sur le Roy de France.

Philippe de Namur frere du Conte de Flandre prisonnier de François.

Le Cardinal de Sancta Maria enuoyé par le Pape en Flandre pour traicter de paix avec la France.

Le Côte de Flandre aduerty de la prinle du Côte de Namur son frere, assemble son armée & reconmence la guerre cote France.

Le Côte de Flandre prend aucunes places sur le Roy de France.

La Cotesse Marie femme du dict Baudouyn se transporte vers France, & trouue moyen de practiquer la paix entre le Roy de France & le Conte son mary.

L'an M. C. xcix.

uille, et apres vn bien aspre conflict, prins et constitué prisonnier, avec douze autres cheualiers de Flandre, entre lesquels se trouuoit vn, nommé Pierre de Douay, contre lequel, le Roy Philippe auoit conceu vne merueilleuse & estrange hayne. Sy fust mené ledict Philippe vers le Roy Philippe en Normandie, ou il auoit gaigné plusieurs places sur les Anglois, ce pendât le Cardinal de Sancta Maria, enuoyé par le Pape Innocécius pour appaiser les differéts d'entre la couronne & Flandre, descendit audict Flandre, ou neantmoins il prouffita peu, ou rien. Car le Conte Baudouyn, ayant receu en sa ville de Gand (ou il estoit pour lors) les nouuelles de la defaïcte, & prinse du Conte Philippe de Namur son frere, se remit sus en tresgrande diligence, pour retourner en France, & allâ au giste a Cambray, menant avec luy la Contesse Marie sa femme, & dudiect Courtray tira vers le quartier de Therouaene, ou il prinst Ardres, avec plusieurs autres petites places d'a l'enuiron. Mais Madame Marie sa femme, passâ outre de son consentement, & allâ deuers le Roy Philippe son oncle, esperât trouuer quelque ouuerture de paix. Lequel aussi la receut inout humainement, luy faisant toutes les caresses & honneurs, dont il se pouoit aduifer : de sorte que finablement apres auoir entré en matieres, & sondé la volonté du Roy sur le faict de son entreprinse, elle aduertit & assourâ, le Conte Baudouyn son mary, d'vne honorable & aduantageuse paix, si auant toutefois que son plaisir fust d'y entendre, luy enuoyant pour approbation & confirmation de son dire. Le Conte Philippe son frere, avec la plus grande part des autres prisonniers, francqs & libres de prison. Nonobstant quoy, le Conte Baudouyn ne se fiant que bien a point a la subtilité des François, & craindant que mesmes sa femme ne fut par eux trompée & decheuë, practiqua pour plus grande seurreté, vne journée en la ville de Peronne, pour les festes du Noel de l'an mil cent quatrevingts dix & neuf. A laquelle, le Roy Philippe de France & le Conte Baudouyn de Flandre se trouuerent en personne, & apres plusieurs discours & parlements, la paix fut finablement entre eux concludë, en presence

fence de ladiſte Contefſe, aux conditions & de la maniere
 „ que ſenſuyt : Premiers, que le Conté de Flandre auroit a
 „ parpetuité, les villes de Saint Omer, & d'Aire avec leurs
 „ appartenances, les fiefs de Ghifnes, Ardre, Lillers &
 „ Rickebouch, enſemble la Gorgne, avec la terre que
 „ l'aduoué de Bethune tenoit outre le Neuf foſſé, vers Flan-
 „ dre. Et que toutes les autres parties, dont eſtoit queſtion
 „ entre eux, ſicomme Arras, Bethune & autres demourero-
 „ yent, au pouoir du Roy Philippe, qui les garderoit pour
 „ Louys ſon fils, a condition de retour, ſi auât qu'il n'eult au-
 „ cun hoir de ſon corps. En outre lediſt Roy Philippe quitá
 „ au prouffit du Conte Baudouyn, le droict qu'il auoit en
 „ Mortaigne, ſauf en ce le droict de l'Eueſque de Tournay.
 „ Promettant au reſte, & ſ'oblegeant de faire tenir ceſte
 „ paix avec tout ce qu'en dependoit, a Louys ſon fils, meſmes
 „ qu'il ne luy bailleroit la ville d'Arras auant, qu'eſtant lediſt
 „ Louys en aage il euſt confirmé, agréé, & juré ladiſte paix:
 „ ce fut fait a Peronne au mois de Ianuier audict an quatre-
 „ vingts dix & neuf, en preſence (de la part du Conte Bau-
 „ douyn) de Gherard preuoſt de Bruges & Chancelier de
 „ Flandre, Sohier chaſtelain de Gand, Jean chaſtelain de Lil-
 „ le, Gherard de Bailleul, Gherard de Grimberghe, Baudou-
 „ yn de Comines, Thierry chaſtelain de Dixmude, Hüge de
 „ Handerghem, & pluſieurs autres. Et ſuyuant ce, le Conte
 „ Baudouyn fit de nouueau hommage au Roy Philippe de ſa
 „ Conté de Flandre, y comprendát les villes & fiefs que deſ-
 „ ſus, & par la meſme paix fut le Conte Renault de Damp-
 „ martin, qu'auoit tenu le party du Conte Baudouyn, re-
 „ concilié au Roy.

Traicté de paix
 fait a Peronne
 entre le Roy de
 France & le Cö
 te de Flandre.

*Comment le Conte Baudouyn avec autres Princes Chreſtiens entre-
 preindrent la conqueſte de la terre Sainte, laquelle a la trefin-
 ſtante requeſte d'Alexis fils de l'Empereur de Conſtantinople fut
 conuertie en celle dudit Conſtantinople, de l'affault & prinſe d'i-
 celle Cité, avec autres choſes memorables.*

CHAPITRE XCIIII.

BAV-

L'an M.
CC.

Le Conte Baudouyn prend la croix contre les Infideles.



Assemblée des Princes Chrétiens en la ville de Venise pour entendre la proposition du Prince Alexe.

Harangue du Prince Alexe, aux Princes assemblez a Venise pour la conquête de la terre Sainte, afin de les induire a la conquête de l'empire de Constantinople.

BAUDOUYN Conte de Flandre & d'Hainault, insistant aux traces de ses tresuietorieux predecesseurs, print en l'an mil deux cents, la croix en moult grande reuerence, & apres auoir assemblee grande puissance, pour l'entreprinse du voyage d'outre mer, disposa du gouuernement de ses pais de Flandre & d'Hainault, selon que s'ensuyt. Premiers que Madame Marie sa femme assistee du Conte Philippe de Namur son frere, auroit la superintendence sur tous lesdicts pais, & que Gherard preuost de Bruges & chancelier de Flandre son oncle, messiere Baudouyn de Comines, les chastelains de Gand, Bruges, & Lille, avec aucuns autres, la seruiroyent de conseil. Ce faict, il passa par France, ou se joindirent a luy, Louys Conte de Blois, Estiennes marquis de Montferrat & plusieurs autres Princes & grands Seigneurs, avec lesquels, il tira vers Romme pour autant qu'il estoit an de Iubilée, & puis print son chemin vers Venise, ou il hyberna, attendant la commodite de passer outre mer, & s'employer a la conquête de la terre Sainte, mais ce voyage fut interrompu, & conuert en vn autre, par la venue du jeune Alexe, fils de Tursac vray & legitime Empereur de Constantinople, a la requeste duquel, les Princes dessusdicts, avec ceux de Venise qui semblablement auoient faict leurs apprestes, pour passer en ladicte terre sainte, s'assemblerent pour entendre ce qu'il leur vouddroit proposer, & au jour assigne, ledict Alexe parlat a eux de ceste sorte, Princes excellents. Je croy qu'il ny a aucun en ceste noble, & haute compaignie (au moins peu) qui ne ayt sceu, ou entendu, le droict, que appartient a Tursac mon trefredouté seigneur & pere, en l'empire de Constantinople. Et neantmoins Alexe mon oncle, a puis nagueres contre tout droict & raison, non seulement prins le tiltre d'Empereur, & desherité du tout Monsieur & pere, mais aussi par grâde felonnie, & exorbitante cruauté, apres luy auoir faict tirer les yeux de la teste, le detient encores presentement prisonnier, occupant & detenant par tyrannie l'empire, que maintenant il possede, sans aucun droict. Or estes vous (Messieurs) renommez entre les princes du mon-

« monde, ceux qui mieux ayez la raison & justice, & qui
 « pour la maintenir, ayez mis sus la notable armée, que cha-
 « cun peut veoir en ce pais, qui me fait vous supplier, que
 « ayant esgard a la misere de l'Empereur Tarfaacq mon pe-
 « re, & a nostre desheritement, il vous plaise m'ayder a l'en-
 « contre de cestuy tyran, qui ne prent peine ny plaisir, sinon
 « a pourchasser la ruine des Chrestiens, ainsi que l'effect &
 « experience vous en pourront donner tesmoingnage, si tost
 « que forez entrez en la terre que desirez conquerre. Ce fai-
 « sant (mes Seigneurs) outre que ce vous sera gloire & repu-
 « tation immortelle, vous moyennerez deux grands biens
 « ensemble, & lesquels seront suyvis d'un autre assez plus ex-
 « cellent & prouffitable. Le premier, delivrant un peuple de
 « la servitude & tyrannie ou il est. L'autre restituant un Em-
 « pereur, poure & desherité du bien paternel, duquel il est
 « chassé, & moy pareillement qui suis son fils legitime. Le
 « troysiesme & dernier, que l'Eglise de Constantinople, sera
 « reunie & reduite sous celle de Romme, mesmes que vo-
 « stre puissance sera puis apres renforcée, par celle du sus-
 « dict empire, laquelle je vous assure & me fais fort, d'em-
 « ployer du tout a vostre secours & assistance, & outre, de
 « pourueoir en toutes voz entreprinse vostre camp & ar-
 « mée de vituailles, & autres choses necessaires. Sy auant
 « toutesfois que differant vostre pour-jetté voyage vers la
 « terre Sainte, vueillez entendre a la vengeance & secours
 « de l'Empereur Tarfaacq mon pere, nous remettant en no-
 « stre premier estat & dignité, puis se teut. Et fut trouuée la
 « querelle tant juste, & eux si obligez pour la raison a luy
 « prester ayde, & faueur qu'ils entreprendrent la conqueste
 « de Constantinople, & la restitution de ses pais, pour execu-
 « tion de quoy, ils firent appareiller tous leurs nauires, pour
 « partir a la prochaine sayson, dont le jeune Prince les remer-
 « chia bien humblement, & pour aucunement les ayder, a
 « supporter les frays, que conuenoit pour ceste entreprinse,
 « leur donna & accorda vingt & trois mil le marcs d'argent,
 « que lesdicts Venetiens luy deuoyent. Sy auant quoy, & le
 « temps de leur partement approchant, les susdicts Princes
 « accompagnez du Duc de Venise en personne, mirent bon

Les Princes
Chrestiens en-
treprendent la
requête du
Prince Alexe, la
conquête de
Constantinople.

R r

ordre

CHRONIQUES ET ANNALES

ordre a leurs affaires particuliers, & estants aduertis que leur armée estoit prestee a s'embarquer, mesmes que leurs galeres nauires, fustes, barques, & brigantins, estoient en bon equipage de guerre, bien fretez & calefretez, establi-
 rent d'un commun accord, pour leur capitaine general, le
 Conte Baudouyn de Flandre, le quel premier qu'entrer en
 mer, fit monstré generale de ses gens, & se trouuerent de
 compte entier, enuiron quarante trois mil tous braues
 soldats, gentilz compagnons, & bien deliberez. Et le len-
 demain suyuant l'aduis des patrons & comites, chascun
 entra en son vaisseau, car le vent estoit propre a deslogier,
 & le Conté mesme, qui fit leuer les ancres. Lors on eust
 veu la mer quasi couuerte de vaisseaux, tant embellis de
 bannieres, fanois & banderolles, de tant de trompes & clai-
 rons tant de fifres & tambourins, que c'estoit chose in-
 croyable. Et singlerent en pleine mer telle fois a bon vent
 aucune fois autrement: de sorte que finalement ils par-
 uindrent a un port guerres loing de Constantinople, ou ils
 desembarquerent, & demourerent illec cainpez l'espace
 de huit jours entiers, faisant en toute diligence deschar-
 ger viures, & autres leurs munitions de guerre. Et peu a-
 press'estantz mis en bataille, marcherent tousiours jusques
 a ce, qu'ils descoururent la ville, & lors ayants un peu lais-
 sé reposer leurs gens, ils delibererent de donner l'assault a
 la cité. Auant lequel toutesfois le Conte Baudouyn de
 Flandre, comme chief & conducteur de toute l'armée,
 voulut parler a ses gens de ceste sorte: Messigneurs, je ne
 vous veuls user de grande langage, pour accroistre en vous
 la hardiesse, qui vous est naturelle, & tant experimentée
 jusques icy, par tous voz ennemis. Seulement vous veuls
 reduyre en memoire, que devez appuyer vostre assurance
 sur la magesté diuine. Laquelle cognüe certainement
 roidira voz nerfs, & redoublera voz haleines, pour execu-
 ter la justice par voz mains, sur les iniques usurpateurs de
 l'autrui. Si estes toutesfois que bon droit a mestier d'ay-
 de: Parquoy regardez sur toute chose, a maintenir l'or-
 dre militaire, qui vous sera ordonné par voz capitaines &
 sergents de bandes. Estants certains que ce seul point
 nous

*Le Conte Bau-
douyn est par
les Princes
Chrestiens esla-
bly capitaine ge-
neral en l'enuee
prinse de Con-
stantinople.*

*L'armée des
Princes Latins
suirans vers Co-
stantinople.*

*Venue de La-
tins deuant Co-
stantinople.*

*Harangue du
Conte Baudou-
yn, pour en-
courager ses sol-
dats, auant don-
ner l'assault, a
Constantinople.*

„ nous peut empeschier la prinse & conquesle de ceste cité,
 „ qu'autrement nous auons quasi desia entre noz mains.
 „ Considererez aussi, outre le droit commun de ceste entre-
 „ prise, l'obligation qu'auetz de vous employer en icelle, de
 „ laquelle depend le bien de la Chrestienté, & le faict de la
 „ conquesle de la sainte Cité, que tant de fois, & a si peu de
 „ prouffit l'on a commence & pourfuyuy. Aduisez encoré,
 „ les richesses & grands butins, que par la prinse de ceste ci-
 „ té, vous vous acquerrez, & la gloire que ce vous sera, d'a-
 „ uoir restitué vn pouure Prince en vn empire, tant celebre
 „ puissant & opulent. Ceste harangue finie il departit son ar-
 „ mée par escadrons, & choysit les endroicts des murailles,
 „ ou plus commodieusement se pourroit encommencer l'as-
 „ sault. Puis commanda que les fosses fussent comblez aux
 „ lieux plus profonds, les eschelles dressées es endroicts, ou
 „ l'occasion s'en offriroit, les moutons & autres machines
 „ mises en ordre pour abbatre les murs, & que cependant
 „ les archalestriers & archers eussent a faire si bien leur de-
 „ uoir, que aucun ne s'osast monster dans les creneaux, les-
 „ quelles choses furent soudainement mises a execution,
 „ avec vne fureur merueilleuse, & de telle aspreté qu'il seroit
 „ difficile a croire. D'autre costé le tyran Alexis, ayant preueu
 „ leur arriuée, auoit pourueu a toutes choses necessaires
 „ pour soutenir vn impetuex & dangerex siege. Qui fut
 „ la cause, que ceux de dedans commencerent pareille-
 „ ment a se defendre par grand vertu, renuerser les eschel-
 „ les, darder des gros quartiers de pierre, jecter des fagots
 „ enflammiez, verser de l'huyle bouillante, & de la poix ar-
 „ dante, sans oublier rien, de ce qu'ils auoyent prepare pour
 „ endommager les ennemis. Ce pendant du camp, & de la
 „ ville, les fleches & les dards commencerent a voler en
 „ l'air avec telle espesseur, que les premiers pouoyent fa-
 „ cilement combatre, a l'ombre. Et desia le bruit des ar-
 „ mes, les coups des moutons, les cris des mourans & des
 „ naurez, retentissoient par si grand horreur de tous costez,
 „ que l'on ne se pouuoit plus oyr les vns les autres, & con-
 „ tinuerent en ceste fureur jusques a Soleil couché, que diffi-
 „ cilement l'on eust peu dire, de quel des deux costez la per-

Assaut de la
 ville de Costan-
 tinople par les
 Princes Latins.

se auoit esté plus grande. Les Princes Latins toutesfoiſ, ſe reconfortoyent en ce qu'ilz voyoyent, pluſieurs gros pans de la muraille eſtre abbatuſ, & ores qu'ils fuſſent aſſeurez, qu'ils trauailleroient toute la nuit pour les reparer, ſi eſte que ce ne pourroit eſtre de forte, que aſſez plus legierement ils ne fuſſent demolis le jour ſubſequent: lequel commençant apparoiſtre, recommenchèrent leur aſſault & batterye aſſez plus aſpre, que le jour précédent, & neantmoins a bien aſſailly, bien defendu: nonobſtant quoy, les Princes Latins ſe opinaſtrèrent tellement en ceſte leur entreprinſe, que tous les efforts & deuoirs de leurs ennemis ne les peut empêcher, que le ſeptieſme jour enſuyuant ayants liuré vn tresdur & aſpre aſſault, ils ne deueniſſent victorieux ſur leurſdictz ennemis, & maîtres de ladite cité, en laquelle par l'ordonnance du gentil Conte Baudouyn leur capitaine general, ne furent exercez les exploicts d'armes, & cruaultez qu'on a accouſtumé en vne ville prinſe d'aſſault. Ains la premiere fureur paſſée, fut a vn chaſcun deſſendu de toucher ou meſſaite aux corps, & perſonnes des pources habitants, leſquels le Conte Baudouyn pour dauantage les aſſeurer, mit lors ſoubs ſa protection & ſauluegarde, ce que ſe doit entendre quant a leurs perſonnes, non pas touchant leurs biens, leſquels furent abandonnez au pillage, reſerue toutesfoiſ qu'on ne pouoit mettre le feu en nul endroit de la ville. Or les Princes Latins, apres auoir faiſt vne ſi victorieuſe & triumpante conqueſte, firent tirer hors des priſons l'ancien Empereur Tarſaacq, & couronnèrent le ieune Alexis ſon filſ, pour autant que ledict Tarſaacq, obſtant ſondict auengliſſement, eſtoit du tout incapable & mal ydoine pour gouuerner, ils firent ſemblablement chercher en toute diligence, le ſuſdict tyran Alexis, lequel auoit vſurpé ledict empire ſur iceluy Tarſaacq, lequel neantmoins ne fut en leur pouoir de recouurer, pour autant, que preuoyant le ſaci & la prinſe de ladite cité, il ſ'eſtoit durant ledict dernier aſſault, ſauué & eſchappé. Ce pendant, il ſeroit impoſſible vous declarer l'honneur, & bon traitement, que fut faiſt aux Princes Latins par le nouveau Empereur Alexis,

La cité de Conſtantinople prinſe d'aſſault par les Princes Latins.

L'ancien Empereur Tarſaacq deliuré par les Princes Latins des priſons, & ſon filſ Alexis couronné Empereur.

lexis, lequel accomplit, sans riens obmettre, tout ce qu'il auoit promis ausdicts Princes Latins, estants en la ville de Venise, remettant soubz celle de Romme, l'eglise de Constantinople, ce que neantmoins ne durá guerres longtêps, selon que voirez cy apres.

L'eglise de Constantinople redonnée soubz l'obéissance de celle de Rôme.

Comment le Conte Baudouyn retourna en Flandre, pour assembler nouvelles forces contre les Infideles, de la trahison de l'Empereur Alexis de Constantinople, laquelle fut cause que les Princes Latins retournèrent vers ladicte cité, qui fut par eux prinse & s'accagée, & comment lesdicts Princes Latins, couronnèrent pour Empereur de Constantinople ledict Conte Baudouyn de Flandre.

CHAPITRE XCV.



LE Conte Baudouyn de Flandre, apres la prinse de la cité de Constantinople, considerant que les Princes Latins estoient taillez de séjourner audict lieu pour quelque temps, & que au moyen de faueurs & caresses, que leur faisoit le jeune Empereur, ils ne se mettroient si tost en chemin, pour acheuer & executer leur poursee conqueste de la terre Sainte, enuoyá vers le Soldan frere de Salhadin, demander saulfsconduit, pour aller jusques en Hierusalem, lequel impetré, il s'acheminá en bien grande deuotion, vers le Saint sepulchre, & puis retourna (ayant neantmoins laissé son armée, avec celle des autres Princes Latins, en ladicte cité de Constantinople) vers son pais de Flandre, tant affin d'y ordonner de ses affaires, que aussi pour practiquer nouvelles forces qu'il auoit volonte de joindre aux premieres, & conduire vers la terre sainte. Et de faict, estant arriué audict pais de Flandre (ou furent faicts plusieurs feus d'allegresse & autres manieres de passeremps, pour luy congratuler sa venue) il assemblá de rechief vne bonne trouppes de gens, avec lesquels il se mit tost apres en chemin, menant avec soy de compagnie Madame Marie sa femme & laissant soubz le gouuernement du Conte Philippe de Namur son frere, les deux enfans Jehennie & Marguerite. Si diligenta tellement ledict Con-

Le Conte Baudouyn se tranf porte par deuotion vers le S^{se} sepulchre.

Le Conte Baudouyn retourne vers Flandre, pour leuer nouvelles forces, & les conduire contre les Infideles.

Rr iij

te Bau-

L'an M.
CC.ij.

L'empereur Alexe de Constantinople faulx la foy qu'il auoit promise aux Princes Latins.

Le Conte Baudouyn de rechieffably capitaine general de l'armée des Princes Latins.

Harangue du Conte Baudouyn pour encourager ses soldats contre ceux de Constantinople.

te Baudouyn, que finalement il paruint en l'an mil deux cents & deux, guerres loing de la cité de Constantinople, ou il trouua les Princes Chrestiens en deliberatiou de ruyner & destruire cestuy Alexe, que l'année precedente, ils auoyent couronné Empereur. Et es pour autant que ledict Alexe, faulxant laschement la foy qu'il auoit donnée ausdicts Princes Latins, de les assister de gens & victuailles en la conqueste de la terre sainte, estants iceux Princes Latins partis, pour tirer a ladicte conqueste, se mit en tous deuoirs de persecuter les Latins, empescher le passaige de leurs victuailles, rappelant les forces qu'il leur auoit baillees, pour leur secours, & faisant toute diligence pour dissiper & brusler leurs nauires. Qui fut la cause que lesdicts Latins estoient retournez vers Constantinople, lesquels receurent par la venue du Conte Baudouyn vn indicible contentement, & mesmes, a raison du renfort de gens qu'il conduisoit avec luy. Auquel aussi, ils remirent pour la seconde fois, la charge de toute l'armée, & ores qu'il raschast par tous les moyens a luy possibles, de s'en exculser, si estce que forche luy fut d'obeyr en ceste endroit en condescendre a la tresinstante priere, de tant de Princes & Seigneurs, qu'estoyent lors en ladicte armée: pour laquelle le encourager (car il doutoit que la resistance trouuée a la premiere conqueste qu'ils auoyent faicte de la cité de Constantinople, n'eust intimide les plus hardis & les mieux deliberez) il vfa vers ses gens de tels propos, Seigneurs, Princes, & soldats Dieu nous a donné parcy deuant plusieurs victoires & puis naguerrres vne tresgrande, par laquelle nous auons faict trembler ce peuple malheureux de Grece, & reduict la cité de Constantinople sous nostre pouoir, je ne doute pas d'en faire autant ou plus, presentement, entant mesmes que outre les forces que lors nous auons nostre camp est grandement augmenté par celles qui m'ont en ce mien retour suyuy & accompagné. Parquoy il me semble ne rester autre chose que de marcher, & de faire cognoistre a cest ingrat & traistre Empereur que nous auons les bras autant roides pour luy depoler sa couronne, comme ses aduersaires les ont auparauant cognus & experimen-

" mectez verds & robustes , pour la luy remettre & restituer.
 " Et si parauanture aucuns de vous , craignent la difficulté
 " & trauail qu'en nostre premier siege nous a conuenu souffrir,
 " & endurer, qu'ils se persuadent & asseurent , que l'experience
 " que noz ennemis ont fait de nostre effort & magnanimité , leur osterá l'ardeur & violence , dont en nostre
 " venue pardeçá, ils se sont aydez & deffendus. Outre ce que
 " chascun de nous doit estre certain , que veuë la justice de
 " nostre querelle, nous aurons de nostre costé, l'assistance &
 " faueur de Dieu. Lequel a tellement reserué sa superintendence
 " en chascune des choses par luy créées, que fortune ny
 " a autre pouoir, que tant qu'il luy plait permettre . Il est le
 " seul appuy de sa Sainte foy , laquelle il soustiendra contre
 " toutes les inuasions des Infideles , & contre les trahisons
 " des faux Chrestiens, qui prennent leur alliance, sans laisser
 " transporter sa louange a qui elle n'affiert. Ceste remonstrance
 " faite, il commandá que chascun allá reposer , & se tint prest
 " pour le lendemain marcher contre ladicte cité , & ausurplus soy
 " gouverner selon qu'on voyroit estre requis & necessaire. Cependant
 " luy vindrent nouuelles, que ladicte cité de Constantinople estoit
 " pleine de dissentions & diuisions, mesmes que le Patriarche avec la
 " clergé , & aucuns nobles d'illec s'estoyent leuez contre ledict
 " Empereur Alexe , lequel ils auoyent prins & meurdry ayantz au
 " lieu d'iceluy , subrogué vn sien parent , nommé Marcuphus.
 " Dont le Conte Baudouyn , & ceux de son armée furent grandement
 " satisfaits , & se promettants vne bonne & bien briefue yssue de
 " ceste leur expedition , diligenterent tellement que le lendemain a
 " l'aube du jour , ils eurent non seulement le moyen d'assaillir
 " ladicte cité , mais aussi de la prédre, piller, & s'accager, en
 " laquelle ils trouuerent des richesses incomparables & incroyables,
 " exerceants au reste tous les exploits de cruauté , dont ils se pouoyent
 " aduiser . Ce fait , ils procederent a l'election d'vn Empereur ,
 " commettants & deputants a ces fins d'vn commun accord & consentement,
 " les Euesques de Soisson , de Troye , & de Bethleem , avec l'abbé de Lemely , & six
 " gentils-hommes Venetiens, lesquels tous ensemble, *via Spiritus Sancti,*

La cité de Constantinople pleine de dissentions & diuisions.

L'empereur Alexe meurdry.

La cité de Constantinople en vn mesme jour assaillie prinse & pillée.

Le Conte Baudouyn esleu & couronné Empereur de Constantinople.

Eli,

L'an M.
CC.iiij.

Et, & d'une mesme voix, eleurent pour Empereur le susdict Baudouyn Conte de Flandre & d'Hainault, le faisants couronner par le Patriarche de ladicte cite, en l'eglise de Sainte Sophie, le jour de nostre Dame, en l'an de grace mil deux cents trois. Lequel nous laisserons pour quelque temps en son nouuel Empire, affin de declarer, les choses que ce pendant se faisoient, en nostre prouince de Flandre.

Comment, durant l'absence du Conte Baudouyn se renouvelèrent en Flandre, les parcialitez des Blaumotins, & Ingrekins & des mutuelles deffaites desdicts Ingrekins & Blaumotins, avec autres singularitez.

CHAPITRE XCVI.

En quoy consiste le gouuernement d'une chose publique.



La prouince est en grand danger qui est sans gouuerneur.

Flandre destituée de gouuerneur.

O V T le gouuernement d'une chose publique, consiste & est compris, en l'establissement des officiers d'icelle, sans l'autorité, prudence, & diligence, desquels vne prouince ne peut subsister. Rien n'est bien fait entre vn peuple qui est sans gouuerneur, & tout ainsi que vn nauire sans bon pylote, ne peut estre conduict au port & haure de tranquillité, & comme vne armée sans vn scauant capitaine, & continuellement en peril, & a grand difficulté peut auoir victoire. Ainsi vne compagnie ciuile, ou prouince, est exposée a toutes seditions & tumultes, s'elle n'est regie & administrée par autorité, & conseil des gouuerneurs, ce qu'a son tresgrand detrimment, & dommage experimenta la pouure Conte de Flandre, lors que au moyen de l'absence du Conte Baudouyn & de Madame Marie sa femme, & que le Roy de France empesché aux guerres de Gascoingne, n'auoit loysir de prédre regard aux affaires de ce pais, elle se trouua destituée de chief & gouuerneur, voires d'autant plus, que le Conte Philippe de Namur, frere dudit Conte Baudouyn, & la Royne Mehault Douagiere de Flandre, se tenoyent ordinairement en France, qui fut la cause, que la commune, comme destituée de pasteur, emprunt mesmes le gouuernement, de sorte qu'il ny auoit

en

en brief, aucune forme de republique, qui ne fut corrompue entre les Flamens: les gouuerneurs subalternes n'auoyent plus d'autorité: les conseillers n'estoyent point esleus comme auparauant: les magistrats ne se creoyent solempnellement, & ny auoit plus personne qui se souciaist des affaires publiques: ains vn chascun tendoit a son prouffit particulier. Durant telle licence, aduint, ou (pour mieux dire) se renouuella vn trouble merueilleux qui causa vne grande destruction de pais, & merueilleuse effusion de sang: mais priuipallement au Westquartier: ou tout le peuple estoit diuisé en deux partis, dont les vns se nommoient Blaumotins, & les autres Ingrekins (desquels nous auons cy dessus commencé discourir) & lesquels estoient portez, & soustenus chascuns d'eux respectiuelement, de plusieurs barons & grands seigneurs de Flandre, comme peut apparoir par ce que la Roynie Mehault mesme, fauorisoit le party des Ingrekins. Au moyen de quoy, les Blaumotins, qu'auoyent pour leur chief, Heribert de Wulfringhem, bruslerent vne maison, que la Roynie Mehault auoit en la ville de Furnes. Laquelle Roynie d'autre costé malcontente de ceste audace desdicts Blaumotins, enuoya cõtre eux le chastelain de Saint Omer, avec vne bonne troupe de gens, que par charge de ladicte Roynie, il auoit assemblé a Lille, Douay, Saint Omer & en France: moyennant laquelle, il courut sus ausdicts Blaumotins, lesquels il mit en fuyte & desarroy, se sauuant par les marez & autres lieux ou ils esperoyent n'estre poursuyuis ny attainctz en laquelle deffaicte, & poursuyte d'icelle joincte a la subsequente aduindrent deux choses bien ridicules, & lesquelles pour recreation du lecteur, j'ay bien voulu inserer en ce passage. Dont l'une est, que comme les Blaumotins, (qu'estoyent mis en fuyte) se sauuoient par les marez, vn Flameng se voyant en grand dangier d'estre prins, d'un Gascon monté a l'aduantage, se jecta par l'assistance de sa picque outre vn fosse, ou ledict Gascon ne le pouoit poursuyure, lequel nõ obstant ce, luy escria, rente ribault, rente. Auquel ledict Flameng, se voyant asseuré, respondit en son langage: *Ic en hebbe gheen rente*. Et comme ledict Gascon replicquant luy

Forme de republique corrompue.

Trouble au pays de Flandre.

Les Blaumotins & Ingrekins au VWest-quartier.

La Roynie Mehault du party des Ingrekins.

Les Blaumotins en fuyte.

Deux aduentures facieuses aux rencontres des Blaumotins & Ingrekins.

Si

disoit

disoit : demeure ribault, demeure . Le Flameng n'entendant ce qu'il voulut dire respondit de rechief, *Icken hebbe gheen moedere*. Esquelles entrefaictes vn archier de Flandre s'estant rassuré, & retourné, tira de son arc contre ledict Gascon, lequel il touchá en la teste, & le tuá. L'autre & la seconde chose ridicule aduint en la subsequente desfaicte, en laquelle comme les Blaumotins auoyent a leur tour, mis en fuyte les gens de la Royne Mehault vn gentil-homme de Picardie, lequel n'est autrement nommé par les histoires, dist en François a vn appelé Philippe Strecken, qui n'entendoit le François . O mon varlet sauue moy la vie, & je te donneray mille marcs. Mais ledict Philippe pensant que ledict gentil-homme parlast de lieües (pour ce que les Flamens nomment *mijle*, les François disent vne lieüe) respondit d'un felon courage : *Een mijle ? ghy en sult niet een stap*, & hauchant le bras assomma ledict gentil-homme d'un baton plombé qu'il auoit en ses mains . O reprenant nos premieres erres, sçachés que les Blaumotins grandement indignez de la perte, qu'en la susdicte derniere rencontre ils auoyent soufferte, se rassemblèrent & retournèrent sur les gens de Madame Mehault, lesquels ils desconfirent & mirent en grand desarroy, & n'eust esté la ville de Berghes, ou plusieurs d'eux se retirèrent pour refuge, il n'en fut échappé vn seul, pour rapporter les nouuelles de leur desfaicte a Madame Mehault. Laquelle fit mettre sus nouvelles forces en intention de soy vanger de ce dernier outrage, de maniere qu'ils s'entrecroient souvent bien lourdement, & non sans merueilleuse effusion de sang . Et neantmoins, puis qu'ils demeurent obstinez en leur mutuelle ruyne, nous les laisserons pour quelque temps reprendre aleyne, jusques a ce que les matieres a ce disposée, nous vous declarations la fin & yssue de ceste sanguinolente partialité, & retournerons a nostre bon Conte Baudouyn, puis naguetres couronne Empereur de Constantinople, lequel enuoyá en l'an mil deux cents cinq, au Roy Philippe de France, plusieurs belles reliques, qu'il auoit trouuée en la cité de Constanti-
nople

Les Blaumotins reprennent courage & mettent en fuyte les Ingrekins.

L'an M.
CC.v.

nople en vne chappelle nommée *Os Leonis*, lesquelles reliques furent portées en France, par Henry Abbé de Saint Denis, auquel l'Empereur Baudouyn les auoit deliurées de sa propre main, & les receut le Roy Philippe en tresgrand reuerence & deuotion, puis, a la requeste dudit Abbé, les donna a l'eglise de Saint Denys.

Chappelle en Constantinople Ty pelée *Os Leonis*

L'empereur Baudouyn enuoye plusieurs reliques au Roy Philippe de France.

Comment l'Empereur Baudouyn Conte de Flandre assiegeá la ville d'Andrinopoli, ou il fut prins & enuoyé prisonnier en Turquie, & du commencement de l'ordre des Iacopins.

CHAPITRE XC VII.



VDICT an mil deux cents & cinc, l'Empereur Baudouyn de Constantinople Conte de Flandre & d'Hainault, assemblá vne belle & puissante armée, pour courrir sus au Roy de Bulgarie, lequel assisté de plusieurs Princes, & de la communaulté de Grece (qui souffroyent moult impatiemment, le gouuernement des Princes Latins en leurs païs) molestoit grandement par ses excursions & pilleries lesdicts Latins. Auec lesquels ledict Empereur partit en personne & vint mettre son siege deuant la ville de Andrinopoli, distante de la cité de Constantinople, le chemin d'environ cinq journées. Ou la fortune luy voulut tant mal, que ayant perdu vne bataille que il eust, deuant la dicte ville, contre les dessus nommez, il fut prins prisonnier, & enuoyé par ledict Roy en Turquie, & neantmoins chascun estimoit qu'il fust demouré en ladicte bataille. Au moyen de quoy, les Princes Latins choyfirent pour Empereur en son lieu, Henry de Flandre, frere d'iceluy Empereur Baudouyn, de la mort, duquel nous parlerons cy après plus amplement. Quant a Madame Marie de Champagne sa femme, il vous doit souuenir qu'en son dernier partement de ses païs de Flandre, ledict Empereur l'auoit menée auec luy jusques a Constantinople. Ou la bonne Princesse meue d'un

L'empereur Baudouyn assiege la ville de Andrinopoli.

L'empereur Baudouyn prisonnier du Roy de la Bulgarie.

Si ij

ver-

Trepas de Madame Marie de Champagne, femme du Comte de Flandre.

Extrême cherté de bled en Flandre.

Comencement de l'ordre des Jacobins.

vertueux zele, & ardante deuotion obtint congé de son dict mary, pour faire son pelerinage vers Hierusalem, & neantmoins estant arriuee a Acharon, elle deuint malade, a raison des grands traux qu'elle auoit supporté audict chemin, & peu apres elle trepassa en l'an mil deux cents & trois, mais je ne scay ou elle fut enterree. Le treuve par les annales & chronicques anchienes, qu'a l'aduenement de ce Conte Baudouyn, depuis Empereur de Constantinople, en sa Conté de Flandre: si comme en l'an mil cent quatrevingts quinze, y eust en tout le pais de Flandre, & aux circumvoysins, si grande & extreme chereté de bled, que ce qu'on auoit eu l'an precedent pour quatre ou cinc sols, se vendoit lors quarante huit & cinquante sols, mesmes que toutes autres sortes de viandes estoient chieres a l'aduenant. Au moyen de quoy grand nombre de peuple de ce quartier, abandonna son pais, & alla chercher ses aduenures autrepars. Enuiron le mesme temps, vne pouure femme en la ville de Saint Omer, cuisoit du pain le Sabmedy apres disner pour le vendre le Dimenche contre les commandements de nostre mere Sainte Eglise. A raison de quoy, tirant le pain hors du four, elle le trouuit tout ensanglanté, dont ne scachant encore comprendre l'occasion, elle n'en dict mot. Mais ayant trouué le semblable au Sabmedy ensuyuant, & cognoissant que cestoit quelque punition diuine, elle le manifestoit & a son confesseur, & a ses voysins, & en fit penitence, & par ce moyen ladicte merueille ne luy aduint oncques plus. Au temps de ce mesme Conte & Empereur Baudouyn, le monde partout estoit plein d'heresies, & regnoient des merueilleusement grandes fautes, & signamment aux pechez d'auarice & de luxure. Pour lesquels blamer & extirper, aucuns notables personages, si comme en la cité de Paris le prebtre Fulco, *Petrus de Rosiaco*, & autres, s'appliquerent en continuelles presches vers le peuple (ce que auparauant l'on n'auoit accoustumé faire, du moins tant souuent) & conuertirent beaucoup de gens, & notamment plusieurs femmes de leurs pollues vies malheureuses, & contaminées. Dont sourdist, & commença l'ordre des freres prescheurs, que nous

nous difons Iacopins, fous le bon & Saint pere Dominique Espagnol de nation, chanoine regulier en l'egise Opponenſe.

*Saintus Dominicus
Iacopus Hispanus*

Comment Madame Iehenne fille du Conte Baudouyn vint a la Conté de Flandre, laquelle a raison de ſa minorité fut miſe ſous la garde de la Roynie de France, & comment Philippe de Namur oncle de ladicte Iehenne gouverna ce pendant le païs de Flandre.

CHAPITRE XCVIII.



Es nouvelles de la mort de l'Empereur Baudouyn Conte de Flandre & d'Hainault, venues en Flandre (encore que fauſes & menſongieres) leſdictes Contés, ſuccederent a la Contefſe Iehenne fille ainſnée dudit Baudouyn, lors eagée de ſept ans ou enuiron, laquelle eſtoit ſous la tutele de Philippe Conte de Namur ſon oncle. Lequel au moyen de ladicte minorité, de ſa niece emprint le gouvernement de Flandre & de Hainault, vſant en tous ſes affaires du conſeil de Iean de Neelle chaſtelain de Bruges, lequel eſtoit merueilleuſement en grace des gouverneurs & magiſtrats des villes. Dont neantmoins le Roy Philippe de France, n'eſtoit trop content, pour autant que luy meſmes pretendoit audict gouvernement, qui fut la cauſe, que il trouua practique, d'auoir entre ſes mains ledict Conté de Namur, lequel il retint juſques en l'an. mil deux cents & neuf, que ladicte Contefſe Iehenne fut menée a Paris & miſe es mains du Roy, ſous la garde de la Roynie, demourant l'autre fillerte, Madame Marguerite ſous le pouoir de Boſſaert d'Aueſnes, preuoſt de Saint Pierre a Lille & parent de ladicte Marguerite. Nonobſtant quoy durant ledict temps, le Roy de France n'entendoit aux affaires de Flandre, a raison des occupations qu'il auoit contre Angleterre. Ains laiffa les gouverneurs des villes conuenir & adminiſtrer le tout a leur volonté. Leſquels ordonnoyent des offices, renouelloyent les loix, & en toutes choſes conduyſoyent les affaires du païs, de la meſme ſorte, comme ſi eux meſmes en euſſent eſté les ſeigneurs, & dura

*Philippe Conte
de Namur tuteur
de la Contefſe
Iehenne.*

*Le Roy de France
se pretend au
gouvernement
de Flandre.*

*L'an M.
CC. ix.*

*La Contefſe de
Flandre menée
en France & laiſſée
ſous la garde
de la Roynie.*

ſſ ij

ce gou-

ce gouvernement enuiron trois ans ; & jusques a ce que le Conte Philippe de Namur fut par le moyen que dessus deliuré des mains & pouuoir du Roy Philippe, & par la permission d'iceluy Roy, commis & restably au gouvernement desdicts païs de Flandre & d'Hainault : Auquel Philippe, le susdict Roy de France donnit en mariage Madame Marie sa fille, vesue de feu Artus Conte de Bretagne, & gouverná ledict Philippe lesdicts païs comme tuteur de ladicte fille, jusques a ce qu'elle fut mariée, mettant fin a plusieurs debats, que durant sa detention en France, s'auoyent esmeus entre les gouverneurs des villes, qui durant lesdicts trois ans ne s'estoyent sceu accorder en plusieurs choses, & neantmoins, durant leur administration, le païs auoit beaucoup prouffité, & estoit le bruit de la marchandise grandement augmenté. Comme aussi auois commencé cesser la parcialité, desdicts Blaumotins & Ingrekins. Au moyen que les Blaumotins (qu'auoyent en l'an mil deux cents six, mis leur siege deuant la ville de Berghes Saint Winock) furent par la vaillantise & magnanimité d'un chevalier des Ingrekins nommé Chrestien Damman, ruez jus, & desconfits sur vn Lundy, demourant ladicte ville de Berghes deliurée dudit siege. Et pour autant que audit conflict y eust si abondante effusion de sang : car il en mourut en la bataille enuiron trois mille. Ils appellèrent le jour d'icelle desconfiture *Den rooden maendach*, & de la en auant commençá cesser ladicte parcialité, de laquelle je ne suis recors, d'auoir plus entendu, ny leu aucune chose. D'autre costé Philippe Conte de Namur, lequel comme dict est, fut commis au gouuernement de Flandre, durant la minorité de Madame Jehenne sa niece, pour mettre ordre a plusieurs tumultes, que journellement suruenoyent en la ville de Gand, donna aux habitants d'illec certaines ordonnances, commençants : *Hec sunt edicta*, dont le premier article est tel : *Si quis aliquem male tractauerit, vel verberauerit, & ab eo conuictus fuerit, prius ei, de quo conuictus est quam comiti emendabit*, & par ce semble que le Conte n'a

La marchandise
en grand bruit
en Flandre.

Les partialitez
des Blaumo-
tins & Ingre-
kins cessent.

*Den rooden
maendach,*

Ordonnances
du gouuerneur
de Flandre pour
ceux de Gand.

te n'a aucune amende, n'est que préalablement on ayt satisfait a partie, ou du moins que la partie doit preceder. Les autres articles les traictent plus d'amende & punition de criminelz: ou entre autres y en a vn tel:

Quodcunque exigatur obsidium, ipse met obses erit, & alium non dabit: qui contra fecerit, domus ei prosternetur,

& omnis hereditas eius & substantia in manu Commis remanebit, donec ei satisfecerit. Le treuue, que durant le gou-

uernement de ce Conte Philippe de Namur, si comme en l'an Mil deux cents & dix commença l'ordre

des Freres-Mineurs, sous le bon pere Monsieur Saint François, en vñ cloistre hors la ville d'Assise, a-

près *sanctam Mariam de Porciuncula*. Ledit Conte Philippe de Namur, donna a la Doyenne de Courtray

vingt liures par an, dont son lettres de l'an Mil deux cents vnze.

L'an M.

CC.x.

Comencement
de l'ordre des
freres mineurs.Doyenne de
Courtray.

Du mariage de la Contesse Iehenne avec Fernant de Portugal & des reproches qu'a raison de ce les Flamens firent a Philippe de Namur, lequel tost apres meurt de desplaisir, & comment ceux de Gand ne veulent recevoir le Conte Fernant pour leur Seigneur avec autres singularitez.

CHAPITRE XCIX.



V D I C T an mil deux cents vnze, fut fait le mariage d'entre Fernant de Portugal, & Madame Iehenne Contesse de Flandre & de Hainault, & furent les noc-

ces celebrées a Paris, en la court de la Roy-

tie, par l'Archeuesque de Narbonne, le tout sans le feu & adueu des barons & estatz de Flandre. Les-

quels estimoyent, que ce mariage auoit este pfacique

par la Royne Mehault douagiere de Flandre, paten-

te dudit Fernant, lequel eust de l'edite Contesse Ie-

henne vne fille, qui mourut jeune. La susdicte Contesse estoit vne Princesse vertueuse, debote, & discrete, & eust en son temps beaucoup de facheuries, a raison de l'em-

L'an M.

CC.xi.

Mariage de la
Contesse de Flā
dre, avec Fer-
nant de Portu-
gal.

prison-

prisonnement du Conte Ferrant, son mary, elle fondá tref-
magnifiquement en la ville de Lille pres l'eglise de Saint
Pierre, vn hospital, qu'on appelle encore pour le jourdhuy
l'hospital Contesse, & vn cloistre hors dudit Lille, ou elle
mit des religieuses de l'ordre de Saint Bernard, que
nous disons Marquette, ou elle & ledict Conte Ferrant
sont enterrez. Elle fit plusieurs biens a diuerses eglises de
Flandre, & fut cause de la fondation du Beghinaige de
Sainte Elizabeth a Gand. Ce pendant que les noces de la-
dicte Contesse se celebroyent a Parys, Louys fils du Roy de
France, assembla bonne troupe de gens, & vint deuant
Aire, ou il demanda ouuerture, sous pretexte que ladicte
ville, comme sa succession maternelle, luy deuoit apparte-
nir. A quoy les habitants dudit Aire respondirent, que
ceux de Saint Omer, estoient de pareille nature, & de la
mesme condition qu'eux. Et que pourtát ils se rigleroyent
selon l'exemple que en cest endroiçt leur donneroyent les-
dicts de Saint Omer, qui fut la cause que ledict Louys se
transporta vers Saint Omer, ou il fut receu, comme leur
Prince & Seigneur. Au moyen de quoy lesdicts d'Ayre a
limitation d'eux, se submirent semblablement audit Lo-
uys, lequel suyuant ce, fit de sa part requerir, ledict Conte
Ferrant & Madame Iehenne sa femme, qu'ils voulsissent
en sa faueur renoncher au droict qu'ils pouoyent preten-
dre ausdictes villes, adjoustant neantmoins a ladicte requé-
ste, plusieurs menasses, & les assurant que s'ils ny condes-
cendoient, il leur seroit perpetuel ennemy. Au moyen de
quoy, fut sur ce different depuis tenue vne journee telle
que voirez incontinent. Car la grande haste que le Con-
te Ferrant & Madame Iehenne ont de retourner en Flan-
dre, me semont a vous declarer, que peu apres la solemp-
nization de leurs nopces accomplie, ils se mirent en che-
min, estants accompagnez de la Roynne Mehault Doua-
giere de Flandre, (qu'estoit lors merueilleusement anchie-
ne) de Philippe Conte de Namur, de Jean Seigneur de
Neelle chastelain de Bruges de Sohier chastelain de Gand,
& d'autre grand noblesse de Flandre & d'Hainaulx. Et ex-
ploictérent de sorte par leurs journées, qu'ils arriuerent fi-
nable-

L'hospital Co-
tesse a Lille, fon-
dé par la Con-
tesse Iehenne.

Le cloistre de
Marquette pres
Lille fondé par
la mesme Con-
tesse.

Beghinaige de
Saint Elizabeth
a Gand.

Ceux de Saint
Omer receurent
Louys fils du
Roy de France
pour leur sei-
neur.

La ville d'Aire
rendue audit
Louys.

nablement en la ville de Douay : ou la Contesse Iehenne deuint quelque peu malade, comme aussi fit la Royne Mehault . Au moyen de quoy le Conte Ferrant les laissa audit Douay, & se transporta vers Flandre, ou tost apres il fut receu, moyennant la bonne adresse & assistance desdicts chastelains , par les villes de Bruges, & Ypre, & ce sans aucun contredict . Mais ceux de Gand luy faysoient vn peu de difficulté, disants qu'auant le receuoir, ils vouloyent premierement veoir la Contesse Iehenne leur Princesse naturelle, & s'asseurer du mariage d'entre elle & luy, & mesmes s'il auoit esté contracté du consentement & a l'adueu, du Roy Philippe de France leur souuerain Seigneur . Lequel empeschement desdicts de Gand fut fait & practiqué par Messiere, Raesse de Gauere, & Messiere Arnould, d'Audenarde. Lesquels auoyent en hayne mortelle les chastelains de Bruges, & de Gand , outre ce que le susdict mariage ne leur plaisoit aucunement. Duquel aussi plusieurs de la noblesse de Flandre , & autres se mescontentoyent grandement, dont neantmoins je ne scay l'occasion. Trop bien se trouue par les anchienes chronicques, & signément en celle d'Alberic , que le Conte Philippe de Namur, fust contrainct a raison dudit mariage, de souffrir beaucoup de reproches , auquel on imputoit & mettoit sus , qu'il auoit vendu la Contesse Iehenne sa niece a beaux deniers comptants, de sorte, que ledict Philippe en receut si grief desplaisir, qu'il deuint malade jusques a la mort , & auant mourir, fit vne infinité de lamentations & merueilleusement pitoyables , tellement que par icelles il prouocquoit les larmes aux assistants, ne se pouant aucunement consoler , & s'en confessá a quatre abbes de l'ordre de Saint Benoist, & puis trespassa en l'an mil deux cets & vnze. Or pour retourner a nostre propos. Le Conte Ferrant, voyant les termes & maniere de faire, dont ceux de Gand vsoyent en son endroit, se mit en chemin, pour retourner a Douay , & afin de conduire la Cotesse sa femme en ladicte ville de Gand: De laquelle lesdicts seigneurs de Gauere & d'Audenarde, sortirent tost apres, & poursuyuirent ledict Conte a main armée, diligentants de sorte, qu'ils entrèrent en la ville de

Ferrant receu a Bruges & Ypre pour Conte de Flandre.

Ceux de Gand font difficulté de receuoir Ferrant pour seigneur.

Le mariage de la Contesse Iehenne avec Ferrant, ne plaist a ceux de Flandre.

Ceux de Flandre reprochent a Philippe de Namur qu'il a vendu la Cotesse sa niece a beaux deniers comptants.

Philippe de Namur trespassa de desplaisir. L'an M. CC.xi.

Les seigneurs de Gauere & d'Audenarde poursuyuent jusques a Courtray le Conte Ferrant, & faillirent a le prendre prisonnier.

Tt Cour-

Courtray, au mesme temps que le Conte Ferrant se pensoit mettre a table. Lequel oyant le bruit que la suyte desdicts seigneurs faisoit, se mit incontinent a cheual, passa la riuere du Lys & fit rōpre le pont apres luy, craindant d'estre d'auantage poursuyuy, entant mesmes n'auoit qu'il des gens avec luy pour resister a l'entreprinse desdicts seigneurs. Lesquels indignez de la grande faute qu'ils auoyent faict, ayants ainsi laissé eschapper ledict Conte, pillerent par despit ladicte ville de Courtray, & puis retournerent a Gand.

Les seigneurs
de Gaucere &
d'Audenarde
pillent la ville
de Courtray.

Du traicté de Pont a VVendin faict entre le Conte Ferrant & Madame Iehenne d'une part, & Louys fils du Roy de France d'autre, & comment ledict Ferrant mist son siege deuant la ville de Gand, ensemble de l'appoinctement desdicts de Gand.

CHAPITRE C.



LE Conte Ferrant, estat a si bon marché eschappé des mains des susdicts deux seigneurs, exploicta tellement qu'il paruint tost apres en la ville de Douay, & lors il enuoya ses ambassadeurs vers Gand, pour plus amplement, & particulierement s'informer de leur volenté. Ce pendant Louys fils du Roy Philippe de France, lequel vn peu auparauint s'estoit (comme auez peu veoir) inuesty des villes de Sainct Omer, & d'Aire, descendit en Arras, ou de la part du Conte Ferrant & de Madame Iehenne sa femme, fut traicté & communicqué, de sorte, que lesdicts Princes Louys & Ferrant, se trouuerēt le jour de Sainct Mathias en-suyuant, entre Lens & le Pont a Wendin ou apres plusieurs communications ledict Ferrant & la Contesse Iehenne sa femme, renuncerent pour eux & leurs successeurs a perpetuité, & quiterēt au prouffit de Louys & ses successeurs, les villes de Sainct Omer & Aire, avec leurs appartenances, ensemble les villes & domaine, que le Roy Philippe auoit laissé au Conte Baudouyn par la derniere paix, faicte a Peronne. Comme aussi de son costé, le Prince Louys quicta ausdict Ferrant & Iehenne, tout autre droit, qu'il

Traicté & appoinctement
faict entre Lens
& le Pont a
VVendin entre
Louys de France
& le Conte
Ferrant.

« qu'il pouoit auoir ou pretendre, au residu de la Conté de
 « Flandre, reserué toutesfois l'hommage & fidelité, & desia
 « le Conte Ferrant & sa femme auoyent faict, au Roy son
 « pere: sans y comprendre aussi la conuention qu'estoit entre
 « Ferrant & le Roy, de l'assurance qu'ils en deuoyent fai-
 « re au Roy par leurs propres gens & subjects: selon que de
 « tout appert plus a plain, par lettres données & faictes au-
 « dict lieu en l'an mil deux cents vnze, & au jour de Saint
 « Mathias que dessus. Et affin que cest appoinctement fut
 « & demourast ferme & stable, ils liurèrent tant d'un co-
 « sté que d'autre leurs pleisges ou hostages, qui furent de
 la part du Conte Ferrant, & de Madame Iehenne sa fem-
 me, Iehan de Neelle chastelain de Bruges, Sohier chaste-
 lain de Gand, Baudouyn de Comines le pere, Michiel de
 Harnes, Rogier chastelain de Lille, Sibille de Waurin &
 Herlin son fils. Et du costé du Prince Louys furent hostai-
 ges & respondants, Robert aduoué de Bethune, Sibille de
 Waurin & Herlin son fils, le Seigneur d'Oisi, Iehan de
 Lens chastelain de Saint Omer, & Michiel d'Harnes.
 Peu apres ledict appoinctement, le Conte Ferrant, con-
 siderant la paruicacité de ceux de Gand, & que autre-
 ment il ne les pourroit rengier a la raison. Veu principale-
 ment ce que par les ambassadeurs a eux enuoyez luy a-
 uoit esté rapporté, il assembla vne grosse troupe de
 gens, avec lesquels menant toutesfois en sa compagnie
 Madame la Contesse sa femme, il se vint loger aupres
 dudiect Gand, & commença faire de grands degasts au-
 tour de la ville, de sorte que iceux de Gand, semblo-
 yent & se monstroyent assez enclins a paix, laquelle
 leur fust moyennée par l'entreparker de la Roynne Me-
 hault, qui besoingna tellement, que la Contesse Ie-
 henne fust receuë comme leur dame & heritiere, &
 le Conte en qualité de bail & mambour, auquel ils
 payèrent pour amende trois mille liures, moyennant
 toutesfois aucuns priuileges qu'il leur bailla, touchant
 le renouvellement de la loy. Lesquels, ensemble au-
 cuns de ceulx, que du temps de Madame Iehenne fu-
 rent donnez tant ausdicts de Gand que aux autres villes &

Le Conte Fer-
 rant met son sie-
 ge deuant la vil-
 le de Gand.

Appoinctement
 de ceux de Gâd
 & du Conte
 Ferrant.

T t ij cha-

chastellenies de Flandre, nous vous exposerons au chapitre subsequence.

De plusieurs preuileges donnez a diuerses villes & au pays de Flandre du temps de la Contesse Iehenne.

CHAPITRE CI.



LE Conte Ferrant, & Madame Iehéne sa femme, estants receus pour Contes & Seigneurs en la ville de Gand, & entendants le murmure & tumulte du peuple, qui procedoit de ce que il ne pouoit souffrir que le gouuernement de la ville demourast tousiours en vne main, ny que les treize escheuins fussent perpetuelz conformement a l'ordonnance que auparauant le Conte Baudouyn sur ce auoit faicte, & dont auons parle cy dessus, changerent ce priuilege, & leur donnerent liberte de pouoir renouveler la loy d'an en an, de la maniere, & selon que s'ensuyt.

Priuilege touchant le renouvellement de la loy pour Gd.

Sicomme que le Conte eslira quatre bons preud-hommes es quatre paroisses, scauoir Saint Iehan, Saint Iacques, Saint Nicolas & Saint Michiel. Lesquels jureront sur les Saintes Euangiles, qu'ils esliront de bonne foy treize escheuins, des plus notables de la ville. Et si le Conte ne peut estre present a faire ceste election: il y enuoyera vn lieutenant, & ceux qui auront esté esliseurs en vne année, ne le pourront estre en la subsequence, trop bien en la tierce: Comme aussi les escheuins d'une année, ne le pourront estre en l'autre, aussi ne pourront les esliseurs estre escheuins en l'année de leur election, mais bien en l'autre. A faire cest ordonnance furent presents le Conte Ferrant la Contesse sa femme, Guillaume preuost de Bruges & chancelier de Flandre, Ioseph Doyen de Saint Donas a Bruges, Sohier chastelain de Gand, Michiel de Harnes, Hellin de Waurin, Baudouyn de Comines, Baudouyn de Praet, & Gilles Berthault chambrelain, dont furent faictes lettres du mois d'Aoust la veille de Saint Laurens, en l'an mil deux cents douze. Laquelle ordonnance neantmoins durá bien peu d'espace, selon que voyrez cy apres.

part

part. Pour autant que Madame Ichenne estoit mal obeyé durant l'emprisonnement du Conte Ferrant son mary, & que les bannis de Gand ne tenoyent compte de leur bannissement, a raison qu'ils pouoyent eux tenir a Saint Pierre, a Saint Bauon, sur la Mude ou Vielbouch, & partout ailleurs autour de la ville ladicte Contesse accorda a ceulx de la loy de Gand, affin de tant mieux les entretenir en paix & concorde, que de la en auant, tous bannis par la loy de Gand, seroyent semblablement bannis hors la Conté de Flandre, & de ce leur donna lettres en l'an mil deux cents vingts. Assez tost apres, que le Conte Ferrant estoit relaxé de la prison de France, il trouua a Gand plusieurs grands debats & differents, entre les gouverneurs de la ville, lesquels tuoyent & dechassoyent l'un & l'autre pour le faict du gouvernement. Au moyen de quoy ledict Conte Ferrant enuoya vers Gand, Michiel de Boulers, Guillebert de Zotteghem, Rouland de Hassebrouc & Messiere Arnould d'Audenarde, & finalement accorda lesdicts de Gand en la maniere qui s'ensuyt: Que les treize escheuins esliroyent d'entre eux, ou des bourgeois de la ville, cinc hommes n'appartenants de rien l'un a l'autre ny par consanguinité, affinité, alliance, ny autrement. Lesquels cinc hommes esliroyent & prendroyent avec eux trentequatre autres personnes, les plus sages discrettes, & prouffitables au bien publique qui se pourroyent trouuer en toute la ville. Et ainsi seroyent trenteneuf de nombre faict. Lesquels seroyent diuisez por trois fois treize: dont les treize seroyent escheuins, les autres treize conseilliers, & les autres treize vagues ou vacants pour la premiere année. Et en la seconde année les conseilliers de la premiere seroyent escheuins, les vagues conseilliers, & escheuins vagues, & ainsi successiue-
mēt d'an en an, & a parpetuité. Et quand aucun des trenteneuf trespasseiroit, les escheuins d'icelle année esliroyent vn autre en son lieu, & si le bailly n'estoit prest pour recevoir leur sermēt, eux mesmes le receueroient. Duquel accord & priuilege lesdicts de Gand furent merueilleusement contents, & satisfaits. Dont aussi les Conte & Contesse leur baillèrent lettres d'octroy du mois d'April mil deux

Autre ordonnance touchāt le renouvellement de la loy a Gand.

Des xxxix. de Gand.

Priuilege touchant les officiers a Gand & a Bruges.

Priuilege pour ceux de Bruges touchant le renouuellement de la loy.

Escheuins perpetuels au Frac referue au deux cas.

cents vingt & huiſt. Et commençâ lediſt octroy a la noſtre Dame du demy Aouſt en l'an vingt & neuf. Et pour ce que le bailly de Gand, qui pour lors eſtoit natif de la ville, & les autres officiers pourtoient faueur & reſpect a leurs parêts & amis & ſe tenoyent partiaulx avec les vns, ou avec les autres, leſdiſts Ferrant & ſa femme accordérēt auſdiſts de Gand par forme de priuilege, que de la en auant le bailly de Gand le ſoubs-bailly, les ſergeants jurez, ny meſmes leurs femmes, ne pourroyent eſtre natifs d'icelle ville, par lettres dudiſt an vingt & huiſt. Et donnérēt ſemblable priuilege a ceux de Bruges par lettres deſpeſchées a Courtray, au mois d'April, audiſt an vingt & huiſt, ſoubs telles parolles : *ut nec per nos nec ſucceſſores noſtros de modo in antea Bailliuus vel Scultetus conſtituatur in villa Brugenſi, qui natus fuerit de villa Brugenſi, vel qui uxorem habeat natam de villa prædicta*. Le priuilege eſt en ſoy certes beau & bien fondé, ne reſte qu'a bien l'oſeruer & executer. Et depuis Thomas de Sauoye, ſecond mary de la Contefſe Iehenne, & ladiſte Contefſe, accordérēt audiſts de Bruges le priuilege de renouuellet la loy, (qui auparauant auoit eſté perpetuelle audiſt lieu) d'an en an le jour de la Purification de noſtre Dame. Or fut diſt, que quiconque auroit eſté eſcheuin l'un an, ne le pourroit eſtre l'autre : que deux freres, oncle & neueu, pere & beauſils, ne ſeroient enſemble mis en la loy, en laquelle ne ſeroient pareillement admis, ceux que auroient eſté attainſts d'aucune faulſeté. Et entre autres articles eſt audiſt priuilege le ſuſſequent : *inſuper manoperarius quicunque fuerit niſi per annum & diem a manuopere ſe abſtinuerit, a nobis in Scabinum eligi non debet*. Qui denote, qu'en ce temps, la ville de Bruges fut gouuernée, par les riches & par les gens de bien, & non par mainouuriers & populaire. Si fuſt lediſt priuilege expedie en Ianuier en l'an mil deux cents quarâte. Auquel priuilege leſdiſts de Bruges pouoyent renoncher d'an en an. Mais en tel euēt le Conte procederoit de la maniere qu'il auoit auparauant accouſtumé faire. Ils accordérēt auſſi a ceux du Franc, que jamais nul deſeſcheuins du Frac ne ſe pourra oſter ny renouuellet fors en deux cas : L'un a la nou.

la nouuelle entrée du Prince. L'autre, quand aucun d'eux, seroit par la loy attainct de faulseté: *sub his verbis, recognoscimus quod Scabinos officij Brugenſis amouere non possumus, nisi essent falsificati secundum legem, preterquam cum nouus Dominus in terram venerit, ipse eos amouere poterit & ponere.* Dont sont lettres datées a Male, en l'an mil deux cents trente en Nouembre. Ils quitèrent aussi a tous franc hostes demourants au Franc, pour le temps touteſſois qu'ils y demoureront & non plus auant vne ſeruitute qui ſe nommoit *theſte hoost*, en François meilleur catheil, par leur lettres données en l'an mil deux cents trentedeux la veille de Saint Mathieu. Et depuis (eſtant la Contesse de Flandre en ſa viduité) entre pluſieurs priuileges qu'elle donna a ceux de Flandre, pour tant mieux les entretenir en bonne obeiffance, & ſubjection vers elle, la dicté Contesse declara ausdicts du Franc, que la franche verité ſ'y tiendrait de la en auant par les eſcheuins dudit Franc, & non par ſes officiers, moyennât toutesſois que leſdicts eſcheuins, ſ'enquiſſent premierement bien de la verité du fait. Dont furent lettres expedies a Male, en May de l'an mil deux cents trente cinc. Les Conte Thomas & Contesse Iehenne quitèrent aussi, abſolument a ceux du Franc, vne ſeruitute ou droit de deniers, que les Contes ſouloyent illec leuer par an, appelée le Balfaert par leur lettres données en Ianuier de l'an mil deux cents quarâte, preſents, Arnould chaſtelain d'Audenarde, Raſſe de Gauere, Guillaume de Bethune Seigneur de Muelebecke, Gille de Brakençō, Baudouyn de Bailleuil, & Gille chanoine de Bruges: eux fondants leſdict Cōte & Contesse, a faire la quitance de ce domaine, ſur ce que les poures ſeulement eſtoient greuez, & que le Prophete dict: *Dominus requirit ab homine facere iudicium, & diligere miſericordiam.* Les meſmes miſrent ſemblablement ordre & rigle au fait de la vierſchare du terroir de Furnes, par leurs lettres de l'an mil deux cents quarâte en Iuliet, qu'ils appellèrent kuere. Eſquelles ils ſe reſeruent la cognoiſſance de tous excès & meſus cōmis ſur l'eſgliſe, crimes de leze Mageſté, & autres cas priuilegez, leur accordats au reſte beaucoup de beaus articles de frāchiſer, & entre autres ils quitēt aux

Theſte hoost, autrement meilleur catheil, au Franc.

La franche verité au Franc.

La ſeruitute appelée le Balfaert, quitée a ceux du Franc.

Dominus requirit ab homine facere iudicium & diligere miſericordiam.

Vierſchare du terroir de Furnes.

inha-

Privileges pour
la ville de Dā.

Privileges a
ceux de la Mu-
de pres l'Escu-
se.

Vierschare du
terroir de
V Waes.

La kuere des
quatre mestiers

Renouvelle-
ment de loy
pour Lille.

inhabitants dudi& terroir, vne ancienne seruitude nom-
mée le Balsaert que les Contes fouloy& illec leuer, au lieu
de laquelle ils veullent que ceux qu'estoyent tenus payer
ledit Balsaert viengnent ayder a fortifier le pais de fossez
quand requis & sommez en seroyent. Ils donn&rent aussi a
la ville du Dam priuilege, de renouueller par les commis
du Conte, la loy d'an en an, avec la clause de ceux de Bru-
ges *Manuoperarius &c.* de mot a autre, par leurs lettres de
l'an mil deux cents quarante vn en May. Et depuis leur
baill&rent cong& de faire vne halle, & misrent rigle au faict
de la police de la ville, leur accordants entre autres choses,
de pouoir bannir tous delinquants, & que le bailly, ny le
tollenaire, ne pourroyent tenir tauerne, avec plusieurs au-
tres poin&ts, par leur lettres dudi& an quarante vn en Sep-
tembre. Ils donn&rent pareillement priuilege a ceux de le
Mude pres de l'Escuse, dont ils firent lors vne fran&ce ville,
leur baillant toute telle jurisdiction, qu'ont ceux de Bru-
ges, & ce endedans les bonnes par eux design&es, aux lettres
qui sont en date de Mars, audict an quarante vn affran-
chissants les inhabitants dudi& Mude, des tonlieux du
Dam, de la Mude mesme, de Nieupoort, & de Dunkercke.
Ils mirent aussi ordre au faict de la vierschare du terroir
de Waes, par leur lettres qu'ils appellent la kuere de Waes
dat&es de l'an quarante vn en Iuliet, par lesquelles ils ord&-
nent entre autres choses, que audict terroir aura sept hauts
escheuins, vers lesquels les inhabitants d'illec auront leur
recours: octroyants par les mesmes lettres, que si le bailly
refuse loy, en matieres dont la vierschare doibue cognoi-
stre, les escheuins pourront cesser de faire droict, en toutes
autres causes. Ils renouueller&nt la kuere, que feu le Con-
te Philippe de Flandre & de Vermandois, auoit donn&e a
ceux des quatre mestiers, en la quelle & parle des six gr&ds
crimes, pour lesquels, & non pour autres l'on fourfaict
illec la vie. Si comme homicide, larrecin, boutefeux, assaul&
de maison de nuit, enforchement de femmes, & infra-
ction de tresues prin&es, ou jug&es par la loy, dont sont l&-
tres de l'an mil deux cents quarante deux. La Contesse Ie-
henne priuilegi& la ville de Lille, & ordonn& comment la
loy

loy se deuroit refaire par son commis d'an en an le jour de tous Saints, par l'aduis de quatre prestres paroisseaux de la ville, dont sont lettres, de l'an mil deux cents, trentecinc. En quoy ensemble, en autres priuileges & ordonnances que les subsequents Contes & Contelles de Flandre ont decreté audict pais, m'a semble bõ m'arrester quelque peu, affin que chascun puisse scauoir & recognoistre, de qui il a esté priuilegé & affranchy. Estant neantmoins deliberé de reduire tousiours les choses semblables sous vn certain chapitre, affin que le lecteur qui n'aura volonté de s'enpêcher en la lecture desdictes ordonnances, puisse, avec sa plus grande commodité la trepasser, & continuer au discours de nostre histoire.

De la journée de Soisson, ou le Conte Ferrant refusa son secours au Roy de France, si preallablement il ne luy rendoit Aire, & Saint Et Omer, & de la guerre qu'a ceste occasion s'emeut entre France & le pais de Flandre, avec autres particularitez.

CHAPITRE CII.



NOUS auons quelque peu discontinué nostre histoire pour vous declarer aucuns statuts, priuileges, & ordonnances, que par Madame Iehenne & ses deux marys, ont esté accordez & establis au pais de Flandre. Or pour retourner a nostre premier theme, entendez presentement, que le Conte Ferrant, incontinent qu'il fut receu par tout en Flandre en qualité de mambour de la Contesse sa femme, pour gouuerneur du pais, il ostá a plusieurs seigneurs aucuns droicts, que durant l'absence du Conte Baudouyn depuis Empereur de Constantinople, & en la minorité de la Contesse sa femme, ils s'estoyent au prejudice, de l'autorité & preeminence du Conte, acquis & usurpé. Dont aucuns nobles de Flandre grandement indignez, se retirèrent du pais, & allèrent résider en France, & entre autres Messiere Iehan de Neelle chastelain de Bruges, & Sohier chastelain de Gand. Au moyen de quoy Messiere Raesse de Gaucere, & Arnould d'Audenarde entrèrent au

V v

gou-

Le Côte Ferrant
ne se contente
de la substra-
ction a luy fai-
cte des villes de
S. Omer, & Ai-
re par Louys
de France.

Journée de
Soisson.

Tyrannie du
Roy Jean d'An-
gleterre.

Le Côte Ferrant
refuse au Roy
de France son as-
sistance contre le
Roy d'Angle-
terre, ne soit
qu'il luy resti-
tue ses villes de
S. Omer & Aire

Le Côte Ferrant
s'allie au Roy
d'Angleterre.

gouvernement. Ce pendant, le Conte Ferrant ne se pouoit aucunement contenter, de la subtraction que Louys de France, fils du Roy Philippe, luy auoit faicte de Saint Omer & Aire, ny mesmes de l'appoinctement que plus par extorsion, forche, & constraincte, que de sa bonne volonté, il auoit faict avec ledict Louys entre Lens & le Pont a Wendin: de sorte que luy vint volonté de les rauoir de quelque sorte ou maniere que ce fut, & commença d'espier, & chercher au susdict effect, toutes les occasions & opportunitiez conuenables. Dont se presentá peu apres vne, qu'il trouua assez a son souhait, & ce, au moyen de la journée de Soisson, a laquelle le Roy Philippe de France auoit faict euocquer tous les Princes de son Royaume, ensemble ses confederez & allyez, pour aduiser sur l'emprise qu'il vouloit faire, sur le Royaulme d'Angleterre, duquel il auoit deliberé chasser, & entierement priuer le Roy Iehan, comme indigne & inhabile de regner a raison des ses cruautéz & tyrannies, a quoy aussi plusieurs Princes illec presents s'accorderent, non pas le Conte Ferrant. Lequel pensant auoir trouué opportunité pour recouurer lesdictes villes, refusa au Roy. assez brusquemét son ayde: disant en parolles haultaines, & pleines de cholere, que jamais il ne seruiroit, ni le Roy, ny le Royaulme, jusques a ce que les villes de Saint Omer & Aire luy fussent rendues veu mesmes, que notoirement, on les luy auoit ostées a tresgrand tort. Ce que entendu par le Roy, & cognoissant en sa conscience, que le Conte Ferrant auoit raison, il dissimulá pour lors. Mais peu apres il fit parler en secret audiect Ferrant, auquel pour le contenter il fit offrir la valeur desdictes deux villes en deniers comptans, & selon l'estimation qu'on feroit de ladicte valeur. A quoy neantmoins ledict Ferrant ne voulut aucunement entendre ny condescendre. Ains partit, tresmal content de ladicte ville de Soisson, & practiquá secretes alliances avec le Roy Iehan d'Angleterre, par le moyé de Renault Conte de Boulongne, lequel pour lors se tenoit lez iceluy Roy d'Angleterre, en contractant laquelle alliance fut conclu le mariage de Madame Marguerite de Flandre sœur de la Contesse Iehenne, & de Emond

Emond Duc de Cornuaille, & furent fiancez : mais a raison que ledict Emond morust tost apres, ledict mariage ne sortit son effect, au grand malheur de ladicte Marguerite, selon que voirez cy apres. Ce pendant, le Roy de France, suyuant la conclusion par luy prinse a Soisson vint a Boulogne sur la mer a grande puissance, avec intétion de singler de la en Angleterre, & mandá au Conte Ferrant, qu'il vint vers luy a Greuelinghe, pour luy faire assistance. Mais apres auoir attendu quelque temps s'appercheuant que le Conte Ferrant ne faisoit aucun semblant de se haster, & que mesmes il n'auoit encore enuoyé personne vers luy le Roy Philippe de ce grandement indigné, conuertit toutes les forches, qu'il auoit assemblé pour la conqueste d'Angleterre, a celle de Flandre: en laquelle il entrá mout hostilement, & print Cassel, Ypre, & autres villes jusques a Bruges, laquelle fut semblablement prinse, & reduicte sous son obeissance. Ce faict, se transportá vers Gand, qu'il assiegeá par aucuns jours. Pendant lesquels Regnaut Conte de Boulongne, Guillaume Conte de Salsbery, Hugues de Boves, & aucuns autres cheualiers & capitaines d'Angleterre, que le Roy Iean auoit enuoyé au secours du Conte de Flandre, vindrent par mer, & a l'impourueu assaillirent les nauires du Roy de France. Lesquelles ledict Roy auoit faict suyuir jusques au Dam, en intention, de retourner incontinent qu'il auroit faict a Gand, vers ledict Angleterre. Dont neantmoins les Anglois, l'engardérent pour ceste fois, lesquels apres auoir mis a fond aucunes nauires Françoises s'estoyent jnueltys de la plus grande part des autres, & peu apres desembarquérent bonne troupe de leurs gens, lesquels assiegérent par terre la ville du Dam (qui tenoit lors pour le Roy Philippe) deuant laquelle ville vint a leur secours, le Conte Ferrant, menant avec luy le plus de gens, qu'il auoit sceu & peu leuer. Desquelles choses estant auerty, le Roy Philippe, laissa la ville de Gand, & tira en toute diligéce vers ledict Dam, pour faire leuer le siege que ses ennemis y auoyét mis, & apres auoir chassé lesdicts Anglois & aucuns Flamens qu'estoyent avec eux, ce que

Le Roy de France conuertit les forces qu'il auoit assemblé contre Angleterre, a la conqueste de Flandre.

Le Roy de France prend plusieurs villes en Flandre.

Les nauires Françoises desfaictes pres la ville du Dam, par les Anglois.

La ville du Dam assiegée par les Flamens & Anglois.

Le Roy de France fait bruler les propres nauvres, afin que les ennemis ne s'en servent.

La ville de Bailleur brulée.

Le Conte Ferrant avec les Anglois fait des merueilleux de gatrau pays de Ghisnes.

La ville de Tournay prise par Ferrant & les Anglois.

La ville de Lille & autres de Flandre retournent sous l'obeissance du Conte Ferrant.

Le Roy de France retourne en Flandre repréd & brulle Lille, & fait aucuns autres exploits, & puis retourne en France.

toutesfois ne se fit sans bien notable perte de ses gens, il ordonna qu'on mit le feu au residu de ses nauvres, afin que les Flamens ou Anglois n'en prouffitassent, & puis retourna vers Gand, avec lesquels il fit peu apres appointement, & receut pour s'asseurer du pais de Flandre, aucuns hostages tant dudit Gand, que des villes de Bruges, Ypre & Douay. Et retourna en France, fort fâché & merueilleusement irrité, laissant neantmoins son fils Louys en la ville de Lille, avec bonne quantité de soldards. Lequel Louys tira tost apres vers le Westquartier, ou il brulla Bailleul, ou le feu se print en telle vehemence, que ledict Louys mesme, eust de l'affaire assez pour se exempter, & se sauuer de la fureur d'iceluy feu. Il brulla semblablement, Steenvoorde, Hasbroug, & tout le pais de Cassel. D'autre costé les Contes Ferrant de Flandre, & Regnault de Boulongne, tirèrent avec leurs gens vers le pais de Ghisnes, & abbatirent les chasteaus de Sagette & Collewide, ramenant prisonniere en Flandre la Contesse Beatrix fille d'Arnould. Apres le partement de laquelle les Anglois prindrent ledict Ghisnes, & le blusèrent, en vengeance de certain tol qu'auoit illec, puis naguerres este institué, a leur interest & dommage. Ce fait, lesdicts Ferrant & Regnault entrèrent au Tournes, se saylirent de Tournay, & abbatirent grande partie des fortresses, & murailles de ladicte ville. Suyuant quoy la ville de Lille, avec plusieurs autres de Flandre, se remirent sous l'obeissance & pouoir du Conte Ferrant, qui fut cause que le Roy Philippe, retourna avec autre puissance vers Flandre, reprist la ville de Lille, qu'il pillá & saccageá la mettant puis apres en feu, & en flamme, a raison du peu de foy qu'il auoit trouué en eux, & ayant laissé bonne garnison en la ville de Douay, & restitué aux villes de Gand, Bruges & Ypre, leurs hostages & fide-jusseurs, moyennant la somme de trente mille marcs d'argent qu'il en receut, il se retira de rechief vers son Royaume de France, ou nous le laisserons prendre son haleine, & assembler nouvelles forches pour retourner en Flandre, & vous dedui-

rons.

rons le malheur & disgrâce , que cependant aduindrent a Madame Marguerite de Flandre , sœur de ladicte Contesse Iehenne.

Comment Bossaert d'Auesnes preuost de Lille, & tuteur de Marguerite de Flandre, abusâ de la jeunesse de sadicte pupille, & comment suyuant ce, il se transportâ vers Romme, pour estre absous de sondict fourfaict, ensemble affin d'estre dispensé de la proximité de sang que estoit entre luy & ladicte Princesse avec laquelle il pretendoit se marier, & de la mort dudit Bossaert.

CHAPITRE CIII.



vous doit souuenir, de ce qu'au commencement de ce discours, destiné a la description des choses memorables aduenues au païs de Flandre, durant le gouvernement de la Contesse Iehenne, nous vous auons déclaré, que Madame Marguerite de Flandre, sœur de ladicte Contesse, auoit esté laissée sous la tutelle, & gouvernement de Bossaert d'Auesnes, preuost & chanoine de Saint Pierre a Lille, & parent de ladicte Marguerite: entendez maintenant, que le peruers tuteur, auégly de la beauté & bonne grace, de sa pouure pupille, la sceut si bien sermonner & persuader, que la jeune fillette, facile au moyen de sa jeunesse a estre subuertie, & principalement par cestuy, auquel elle deuoit obeissance, engendra par le faict de cest execrable & monstrueux tuteur, deux enfans massés, Iehan & Baudouyn d'Auesnes desquels nostre histoire vous fera cy apres souuent mention. Mais auant passer, je supplie tous bons lecteurs vouloir considerer en ce passage, le fruit que ordonnairement procede de ceste volupté charnelle. Laquelle Platon disoit estre la pasture, & nourrissement de tous maux. Certainement elle tue & peruertit la bonne nature, elle rompt & enerue la vertu de l'esprit, & du corps: elle hebeete l'entendement, oste le conseil, & rend toutes choses honestes plus obscures & de moindre renommée. Ce fut elle sans autre qui constraignit Sardanapalus, a qui

Marguerite de Flandre sous le gouvernement de Bossaert d'Auesnes

Bossaert d'Auesnes abuse de sa pupille.

Discours de l'auteur, & blâme de la volupté charnelle

Execrable volupté de Sardanapalus.

V v iij. tant

Abhominable
Epitaphe de
Sardanapalus.

Propos d'Aristote
sur ledict
Epitaphe.

Bossaert d'Au-
fnes craindât la
fureur du peu-
ple de Flandre
se transporte
vers Romme,

tant de milliers d'hommes obeissoient, soy despouil-
ler de ses vestemens de pourpre, dans vne infame
& abhominable bourdeau. Ce fut la mesme volupté,
qui esblouyt tellement les yeux de l'entendement dudit
Sardanapalus qu'il n'eust vergoingne de mettre par escript
sur son sepulchre ce que s'ensuyt : Sardanapalus fit cecy
en vn jour : mange, boy, jouë, & puis que tu te cognois
mortel, remply & rassasye ton cœur, des delices presen-
tes, & plaisirs mondains, apres la mort n'a point de volup-
té. Certes je suis pouldre, qui n'aguerres auoys tant de
biens & possessions : j'ay ce que j'ay mangé, & les plai-
siers aussi que j'ay prins : ces choses la me demeurent, j'en
delaisié maintes autres singulieres & excellentes. Cest
vn sage enseignement de vie pour les mortels. Or com-
me Aristote se trouuá quelque fois au lieu de cest epita-
phe, il s'arresta & apres auoir leu la premiere partie, com-
mença dire : Qu'eust il autre chose escript au sepulchre
non pas d'un Roy, mais d'un bœuf ? puis en lisant ce
que s'ensuyuoit, se print a rire, & dict : Cestuy se vante
auoir ces choses apres sa mort, lesquelles il n'a eues en
sa vie, sinon lors qu'il les deueroit. Voyla doncques les
excellenz trophées de ceste abhominable volupté, de la-
quelle ledict Bossaert d'Aufnes maistrise, abusá contre
son honneur de la simplicité, & jeunesse de sa pupille, se-
lon que desia vous auons declaré. Dont aussi tout le peu-
ple de Flandre fut grandement scandalizé, de sorte que
sembloit que cest outrage ne coulleroit sans demonstra-
tion d'un notable resentissement, & sans bien grieve pu-
nition que s'en deuoit faire, sur la personne dudit Bossaert
d'Aufnes. Lequel pour euitier le dangier eminent qu'il
se voyoit appareillé s'absentá du pais de Flandre, & se trans-
porta vers la cité de Romme, ou il trouuá moyen de se fai-
re dispenser par le Pape Innocent, tant de ce qu'il estoit
diacre, comme de la proximite qui estoit entre luy, & ladi-
cte Marguerite, laquelle il esperoit par succession de tēps,
espouser. En quoy neantmoins il fut grandement deceu,
pour autant qu'estant en chemin pour retourner, il fut trou-
ue d'aucuns compaignons, qu'on auoit expressement en-
uoyé

uoÿé pour le poursuyure, & lesquels exploiterent si fidelement, la charge a eux commise, que pour attestation de leur deuoir, ils rapportèrent au pais de Flandre, la teste dudit Bossaert, laquelle fut publicquement monstrée de ville en ville, tant en Flandre comme en Henault, le tout affin que les autres par l'exemple manifeste de la vengeance faicte du susdict delict fussent a l'aduenir, moins temeraires, & mieux aduisez. Quant a Madame Marguerite, elle fut menée vers la Contesse Iehenne sa sœur, ou elle vesquut, & se portá tant honnestement, qu'on cogneut par effect, le blasme de la susdicte faulte, deuoir estre (comme defaict il estoit) du tout imputé a la malice dudit Bossaert, & non a aucune impudicité, ou lubricité de la jeune fillette, laquelle depuis deuint Contesse de Flandre, & gouerná autant prudemment & modestement, que autre Princesse de son temps, comme pourez veoir par les chapitres subsequents : ausquels nous la remettrons, & retournerons aux apprestes, esquelles le Roy Philippe de France, & le Conte Ferrant de Flandre se mettoient, pour recommencer leur guerre, plus cruellement que deuant.

Bossaert d'Auef
nes occis.

La teste de Bossaert d'Auefnes
portée & publicquement
monstrée es principales
villes de Flandre, & de
Hainault.

Comment le Conte Ferrant s'allia avec l'Empereur Otho, & de la journée de Bouines, dommageable aux Flamens, en laquelle fut prins prisonnier ledict Conte Ferrant, avec grand nombre d'autres Princes et Seigneurs.

CHAPITRE CIIII.



N l'an mil deux cents quatorze, Ferrant Conte de Flandre, preuoyant les grands affaires, qu'il estoit taillé d'auoir au moyen de la guerre par luy suscitée, contre le Roy Philippe de France, & que ses forces jointes a celles de ses confederéz, n'estoyent suffisantes pour attendre celles dudit Roy Philippe, enuoyá ses ambassadeurs vers l'Empereur Otho, qui lors estoit en la ville d'Aix, en Allemagne, & lesquels besoingnerent de sorte, que ledict Em-

L'an M.
CC. xiiii.

Alliance du C6
se de Flandre
avec l'Empereur
Otho.

pereur

Le Conte Ferrant assiege la ville d'Aire.

Le Roy de France se retire vers Tournay.

Descente de l'Empereur Ottho au secours de ceux de Flandre.

Remonstres de Cote Ferrant a ses soldats.

pereur promist, & les assura de se trouuer aussi tost que le Roy de France, au pais de Flandre, esperant y mener & conduire telle puissance de gens, que le Conte Ferrant & les siens auroient matiere d'effectuellement cognoistre, la bonne volunté qu'il auoit, de les secourir & assister. Dont lesdicts ambassadeurs le remerchièrent bien humblement, & retournèrent tost apres avec ces bonnes nouuelles, vers le Conte Ferrant leur Seigneur, lequel ayse au possible de vne tant bonne fortune, couceut merueilleusement bonne esperance de l'issue de ses affaires. Et de fait se mit en chemin, accompagné du Conte Renault de Boulongne, & de Guillaume Conte de Sallisbery, avec bonne troupe de gens de guerre, & assiegea la ville d'Aire. Dont neantmoins luy conuint assez tost leuer son siege, a raison de la descente du Roy Philippe de France, lequel venoit vers eux a grande puissance, & a laquelle les forces du dict Ferrant, ne se pouoyent aucunement egaler. Lequel pour ceste occasion, se retira plus auant dans Flandre, attendant la venue dudit Empereur Ottho : lequel estoit desia en chemin. D'autre coste, le Roy Philippe de France, aduertý du secours que venoit a ses ennemis, se ritira pour plus grande seurte de sa personne, vers le Tournesís, & se logea dans la ville de Tournay, ou il auoit delibere d'attendre le Conte Ferrant & les siens. Lesquels aduertis de l'arriuee dudit Empereur, & mesmes qu'il estoit desia pres Valenchienes, l'allèrent trouuer audit lieu, & peu apres estants toutes leurs forches vnyes & assemblees, tirèrent en bonne ordonnance vers Tournay, & firent leur logis a Mortaigne. Le Roy Philippe semblablement mit ses gens en bon ordre, & passa le Pont a Bouines, en intention de surprendre ses ennemis. Lesquels au moyen du grand nombre de gens qu'ils estoient & qu'a ceste occasion ils seroyent sans crainte de leurs ennemis, il pensoit trouuer ou endormis ou en desordre. A quoy neantmoins il faillit non pas a la bataille, qui survint tost apres, a tant cruelle qu'on s'cauroit penser. Auant laquelle toutesfois le Conte Ferrant pour encourager ses gens, leur fit vne remonstres particuliere, les priant & enhortant de grande af-

„ de affection, auoir l'honneur de Flandre deuant les yeux,
 „ considerants qu'ils n'estoyent la pour combattre aux gai-
 „ ges & soudé d'un Prince eltrâgier, mais pour la defense de
 „ leur propre Prince, de leur pais, de leurs femmes & enfans,
 „ & pour leur propre liberté. Le Roy Philippe en fit autant
 „ en son endroict, remontrant que la possession de sy longue
 „ gloire des armes, ils deuoyét tenir & recognoître de Dieu
 „ seul, lequel n'ayants offensé, ne conuenoit craindre auoir
 „ contraire. Qu'ils se deuoyent du tout confier en luy, tou-
 „ tesfois que par raison ils auoyent grande occasion de seu-
 „ reté, estants conduicts par capitaines, quy auoyét assez sou-
 „ uent monstre, combien ils surpassoyent leurs ennemis, au-
 „ quels s'ils obeissoient (comme tenus estoyent) tant par la
 „ discipline des armes, que par l'amitie, dont il leur estoyent
 „ redevables, a cause du bon traictement que d'eux ils auo-
 „ yent tousiours receu, ne deuoyent aucunement doubter ce
 „ jour de la victoire. Les chefs ayants de ceste sorte encourage,
 „ leur gens tant d'un coste que d'autre, firent marcher
 „ leur ost au petit pas, & s'étrechargerét peu apres d'une telle
 „ impetuosité, que la terre trebloit sous eux: mais premiers
 „ qu'ils iougnissent, vous eussies veu l'une des plus meruei-
 „ lleuses pluyes de fleches (dont les Angloys s'aydoient ex-
 „ tremement bien) que l'on vit oncques cheoir sur les François,
 „ dont plusieurs en moururent, & y demoura' beaucoup a-
 „ uant qu'aborder, mais aussy tost que les armées furent ac-
 „ couplées, se fit un chamaillis tant admirable, que les lieux
 „ circunuoysins en retentissoient comme forges, faisant in-
 „ continent par la champagne un harat de chevaux sans mai-
 „ stras, & fut la suerie sy horrible, qu'on ne la vous pourroit
 „ représenter par escript. Durant laquelle le Roy Philippe de
 „ France (qui toute ceste journée se porta tresuaillement)
 „ fut jecté par terre, & en merueilleux dangier d'estre meur-
 „ dry & foullé aux pieds des chevaux, quy lors suruindrét de
 „ tout costé, les uns pour le prendre ou tuer, & les autres a
 „ la defense, moyennant l'esfort desquels il fut remis a che-
 „ val, au grand confort & contentement de ceux de son par-
 „ ty. Lesquels de la en auant prindrent plus grand courage,
 „ & entrèrent pêle-mêle dans leurs ennemys, & desquels

Remontrances
du Roy de Fran-
ce a ses gens.

Memorable ba-
taille des Fla-
mens & Fran-
çois, pres le
pôt a Bouines.

Le Roy de Fran-
ce rue jus de
son cheval.

X x ils

ils furent receus d'une telle magnanimité, qu'il sembloit qu'on ne faisoit que commencer. Finablement l'effusion de sang fut si grande, & l'exécution de la bataille tant cruelle, qu'il ny avoit costes d'armes, caparaçon, harnois de cheual, enseigne, guidon ny autre devise, de quy on peut recognoistre les couleurs; estants toutes surtintes de vermeil, & estoient les soldats si meslez les uns avec les autres, que l'on ne les eust sceu discerner, sans leurs cris. Les uns reclamans Flandre, Hainault, Allemagne, Brabant, Lembourch, Angleterre, les autres France, & ainsi successivement selon la diversité du pais, dont estoient ramassez les soldats qui se trouvoient en ceste furieuse bataille. En laquelle, le Conte Ferrant, & plusieurs autres des principaux furent en fin nonobstant leur résistance, ruez jus de leurs cheuaux, lyez, prins, & garrotez, par la vertu & magnanimité du Roy Philippe de France, qui lors sembloit innincible & fier. Dont l'Empereur Ortho, les Ducs de Brabant, de Lembourch, les Côtes de Luxembourg de Salsbery & autres confederes dudit Conte Ferrant, furent tellement estonnez, que sans aucun ordre, ils se misrent à fuir, l'un decha, l'autre de la, de sorte que la journée demoura audit Roy Philippe, avec son grand honneur, & à l'admiration d'un chascun, tant mesmes que le nombre de gens que avoit conduit en Flandre l'Empereur Ortho, sans y comprendre les Flamens & Anglois, qui depuis se joindrent à luy, fut, selon que je trouue par histoires Authentiques, de cent quatorze mille hommes. Et le camp des François n'arriuoit à soixante mille. Avec le dict Conte Ferrant furent semblablement confutez prisonniers en ladicte bataille, les Comtes de Bologne, de Dampmartin, & de Sauoye, sans y comprendre plusieurs autres Princes & Seigneurs de Allemagne; qui aussi demourèrent au pouvoir des François. De la noblesse de Flandre, fut prins Messire Ernould de Audenaerde, & Baudouyn de Comines, & Jehan de Neelle chastelein de Bruges, demoura au conflict entre les morts. Et ceste est, la tant celebrée journée de Bouvines, laquelle cousta merveilleusement cher aux Flamens, enseignant tous Prin-

Le Conte Ferrant prins par les François.

Admirable magnanimité du Roy de France.

Fuite des Flamens & de leurs confederes.

Des Princes & Seigneurs qui furent prins en ladicte bataille.

ces a estre moins precieuz a l'entreprinse d'une guerre, & signamment, quand par necessite l'on n'y est constreint ny forché, comme veritablement n'estoit, le Conte Ferrat. Lequel eust assez mieux & plus seurement pourueu a ses affaires, s'il se fut contenté de l'offre, que le Roy Philippe luy fit faire en la dernière journée de Soisson, de l'estimation & valeur en deniers comptants, des deux villes qu'il quereloit, qu'il ne fit, en entreprenant une certaine guerre, sous esperance incertaine. Or pour retourner a nostre propos, Le Roy de France apres une victoire tant glorieuse se soumit, & confisqua a son prouffit, toute la Conté de Flandre, & ce fait retourna plain de gloire & triumphe, en son royaume de France, menant avec luy prisonniers, les Princes & Seigneurs que dessus. Et estant arriué en la Cité de Paris, ordonna que le Conte Ferrant (auquel il estoit merueilleusement courrouché) fut mis en une grosse tour (qu'il auoit nouvellement fait edifier) appelée la Tour du Louvre, ou il demoura prisonnier tant que vesquistent, ledit Roy Philippe, & Louys son fils, surnomé de Montpensier. Par quoy laissant pour quelque temps ledit Ferrant, nous vous declarerons les choses, que durant son emprisonnement aduindrent au pauvre pais de Flandre.

Les Princes ne
doibuent estre
hatis a l'entre-
prinse de quel-
que guerre.

La Conté de
Flandre confis-
quée par le
Roy de France

Le Conte Fer-
rant mis en
Paris dans la
tour de Lou-
vre.

Comment la Contesse Iehenne apres la bataille de Bouines se transporta vers le Roy Philippe a Paris, & de la main-leuée qu'elle obtint de sa Conté de Flandre.

CHAPITRE CV.

LA Contesse Iehenne, aptes auoir entendu le malheureux succes de la susdicte bataille, & mesmes l'emprisonnement du Conte Ferrant son mary, outrée de douleur au moyen d'une si grande perte, & beaucoup d'auantage, pour la crainte qu'elle auoit, que le Roy Philippe ne procedast criminellement contre ledit Ferrant, elle se mit en chemin, & diligentá tellement qu'elle arriua en la Cité de Paris, au mesme temps que les inhabitants d'illecq' faisoient les demonsttrations de l'esse, qu'on est

La Contesse
Iehenne se
transporte vers
France, pour
secours de son
mary.

Xx ij accou-

accoustumé faire en semblables occurrences, ce que seruit
a la pouure Princeesse, d'augmentation de regret & douleur.
Laquelle neantmoins, asses plus empeschée de ce que con-
cernoit la vye & santé de son mary, qu'en perdre temps a
inutiles lamentations & doleances, vint trouver le Roy
Philippe en son palais, deuant lequel se mettant a genoux,
ayant la larme a l'oeil, & la tristesse au plus profond de l'a-
me, elle parla quasý en ceste sorte. Sire, je cõfesse que mon
mary vous a griefuement offense, & qu'il a biẽ meritẽ d'e-
stre rigoreusemẽt puny, & encore que j'aye presque perdu
toute esperance de sa vie, sy est-ce que je me console aucu-
nement, en l'assurance que vostre clemence & benigntẽ
me donnent. Pour ceste cause, je vous supplie n'auoir tant
egard a ce qu'il a commis, qu'a vostre naturelle bontẽ, &
qu'en ceste cause ne vueillez appeller en conseil, vostre
courroux, quy est justement conceu, ains vostre inclination
benigne. Faictes que la grandeur de vostre couraige, sur-
monte vostre cholere, a laquelle les hõmes vulgaires mes-
mes ont accoustumẽ de donner lieu, tant es choses grãdes
qu'es bien petites. Regardez (sire) si vous sera bien leant, de
faire mourir cestuy, qu'aues espargnẽ en la fureur de guer-
re, & de retenir les biens de celle, quy de son bon grẽ les
vous offre, & desire d'estre vostre oblegẽe, mesmes de ne
tenir sa vie, que de vous, par l'assurance que luy pouez do-
ner de celle, de son Seigneur & mary. A quoy je vous prie
vouloir adiouster la persuation que j'ay, que Dieu vous a
donnẽ ceste ouerture, & maniere, pour desployer vostre
vertu, ensemble affin de mieux persuader a vn chascũ, que
vous preferẽs la volonte de bien faire, a toutes les offenses
contre vous commises, n'exerceant point seulement vostre
liberalitẽ, enuers ceux quy l'ont meritẽe, mais ausy a le-
droict de voz ennemis. Car combien que ce soit vne gran-
de louange de donner secours au milieu des grandes an-
goisses, sy estce, que la benigntẽ & clemence, ne donnent
point moins de lustre & ornement a vn Prince, & princí-
pallement quand il sera question de faire vengeance d'une
injure, quy luy aurã estẽ particulierement faicte. En outre,
sy ceux, quy pardonnent les fautes legieres, rapportẽt quel-
que

Harangue de la
Contesse Iehẽ-
ne au Roy de
France pour la
libertẽ du Cõ-
te Ferrant son
mary, ensem-
ble affin d'ob-
tenir main le-
uẽe de la Con-
tẽ de Flandre.

" que louange meritée: que fera ce de cestuy, qui reprimera
 " son ire, quand le crime est digne de mort? Vne telle bonté,
 " n'approche elle pas aucunement, a la clemence & miséri-
 " corde diuine? Vous pouez bien nous oster, siccome a mon
 " mary la vie, & a moy toutes mes possessions, mais cest a vous
 " maintenant de nous les donner de rechief, en ne les nous
 " ostant point. En quoy vous imitez la benignité de Dieu,
 " & serez semblable a luy en cest endroit. Car comme ainsi
 " soit, que vous ayes autant de puissance d'un costé, que d'au-
 " tre, il vaut mieus faire bien, que mal: & vous contentât, de
 " vostre puissance & autorité, mettre en oubly la rigueur
 " de laquelle vous pourriez presentement vsar, & penser seu-
 " lement, que la puissance vous est d'en haut octroyée, pour
 " conseruer & assister les humains, & quand vous auez faul-
 " ué la vye, & pardonné vostre mal talent, a plus de gens, cela
 " sera pour vous acquerir plus grande gloire & louange. Fi-
 " nablement (sire) laissant a part, la remonstrance, que quel-
 " que autre vous pourroit en cest endroit faire, que l'indig-
 " nation conceüe, au moyen des villes, qu'il se persuadoit luy
 " auoir esté, a grand tort, ostées l'at induict a vous mener gu-
 " erre, & non autre desir, qu'il eust de vous nuire & offenser.
 " Voycy la conclusion que jentends faire: soit que mon ma-
 " ry soit mis au dernier supplice, & que je demeure priuée
 " de mes terres, que ce me soit imputé, comme n'ayant def-
 " fendu ceste cause suffisamment: soit que nous soyons ab-
 " sous, de laquelle grace nous serons entièrement redeuables
 " a vostre bonté, & clemence: a la louange de laquelle ceuy
 " sera pareillement adjousté, que nous seulement vous nous
 " auez grandement oblegés: mais aussy vous montrerez a-
 " uoir mieus defendu nostre propre cause, que moy mes-
 " me. La Contesse parla quasy de ceste sorte, & puis se jectâ
 " de rechief a ses pieds, tâchant a son possible d'adouchir
 " & appaiser la cholere du Roy Philippe. Lequel la releuâ
 " incontinent, l'assurant que son intention n'auoit oncques
 " esté de faire mourir, le Conte Fortant, & ores qu'il eust esté
 " de cest aduis, qu'au nom, & a la requeste d'une tant vertu-
 " euse Princesse, il luy eust pardonné la vye, de laquelle ire-
 " rativement il l'assura, non pas toutesfois de la liberté &

Responce du
 Roy de France
 a la Contesse
 Iohanne.

deliurance d'audit Ferrant, pour ce qu'auparavant il vouloit aduifer, sous quelles conditions, il seroit plus expedient de le relaxer, accordant neantmoins a ladicte Contesse Ichenne, main-leuee & jouissance de la Conte de Flandre, moyennant tousiours, & a condition que ce seroit sous sa main, & selon que ses predecesseurs estoient accoustumez d'en jouir. Dont la bonne Princesse le remercia tres humblement, & puis retourna vers Fladre, ou elle eust plusieurs falcheries tant a raison du peu d'estime, que le peuple faisoit d'elle, que pour autant que toute le plat pais avoit este destruit des François, deuers laquelle Princesse, estoit en merueilleusement grand creux, Messire Arnould d'Audenarde, lequel moyennant grande finance, avoit un peu auparavant este delibure des prisons du Roy Philippe de France, & fut cobuy Arnould mesme, quy fit edifier le chasteil & sousor la ville de Lessines.

La Contesse Ichenne obtint main-leuee de la Conte de Flandre.

Messire Arnould d'Audenarde en grand credit vers la Contesse Ichenne.

Edification du chasteil de Lessines.

Comment l'Empereur Fredericq mit sous vos mains les terres de Flandre tenues de l'Empire, sous preste de de bons non faictes, & dont Henry Roy des Rommains accorda depuis main leuee ensemble de plusieurs acquestes faictes par la Contesse Ichenne, et signamment du terroir du Franc.

CHAPITRE CXL

Trespas de Madame Yde de Flandre.



Et apres ladicte bataille, morut Madame Yde fille de feu Mahieu de Flandre, Contesse de Boulongne, & femme de Renaut de Dampmartin & gist audit Boulogne. Elle laissa vne seule fille, appelee Meliantte quy fut mariee a Philippe, fils bastart du Roy Philippe de France, legitime toutesfois par le Pape. Lequel Philippe obtint la ville de Calais, & l'appliqua a la Conte de Boulongne, ou aussy il fit faire un bien fort chasteil, lequel est depuis venu merueilleusement bie a propos aux Anglois: il fit semblablement murer ladicte ville, & fut appelle *Philippus Parsatus*, cest a dire, fort velu: il fit semblablement faire les chasteaux de Boulongne, d'Ardelep, & plusieurs autres audit quartier. En l'un le mesme temps.

temps. Si comme on l'a fait en deux cents dix & huit, vres-
passa Madame Mehaut Roynne de Portugal, Douagiere de
Flandre femme de feu Philippe Conte de Flandre & de
Vermandois, laquelle pour assignatiō de son douaire, auoit
possede & jouy, de grande partie de la Contee de Flādra &
fut son corps enterre au monastere des Dunes, & depuis
translatē a Cleruaux prēz son mary. Audict an dix & huit,
l'Empereur Fredetico le second do donōm, fit par son conte
imperiale, mettre sous ses mains, toutes les terres, que la
Contesse Iehenne, tenoit du Saint Empire: & auoir Aloft,
les quatre mestiers, Wast, & les Ysles de Zelāde, & ce sous
pretext de debuoirs par ladicte Contesse obmis. Mais en lā
vint & yn ensuyuant, Henty Roy des Romains fils dudit
Empereur, leuant sa main desdictes terres, rappolla la susdi-
cte sentence imperiale de son pere, pour autant que luy es-
toit apparu, que obstant l'emprisonnement du Conte Fer-
rant son mary, n'auoir esté possible a ladicte Contesse, de fai-
re les susdits debuoirs, laquelle Contesse acquist audict an
dix & huit, la chastellenye de Cassel, & tout le droit que
soulloit appartenir a Michiel de Harnes, dans la ville dudit
Cassel, & ce par transport que luy en fit le susdict Michiel:
auquella Contesse Iehenne, donna pour recompense, &
par forme d'eschange, tout ce qu'elle auoit en Bruxelles,
Polinckhoue, Rubrouck, & Liederselle, & senta seul canōt
le fief de Guillebert de Harnes. Et en elle luy bailla aussi
quatre cents trois hents de melle auoine, sur les brieis de
Henry de Haelbroucq, & sur les brieis de Rogier de Waf-
schappelle, quatre cents hents de bled, quatre cents cini-
quante hents de melle auoine, & outre ce le bois de Grāt-
mont. Et fut es faictes ces choses en la ville de Lille, le Mer-
credy deuant la feste de Saint Simon & Saint Iude, pre-
sents, Hellin de Waurin Seneschal de Flandre, Pierre du
Breucq, Pierre de Gamans, Gobert de Bonduet, Yrfin de
Fretin, Hugues de Lessnes, Baudouyn de Bonduet, Ro-
gier d'Anotteret, Gherard d'Aushin, & Robert d'Ansin-
nes, tous seodaux dudit Michiel d'Harnes. Le statut
que audict an dix & huit, le sceut entre la Contesse Ie-
henne, & Iehan de Neelle fils de Jan chasteain de Bru-
ges

L'an M.
CC.xviii.
Dees de Ma-
dame Mehaule
Roynne de Por-
tugal; Doua-
giere de Flā-
dre.

Les terres de
Flādre tenues
du S. Empire,
mises sous les
mains de l'Em-
pereur Fredes-
ricq, a cause de
debuoirs non
faicts.

L'an M.
CC.xxj.

Acqueste de la
chastellenie de
Cassel par la
Contesse de
Flādre.

Statut
faict entre
la Contesse
Iehenne &
Iehan de
Neelle

Debat entre la
Contesse Ie-
henne, & Iehan de
Neelle chaste-
lain de Bruges

Appoinctement
entre la Con-
tesse Iehenne,
& ledict Iehan
de Neelle.

Transport du
Frâcquau prou-
fit de la Con-
tesse Iehenne,
pour la som-
me de 11143.
liures Paris.

L'an M.
CC. xxiiij

Mariage de
Madame Mar-
guerite de Flâ-
dre avec Mes-
sire Guillaume
de Dompierre.

L'an M.
CC. xxv.

ges, merueilleusement grand debat, dont neantmoins je ne scay l'occasion, trop bien que ladicte Contesse entra en sy estrange cholere, contre ledict Iehan de Neelle, qu'elle le fit par vn gentil homme de sa maison, prouocquer a combat mortel, mesmes que les gaiges fussent presentez, & acceptez, tant d'un costé que d'autre: toutesfois par l'entre-parler & a l'intercession de Philippe Conte de Boulongne frere legitime du Roy Louys: de Guillaume Euesque de Chalon, du Chancelier de Flandre, de Mahieu de Montmorency conestable de France, & de plusieurs autres, l'accord se fit de la maniere quy s'ensuyt. Scauoit, que ladicte Contesse auroit & retindroit pour soy, & pour ses successeurs a perpetuite, la chastellenie de Bruges (que nous disons maintenant le Francq) ensemble tous les fiefs, que ledict Iehan de Neelle tenoit de la Conté de Flandre. Et que moyennant ce ladicte Contesse seroit tenuë & obligée, payer audict de Neelle, la somme de vint & trois mille cinq cents quarantecinq liures, cinq sols huit deniers Paris, & ce a certains termes lors prins & assignés. Comme de tout & plus au plain peut apparoir, par les lettres qu'en l'an mil deux cents vint & quatre, en furent données au mois de Feburier, en la ville de Melun. Et peu apres, se practiqua conclut & arrosta le mariage, d'entre Madame Marguerite de Flandre soeur de la Contesse Iehenne, & Messire Guillaume Seigneur de Dompierre & de Saint Desir, quy fut fils de Guy de Dompierre, & de Beatrix fille d'Archembault de Bourbon, dont vindrent par succession de temps les enfans que voirez cy apres, en ce mesme temps. Le Pape Honorius confirma l'ordre des freres Hieromites en la mōraigne de Carmelo, ou Moys leulox conuerser, que nous appellons presentement, Freres de nostre Dame, dont le commencement & inueteur s'appelloit Albert, patriarche de Hierusalem. Et en l'an mil deux cents, vint & cinq, termina deuant le siege d'Avignon, Philippe, Conte de Namur, fils de Pierre Conte d'Acerrois & de Neuers, & de Madame Yolant de Flâdre sa femme, quy fut fille de Baudouyn Conte de Flandre, & d'Hainault, & soeur de Baudouyn Empereur de Constantinople, je ne scay a quy ladi-

& Con-

de Conté de Namur succeda , pour autant que long tēps apres suruindrent a raison d'icelle Conté plusieurs debats & differents . Deuant ledict siege d'Auignon morust semblablement, le Roy Louys de France, dict de Montpēlier, auquel succeda Loys son fils, depuis canonizé , jusques au temps duquel le Conte Ferrant de Flandre auoit continuellement esté detenu prisonnier a Paris, audict chasteau de Louure , dont neantmoins il fut depuis deliuré , selon que pourrez entendre par le chapitre subsequnt.

Des grands debvoirs que la Contesse Iehenne fit pour la liberté du Conte Ferrant son mary, & d'un certain cōcept de traite de paix ausdictes fins mis en anant , que les Flamens ne voulurent accorder, & comment a raison de ce ledict Ferrant demourra encore pour quelque temps prisonnier.

CHAPITRE CVII.



SS E Z tost apres le trespas de Loys de France, dict de Montpensier , Madame Iehenne Contesse de Flandre, practiqua plusieurs journées, & communications pour trouuer quelque ouuerture de paix , entre le nouuel Roy Louys, & la Roynne Blanche sa mere, avec les nobles de France d'une part, & Ferrant Conte de Flandre, & la Contesse Iehenne d'autre. Laquelle Contesse besoingna, & diligentera de sorte, qu'apres diuers parlements, fut finalement cōceu vn traite de la maniere que s'ensuyt . Premiers que ledict Conte Ferrant & sa femme s'obligeront por eux, & leurs successeurs a perpetuité, pardeuant le Pape de ne ja mais eux substraire de la seaulté & hommage du Roy de France: a peine que s'ils le faisoient, les Euesques de Laon & de Senlis, pourroyent en dedens quarante jours apres mettre l'interdict en Flandre , sans en faire relaxation jusques a ce qu'ils eussent amendé leur mesus & meffaict. Que la ville & forteresse de Douay, laquelle estoit lors en la main du Roy, y demeureroit encores dix ans, mais iceux expirez, elle retourneroit au Conte, saulf au Roy l'hommage, & souueraineté . Que les nobles & communaultez de

Concept de
traite de paix,
entre le Roy
de France, &
le Conte Fer-
rant de Fladre
lors prison-
niers.

Y y Flan-

Flandre, s'obligeroyent, qu'en euent que le Conte, la Contesse de Flandre, ou leur successeurs, contre vinsent a ceste paix, ils abandonneroyent le Conte, & tiendroyent le party du Roy, jusques a ce que de leur different, droict en auroit este fait, par les Pairs de France. Et s'il y auoit aucun noble quy refusast faire ladiete obligation, le Conte seroit tenu de le dechasser du pais, & de confisquer ses biens, mesmes de jamais ne le receuoir en grace, ne fust du gre & consentement du Roy, & de la Royne Blanche sa mere. Que jamais plus le Conte Ferrant en sa personne, ne s'esleueroit contre le Roy la Royne ne les successeurs Roys de France, & ne se substraheroit de leur obeissance, ny du seruice qu'il est obligé leur faire, tant & sy longuement, que le Roy luy feroit raison en la court des Pairs. Que les Contes & Contesses de Flandre, ne pourroyent jamais faire fortresses nouuelles, ny reparer les vieilles situées deça l'Escaut, sinon par le congé du Roy, & de ses successeurs Roys de France. Que moyennant ce, de toutes choses aduenues tant d'un costé que d'autre, ne seroit jamais rien demandé, mais que demoureroit entre eux vne bonne paix, ferme, & stable. Ce fut fait a Melun en l'an mil deux cents vint & cinc au mois d'April. Nonobstant quoy, le Conte Ferrant ne fut encores pour lors deliburé, & ne fortist ladiete paix son effect, au moyen que les nobles & communes de Flandre, faisoient difficulté d'eux submitre aux censures ecclesiastiques, & au dangier des autres obligations. Quy fut la cause que l'effect du susdict traicté, fut quelque espace de temps delayé, demeurant ledict Conte Ferrant prisonnier, auquel neantmoins fust, de la en auant, donnée vne plus gracieuse prison, qu'il n'auoit eu au temps des Roys Philippe, & Louys. Ou nous le laisserons, pour vous declarer, vn estrange inconuenient, que ce pendant suruint, a la Contesse Iechinne.

Raix de Melun.

L'an M.
CC.xxv.

Cam

Comment vn Heremite se disant (contre verité) Baudouyn Empereur de Constantinople, suscitá des merueilleux tumultes en Flandre, et cõment ledict Heremite fut examiné en la presence du Roy de France, & par iceluy banny & enchassé comme trompeur, & depuis pendu et estranglé par ordonnance de la Contesse Iehène, laquelle pour appaiser le murmure du peuple, quy maintenoit qu'elle auoit fait pendre son pere, enuoyá plusieurs notables personnaiges pour s'enquerre du fait dudit Empereur, & des nouuelles quy luy en fusrent rapportes avec autres choses memorables. CHAP. CVIII.



N l'an mil deux cents vint & cinc, y eust vn Heremite, natif de Chápagne, nommé Bernard de Rays, hõme fin & cauteleus, lequel s'adoptá soy mesme, pour estre le Côte Baudouyn de Fládre, Empereur de Constantinople, pere de la Contesse Iehène, & print occasiõ de ce faire, pour autát qu'il ressembloit de face ledict Baudouyn, selõ q tous ceux quy auoyét vëu l'un & l'autre, en rendoyét assure tesmoingnage, qui luy fut cõme vne entrée, & ouuerture, pour s'ingerer a la dignité de Seigneur & Conte de Fládre & d'Hainault. Parquoy ayát faict cõplot, avec aucús nobles d'Hainault, dõt (neátmoins je ne trouue les nös par escript, & ausquels despitait merueiHeusemēt d'estre sy lõg réps gouvernez d'une femme, lesq̃ls ausſy entendoýt les affaires de toute la maison dudit Baudouyn, dõnoit a entédre (cõme lesdicts nobles l'auoyét bié instruit) qu'il estoit cestuy Baudouyn, qu'apres auoir esté prins deuant la Cité d'Andrinopole, par le Roy de Bulgarie, estoit eschappé des prisons d'iceluy, au moyé d'aucuns marchans quy l'auoyent rachapté, & pour luy payé, vne tresgráde rançon. Et quád il fut venu en Valécienies, il persuadá cela estre vray, a autant qu'il y eut de Flamens & Héruyers, qui vindrent deuers luy pour deuifer. Et ayant receu grand argent d'aucuns d'eux, s'en allá plus outre, & vint vers Lille. La ou ausſy il amassá des grands deniers, sous ceste couleur qu'il estoit le susdict Baudouyn. Et concheuát desja quelque esperance qu'il paruiédroit quelque fois a la Conté, & qu'il recõpenseroit ceux qui luy auoyét faict du bié, il se mit en chemin pour aller a Bruges, estant grádement accõpagné de plusieurs de Fládre, & d'Hainaut.

D'un Heremite
re quy sous le
nom de l'Em-
pereur Baudouyn
fit en Flán-
dre aucunes
nouuellitez.

Les Flamens
suyuent & as-
sistent d'argent
ledict Heremite,
pensants
qu'il fust leur
Seigneur.

Y y ij

Estant

Estant arriué a Courtray, il fut la semblablement receu avec applaudissement, par les Flamens d'illec, lesquels auoyent desja esté deceus, du susdict faux bruit, que ce galád estoit l'Empereur Baudouyn. Au moyen de quoy, ceux qui se sentoient obligez audict Empereur, ou pour le bon traitement qu'il leur auoit faict, ou pour quelque autre benefice, qu'ils auoyent receu de luy, accouroient pour venir veoir cest Empereur forgé a la haste. Auquel endroit l'on peut bien declarer, que nulle autre chose les esmouuoit a ce faire, que l'inconstance naturelle, par laquelle tout peuple appete ordinairement & desire, toutes choses nouvelles, outre ce que aydoit grandement a ce trompeur la ressemblance qu'il y auoit de sa face, a celle du susdict Empereur. Car ceux mesmes quy auoyent esté fort familiers audict Empereur, tenoyent pour certain, que cestoit luy sans autre, ne faisants aucune difficulté, de l'affirmer aux autres voires avec serment, & quand le bruiet de ce que dessus fut venu, jusques a Bruges, & a Gand, toute la multitude d'illec allá au deuant de luy, rapportant a la grace & bonté de Dieu, vn tel salut, qu'elle n'attendoit aucunement. Faisants au reste bon recueil a ceste homme, a cause de l'Empereur, qu'ils pensoient estre luy mesme. Ce rustre se faisoit porter en vne lictiere par les rues, & estoit en tel equipage, qu'on eust dict, que cestoit veritablement vn Empereur, tellement que rien ne luy defailloit, car la multitude furnissoit tout ce, que luy estoit necessaire pour se móstrer, tel qu'il se disoit estre. La multitude accouroit vers luy par bandes & troupes, & chascun luy faisoit bien venuë, comme l'on at acoustumé de faire, quand quelque chose est demeurée, en saulueté contre toute esperance. Ce bruit vint jusques aux oreilles de la Contesse, laquelle de ce grandement troublée, & perplexe, & craindant d'estre deboutée de ses Contéz de Flandre & d'Hainault, se retirá pour remede & assistance, vers le Roy Saint Louys, le quel a la requeste tresinstante d'icelle Contesse, vint a Peronne ou il mandá le susdict personnage vers luy. Lequel suyuant ce, vint vers ledict Peronne, accompagné de gráde noblesse desdictes païs, & accoustré en Empereur, a la maniere de Grece,

Le Roy Saint
Louys manda
ledict Heremi-
se vers luy en
la ville de Pe-
ronne.

Grece, avec vn lóg manteau de pourpre. Et estant venu en la preséce du Roy, il fut, deuant tout le conseil, par l'Euesque de Beauvais interrogué, sur plusieurs articles, auxquels il respondit assez pertinamment. Non pas toutesfois aux trois derniers, que sur la fin luy furent proposez, & lesquels estant tel qu'il se disoit estre, il ne deuoit aucunement ignorer. Scauoir, le lieu, auquel il auoit faict seaulte & hōmage, au Roy Philippe le conquerant, de la Conté de Flandre. Le lieu, & de quy il auoit receu l'ordre de cheualerye & finalemēt le lieu, & le jour, auquel il auoit espousé Madame Marie de Champagne sa femme. Et pour autant qu'il demanda jour de delay jusques au lédemain, pour respondre aux susdicts articles, le Roy & les siens s'apperteyrent assez legierement que le galand auoit cōploté de paistre les hommes de bourdes & mensonges, voire d'autant plus, qu'estoit assez facile a noter, la peine qu'il auoit pour tenir bonne contenance, & farder s'on langage. Outre ce, que ceux quy regardoyent de plus pres aux port & gestes de ce contrefaict Empereur, trouuoient en luy, faute de ceste bien seance & bonne grace, qu'ont coustumiérement ceux quy sont bien nays, & bien nouris. Au moyé de quoy & pour plusieurs autres conjectures qu'on voyoit en luy, le Roy le tint pour trompeur, & pour telle dechassa de son royaume, ordonnant qu'il cust a en vider en dedens trois jours, & ce sous peine de la hart. Qui fut cause, que tous les nobles & autres, quy l'auoyent suyuy & accompagné, l'abandonnerent incontinent, & tirá ce contrefaict Empereur soy troiziesme vers Valencienes, & de la en Bourgoinne, ayant toutesfois auparauant changé ses accoustrements imperiaux, en ceux d'un pouure & simple marchát, lesquels neantmoins ne le sceurent tant bien desguiser, qu'il ne fut recognu & prins par Messire Eucard de Chastenay, lequel le fit mener a Lille, vers la Contesse Iehenne: en preséce de laquelle, voyant que son faict estoit decouvert, & esperant par tel moyen mouuoir la Princeesse a compassion, & impetrer d'elle misericorde, apres s'estre prosterné a ses pieds, il confessá son eas de ceste sorte. Madame, vous poues veoir en moy, comme fortune se joue

Ledit Heremite ne scait respondre a trois poincts dont il est interrogué & pour cest comme trompeur banny du royaume de France.

Ledit heremite prins en Bourgoinne & mené vers la Contesse Iehenne.

Y y iij des

Parangue du-
di& Heremite
a la Contesse
Iehenne, en de-
mandant par-
don de sa lus-
di&e trôperie.

des meschâts, tels, que je suis: aussi ne fut il oncq veu, que »
vn peché n'attirast vn autre, & vn second plusieurs, tât que »
a la fin, ils aueuglissent sy bien les personnes, que (pensant »
aller le grand chemin) tombent en la fosse, qu'ils ont faict' »
eux mesmes, dont ils ne se peuuent plus apres retirer. Ce »
quy se manifeste presentement en moy, quy, contrauenant »
a l'estat, & profession que auoye faict, d'homme religieux »
& Heremite, me suys du tout donné a la mondaineté, & »
de ce non content, aduertý de la grande similitude qu'il »
y auoit, a la proportion de mon corps, & lineature de mon »
visage a ceux de l'Empereur Baudouyn, me suis tellement »
chattouillé moy mesme, que formalisant desja en mon »
cerueau, vne dignité quy ne m'appartenoit, auoye delibe- »
ré vous priuer des possessions que justement & a bon til- »
tre vous possédez, pour contre droit & iniustement m'en »
inuestir, n'estant (a mon aduis) necessaire, d'autrement »
vous deduire le succes de ma trahyson & faulseté, veu que »
vous mesmes le scauez autant bié, que je scauroye le vous »
declarer. Oray je quasý esté cause de grand mal, & scáy »
bien que je merite vn tourment noppareil. Toutesfois »
(Madame) je vous supplie, que (preferant pitie & miseri- »
corde, a la rigueur de vostre justice) il vous plaise me par- »
donner, faisant cognoistre par cela a vn chascun, que d'au- »
tant que mon peche est grief, vostre clemence & bonté est »
extreme, quy vous tournerá a grande louange. Demeurát »
a jamais plus tenu de prier Dieu pour vous, que nul autre »
quy viue, d'autant que vous m'aurez plus pardonné, & re- »
mis. La Contesse Iehenne, apres que le susdict Heremite,
(que les hystoires appellent Pelerin a la longue barbe) eust
ainsý de sa propre volonté, confessé son mesus, elle le fit,
par l'aduis de ceux de son conseil, pēdre en vn haut gibet,
a la veuē de tout le monde, en la ville de Lille. De laquel-
le execution procedá depuis, entre le peuple vn merueil-
leux murmure, au moyē que chascun disoit, & maintenoit
que ladicte Contesse auoit faict pendre son pere, & fut cest'
opinion & persuation tellement enrachinée es coeurs de
la multitude (comme encore moy mesme j'ay ouy, & entē
du estre pour le present, & signamment en la ville de Lille)
que

La Contesse
Iehenne faict
pendre le sus-
dict Heremite.

Le peuple de
Flandre mur-
mure contre la
Contesse pour
ladicte execu-
tion, disant
qu'elle auoit
faict mourir
son pere.

que par nulles excusations, on ne les en pouoit diuertir, de sorte, que la Contesse mesme (ne fut esté la confession du dict Heremite, faicte en sa presence) en eust pareillement doute. Tant estoit effrontée l'assurance & affirmation de ceux, quy estoient de cest' opinion. Pour laquelle estaindre & aneantir, & successiuelement affin de faire cesser le susdit murmure du peuple, ladicte Contesse enuoya diuers prestres, tant vers Constantinople, que Andronopole & ailleurs, pour eux informer de la mort de sondict feu pere, ensemble pour entendre comment, en quel lieu, & quand il trespassa. Lesquels, certain temps apres, rapporterent fidelement a ladicte Contesse, que ledict Empereur Baudouyn son pere auoit esté prins deuant la ville de Andrinople, & enuoyé par Iohannin Roy de Bulgarie a la Royne dudiect Bulgarie, quy se tenoit en vne ville nommée Ernoé. Et qu'a la persuation de ladicte Royne estant iceluy Roy retourné en son païs, il auroit faict decoupper & mettr' en pieches le susdict Empereur Baudouyn, sous pretexte que ladicte Royne sa femme, auroit accusé ledict Empereur, disant contre verité, qu'il luy auoit proposé, & promis la faire couronner Imperatrice, sy auant qu'elle le voulist deliburer de prison, & venir avec luy vers la Cité de Constantinople. Que le corps dudiect Empereur, auroit depuis esté jeté aux chiens par pieches, lesquels neantmoins n'y auroyent touché. Que le lieu, ou ledict corps auroit esté jeté, auroit a la veüe, & non sans grande admiration d'un chascun, esté enuironné d'une merueilleuse clarté. Que les pieces d'iceluy corps auroyent esté recueillies par vne femme de Bourgoingne, quy demouroit audit lieu d'Ernoé, & tenoit hostellerie, laquelle femme en l'honneur & pour reuerence du nom Latin, auroit faict enterrer ledict corps. Finablement qu'en mettant dans terre le susdicts corps, le mary d'icelle femme, auroit miraculeusement esté guerry, d'une fiebure dont il auoit esté long temps trauaillé. Lesquelles choses fuist rapportées par diuers personnages, de bonte conscience, & dignes de foy, entre lesquels se trouuerent vn prestre, nommé Les Euesque Mutelanése, & vn religieux Benedictin appellé Messire Albert docteur en theologie, lesquels

La Contesse
lehenne enuoye
diuers prestres
& autres pour
s'informer du lieu
& de l'estre de
l'Empereur
Baudouyn son
pere.

Mort de l'Empereur
Baudouyn Conte de
Flandre.

Le corps d'iceluy
dict Empereur
jeté aux chiens,
lesquels par miracle
& ordonnance diuine,
n'y veulens
toucher.

Cestuy qui
enterra le corps
de l'Empereur
Baudouyn miraculeusement
deliburé de la
fiebure, quy se
trouilloit.

lesquels auoyent passé le mesme an par ladicte ville d'Ernoe, & logé chez la susdicte femmelette de Bourgoingne. Voyla doncques comment l'entreprinse folle & outrecuydée de ce pouure homme, eust vne fin malheureuse, & le moyen par lequel on fust assuré au pais de Flandre du trespass & pitoyable mort du Bon Empereur Baudouyn, le quel fut merueilleusement pleuré & regretté, par tous ses vassaux & signamment par la Contesse Iehenne, qu'estoit d'autre costé en grand soucy pour le tant long emprisonnement du Conte Ferrant son mary, le quel fut finablement deliburé par le moyen, & aux conditions que vous entendres presentement.

Comment le Conte Ferrant fut deliuré des prisons de France, ou il auoit esté douze ans continuels : de la guerre qu'il fit au Conte de Namur, du trespass dudit Conte Ferrant, avec autres choses memorables.

CHAPITRE CIX.

L'an M.
CC.xxvii
Le Conte Ferrant deliuré des prisons du Roy de France esquelles il auoit esté plus de douze ans continuels.



En l'an mil deux cents vint & sept, le Conte Ferrant de Flandre fut a la tresinstante poursuyte de la Contesse Iehenne sa femme, deliburé de la prison de France, en laquelle il auoit esté detenu douze ans & demy, continuels. Et fut le Roy Saint Louys, lors content de la promesse que luy firent le Conte Ferrant, & la Contesse sa femme tant seulement, d'entretenir le traité cōceu deux ans auparauant, de la mesme sorte que cy dessus l'auôs couché par escript, a quoy ledict Saint Louys condescendit d'autant plus volontiers, qu'il seauoit, que nonobstant route la poursuyte, qu'a ces fins, ladicte Contesse auoit fait, vers les nobles & communes de Flandre, lesdicts de Flandre, ne vouloyent aucunemēt se submettre au susdict traité, trop bien estoient contents & offroyent de secourir le Conte, de telle somme de deniers qu'ils pourroyent fuir, comme de fait ils firent, laquelle deliurance fut semblablement (comme je croy) de tant plus hastee, que ledict Saint Louys esperoit moyennant icelle, d'estre aydé & secouru

couru dudi^t Ferrant & des Flamens, en vne cruelle bataille qu'il attendoit, contre Pierre Côte de Bretaingne, joint au Roy d'Angleterre, avec lesquels s'estoit pareillement alié Philippe Conte de Boulongne, oncle dudi^t Roy Saint Louys, lequel Philippe neantmoins, considerant que ledit Conte Ferrant apres sa liberté, fauorisoit ledi^t Saint Louys, laissant sa premiere alliance, se mit du party d'iceluy. Le Conte Ferrant, peu apres son retour en Flandre, assembla gens pour courir sus au Conte Henry de Namur, pour autant qu'il pretendoit a ladi^{te} Conté, mais par l'entrepayer de Philippe, Conte de Boulongne, & de plusieurs autres Princes, & grands Seigneurs, leur different fut appaisé par appoinctement, suyuant lequel fut dict & accordé, que ledi^t Henry retiendro^t la Conté de Namur, & que Ferrant au nom de la Contesse Iehenne sa femme, auroit la Conté de Vienne, avec Golefmes, & tout ce que feu^t Marie Contesse de Namur, & duchesse de Louvain, fille de feu le Roy Philippe, & soeur dudi^t Philippe Conte de Bouloingne souloit tenir audi^t Namur, pour le droit de son douaire, & le sur-plus dudi^t Namur demeureroit au Conte Henry & a sa femme, comme aussy feroit toute la terre, que souloit tenir en Flandre & Hainault, Philippe jadis Conte de Namur, frere de Marguerite Contesse de Vienne, qu'estoit marié audi^t Henry Conte de Namur. Enuiron ce mesme temps le Roy Saint Louys de France, conformement a l'ordonnance & derniere volóté du Roy Louys son pere, infeoda & erigea en Conte, a Robert son frere, les villes d'Arras, Saint Omer, Aire, Lens, Bapalmes, Hesdin & leurs appartenances, au moyen de quoy, ledi^t Robert, fut le premier Conte d'Artois, car combien que ledi^t feu Louys jouissast desdictes villes, sy est-ce qu'il ne s'en attitula jamais Conte. Lequel Robert fut depuis marié a Madame Mehault, fille d'Henry deu^{zi}esme de ce no^u. Duc de Brabant, de laquelle il eust vn fils nommé Robert. Et porta ledi^t Robert le premier, les armes telles que encóres portent les Contes d'Artois. Scauoir les armes de France a difference de Castille, pour ce que Madame Bláche sa mere estoit de Castille. Le Conte Ferrant de Flandre,

Le Conte Ferrant fait guer^{re} a Henry Côte de Namur.

Appoinctem^{ent} entre le Conte Ferrant, & le Conte de Namur.

Erection, & infeodation de la Conté d'Artois.

Robert frere du Roy Saint Louys, premier Conte d'Artois.

Armes des Contes d'Artois.

L'an M.
cc. xxxij.
Trespas du Cō-
te Ferrant.

L'an M.
cc. xxxij.

La Contesse
Iehenne enuo-
ye plusieurs ba-
rons de Flādre
contre les Sta-
dinghen.

La ville de Dū-
kercke vendue
a l'Euesque de
Cambrai a cō-
dition de re-
tour, a la Con-
tesse de Flā-
dre apres la
mort d'iceluy
Euesque.

dre, lequel depuis sa relaxation de prison n'auoit oncques eu jour de santé, trespasà a Noyon de la gravelle sans hoir de son corps, en l'an mil deux cents trente deux, & fut en-terré en grand magnificence, par ordonnāce de la Cōtesse Iehenne sa femme, a Marquette lez Lille, que ladicte Cōtesse auoit puis naguerres faict fonder. Et peu apres le trespas dudit Conte Ferrant, sicōme en l'an mil deux cēts trēte trois, la Contesse de Flandre, enuoya l'aduouē de Bethune & Guillaume son frere, Messire Arnould d'Andenarde Messiere Raesse de Gauere & Arnould son frere, Messiere Thiery de Beuere chastelain de Dixmude, Messiere Guilbert de Sortenghiē & plusieurs autres, avec trois cēts ce-uaux, & six cents hōmes de pied, tous Flamens & Hannuyers, au secours de Messiere Henry Lātgraue de Thuringe aisné fils d'Henry Duc de Brabāt, lequel estoit esleu de plu-sieurs autres Princes, illec estants pour chef & conducteur de l'armée, quy s'estoit mise sus, pour cōbatre certains here-tiques en l'Eueschie de Bremen, lesquels on appelloit Sta-dinghen, & lesquels fusrent asses tost desconfits. Desquels les ancienes chroniques racomptēt choses admirables, & entre autres, que quand on les tuoit, il ne faisoient aucun cry, ains se taysoient sans dire mot, & outre ce qu'on ne vo-yoit goutte de sang yssir de leur corps. Audict an deux cēts trente trois, *seria sexta ante festum beati Dionysij*, Laurens d'E-spagne chevalier vendit en la ville de Lille a l'Euesque de Cābray, la ville de Dunkerke, a condition qu'apres le trespas dudit Euesque, icelle ville viendrait a la Cōtesse Iehē-ne & ses hoirs, sans que les successeurs d'iceluy Euesque, y-pourroyent jamais rien quereller ny demander. Et enuiron ce mesme temps, s'edifierent par tout le païs de Flādre plu-sieurs cloistres & monasteres de Iacopins, freres Mineurs, de grises Seurs & de Beghinaghes, le tout moyennāt l'ay-de & consentement qu'a ces fins y donnit la Contesse Iehenne de Flandre.

Comment la Contesse de Flandre se maria, a Thomas de Saroye, de la guerre que ledict Thomas eust contre le Duc de Brabant, le-quel il print prisonnier, du trespas de ladicte Contesse, & d'autres choses memorables.

CHAPITRE C X.

LES



Es barons, nobles, & cōmunes de Flandre, voyants que Madame Iehenne leur Princesse, n'auoit aucun hoir de son corps, & qu'elle estoit encore & bōne disposition d'aage pour en pouoir auoir, luy misrēt en volōtē, de soy remariar pour la secōde fois, & suyuant ce, practiquerent le mariage d'entre ladiēte Dame, & Thomas de Sauoye, quatriēme fils de Thomas Conte de Sauoye, & de Madame Marguerite fille du Seigneur de Fustenays. En contractant lequel mariage, (la cōsommatio, & solemnité duquel, se celebra en l'an mil deux cents trente six) fut pourparle, & du cōsentement de Madame Marguerite de Flidre soeur de ladiēte Cōresse Iehēne accordē, qu'en euent que icelle Contesse Iehenne morut deuant ledit Thomas, le susdict Thomas auroit, & recheueroit par an, sur le domaine de Flandre six mille liures Parisis monnoye d'Artois, & outre ce, leueroit tout ce que viēdroit du tōlieu de Mōs en Hainault, mais peu apres le deces de ladiēte Cōresse, Madame Marguerite lors Dame de Flandre, rachapra dudit Conte Thomas, icelle obligatiō, moyennant soixante mille liures tournois, qu'elle luy fit deliburer, comme plus a plain vous voirēs cy apres. Le treuve que ce Thomas, auoit plusieurs freres, & vne soeur tous de grand nom, & estimation, sicōme Anne depuis Conte de Sauoye, Guillaume Euesque de Liege, Boniface Euesque Belicēse, & Catharine femme de Iean Cōte de Prouence. Laquelle eust quatre filles, dōt la premiere nōmée Marguerite fut mariēe a Saint Louys Roy de France, l'autre a Henry Roy d'Angleterre, la tierce a Charles Conte d'Anjou, frere au Roy de France, & la quarte a Richart Conte de Cornuaille, frere au Roy de Angleterre. Et estoit ledict Thomas Prince vertueux doux sage & debonnaire, & quand la necessitē le requerroit, vaillant & treshardy, il eust plusieurs fescheries auant pouoir estre receu a faire hommage du Roy S. Louy: toutesfois il fut en fin a ce admis, moyēnant l'approbatiō & ratification qu'il fit du susdict traitē, fait entre luy & Madame Blanche sa mere d'une part, & le Conte Ferrant, & la Contesse sa femme d'autre, en l'an mil deux cents vingt & cinc.

La Contesse
Iehenne se re-
marie a Tho-
mas de Sauoye
L'an M.
cc. xxxvi.

Z z ij Et

Le Conte Thomas assemble gens pour secourir l'Euesque de Liege son frere, contre le Duc de Lembourch, lequel de ce a'uetry fait paix avec ledict de Liege.

Et peu apres, estant retourné en Flandre, & par tout recen comme nambour & mary de la Contesse Iehenne, il assembla grosse puissance, pour secourir Guillaume de Sauoye son frere, quy estoit Euesque de Liege, & lequel estoit grandement trauaillé par guerre, de Waleran Duc de Lembourch, lequel V Vallerant neantmoins, estat aduerty du secours que le Conte Thomas de Flandre amenoit audict Euesque, fut content de s'accorder & faire paix avec le susdict Euesque, au moyen de quoy le Côte Thomas retourna en Flandre, sans autre chose faire. Au mesme temps, le Roy Henry d'Angleterre, donna liberte & saulscoduit aux marchands de Flandre & d'Hainault, de pouuoir hanter & frequenter, avec leurs marchadises, par tout le royaume d'Angleterre. Ordonnant que ce saulscoduit demourast en vigueur, ores que les Conte & Contesse de Flandre, administraissent secours, & se missent au seruice des Roys de France, es guerres qu'ils ont contre Angleterre, sy auant que lesdicts Conte & Contesse, ne fissent guerre en leur nopriue a la couronne d'Angleterre, dont furent expediees lettres a V Vynzor, en Decembre le vint & vniemesme an de son royaume. En l'an mil deux cents quarante, la ville d'Ypre fust bruslee & quas y du tout consommee, par feu de meschef, quy y suruint sy vehement que mesmes la plus grand part de l'Eglise de Sainct Martin fut arsee & ruinee, & en l'an ensuyuant, qui fut quarante vn, Jean d'Auesnes fils bastart de Madame Marguerite de Flandre, legitimé toutesfois par nostre Sainct pere le Pape, se maria avec Aleyt, fille du Conte Florens d'Hollande, & furent les nocces tenuës & celebrées en tresgrande magnificence, en la ville de Dordrecht, & de la en auant ledict Jean d'Auesnes se retira, & estrangea de la maison de Flandre, demourant en continuelles guerres & differents contre ses freres legitimes, selon que plus amplement vous voirez cy apres, il eust de ladiete Dame Aleyt vn fils nomme Jean, lequel par succession de temps, fut Conte d'Hainault, d'Hollande, & de Zelande. Audict an quarante vn, trespassa Guy Seigneur de Dompierre & de Sainct Desir, mary de Madame Marguerite de Fladre, de laquelle il laissa trois fils, sçauoir Guillaume,

Saulscoduit pour les marchands de Flandre & d'Hainault en Angleterre.

L'an M. CC.xl.

La ville d'Ypre bruslee par feu de meschef.

L'an M. CC.xli.

Mariage de les d'Auesnes fils de Madame Marguerite de Flandre avec Aleyt fille du Conte d'Hollande.

Trespas de Guy ou Guillaume de Dompierre mary de Madame Marguerite de Flandre.

Ilauue, Guy & Jean, & vne fille Marie, Abbesse de Flines, & fut enterré audict Flines, dans le cloistre que Madame Marguerite y auoit fondé. Peu apres sicomme en l'an mil deux cents quarante deux, Thomas de Sauoye Conte de Flandre & d'Hainault, mit sus vne grand puissance, & vueilant entrer en Brabant, passa par le monastere de Ninjue, ou ses gens firent de grands degasts, & marchant outre, paruint jusques a Bruxelles, qu'il print & dans icelle le Duc Henry de Brabant & Godefroy son frere, lesquels il fit conduire avec luy vers la ville de Gand, ou depuis il fit paix avec eux, je ne sçay toutesfois sous quelles conditions, & encore moins le motif de ceste guerre. Laquelle appaisée, Madame Iehenne Contesse de Fladre, & d'Hainault, mourut sans hoir de son corps, & fut enterrée en l'an mil deux cents quarante trois a Marquette, prez le Conte Ferrant son premier mary. Le trouue que du temps de ceste Contesse Iehenne, le Pape *Inocentius quartus*, voyant que les ordres des Iacopins & freres Mineurs, faisoient grand fruit entre le peuple, & que les freres Heremites de Saint Augustin ne prouffitoient a personne qu'a eux mesmes, pour ce qu'ils viuoient solitairement trois ou quatre ensemble, comme heremites en diuers lieux, & sous diuers habits: ordonna que tous vinssent sous vn general, & que tous vesquissent sous vne professiõ, tiltre, & habit, & qu'ils preschassent au peuple cõme les autres mendiants. Mais pour la difficulté qu'il trouua esdicts religieux, lesquels aymoyent mieux demeurer en leur contemplation, & solitude, que beaucoup hanter le monde, ledict Pape se desista de son cõcept. Lequel neantmoins fut peu apres par le Pape Alexandre, son successeur effectue, & mis en execution. Les freres en question prindrent leur commencement sous Monsieur Saint Pol Heremite, Saint Anthoine, & autres, & viuoient en deserts retirez du monde sans aucun ordre ou rigle. Mais Saint Augustin deuenu prestre, fit vn cloistre en Affricque, sur vne place que Valerius luy auoit donnée, ou il assembla plusieurs tels heremites, auxquels il bailla rigle, & maniere de viure, avec accoustrements tels, qu'ils porteroient encore pour le present, ordonnant aussy qu'ils preschassent

L'an M.
CC.xlii.

Guerre de Flandre & de Brabant.

Le Duc de Brabant prins par le Conte de Flandre.

L'an M.
CC.xliij.
Trespas de la Contesse Iehenne de Flandre.

Commencement de l'ordre des Augustins.

au peuple: mais par la destruction que les wandalles firent en Affricque, des cloistres & Eglises, furent lesdits religieux enchaslez & espars par tout le monde, & allérét viure en diuers lieux, chascun selon sa deuotion, continuants en telle maniere de viure, jusques au tēps de ce Pape, ou pour mieux dire, du Pape Alexandre son successeur.

Comment Madame Marguerite succedá en la Conté de Flandre, & Madame Iehenne, sa soeur, & des cloistres que ladiſte Dame Marguerite fondá en Flandre, ensemble comment par permission diuine la Contesse de Henneberch accouchá de trois cents soixante trois enfans d'une portée.

CHAPITRE CXI.



MARGUERITE, seconde fille de Baudouyn Empereur de Constantinople, Conte de Fládre & d'Hainault, succedá par le trespas de Madame Iehenne sa soeur esdiſtes Cōtez de Flandre & d'Hainault, elle fut en son jeune temps, fiáccée a Arnould Duc de Cornuaille, mais pour ce qu'il mourust jeune, le mariage n'alla point auant. Depuis la pouure Dame cheut, par la tromperie de Bossaert d'Auesnes son tuteur, en l'inconuenient qu'auiez veu cy dessus, au moyen duquel, elle eust deux bastards Iehá d'Auesnes, depuis Côte d'Hainault, & Baudouyn d'Auesnes Seigneur de Beaumont. Elle se mariá aucun temps apres, a vn noble hōme de Champagne, appellé Guillaume ou Guy de Dōpiere, fils de Guillaume de Dompierre & de Beatrix fille de Archébault de Bourbon, dont elle eust selon que cy dessus auons declaré trois fils & vne fille, sçauoir Guillaume, Guy & Iean, & Marie. Guillaume gouuerná vn temps avec la Contesse sa mere, & s'attitulá Conte de Fiandre. Il fut marié a Beatrix fille de Henry Duc de Brabát, quy gista Groeninghe, lez Courtray qu'elle fondá; & puis trespássá Guillaume sans hoir de son corps en l'an mil deux cents cinquátesix, & est enterré a Flines lez Douay. Guy depuis Côte de Flandre, & Iean fut Seigneur de Dompierre, Marie fut Abbesse de Flines & trespássá lediſt Guy de Dōpiere, mary de ceste

Des enfans de
la Contesse
Marguerite de
Flandre.

Mariage de
Guillaume de
Flandre avec
Madame Beatrix de Brabát.

ceste Contesse Marguerite, en l'an mil deux cents quarâte vn. Ceste Princesse estoit merueilleusemēt magnanime, et de grand coeur, comme elle a assez manifestemēt déclaré par la constance de laquelle elle a tousiours résisté, aux fa-
 scheries qu'en son temps luy ont moyenné, ores ses enfans illegitimes, ores les nobles, & ores son peuple de Flandre, cōme pourrez asses plus amplement cognoistre, par le discours des actes de ceste Princesse. Laquelle estoit vefue, lors qu'elle vint au gouvernement de Flandre, & laquelle est celebrée des tous les historiens de Flandre, pour trois excellences qu'estoyent en elle. La premiere, que ce fut la plus noble Princesse, qu'on eust lors peü trouver au demourant du monde: la deuxiesme, qu'elle estoit la plus riche de la couronne, la troiziesme, que c'estoit la plus courtoise & honneste Princesse, qu'on cognut lors, tenant estat non de Contesse, mais d'une Royne tresriche & opulente. Ladite Contesse ne dementant aucunement la tresillustre tyge, d'ou elle estoit yssüe, ny la vertueuse inclination de ses predecesseurs, vers l'aduanancement du seruice diuin, fonda en son temps, le monastere de Flines lez Douay de religieuses de l'ordre de Saint Bernard: elle fonda pareillement Nonnebosche pres de Gand, & Vanderhaghe, es quatre mestiers, dudit ordre de Monsieur Saint Bernard. Et fit edifier les Iacopins de Gand, Bruges, Ypre, Berghes, Saint Winoch & ceux de Lille, & Madame Beatrix de Brabant femme de Guillaume de Dôpiere, fils aîné de ceste Contesse Marguerite, fonda le cloistre de Groeninge, lez Courtray, & y mit des religieuses du mesme ordre, de Monsieur Saint Bernard. A l'aduenement de ceste Contesse au gouvernement de Flandre, aduint vne chose merueilleuse, a Leldune en Hollande. Car Madame Mehault Contesse de Henneberch fille de Florens Conte de Hollande, & soeur de Madame Aleys femme de Jean d'Auesnes fils de la Contesse Marguerite de Flandre, enfantâ d'une fois, trois cents, soixante trois enfans, lesquels eurent tous vye, & furent baptisez en vn grand baptein, par Ortho Eueque de Vrecht, leur oncle. Laquelle chose luy aduint, selon que tesmoingne la chronique de Hollande, par la

Magnanimes
de la Contesse
Marguerite de
Flandre.

Trois excellences
en la Contesse
Marguerite.

Flines lez Douay
fondée par la Contesse
Marguerite.

Les cloistres de
Nonnebosche,
& Vanderhaghe
edifiez par la Contesse
Marguerite. La Contesse
Marguerite fait en plusieurs
lieux de Flandre diuers
cloistres de Iacopins.

Fondation de
Groeninge
lez Courtray.

La Contesse de
Henneberch
s'accouche de
trois cents, soixante
trois enfans d'une
fois.

volonté de Dieu, pour ce que ladicte Mehault auoir reproché vne pouure femmelette de son hōneur, a raison quelle auoit eu deux enfans d'vne portée, disant estre impossible, que vne mesme femme, peust auoir d'un seul homme, deux enfans d'une fois. Dont la pouure femmelette grandement indignée, respondit quelle prioit Dieu, que ladicte Mehault eust autant d'enfans d'une portée, qu'il y auoit de jours en l'an, comme il estoit veritable, qu'elle auoit eus ses deux enfans d'un mesme hōme, & ainsi fut la pouure femme exaucée.

Comment Madame Marguerite de Flandre donna plusieurs priuileges, & affranchissemens, a diuerses villes de Flandre.

CHAPITRE CXII.

Priuilege a
ceux de Lombartzyde.



MA D A M E Marguerite Contesse de Flandre & d'Hainault, donna a ceux de Lombartzyde leur premier preuilege, par lequel elle Oëtroye a tous ceux & celles quy viendront la demeurer, toute telle Francise & liberté, que ont ceux de Nieuport, par ses lettres de l'an mil deux cets quarante huyct, le Sabmiedy apres le Reminiscere, & appelle le lieu de Lombartzyde, *locus qui dicitur Orot, contra nouum portum versus orientem*, donnant au reste pouuoir & autorité au bailly de Furnes, d'assigner place & demeure, & receuoir tous ceux quy voudroyent venir demourer audict Orot, (maintenant Lóbarzyde). Et audict an quarante huyct VValleran duc de Lembourch, Guillaume Conte de Iuliers, & Thiery Seigneur de Faulkenbourch accordérēt par forme de priuilege, a ceux de Flandre & d'Hainault, qu'en payant la moitié du droit du tonlieu, entre Coulógne & Maestricht, ils pourroyent françement frequenter, les païs de chascun d'eux respectiuelement. Promettāts lesdits Seigneurs & chascun d'eux, de payer & refondre eux mesmes ce que les tollenares auroyēt a l'aduenir plus exigé d'iceux marchands que la susdicte moitié. Dont sont lettres dudict an xlviii, sous le seau du susdict Duc de Lembourch; par lesquelles est declaré que la moitié dudict tólieu, seroyent

Priuileges
pour les marchans de Flandre.

yent six folz monnoye dudit Couloingne, deux deniers moins, pour chascun tonneau de vin. En l'an mil deux cents soixante huit, ladicte Contesse Marguerite donna a ceux de Roodenburch, que nous disons Ardébouch, vne franche foire de quinze jours, qui se tient le lendemain de la Trinité, par les lettres du mois d'Aoust en l'an que defsus. La mesme Contesse Marguerite, meue de pitie, affin aussi, que Dieu nostre createur luy fut de tant plus propice, la deliurant de seruitude de peche, pour luy donner la liberte eternelle, quita a tous esclaves & ancelles demourants en Flandre, vn droit de seruitude que ses predecesseurs Conte de Flandre auoyent accoustumé leuer annuellement, sur le jour Sainct Remy. Si comme trois deniers de chascun homme esclave, & de chascune ancelle vn denier, & outre ce a leur trepas la juste moitie de tous leurs biens meubles, qui se nommoit *halue hane*. Reseruant ladicte Contesse tant seulement, pour tout le droit a elle appartenant, sur ladicte seruitude, le meilleur catheil desdicts esclaves, qu'on trouueroit au temps de leur trepas. Dont elle despescha ses lettres au mois d'Apuril en l'an mil deux cents cinquante deux, lesquelles sont confirmées par le Conte Guy son fils, & esquelles pour demonstrier ce qu'elle vouloit estre compris sous ce terme de meilleur catheil, elle anexe, *Morientis melius catallum appellamus in hac parte, non domum non armentum, sed pecus melius, de domo vel aliud melius ornamentum*. Elle quita semblablement a certain grad nombre de cheualiers, & autres denomez es lettres qu'a ces fins elle expedia au mois de Iuliet en l'an mil deux cets soixante vn, vne seruitude, qu'elle, & ses predecesseurs Cotes & Contesses de Flandre, auoyent droit de prendre, & leuer apres leur trepas, nommé le susdict droit *halue hane*, qui estoit deux marcs de Flandre & la moitie de tous les meubles qu'ils delaissoient au jour de leur trepas. Elle quita pareillement aux habitants du mestier de Zieffelle, vne seruitude que les Contes de Flandre souloyent la leuer, nommée le Balsaert, qu'estoit de chascune maison douze deniers monnoye de Flandre par an, moyennant toutefois la somme de quatre cents liures, que lesdicts de

Franche foire
pour ceux de
Ardembourg.

Halue hane.

Meilleur catheil.

Quelle chose
se peut & doit
entendre sous
ce terme meilleur
catheil.

Balsaert,

Confirmation
de priuileges a
ceux de Zandeshoue
que nous
disons mainte-
nant Nieupoort.

Trois vierſcha-
res au Franc.

Affranchisse-
ment pour les
bourgeois de
Lille.

Ordonnance
touchant les
feux de me-
schief au qua-
tre mestiers.

Zieffeſſelle luy en payerent, par ſes lettres du mois de Mars en l'an mil deux cents ſoixante cinc. Elle confirma a ceux de Zandeshoue, qu'on appelle maintenant Nieupoort, les priuileges que le Conte Philippe de Flandre & de Vermandois leur auoit baillé, & meſmes ceſtuy lequel concerne la franchise du tonlieu. Dont ſont lettres données en l'an mil deux cets ſoixatecinc, preſents Robert treſorier de Tours, le chancelier de Flandre, le Doyen de Bruges, Gautier de Locré, Euſtace le chambrelain, Baudonyn de Hontſchote, Richard Blauvoet, Rouland chaſtelain de Furnes, & Gaultier de Formizelle. Elle ordonna auſſi qu'en la chaſtellenie de Bruges, que nous diſons le Franc, auroit trois vierſchares, vne a Ardenbouch, vne a Oudenbouch, & la troiſieſme a Bruges, & bailla maniere comment l'on plaidroict en chascune deſdictes vierſchares, par ſes lettres de l'an mil deux cents ſoixanteſix: mais ceſte ordonnance ne dura que deux ans. Elle donna a ceux de Vielbouch de Gand, leur priuileges en l'an mil deux cents ſoixante huit, & ordonna y eſtre deux vierſchares, l'une le Mercredy a Sledinghe, & l'autre le Ieudy a Diſſeldoncq, ou elle veut, que tous delicts y ſoyent punis *p.ena talionis*, ſçauoir main pour main, pied pour pied, œil pour œil. La meſme Contefſe affranchit les bourgeois de Lille de tous tonlieux dedans la ville par ſes lettres de l'an mil deux cets quarante ſix, & par autres lettres de l'an ſeptante vn leur octroya vne franchise de cheuaux pour cinq jours, ſauf certains droicts. Elle fit ſemblablement vne belle ordonnance ſur le faiſt des tonlieux par eauë, depuis Douay juſques a Rupelmode, & depuis Rupelmode juſques a Valéchiennes, le tout par accord, & du conſentement des ſeigneurs, a quy appartenoiēt iceux tonlieux, dont ſont lettres dudict an ſeptante vn. Finablement Madame la Contefſe Marguerite ordonna aux quatre mestiers, comment l'on procederoit a l'enſeignement de ceux qui ſont intereſſez par feu auſdicts quatre mestiers, & veut qui eſt auteur & cauſe du meſchief, reſtitue aux intereſſez, le dommage, au dire de cinq hommes, & ſelon la ſentence & jugement des eſcheuins. Et ſ'il n'a des biens aſſez, que ceux de ſon mestier y furniſſent par ſes lettres en Septembre audict an mil deux cents ſeptante vn.

Com.

Comment Madame Marguerite fit hommage au Roy de France de sa Conté de Flandre, des debars qui s'emeurent entre elle, & Jean d'Avesnes son fils bastard, ensemble de la sentence arbitraire du Roy de France sur lesdicts debars.

CHAPITRE CXIII.



MADAME Marguerite Contesse de Flandre & d'Hainault, & Guillaume de Dôpiere son fils aîné, se transportèrent en l'an mil deux cents quarantequatre, en la ville de Paris, vers le Roy Saint Louys, pour luy faire hommage de la Conté de Flandre. En quoy ledict Roy leur fit du commencement beaucoup de difficulté, toutesfois les recout en fin a faire ledict hōmage, mais ce fut moyennant le serment, qu'ils firent sur les Saintes Euangiles, d'entretenir la paix faicte en l'an mil deux cents vingt & cinc, que on appelle la paix de Melun, dont ladicte Cōtesse Marguerite expedia, audict an ses lettres de confirmation, & sur ce que bonne espace après, si comme en l'an mil deux cents cinqquantequatre, la Contesse Marguerite fit reparer & mettre a point le chastel de Rupelmonde, le Roy Saint Louys de ce grandement indigné, mandá vers luy ladicte Contesse, l'accusant & blamant de ce que contre la susdicte paix, elle auoit faict reparer ledict chasteau de Rupelmonde, veu mesmes qu'elle ne denoit ignorer, qu'il estoit situé deçá l'Escault, & pourtant comprins entre ceux que sans infraction de ladicte paix, elle ne pouoit sans son préalable congé, faire aucunement reparer. Sur quoy ladicte Contesse pour sa descharge, proposá que ores que ledict Rupelmonde soit deçá l'Escault, que nonobstant ce, il ne pouoit estre comprins en ladicte paix, attédu principalement qu'il n'estoit sous la courōne. Dont neantmoins le Roy ne se voulut contéter, de sorte q la Cōtesse pour satisfactiō d'iceluy Roy, fut contraincte, de declarer & cōfesser q Rupelmonde & le terroir de Waest, estoiet du Royaume, demandár successiuemēt & suyuat ladicte declaratiō, cōgé de pouoir reparer iceluy Rupelmōde, sans prejudicier a ladicte paix de Melu. Ce q luy fut accordé, la susdicte declaratiō

L'an M.
CC.xliiij.

Extorqué declaratiō de Madame Marguerite, confessant que Rupelmonde & le terroir de VVæst sont sous le Royaume.

Aaa ij tou-

Mariage de
Guy de Flandre,
avec Madame
Mehault de Be-
thune.

L'aduouerie de
Arras quid fit.

Guerre de Jean
d'Auesnes con-
tre la Contesse
de Flandre, la
mere.

Ceux d'Hai-
nault mal con-
séis d'estre gou-
vernez par fem-
mes.

toutefois fut faicte par la Contesse sans conseil, & estoit
comme extorquée. Et peu apres le retour de la Contesse
de la cité de Paris, ou elle auoit esté pour faire le susdict
hommage fut cöclu & accordé le mariage de Guy second
fils de la Contesse Marguerite de Flandre, & de Madame
Mehault, fille de Robert aduoué d'Arras, Seigneur de Be-
thune & de Tenremonde & furent les festes d'icelles no-
ces tenues, bien solemnellement en la ville de Bethune.
De laquelle Mehault le Conte Guy eust plusieurs enfans,
si comme Robert qui depuis fut Conte de Flandre, Guil-
laume, Seigneur de Tenremonde, Baudouyn qui trepassa
jeune, Jean Euesque de Liege, Philippe Conte de Thierre
& de Laurette, Beatrix Contesse d'Hollande, Marguerite
Duchesse de Brabant, la Contesse de Iullers, & celle de
Blois. Mais avant passer outre, puis qu'est presentement
venu a propos de l'aduouerie d'Arras, me semble qu'il ne
sera impertinent, de vous declarer que c'estoit de ladicta a-
uouerie. Entendez donc, que l'aduouerie d'Arras, souloit
estre vn fief, tenu des religieux de Saint Vaes, a cause du
quel le Seigneur de Bethune estoit aduoué du pais de l'Al-
leuë, & seigneur des voyes, chemins, & regards, qui sont a
l'entour, & aux enuirs de la ville d'Arras. Or pour re-
tourner a nostre Contesse Marguerite, schafchiez, qu'elle
enträ des le commencement de son gouvernement, en vne
mer, & inextricable labyrinthe de faicheries, & desplaisirs
au moyen qu'elle auoit adjoinct a elle, pour le faict du sus-
dict gouvernement, Guillaume de Dompierre son fils ais-
né, qu'elle auoit eu du susdict Guy son mary, & dont Jean
d'Auesnes fils bastart de ceste Contesse, ne se sentant vn
seul brin content, pour autät que luy mesmes apres la mort
de la Contesse sa mere, pretendoit aux Contés de Flandre
& d'Hainault, fit la guerre a Madame Marguerite de Flan-
dre, & aux fils legitimes d'icelle, en quoy ledict Jean d'A-
uesnes fut assiste & fauorisé du Conte d'Hollande son beau
frere, & de plusieurs nobles d'Hainault, lesquels souffroyent
merueilleusement a regret, d'estre ainsi continuellement
gouvernez par femmes. Outre ce, que ledict Jean souste-
noit, deuoir selon droit, estre heritier esdictes deux Côtes,

com-

comme le fils premier, & aîné de tous les enfans de ladi-
 cte Contesse, & que par les anchienes coustumes de Flan-
 dre, ne se treuve aucun bastard de par sa mere, y joindant
 qu'il estoit legitimé par nostre saint Pere le Pape, avec plu-
 sieurs autres raisons trop lógues a repeter. Lesquelles neât-
 moins estoient debatues & rejectées par la Contesse & ses
 enfans legitimes: de maniere que les affaires prenoient
 train d'une guerre bien dangereuse, & intestine, si par l'en-
 treparler & a l'intercessió de leurs amys, ils ne se fussent sub-
 mis de tous leurs debats & differents, aux dict & sentence
 « du Roy Saint Louys, & de Ottho Evesque de Toscane, le-
 « gat Apostolicq: lesquels parties ouyées, & assez du consente-
 « ment d'icelles: adjugerent par leur sentence arbitrale, a
 « Jean d'Auesnes, la Conté d'Hainault, saulfa Baudouyn son
 « frere sa portion legitime, & a Guillaume de Dompierre la
 « Conté de Flandre, avec toutes ses appartenances & depen-
 « dances saulfa ses freres leur partage, retenants lesdicts arbi-
 « tres a eux, l'interpretation des difficultez, qui de ceste sen-
 « tence pourroient sourdre & yssir, & fust ladicte sentence
 « aggreée par ambedeux les parties, lesquelles promirent &
 « jurerent de l'entretenir sans aucune fraude, ou circumven-
 tion, comme plus au plain peut de tout apparoir par les let-
 tres, qui en furent faictes, en la ville de Paris au mois de Ju-
 let, en l'an mil deux cents quarantefix. Par lesquelles la jo-
 uissance desdictes Contes de Flandre & d'Hainault, fust
 laissée a Madame Marguerite, du vivant de laquelle es-
 toit deffendu audict Jehan d'Auesnes, de releuer ladicte
 Conté d'Hainault, & nonobstant ce, chascun d'eux se po-
 uoyent attituler comme de faict, ils firent. Sicomme Guil-
 laume de Dompierre, Conte de Flandre, & Jehan d'A-
 uesnes Conte de Hainault. Lesquels de Dompierre &
 d'Auesnes, furent depuis continuellement en dissensions,
 & firent des grands traualx les vn aux autres, selon que
 voirez cy apres.

Par les coustumes de Flandre ne se treuve aucun bastard de par sa mere.

Jehan d'Auesnes & la Contesse de Flandre se submettent de leurs differents au dict du Roy de France, & de l'Evesque de Toscana.

Sentence arbitrale desdicts Roy, & Evesque.

L'an M. CC. xlvj.

Comment Guillaume de Dompierre fils de la Contesse Marguerite se maria avec Madame Beatrix de Brabant, du voyage qu'il fit outre mer, & du trepas dudit Guillaume, ensemble comment Jean d'Auesnes suscita nouvelle querelle contre sa mere pour les yslles de Zelande.

CHAPITRE CXIIII.



Ev apres le susdict appoinctement, fait entre les enfans de la Contesse Marguerite, Guillaume de Dompierre (lequel comme dict est) se pourtoit pour Conte de Flandre, print a femme Beatrix fille d'Henry Duc de Brabant, lors vesue du Landgrave

de Turinghe. Et furent leur noces celebrees en grand pompe & magnificence en la ville de Louvain, en l'an mil deux cents quarante huit. Lesquelles accomplies & acheuees, ledict Guillaume se mit en tresbon equipage, & print le chemin d'outre mer, pour aller trouuer le Roy Saint Louys, qui auoit mis son siege deuant Damiette, ou nous le laisserons en grand deuoir pour assaillir & prendre ladiete ville jusques a ce, que la matiere disposee le rappellera en jeu, & vous declarerons que pendant son absence, Jean d'Auesnes & Baudouyn son frere, prindrent occasion, & matiere, de nouuel debat, contre la Contesse de Flandre leur mere, sous couerture du droit qu'ils pretendoyent es terres de Walchere, Zuutbemelandt, Noortbemelandt, Borsselle, & en toutes les yslles de Zelande, ensemble es quatre mestiers, terres de Waest, d'Alost, Grâtmont, & generallyment en tout ce qui se dict de la Seigneurie de Flandre, disants que lesdictes parties de possessions, ne pouoyent estre comprises sous la susdicta sentence arbitraire, veu que le Roy Saint Louys, n'en auoit peu cognoistre, au moyen qu'elles sont tenues du Saint Empire, & non de la couronne de France. Mais ce different fut pour lors appeise, moyennant le deuoir & intercession d'aucuns, & confessèrent lesdicts freres d'Auesnes leur tort, mesmes que lesdictes yslles & terroirs estoient des appartenances de Flandre, eux deportés partât de ceste pretensio, au prouffit dudit Guillaume

L'an M.
CC. xlviii.
Mariage de
Guillaume de
Dompierre avec
Madame Beatrix de Brabant.

Guillaume de
Dompierre fait
son voyage de
outre mer.

Nouuel debat
entre Jean d'Auesnes & Madame Marguerite pour les yslles de Zelande, & terres de Flandre, suscitees sous l'Empire

laume de Dompierre & des siens, cōme semblablement ils firent du fief d'Angleterre, de la chastellenie de Cambrai, & du Gauene de Cambresis, lesquels ils déclarerēt estre pareillement des dependances de Flandre, par leur lettres du mois de Ianuier audict an quarāte huiet. Nonobstant quoy Guillaume Roy des Romains Côte de Zelāde, mortel ennemy de la maison de Flādre, declarā en l'an mil deux cēts cinquāte par sentēce imperialle toutes les terres de la signorie de Flādre estre cōmisēs, pour deuoirs non faicts, & de faict en priuā la Cōtesse Marguerite de Flādre, les donnā a Jean d'Auesnes son bean frere, le tout sans auoir regard, a ce q̄ Madame Marguerite de Flādre, en auoit faict hōmage, en l'an mil deux cēts quarāte cinc a l'Empereur Frederic le second. Laquelle sentēce Imperiale fut neantmoins depuis en l'an mil deux cēts soixante, reuokē par l'Empereur Richard successeur audict Guillaume, receuāt audict an lx. en la ville de Cābray, a feauté & hōmage ladicte Cōtesse Marguerite vers laquelle fut ramenē en l'an mil deux cēts cinquāte vn, Guillaume de Dōpiere griefuement malade. Lequel auoit estē biē dāgereusement blescē en vne bataille, en laquelle il s'estoit trouuē avec le Roy S. Louys, cōtre les Sarrazins, & en laquelle bataille, ledict S. Louys mesme auoit estē cōstitué prisonnier avec grād nōbre de Princes & Seigneurs Chrestiens, lesquels neātmoins depuis naguerres auoyēt estē deliurez, & relākez, moyennāt la sōme de huit mille besans Sarracenois, q̄ leur auoit cōuenū payer pour leur rāçon. Dōt plus a plain peut aparoir par les chroniques Francoises. Ledit Guillaume de Dōpiere ramenē au païs de Flādre, fut le plus soingneusement medicinē qu'il fut possible, & nonobstāt ce, morut peu apres, sans hoir de son corps, au mois de May dudit an cinquante vn, & fūt enterre a Flienes. Et apres la mort d'iceluy, l'on assignā a Madame Beatrix de Brabant, sa vesue, trois mille liures de terre par an, sur la ville & chastellenie de Courtray, la Montanbois, au mestier de Saint Omer, & ailleurs. Et print ceste dame son plaisir, d'estre souuent a Courtray, ou elle faisoit quasi continuellement sa residence, & fit (comme desia auons dict) edifier le monastere de Groeninghe, auquel elle gist enter-

L'an M.
CC. L.

Les terres de
Flandre sous
l'Empire cōfif-
quēes sous
couleur de de-
uoirs nō faicts
& donnēes a
Jean d'Auesnes.

L'an M.
CC. li.

Guillaume de
Dōpiere rame-
né malade au
pays de Flādre
des terres d'ou-
tre mer.

Trepas dudit
Guillaume de
Dompierre.

Acqueste de la
ville & chaste-
lenie de Borne-
hem par Mada-
me Marguerite
de Flandre.

Rénonciation
de douaire al-
leurs qu'écourt
Feodale.

Amplification
de Gand.

entermée, je ne scay toutefois quand elle trepassa. D'autre costé le Conte Guy, second fils de la Contesse de Flandre, emprunt apres le trepas de Guillaume son frere, le gouvernement de Flandre, avec Madame Marguerite sa mere, se faisant par tout recevoir en qualité de Conte, & gouverneur dudit Flandre, le tout a l'adieu & du consentement de la Contesse Marguerite. Laquelle au mesme temps achaptá de Hue chastelain de Gand la ville & chastelenie de Bornehem, pour la somme de trois mil cinq cents vingt & six liures douze deniers Parisis, monnoye de Flandre, & Marie femme dudit Hue renonça a son douaire pardevant l'Official de Tournay, confessant qu'elle en estoit ailleurs bien assignée. Par ou semble n'estre necessairement requis, que les femmes renoncent regulierement a leur douaire, par devant les hommes de fief, ainsi que lesdits hommes, s'efforcent maintenant de soutenir, avec vne merueilleuse rigueur. Ce pendant ceux de Gand, au moyen du doux & humain gouvernement de la Contesse Marguerite, amplioyent grandement leur ville de droicts, juridictions & de preeminences, comme de separations, fortifications, & autres semblables commoditez, & obtindrent audict an cinquante vn, de ladicte Contesse, octroy de pouvoir faire vn eauë, tirant de Gand a l'Escluse, laquelle se nomme la Lieue. Et outre ce ladicte Cöresse leur accordá, qu'en ceste eauë ny auroit aucune estaple, tonlieu, ny autre exoneration, entre Rodembourch, qu'est maintenant Ardenbourch & Gand, mesmes que l'escheuinage dudit Gand s'extenderoit sur & parmy ladicte eauë, & sur la riue d'icelle quatre pieds de large.

Comment Jean d'Auesnes recommença la guerre contre la Contesse de Flandre, & de la deffaicte des Flamens en Zelande, ensemble comment le Conte Charles d'Anjou descendit en Valencienes au secours de ladicte Contesse, & de la reconciliacion que ledict Charles moyenná entre ledict d'Auesnes, & ladicte Contesse avec autres choses memorables.



DV R A N T que ces choses se faisoient en Flandre, Iean d'Auesnes auquel Guillaume Roy des Romains, & Conte d'Hollande, son beau frere, auoit donné les yles de Zelande, & autres terres de la seigneurie de Flandre, qu'il auoit confisquées pour la raison qu'auex veu cy dessus, pretendait renouueller les anchienes querelles, touchant le fait desdictes terres, & beaucoup d'auantage, au moyen du droit qu'il se persuadoit auoir en icelles acquis, par le susdict don, practiqua l'assistance & faueur de Florens, frere dudit Guillaume, & en l'absence d'iceluy, gouverneur d'Hollande, avec lequel apres auoir leué bone trouppes de soldats, il entra en yles de Zelande, ou il print Walchre, avec aucunes autres terres appartenantes a la Contesse Marguerite. Au moyé de quoy le Conte Guy son fils, assembla grand ost, & accompagné de Iean son frere, & des Contes de Bar & de Guise, tira vers Zelande, ou ledict Florens & Iean d'Auesnes les receurent d'un tresgrand courage, de sorte que la bataille (qui peu apres s'y fit) fut sanguineuse & mout cruelle, & y morust merueilleusement grand peuple tant d'un costé, que d'autre. Toutesfois la victoire demoura finalement du costé des Hollandois, & furent prins Guy & Iean de Dompierre freres, lesdicts Contes de Bar & Guise, avec plusieurs autres nobles & grands barons des Contés de Flandre, & d'Hainault. Dont aduertie la Contesse Marguerite, troublée au possible, se transporta en toute diligence vers la Royne Blanche, mere du Roy Saint Louys, qui pour l'absence d'iceluy Roy, gouuernoit le Royaulme avec Charles Conte d'Anjou. Et practiqua de sorte, que ledict Charles, moyennant la promesse qu'elle luy fit de luy donner la Conté d'Hainault, laquelle au moyen de la rebellion dudit Iean d'Auesnes, elle tenoit pour confisquée, la vint secourir avec six mil combatans, & descendit en personne vers la ville de Valenchienes, que ladicte Contesse, pour seureté de ce qu'elle luy auoit promis, luy mit aussi tost entre mains. Deuant laquelle le susdict Guillaume Roy des Romains, & beaufrere dudit Iean d'Auesnes, vint en l'an mil deux

Iean d'Auesnes renouuelle la guerre contre la Contesse sa mere, & entre a puissance & yles de Zelande.

Cruelle bataille de Guy de Dompierre contre Iean d'Auesnes es marches de Zelande.

Les Flamens desconfits par les Hollandois

La Contesse Marguerite promet au Conte Charles d'Anjou la Conté d'Hainault, afin d'estre par luy secourue contre Iean d'Auesnes

L'an M. CC. liiij. cents cinquante quatre, mettre son siege, ayant avec luy
 Siege des Hol- l'ndois deuant Valenehien. luy prouffitá, entant mesmes qu'estant empesché audict sie-
 ge, luy vindrent nouuelles que les Frisons estoýent sans seig-
 neur, & qu'ils auoyent conceu & entrepris la conquete
 d'Hollande, qui fut causé qu'il leuá sondict siege, & tira
 celle part, en intention de sus-juguer lesdicts Frisons. Ce
 pendant, le Conte Charles d'Anjou, trouuá pratique de
 parlementer avec Iean & Baudouyn d'Auesnes, leur
 remonstrant le grand tort qu'ils auoyent, de ainsy perse-
 cuter la Contesse leur mere: veu mesmes, l'appoinde-
 ment, que es mains du Roy Saint Louys, ils auoyent
 non seulement aggrée, mais aussi conclu & juré, adjou-
 stant en oultre, que ils denoyent plustost aspirer & ten-
 dre a l'acquisition de vertu & bon bruit, voire en ce-
 dant de leur propre droict a leur mere, que non a l'v-
 surpation des biens, que luy appertenoyent, & auxquels
 ils n'auoyent aucun droict. Requerant qu'ils voulussent
 reuocquer en leur memoire, l'obligation en laquelle ils
 estoient d'aymer & suyure la vertu, laquelle rend la
 personne trop plus noble & exaltée, que tous les biens
 de fortune corruptibles & subjects aux passions & mo-
 bilitez de ladicte fortune. Veu mesmes, que iceux biens
 sont quelque fois & trop souuent, eslargis a tel, qui ne
 les merita oncques. Mais que c'estoit toute autre cho-
 se de la vertu, laquelle est obtenue de celuy seul, lequel
 faict acte digne de la conquerir. Aussi par elle seule,
 doiuent les hommes estre estimez & honnorez, voire re-
 putez riches, plus que s'ils auoyent tous les tresors du mon-
 de: par ce que la vraye richesse non perissable, est la re-
 nommée des faicts bons, & heroiques de la personne
 vertueuse. Les asseurant au reste, que s'ils vouloyent con-
 descendre a la raison, & eux porter a l'aduenir a l'endroit
 de la Contesse leur mere, selon que par droict, & humain
 & diuin, ils estoient tenus, il ne moyenneroit pas seule-
 ment leur paix & appoictement vers ladicte Contesse, mais
 aussi leur remettrait es mains, le Conte d'Hainault que
 par leur rebellion, ils auoyent fourfaict, & laquelle la sus-
 dicte

Remonstres
 du Conte Char-
 les d'Anjou
 pour destour-
 ner les bastards
 d'Auesnes de
 la guerre qu'ils
 fayloyent a Ma-
 dame Margue-
 rite leur mere.

Par la vertu
 seule doit l'hó-
 me estre estimé
 & honoré.

« diſte Contefſe luy auoit donné, ne voulant en recompenſe
 « de ce autre choſe, fors que les deſpens de ſon voyage, & les
 « gens de guerre, qu'il auoit illec amenez fuſſent rembour-
 ſez ſatisfaiſts & contentez. Brief, le vertueux Charles, &
 vrayement digne de Saint Louys ſon frere, ſceut tant
 bien perſuader leſdiſts Iean & Baudouyn d'Aueſnes, &
 meſmes la Contefſe Marguerite leur mere, que toutes ran-
 cunes & inimitiez furent miſes ſoubs pieds, & moyennant
 la reſtitution de ladiſte Conté d'Hainault, & renoncia-
 tion a icelle que fit lors lediſt Conte d'Anjou, es mains &
 au prouffit de ladiſte Contefſe, pour apres ſa mort eſtre
 deliuré audiſt Iean d'Aueſnes, ſelon le contenu au ſuſ-
 diſt premier appointement. Leſdiſts d'Aueſnes, moyen-
 nèrent la relaxarion & liberté de Guy & Iean de Dom-
 piere & des autres Seigneurs, qui en la derniere bataille
 auoyent eſté prins par les Hollandois. Ce faiſt, & apres
 l'obligation, en laquelle ladiſte Contefſe ſe miſt, de pa-
 yer a certains termes, lors assignez vne bonne ſomme de
 deniers audiſt Conte Charles d'Anjou, lediſt Charles re-
 tournâ au Royaulme de France, vers la Royné Blanche
 ſa mere, laquelle fut treſayſe d'entendre le bon ſucces du
 voyage du ſuſdiſt Conte Charle. D'autre coſte, la Côtelleſſe
 Marguerite & le Conte Guy ſon fils, apres que les ſuſdiſts
 debats furent appeſez, retournèrent en la ville de Gand,
 & applicquèrent ceux d'Ouerſchelde, qui ſont de l'Empi-
 re, & demourants outre la viel Eſcault, a l'eſcheuinage &
 bourgeoisie dudiſt Gand, accordants & octroyâts audiſts
 de Ouerſchelde que de la en auant, ils fuſſent autât francs
 comme les autres bourgeois d'illec, & par ainſi fut grande-
 ment augmentée la juridiſtion deſdiſts de Gand. Au-
 quel Gand ſe trouuâ peu apres, ſicomme en l'an mil deux
 cents cinquâte quatre Baudouyn d'Aueſnes, lequel mer-
 ueilleuſement deſplaiſant des faſcheries & deſplaiſirs, que
 juſques lors il auoit donné a la bonne Côtelleſſe ſa mere, eſtoit
 illec venu pour luy en demâder pardō, lequel luy fut aſſez
 legierement accordé, moyennant la promeſſe touteſſois
 qu'il fit, d'eſtre mieux auifé pour l'aduenir, enſemble de
 procurer quelque bonne paix & accord d'entre ladiſte

Reconciliation
des baſſards
d'Aueſnes avec
Madame Mar-
guerite.

Guy & Iean de
Dempiere re-
laxé des pri-
ſons d'Hollâde

Ampliation de
Gand.

L'an M.
CC. liiij.

Contesse, & le susdict Guillaume Roy des Romains, mesmes de nourrir & entretenir en bonne amitie & affection, Iean d'Auesnes fils de Iean son neveu, vers la maison de Flandre pour autant que par la mort de Iean son frere, que estoit trepassé audict an cinquante quatre, il estoit devenu tuteur d'iceluy Iean son neveu. Ce que neantmoins il n'entretint a son grand deshonneur, comme voires cy apres.

Trepas de Iean
d'Auesnes.

Comment le Roy Saint Louys practiqua entre ceux de Flandre, & d'Hollande vne bonne payx, au moyen de laquelle les ysls de Zelande furent laissées ausdicts de Hollande avec autres choses memorables.

CHAPITRE CXVI.



Es debats & anchienes querelles que la maison de Flandre auoit contre celle d'Hollande, n'estoyent nonobstât la restitution des susdicts prisonniers, encores tellement appaisez, qu'on ne commençast a veoir des estincelles, & seminaires d'autres nouuelles & bien dangereuses guerres. Quand le Roy Saint Louys a son retour du voyage qu'il auoit fait outre mer, desirant extremement vne generale paix & vniõ entre les Princes Chresties, besoingná de sorte, que pour assoupir toutes occasions d'vltérieures noises, entre lesdicts Flamens & Hollandois, practiqua, entre la Contesse de Flandre & d'Hainault d'une part : & Florens gardien & tuteur d'Hollande d'autre, vne paix & appoinctement tel que s'ensuyt. Premiers que ledict Florens, ou bié son neveu fils de Guillaume Roy des Romains, & Conte d'Hollande, prendra en mariage, Madame Beatrix fille aisnée de Guy Conte de Flandre, & que avec ladicte Beatrix, la Contesse Marguerite donneroit a iceluy Florens ou son neveu, toute la terre de Zelande qui est entre Hedinzée & l'Escault, avec toutes les appartenances & appendances, pour par ledict Florens ou son neveu, estre tenuës en fief, de la Côté de Flandre, francques & quites perpetuellement & a tousiours. Et s'il aduenoit que ledict Florens ou son neveu, & ladicte Beatrice morussent sans hoir de leur

Traicté de paix
entre Flandre
& Hollande.

de leur corps Mehault fille dudi& feu Guillaume Roy des
 Romains,& Conte d'Hollande seroit mariée a vn des fils
 dudi& Conte Guy,& lesdictes terres seroyent baillées a i-
 celle Mehault, pour en jouir par elle & ses hoirs de son
 corps sous le ressort que dict est. Et si encores ladi&te Me-
 hault trepassoit sans enfant,toutes lesdictes terres succede-
 roient avec leurs appertenances,aux droi&ts hoirs des Cō-
 tes d'Hollande,pour les tenir perpetuellement en fief, de
 la Conté de Flandre comme dessus. A conditiō toutefois,
 que ledi& hoir d'Hollande,quiconque ce seroit,seroit tenu
 payer a la Contesse de Flandre,& a ses successeurs la som-
 me de dix mille marcqs d'Estrelins. Et quant au fai& du
 tonlieu d'Hollande,dont estoit questiō entre lesdictes par-
 ties,fut dict pat ceste paix qu'ils se submettroient de ce dif-
 ferent,au dict & ordonnance de Henry Duc de Brabant,
 promettant chacune desdictes parties,respectiuelement, de
 tenir & auoir pour agreable,ce que par iceluy Henry,en se-
 roit dict & determiné. Si fut par la mesme paix cōfirmé vn
 article comprins en vne paix precedente,fai&te en l'an mil
 cent soixantesept,en la ville de Bruges, entre Philippe lors
 Conte de Flandre,& de Vermandois,& Florens Conte de
 Hollande,commenchant iceluy article: *Si quis mercatorum*,
 auquel fut adjousté vn autre: sçauoir, que si vn marchand
 de Flandre est desrobé, ou destrouffé en Hollande, ou Ze-
 lande, le Conte d'Hollande,ou le seigneur du lieu,sous
 qui le cas sera aduenu,contraindra les inhabitâts a en faire
 au marchand la restitution,ou autrement le Conte mesme
 sera tenu,& obligé a la satisfâction dudi& marchand. Ce fut
 fai& a Bruxelles,en l'an mil deux cents cinquante six,pre-
 sents la Contesse Marguerite, le Conte Guy, & Jean seig-
 neur de Dompiere ses enfans,le Conte de Ghisnes, le Se-
 neschal de Flandre,Messire Ieâ d'Audenarde,le chastelain
 de Lille,le seigneur de Cisoing,Messire Jean de Ghistelle,
 le seigneur de Gauere,le chastelain de Gand,Messire Ghe-
 rard de Rasseghiem,Messire Gherard de Rodes, le sire de
 Boullers,& plusieurs autres,ensemble les deputez de Gâd,
 Bruges,Ypre,Lille & Douay,& fut ceste paix cōfirmée par
 lesdictes cinc villes,sous obligation & promesse, que si la

L'an M.
 CC.lvj.

Contesse ou le Conte Guy contrauenoyent jamais au con-
 tenu en icelle, que lesdites villes ne leur donneroyent en
 ce aucune assistance, cōseil, ayde, confort ny consentemēt,
 dont aussi furent de la part d'icelles villes, données leurs let-
 tres audict an cinquante six. Si fut ladicte paix semblable-
 ment confirmée, par les nobles tant de la Conté de Flan-
 dre, que de celle d'Hainault. Auquel lieu fut aussi ordonné,
 que les bannis de Flandre & d'Hainault, ne seroyēt francs
 en Hollande ny Zelade, *et e contra*, que les bānis desdits
 Hollande & Zelade ne seroyēt en franchise esdits pais de
 Flādre & d'Hainault. De telle sorte doncques, & par ceste
 maniere furēt séparées de Flandre lesdites ysls, que feu le
 Conte Baudouyn diēt de Lille, y auoit annexées, & lesquel-
 les sont presentemēt les principales de la Conté de Zelan-
 de. Tost apres ledict appoinctement Madame Marguerite
 de Flandre racaptā l'assignation de cinc mille liures d'Ar-
 tois par an, que la Contesse Iehenne auoit donnée au Côte
 Thomas de Sauoye, son mary, a prendre & leuer sur le do-
 maine de Flandre, ensemble les reuenus des tonlieux de
 Mons en Hainault appertēnāts audict Thomas, avec tous
 autres droicts, que iceluy Thomas pouoit pretēdre & que-
 rer sur les Contes de Flandre, & d'Hainault pour la som-
 me de soixante mil liures Tourneis. Dont furent faictes
 les lettres de rachat & quitance, en la ville de Paris *apud*
Sauclum Thomam de Louure, en l'an mil deux cents cinc-
 quante sept. Et en l'an ensuyuant, qu'il fut cinquante
 huit, sourdit question & different entre la Contesse Mar-
 guerite d'une part, & Messire Raesse de Gauere d'autre,
 pour le chastel de Liedekerke. Mais en fin ledict Messire
 Raesse confessa, que combien qu'il teint ledict cha-
 stel du Seigneur de Gauere, touteis il estoit tenu le
 deliurer es mains du Conte ou Contesse de Flandre, tou-
 tes les fois qu'en temps de guerre, il seroit de ce faire
 requis & sommé. Il confessa pareillement, qu'il ne po-
 uoit vendre, transporter, ny alier ledict chastel, sans
 le preallable consentement du Conte ou Contesse de
 Flandre. Et vn an apres, qui fut l'an cinquante neuf
 trepassā Iehan Seigneur de Dompierre, fils maisné de la
 Con-

L'an M.

CC. lviij.

L'an M.

CC. lviiij.

Debat pour le
 chastel de Lie-
 dekerke.

L'an M.

cc. lix.

Contesse Marguerite, delaisant de Lorette sa femme vn
fils aussi nommé Jean Seigneur de Dompierre & de Saint
Desier. Auquel la Contesse Marguerite donna, la vil-
le de Bailleul, l'Escluse & aucunes autres, pour l'assigna-
tion de deux mille liures que ledict Jean son pere souloit
leuer pour son droit de partage, & peu apres mourut sem-
blablement Madame Mehault de Bethune, premiere fem-
me du Conte Guy de Flandre.

Trepas de Jean
de Dompierre
fils maîné de
la Contesse Mar-
guerite.

Bailleul & l'Es-
cluse Jean Sei-
gneur de Dôpie-
re & de Saint
Desier.

Trepas de Ma-
dame Mehault
de Bethune pre-
miere femme
du Conte Guy
de Flandre.

*Comment Madame Marguerite enuoye Baudouyn d'Auesnes au
secours de la Contesse de Namur, & du mariage de Guy de Flan-
dre, avec Madame Ysabeau de Luxembourg.*

CHAPITRE CXVII.



LA Contesse Marguerite, voyant que les acque-
stes des gens d'Eglise en Flandre, croissoient
journallement, de sorte que si on ny preuoyoit
ils estoient taillez, d'estre dans briefue espace,
seigneurs de tous le pais, fit par le conseil des
nobles, & autres de ses pais, deffendre par edict general &
perpetuel, que nulle personne de religion ny de la Sainte
Eglise, de quelque conditiõ ou qualite qu'elle fut, ne s'ad-
uanchast de faire acquest de terres, rentes ou signories, gi-
sants sous sa jurisdiction, sans preallablement auoir d'elle,
ou de ses successeurs Contes & Contesses de Flandre, oc-
croys & conge especial. De laquelle ordonnance, sont depuis
procedez les aduortissements : & en fit le Conte Guy en
son temps merueilleusement bien son prouffit. Environ le
mesme temps, si comme en l'an mil deux cents soixante
trois, la Contesse de Flandre enuoya Baudouyn d'Aues-
nes son fils, avec bon nombre de soldats, au pais de
Namur, pour assister la Contesse dudit Namur a pren-
dre vengeance d'une injure, & violence, que lesdicts
de Namur auoyent fait a vn officier de leur Con-
tesse, lesquels de Namur entendants la venue du-
dict Baudouyn, & mesmes estants aduertis de la fin, a
laquelle il tendoit, se mirent sous la protection du Con-
te Henry de Luxembourg. Au moyen de quoy s'appareil

Comencement
d'aduortisse-
ment.

L'an M.
CC. lxxij.

Madame Mar-
guerite enuoye
Baudouyn d'A-
uesnes avec bon
nombre de gens
au secours de la
Contesse de Na-
mur.

loie

L'an M.
CC. lxiij.

Paix entre Elâ-
dre & Luxem-
boursch.
Mariage du Cō-
te Guy de Flan-
dre, avec Mada-
me Ysabeau
qui s'attituloit
Contesse de Na-
mur.

Vitupere de la
conuoitise.

Condition des
biens de ceste
vie mortelle.

loit vne guerre mout aspre, entant mesmes que ledi& Hen-
ry de Luxembourch, s'estoit mis dedans la ville, & fortifioit
le chastel dudi& Namur, dont il se faisoit attituler Conte.
Si estce que finablement la paix fut faicte, en l'an mil deux
cents soixante quatre. Par laquelle Guy Conte de Flandre
print pour sa secōde femme Madame Ysabeau fille dudi&
Conte Henry, avec laquelle il eust ladi&te Cōté de Namur
dont il s'attitula tousiours depuis marquis, & Madame Y-
sabeau sa femme, se fit appeller Contesse dudi& Namur. Je
ne sçay toutelsois sous qu'el tiltre, la Contesse de Flâdre.
apres auoir emprins l'assistance de ladi&te Contesse de Na-
mur, fit vn appointement tant desaduantageux a sa confe-
derée, ny mesmes pourquoy, s'ineustissant de ladi&te Cōté,
de Namur, elle en despouillâ la vraye heritiere, ne soit l'an-
chienne querelle & pretension de ceux de Flandre a ladi&te
Conté, ou bien vne cōuoitise trop exorbitante, & mal-seâte
a toutes personnes de qualité. Auquel endroi& je ne puis q̃
je ne depleure grandemēt la miserable conditiō humaine,
& deceptiue esperance des mortels, lesquels deuroyēt estre
diuertis de ceste malheureuse conuoitise, veu q̃ journalle-
mēt ils voyent toutes leurs choses estre caducques, & mes-
mes q̃ l'acquisition des grâdes posselliōs, royaumes, & em-
pires, ne leur ameine que soucy & angoisse. Aussi est telle la
condition de tous les biens de ceste mortelle vie. Lesquels
pourchassants en opinion de y trouuer entier contente-
mēt, quand sōmes paruenus au but de nostre attente, le de-
sir y trouue peu du tout qu'il imaginoit, dōt il aduint que
la jouissance refroidit ceste ardeur premiere tant vehemē-
re, par le descouurement de l'imperfection des choses que
nous auons figurees totalement parfaites : mais de ceste
felicité accomplie la chair fragile ne pouant jouyr, il nous
la faut esperer en la vie celeste seulement, dirigeants au re-
ste nos actions, de sorte, que par nostre vie nous monstions
le desir auquel sommes de paruenir a ceste immortalité,
nous estrangeants de tous vices, & signamment de la con-
uoitise & inique vsurpation del'autrui, tant qu'en nous se-
rá, & approchants a toutes choses vertueuses & honestes.
Mais retournons a nostre histoire.

Com-

Comment Madame Marguerite enuoya Robert de Bethune son neveu, au secours du Conte d'Anjou a la conqueste de Sicille, de la mort du Roy dudit Sicille que ledict Robert occit de ses propres mains : des mariages dudit Robert, de l'exploict d'iceluy contre les Sarrafins, de l'ampliation des villes de Gand & de Bruges, & d'autres choses singulieres.

CHAPITRE CXVIII.



LA Contesse Marguerite, apres l'accomplissement du susdit mariage, & acquisition de ladite Conté de Namur, enuoya en merueilleusement bel equipage, Robert de Bethune son neveu fils de Guy Côte de Flandre, pour accompagner & assister le Conte Charles d'Anjou frere du Roy Saint Louys a la cōqueste qu'il auoit entre prins du royaume de Sicile, ou le Conte Robert se portá tellement, qu'en la derniere bataille, qu'ils eussent audict Sicille, contre le Roy Manffroit, il occist de sa propre main ledict Roy, au moyen de quoy ledict Charles d'Anjou, luy donna Madame Catharine sa fille en mariage, de laquelle ledit Robert eust vn fils, nommé Charle quy morust jeune, & tost apres trespassa semblablement ladieste Dame Catharine, de maniere que ledict Conte Robert se remaria pour la seconde fois, en l'an mil deux cents septante a Madame Yolent Contesse de Neuers fille de Eudes, fils de Hughe, Duc de Bourgoingne, & de Madame Iehenne Contesse de Neuers. De laquelle Yolent, par succession de temps, Robert eust deux fils, scauoir Louys & Robert, & trois filles, sicomme Iehenne, Dame de Couchy, Yolent Dame d'Enghiem & Mehault Duchesse de Lorraine. Audit an septate ceux de Bruges augmentèrent & amplierent grandement leur ville & escheuinage, moyennant l'octroy, & congé que a ces fins, leur donna la Contesse Marguerite, suyuant lequel, ils firent vn fosse dedans l'escheuinage, commençant au pont nommé *Reynart Danckaerts brugge*, & soy extendant pardeuant la porte Flamenghe, la porte des asnes, & celle du sablon, & venant entre l'hospital Saint Iehan & les Beghines, jusques a la Reze, & furent par ladite Contesse

Comment Madame Marguerite enuoya Robert de Bethune son neveu au secours du Conte Charles d'Anjou a la conqueste de Sicille.

Robert de Bethune occit de sa propre main le Roy Manffroit de Sicille.

Robert de Bethunes a marié a Madame Catharine d'Anjou.

L'an M.

CC.lxx.

Robert de Bethune se maria a la Contesse de Neuers.

Les enfans de Robert de Bethune.

Ampliation de l'escheuinage de Bruges par octroy de la Contesse Marguerite.

L'an M.
CC.lxxii.

Les villes &
chasteaux de
Creuecoeur &
Alloes, avec la
chastellenie de
Cambray ac-
quises pour Fla-
ndre.

Robert de Be-
thune avec ar-
mée vers la ter-
re Sainte.

Deffaite de
Sarrasins par
les Chrestiens.

Discours de
l'auteur tou-
chant la con-
quête de la
terre sainte.

tesse deleguez & nómez commissaires, pour mettre lesdi-
ctes bonnes, Messiere Rogier de Mortaigne cheualier, &
Philippe de Bourbouch, cōme du tout peut apparoir par
les lettres que audiēt an, & aux fins que dessus, fussent fai-
ctes & expedies. Et touchant le different qu'estoit entre
Gautier Seigneur de Ziedzeelle, & lesdicts de Bruges, pour
l'estimation & valeur des terres gifants entre icelles bōnes
& appartenantes, audiēt Gautier, fut par arbitres tellemēt
appoincté, qu'ambedeux les parries s'en contentèrent. En
l'an septante deux, le Conte Guy de Flandre, acquist de
Messiere Engueran, Seignr de Couchy, d'Oysy, & de Môt-
miral, les villes & chasteaux de Creuecoeur & d'Alloes, en-
semble la chastellenie de Cambray, avec ses appertenâces
& appendances, pour la somme de vint mille liures mon-
noye de Flandre, qu'il payâ au mois de Ianuier, dudiēt an
septantedeux. Et l'an ensuyuant, Robert de Flandre Seig-
neur de Bethune fils du Côte Guy, se mit en chemin, avec
bōne troupe de soldats, pour accōpagner le Roy Edouart
d'Angleterre, & autres Princes, lesquels auoyēt vn peu au
parauant prins la croix, au moyen d'vn Concil, que le Pape
Gregoire, auoit a ces fins fait tenir, & tirèrent tous ensen-
ble vers la terre sainte, & passants en Surie, deffirent en vne
bataille les Souldan Salhadin, & Alaphin freres, avec inau-
merable quantité de Sarrasins, & cōme ils pensoyēt passer
oultre, vers Hierusalē, nouuelles vindrēt audit Roy Edouart
que ceux de Galle en son païs, s'estoyent rebellez, a raison
de quoy, ledit Edouart print congé des Princes Chrestiens,
& retourna en toute diligence vers Angleterre, au grand
dommaige & interest de la republique Chrestienne, & in-
dicible regret des Princes lors illec assemblez, tous lesquels
retournèrent en leur logis. Et fust cesté assemblée quy lors
estoit bon de deux cents mille combatantz, cassée & sepa-
rée: voyla comment l'ennemy vigilant de nostre sainte
Foy, rompt & dislipe a tous propos, les bonnes resolutions
& salutaires entreprinſes des Princes de Chrestienté, les-
quels. mesmes s'entredonnent empeschement a la con-
quête d'une terre, laquelle sans leur vituperable scanda-
le ne peut demeurer soubs le pouoir de cestuy, qu'ils sca-
uent

uent estre ennemy du seul Dieu tout puissant qu'ilz adorent. Et lequel, quand son diuin plaisir le portera, moyennant ausly qu'a ce nous voulions nous disposer, nous inspirera forces & courage, pour vinger l'injure, que jusques icy ses aduersaires luy ont sy long temps fait & pourchassé.

Retour de Robert de Bethune en Flandre.

Or affin de ne trop nous esgarer, ledict Robert de Flandre, dict de Bethune, voyant la susdicté entreprinse estre rompue, & reduicte a neant, retourna semblablement au pais de Flandre, ou il trouua la Contesse Marguerite la grand' mere, empeschée en l'ampliation que ceux de Gand, pretendoyent faire de leur ville & escheuinaige : ausquels pour faire ladicte extension, elle vendit plusieurs belles pieches, sicomme tout ce qu'y gist entre le pont de Saint Bauon, & le chemin de Bruges, ensemble la terre outre l'Escault, qu'y se nomme riant la mude, & la Bourchstrate, que lesdicts de Gand applicquerent a leur escheuinaige. Lesquels outre ce, achapterent pareillement de la Contesse Marguerite, le Vielbouch, qu'y s'extend depuis le pont le Conte jusques au pont qu'y est entre le chasteau, & la maison ou s'ouloit demorer Philippe van Dale, avec toute la place de Sainte Pharahault jusques au pont appellé, de Hoofbrugge, saulz toutesfois a ladicte Contesse, la Seigneurie du Vielbouch endedens le chastel, quelle reserua pour soy, par ses lettres de l'an mil deux cets seprantequatre. Apres lequel octroy & achapt fait, lesdicts de Gand firent incontinent abbattre le pont le comte, qui estoit de bois, & fortifié cõtre la ville, au moyen d'une tour qu'estoit pour la defense dudit pont, au lieu mesme, ou maintenat est la Crane, laquelle ils demollirēt, & y firent vn põt de pierre, tel qu'on y voit encore pour le jourdhuy, faizants outre ce, replir les fossez derriere le chastel, lesquels fustēt cõuertis en rues, de sorte q' ledit chastel lequel auparauant auoit fait beaucoup de maux a la ville, fut lors sans aucune force. Ladicte Contesse appaisa semblablement le different que l'Abbé de S. Pierre auoit cõtre lesdicts de Gád touchant les limites de leur juridictiõ, ordonnat par sa sentence arbitrale, q' la juridictiõ d'iceux de Gád, s'extendroit jusques au pont de S. Bauon, & jusques a

Ampliation de l'escheuinaige de Gand.

L'an M.
CC.
lxxiiij.

Extensioe de la juridictiõ de ceux de Gand.

Ccc ij au-

autres places designées es lettres sur ce faictes audict an septante quatre. Outre lesquelles parties, lesdicts de Gand auoyent pareillement des l'an soixantenuef, acquis par achat de ladicte Contesse, & appliqué a leur escheuillage tous les regeets, les vvydes & vpsal, quy gisent scauoir du pied du pont de Saint Bauon jusques au pont de le Mude, ain sy que la vielle Lys va, & ladite vielle Lys, avec la terre qu'on appelle le Ham, & des le pont de le Mude tout ce qu'est entre le *schippers gracht*, & le cours de la neufue Lys, jusques au pont des Brebis, & le Briel quy la dedans gist, qu'on appelle Toisbriel, avec plusieurs autres parties quy s'extendent jusques au chemin de Bruges, & lesquelles sont spécifiées aux lettres dudit an soixante neuf, pour lesquelles parties, lesdicts de Gand payèrent, a Madame Marguerite la somme de quatre mille, huit cents liures monnoye de Flandre, le tout en deniers comptants. Ce pendant, le Conte Guy fils de ladicte Contesse, appareilloit grand nombre de nauires pour faire guerre au Roy d'Angleterre, sous pretexte que les Anglois, puis naguerrés auoyent pillé aucuns marchands de Fládre, passants la mer Oceane. Le paix neantmoins se fit tost apres, avec ledict Roy d'Angleterre, par laquelle fut seullement dict & appointé, que restitution seroit faicte tant d'un coste que d'autre, des prinsses faictes sur mer, *more Pyratice*.

Commencement de guerre entre Flandre et Angleterre.

Paix entre Fládre et Angleterre.

De la premiere institution des monnoyers en Flandre, & comment Madame Marguerite enuoyá vers les monnoyers de France pour instruction sur le faict de sa monnoye, ensemble de la responce desdicts monnoyers.

CHAPITRE CXIX.

L'an M.
cc. lxxiiij.



Institution de monnoyers en Flandre.

En l'an mil deux cents septante quatre la Contesse Marguerite de Flandres, donna ses monnoyes, a Clays Deckin Bourgeois de Bruges, pour trois ans continuels, & aux conditions & deuises quy sensuyuent. Premiers qu'il seroit tenu & obligé de battre ladicte monnoye le plus loyaument qu'il pourroit, & de telle maniere que les trois deniers

niers reuinissent en pois, en alloy, de taille & de toutes autres choses, a la valeur de deux tournois le Roy, selon la grandeur des vns deniers aux autres. Et sy en faisant l'assay desdicts nouueaux deniers, fust trouuee faute d'un grain au pois, d'une demye vnce, le maistre de la monnoye seroit obligé de l'amender, faisant ladicte monnoye autant large, come il l'aura faicte escarse: mais s'il y auoit faute de deux grains au plus hault a la demye vnce, en tel euent ledict maistre tomberoit en amende de trois mille liures de Artois, au prouffit de la Contesse, & outre ce, retourneroit ladicte monnoye a icelle Contesse, pour en disposer, & la laisser selon que bon luy sembleroit. Que le susdict assay se feroit, contre les gros tournois le Roy. Que ledict Clays sera obligé de rendre a ladicte Contesse, & a ses propres despens, huit deniers tournois de chascun marcq, au marc de Troyes, ensemble que tous despens concernant le faict de ladicte monnoye, sicomme des ostils gardes, & autres semblables, seront a la charge du susdict Clays. Comme semblablement fut d'autre costé conditionné & pourparlé, que la Contesse Marguerite ne pourroit, durans le susdict terme de trois ans, faire forger en son pais autre monnoye, que celle que estoit accordée, saulx mailles artesiennes rondes ou Valenciennes. D'auantage, que s'il aduenoit que ledict Clays eust faute d'argent, ou que l'argent fut trop cher, de sorte, qu'il n'en peust faire son prouffit, le remonstrant a ladicte Contesse, elle seroit tenue dy mettre ordre & remedier. Et fut ce bail donné & accordé audict an septantequatre, lequel est le premier que j'aye peu trouuer au pais de Flandre, outre ce qu'il n'estoit que de blanche monnoye, quy se forgeoit sous l'empire, & non sous la couronne. Et peu apres, la Contesse Marguerite & le Conte Guy son fils, trouuans au faict de ladicte monnoye, plusieurs abus & tromperies, enuoyerent en l'an mil deux cents septantesix, deuers les maistres de la monnoye du Roy de France, pour auoir leur aduis d'aucunes choses concernant icelle monnoye, ensemble pour scauoir comment, & pour quelz cas les delinquans au faict de ladicte monnoye faisoient a punir. Et leur fut respondu par ledits

Loir pour les monnoyers de Flandre.

Premier bail de la monnoye en Flandre.

L'an M.
CC.lxxvj;
La Contesse Marguerite enuoye deuers les monnoyers de France pour auoir leur aduis touchant aucunes choses

culrez concer-
nante le fait
de la monnoye

maistres, que l'on fait faire les assais des boistes le Roy, quād on les delibure a l'assay de quatre deniers, cest a dire qu'il en ya trois assais en la demy vnce. Car on treuve les assais plus certains ainsy, a quatre deniers, qu'a la demye vnce. Et quant au peril de l'amende, auquel le maistre pourroit escheoir, s'il meffaisoit, fut dict par ladicte responce, que syle maistre faict faute en l'essay de quatre deniers, jusques a grain & demy, cest a dire son treuve en la demy vnce, quatre grains de faute, l'on arreste les boistes, jusques a ce que ledict maistre en aura faict autant de larges, cōme l'ō en a trouué descars. Mais sy la faute en l'essay de quatre deniers est de deux grains, sicōme de six grains en la demy vnce, le maistre avec tous ses biēs, sont a la merchy du Seigneur de la monnoye. Et pour autant que j'ay trouué la respōse des susdicts maistres de la monnoye, telle qu'ils enuoyèrent audict Conte Guy, encores qu'elle soit assez rudement & grossièrement concheuē, m'a semble quil ne seroit du tout impertinent, de l'annexer en ce passage, cōme de faict j'ay biē voulu faire, de la maniere quy sensuyt. Sire, sy vous vou-
lez scauoir le faict de la monnoye, certainement faictes fai-
re certaines boistes, & par main de preud'hommes, & de
certain, & quy scaschent du faict, car autrement l'on pour-
roit trop souuent greuer les Seigneurs, ou les maistres, &
sans raison. Et sy prendons nous garde moult, que nous a-
yons certaine garde en la monnoye le Roy. Et sy vous niant
que nostre establisement est tout que nous deliburons ces
droictes boistes, quatrefois l'an, sy nous les trouuons droi-
ctes, & sy nous y trouuōs faute, en l'assay de quatre deniers,
jusques a grain & demy, nous arresterons ces boistes, jus-
ques adonc qu'ils eussent faict autant de larges, & sy nous
trouuiōs faute en l'assay de quatre deniers, de deux grains,
cest a scauoir de sis grains en la demye vnce, nous prēdrions
les maistres, & leurs biens, & seroyent en la merchy le Roy,
cōme il vouldroit. Par ou semble, qu'en ce temps estoit
encores peu vltē en Flandre le faict de la monnoye. Au-
quel neantmoins vn Prince debonnaire doit estre vigilāt,
& diligent, gardant loyauté en cest endroict, (comme en
tous autres) a Dieu, & au peuple, lequel peuple est, accour-
stumé

Lettre respon-
sue des mon-
noyers de Fran-
ce au Conte
Guy de Flan-
dre.

Vn bon Prince
dou estre vigi-
lant au faict de
la monnoye.

sumé estre touchant ladicte monnoye pillé & desrobé en quatre sortes. Premièrement, quand la nature, & substance de ladicte monnoye, est corrompue & gasteé, par aucune mixtion. Consequamment quand le poix, n'y est, puid, quand on ronge ladicte monnoye: finalement quand on la haulse & abbaisse de pris, quy, se faict au prouffit du Prince seullement.

Le peuple est accoustumé d'estre fraudé, en quatre sortes touchant la monnoye.

Comment la Contesse Marguerite, au moyen des plainctes que ceuz de Gand luy firent de leurs gouverneurs, cassá l'ordonnance du Conte Ferrant, touchant les trente neuf de Gand, damnant ausdicts de Gand un autre preuilege, touchant le gouvernement de la ville, avec autres singularitez.

CHAPITRE CXX.



EN VIRON ce mesme temps, les bonnes gens & inhabitantz de la ville de Gand, firent des bien grandes plainctes & doléances a la Cōtesse Marguerite & au Conte Guy son fils, desgouverneurs de la ville dudit Gand, lesquels estoyent deuenus du tout intollerables, entant mesmes qu'ils gouuernoient la ville a leur volonté, pilloyent le peuple, & dechassoyent par bans ceux, quy vouloyent contredire a leurs foulles & exactions. Mesmes pour ce que ceux qu'ils bannissoient, se retiroyent a Malines, Bruxelles & ailleurs, en Brabant: les trenteneuf dudit Gand firent & practiquerent, vne alliance avec les villes de Malines, Bruxelles, Louvain, Thielmont, Liere, & Leuë, par laquelle entre autres choses lesdictes villes & chascune d'elles, s'accorderent & promirent ausdicts de Gand, que de la en auant, ils ne s'oustiendroyent en leur ville, aucun quy se fut esleué, contre les droicts & preuileges dudit Gand, mais les en banniroient & deschasseroient, dont ils baillerent ausdicts de Gand leurs lettres en l'an septantequatre, au grād regret & desplaisir des gens de bien d'icelle ville, lesquels estoyent du tout exclus dudit gouuernemēt, pour ce que la plus part des trenteneuf, quy lors gouuernoient estoyēt mechaniques & de basse cōditio, vians plus de leur volētē

Le peuple de Gand se plaign des trenteneuf dudit Gand.

Intollerable gouuernement des trenteneuf de Gand.

Alliance des trenteneuf de Gand avec les principales villes de Brabant.

Les gens de bien exclus du gouuernement de Gand.

que

Perpetuel go-
uernement de
gens de mestier
dangereux.

Discours de
l'auteur, tou-
chant le gouer-
nement des re-
publicques.

Les gouver-
neurs des villes
doibuent obeyr
aux loix.

Les officiers
d'une ville sont
vne loy parla-
te, & la loy
muets offi-
ciers.

Pluralité de
loix domma-
geable en vne
republicque.

Aucuns aduo-
cats du temps
present blas-
mez.

que de raison. Comme en fin l'on est accoustumé veoir, en vne ville gouuerné par gens de mestier & laboureurs, & principalement quand leur dignité est perpetuelle. Ioinct qu'on ne peut attendre de gens de telle qualité, aucun mo-deste & prudent regiment. Car ceux qui sont nourris en boutique, & ouuoirs ou sur les champs a leur labour, qu'elle experience ou doctrine peuuent ils auoir? Veritablement vne republicque se doibt necessairement porter mal quand les nobles sont afferuis, & le populace domine, pour ce que le plus souuent il vso en ceste domination de cruauté & insolence. Vn peuple donc gouuerné cruellement, ou est assubiecty mechaniquement, a quoy neantmoins se pourra obuyer, sy ceux qui prendēt charge d'office en vne cité, sont tellement instruits, qu'ils sçachent & cognoissent se représenter en eux la magesté, & autorité d'une chose publicque, oublyants ce pēdant, le respect qu'ils doibuent autrement auoir, a leur prouffit particulier, pour appliquer les yeux de leur esprit au biē & vtilité publicque, ensemble aux ordonnances des loix, ausquels ils doibuent de tout poinct obeyr. Affin que l'obeissance que semblables gouverneurs prestent ausdictes loix & ordonnāces, leur soit pareillement exhibée par le peuple en general, & que se puisse accomplir en eux ce que Ciceron en certain passage dict, que les officiers d'une ville sont vne loy parlante, & la loy muets officiers. Voila pourquoy, Platon vouloit, que ceux qui estoient Seigneurs, & gardiens des loix, fussent tresuertueux & gens de bien, ordonnant vne punition merueilleusement rigoureuse, contre ceux qui administrent les loix en les corrompant. Voila aussy pourquoy je trouue tresexpedient l'aduis de ceux, qui maintiennent la pluralité de loix estre domageable en vne republicque; en laquelle doibuent estre le moins de loix, & les plus equitables qu'il sera possible, & dont l'interpretation soit tāt manifeste, qu'on ne soit a tous propos contrainct, de s'accoster a certaine maniere d'hommes practiciens, qui se nōment aduocats, assez mieux exercez (en plusieurs lieux de ceste prouince) a tirer argent & esplucher les bourses des poures gens, qu'a la vraye & syncere interpretation de leurs

leurs loix . Tels doibuent doncques estre lez officiers , & ceux qu'ont administration d'une chose publique , de laquelle neantmoins je ne voudroye totallemēt exclurre les mechanicques, veu que comme membres necessaires a la republicque , ils doiuent aussy participer, aucune fois , aux estats honneurs , & dignitez. Mais mon opinion seroit, ou que la loy d'une republicque doit estre annuellement renouuellée , & qu'en cest euent on y peut appeller des nobles, bourgeois, mechanicques, & autres, quy scafchāts leur dignité ne deuoit durer dauantaige que vn an , n'oseront desborder en aucunes fautes notables. Ou, que le gouvernement d'une ville soit perpetuel, que lors conuiant prendre soigneux regard , a la constitution & creation des officiers, la plus part desquels, je voudroye en cest euent , estre choisis & prins de la noblesse , ou bien des principaux & plus anciens de la Bourgeoisie d'une telle ville, n'inclinant de tant plus a ceste opinion, que difficilement, comme à quelque acte vilain cestuy, quy a deuant les yeux l'honneur qu'ont acquis ses parents ou predecesseurs, en l'administration de la chose publique. Mais celuy quy est incognu de soy, & duquel la rache & descende est obscure, fera biē souuent peu de cas, de commettre quelque acte digne de reprehension ou reproche . Nous auons presentement, desdictes deux formes de republicques, dās vne seule ville de Bruges, vne nayfue representation. Et qu'ainsy soit: le gouvernement dudit Bruges se chanche & renouuelle d'an en an, & sont esleus audit gouvernement nobles, bourgeois , marchants, hommes de lettres & autres , lesquels ont jusques a present tousiours regy & commandé d'une telle d'exterité & prudence, qu'on peut meritoirement affirmer le senat de ladicte ville, ne deuoit ceder a autre quy soit. Ceux du Frac residentz en la mesme ville de Bruges, nous representent l'autre forme de republicque, en laquelle les officiers sont perpetuels, & sy bien choisis, que je n'estime autre país estre pour le present mieux gouverné , que cestuy dudit Franc , ou chascun peut considerer & veoir vn senat tant graue en autorité, & magnifique en representation, qu'il mente veritablement gouverner non que ce

Gouvernement
du ville renou
uélé d'an en
an.

Gouvernement
de ville perpetuel.

Deux formes
de republic-
ques, en vne
seule ville de
Bruges.

Loy de Bruges
renouuellée
dan en an.

Louange du
senat de Bru-
ges.

Escheatins per-
petuels au
Franc.

Louange du
Senat de ceux
du Franc.

D d d peu

Rappel du pre-
uilege touchât
les trente neuf
de Gand.

Nouvelle or-
donnance tou-
chant le gon-
uernement de
la ville de Gād.

peu de païs, qu'est foubz leur jurisdiction, mais vne biē grā-
de prouince, voire & vn royaume pour ample & opulent
qu'il soit. Mais affin de ne trop nous esgarer en ce propos,
retournons aux habitants dudict Gand, lesquels (com-
me desia auions commenché a vous discourir) s'estoyent
retirez plaintifs vers la Contesse Marguerite, & le Conte
Guy son fils: requerants que leur bon plaisir fut, de reuoc-
quer & mettre aneant le preuilege du feu Conte Ferrât,
touchant la creation des trenteneuf. Suyuant quoy, & tou-
tes choses bien considerées, debatues, & examinées, ladi-
cte Contesse, & le Conte Guy son fils, rappellerēt par meu-
re deliberation de conseil, le fustdict priuilege, & par nou-
uelle ordonnance, declarerent que de la en auāt auroit en
la loy trente personnes, & nō plus. Sicomme treize esche-
uins treize conseilliers, & quatre tresoriers, lesquels seroyēt
renouvellez d'an en an, le jour de la decolation Saint Iean
Baptiste, en telle maniere que les trente de l'année presen-
te, esliroyent autres trente pour l'année a venir, tous bour-
geois de la ville, & de la Francise qu'on appelloit *Commans-
ghulde*, & ny pourront estre deux freres ensemble, ny le
pere avec le fils, ny nul des trente de l'année precedēte. Et
pour euitier toutes cauillations & fraudes, l'on fera trente
gales de cire, es treize desquelles, y aura treize enseignes en
clofes, & ces trente gales, portera l'on en vn sacquellet, aux
trente nouueaux esleus, & chascun d'eux en prendrà vn, &
les treze quy auront les treze gales marquez, seront esche-
uins pour icelle année, & les dix & sept seront conseilliers,
dont les quatre seront receueurs par l'election des esche-
uins, & auront pouoir de receuoir toutes les rentes, debtes
proffits & escheances qu'on doit & deliburā a la ville, sy se-
ront tenus de compter de toutes choses deux fois l'an, par-
deuant escheuins & le conseil. Scauoir, a la purification de
nostre Dame & a lyssuē de l'année, & chascun desdicts
tresoriers, pourra par luy seul. payer toutes debtes de dix li-
ures & en dessoubz, & par vn desdicts trente avec luy, tou-
tes debtes de soixante marcs & en dessoubz, & le surplus
adresserāt-on par escheuins. Et sy aucun desdicts trente,
meure dedans l'an, les escheuins quy demoureront en vye
esliront

esliront vn autre, en son lieu, & le bailly en prendra le serment, ou en son deffaut les escheuins mesmes. Et ne pourra nul de treize escheuins, ny des quatre tresoriers accéder au cun prouffit, ou escheance appartenante a la ville, qu'elle qu'elle soit, ny estre marchand de bled, ny de vin, ny estre en cōpaignie de celuy ou ceux, quy de ce se meslerōt, tāt qu'ils seront en leurs offices. Comme de tout peut plus a plain apparoir par les lettres, quy en furent faictes en l'an mil deux cents septante cinc. Et on auoit le jour de la decollatiō S. Ieā Baptiste mis en train ceste maniere de faire, mais les trente neuf en appellèrent au Roy & a son parlement, comme pourrez veoir par le chapitre subsequnt.

Comment les trente neuf de Gand appellèrent de la susdict ordonnance de la Contesse Marguerite, deuant le Roy de France, de la sentence arbitraire d'iceluy Roy sur les debais desdicts trente neuf contre leur Contesse, & du trespas d'icelle.

CHAPITRE CXXI.



VOUS auez veu au chapitre precedent, la reuocation du priuilege du Conte Ferrant touchant les trenteneuf de Gand, faicte par Madame Marguerite & l'occasion d'icelle reuocation, entendez maintenant, que lesdicts trenteneuf en appellèrent, & traierent la Contesse pardeuant la personne du Roy *super defectu iuris*, & alleguerent lesdicts trente neuf pour leurs griefs, que combien qu'ils auoyent este contents d'estre en droict pardeuant ladicte Contesse, & d'amender tout ce, en quoy ils pouoyent en faisant leur office, auoir delinqué, elle les auoit nonobstant ce, & sans raison, priué de leurs estats & offices, mesmes sans cognoissance de cause, & sans les auoir ouy ny faict appeller en justice: au moyen de quoy, ils contendoient a ce qu'ils fussent restitués & redintegrez en leursdicts estats & offices, & que l'ordonnance par elle faicte, au prejudice du preuilege du Conte Ferrant, fut par le Roy rappelée & mise a neant. La Contesse de aultre-part soustenoit au contraire, alleguant

Les trenteneuf de Gand, appellent de la susdite reuocaciō faicte par Madame Marguerite & le Conte Guy, qu'ils traierent deuant le Roy de France *super defectu iuris*.

D d d ij les

Sentence arbitraire de France, sur les débats des trente neuf de Gand contre Madame Marguerite.

L'an M. CC.lxxvi

les griefs irreparables qu'au moyen dudit priuilege estoient venus a la ville, ensemble les insupportables exactiõs, que lesdicts trente neuf, sous vmbre de leur perpetuité, faisoient au pouure peuple. Finablement parties ouyès, fut par l'entreparger du Conte de Bloys, & de Messiere Henry de Viseliaco, tresorier de Laon, traité du consentemēt des parties, que le Roy enuoyeroit a Gand, le Conte de Ponthieu & Messiere Guillaume de Neufuille, archidiaque de Blois ses commissaires, pour eux informer de la vye & gouvernement desdicts trente neuf, & s'aucuns estoient trouuez coupables, que la Contesse les puniroit, par l'aduis desdicts commissaires. En outre, que lesdicts commissaires s'informeroyent pareillement de la maniere, que la Contesse auoit tenu, en priuant iceux trēte neuf de leurs estats, & en creant les nouveaux, affin que s'aucune chose faisoit a reparer, elle en fit par le conseil desdicts commissaires. Et retenoit le Roy a luy l'interpretatiõ du preuilege, & octroy dudit Conte Ferrant & de la Contesse Ichēne sa femme, pour le casser ou confirmer, selon que l'informatiõ veuē, il trouueroit de raison. Dont les parties se contētèrent, entāt mesmes que fut semblablement dict & pourparle, que nō obstant ce que dessus, ladicte Contesse, & les successeurs Contes ou Contesses de Flandre, demoureroient en leur haulteur, juridiction, & Seigneurie, ainſy qu'ils estoient au parauant le commencement des questions presentes. Ainſy faict a Paris au mois de Mars en l'an mil deux cents septante six. Et assez tost apres pour ce qu'il estoit apparu, par les informations tenuēs par lesdicts commissaires que Guillebert Polham, Simon Alnuch cheualier, Guillaume de Gruntere, Guillaume de Mas, Alidom de Gauere, Henry Hac, & Wesseline Brucq s'estoyent mal & indeuēmēt gouvernez: la Contesse Marguerite les priua, par l'aduis desdicts commissaires, de leurs estats & offices, les declairāt inhabiles pour jamais exercer offices, & furent tous les autres remis par ladicte Contesse en leurs estats. Sy fut par le Roy approuuē & confirmē le priuilege du Conte Ferrant, au moyen de quoy la Cōtesse reuocquā & rappellā la nouvelle ordonnance par elle faicte, & la creation des nouveaux

ueaux escheuins emanée en vertu d'icelle, retenant par le Roy en son aduis d'ordonner sur le faict de la creation des nouueaux escheuins, & subrogation d'iceux au lieu des dessus nommez, ausquels l'on auoit trouué des trespoursdes fautes & merueilleusement grands abus. Sy est-ce qu'en fin fut dict, que lesdicts trente neuf procederoyent a l'election de sept autres au lieu d'iceux, selon la forme du preuilege dudiect Conte Ferrant. Ce fut faict a Paris l'an mil deux cents septante sept, au parlement de Sainte Marie Magdalene, presents le Roy Simon, Cardinal de Sainte Cécile, legast Apostolicque, l'Euesque d'Eureux, l'Abbe de S. Denys, Rase de Neelle chambrelain de France, le Conte de Pontieu, l'Archidiacre de Chartres, & autres. Par ou fait clerement a veoir, que le parlement de France, n'estoit pas lors en la préeminence ou autorité, en laquelle, il a depuis esté. Et fut ceste cause la premiere de Flandre, que jamais y auoit esté ventilée, dont neantmoins il soit memoire, en laquelle toutesfois l'on proceda plus par expedients traictez, & consentement des parties, que par rigueur de justice: outre ce, que y fut reserué a la Contesse en toutes choses sa hauteur & Seigneurie. Peu apres sicomme en l'á mil deux cents seprante neuf, le dixiesme de Februrier trespassa Madame Marguerite Contesse de Flandre & d'Hainault, laquelle fut enterree a grand pompe & magnificence en l'Abbaye de Flines, les Douay, & succederent a ladiete Marguerite, sicomme en la Conté de Flandre le Conte Guy son fils ainsné, & en celle d'Hainault, Iean D'aucines son neveu, fils de Iehan d'Aucines son fils bastard.

Le priuilege du Conte Ferrant touchant les trente neuf de Caud, confir-mé, & la nouuelle ordonnance de la Contesse Marguerite rappellée.

L'an M.
cc.lxxvij.

L'an M.
cc.lxxix.
Trespas de Madame Marguerite Contesse de Flandre.

De l'aduenement du Conte Guy en la Conté de Flandre, & de diuers preuileges, donnez en son temps, tant par luy que autres, aux villes & pays de Flandre.

CHAPITRE CXXII.



VY Conte de Flandre, fils de la Cotesse Marguerite, fut deux fois marié, la premiere fois a la fille de l'aduoué d'Arras Seigneur de Bethune & de Tenremonde, d'or il eust cinc fils,

D d d iij & qua-

*Le Conte Guy
deux fois ma-
rié.*

*Les enfans du
Conte Guy.*

*Le cloistre de
Sainte Claire a
Pereghem fon-
dé par Mada-
me Ysabeau de
Luxembourg
Contesse de
Flandre.*

*Le Conte Guy
se fioit trop en
ses amis.*

*Privileges
pour ceux de
Gand, don-
nez par le Conte
Guy.*

quatre filles: scauoir Robert de Bethune quy luy succeda. Guillaume Seigneur de Tenremonde, Baudouyn quy trespassa ieune & gist a Bruges, Jean Preuost de S. Donas & de Saint Pierre a Lille, depuis Euesque de Mers, & finalement Euesque de Liege. Philippe Conte de Thiette & de Lorette. Beatrix Contesse d'Hollande, la duchesse de Iuliers, la Duchesse de Brabant, & la Contesse de Blois. Sa seconde femme, fut Madame Ysabeau Contesse de Namur fille d'Henry Conte de Luxebourch, dela Roche, en Ardenne, & de Namur. Dont il eust trois fils: scauoir Iean Conte de Namur, Guy Seigneur de Rickenbourch, & Henry Conte de Lodes: & trois filles, Marguerite Roynne d'Ecosse, & apres Contesse de Gheldres, Adelis Dame de Frenes, & Madame Philippe quy fut fiancée a Edouard fils aîné du Roy d'Angleterre. Et trespassa ladicte Contesse Ysabeau, en l'an mil deux cents quatre vingts dix & huit & gist a Petheghem, lez Audenarde, en vn cloistre de Sainte Claire, qu'elle fonda de l'ordre de Monsieur Saint François. Je ne scay que deuant Madame Mehault, sa premiere femme, ny ou elle est morte, ou enterree. Ce Conte Guy estoit vn prince sage, & vertueux: mais il se fioit trop en ses amis, dont mal luy en print, comme voirez par le discours de son histoire. Au temps de ce Conte Guy, fut faicte la separation des juridictions des villes de l'Escluse, que lors on appelloit Lammusliert, & de la Mude, & fit ledict Conte mettre es limites quatre bonnes, & leur donna leur premier priuilege, quy est d'estre francs de conlieu par toute la Conté, comme estoient & sont ceux du Dam. Pourueu qu'en ce lieu, luy & la Contesse sa femme, auroient audict Lammusliert, le droit d'afforage des vins, leur vie durant, & Iean de Namur leur fils apres eux heritablement, ainzy & de la mesme sorte, qu'on lieue ledict afforage en la ville du Dam, comme de tout appert, par ses lettres du mois de May l'an mil deux cents quatre vingts treize. Le mesme Conte Guy, desirant grandement complaire a ceux de Gand, leur donna par priuilege tout ce qu'est contenu en la sentéce arbitrale, de ceux de Saint Omer, dont parlé sera cy apres: saulx qu'il specifie plus clere-

clerement aucuns articles , eslargissant , & ampliant les autres. Et premierement dict: Que le Conte, ny autre en son nom, ne pourra arrester bourgeois, ny bourgeoise, dedens Gand, ne de hors , sy ce n'est en frances villes de Loy , ou sy ce n'est en present mesfaict , de larchin, ou de mort de homme, ou d'autre cas vilain, & quiconque autrement feroit , seroit tenu l'amender de soixantre liures . Que de tous arrestz , les escheuins en aurôt la cognoissance. Que le bailly ne pourra mettre le bourgeois a mort, ny a gehe-
ne , que par les escheuins. Que chascun bourgeois pourra choisir d'estre mis a droict, deuant les escheuins ou au lieu, ou le faict aura par luy esté perpetré , hors mises frances villes de Loy . Que le bourgeois ne pourra fourfaire que soixante liures, ou le corps , saulf en vn cas , quy est de tref ue brisée , auquel on fourfaict & corps & soixante liures.

Aussy ne pourra il fourfaire son fief , pour quelque cas que ce soit , n'est qu'il face chose au preiudice de son Seigneur pourquoy il le doibue perdre , par le jugement de ses pers. Que nul ne pourra prendre en la ville de Gand , sinon les deux sergents. Que le bailly ny autres officiers ne pourront mettre VVeddebodes es maisons des bourgeois . Que on ne pourra tenir quoye verité , contre les bourgeois , sous peine de fourfaire soixante liures , hors mis les baillis du Conté , avecq plusieurs autres poincts , & articles concernant le faict de la justice , & maniere de faire droict , les autres le faict des Francises , & libertez des bourgeois , dont il leur donná lettres en l'an mil deux cents quatreuingts seyze , le Lundy apres le dimenche des Paulmes , confirmées par Robert son fils aîné. Et peu apres , lesdicts de Gand applicquerent a leur ville & escheuinaige , par achapt qu'ils en fissent de Robert de Flandre Conte de Neuers, Sainte Marie Landt, Sburgrau & Mer Raes gherechte avecq leurs appartenances. Et environ ce mesme temps , le Roy Edouaert d'Angleterre affranchit a leur requeste , les bourgeois de Gand de confiscation par toute Angleterre, voulant & ordonnant que les biens ny les marchandises desdicts Bourgeois ne puissent estre fourfaits pour quelque cas que ce soit. Le-

Ampliation de
la ville de Gand
sous le Conte
Gay.

Les Bourgeois
de Gand affran-
chis par toute
Angleterre de
confiscation.

dict

Preuileges
pour Bruges
par le Conte
Guy.

Appaiseurs a
Bruges.

Preuileges
pour Flandre.

ouillees
sur Ypre.

dict Conte Guy, & Messiere Iean de Ghistelles, Seigneur du tonlieu de Bruges misrent audict lieu ordre & rigle sur le faict des pois & mesures, ordonnans qu'on ne peust en sa maison auoir plus de pois, que de soixante liures, par leurs lettres de l'an mil deux cents quatre vingts deux, & par autres lettres de l'an quatre vingts treze : il affranchit ledict bourgeois dudit tonlieu, moyennant vne grande somme de deniers que iceux de Bruges en payerent a Madame Ysabeau, de le woestine vesue, & a Ieá de Ghistelles fils dudit Messiere Iean. Le mesme Conte Guy affranchit les bourgeois de Bruges du droit de bastard, sy auant qu'il meure dedans l'esceuinage de Bruges, dont sont lettres de l'an quatre vingts neuf, il accorda ausdicts de Bruges que ceux du Dam seroyent tenus venir a Bruges a chef de seus, par ses lettres de l'an quatre vingts dix, & outre ce, accorda qu'en Bruges ne pourroyent estre que douze preneurs, avec le bailly & lescoutette. Le Roy Philippe le Bel, ayant conquis la ville de Bruges sur le Conte Guy, confirma a icelle ville tous leurs priuileges, coustumes & vsages, leur rendant les priuileges qu'auoyent esté bruslez au belfroy, par deux ses lettres de l'an quatre vingts dix & neuf. Philippe Conte de Thiette, & de Lorette, fils du Conte Guy estant rouwaert de Flandre, ayant recouuré Bruges apres la deffaicte de Groninghe, ordonna audict Bruges, cent appaiseurs quy auoyent puissance de prendre assurance, par ses lettres de l'an trois cents trois. Le mesme Philippe en la qualite que dessus, donna pour preuilege a ceux de Flandre, que lors que seroit question entre le Conte de Flandre, & vne des cinc villes : scauoir, Gand, Bruges, Ypre, Lille, & Douay, sur l'interpretation d'aucun preuilege du pais, ou desdictes villes, que la cognoissance en apertiendroit aux autre quatre, & s'il y auoit question entre l'une desdictes cinc villes, les autres quatre villes ausquelles ceste question ne toucheroit, seroyent de icelle juges, a la semonce du Conte, ou de son lieutenant par ses lettres datées audict an trois. Le Conte Guy accorda a ceux d'Ypre, que luy ny autre de par luy ne pourront arrester les biens d'aucun Bourgeois d'Ypre, hors la jurisdiction

dition dudit Ypre, n'est que preallablement il ayt esté cō-
deinpne par la loy de ladiète ville, que nul bourgeois, ne
pourra estre attraiçt ny conuaincu par franchises veritez en
la chastenie d'Ypre. Qu'en la ville d'Ypre, ne pourront es-
tre que trois preudeurs, le bailly, le poortbailly, & l'escou-
tette ou chastelain avec leur seruiteurs en leur presence par
ses lettres de l'an mil deux cents quatrevingts sept. Par les-
quelles lettres il declare semblablement: que tout ce qui
sera melfaiçt sur le bailly & chastelain, sera puny par luy &
son conseil. Mais ce qui sera melfaiçt sur les sergents, sera
cognu par la loy, sy ce n'estoit que le melfaiçt fut auenu
en la presence de leurs maistres. Il fit aussi vne belle ordon-
nance ausdiçts d'Ypre, sur le faiçt de leur draperie, & taxe
le salaire & donne rigle aux foulons, & a leurs varlets, en-
semble aux tondeurs & autres par ses lettres de l'an mil
deux cents quatrevingts. Par vne lettre de l'an quatre-
vingts cinc, il quite a ceux d'Ypre tout le droict qu'il auoit
au change d'Ypre, accordant que ceux dudit Ypre, pour-
roit melmes tenir le change a part eux. Sauf que les Lom-
bards, auxquels il en auoit donné l'oçtroy, jouyoyent d'ice-
luy oçtroy jusques a l'an quatrevingts dix. Le mesme Con-
te Guy, fit appoinçtemēt entre ceux de Bruges & du Franc
touchant le Bouchstoorn, que signifie les debats qu'ad-
uiengnent au bouch de Bruges ordonnant, que si le debat
sur-vint entre deux franc-hostes, la cognoissance en appar-
tiendrait a ceux du Franc, & s'ils sont tous deux bourgeois,
les escheuins de Bruges en cognoistront, & si tous deux
sont forains non bourgeois ny franc-hostes, ceux de Bru-
ges en auroient la cognoissance, comme semblablement ils
auroyēt, si l'un fut forain & l'autre bourgeois, mais si l'un est
forain, & l'autre est franc-hoste, & l'autre est bourgeois, & q̃
le franc-hoste ayt commencē le debat, ceux du Franc en
auront pareillement la cognoissance, & si le bourgeois a
commencē, la ville en cognoistrā, & s'il y a difficultē qui
commençā, le bailly s'en informera: pour suyuant ce, con-
stituer les delinquants par deuant ceux qu'il appartiendā,
comme peut de tout plus a plain apparoirre, par les lettres
qui leur en donnā en l'an mil deux cēts quatrevingts neuf.

Appoinçtemēt
entre ceux de
Bruges & du
Franc, touchāt
les debats que
aduengnent au
bouch de Bru-
ges.

Ecc Ce

Ce Conte Guy ordonná aussi a ceux de Lombaertzyde, que la loy si referoit d'an en an par ses commis, sauf que le Conte pourroit continuer trois des vieils escheuins, encore pour vn an, & non dauantage par ses lettres, de l'an mil deux cents quatrevingts huiet. Il octroyá a ceux de Oostburch vn franc marchie, tous les ans, au jour de Saint Laurens, lequel deuroit durer trois jours continuels, par ses lettres de l'an mil deux cents quatrevingts seize. Il donna a la ville de Lille, la Halle la Boucherie, & toutes les prouffits qui en viengnent par ses lettres de l'an mil deux cents septante neuf & quatrevingts cinc. Il donna & applicquá aussi a l'Escheunaige le quartier de Saint Maurice.

Ampliation de
l'escheunaige
de Lille.

Comment le Conte Guy, voulut contraindre les gouuerneurs de Bruges a la rendition des comptes de leur administration, des lettres de prouision qu'a ces fins il obtint du Roy de France, & commés ceux de Bruges par deux fois rebellérent contre ledict Conte Guy, de la punition desdictes de Bruges, & d'autres particularitez.

CHAPITRE CXXIII.



PRES que le Côte Guy, fut par tout le païs de Flandre esté receu pour Côte & Seigneur, il applicquá son principal soing & estude pour scauoir comment, & par qu'elle maniere, il pourroit sans aucun tumulte, reduire ceux de Gand, & de Bruges a luy laisser jouyr de ses droicts, haulteurs, & preeminences, lesquelles ils luy auoyent osté par vsurpation & introduction de coustumes, tandis que les deux dernieres Princesses, auoyent gouuerné. Et commença a ceux de Bruges, ou il voulut contraindre les gouuerneurs, de luy rendre compte des administrations qu'ils auoyent eues des biens de la ville. Et pour ce qu'ils y mettoient difficulté, disants que jamais ils ne l'auoyent accoustumé, mesmes qu'il deuoit suffire de la renditió des comptes, qu'ils s'entrefaisoyent l'un a l'autre en secret. Et quant ce ne suffiroit, restoit encores a discuter, a qui la cognoissance de ceste matiere appartenoit, ou au Conte avec ses hom-

Le Conte Guy veut contraindre ceux de Bruges a la rendition des comptes de leur administration & obtint a ces fins lettres de prouision du Roy de France.

hommes, ou aux escheuins des villes. Ledit Conte Guy, obtint du Roy comme souuerain, les lettres de prouision, par lesquelles estoit ordonné audit Conte Guy, de cōstraindre tous escheuins & administrateurs des villes de Flādre, a rendre compte & *reliqua*, de leur administration a ceux lesquels y auoyēt interest, en presence de ses commissaires, & pardeuant aucuns gens de bien, de la commune qui ont a supporter les charges: le tout sommierement, par voye de faict, & sans figure de proces, comme de tout peut apparoir par les lettrres patentes d'iceluy Roy données a Paris, le Lundy apres les octaues de Saint Pierre & Saint Paul, l'an mil deux cents septante neuf. Nonobstant quoy, le Conte Guy trouuat vne infinité de difficultéz, procrastinations, & delais auant les y pouoir induire. Et durant ces entrefaictes, le feu se print audit Bruges, de sorte, que le belfroy, estât sur le marché, se brusta entierement. Suyuant quoy, le Conte Guy, pensant que tous les priuileges d'illec y fussent semblablement esté bruslez, print resolution de reduire ladicte ville, & la gouuerner de mesme maniere, comme s'elle fut esté sans aucun priuilege. A raison de quoy, ceux dudit Bruges grandement troubléz, se mirent en armes, & tuèrent par tumulte aucuns des gens dudit Conte: lequel de ce aduertiy, assembla grand puissance, & vint en toute diligence vers Bruges, qu'il reduict assez tost sous son obeissance, & apres auoir faict executer par l'espée, jusques a cinc des principaux de ceste sedition (dont se peut encore veoir aucune memoire a Saint Andrieu pres Bruges, il con dempnâ le corps de ladicte ville, pour le susdict melfaict en amende de cent mille liures Artesiennes, & en quatre mille liures au prouffit de ceux qui auoyent esté interesséz par ledit tumulte le tout a payer a certains termes lors prefix: ordonnant que plusieurs bourgeois, lesquels en ceste reuolte auoyent tenu son party ne contribuassent avec les autres en ladicte amende. Et ores que la susdicte punition, d'eust auoir seruy d'exemple ausdicts de Bruges pour a l'aduenir n'attēter choses semblables. Si est-ce que peu apres le partement dudit Côte ils s'esmeurēt de rechief assez plus legierement que la premiere fois, & entre autres occirent

L'an M.
CC.lxxix

Ceux de Bruges en armes contre le Conte Guy.

Execution d'aucuns seditieux a Bruges par le Conte Guy.

Autre rebellie
de ceux de Bru-
ges contre le
Conte Guy.

Ceux de Bru-
ges se submer-
gent a la miseri-
corde du Conte
Guy.

L'an M.
CC.lxxxj

Des groote
Moerlemay a
Bruges.

Ceux de Bru-
ges mal affe-
ctionez vers le
Conte Guy.

Aueunes acque-
sies du Conte
Guy.

Thierry Vrancquezone, qui fut cause, que le Conte Guy retourna avec forches vers Bruges, ou les habitants se submirent aussi tost du pais, de la ville de leurs biens, & de leurs personnes, a la volonte & misericorde du Conte, lequel ne mesurant la rigueur de sa justice, a la grandeur du meffaiet, ains vsant de sa nayfue clemence & grace, leur pardonna tous mesus, toutes alliances & conspirations, soubz condition toutesfois, que, si de la en auant ils controuenoient a la paix, que lors il leur accorda, ou en particulier, ou en general ledict Conte en prendroit la cognoissance per sa seignorie & volonte, &, lors toutes loix & escheuins, & outre ce les condempna de rechief par dessus les susdictes cent quatre mille liures, en autres vingt mille liures, & en deux mille pour faire restauratiõ, a aucuns bourgeois, qui durant ceste derniere emente, auoyent este endommages, & encores en cent liures Parisis, pour l'amende de la mort dudiect Thierry Vrancquezone. Ce fut fait au mois de Septembre le Mercredy apres la feste de la Sainte Croix, en l'an mil deux cents quatrevingts vn, & fut ceste la premiere Wapeninghe, qu'aduint en Flandre, dont les histoires façent memoire, laquelle commotion s'appella de *groote Moerlemay*. Depuis lequel temps, lesdicts de Bruges, ne porterent oncques amitie ny affection au Conte Guy, ains luy furent tousiours contraires, selon que pourrez veoir cy apres. Lequel Conte Guy achaptã enuiron ce temps, de Renault Abbẽ de Saint Cornille Dynde de l'ordre Saint Benoit & de son conuent, les villes de Renays, de Hoorenbecque, Saint Cornille Brackele Saerlinghe, Woendeke & Elciele pour quatre mille liures Parisis, moyne de Flandre, & les donnit a Guy son fils, a tenir en fief de la Conte de Flandre comme son partage.

De la commotion de ceux d'Ypre, appellẽ Cockernulle, ensemble des debais du Conte Guy, contre le Seigneur d'Andenarde, pour le ressort de Flobecque. & Lẽsines, & de la chambre legale de Flandre,



ADICT an mil deux cents quatrevingz & vn, la commune d'Ypre s'esleuá (je ne sçay pourquoy) contre les gens de bien, & courroyent auant la ville arrengez, cryants Cöckerrulle, & tuants tous les gens de bien, qu'ils trouuoient en leur voye. Au moyen de quoy, le Côte Guy se transportá vers ledict Ypre, a grande puissance, & print ladicte commune en submission, suyuant laquelle condépna icelle commune par sa sentence & grandes amendes & reparations. Mais je ne trouue qu'il fit executer aucun desdicts mutins par le dernier supplice, dont je mesmerueille grandement, veu mesmes que ladicte commotion semble n'auoir procedé d'autre chose, que du pure licence, laquelle par l'exemplaire justice d'aucun des chiefz, deuoit pour le moins auoir esté refraincte & chastoyée: ledict tumulte d'Ypre fut appellé Cockerulle. Au mesme temps, sourdit grand debat & altercation entre le Conte de Flandre & Jean Seigneur d'Audenarde, pour le resort des villes & chasteaux de Flobecque & de Lessines. Lesquelles le Conte Guy maintenoit estre des appartenances de la baronnie de Audenarde, & par consequent du resort de Flandre. Nonobstant quoy ledict Jean cötreuenant a son fermét de fidelité, qu'il auoit faict audict Côte de Fládre auoit releuées lesdictes villes, de Ieá d'Auesnes Conte d'Hainault, luy en faisant feaulté & hommaige. Dont le Conte Guy grandemēt irrité, se preparoit a la vengeance, mais par l'entrepaiser & a l'intercession d'aucuns seigneurs, ambedeux les parties se submirent de ce different, audict & arbitrage de Monsieur Robert de Flandre, Conte de Neuers & seigneur de Beithune. Lequel peu apres declará, sur la foy qu'il desuoit au Conte de Flandre son Seigneur & pere, & pour autá qu'il pouoit auoir aprins par l'enqueste que luy mesmes en auoit tenue, mesmes selon qu'il estoit asseuré par le conseil de gens a ce entendus, que Lessines & toutes ses appartenances estoient du fief du seigneur d'Audenarde tenus de Flandre & de sa baronnie. Le mesme Robert dist aussi & declará que Flobecque le chastel avec tout ce ques'extend tant dessus que dessous la forteresse estoit du fief de Flan-

Commotion a
Ypre appellée
Cockerulle.

Ceux d'Ypre
punis ciulle-
ment.

Debat entre le
Conte Guy &
le Seigneur de
Audenarde.

Sentence arbi-
traire de Ro-
bert de Beithu-
ne, sur le debas
du Seigneur
d'Audenarde
contre le Con-
te de Flandre.

L'an M.
CC.lxxxj

Flobecque &
Lestines terres
de debat.

Chambre lega-
le de Flandre,
quid?

dre & de sa baronnie . Et le surplus du dehors des fossiez ,
ainsi que la ville s'estend est alloes du seigneur d'Audenar ,
de. Mais il ne scauoit dire en qu'elle prochaineté , ny en
qu'elle Contée ces alloes gisent. Et outre ce dist lediēt Cō-
te Robert, que les bois de Portebery , sont de la baronnie
& du fief du seigneur d'Audenarde , qu'il tient du Con-
te de Flandre, dont sont lettres de l'an deux cents qua-
trevingts & vn, ce mesme different auoit esté meū en l'an
quatrevingts , & lors Messire Hellin de Cisoing , a ce par
les parties commis, declaira en presence du Conte Robert
de Flandre, & de plusieurs autres, qu'il trouuoit par dilige-
tes informations, qu'au tēps passé Messire Arnould d'Au-
denarde, voulant adheriter lediēt Messire Jean son fils, de
trois mille liures de terre par an, en la baronnie qu'il tenoit
de la seigneurie de Flādre, fut de Madame Marguerite lors
presente, avec plusieurs seigneurs , a faire lediēt adherite-
ment, interrogué, quelle chose de sa baronnie, il tenoit en
fief de la seigneurie de Flandre. Et que lediēt Messire Ar-
nould, sur ce respondit , & confessa , tenir dudiēt Flandre
Mere , Pamele , les Bois noirs, Watines, Flobecque, Lesti-
nes, les hommaiges de Mande & leurs appartenances. Du-
quel record, ensemble desdictes trois mille liures assignées
& hypotequées sur lesdictes terres, furent lors faictes lettres
par le Conte Guy en sa chambre legale. Nonobstāt lesquel-
les informations & declarations , s'est depuis plusieurs fois
renouuellé ce debat: de maniere que encores pour le jourd
huy lesdictes terres s'appellēt, Terres de debat, comme pl^r
amplement pourrez veoir cy apres. Et pour autant qu'auōs
presentement faict mention de la chambre legale du Cōte
Guy, auant passer plus outre, me semble que ne feray hors
propos, si je vous declaire qu'estoit lors ceste chambre lega-
le. Entendez donc, que audict temps, la court du Conte de
Flandre estoit vne congregation & assemblée de nobles,
& gens de conseil tels que le Conte y faisoit appeller, sans
que le nombre fut aucunement limité. Desquels le Conte
mesme estoit chief, & conjuroit ses hommes , lesquels a sa
semonce faisoient droict aux parties & jugeoyent par ar-
rest, laquelle assemblée est ce que nous disons, la chambre
lega-

legale de Flandre, ou l'on ne traitoit que matieres grandes & pesantes, ensemble toutes matieres feodales mouuantes niuement de la personne du Conte. Et quand on tenoit ceste chambre, ou court legale, il y auoit vn liest de parement, sur lequel gisoit vne espée nuë, en signe de souveraineté, & estoit ceste maniere de faire introduicte, & vlee auparauant de grande anchieneté. Et audict temps estoient les principaux hommes que le Conte Guy faisoit appeller, pour tenir la dicte chambre, Robert son fils aîné, Iehan Seigneur de Dompierre, & de Saint Desier son neveu, Iehan de Ghistelle-Seigneur de le Woeftine, Rogier de Ghistelle son frere, lesquels tous selloient a cheual Guillaume de Mortaigne Seigneur de Ramais, Iehan de Zieffelle, Gilles de Raesse, Iehan de Formiselles, & autres.

Du debat qui se mient entre le Conte Guy, & les trente neuf de Gand, pour la rendition de compte de leur administration, ensemble de la guerre de Flandre contre Hainault, pour le chastel du Quesnoy.

CHAPITRE CXXV.



EN l'an mil deux cents quatrevingt, sourdit semblablement grand differant & debat, entre le Conte Guy joint a aucuns de la commune de Gand d'une part, & les trente neuf dudit Gand d'autre. A raison du compte de leur administration que le Conte exigeoit desdicts trente neuf, & a quoy suyuant les susdictes lettres patentes, qu'il auoit obtenues du Roy de France, il pretenoit les forches & contraindre. Ce que neantmoins s'appaisa, moyennant dix & huit mille liures que lesdicts trente neuf donnerent audict Conte Guy : lequel aussi leur donna consentement de ponoir dedans la ville leuer maltotes, & ascoir des assises, pour avec ce payer les grandes charges esquelles ladicte ville se trouuoit lors plongee: sous condition touteffois, que ledict Conte nommeroit & constitueroit les receneurs desdictes maltotes, & que

Debat entre le Conte Guy, & les xxxix. de Gand pour les copies de leur administration

luy

luy mesmes ou son commis les renouelleroit d'an en an & que lesdicts receueurs seroyent tenus rendre compte deux fois l'an, en presence de les commissaires, des escheuins, & de la commune dudict Gand : moyennant aussi, que le seau de la ville, seroit sequestre, durant le cours desdictes maltotes, lequel expiré leur seroit semblablement restitué ledict seau, & non plus tost ordonnant au reste, que les escheuins receueroyent les rentes de la ville, les pointinghes des collecteurs & autres, pour avec icelles entretienir ladicte ville & dont ils seroyent tenus rendre compte vne fois l'an ; Et promet ledict Conte faire droit a ceux qui voudroyent contredire audict octroy, comme apert par les lettres dudict an quatre vingts, Et par autres lettres de mesme date, il confesse estre content du cōpte de leur administration de six ans, qu'il leur auoit demandé, moyennant la declaration qu'ils seroyent tenus faire par serment, de ceux qui deuoyent quelque chose a ladicte ville . Et par autres lettres de mesme date, il promet ausdicts trenteneuf de les garder & deffendre contre tous ceux, lesquels sous pretexte dudict compte, leur voudroyent demander quelque chose, ou maintenir qu'ils auoyent fait ledict compte indeuement. Peu apres li comme en l'an quatre vingts deux, le Conte Guy assembla bonne troupe de gens, pour faire guerre a Jean d'Auesnes Conte d'Hainault, lequel tenoit sous son pouoir, le chastel du Quesnoy, appartenant, selon que pretendoit ledict Conte Guy aux Seigneurs de Flandre, mais par l'entrepaiser de Iehan, Duc de Brabant, ils s'entredonnèrent vne trefue, laquelle fut depuis souuent rallongée, pour l'esperance qu'on auoit de les accorder par voye amiable: de maniere que ce different durá assez bonne espace de temps, & duquel le Roy Philippe de France se mesla. Deuers lequel les deux parties se trouuèrent finalement a Compiègne au mois d'Aougt en l'an mil deux cēts quatre vingts sept, & furent contraintes de remonstrer chascune d'elles respectiuelement son droit deuant ledict Roy en son parlement a Paris, & meismes d'en attendre son jugement. Le ne scay toutesfois, comment cest affaire ont esté decydeé encore que je treuve qu'en

L'an M.
cc. lxxxij.
Guerre entre
Flandre & Hai-
nault, pour le
chastel de Ques-
noy.

quen l'an quatrevingts huiſt, ceux de Gand obtindrent o-
 ſroy du Côte Guy, affin de pouoir aſſcoirvingt mille liure^s
 qu'ils luy auoyēt accordé, pour la paix de luy, & de ſon ne-
 ueu le Conte de Hainault, a payer par trois mille liures
 par an.

*Comment le Conte Guy euſt de rechief pluſieurs & diuers debats
 contre les xxxix. de Gand pour la rendition de leur comptes, en-
 ſemble des differents qui ſourdirent entre les Duc de Brabant, &
 Conte de Gheldre, pour la ſucceſſion de Lembourch, dont furent
 choiſis pour arbitres les Contes de Flandre & d'Hainault.*

CHAPITRE CXXVI.



N l'an mil deux cents quatrevingts & trois, L'an M.
cc.lxxxiiij.
 ſe renouuellá le different de la commune de
 Gand contre les trenteneuf, leſquels le Con-
 te voulut conſtraindre de rechief & forcher,

a luy rendre compte de leur adminiſtration,
 ordonnant audict effect que aucuns d'entre eux fuſſent cō-
 ſtituez priſonniers, au moyē de quoy la plus grand part deſ-
 dictſ trente neuf, s'absenta, & ſe retirá vers France, qui fut
 cauſe, que le Conte emprint luy meſme le gouuernement
 de la ville. Mais leſdictſ trente neuf en appellèrent, & fi-
 rent adjourner le Côte au parlemēt a Paris *ſuper defectu iu-
 ris*. Ou les parties ouyēs, fut dict par la court preſent le Roy,
 mal auoir eſté appellé par les xxxix. par ce qu'il ny auoit eu
 aucun deffault de juſtice, & que pour tant ils l'amenderoy-
 ent vers le Conte. Et furent renuoyez en la court dudict
 Conte pour illec eſtre jugée & taxée ladiſte amende de
 leur fol appel. Et depuis fut en la court de Flandre grande
 altercation entre les parties, pour ſçauoir ſi l'amende ſeroit
 ciuile ou criminele: entant que le Conte pretendoit leſ-
 dictſ trente neuf deuoir eſtre priuez de leurs eſtats & offi-
 ces, & tous leurs biens tant meubles que immeubles de-
 uoir eſtre conſiſquez a ſon prouffit. Les trente neuf au con-
 traire ſ'oſtenoyent que ladiſte amende ne pouoit ny de-
 uoit eſtre que ciuile & pecuniele. Finablement les parties
 furent contentes, ſans ſur ce prendre droiſt en la court du
 Conte, de rerourner vers le Roy en ſa court de parlement

Renouelle-
 ment du debat
 du Conte Guy
 cōtre les xxxix.
 pour la rendi-
 tion de leurs
 comptes.

Sentence arbi-
 traire du Roy
 de France ſur
 leſdictſ debats.

Fff &

& d'en attêdre son jugemêt, le tout neantmoins sans pre-
 judice a la juridictiô & seigneurie du Conte, & saulfa luy
 l'executiô de ce que le Roy ordôneroit. Le Roy doncques
 suyuant ce, declaira en sadiète court, que les xxxix. n'auoyêt
 point fourfaict leurs estats & biens. Ains que l'amêde seroit
 pecuniele, laquelle finablement fut taxée a la somme de qua-
 râte mille liures, qui deuoit estre payée des biés du corps de
 la ville, & les despens du proces pareillement. Et sur ce que
 lediêt Conte, avec bonne partie de la cômune de Gand, re-
 querroyent que les trente neuf fussent cōstraincts a rendre
 cōpte de leur administration, fut diêt par les protestations
 que dessus, que le cōpte par eux faict, & cōfirmé par leur ser-
 mêt jusques au tēps que le Côte leur ostâ le gouuernemêt,
 seroit approuué pour ceste fois, attendu principallemêt que
 ils n'estoyêt accoustumez d'autremêt cōpter, pōurucu tou-
 tessois q̄ de la en auant lediêt Conte les pourra contraindre
 a rēdre cōpte plus particulier. Et au surplus lesdictes parties
 furent renuoyées en la court de Flādre, sur plusieurs autres
 differēts qu'ils auoyêt, sicōme touchant l'ordonnāce sur le
 faict des assises & tailles de la ville & autres, pour par icelle
 court en estre faict & ordōné, selon que seroit trouuē de rai-
 son. Lequel appoinctement fut ainssi faict a Paris, au mois
 de Febrier de l'an mil deux cēts quatrevingts quatre. Et de
 la en auant, lesdicts Conte & trente neuf, furēt tousiours en
 differēt, & s'aydoyêt lesdicts trente neuf grādement des let-
 tres du Roy, eux faisant mettre en sa sauuegarde: mēsmes
 ils firent venir a Gād vn officier ou cōmissaire de la part du
 Roy, pour estre en plus grande seureté: nonobstant quoy, le
 Conte Guy les faisoit aucuncfois prendre, & mener sōubs
 l'empire. Mais lesdicts xxxix. obtindrent pareillement con-
 tre ce prouisiō du Roy: de sorte que le Côte estoit cōstrait
 de faire relaxer lesdictes prisonniers. Et pour autāt q̄ ce dif-
 ferent durā par plusieurs années, nous le laisserōs, jusques a
 ce qu'il serā tēps de l'appayser & assoupir du tout, & ce pen-
 dant vous declarerons que le Côte Guy en ce mēsmetēps,
 practiquā le mariage de Monsieur Philippe de Flādre, son
 fils maîsné avec Madame Mehaut de Courtenay, Cōtēsse
 de Thiette & de Lorette, par lequel les ambassadeurs de
 Char-

L'an M.
 CC.
 lxxxiiij.

Continuation
 de débats entre
 le Conte & les
 xxxix. de Gand.

Charles d'Anjou Roy de Hierusalé,& de Sicille,côme procureurs d'icelle Dame Mehaut,promirét dōner audict Philippe,mille liures Tournois heritablemēt par an,lesquelles ils luy assignérēt au Royaume de Poullen,a recevoir tātost apres la consummatiō du susdict mariage,cōme aussi d'autre costé ledict Côte Guy promet donner avec ledict Philippe de Flādre son fils,mille liures Parisis mōnoye de Flādre par an:& fut ce mariage cōclu entre lesdicts ambassadeurs & le Côte Guy a Winendale en l'an quatrevingts quatre. Auquel tēps fut ledict Côte Guy esleu avec Ieā Côte d'Hainault son neuveu,pour estre juge & arbitre sur certain differēt,qu'estoit pour la succeſsiō de la Duché de Lēbouch entre Renault Côte de Geldre qu'auoit esté marié a la feue Ducesse de Lēbouch d'vne part,& Ieā Duc de Brabāt cōme ayāt açapté le droict de proximité du Côte de Mōs,d'autre. Lesquels Côtes de Flādre & d'Hainault,juges chosis en ceste matiere,ledroict d'ambedeux les parties diligēment examiné ajugérēt par leur sentēce arbitrale,ladiète Duché au Côte de Geldre pour la tenir sa vie durāt tāt seulement ainsi & de la mesme sorte qu'au parauāt la tenoit sadiète fēme,laq̃lle auoit esté fille de Wallerā Duc de Lēbouch:& q̃ ledict Côte de Geldre terminē le Duc Ieā de Brabāt y succederait pour luy & pour ses successeurs a tousiours:& moyennāt ce,lesdicts arbitres declarérēt bōne paix entre icelles parties:lesquelles neātmoins ne se tindrēt cōtentes dudiēt appoinctemēt,ains recōmencērent la guerre mieux que ja mais,durāt laq̃lle fut fait & cōclu le mariage d'entre ledict Renault Conte de Geldre,& de Madame Marguerite fille du Conte Guy lors vefuē d'Alexādre fils du Roy d'Escoce. Et de ce mariage vindrent par succession de tēps, trois fils. Sicōme Renault qui fut le premier Duc de Geldre,Guy & Philippe. Et au moyen de ceste alliance,le Conte Guy cherchoit journellement & de plus en plus,tous moyens pour accorder lesdicts de Gheldre & de Brabant,& affin de faire cesser leur mutuelle guerre. Laquelle neantmoins ils continuērent & pour-suyirent de sorte , que finablement en l'an mil quatrevingts huiēt, se commit la bataille de Worout tant celebrée entre les Brabantois,lesquels ob-

Mariage de Philippe de Flādre avec Madame Mehaut de Courtenay Cōtesse de Thiettes & Loretee.

Les Contes de Flādre & d'Hainault arbitres sur les differēts des Duc de Brabant & Conte de Geldre,pour la succession de Lēbouch.

Sentence arbitraire desdicts Contes de Flādre & d'Hainault touchant lesdicts differēts.

Mariage de Madame Marguerite de Flandre avec le Conte de Gheldre.

Guerre entre
Brabant & Gel-
dre pour le suc-
cession de Lem-
bourg.

La Duché de
Lembourch, au
Duc de Brabât

tindrent en icelle vne victoire merueilleusement trium-
phante . Car outre bon nombre de cheualiers & grands
Seigneurs , lesquels finirent leur vie en ladicte journée, &
entre autres le Conte de Luxembourg , ledict Conte de
Gheldre & l'Archeuesque de Coulongne , avec plusieurs
autres furent lors prins prisonniers. Au moyen de quoy la
paix fut assez tost apres faict entre lesdictes parties, moyen-
nant laquelle le Duc Iean de Brabant obtint ladicte Du-
ché de Lembourch , laquelle depuis ce temps , a tousiours
esté, comme elle est encore presentement , es mains des
Ducs de Brabant . Si disent les chronicques dudit Bra-
bant, que le Duc Iean changea en ceste bataille son cry, &
ses armes, car au lieu qu'il souloit crier louaing au riche
Duc, il cria Lembourch a celui qui l'a conquis, & quartela
ses armes avec celles dudit Lembourch.

*Des acquestes que le Conte Guy fit de plusieurs terres, villes, & seig-
neuries, dont il fit adheriter aucuns de ses enfans, ensemble de l'ag-
gregation de la paix de Melun faicte par les estatx de Flandre, &
comment ledict Conte Guy fit punir aucuns officiers qui s'estoyent
laisse corrompre par dons & argent.*

CHAPITRE CXXVII.

L'an M.
cc.lxxxvj.



Acqueste de la
chastellenie de
Saint Omer
par le Conte
de Flandre.

N l'an mil deux cents quatrevingz six, le Côte
Guy de Flandre, considerant le grand nō-
bre d'enfans qu'il auoit, tascá par toutes vo-
yes a luy possibles , de faire plusieurs acque-
stes , pour assigner par tel moyen a chascun
desdicts enfás, vn partage & successiō tant pl^e ample & opu-
lente, & entre autres, il achaptá de Gaultier de Renenger,
cheualier, seigneur de Moerbeke, la chastellenie de S. Omer
pour la somme de cēt soixante sept liures & douze deniers
mōnoye de Flandre de rēte heritable, q̄ ledict Côte luy as-
signá a piēdre, & leuer sur le rōlieu de Cassel. Il acquit sem-
blablement audict an d'Ernoult seign^r de Cisoing, Ber de
Fládre, la maisō de Pethegē au de hors d'Audenarde, avec
toutes ses appertenances & appendáces, & en fit adheriter
Guy de Namur lō fils, saulf a luy & a la Cōtesse sa fēme, les
leuées & reuenus leur vies durát. Suyuát quoy Marie Da-
me

me de Cisoing, femme dudit Arnould, renonça à tout douaire que le cas aduenant elle pourroit pretendre audit Petheghem, confessant en estre recompensée sur la terre de Cisoing. Auquel endroit, j'ay volontiers noté, qu'en la lettre dudit desheritement, ny en plusieurs autres de ce temps, qu'à ces fins j'ay regardé, n'est en rien parlé du consentement du prochain hoir, mais declare ledit Arnould, tant seulement, qu'il fait ladicte vente pour pieur marche escheuer: ce que semble estre directement contraire à l'opinion des hommes feodaux, lesquels a toute rigueur vueillent maintenir, que selon les coustumes feodales, l'on ne peut vendre son fief, sinon pour deux cas, l'un pour poureté jurée, l'autre du consentement de son plus prochain hoir. Or (pour retourner à nostre propos) le Conte Guy peu apres lesdictes acquestes, & audit an quatrevingts & six, se transporta vers Paris pour faire au nouveau Roy Philippe, appelé le Bel, hommage & feaulté de sa Conté de Flandre. A quoy neantmoins ledit Philippe ne le voulut recevoir, ne fut que preallablement il eust procuré, vers les nobles & communaultez de Flandre, la ratification confirmation & aggreation de la paix de l'an vingt & cinq, appelée la paix de Melun, ce que le Conte Guy ne sceut en bonne espace imperrer desdicts de Flandre. Mais finalement il trouua practique de faire descendre les ambassadeurs du Roy en la ville de Berges S. Winoch, ou il fit assébler les nobles & deleguez de villes & pais de Flandre, vers lesquels il besoingna de sorte, que lesdicts nobles du pais & commissaires des villes, aggreerent & jurerent es mains desdicts ambassadeurs, ladicte paix de Melun, eux submettants aux obligations contenues en icelle, & accordants que de ce fussent expedies lettres dudit an quatrevingts six. Dont neantmoins ils se repentèrent tost apres, & a leur bon loysir. Et moyennant ce que dessus, fut le Conte Guy receu audit hommaige, auquel le Roy Philippe consentit de pouoir parfaire & reparer le chasteau de Petheghem, léz Audenarde, qu'il auoit commencé pour la plaissance de la Contesse sa femme. A quoy aussi la mesme Contesse applicqua son estude, & occupation de

La maison de
Petheghem a-
chapée par le
Conte Guy.

Vente de fief
en Flandre sans
consentement
du plus pro-
chain hoir.

Le Roy de Fr-
ce ne veut rece-
voir le Conte
Guy a hommai-
ge, ne soit la
preallable ag-
greation de la
paix de Melun,
par les estats de
Flandre.

Aggreation de
la paix de Me-
lun par les es-
tats de Flânde.

La maison de-
Petheghem tant
bien edifiée que
elle merite le
nom de Beaulieu.

F ff iij. for-

sorte, que depuis ledict Petheghem portá nom de Beau-
 lieu & fit edifier pres ledict chasteau vn monastere de reli-
 gieuses de Sainte Claire, ou elle fut en fin enterree, côme
 poncez auoir entendu par ce qu'au cōmencement de ce dis-
 cours, vous auons deduict & proposé en ce mesme téps vn
 peuple de Hyberne nommé Germini, lequel estoit descendu
 de la race de ceux, qu'auoyent esté dechassez de Flandre, a
 raison de l'abhomminable meurdre par eux commis en la
 personne de leur Prince naturel, le bon Conte Charles a
 Bruges, estoit tellement creu & multiplié, qu'il osá entre-
 prendre, & faire guerre contre le Roy Edouard d'Angleter
 re, encore que ce fust a leur tresgrand dommaige, & perpe-
 tuelle ruyne, car ledict Edouard aduertý de leur temeraire
 hardiesse, entra puissamment en l'ysle de Germa, mettant
 tout ce peuple au feu & a l'espée: de maniere, qu'il fut qua-
 si totalement destruiet, & le peu de ceux qui de bonne for-
 tune eschappèrent, deuindrent pyrates, faisants a Flandre
 & Angleterre tous les maux, dont ils se pouoyent auiser.
 D'autre costé Baudouyn d'Auesnes Seigneur de Beaumôt,
 vendit, cedá & transportá le jour de Toussaincts en l'an mil
 quatrevingts sept, au Conte Guy de Flandre son frere, la
 ville de Dunkerke, & la Woestine pour double rente via-
 giere par an aux vies d'iceluy Baudouyn, & de Madame
 Felicitas sa femme, & de ceste maniere retourná ledict
 Dunkerke aux Contes de Flandre. Audiect an quatrevingts
 sept, le Conte Guy estant en la ville de Cassel, trouua par
 information, que plusieurs siens hommes auoyent prins ar-
 gent, & s'estoyent l'aïsez corrompre par dons & presens, au
 faict des jugements & arbitraiges dont ils s'estoyent me-
 slez: entre lesquels furent attaincts & conuaincus Messire
 Iean de Brademeersch Henry de Bryart, Iean des Prez, Iean
 de la Tour, Hughe de Opelaere & leá Coopman, qui tous
 furent par le Conte declarez inhabiles de jamais pouoir ex-
 ercer offices. Contemnant les aucuns en bien grosses amé-
 des, & bannissant les autres de la Conté de Flandre, des-
 quels il confisquá les fiefs a son prouffit, nō toutesfois leurs
 biens meubles ny heritages. Pleust a Dieu, que tous ceux
 qu'au jourdhuy vsent de telle fauseté, & lesquels se lais-
 sant

*De hoc vide su-
 pra Cap. lxxviij.*

L'an M.
 CC.
 lxxxvij.

*Dunkerke & la
 VVoeftine traf-
 portéz au Con-
 te Guy de Flan-
 dre.*

*Punition d'au-
 cuns officiers
 en la ville de
 Cassel, qui s'a-
 uoyent laissé
 corrompre par
 argent.*

fant corrompre par argent, corrompent pareillement les loix, le droit, & la justice, fussent bien & diligemment recherchez, & successivement payez de leur lascheté, de la sorte ou d'autre plus rigoureuse que furent les dessus nommez, peut estre que nostre republicque se porteroit assez mieux, du moins je m'asseure, que nous ne voirions les pourceux proces pendus & attachez malheureusement a quelque clou, si long temps, que plusieurs a leur tresgrand dommage & interest sont contraincts veoir & experimenter. Apres la dictée execution faicte en la ville de Cassel, ledict Conte de Flandre pour continuer en ses acquestes, achaptá semblablement de Jean Seigneur de Dompierre & de Saint Desier son neveu, la ville de Bailleul avec toutes ses appartenances, dont il fit pareillement adheriter ledict Guy de Namur son fils, & tantost adjoustá audict Bailleul Pertheghem & Erkinghem, faisant desdictes trois pieches vn fils, lequel il voulut estre tenu par ledict Guy de Namur, de la Conté de Flandre. Ce fut faict a Winédale aux festes de Pasques de l'an mil deux cents quatrevingts huiet, presents comme hommes du Conte Baudouyn d'Auesnes Seigneur de Beaumont, Roulant le Flameng Seigneur de Canny, Guillaume de Mortaigne Seigneur de Rumais, Raesse de Gauere, Jean Seigneur de Ghistelle, Hugue chastelain de Gand, Gaultier chastelain de Douay, Ghillebert chastelain de Bruges, Jean chastelain de Raesse, Jacques de Wercin, ou de Waurin seneschal d'Hainault, Rogier Seigneur de Montigny, Hugu de Hallewin, Gherard le Noort, Guillaume de Wateruliet, & Sohier de Bailleul mareschal de Flandre, lesquels a la conjure du Conte de Flandre firent le desheritement & adheritement de ladicte ville de Bailleul au prouffit de cestuy que dessus. Aux lettres duquel adheritement ne se faict aucune mention des criées d'egli se, ny du consentement du plus prochain hoir: mais dict & declare ledict Jean Seigneur de Dompierre, sur ce requis, qu'il auoit faict, & faisoit ceste vente pour pieur marché escheuer, & que s'il ne l'eust faict, ou fit luy commendroit pieur faire, dont il fit lors apparoir tellement que pour suffir.

Discours de
l'auteur tou-
chant les puni-
tions des offi-
ciers corrompus
par argent, ou
autrement.

Acqueste de la
ville de Bail-
leul par le Con-
te Guy.

L'an M.
CC.
lxxxviii.

Sohier de Bail-
leul mareschal
de Flandre.

De la.

CHRONIQUES ET ANNALES

De la defense que le Roy de France faict a ses officiers de n'exercer aucune jurisdiction en Flandre, saul en cas de ressort, & comment ceux de Gand & autres villes de Flandre font plusieurs fortifications contre le contenu a la paix de Melun.

CHAPITRE CXXVIII.



EN V I R O N ce mesme temps, sur ce que ceux du parlement de Paris, lesquels auoyent moyeniant le confort & ayde du Roy Philippe le Bel, grandement augmente leur jurisdiction, faisoient journellement exploicter en la prouince & Conté de Flandre, en premiere instâce tant en actions reeles que personneles, au grand prejudice des droicts, coustumes, & priuileges des villes, ceux dudit Flandre tirèrent vers ledict Roy Philippe pour eux douloir, & plaindre des foules que dessus, & exploictèrent de sorte qu'ils obtindrent d'iceluy Roy ses lettres patentes du neufiesme de Decembre audict an quatrevingts huiet. Par lesquelles il mandoit a ses baillis de Vermandois, Amiens, Beauquesne, & autres ses officiers qu'ils eussent a eux deporter d'exploicter en la terre de Fládre, ou exercer aucune jurisdiction, saul en cas de ressort, ordonnát au reste q̄ les causes pour lesquelles se feront les adjournements soyent expressement declarées, es commissions & lettres desdicts adjournements. Et depuis sicomme en l'an mil deux cents quatrevingts seize ledict Philippe le Bel despeça de ce que dessus, lettres de priuilege pour le país de Flandre vniuersel. Et peu apres, audict an quatrevingts huiet, fut faict & conclu le mariage, d'entre Engueran seigneur de Couchy, d'Oysi & de Montmirael d'une part, & de Madame Iehenne fille aisnée de Robert de Bethune, Conte de Neuers, d'autre. En aduanchement duquel mariage, ledict Conte Robert, donna a sa fille, trente six mille liures pour vne fois. Et ledict Engueran, promet donner & assigner a ladite dame Iehenne pour son douaire, quatre mille liures Paris par an, & outre ce, vne bonne maison pour sa demeure, sçauoir son chastel de Harecourt, avec les appartenances, lesquelles choses furent ainsi conclues a Rethel, au
moys

Le Roy de France defend a ses officiers de ne exercer aucune jurisdiction en Flandre saul en cas de ressort.

Mariage de Madame Iehenne de Bethune au seigneur Engueran de Couchy

moys de Mays, furent audict rethel solempnizées & consommées lesdictes nopces. Et au moys de Juillet, de l'an ensuyuant, la ville de Saint Christoffle, fut pourparlé & conclu en la chambre de Monsieur de Flandre a Courtray, le mariage d'entre Gaultier d'Enghiem, & Iolète fille de Robert de Bethune & Conte de Neuers, par lequel ledit Robert donne a sadiète fille la somme dix & neuf mille liures Paris a payer a trois termes, & employer en heritaiges au prouffit de sadiète fille, a laquelle ledict Gaultiers promet faire assigner pour son douaire, deux mille liures de terre par an, & luy donner pour demeure, & sans prisee la maison de Folesye. En l'an mil deux cents quatreuingts dix, ceux de Gand mettant a nonchalloit la susdicté paix de l'an vint & cinc par eux jurée & cōfirmée, fistēt faire plusieurs grandes fortifications, a leur ville, & mesmement vn tresbel ouurage a la *Braent poorte*, lequel ouurage Robert de Bethune fils aîné du Conte Guy, quy lors estoit a Gand, eust pour bon & agreable, & promit ausdicts de Gand de tant faire enuers le Conte son pere, qu'il en seroit pareillement content. Comme semblablement promirent avecq luy Guillaume de Mortaigne, Seigneur de Dossener, & Messiere Gaultier de Niuelle, chastelain de Courtray, par les lettres qu'ils leur donnerent dudiēt an quatre vints & dix: Par ou semble que lesdicts de Gand ne vouloyent encore pour lors faire aucunes forteresses ou grāds ouurages, sans l'authorite de leur Prince, combien toutesfois qu'ils fussēt long temps auparauant ad ce faire bien fondez, & par privileges autorisez, selon qu'aurez peu veoir, par ce que cy dessus vous auons declare. Peu apres, les villes de Bruges Courtray, Audenarde, & autres de Flandre, cōmencērent a l'exemple desdicts de Gand, de pareillement fortifier & murer leurs villes & chasteaux, le tout directement contre l'approbation par eux faicte de la susdicté paix de Melun. Or qu'ils se gardēt, qu'on ne les contraindre a les demolir assez plus hastiuement, qu'ils n'ont entrepris lesdictes edifications & fortifications.

L'an M.
CC. lxxix.

Mariage de
Marlame Yolent de Bethune.

L'an M.
CC. xc.

Fortification
de la ville de
Gand.

Fortification
de plusieurs vil
les de Flandre
contre le paix
de Melun.

Comment a la poursuite de Robert de Bethune, le Conte Guy & les trentenueuf de Gand se submisrent de leurs differents au dict & arbitraige des mayeur & escheuins de S. Omer, ensemble de l'apoinctement desdicts de Saint Omer sur lesdicts debats, avec autres choses memorables.

CHAPITRE CXXIX.



Le Conte Guy & les trentenueuf de Gand se submettent de tous leurs debats a l'arbitraige des mayeur & escheuins de S. Omer.

O v s auez peü veoir par les chapitres precedents, les continuellles noyses, & debats, que par plusieurs années, le Conte Guy auoit contre les trentenueuf de Gand : entendez presentement, que pour mettre vne fin resolutiue ausdicts

differents, & pour moyenner vne paix ferme & stable entre ledict Conte & ses subjects. Le Conte Robert de Neuers, practiquade sorte, que le Conte Guy son pere, & lesdicts de Gand fussent contents eux submettre de tous leurs differents, au dict & arbitraige des mayeur & escheuins de Saint Omer, come arbitres en ceste matiere par eux volontairement choyfis & accordez: promettants chascun deux respectiuelement, de tenir pour stable & accöplir, ce que par iceux de S. Omer seroit dict & ordonné. Suyuant quoy, apres plusieurs moyes proposez par lesdicts de Gand par lesquels ils maintenoyent, que le Conte Guy auoit contrauenu a leurs anchienes coustumes & preuileges: & que de la part dudict Conte, eust sur iceux esté respondu, qu'a bonne & juste cause, il auoit peü faire ce qu'il auoit fait, en gardant sa haulteur & preeminence, mesmes que les coustumes & loix que iceux de Gand alleguoyent, n'estoyent que vsurpation des droicts du Conte, avec autres raisons & moyens seruants a son intention : lesdicts mayeur & escheuins de Saint Omer, par meure deliberation de conseil, declarerent, & pour sentence ordonnerent, sur chascun article des plaintes desdicts de Gand, ainsi que sensuyt.

Sentence arbitraire des mayeur & escheuins de Saint Omer sur les debats du Conte Guy contre les trentenueuf de Gand.

Premierement, que le bailly ne pourra mettre aucun bourgeois au dernier supplice sans escheuins, & sy les escheuins, les informations eues, & le bailly ouy, disent au bailly qu'il face ce qu'il doit: ledict bailly sera tenu en la mesme jour-

nee,

« née, & sans aucun delay de faire l'exécution: mais sy les e-
 « scheuins declairent ou par faulte d'information suffisan-
 « tes, ou autrement la personne estre quicte, le bailly la
 « deburá incontinent deliburer, moyennant toutesfois qu'il
 « soit satisfait de ses despens. Que le bailly ne pourra fai-
 « re saylines, mettre sergents, ou weddebodes, es mai-
 « sons ny es biens des bourgeois de Gand, dedens ny de-
 « hors l'escheuinage, auant que ledict bourgeois soit esté cõ-
 « uaincu par la Loy. Que le bailly ne pourra traicter bour-
 « geois ny bourgeoisie, ou autre personne dedans l'escheuina-
 « ge, ne soit moyennant le jugement des escheuins, referuez
 « les cas appartenants a la haulteur & seigneurie du Conte.
 « Que les escheuins doibuent liburer au Conte, vne bonne
 « forte maison dedans la ville de Gand, a leur coust, pour
 « en icelle tenir la prison, sous la main de l'Amman. Que
 « sy le bailly ne veult donner son consentement aux kue-
 « res, statuts, ou bans faicts, par sept escheuins, les esche-
 « uins doibuent prendre leur refuge vers le Conte, ou en
 « absence dudit Conte, vers ses commis: & du consente-
 « ment & par aggregation desquels, lesdicts statuts & bans
 « tiendront, ou seront nuls. Et sy aucuns desdicts statuts,
 « bans, & kueres sont accordée a terme, ils seront de va-
 « leur durant ledict terme, sans qu'ils peussent estre reuoc-
 « quez, par autre que par le Conte & les escheuins conjoin-
 « tement: mais ceux quy seront accordez sans aucune li-
 « mitation de terme, se pourront rappeler par les escheuins
 « tant seullement, sy bon leur semble, & lors qu'ils trouue-
 « ront estre ainsi requis pour le bien & vtilité publique. Sy
 « aucun de la commune, bourgeois, marchant ou autre,
 « se vouloit plaindre d'aucunes desdictes kueres, accordées
 « de la maniere que dessus, soustenant icelles, estre preiudi-
 « ciables au bien commun, ou a la marchandise, faire le pour-
 « rá, & le Conte mandera les parties lesquelles il mettra pei-
 « ne d'accorder, mais il ne les peult appoincter, le debat se-
 « ra mis & laissé au jugement des quatre escheuinages de
 « Flandre, sicomme Bruges, Ypre, Lille, & Douay, & sera te-
 « nu ce que par eux sera dict, & déterminé. Et ou aucun pre-
 « lat, ou grand vassal se voudroit opposer ausdictes keures,

G g g ij le

le Conte appeller a les parties, & tascherà d'amiablement
 les appoincter cōme dessus, & s'il ne peut, il leur fera droit
 & raison en sa court, selon qu'on a vſé anchienemēt. En ou
 tre fut dict : que a tous bannis de Gand , le Conte pourra
 rendre sa terre, sans le consentement d'escheuins, sy auant
 qu'ils ayent paix a partie, lesquels neantmoins ne se pour-
 ront trouuer dedans l'escheuinaige, & s'ils y venoyent , le
 bailly seroit tenu d'en faire incontinent justice. Que les e-
 scheuins ne se doibuent mēsser des siefs , ains que le juge-
 ment en semblables matieres se doit faire , par les Francs
 hommes du Conte . Que le Conte leur doit garder le
 preuilege de la pescherie, & sy aucun y met debāt, ou fait
 difficulté, il en doit faire droit. Que tous bourgeois prins
 hors de l'escheuinaige, seront en option d'estre a droit, au
 lieu de la prinse, ou d'estre ramenez a Gand . Et s'ils vien-
 nent audict Gand , les escheuins feront tenir les informa-
 tions , & oyront tous tels tesmoins, a charge & descharge,
 que l'on vouldra produire pardeuant eux , lesquels tesmo-
 ins auront franc aller & franc retourner . Et apres que la
 cause sera en droit, il faudra que les escheuins la vuident
 endedens trois quinzaines . Que lors s'il leur semble que
 la matiere n'est encoire disposée , pour proceder a la pro-
 nunciation de la sentence , pourront prendre autres trois
 quinzaines, pour dauantaige eux conseiller , lesquels expi-
 rées faut qu'ils se retirent dedans l'hostel de la ville, & que
 ils ne partent d'illec , auant que la sentence soit rendue .
 Mais sy le bailly estoit en faute de lessemoure & conjurer
 en tel euent, ils se pourroyent retirer dudit hostel de la vil-
 le sans mesprendre . Ces choses furent faictes a Saint O-
 mer au mois de Iullet mil deux cents quatreuingts dix,
 dont furent expediees lettres, sous les seaux du Conte
 Guy , de Robert de Bethune son fils aîné , de la ville de
 Gand , & de celle de Saint Omer . Nonobstant lequel
 accord & sentence arbitraire , s'esmeut vn nouuel debat
 l'an ensuyuant entre ledict Conte Guy , auquel adheroit
 la meilleure part de la commune , & les susdicts trente-
 neuf, le tout au moyen que lesdicts trenteneuf, sous pre-
 text d'un octroy que le Conte leur auoit donné, en l'á qua-
 treuingts.

L'an M.
 CC.xc.
 Nouuel debat
 entre le Conte
 Guy, & les tre-
 tenteneuf de Gād.

treuingts huiet de pouoir vendre rentes pour leur necessitez & affaires, auoit tellement chargé la ville, que les inhabitants d'illec, n'estoyent suffisants pour supporter les intolerables charges, qu'ils auoyent mises sus: de maniere que ce debat s'enflamma de sorte, que le seel de la ville fust osté des mains desdits gouuerneurs, & sequestré es mains & sous la garde de l'abbé de Saint Pierre. Et dura ce debat, bié bonne espace, mesmes plusieurs autres differents procedoyent d'iceluy, de sorte que les noyses & altercations croissoyent, & multiplioyent de jour a autre. Pour ausquelles mettre fin le Conte Guy fit, par le cōseil & oëtroï des bonnes gens, & du peuple d'icelle ville, & a leur requeste, certaines ordonnances, telles que s'ensuyuent. Premiers, Que les escheuins compteront vne fois l'an, & par le menu, de leur administration, pardeuant les commis du Conte, & le peuple en la halle, ou en la place de la Francise, de la ville, hors lieu saint: mais le Conte, ny ses cōmis ne pourront mettre les mains aux escheuins, pour aucun default de compte, sy ce n'est a la requeste de la plus saine partie des bonnes gens, quy seront presents audict compte. Et sy sur le fait d'iceluy, aduint aucun debat, ou difficulté, elle sera remise au iugement des villes de Bruges, Ypre, Lille, & Douay. Que les escheuins ne pourront estre ascenseurs des maltostes, ny compaignons, ny autres de par eux, le tout sans aucune fraude. Qu'en la ville aura trois recheueurs, quy ne feront du nombre des trenteneuf: Lesquels on renouuellerá d'an en an, & auront la recepte des biens communs de la ville, & rendront leur comptes par la maniere dicte, & s'il y chiet debat, il se deura desmesler par le conseil du Conte, des escheuins, & des bonnes gens de la ville, sy ne ce mesleront lesdicts recheueurs, a receuoir les rentes appartenantes a la ville de Gand, ains seront receuës par les escheuins, quy en feront compte comme dessus. Que le seau, dont la ville auoit este gouuernée sy miserablement, sera rompu & cassé, & qu'en fera vn autre, lequel sera enfermé de six clefs, dont les trenteneuf auront les trois, scauoir les escheuins vne, les conseilliers vne, & les vagues vne, & les autres trois seront mises es mains

Le seel de la ville
le oëtre des
mains des trenteneuf de Gand,
& sequestré
sous le pouoir de l'Abbe
de Saint Pierre.

Ordonnances
du Conte Guy
en la ville de
Gand, pour oëster occasion
de tous vltérieurs débats.

G g g in, de

de trois preudhommes, a ce esleus par la commune, les-
 quels seront renouuellez d'an en an. Que les trenteneuf ne
 pourront charger, ny endebter la ville, sans le conseil des
 bonnes gens, ny pareillement mettre taille ou assise, sans
 preallable octroy du Conte, & consentemēt du peuple, ou
 de la plus grande part de ceux quy sont adheritez en ladi-
 cte ville. Que les escheuins seront tenus de faire luy & dire
 droit, & jugemēt, entre parties endedens trois quinzaines
 qu'ils en seront requis, & s'ils nen sont sages, ils pourrōt prē-
 dre encore trois autres quinzaines, pour eux cōseillier, soit
 a ceux du conseil de la ville, ou aux bōnes villes de Bruges,
 Ypre, Lille, & Douay, ou la part qu'ils voudrōt: mais iceux
 passez, ils deburont aller en l'hostel de la ville, & eux tenir
 illec, julsques a ce qu'ils ayent rendu leur jugement. Et ce
 quand le debat est entre bourgeois de la ville, mais quand
 il est entre estrangiers, ils en deburont faire la fin, endedēs
 quinze jours sans plus long delay. Sy aucun des trenteneuf
 meurt, ils en deburont eslire vn autre en son lieu, endedēs
 trois jours apres, & s'ils ne le font, ils deburont aller tenir
 prison a leurs despēs, sur l'hostel de la ville julsques a ce que
 l'election en soit faicte. Il fut semblablement lors ordonné,
 que les escheuins auroyent la cognoissance de la kuere, &
 dela constitutiō de bans & statuts, ensemble de prédre tref-
 ues, & tout ce qu'appertient a l'estat de la ville, & deburōt
 playder vne fois la sepmaine, de meubles, de catheils, & de
 heritaiges, hors mises les foires de Flandre. Les conseilliers
 plaideront des successions, des formortūres, & autres cho-
 ses, selon la coustume de la ville en tel lieu qu'on leur or-
 dōnera vne fois la sepmaine, pour le moins, sous peine de
 dix liures Parisis, a fourfaire par chascun conseiller, & dōt
 la cognoissance appartiendra aux escheuins. Que les va-
 gues seront pareillement en certain lieu, quy leur sera or-
 donné, pour appayser les differents & discords qu'on ap-
 pella meslées, haynes, & couroux, quy aduiendront entre
 les bourgeois de Gand: & telle paix qu'ils ordonneront, les
 parties seront oblegées de tenir, sans en rien y contreuenir,
 ou autrement lesdictes vagues leur ordonneront d'aller te-
 nir prison, sous paine de soixāte liures, julsques ad ce qu'il
 ayent

“ ayent consenty a ladicte paix, & s'ils n'y vont, ils seront bā-
 “ nis. Que nul des trenteneuf de Gād, ne pourra estre aduo-
 “ uē, ne gouuerneur, de nulle maison dieu, ny de nul hospi-
 “ tal, ny de nulle abbaye, s'elle n'appertient a la bourgeoisiye
 “ de Gand. Toutes lesquelles choses lesdicts trēteneuf, pour
 euitier les grands dommaiges & perils de la ville, ensemble
 affin de moyenner vne bonne paix & vnion, consentirent
 de l'adueu & par le conseil des bonnes gens de ladite ville,
 promectants, & jurants les entretenir inuiolablement, &
 sans enfraincte, par leurs lettres dattées en l'an mil deux
 cents quatreuingts treize, le Lundy apres la Chandelesse,
 & scellées par seize desdicts trenteneuf.

*Comment ceux de Valenciennes se misrent sous la protection du Cōte
 Guy de Flandre, ensemble de l'Embassade que le Roy d'Angle-
 terre enuoyā pour practiquer le mariage de son fils, avec la fille
 de Flandre, du mescontentement que le Roy de France eust dudit
 mariage, avec autres choses memorables.*

CHAPITRE CXXX.

LN l'an mil deux cents quatreuingts vnze, y L'an M.
 eust question entre le Cōte Guy, & Messiere CC.xxi.
 Raesse Seigneur de Gauere, pour scauoir sy
 Gauere estoit fief ou aloes, & apres plusieurs
 altercations: ledict Messiere Raesse, cognut &
 confessa que ledict chastel avec toutes ses appartenances
 est fief, ordonnant que ses successeurs pour tel le reliefsuēt,
 des Contes & Seigneurs de Flandre. Et peu apres le Conte
 Guy practiquā le mariage de son fils Guillaume, avec la
 fille de Rouland de Neelle connestable de France, avec le-
 quel Guillaume, il donna pour son partage la ville de Ten-
 remonde. D'autre costé ceux dela ville de Valenciennes, quy
 jusques lors auoyent tousiours tenu le party des Contes de
 Flandre, es guerres qu'ils auoyent eues, contre ceux d'A-
 uesnes, Contes d'Hainault, se sentāts a raison de ce grāde-
 ment trauallez, persecutez & molestez, par lehan d'Aue-
 snes, lors Conte dudit Hainault, se misrent sous la garde
 &

*Mariage de
 Guillaume de
 Flandre avec la
 fille du Con-
 nestable de Fra-
 nce.*

Ceux de Valenciennes appellés pour leur garde & protégés le Conte Guy.

L'an M.
CC.xcij.

Ambassadeurs d'Angleterre en Flandre pour practiquer le mariage de Madame Philippe de Flandre, avec le fils du Roy d'Angleterre.

& protection de Philippe le Bel, Roy de France, eux soubsmettrants au ressort d'iceluy, en qualité & comme membres de la terre d'Osternaut, moyennât toutesfois & soubs reservation, qu'ils fissent de pouoir en toutes occurrences, appeller a leur ayde, le Conte Guy de Flandre, & furent ausdictes conditions receus en hommage d'iceluy Roy, lequel leur permit, & accorda d'implorer en leurs necessitez, l'assistance & faueur dudit Conte Guy, lequel suyuant ce, fust appellé desdict de Valenciennes, ausquels il enuoya pour la garde de leur ville, bonne quantité de soldats, promectât de jamais faire paix, avec ledict Jean d'Auesnes Conte de Hainault son neveu, ne fust que iceux de Valenciennes, y fussent compris, & particulierement nommez. Lesquels de Valenciennes promirent & jurerēt le semblable de leur costé, comme peut apparoir par les lettres qu'ils s'entredonnerent en l'an mil deux cents quatreuingts douze. Dōt ledict d'Auesnes mal content, assemblā quelques gens, lesquelles il enuoya faire courses, & piller le pais de Flandre. Au moyen de quoy le Roy Philippe le Bel enuoya contre luy, Charles Conte de Vallois son frere, quy fut cause que le susdict d'Auesnes, craindant la forche du Roy, se trāsportā en France, & fit de sorte qu'il moyennā son appoinctement avec luy : Nonobstant lequel, il continuā en ses accoustumées courses & pilleries, tant contre Valenciennes, que contre le Conte Guy de Flandre & les siens, ou nous le laisserons pour maintenant, & vous declairerons que ce pendant, vindrent a Winendale vers le Conte Guy de Flandre, l'Euesque de Lingole, & le Conte de Garesnes, ambassadeurs enuoyés de la part du Roy Edouard d'Angleterre, (qu'estoit lors au pais de Gascongne, menant trefaspre guerre contre les François, & dōt neantmoins on scauoit bien peu a parler en la contrée de Flandre) pour moyēner, & practiquer le mariage d'entre Madame Philippe, fille dudit Conte Guy, avec le Prince de Gales, seul fils & heritier dudit Roy d'Angleterre. Ausquels ambassadeurs, ledict Conte Guy, apres auoir entendu leur proposition, respondit, qu'il prendroit conseil sur ce que concernoit le fait de leur ambassade, & estant aduert, que le Duc Jean de

de Brabant son beau fils gisoit au liſt malade d'une bleſchure qu'il auoit receu, en vn tournoy, aux nopces du Conte de Bar, ſe transporta peu apres vers la ville de Lire, pour viſiter ſon dict beau fils, enſemble pour aduiſer avec luy & autres ſiens amis, de la reſponſe qu'il debuoit donner, aux ſuſdicts ambassadeurs, leſquels il mena pareillement en ſa compagnie vers ledict Liere, ou apres pluſieurs parlemets, fut finalement conclu & arreſte le ſuſdit mariage, lequel depuis, ne conſta a ceux de Flandre guerres moins de ſang & faſcheries, qu'auoit par cy deuant fait, ceſtuy d'Helene & Paris aux nobles & vertueux Troyens. Pour aduanchement duquel mariage, le Conte Guy promiſt donner avec ſa fille la ſomme de deux cents mille liures a trois termes, pourueu que d'icelles luy ſeroient deduites cent mille liures que Renault Conte de Gheldres, luy debuoit de bõne & loyalle debte. Dõt les ambassadeurs ſe tiendrẽt pour contents, promectants au nom du Roy Edouard leur Seigneur, donner a ladiſte fille de Flandre, pour ſon douaire, la Contee de Pourin avec ſes appartenances. Voyla donc le mariage quy fut conclu entre les deſſus nommez en la ville de Liere, en l'an mil deux cents quatreuingts & quatorze, & duquel le Roy Philippe de France, ne ſe tenoit aucunement pour ſatisfait, au moyen qu'il auoit ſuſpectes les forces de Flandre, & Angleterre jointes & vnies. Ce que neantmoins il ſceut tresbien diſſimuler, juſques a ce qu'ẽtendant le grand appareil, auquel le Conte Guy ſe mettoit, pour conduire Madame Philippe ſa fille, vers Angleterre, ſit par main interpoſee & comme ſy ce ne fut venu de ſon conſeil, declarer audiſt Cõte Guy, que le Roy ne ſeroit par auenture content, que ſa filleule (pour autant que Philippe le Bel auoit leue des ſons ceſte fille de Flandre) paſſaſt ainſy la mer, ſans prendre congẽ de luy ou de la Roynie : au moyen de quoy le Conte Guy, procedant du tout a la bõne foy, & lequel ne penſoit auoir aucunement offenſe le Roy, par la ſuſdicte alliance, fut conſeillẽ de prendre avec ſa fille ſon chemin par France. Comme de fait il fit, & la mena vers Paris. Ou le Roy, ayſe au poſſible, que ſon pouriect auoit tant bien ſuccede, ſit ſans aucun delay arreſter, &

Mariage de la
fille de Flandre
avec Angleterre.

L'an M.
CC.xciiiij.

Le Roy de
France eſt mal
ſatisfait du
l'alliance de
Flandre, & Angleterre.

H h h conſti-

Le Conte Guy conduisant sa fille par France pour la mener en Angleterre, est arrêté prisonnier avec tous ceux de sa compagnie.

Le Conte Guy relaxé du pouvoir des François.

Madame Philippe de Flandre demeure sous le pouoir des François.

constituer prisonnier ledict Côte, ensemble tous ceux qui estoient venus avec luy mettant sus audict Conte, que cō me criminel & attrainct de lésée Maieité, il auoit fourfaict son corps & ses biens, a raison de l'alleance qu'il auoit naguerres cōtraictée, avec le Roy Edouard d'Angleterre, ennemy mortel de la couronne de France. Sy le bon Conte fust estonné de ceste tant soudaine, & impourueüe detention, tous ceux qui se sont trouuez en semblables attrapes, le vous pourront tesmoingner, tant y a, que je vous puis asseurer, qu'il maintenoit nauoir rien entendu de l'inimitie des deux couronnes, soustenant partant n'auoir incouru le crime, qu'a tort on luy mettoit sus, veu mesmes que s'il se fut trouué aucunement coupable, il n'eust entré, sans autre assurance au Royaume de France, & neantmoins, puis qu'il estoit es mains de sa Magesté, il estoit en elle de disposer de son fait, a son bon plaisir, se promectât toutesfois de sa bonté & justice vn jugement tant equitable, qu'il se persuadoit ne debuoir estre condampné, sans preallablement estre ouy en ses descharges & justifications, a quoy par le conseil des Pers de France il fut admis, & proposé des moyens sy peremptoires, que peu apres il fut declaré quitte, & inculpable de ce qu'on luy imposoit, & renuoyé en son país de Flandre, avec tous ceux qui l'auoyent accompagné, reserue seulement Madame Philippe sa fille, qui demourá sous les mains de la Roynes, affin d'empescher ladicte alliance, & laquelle morust peu apres du desplaisir quelle auoit conceu, a raison du susdict obstacle, mis au mariage que par son pere auoit esté conclu & accordé, & neantmoins auant son trespas, s'esmeurent pour la detentiō d'icelle dame Philippe, plusieurs guerres, & grands debats, dont la pouure prouince de Fládre eust merueilleusement beaucoup a souffrir.

Comment ceux de Valenciennes en consideration du bon secours que le Conte Guy leur auoit tousiours presté contre le Conte d'Hainault, se submisrent du tout au pouoir dudit Conte Guy, & commēt ledict Conte Guy priuá les trenteneuf de Gand de leur estat, mettant en leur lieu des autres a sa volonté, avec les autres choses memorables.



E Conte Guy de Flandre, eſtât eſchappé des mains du Roy Philippe le Bel, de la ſorte que auez veu cy deſſus, ſe mit en chemin, pour ſe tourner vers Flandre, ſe ſentât neantmoins grandement intereſſé, par la detention que lediſt Philippe le Bel luy faiſoit de Madame Philippe de Flandre ſa fille, en quoy toutesfois il ſe conſoloit aucunement, au moyen de l'eſperance qu'il auoit, que le Roy Philippe, apres que la premiere apprehenſion de ſa cholere, & de la mauuaife imagination, qu'il auoit ſiniſtrement cœce-uë cõtre luy, ſeroit paſſée, la luy renuoyeroit, & ſoubs ceſt eſpoir lediſt Conte Guy, cheminá de ſorte qu'il paruint au cuns jours apres au païs de Flandre, ou il ne fut pluſtoſt arriué, que ſe preſentaſt vne nouuelle occaſion de faſcheries quy luy ſuruindrent, pour la difference que ſe meut entre luy & le Conte Robert d'Arthois, touchant les limites de Flandre & dudiſt Artois. Sur quoy ils procederent bonne eſpace au parlement de Paris, mais voyants le peu d'apparence qu'il y auoit, d'obtenir ſentence, du moins ſy toſt qu'ils deſiroyent audiſt parlement, ils ſe ſubmiſrent a l'ordonnance & ſentence arbitraire, de Robert de Fládre, Côte de Neuers, & Guillaume de Flandre, Seigneur de Tenremonde choiſis & eſleus du coſté de Fládre, & de Hugue de Chaſtillon, Côte de Bloys & Guy Côte de S. Pol freres que le Conte d'Artois auoit auſdictes fins denómez : ie ne trouue toutesfois quelle fut leur ſentence, ny commét ce debat s'appayſá : d'autre coſte, Iehan d'Aueſnes Conte de Hainault, & neueu du Conte de Fládre, lequel nous auós cy deſſus laiſſé en continuelles courſes & pilleries, qu'il faiſoit cõtre Fládre & Valenciennes, moleſtoit grandement le Côte Guy, ſans aucunemét eſpargner leſdicts Valécienois, pour le ſecours deſquels le Conte Guy aſſemblá grád puifſance, de ſorte qu'il cõſtraindit ledit d'Aueſnes a demáder & faire paix, laquelle fut conclue entre eux, ie ne ſcay toutesfois ſoubs quelles conditions, en l'an mil deux cẽts quatreuingts ſeize, que lors ceux dudiſt Valenciennes, en contéplation du bon & diligent ſecours, que leur auoit toutiours faiſt le Conte de Flandre, ſe ſubmiſrent de tous poinſts,

Debat entre
Flandre & Ar-
tois pour les li-
mites de leurs
pays.

Guerre entre
Flandre & Hai-
nault.

Paix de Fládre
auec Hainault.

L'an M.
CC. xcviij.

H h h ij

a ſon

Ceux de Valenciennes en considération du bon secours que ceux de Flandre leur a. moyent fait, contre Hainault, se submittent au pouvoir du Conte de Flandre.

Practique de ceux de Gand contre le Conte Guy durant la guerre qu'il avoit contre le Conte de Hainault.

Le Roy de France recoit ceux de Gand sous sa fauluegarde.

a son obeissance, & firent hommaige au Conte Guy, comme a leur vray & perpetuel Seigneur, promectants luy demourer & aux Contes de Flandre ses successeurs, de la en avant, bons & loyaux subjects, saulx toutesfois au Roy de France, la souuerainete telle, que luy appartenoit, dont lesdicts de Valenciennes donnerent leurs lettres audict Guy de Flandre, le jeudy apres Pasques dudiect an quatreuingts seize, declarants par les mesmes lettres, qu'ils estiont contents de recevoir pour leur gardien, Robert de Bethune filsaisné du Conte de Flandre. Auquel suyuant ce, ledict Conte de Flandre, donna ladicte ville de Valenciennes, avec tout le droit qu'il avoit au pais d'Hainault, dont il donna audict Robert son fils, ses lettres datées en l'an que dessus. Durant la susdicte guerre d'entre Flandre & Hainault, les trenteneuf de Gād, pour eux venger des fascheries que le Conte leur avoit autrefois moyenné, practiqueront vng mandement du Roy Philippe le Bel, par lequel fut despendu en termes generaux, aux bonnes gens des cinq villes, Gand, Bruges, Ypre, Lille, & Douay, d'aller en guerre par forme d'ost ny autrement, hors du Royaume ny en l'Empire, sy ce n'estoit par expres commandemēt du Roy, & de ses successeurs Roys de France. Lequel mandemēt (qu'on a depuis tenu pour privilege) fut daté du sixiesme de Juing, l'an quatreuingts & quinze. Au moyē duquel mandemēt. Le Conte de Flandre en la susdicte guerre, qu'il eust contre le Conte d'Hainault, ne fut par ses vassaux dudiect Flandre, sy bien seruy qu'il eust bien desiré. A raison de quoy, lesdicts trente neuf de Gand, craindants la vengeance & indignation de leur Conte, firent depuis secretes alliances avec le Roy de France, lequel suyuant ce, mit lesdicts de Gand sous sa fauluegarde & protectiō, a quoy j'estime qu'il s'inclinoit de tant plus volontiers, affin de nourrir des continuelles noyses, & dissensions entre le Côte & ses vassaux, pour autant mesmes, que ayant detenu la fille dudiect Conte, & n'estant en volonte de la luy restituer, luy sembloit, que par tel moyen il practiqueroit tant d'affaires, au pouure Conte & contre les siés propres, qu'il n'auroit loysir de se vanger de la susdicte injure, & beaucoup moins, de

de practiquer des nouuelles alliances , au prejudice de la couronne de France. Comme de faict, les dissentions & diuisions quy journallement croissoient en Flandre , & lesquelles ledict Roy nourissoit pour son asseurance & prouffit, ont depuis esté cause de la ruyne non seulement du Conte Guy, mais aussy de toute la prouince, seruants d'exemple aux autres, voire a eux mesmes pour l'aduenir , pour eux garder de semblables discordes & rancunes intestines lesquelles nous trouuerons , enfuelletant les hystoires tant anchienes, que modernes, auoir tousiours esté cause de la ruyne, non seulement des villes, mais aussy des royaumes & empires, ne contentant pour approbation de mon dire, du seul exemple, que je vous veux proposer , de la ville de Carthage. Laquelle au temps passé, fut de toutes les villes, presque la plus opulente, & dont l'Empire & domination, croissoit journallement, tant par mer que par terre , ayant assubiecty, avec les Hispagnes , la Sicile, & bonne part des Ytales : de sorte qu'elle auoit contrainct les Romains, & resserrez tellement, qu'ils estoient desia en soucy pour la defense de leurs murailles. Mais durant sy grande prosperité, la discorde intestine & sedition se logea aux cueurs des citoyens: de maniere qu'en peu de temps, ils perdirent, non seulement l'esperance de tout l'Empire du monde , & ce qu'ils auoyent conquis par tant de batailles, mais leur propre liberté, & furent contraincts a la fin d'estre asseruis a ceux, ausquels ils auoyent pensé commander. D'abondât, comme les corps celestes, s'ils ont quelque peu de debat ensemble, ou s'ils se desuoyent tant peu soit, de leur droit cours, apportent & sont cause des grands dommaiges sur la terre, selon que manifestement nous pouons veoir, par les eclipces du Soleil & de la Lune. Ainsy les grandz Princes & gouuerneurs des villes, s'ils se destournent quelque peu d'honesteté, ou s'ils font quelque chose par ambition, ire, ou follie, ils font occasion de grands maux au monde . Et qu'ainsy soit nulle Eclypse n'auoit jusques lors oncques tât affligé le pource païs de Flandre , que fit la guerre que peu apres le Conte Guy entrepris & conduisit assez indiscretement contre la couronne de France, jointe aux dissensions.

Le Roy de France nourit & entretient les Flamens en dissensions pour son prouffit particulier.

Dissensions intestines, cause de la ruyne des villes & empires.

La discorde intestine cause de la ruyne de ceux de Carthage.

Similitude.

H h h iij tions.

Les trenteneuf de Gand s'absentent du pays pour crainte du Conte Guy. & les autres se submettent a sa misericorde.

Le Conte Guy crée les trenteneuf de Gand du tout a sa volonte, & successivement Seigneur dudit Gand.

Causés de la privation des trenteneuf de Gand.

tions & discordes, que lesdits trenteneuf de Gand & autres gouverneurs d'aucunes villes de Flandre, esmouuoyés & suscitoient de jour a autre contre leur Conte & Seigneur, & en quoy le Roy de France, pour les raisons que dessus, les entretenoit & nourrissoit, & signamment lesdits trenteneuf de Gand, lesquels neantmoins, ou la plus grande part d'eux nonobstant ladicte sauuegarde du Roy Philippe, aduertis du retour du Conte Guy, mesmes du bon succes qu'il auoit eu en son expedition d'Hainault, s'absenterent, les autres se submettent a sa merchy & misericorde, ausquels il ne fit autre mal, que les priuer de leurs estats, retenant toutesfois en son aduis, la punition du ban & confiscation de leurs biens. Et quant a ceux qui s'estoyent enfuyz, il les fit appeller a ses droicts, & proceda contre eux sy auant, qu'au moyen de leur deffaut, il les priua de leurs estats & offices, les bannissant hors la Contée de Flandre, & confisquant leurs biens au prouffit de la ville, pour moyenner iceux, descharger icelle ville sy auant qu'ils se pourroyent estendre. Ce faict, il mit au lieu dessus nommes, autres trenteneuf, qu'il crea du tout a sa poste & volonte, de maniere que par tel moyen, il deuint maistre de la ville, de laquelle il pouoit faire du tout a son plaisir & vouloir. Et furent les causes de la priuation desdits trenteneuf, declairées par la sentence contre eux prononcée, audict an quatrevingts seize, telles en effect. Que durant le temps de leur administration, en tant de cas, & tant de manieres, qu'il estoit impossible l'exprimer, ils auoyent defaillly de faire droict & justice. Que de ce, qu'ils debuoyent, nul n'en pouoit auoir la raison. Qu'ils auoyent gasté les biens de la ville, sans cause, & mis ladicte ville en tant extremes & exorbitantes charges, que tous les biens des manants, n'eussent esté suffisants pour les descharger. Qu'ils auoyent failly de rendre compte de leur administration. Et que pis est, voyants que le Roy de France s'apprestoient pour faire guerre, & courrir sus au Conte de Flandre, & pour jecter ledict Conte hors sa terre, s'estoyent alliez & se tenoyent avec luy, contre leur Prince naturel. Finablement qu'ils s'estoyent absentez de la ville, laquelle

quelle cependant, ne pouoit demourer sans Loy. Et apres qu'il eust mis tel ordre aux affaires de Gand, il commença penſſer, a ce que luy conuiendroit faire pour rauoir Madame Philippe ſa fille, laquelle ne pouoit demeurer en ceſte forte, ſans ſon grand blaſme & deſhonneur. Outre ce, que nonobſtant toutes ſes remonſtrances, le Roy ne faiſoit ſemblant de la luy vouloir renuoyer. Auquel Roy toutesſois, lediſt Conte Guy, pour a ce le faire condeſcendre, & meſmes par voye amiable, auoit en l'an precedent, qu'eſtoit quatreuingts quinze, permis & accordé la leuée du cinqquantieſme denier de tous biens meubles, & immeubles, giſants en la Conté de Flandre, ſy auant neantmoins qu'elle ſe mouuoit de la couronne de France, & a conditiõ que lediſt cinqquátieſme, ſe cueilleroit par les gens du Conte „ & de ſon authorité ſeule. Que la moiſtié dudiſt cinqquantieſme, ſeroit au prouffit du Roy, & l'autre moiſtié pour le „ Conte. Que le Roy y pourroit auoir vn homme de ſa part, „ pour veoir faire bon & leal compte, & pour recheuoir des „ mains des deputez du Conte, la moiſtié dudiſt cinqquantieſme. Que nulle perſonne de Flandre, fut conſtrain- „ ÷e ſerment pour declarer la valeur de ſes biens, & que „ le tout ſe feroit ſans le tirer a conſequéce, comme du tout „ peut apparoir par les lettres quy en fuſrent faiſtes, le jour de l'Epiphanie, audiſt an quatre vingts quinze, le Conte donc, conſiderant que ſa diſſimulation & ſes debuoirs paſſez, ne prouffitoient en rien, il fit aſſembler tous ſes amys, parentz, & confederez en la ville de Grantmont, pour les feſtes du Noel quatreuingts ſeize, ou fuſrent conclues & arreſtés les reſolutions, qu'entendrez par le chapitre ſubſequent.

Ayde du cinqquantieſme denier de tous biens tant meubles que immeubles, accordé par le Conte Guy au Roy de France, ſous aucunes limitations.

Comment pluſieurs Princes & grands Seigneurs ſ'aſſemblerent a la requēſte du Conte Guy en la ville de Grantmont, & de la reſolution que illec fut prinſe contre le Roy de France, enſemble des ambaffadeurs que lediſt Conte Guy enuoyá pour deſſier le Roy de France, avec aucunes autres ſingularitez.

CHAPITRE CXXXII.

VOVS



Assemblée de
plusieurs Prin-
ces & grands
Seigneurs en
la ville de Grât-
mont.

Le Conte Guy
propose plu-
sieurs dolean-
ces contre le
Roy de France
aux iudicis sei-
gneurs, & de-
mande leur as-
sistance.

Resolution de
ladicte assem-
blée, sur la pro-
position du
Conte Guy.

Ous auez peu cognoistre par nostre discours precedent, la paine & traueil esquels estoit le Conte Guy, au moyen de la detentiō de Madame Philippe sa fille, mesmes que pour aduiser comment en cest affaire il se deuoit gouerner, il auoit fait appeller tous ses parents & confederez en sa ville de Grantmont: entendez presentement, qu'aux festes de Noel de l'an que dessus, se trouuerent suyuant la requeste dudiēt Conte Guy, en ladicte ville de Grantmōt les Princes & barons quy s'ensuyuent. Adulphus Roy des Rommains & auec luy le Duc d'Austrice. Edouard Roy de Angleterre: Iean Duc de Brabant, le Côte de Iullers, Guillaume de Iullers son fils, Iean Conte d'Hollāde, & d'Hainault, Robert Conte de Neuers, Guillaume Henry & Guy de Flandre, Iean Côte de Namur, & plusieurs autres Princes barons & cheualiers, en presēce desquels le Conte Guy proposā plusieurs plaintes & doleances contre le Roy Philippe le Bel, se l'amentant sur toute chose grandemēr, de ce que contre tout droit, il luy auoit jusques lors detenu sa fille, laquelle il auoit conduit vers luy, sous bonne foy, & d'une pure & sincere intention, requerant au reste, que le bon plaisir desdicts Seigneurs fust, d'aduiser au moyen qu'il deburoit tenir pour rauoir sadite fille, & selon lequel il les asseuroit de se regir & gouerner. Sur quoy furent proposées & debatues plusieurs & diuerses opinions, les vnes tendantes a la guerre, les autres a la paix & tranquillite, & les autres vacillantes & suspenſes entre la paix & la guerre. Mais en fin toutes choses bien considerées, la resolution des Princes illecq assemblez fut, que le Conte Guy debuoit enuoyer vnes lettres de deffiance au Roy Philippe le Bel, par lesquelles il l'aduertiroit & de sa determination, & du motif d'icelle. Lesquelles lettres fustrent lors concheues & peu apres enuoyées, selon que vous entēdrez incontinent. Sy promirent & jurèrent lesdicts Seigneurs, de n'abandonner lediēt Conte Guy en ceste entreprinſe, ains qu'ils le fauoriseroyent, & ayderoyent de corps & de biens, jusques a la finale yssuē d'icelle, telle qu'il plairoit au Dieu tout puissant luy accorder. Dont neantmoins ils s'acquité-

quitèrent depuis assez mal selon que l'euent de ceste guerre vous enseignera. Auant entrer en laquelle, & deuant enuoyer le susdict cartel, le Conte Guy, qui n'auoit aucune volonté de manger de la guerre, pratiqua vers le Pape Boniface, de maniere qu'il enuoya l'Euesque Meldensis, son legat en France vers le Roy Philippe, affin de l'admonester par douce voye, & le persuader qu'il rendit au Conte Guy Madame Philippe sa fille, que contre tout droit & raison il auoit si long temps detenuë. Auquel legat neantmoins le Roy respondit assez aigrement, que ce n'estoit af faire au Pape, de soy mesler du faict de son Royaume. Dont aduertie le Conte Guy, considerant le peu que luy prouffitoient tous les moyens qu'il cherchoit pour euer la guerre, se fiant en la justice de sa querelle, aux grandes alliances que nouuellement il auoit contractées, & au bon nombre d'enfans qu'il auoit, apres auoir pourueu ses frontieres de suffisantes garnisons, enuoya les Abbez de Gemblour & de Floref ses ambassadeurs vers le Roy de France, avec lesdictes lettres de cartel qui portoyent credence : & pendant que lesdicts Abbez estoient pour l'effect que dessus en chemin. Le Conte Guy pour mieux asseurer ses affaires, & afin de les pouoir conduire avec plus certain fondement, proceda en la confirmation de ses susdictes alliances & mesmes fit promettre au Roy Edouard d'Angleterre, que si le mariage du Prince Edouard son fils, & de ladiete Dame Philippe ne se pouoit effectuer, obstant les empeschemens que le Roy de France y mettoit, qu'il donneroit audict Prince en mariage Madame Ysabeau (qu'estoit pareillement fille audict Conte Guy) sous les mesmes conuenances & conditions, qu'auoit esté contracté le premier mariage, & dont ils s'entredonnirent lettres du mois de Ianuier audict an quatrevingts seize. Et tantost apres sicomme a la Purification de nostre Dame du mesme an, se renouellèrent entre lesdicts Edouart d'Angleterre, & Guy de Flandre les susdictes alliances, par leurs lettres mutuelles par lesquelles ils promettent l'un a l'autre, faire assistance, contre le Roy de France, s'obligant ledict Conte Guy de faire tousiours la guerre aux François endedens deux

Le Conte Guy auant entrer en la guerre se mit en tous deuoirs pour rauoir amiablement la fille.

Le Conte Guy enuoye ses ambassadeurs pour desfier le Roy de France.

Confirmation de leur mutuel les alliances entre Flandre & Angleterre.

L'an M.
CC.
xcviij.

mois, apres que par le Roy d'Angleterre il en auroit esté le-
mond & requis, ils promettent aussi par lesdictes lettres,
qu'ils ne feront jamais paix ny trefue avec le Roy de Fran-
ce, sans le sceu & consentement l'un de l'autre. Que tous
les enfans du Conte Guy, seront comprins en ceste al-
liance la guerre durant. Et pour ce que le Conte Guy
ne se sentoit assez puissant, pour mener guerre au Roy de
France, ledict Edouard Roy d'Angleterre, promit luy
faire payer tous les ans, durant la guerre en question, la
somme de soixante mille liures Tournois Noirs, a deux
termes, dont le premier escherroit au Noel de l'an mil
deux cents quatre vingts dix & sept, & ce par dessus la
somme que ledict Roy luy auoit desia fait deliurer. En
oultre, fut dict & accordé, que lesdictes alliances sero-
yent perpetuelles, & ne se pourroyent dissouldre ny def-
faire par Pape, Empereur ny par autre, en quelque sorte
ou maniere que ce fut, n'estoit du consentement des deux
parties, lesquelles ainsi le promirent & jurèrent l'un a
l'autre aux jour & an que dessus. Dont neantmoins
le Conte Guy se repentit assez tost, lequel nous laisse-
rons en ses appareilx & preparatifs de guerre, pour vous
declairer, ce que aduint aux susdicts Ambassadeurs de
Flandre.

*Comment les ambassadeurs de Flandre, exposerent le faict de leur
charge au Roy de France, & de la response d'iceluy Roy ausdicts
ambassadeurs, & comment le Conte Guy tascha par tous moyens a
luy possibles, de se mettre en la bonne affection de ses vassaulx de
Flandre avec autres prrticularitez.*

CHAPITRE CXXXIII.



Es Abbez de Gemblour & de Floreff, am-
bassadeurs deleguez du Conte Guy de Flan-
dre, pour de la part d'iceluy porter les sus-
dictes lettres de deffiance au Roy Philippe
de France. Exploisterent depuis leur parte-
ment de Flandre, tellement, qu'ils parvindrent en la ci-
té de Paris, ou en presence de plusieurs Princes & ba-

rons

rons de France ils presentèrent au Roy Philippe les lettres du Conte Guy, avec le respect & reuerence qu'ils deuoyent a vn tel personnage: lequel apres auoir veu que les lettres portoyent credence, leur fit commandement de librement exposer le faict de leur ambassade. Suyuant quoy l'abbé de Floreſſ commença son propos quasi de ceste sorte : Sire , c'est vne vertu treslouable , & digne de recommandation entre les Roys & Princes, d'entendre par grande patience ce que les ambassadeurs ont charge de leur declarer , ostants d'entour eux toute passion , a ce que si l'ambassade , que leur est faicte , les contente , ils en recoient plus de joye , & soyent les ambassadeurs micux recueillis & fauorisez . Et au contraire , s'ils leur disent chose , qui leur desplaie , que ce nonobstant , ils ſcachent dissimuler leur cholere , & leur donner response gracieuse , pour le respect de l'estat auquel ils sont appelez : Sire , je vous supplie me perdonner si j'ay vſé de telle remonstrance enuers vous , vous asseurant que je ne l'ay faict pour doubte que j'aye de vostre justice & integrité vers les ambassadeurs , mais pour louer grandement la vertu d'un si bon Prince , qui tant humainement est accoustumé de recevoir toutes manieres d'ambassadeurs. Or (Sire) l'occasion de nostre venue vers vostre mageſte, est par le commandement de treshault & tresuertueux Princes , le Conte Guy de Flandre nostre tresredoute Seigneur, lequel iteratiuemēt vous faict requerir par nous , que luy vueilliez reuoyer Madame Philippe sa fille. Autrement, veu le tort & grāde injustice dōt vſez vers luy, il vous aduertit qu'il n'entend tenir aucune chose de vous en fief, ny estre aucunement vostre oblegé ou ſubject, entant mesmes, que les griefs & meſſaiets, qu'avez contre luy exercé le desſient absoudent, & deliurent trop plus que suffisamment de toutes alliances, obligations, & serments, desquels autrement il pouoit estre vostre tenu & redeuable . Vous asseurant au reste, que puis que ses precedents, humbles & amiables deuoirs , n'ont en vostre endroit rien prouffité , pour vous induire a la restitution de ladicte Dame sa fille , il eſpère la rauoir de brief par armes & de force, encores

*Harangue des
ambassadeurs
de Flādre en desſi-
gnant le Roy de
France de la part
du Conte Guy
leur Seigneur.*

Responſe du
Roy de France
apud ſes ambaf-
ſadeurs.

res qu'il aimeroit trop mieux , paruenir a ſon droit , par la
reſtitution (que deſſus) amiable & volontaire , & ſuyuant
ce demourer en voſtre endroit tel, qu'il a eſté juſques a pre-
ſent, que de proceder contre vous, (qu'il deſire a touſiours
pour ſon Seigneur & confedere) par voye de fait & hoſti-
lement. Pourtant aduiſez, ſ'il vous plaict a nous faire reſ-
ponſe , car vous auez en voz mains ou la paix , ou la guer-
re. Meſſieurs, reſpondit le Roy , pour ce que la vertu ac-
compagne peu ſouuent, ny les temeraires harangues , ny
les audacieuſes reſponſes , & que l'une ny l'autre, ſont ſuf-
fiſſantes pour animer les cueurs puſillanimes , je ne vous
tiendray long propos . Mais vſant plus de patience , que je
ne deurois enuers vous , qui avec voſtre maſtre vous re-
bellez contre moy, il ſuffira vous declarer que je m'apper-
chois aſſez , du but auquel le Conte Guy pretend , lequel
(comme pourrez l'aſſeurer de ma part) j'eſpere traicter de
ſorte, qu'il aura matiere de ſoy repentir tout a loyſir, de la
rebellion (du moins ſ'il y continue) qu'il a contre moy
haſtiuement, & temerairement entrepris. Et pour autant
que ſuis delibere , enuoyer de brief, aucuns de mes gens
vers luy , pour plus au menu m'informer de ſa volonte,
vous pourrez retourner vers voſtre maſtre, avec ceſte reſ-
ponſe quand bon vous ſemblera. Et ſuyuant ce leſdicts am-
baſſadeurs ſe mirent incontinent en chemin , & rendirent
peu apres compte de leur exploict au Conte Guy , lequel
preuoyant le fais de la guerre qu'il attendoit de brief ſur
ſes eſpaules , afin d'aſſoupir toutes ſeditions & rancunes
entre ceux de ſes païs , & pour gaigner le cueur des princi-
pales villes de Flandre , leſquelles il ſcauoit eſtre (pour les
raiſons que deſſus) aucunement alienees de luy , s'occupa
a l'oſtroy de pluſieurs priuileges, dont les aucuns ſont nar-
rez au commencement de ce diſcours . En quoy neant-
moins il prouffita bien peu, pour autant que la mauuiſe
conception d'un Prince vne fois imprimée aux cœurs des
vaſſaulx, ne ſe peut ſans treſgrande difficulte jamais deſra-
chiner . Le Conte Guy doncque , apres l'oſtroy deſdicts
priuileges, afin de ſemblablement pourueoir au fait de ſa
monnoye , (qu'il ſcauoit eſtre de treſgrande importance)
il fit

il fit translater fadiete monnoye, qu'estoit lors en la ville d'Alost, dedans celle de Gand, a Saint Bauon, & ce pour la plus grande commodité du marchant. Ce faict, il mit les francs monnoyers, leurs femmes, & maisons en sa sauuegarde, leur donnant tels priuileges, franchises, & libertez, que les Roys de France donnoient aux francs monnoyers du serment de France. Sçauoir, qu'ils seront francs & quites, de toutes gabelles & impositions, soit pour raison de marchandises ou autrement, ensemble de toutes seruitutes, ouurants & non ouurants, marchandans & non marchandans, & veut qu'ils n'ayent a respondre a autre juge, qu'au preuost de la monnoye, ou au tresorier general, fors de trois cas, tant seulement. Si comme de rapt, meurdre, & l'archin, & outre ce, il fit vn contract avec eux, comment & de quelle maniere, ils deuoyent seruir en ses monnoyes, par ses lettres de l'an mil deux cents quatrevingts dix & sept. Mais pour ce, que sommes presentement entrez en propos des monnoyers, auant passer outre, m'a semble que ne sera que bien faict, de laisser pareillement pour eux, & en ce passage, vn petit aduertissement, que tous monnoyers doncques, se gardent bien, de faire faulse monnoye, ou de mettre de l'empirance en icelle: car cest vne chose bien dommaigeable au bien public, de marquer vne faulse monnoye, ou la faire de moindre poix ou pris, qu'elle ne doit estre, & est l'office des tresoriers d'auoir l'œil, & regard soigneux, sur choses semblables. Entant mesmes que j'estime, que monnoye soit dictée & appelée de admonnester, pour ce qu'elle admonneste ceux qui en ont la charge de la faire, de sorte, que ne soit trouuée en elle faulte, ny fraude, en la marque, ny au pois. Ce que soit dict comme en passant, & briefuement, car les ambassadeurs que le Roy de France veut enuoyer vers Flandre, nous constraignent de les mettre en jeu, & de changer propos.

Le Conte Guy met les francs monnoyers & leurs familles en sa sauuegarde.

Priuileges pour les monnoyers de Flandre.

Aduertissement pour les francs monnoyers.

Ethymologie de monnoye.

CHRONIQUES ET ANNALES

Comment le Roy de France enuoya ses ambassadeurs vers Flandre pour diuertir le Conte Guy de la guerre qu'il luy auoit faict annoncer: de la responce dudit Conte ausdicts ambassadeurs, & comment le pays de Flandre fut mis en interdict par l'Archeuesque de Rains.

CHAPITRE CXXXIIII.

Le Roy de France enuoya ses ambassadeurs vers le Conte de Flandre.



Propos desdicts ambassadeurs au Conte Guy.

E Roy de France, assez plus irrité de ce que le Conte Guy, luy auoit faict mander par les susdicts ambassadeurs, qu'il ne monstroït en son semblant, enuoya, peu apres le partement d'iceux, les Archeuesque de Rains, & Euesque de Senlis vers le Conte Guy de Flandre, avec charge expresse de premierement tacher a le diuertir par tous moyens a eux possibles, de sa susdicte resolution & determination, & si auant, qu'il continuast en icelles, de mettre le ces & interdict, par toute la prouince de Flandre, leur ordonnant au reste, qu'ils eussent a eux gouverner, selonc les occasions, & conformement, a ce que ils entendoyent estre requis, pour la conseruation de l'honneur, & reputation de la couronne de France. Suyuant quoy lesdicts Archeuesque & Euesque, se mirent en chemin, & diligentèrent tellement par leurs journées que peu apres ils arriuerent en la ville de Gand, ou il trouuerent le Conte Guy, avec le Conte Robert son fils, & plusieurs autres barons & grands Seigneurs, en la presence desquels ils declaireient estre illec enuoyez de la part du trespuissant & tresvictorieux Philippe le Bel, Roy de France, leur souuerain & tresredoubte Seigneur, pour entendre & sçauoir si le Conte Guy aduouoit ce que de sa part, auoit par les Abbez de Gemblour & de Florest este, puis naguerres propose en la court, & en presence du Roy de France, l'admonnestants au reste, auant attendre sa responce, qu'il eust bien a penser & considerer le diuers & dangereux euent des batailles, & mesmes le malheureux succes, que ordinairement auoyent ceux, qui s'esleuoyent contre leur Prince & Seigneur souuerain, auquel (s'il vouloit bien & seurement pourueoir a ses

“ a ses affaires) il deuoit garder la foy, & fidelité promise, sans
“ soy trop arrester ou fier, sur telles quelles alliances, des-
“ quelles il se pouoit beaucoup promettre, & par-auen-
“ re bien peu receuoir. Que, quant a sa fille, le temps &
“ ses amiables pourfuytes, pourroyent en fin addouchir, voi-
“ res du tout effacher, la mauuaile opinion imprimée au
“ cerueau du Roy, au moyen de l’alliance qu’il luy auoit
“ practiquée, & que cestuy seroit le souuerain & trefeur
“ chemin, pour paruenir a la restitution d’icelle, & que
“ touchant la voye defaict, a laquelle il se preparoit, il
“ trouueroit finablement, que non seulement, il ne prouf-
“ fiteroit par icelle en aucune sorte. Mais aussi qu’il se
“ seroit brassé, vn bruuage, dont la digestion luy tour-
“ neroit, & aux siens, en trop amere aigreur, & aigre a-
“ mertume: d’auantage, qu’il considerast combien plus ju-
“ ste occasion le Roy son Seigneur, auoit de se douloir, &
“ lamenter de luy, veuë la contrauention, laquelle jour-
“ nellement il incurroit, a la paix de Melun, accordée &
“ faicte avec ses predecesseurs, par luy puis nagerres ju-
“ rée, & par tous ses vassaux ratifiée & confirmée: atten-
“ du principalement, qu’il ne deuoit ignorer ses fortifica-
“ tions & reparations, qui journellement, & a son aduen,
“ se faisoient en ses païs de Flandre deçà la riuere de l’Es-
“ cault, du tout & directement contre les conuentions
“ & capitulations de la susdicte paix, & que nonobstant ce,
“ le Roy assez plus patient a dissimuler les fautes de ses
“ vassaulx, que n’estoit ledict Conte Guy a maistriser ses
“ propres passions, n’auoit jusques lors faict aucune de-
“ monstration des’en resentir: ce que neantmoins il ne
“ entendoit a l’aduenir, laisser passer par telle conniuen-
“ ce, & dissimulation, voire d’aultant moins a rai-
“ son, que ledict Conte, monstroient vn tel resentiment,
“ pour l’arrest qu’on auoit faict de sa fille, laquelle toutes-
“ fois il scauoit estre honorée, & bien traitée en la court
“ du Roy son Seigneur, & sous la charge de la Royne sa
“ Dame & maistresse. En somme qu’il n’estimast, que
“ ces moyens par eux alleguez procedassent d’aucune crain-
“ cte que le Roy eust, ny de ses menasses, & beaucoup moins
de la

de la guerre qu'y luy auoit mise en option, ny de toutes les machinations, qu'il pourroit attenter contre la couronne. Mais que sa seule bonté, & debonnaire inclination, jointe au maigre passetemps qu'il prenoit, en la ruine de ses vassauls, l'auoyent constrainct luy faire remonstrer les choses susdictes. Eten signe de ce, le Roy nostre souuerain Seigneur remet (dirent lesdicts ambassadeurs) en voz mains, le choix que luy auez faict presenter, & de paix & de guerre. Sur quoy nous vous prions d'auoir vostre response resolutiue, ensemble, de nous declarer, suyuant ce par le commencement de ceste nostre proposition, vous auons demandé si vous aduouéz la legation des susdicts Abbez vos ambassadeurs. Le Conte Guy, ayant bien entendu & pesé, les remonstrances des susdicts Archeuesque & Euesque, soy confiant aux alliances qu'il auoit faict, avec les seigneurs que dessus, & mesmes en la justice de sa querelle, respondit franchement & brusquement ausdicts ambassadeurs, que non seulement il ratifioyt & aduouoit, ce que par meure deliberation de conseil, il anoit faict mander au Roy Philippe de France, mais aussi que iteratiuement il les asseuroit, de se mettre en deuoir, pour recourir par armes, ce qu'on luy detenoit a tort, & l'on n'auoir jusques lors voulut rendre pour douceur. Au moyen de quoy, lesdicts Archeuesque & Euesque, partirent de la ville de Gand, & se retirèrent en celle de Therouene, ou arriuez, ils misrent tout le pais de Flandre en interdict le Samedy apres la Trinité de l'an quatrevingts dix & sept. Dont le Conte & Robert son fils firent appeler au Pape, par le coustre de Saint Gilles a Bruges, & icelle appellation diuulguer par tout le pais de Flandre : qui fut cause que le Roy, considerant le peu d'estime, que le Conte Guy & ses adherents faisoient de la susdicte fulmination, ensemble affin de preoccuper son ennemy, & rechasser tout le faicts de la guerre es pais d'iceluy, assembla deux grandes puissances, l'une d'esquelles il enuoya en Gascongne contre les Anglois, & descendit avecq l'autre, au pais de Flandre, ou il entra assez plustost, qu'ils n'estoit attendu, & ausir-

plus

Responce du Conte Guy aux ambassadeurs de France.

Le pays de Flandre en interdict par l'Archeuesque de Rain.

Appellation du Conte Guy de la sentence du dict Archeuesque touchant ledict interdict

plus exploictá, selon que vous será declairé par le chapitre subseqnent.

Comment le Roy Philippe de France, & le Conte Robert d'Artois vindrent avec deux puissantes armées au pays de Flandre, des villes qu'ils subjuguèrent, & destrefues, que les Conte de Flandre, & le Roy d'Angleterre avec cestuy de France s'entredonnèrent, & comment ils se submirent de leurs differents a l'arbitrage du Pape Boniface, & d'autres particularitez.

CHAPITRE CXXXV.



Le Roy de France, considerant q nonobstát ses susdictes remonstrances, qu'il auoit faict faire au Conte Guy de Flandre, n'estoit possible le desmouuoir de la deliberation par luy prinse,

Descente du Roy Philippe de France, au pays de Flandre.

touchant l'entreprinse de guerre, ne fut par la restitution de Madame Philippe, laquelle il n'estoit aucunement d'intention de rendre, descendit a merueilleuse puissance par le quartier de Lille, ou Robert de Bethune estoit en personne, & bruslá Marquette, mettant peu apres son siege deuant ledict Lille, ou il séjourna quelque temps sans rien faire, jusques a la venue de Robert Conte d'Artois, lequel retournoit lors de Gascoigne, ou vn peu auparavant, le Roy l'auoit enuoyé avec vne autre bien grande armée, & descendit par le país d'Artois vers Saint Omer: de sorte que le pouure Conte Guy estoit de tous costéz surprins & oppressé, & neantmoins enuoya vne grosse troupe de gens, de pied, avec aucuns cheuaucheurs, contre ledict Conte d'Artois, lequel fut rencontré desdicts Flamens, guerres loing de la ville de Furnes, lesquels fusrent quasi tous desconfits ou mis en fuyte, par ledict d'Artois, ce que toutefois ne se fit, sans grande effusion de sang des deux costez. Veu mesmes que le Conte Robert d'Artois, perdit en icelle bataille, vn seul fils qu'il auoit, nommé Philippe, avec plusieurs autres seigneurs & gentils compagnons. Dont il receut assez de desplaisir, il print en ladicte bataille, le Conte de Iullers & vn Conte d'Allemaigne, appelle Henry Albemond, avec plusieurs

Lille assigée par le Roy de France

Descente d'autre armée des Franchois en Flandre sous la conduite de Robert d'Artois. Les Flamens desconfits pres Furnes, par les Franchois.

Le Conte Iullers prins par les Franchois.

Kkk autres,

Lille se rēil par
appointement
au Roy Philip-
pe de France.

Le Vvestuar-
rier de Flandre
au pouoir des
François.

Le Conte Guy,
& Robert de
Bethune aban-
donnés la vil-
le de Bruges se
retirent vers
Gand.

Ceux de Bru-
ges enuoyent
leurs ambassa-
deurs a Engle-
mōstier vers le
Roy de France,
au pouoir du-
quel ils se sub-
mettent.

Trefues entre
Flandre, Angle-
terre & France
& sous qu'el-
les conduons.

Les Roys de
France &
d'Angleterre,
& le Conte de
Flandre se sub-
mettent de leurs
différents a l'or-
donnance du
Pape Boniface.

autres, qu'il enuoyá prisonniers dans grandes charrettes en Franche & Artoys, ayant faict mettre deuant eux, la banniere aux armes dudit Artoys. Au moyen de quoy, ceulx de Lille, lesquels le Roy tenoit assiegez, se rendirent & submirent par appointement, a l'obeissance du Roy, apres toutesfois que le Conte Robert de Neuers, se fut saulué, lequel accompagné de peu de gens, se retira en la ville de Bruges, d'autre coste, le Conte Robert d'Artois, apres la susdicte victoire, pourfuyuant tousiours sa pointe & bonne fortune, print les villes de Cassel, Berges Saint Winoch, Furnes & tout le Westquartier. Dont le Roy de France receut vn merueilleux contentement, lequel aussi aduertit de la venue du Roy d'Angleterre vers Bruges, laissant bonne garnison dans la ville de Lille, tira vers Courtray, qu'il print assez legierement, & de la partit vers Bruges, & fit son logement a Englemonstier, qui fut cause que le Conte de Flandre, Robert de Bethune son fils, & avec eux le Roy d'Angleterre se retirèrent vers la ville de Gand, estimants qu'ils seroyent la en plus grande seureté, car ledict Conte ne se fioit que bien a point desdicts de Bruges, lesquels se voyants abandonnez de ceux qui leur deuoyent seruir de bouclier & protecteur, enuoyérēt leur commis audit Englemonstier vers le Roy. Auquel ils présentèrent les clefs de la ville, eux submettants du tout a son obeissance & volonté. Au moyen de quoy, le Roy entra audit Bruges le jour subsequnt, ou il séjourna quelque peu de temps pour raffreschir ses gens, en intention de peu apres mettre son siege deuant la ville de Gand. Mais a raison des trefues, qui par l'entrepayer d'aucuns furent prises & données entre ledict Roy de France & cestuy d'Angleterre, joint aux Côtes de Fládre de Neuers & autres leurs confederez, le Roy retourna en France plein de gloire & victoire. Et furent lesdictes trefues *hinc inde* accordées, pour l'espace de deux ans, & a condition que le Roy Philippe le Bel retiendrait en Flandre, ce qu'il auoit acquis, & gaigné durant la susdicte guerre, ensemble que lesdictes parties, se submettoyent, comme de faict elles firent, de tous leurs differents & questions, au dict & ordonnance du Pape Boni-
nifa-

niface. Et auant partir lediſt Roy Philippe, laiſſá pour gou-
 uerneur, de celle partie de Flandre qu'il auoit cõquiſe, Meſ-
 fire Rouland de Neelle, conneſtable de France, & frere du
 Conte de Sainſt Paul . Et peu apres les Roys de France &
 d'Angleterre, & le Conte de Flandre, enuoyèrent leurs am-
 baſſadeurs a Rome vers le Pape Boniface, pour remonſtrer
 par chaſcun d'eux, le droit qu'ils pretendoyēt en leur ſuldi-
 ſte querelle, & furent de la part du Roy Philippe de Frãce
 enuoyez l'Archeueſque de Rains, & le Conte de S. Pol. du
 coſtē de Flãdre yallá Robert de Bethune fils du Cõte Guy,
 mais je ne ſçay qui que le Roy d'Angleterre y enuoyá. Trop
 bien que le Pape Boniface les parties ouyes, & leur raiſons
 ſuffiſſamment debatues & meurement examinées, ordoná
 " & par ſentence arbitraire appoinſtá, que le Roy Philippe
 " cõme cauſe & premiere ſource de tous les maux, & incon-
 " uenients aduenus remettroit auát toutes choſes, Madame
 " Philippe de Flandre, es mains du Cõte Guy ſon pere. Qu'il
 " reſtitueroit audiſt Conte Guy toutes les villes, chaſteaux,
 " & terres, qu'il auoit ſur luy conquiſes au païs de Flandre. Et
 " finalement, qu'il réderoit au Roy Edouard d'Angleterre,
 " toutes les places & fortereſſes, qu'il auoit ſur luy gaignées
 en la prouince de Gaſcongne. De laquelle ſentence furent
 expediees lettres ou bulles, datées en l'an que deſſus, leſ-
 quelles on deliurá audiſt Archeueſque de Rains, qui de-
 puis les preſente au Roy Philippe le Bel, en la preſence de
 pluſieurs Princes du Royaulme, & entre autres de Robert
 Conte d'Artoys, lequel s'apparcheuant d'vne inuſitée
 melancholie, & ſobre triſteſſe, que ladiſte ſentence a-
 uoit cauſé au cœur d'iceluy Roy Philippe, print leſdictes
 bulles des mains de l'Archeueſque, leſquelles il deſchirá
 & jectá au feu, diſant: que tel deſhonneur n'auendroit ja-
 mais vn Roy de France. Dont aucuns des aſſiſtans le lo-
 uèrent grandement, les autres le blaſmèrent. Et quant
 au Roy Philippe, il refuſá ouuertement & rejeſtá ladi-
 ſte ſentence, ny voulant condeſcendre ne obeir. Meſ-
 mes, & que plus eſt, il practiquá peu apres l'alliance
 d'Adulphus Roy des Rommains, auquel, pour le diuertir
 de l'aſſiſtence qu'il auoit promiſe, & fiancée es mains du

Sentence arbi-
 traire du Pape
 Boniface, ſur
 les différens
 entre France,
 Angleterre, &
 Flandre.

Le Conte Ro-
 bert d'Artois
 deſchire les bul-
 les contenants la
 ſentence arbi-
 traire du Pape
 Boniface.

Adulphus Roy
des Rommains
depart de l'al.
liance qu'il a-
voit fait avec
le Conte de Flā
dre, & se joind
au Roy de Frā
ce.

Ampliatō des
limites de Fran
ce jusques au
Ryn.

Conte de Flandre, il donna en mariage sa niece, fille de Charles Conte de Vallois son frere, & affin de mieux paruenir a son but, & intention, il se transporta en perfonne vers ledict Roy Adulphus qui estoit lors en la ville de Coulongne, ou furent renouuellées & confirmées les anchienes alliances, que leurs ancestres auoyent eu ensemble, long temps auparauant. Sy besoingna ledict Roy Philippe de sorte, que le Roy Adulphus, & autres Princes d'Allemagne luy accordèrent & consentirent que de la en auant le Royaulme de France, les limites duquel, ne paruenoyent auparauant que jusques a la Meuze, s'extenderoit jusques au Ryn. Voyla donc le moyen, duquel le Roy Philippe de France, cauteleusement s'ayda, pour diminuer & affoiblir les forches du Conte Guy de Flandre. Lequel fut semblablement, & quasi au mesme temps destitué de ceux d'Angleterre pour la raison que presentement vous entendrez.

Comment les Anglois qui estoient venus au secours du Conte de Flandre, furent deffaictz par les Ganthois, pour ce qu'ils auoyent pillé plusieurs maisons illec, au moyen de quoy le Conte de Flandre fut abandonné du Roy d'Angleterre. De la descente de Charles de Vallois au pays de Flandre, de la deffaicte des Flamens, & comment le Conte Guy, soubx la parolle dudit Charles de Vallois, se transporta vers Paris, ou il fut arresté prisonnier, avec autres choses memorables.

CHAPITRE CXXXVI.



Es Anglois, que le Roy Edouard d'Angleterre auoit avec luy mené en Flandre pour le secours du Conte Guy, furent durant les susdictes trefues logez, si comme partie d'eux en la ville de Gand, & le demeurant de leur ost, avec le Roy Edouard en la ville de Meerkerke: ceux qui furent laisséz audit Gand, prindrent au moyen de l'absence de leur chef, licence de faire tout ce que leur venoit a plaisir & volonté: de maniere qu'ils osoyent desia bien conceuoir en leur courage, la ruine & s'accagement d'icelle

celle ville de Gand, & a quoy ils auoyent les mains de tant plus freillantes, qu'ils esperoyent trouuer audict lieu, vn grand butin & opulent. Pour auquel paruenir, & affin de donner aucune couleur a la malheureuse machinatiō qu'ils auoyent entre mains, ils commencērent premierement de murmurer entre eux, & monstrier vn merueilleux mescontentement a raison des susdictes trefues, lesquelles ils blasmoient grandement, reiectants l'occasion d'icelles sur lesdicts de Gand, en faueur & par la persuasion desquels ils disoyent lesdictes trefues auoir esté accordées: puis s'aduancērent de piller aucunes maisons, de mettre le feu en autres, & de composer les plus riches, esperants neantmoins les auoir peu apres du tout en leur pouoir: en vsants de ces preambules, pour experimenter, auant venir au principal, la patience des habitans de Gand, lesquels grandement troublez des foules & hostilitiez desdicts Anglois, sans guerre marchāder, se mirent tost apres en armes, & vindrent a bannieres desployées sur le marché, ou pareillement ils trouuērent les Anglois, lesquels au bruit qui se faisoit en la ville, s'estoyent illec assemblez, & desquels lesdicts Gantois firent vne telle boucserie, qu'apres auoir occis trente gentils hommes & six cents autres de leurs gens mirent le demeurant en fuyte, bien deliberez d'aller le lendemain visiter le sur-plus de leur camp, qu'estoit avec le Roy Edouard audict Meerkerke, & leur donner vne camifade tant estroicte, qu'il leur en pourroit souuenir tout le reste de leur vie, n'eust esté l'obstacle que y mit le Conte Guy de Flandre, non touteffois sans tresgrande peine, & difficulté. Nonobstant quoy & combien que ledict Edouard ne d'eust auoir ignoré, le desdaing desdicts de Gand auoir esté bien fondé, & le susdict exploit sur ses Anglois auoir esté justement executé, si est-ce que sans aucunement le communiquer audict Conte Guy, lequel estoit ce pendāt assez empesché pour reprimer la fureur du peuple de Gand, il fit trousser bagages, se mit en ses nauires, & fit voyle, retournant vers son pais d'Angleterre, au grand mescontentement & regret du Conte Guy, lequel par ce moyen se trouua les mains vuides, & abandonne d'iceux ses

Les Anglois logez a Gand, cherchent occasion de mutiner pour s'accager de piller la ville de Gand.

Conflict des Gantois cōtre les Anglois en la ville de Gād.

Les Anglois occis par ceux de Gand.

Le Conte Guy abandonne les Anglois.

K k k iij con-

confederez, soubz l'appuy desquels, conforté par la justice de sa querelle, il auoit entrepris la guerre contre le Roy Francois. Lequel d'autre costé, sans auoir esgard a la foy par luy promise, de condescendre & fournir a tout ce, que sur le different, qu'il auoit avec le Conte de Flandre, seroit par le Pape Boniface dict & ordonné. Incontinent apres l'expiration des subsidies trefues, enuoyá Charles de Vallois son frere, avec merueilleusement grande puissance, vers le país de Flandre, ou il print tost apres les villes de Douay & Bethune, & passant oultre, trouuá rencontre pres de Courtray, de Robert de Bethune Conte de Neuers, accompagné d'aucuns Flamens, qu'il auoit en grande diligence assemblez, lesquels finalement furent deffaits & mis en fuyte. Au moyen de quoy, ledict Charles de Vallois reduit tost apres soubz le pouoir, & obeissance du Roy tout le país de Flandre en general, reserué seulement Gand, & ce qu'en dependoit, ou le Conte Guy s'estoit retiré avec ses enfans, destitué du secours de tous les confederez & alliez. Non toutefois de cestuy de Messire Philippe, Seigneur de Maldeghem, lequel assemblá tel nombre de gens, qu'il luy fut possible, plus pour retarder la venue des Francois vers la ville de Gand, & ce pendant donner loysir au Conte Guy son Seigneur, de se fortifier en ladiete ville, que pour esperance qu'il eust de pouoir resister, & faire teste aux forches desdicts Francois, lesquels aussi misrent assez tost les gens dudit Maldeghem en desarray, & prindrent ledict Messire Philippe leur Seigneur prisonnier: & de ce procede, qu'on nomme & appelle encores pour le jourdhuy Maldeghem la Loyalle. D'autre costé le Conte Guy se voyant delaissé, & abandonné d'un chascun, & n'attendant aucun secours de personne viuante, ne scauoit de quel bois faire fiesches, & predisoit desia en son courage la calamité future, de laquelle il fut trop plus assuré que auparauant, lors qu'on le vint aduertir de l'appoinctement & traicté que ceux de Gand a son desceu, & a la cachette auoyent fait en la ville d'Ardenboursch, avec ledict Conte Charles, par lequel ils s'estoyent

Le Roy de France enuoye merueilleuse puissance en Flandre soubz la cõduite de Charles de Vallois son frere.

Douay & Bethune prises par les Frãçois.

Les Flamens deffaits pres Courtray.

Tout le pays de Flandre reserue Gand soubz le pouoir des Frãçois.

Messire Philippe de Maldeghem se met en deuoir d'assister le Conte Guy son Seigneur et est deffait par les Frãçois. Pourquoy on appella Maldeghem la loyalle.

Ceux de Gand font secretemẽt appoinctement avec les Frãçois, & rebatent contre le Conte Guy.

estoient de tous poinçs mis soubz l'obeissance du Roy Philippe de France, jurants & promettants d'ayder & secourir iceluy Roy, & son fils aisné cõtre tous, & signãment, contre ledict Conte Guy, & ses enfans & alliez, soubz cõdition tou tefois qu'on ne toucheroit a leurs corps, priuileges, biens, loix, ny coustumes, ce que leur accorda trefuolontiers ledict de Vallois : mesmes promit de tellement faire vers le Roy, qu'ils seroyent receus en grace, qu'ils demoureront ses vassaulx sans moyen, & que le differant des anchiens tre te neuf, contre la ville & les nouveaux trente neuf, seroit vuidé & aboly, dont il leur donna ses lettres audiect Ardenbouch le huiectiesme de May l'an mil trois cents, qui fut l'an M. cause, que le pouure Conte Guy, suyuant le conseil de CCC. ses enfans, & d'aucuns autres barons de Flandre, se trouua semblablement audiect Ardenbouch, vers ledict Charles de Vallois, es mains duquel il remit purement & absolument le demeurant de sa Conté de Flandre, le priant trefaffectueusement qu'il luy voulsist practiquer sa paix vers ledict Philippe le Bel, & luy faire, de sorte, que ses terres soubz nouveau & ordinaire serment, luy fussent restituées & rendues, comme de fait ledict de Vallois luy promit & asscura de faire, luy conseillant au reste que soubz sa parolle, il voulsist avec ses enfans & cinquante des plus nobles de Flandre, se transporter en sa compagnie, vers la cité de Paris, ou moyennant l'humble deuoir, auquel il se pourroit mettre, en se soubmettant du tout a la grace & misericorde du Roy, ou bien, au jugement des Pers de France, il se faisoit fort, que le tout reyffiroit conformement au vouloir & souhait d'iceluy Conte Guy : lequel se confiant, trop plus qu'il ne deuoit a l'assurance & parolle dudiect de Vallois, se mit peu apres en chemin, acompagné de Robert de Bethune, & Guillaume de Flandre ses enfans, avecq les prementionéez cinquante nobles de Flandre : mais il ne fut si tost arriué, dans ladicte cité de Paris, qu'il ne s'apperceust du fruit, & utilité, que par trop legierement croire il s'auoit acquis & gaigné. Entant mesmes que par charge du Roy Philippe de France il fut incontinent avec tous ceux de sa compagnie prins

Le Conte Guy
 remet la Conté
 de Flandre es
 mains de Char
 les de Vallois
 frere du Roy
 de France.

Le Conte Guy
 se confiant a la
 parolle de Char
 les de Vallois, se
 transporte vers
 France avec
 deux de ses en
 fans, & est de
 nu prisonnier,

prins & arresté prisonnier , lequel Roy Philippe , ordonná qu'ils fussent tous logez en diuerſes prisons . Si comme le Conte Guy de Flandre, a Compiengne, Robert de Berhune a Bourges en Berry , Guillaume de Flandre en vn chastelet de Normandie , & les autres nobles ça & la , en diuers lieux & differents . Et sur la remonstrance , que de la part desdicts prisonniers fust faicte , qu'ils s'estoyent transportez en Paris , sous l'assurance , que le Conte Charles leur auoit donnée, de demeurer en leur liberté & qu'ils retourneroyent (a leur premiere volonté) vers ledict païs de Flandre: ledict Roy Philippe leur fit respondre, n'auoir donné aucune charge audict Conte Charles son frere, de faire paix avec ledict Conte Guy, & beaucoup moins de l'asseurer en quelque chose, dont le susdict Conte Charles fut assez honteux & mal content, du moins selon qu'il en faisoit le semblant. Nonobstant quoy, ledict Conte Guy demeurá prisonnier , donnant par son exemple a cognoistre a vn chascun, que jamais l'on ne se doit fier a son ennemy, sans bien fondée, preallable & tresample assurance. La captiuité duquel Conte Guy , nous enseigne pareillement que ce n'est assez a ceux qui se resoudent a l'entreprinſe de quelque guerre de considerer , que leur querelle est juste, & qu'a bonne, equitable & legitime occasion ils peuuent denuncher la guerre : mais aussi leur conuient mesurer, leurs forces avec celles de leurs ennemis, conferer la qualité & quantité de leurs soldats, confederer, tributaires, & aliez, a celles de leurs aduersaires , & finablement esplucher, s'en faisant mise & recepte de la pecune publique d'ambedeux les parties , & de l'affection des vassaux, tant d'un costé que d'autre , se trouuera aucune egalité ou surcrois , pour leur seureté & auantage . Oultre ce, fait aussi grandement a noter, combien odieux se rend cestuy , qui lieue exactions sur son peuple, mesmes que par ce il acquiert la mal-vueillance des citoyens. Dauantage conuient diligemment examiner les forces de noz villes , qu'elles munitions, qu'els viures il y a, combien aguerroyez sont noz soldats , la qualité & quantité de nos artilleries & autres engins de guerre, avec vne infinité de semblables con-

*On ne se doit
fier a son enne-
my.*

*Considerations
a penser auant
entreprendre la
guerre ores que
le mouf en soit
juste.*

siderations, que debuons auoir deuant les yeux. Et lesquel-
 les on voit assez plusclerement lors qu'on est au cōflict, ou
 quand on repoulse l'ennemy arriere des murailles, a forche
 defondes de dards, hacquebutes, artilleries, & grosses pier-
 res. Conseil, vertu, & science d'armes ayde semblablement
 beaucoup en la guerre, comme aussy faict fortune. Au mo-
 yen de quoy je trouue la sentence d'Hannibal a Scipion e-
 stre veritable, par laquelle il affirme, riens ne venir entre les
 choses mondaines moins au souhait des pouures mortels,
 que les aduentures & euenements de la guerre : quy me
 meut de croire & librement prononcer, que vne certaine
 paix est assez meilleure, & plus desirable, qu'une victoire e-
 sperée. Et qu'ainsy soit, quelle charge baillerez vous a vne
 multitude, dont la fidelité est hazardeuze? comme vous o-
 ferez vous fier a vne troupe de gens meslez, amassez de di-
 uerses nations, quy vous seruent, non pour amour qu'ils a-
 yent au païs, ou a vous, nō pour la crainte de Dieu, ny pour
 bonté aucune, ains seulement pour auoir quelques gaiges
 ou loyer? cōme de faict par ce qu'avez cy dessus peu veoir,
 experimentá & trop a ses despens ledict Conte Guy : le-
 quel nous laisserons en sa prison & captiuité, pour vous ad-
 uertir des exploicts, que durant icelle se fissent, en la pro-
 uince & contrée de Flandre.

Conseil, vertu,
 & science d'ar-
 mes grande-
 ment prouffita-
 ble en la guer-
 re.

Certaine paix
 meilleure que
 vne victoire
 esperée.

*Comment le Roy Philippe le Bel vint en tresbel equipage au pays de
 Flandre, & fut partout receu comme propriétaire dudit Flan-
 dre, & comment il laissá illec pour gouuerneur Iacques de Cha-
 stillon, lequel est enchassé par ceux de Bruges a raison de ses grā-
 des exactions, de la venue du Conte Iehan de Namur audit Flā-
 dre, & comment tout le pays, saulf ceux de Gand, se departent de
 l'obeissance dudit Roy Philippe avec autres choses memorables.*

CHAPITRE CXXXVII.



PRES la detention du Conte Guy, & des au-
 tres gentils hommes telle que dessus. Le Roy
 de France avec la Roynes de Nauarre sa fem-
 me, vint, sicomme en l'an mil trois cents &
 vn, au païs de Flandre, grandement accompa-
 gné

L'an M.
 CCC.i.

Le Roy Philip
pe de France
vint visiter le
pays de Flâdre
qu'il tiét pour
confisqué.

Ordonnance
du Roy Philip
pe le Bel tou-
chant le gou-
uernement &
la Loy de Gâd.

gnée de nobles , & gentils femmes en merueilleuse pom-
pe & triumphe : le tout pour visiter les villes de Flandre,
lesquelles avec le demeurant de tout le païs, il tenoit
pour confisquées & siennes, se faisant au moyen de ce par
tout receuoir en qualité de Conte, & comme Seigneur
propriétaire d'iceluy païs, duquel ayant receu les feautez
& hommaiges accoustumez, il se transporta finalement
en la ville de Gand, ou il fut receu comme Prince & Sei-
gneur immediat, & grandement festoyé par presents, dōs
& autrement. Et apres qu'en sa presence l'on eust bonne
espace de temps conféré, des affaires d'icelle ville, des dif-
ferents des susdicts trenteneuf, & d'autres choses sembla-
bles, & que lesdicts de Gand eussent le tout remis a la sen-
tence arbitraire d'iceluy Roy: il ordonna illec vne autre ma-
niere de gouvernement telle que sensuyt. Premiers, qu'o re-
nouuellerait annuellemēt a la nostre Danie de my Aougst
la loy & gouuernement de la ville de ceste sorte, scauoir.
Que le Roy ou ses cōmis, choysiroient quatre esliseurs, &
les bonnes gens de la ville autres quatre, lesquels huit, qui
ne se pourront ataindre l'un a l'autre, du troiziesme degre
de consanguinite, choysiront sur leur cōsciēces, & fermēt
vingt & six, qu'ils cognoistront des plus notables personnes
de la ville, & les presenteront aux commissaires du Roy,
partis en deux fois treize, & les cōmissaires, s'aucun en y ar,
pourront ordonner lesquels treize, ils voudront estre esce-
uins, pour l'année lors presente, demeurant les autres treize
conseilliers. Mais sy personne n'estoit au susdict terme illec
venu de la part du Roy, ou sy ceux qui seront presents, ne
vouliont proceder conformemēt a l'election desdicts huit
esliseurs, ou nestoyent deliberez de refaire la Loy, en la ma-
niere que dessus : en tel euent, les bonnes gens de ladicte
ville seuls, pourront choysir les huit esliseurs, lesquels se-
ront autorisez de renouveler la loy, mesmes ne pourrōt
iceux esliseurs parler du lieu auquel ils seront assemblez,
que preallablement icelle loy ne soit restablie, dont les
treize conseilliers auront la cognoissance des maisons mor-
tuaires, & de faire les appaisements, & nō vlrierieure. Mais
les treize escheuins, cognoistront de toute autre chose cō-

“ cernant l'escheuinaiges & gouuernement d'icelle ville, &
 “ ne pourront cousins germains, ny plus proches estre en-
 “ semble ou la mesme armée escheuins, comme aussy ne
 “ pourra aucun desdicts esliseurs, obtenir la dignité d'esche-
 “ uin en l'année de leur choïs. Que les escheuins vieils, ren-
 “ dront & donneront compte a la fin de l'an de leur admi-
 “ nistration, aux nouuellement crééz, en presence du peu-
 “ ple & desdicts commissaires trois jours apres la my Aougst:
 “ ce que le Roy Philippe ordonná estre ainſy obserué a tou-
 “ siours, confirmant ausurplus tous les priuileges desdicts
 “ de Gand en autres endroicts, & ſy auant qu'ils fuſſent
 “ raisonnables & prouffitables a ladicte ville, par l'aduis d'i-
 “ celuy Roy & des bonnes gens d'illec. Duquel priuilege
 “ ſont depuis yſſus pluſieurs differents, & debats entre le
 “ Prince & le peuple, pour ce, que chaſcun d'eux reſpe-
 “ ctiuement s'eſſorçoit d'auoir annuellement, les huit e-
 “ ſliseurs de ſon coſté, affin de ſucceſſiuement pouuoir re-
 “ nouueller & eſtablir la Loy a ſa volonté & a ſa poſte. Les
 “ choſes ſuſdictes ainſy faiſtes, le Roy Philippe de France,
 “ commit pour ſon lieutenant general, & gouuerneur au
 “ pais de Flandre Jacques de Chaſtillon Seigneur de Leu-
 “ ſe & de Conde, & ramenant avecq luy ſon conneſtable :
 “ le quel auparauant il auoit laiſſé audict Flandre, & du-
 “ quel il ſe vouloit ſeruir en autres affaires, & retourna a-
 “ uectoute ſa ſuyte, ver ſon Royaume de France. D'aul-
 “ tre part, ledict Jacques de Chaſtillon, gouuerneur du
 “ pays de Flandre, toſt apres le partement du Roy Phi-
 “ lippe, fit conſtruire, & edifier deux fortz, & grandes
 “ chaſteaux, pour moyennant iceulx tenir en ſubiection
 “ les villes, & peuple de Flandre. Sicommel'un en la vil-
 “ le de Lille, & l'autre en celle de Bruges, le quel neant-
 “ moins ne fut oncques acheué, au moyen des tumultes
 “ & commotions que peu apres y ſur-uindrent contre le-
 “ dict gouuerneur. Le quel fit ainſy reparer, & fortifier les
 “ vieux Chaſteaux, de Caſſel, Courtray, & autres fai-
 “ ſant par tout, pluſieurs fortifications: Et pour auſdicts
 “ effectz trouuer argent, il mit ſus des tailles, & exa-
 “ ctions ſy exorbitantes, tant es villes, que au plat pays,
 “

Jacques de
 Chaſtillon go-
 uerneur de Fla-
 dre, pour le
 Roy Philippe
 le Bel.

Chaſteau a
 Lille.

Lll ij qu'on

Ceux de Flandre murmurēt a raison des exactions de Jacques de Chastillon, gouverneur pour le Roy Philippe.

Ceux de Bruges desfont de l'obeissance du Roy Philippe le Bel, & apres auoir occis plusieurs de ses gens enchasent leur gouverneur.

Jacques de Chastillon eschappe la fureur de ceux de Bruges.

Ceux du Franc jointts a ceux de Bruges, enuoyent pour secours contre le Roy de France les ambassadeurs vers le Conte Jehan de Namur. Jehan & Guy de Namur viennent vers Bruges.

Harangue du Conte lea aux effais de Flandre pour les divertir de l'obeissance du Roy Philippe, & les induire au recouurement de leur liberte, & a la deliburanc du Conte Guy leur Seigneur naturel.

qu'on commençā par tout a merueilleusement murmurer contre le susdict gouverneur : & pour ce que nonobstant plusieurs plaintes, que de ce que dessus, on fit tant au parlement, que pardeuant le Roy, on n'en pouoit obtenir la raison, plusieurs de Flandre se deffirent de l'obeissance du Roy, & signamment ceux de Bruges, lesquels ne pouants ny voulants vlterieurement souffrir, les nouuellitez & exactions que de plus en plus ledict gouverneur mettoit sus, s'esmeurent contre luy, & apres auoir d'une diligence incroyable prins les armes, s'assemblerent sur le pōt, qu'y s'appelle *Snackaerts Brugge*, ou ils occirent plusieurs des gens & seruiteurs d'iceluy gouverneur, tant subitement, que le gouverneur mesme se trouuā en extreme dangier de sa personne: lequel neantmoins se sauua, non sans trefgrande difficultē par les fossez de la ville, & vint a Courtray: puis tira vers Paris, ou il proposā, a la charge desdicts de Bruges, des accusations tant griefues, que le Roy proposā, & delibera d'extirper le peuple vniuersel, ensemble de ruyner & aneantir toute la ville de Bruges. Dont aduertis lesdicts de Bruges, ausquels desia s'estoyent jointts ceux du Franc, enuoyērent leurs ambassadeurs vers Jean Conte de Namur & Guy son frere, enfans de Guy Conte de Flādre, lesquels assemblerent bon nombre d'Allemands, & vindrēt a Bruges en merueilleuse diligence, menants avec eux Guillaume de Iullers Preuost d'Vtrecht, leur cousin & plusieurs autres gentils hommes. Ou paruenus, ils firent par l'aduis & conseil desdicts de Bruges & de ceux du Franc, conuocquer & appeller les gouverneurs de Gand, Ypre, d'Audenarde, Berghes, & autres des villes & plat pais de Flandre, ausquelz pour les attirer de son costē, le Conte Jean proposā vne harangue telle en substance. Mes bons Seigneurs & amis, sy en ceste vostre miserable seruitude, ou vous detient la cruaultē & tyrannie des François, vous reste encore quelque souuenance de la fidelitē, & du sur plus, en quoy comme loyaux subjects, vous estes redevuable au Conte Guy mon Seigneur & pere, vostre Prince naturel, lequel est maintenant, avec bon nombre des nobles de ce pais, pource prisonnier, par l'orgueil, iniustice, trompe-

"rie & infidelité des François, je ne pense point, que avec vo
 "stre honneur, & encores moins a bonne occasion vous ne
 "peregrinez maintenant les armes, avec ceux qui pourchaf-
 "sent la liberté & la vostre. Or auons nous conduit pardeça
 "bonne troupe de gentils capitaines, & tresuaillâts soldats,
 "lesquels au susdict effect, vous peuuent grandement aduâ-
 "cher & fauoriser : sy donc vous ayez vostre honneur, sy
 "vous voulez garder la loyauté que vous debuez au Conte
 "vostre Prince, & sy la nature, le commun droict des gens,
 "vous obligent a pourchasser vostre liberté & la sienne, & a
 "vous deliburer de la miserable tyrannie ou vous estes tour-
 "mentez, par les François : schaschiez maintenât cognoistre
 "& employer le temps, auquel la chose que vous deburiez
 "la plus desirer en ce monde, quy est l'ineestimable liberté,
 "vous est appareillée, avec vne louange immortelle, d'auoir
 "deliburé vostre Conte & Seigneur naturel, de la prison, ou
 "il est contre tout droict detenu : ou bien, sy vous faictes le
 "contraire, preparez vous a suër désormais patiemment, cõ-
 "me bestes dessoubs le joug, du cruel seruaige des François,
 "car veu que nous offrons de vous en deliburer, avec vostre
 "ayde, a l'aduenir, vous n'aurez aucune occasion de vous
 "pleindre du temps, ny de l'opportunité, mais bien de voz
 "propres erreurs. Or aduisez dõc lequel vous ayez d'auâ-
 "tage, ou la seruitude a vostre perpetuelle honte & misere,
 "ou la liberté de vous, & de vostre Conte, avec vostre hon-
 "neur immortel, car vous auez maintenant l'entrée de l'un,
 "ou de l'autre a vostre chois. Comme le Conte Jean de Na-
 "mur acheuoit ces parolles, ceux qui estoient illec assem-
 "blez commencherent a murmurer entre eux, & leuerent
 "tellement leur courage a la liberté, que la plus grand part
 "dentre eux, declarerent leur intention n'auoir jamais esté
 "autre, que de s'exposer a tous perils pour le mainrien de la
 "liberté publique, & pour deliburer leur Conte de la mi-
 "sere ou il estoit detenu, pourueu qu'ils peussent finir d'au-
 "cun bon chef, & conducteurs, & de soldats deliberez a leur
 "secours & assistance, surquoy neantmoins ils ne vouloyent
 "pour lors resouldre, au moyen qu'ils nestoyent encores ad-
 "ce, par les villes desquels ils estoient enuoyez, commis &

Responce de la
 meilleure part
 des estats de
 Flandre a l'ha-
 rangue du Com-
 te Iehan de
 Namur.

Ceux de Flandre se départirent entièrement de l'obéissance du Roy Philippe le Bel réservé ceux de Gand.

autorisez, de la volonté, desquelles ils asseuroyent d'ad-
uertir tost apres iceluy Conte Iean, & ses cōfederez, com-
me de fait ils firent, du tout conformement a leur volon-
té & sonhait, non pas toutesfois tous. Car ceux de Gand, a
la persuation de leurs gouuerneurs, qu'ils appelloyent Le-
lyarts, ny voulurent entendre, disants, qu'ils ne vouloyent
auoir guerre contre le Roy Philippe, qu'ils appelloyēt leur
souuerain Seigneur. Encores, que sy lon y eust voulu croire
l'opinion de la plus grand part du peuple, l'on eust certai-
nement changé & de langage & d'aduis. Nonobstāt quoy,
& sans auoir esgard ausdicts de Gand, le demeurāt du pais,
qu'estoit au l'on de la Lys, se joindit entierement au Con-
te Iean de Namur & aux siens.

*Comment le Roy Philippe le Bel enuoyā en Flandre sous la condui-
cte de Robert d'Artois, quarante mille combatants, et de la me-
morable victoire que les Flamens eurent sur lesdicts François a
Groeninghe ou mourut ledict Robert de Artois avec plusieurs au-
tres grands Princes, & presque toute l'armée desdicts François.*

CHAPITRE CXXXVIII.

L'an M.
CCC.ij.]



Robert d'Ar-
tois descend
par charge du
Roy Philippe
en Flandre
quarante mille
combatants.

EN l'an mil trois cents & deux, le Roy Philippe
le Bel de France, aduertiy des nouuellerez, qui
journallement croissoyent & augmentoyent
au pais de Flandre, a sa grande perte & désad-
uantaige, enuoyā audiēt Flādre quarante mil-
le combatants de nombre faict, sous la charge & condui-
cte, de Robert Conte d'Artois, pour autant que le Conte
Charles de Valois son frere, s'estoit lors trāsporté vers Gre-
ce, en intention de conquerre l'empire de Constantinople,
appertenant (sicomme il disoit a sa femme.) Contre lequel
Robert d'Artois, le Conte Iean de Namur avec son frere
Guy, ensemble Guillaume de Iullers, Messiere Robert de
Leeuwerghem, Iean de Renesse de Zelande, & autres ca-
piraines, assiste de ceux de Bruges du Frāc, d'Ypre, & d'au-
tres villes, marcerent jusques alentour Courtray, prez de
Groeninghe, ou ils se campèrent sur vne bien ample & spa-
cieuse campagne, attendants la venue dudiēt Robert, &
en

en deliberacion de luy liburer bataille, estants a ce de tant plus enclins, qu'ils scauoient estre impossible de paruenir a leur intention, sans le moyen d'icelle bataille, joint qu'ils craindoient que autrement, ceux mesmes, quy s'estoyent reduicts sous leur party ne changeassent d'opinion. D'autre costé les François aydes au possible de la susdicte deliberation des Flamens, entant mesmes qu'en regard a leur grosse troupe, ils tenoyent desia la victoire pour assurée, diligentèrent de sorte qu'ils se trouuèrent le lendemain, qu'estoit le jour de S. Benedictus, sur la mesme champaigne, dont la meilleure part estoit toute couuerte de leurs gens tant de pied que de cheual, quicausa vn grand estonnement ausdicts Flamens, veu principalement le peu qu'ils estoient, au respect de leurs ennemis, pour a quoy obuier, & affin de reuocquer au coeur desdits Flamens leur premiere ardeur de combattre, & magnanimité, le Conte Iean, auant entrer a la mellee, parla a eux de ceste sorte. Sy les grandes entreprises (preux & hardis cheualiers, mes bons amys & compaignons n'estoyent accompagnées de grand dangier, croyez que bien petite seroit la louange de ceux, quy en pourroyent auoir obtenu la victoire: & pour ceste raison, d'autant qu'il y a plus de peril, d'autant aussi y a il plus d'honneur, de gloire, & d'immortelle renommée: ne pensez point, que les grâdes choses, se puissent achapter par les petits, ny que avec peu de trauail, l'on puisse gagner beaucoup de louange, ainzy (mes amys) vous pouez cognoistre, ce que pour se maintenir en liberté, & s'exempter de seruitude, doit estre mis a lauanture, outre ce, que l'obligació qu'auons a nostre honneur, & lequel sommes tenus deffendre jusques a la mort nous doit oster tout l'espouuement, q̃ la multitude de nos ennemis, ou l'eueuement douteux des batailles, nous pourroyent meritoirement causer, & debués seulement craindre, que la faute de coeur, ne nous face encourir quelque infamie, & q̃ l'injustice de l'ennemy, ne nous dōne plus de peur que nostre bon droit de confiance. Car par telle lascheté, l'on pourroit redoubter l'experience de fortune, laquelle dōnâ jadis au Roy Alexandre accompagné de biē petit nombre de Grecs, la victoire d'une infinité de Perses, la mesme

fortu-

*Les Flamens
estonnent du
grand nombre
de leurs enne-
mys.*

*Harangue du
Conte Iean de
Namur pour
encourager les
Flamens.*

*Avec peu de
travail l'on se
peut gagner
beaucoup de
Louange.*

fortune, ou pour mieux dire, la justice & providence de Dieu, octroyá (qu'est de memoire assez plus fresche, & vn exemple domesticque) a Robert le Frison, n'ayant que merueilleusement peu de soldats avec luy, voires dont la plus part estoient rudes, & inexperimétez a la guerre, de vaincre par sa vertu, & par son bon droict : le Roy Philippe de France, premier de ce nom, avec vn admirable nombre de combatants, tous experimentez & faicts a l'exercice de la guerre. Nonobstant quoy, sa grosse armée fut deffaicte, & rompue en bataille rangée, a enseigne desployée, & en ouverte campagne, par voz magnanimes predecesseurs, quy estoient bien peu en nombre, mais beaucoup en magnanimité de couraige: par la raison de leur bon droict ils supplérent a la faute du nombre, & par la force de leurs bras, ils resistérent a la crainte de la fortune, comme schaschats que la multitude des hommes armez, ne rend point la victoire plus assurée, & que pour estre en moindre nombre, que les ennemys, l'on ne doit point perdre l'assurance, & encores moins l'esperance de gagner la gloire du combat. Vous cognoissez le bon droict, que nous auons en ceste guerre, il vous peut souuenir de lobeissance & fidelité, que jusques icy auez tousiours renduë a voz Contes & Seigneurs: & sy je ne suis trompé, il vous souuient encores, des guerdons & bons traictemens, qu'auez continuellement receus de vostre loyauté. Je croy que vous ayez la tyrannie en horreur, & pense que chascun de vous, est autant prest a la rechasser de soy, côme appareillé & oblegé a recevoir a mort, pour entretenemēt de la liberté, en laquelle le Cōte mon Seigneur & pere, & noz predecesseurs, vous ont tousiours soustenus & defendus jusques icy. Nous auons a nostre ayde le Dieu immortel, comme cestuy qui est le certain vangeur des outrages, & l'assuré protecteur de linnocence. Sy donc la raison, le bon droict, & sur toute chose l'ayde de Dieu, ne nous defaillent en ceste querelle, faisons que le bon courage ne nous soit encoires point defaillant, & quand la fortune voudroit estre enuyeuse de nostre bonheur, choysissons plustost vne mort honorable, que vne vie honteuse & subiecte a vne miserable seruitude, confiderez

“derez encores de vostre part, que ne deffendrez seulement
 “la querelle priuée de vostre Prince, mais encores, la vostre
 “publicque, avec voz biens, vostre liberté, voz femmes, &
 “enfans, lesquels pouez imaginer estre presentement aux E-
 “glises, & aux lieux sacréz les genoux fleschis, & les mains
 “esleuées vers le Dieu tout puisât, en cōtinuelles & trefardâ
 “tes prieres, pour vostre salut, victoire, & prosperité, ayants,
 “apres l’ayde de Dieu, collocqué toute leur esperance en la
 “forche de voz bras, moyennant laquelle, ils espèrent estre
 “deliburez de la calamité, qu’a tous ensemble conuiendra
 “pour l’aduenir endurer, sy vous auez de tels tyrans pour voz
 “Seigneurs. Prenez donc coeur (mes amys) & móstrez main-
 “tenant la prouesse, & la vertu que vous auez, & qu’il vous
 “est besoing de monstrier, pour vous deffendre de ceux, qui
 “ont entrepris vostre ruyne, faictes que l’on voye leurs de-
 “spouilles pendues dans noz temples, pour immortel tro-
 “phée de victoire: assurez, que la justice de Dieu & la force
 “de voz d’extres, feront tomber sus noz ennemis, les maux
 “qu’ils nous menassent, a leur grande confusion, & vostre
 “perpetuelle gloire. Or en ceste confiance, je feray fin a mes
 “parolles, pour en veoir commencer l’effect, & inuocquero
 “a la deffense de nostre juste querelle, & liberté, la faueur de
 “Dieu, & le secours des hommes. Tandis que le Conte Iean
 parloit ainſy, ses gens entrérēt en telle ardeur, qu’ils n’euf-
 rent presque la patience de le laisser acheuer ses propos, af-
 fin de luy respondre, qu’ils estoient prests a hazarder fran-
 chement leurs vyes a toutes sortes de dangiers, pour mon-
 strer ce qu’ils debuoyent au seruice du Conte Guy leur
 Seigneur naturel, & au desir de leur liberté, & tant com-
 mencérēt a s’orgueillir, & a conceuoir vne ſy furieuse au-
 dace en leurs courages, que ceux qu’auparauant estoient
 ſayſis d’vne merueilleuse crainte, & froide peur, a raison du
 grand nombre de leurs ennemys, ſupplyoyent lors leurs
 capitaines, de les conduire au conſict, & qu’on commen-
 çast la meſlée, laquelle d’autre coſté n’estoit moins deſirée
 des François, lesquels faizants estat deſdicts Flamens com-
 me de pouilles baingnées, & ſe promectants ſans aucune
 difficulté la victoire, ſe vindrent fourrer conſuſement a bri

Ardeur des Fla-
 mens pour cō-
 battre apres la
 harangue du
 Conte Iean de
 Namur.

M m m

de ab-

La memorable
bataille de
Groeninghe
entre les Fla-
mens & Fran-
çois.

Des François
en desordre.

Admirable vi-
ctoire des Fla-
mens sur les
François, a
Groeninghe.

de abbatuë, la lance baiffée, & de toute la roideur des che-
uaux, dans l'escadron des susdits Flamens, quy n'auoit, ob-
stant la defence de leurs capitaines, encores point bougé,
& lesquels lors se mistrent en extreme deboir, pour souste-
nir la furie de leurs aduersaires. A ceste cruelle rencontre,
tombèrent plusieurs cheualiers en la campagne, les vns
se meslants parmy les autres en telle foule, & avec sy hor-
rible bruit, & tant espoisse poudriere, qu'il est impossible
de racôpter par le menu, les prouesses & braues faicts d'ar-
mes, quy se fissent des deux costez. Tant de cheuaux sans
maistres sortoyent continuellement de la foule, & tât d'au-
tres s'enfuyoyent, tenants leurs Seigneurs pendus par les
pieds aux estriers, qu'a l'entour de la bataille la plaine, en
estoit toute peuplée. Car celuy qui estoit vne fois renuersé,
n'auoit plus aucun moyen de se releuer. Le Conte Iehan,
accôpaigné de Guy de Namur son frere, & suyuy de Guil-
laume de Iullers, Robert de Leeuwerghem, Héry de Ras-
seghem, Arnould de Dixmude, Baudouyn de Comines &
d'autres marchants deuant toute leur armée, marteloient
sy courageusement les ennemys, quy les ozoyent attêdre,
que bon gré maugré ils fustent constraincts de reculer, jus-
ques entre les bataillons de leurs gens de pied, ce que bien
peu leur prouffitâ, par ce qu'a raison du petit ordre, qu'ils
auoyent mis a leursdits gens de pied, au moyë du peu d'e-
stime qu'ils faisoient de leurs ennemis, iceux gens de pied,
auoyent desia perdu leurs rangs, & ne tenoyent aucun or-
dre de combatre. Dont s'appercheuants les dessus nômmez
poursuyuirent leur poincte, donnants par leur exemple, vn
sy grand courage aux leurs, qu'ils faisoient peu a peu abâ-
donner aux ennemys, la câpaigne toute couuerte de leurs
compaignons occis, & ruiselante du sang de leurs playes,
faillants tel deboir, que finablement les ennemys ne po-
nants plus soustenir leur forche, leurquistèrent la victoire
& commencèrent a s'encourir a van de route, peste, me-
ste, prenants vne honteuse fuyte, tant esperdus, que eux es-
cartants les vns arriere des autres, se jectèrent comme a
sauueté, dans plusieurs villages circumuoisins, ou les pay-
sans en faisoient vn terrible carnage, de maniere que de
toute

toute la susdicte armée des François, n'en eschappèrent trois cents, que tous ne fussent ou morts, ou prisonniers. Et entre autres auoyent este occis en ladicte bataille. Robert Conte d'Artois, cousin du Roy de France, Jacques de Castillon gouuerneur de Flandre, & avec eux le Roy de Mayorke, Godefroy de Brabant, & son fils Seigneur de Viczon les Contes d'eux, de la Marche, de Dampmartin d'Aumale, & d'Ange, Jehan fils du Conte de Hainault, Rouland Seigneur de Neelle Connestable de France, Guy son frere Marschal de l'ost, le Conte de Tamcaruille, Emery le grand chambellain, & plusieurs autres Princes & Barons, avec bien quatre mille esperons d'orez, & autre

Des Princes & Seigneurs occis en ladicte bataille.

peuple sans nombre. Par laquelle deffaite, faict bien a considerer, que jamais on ne peut faillir a faire grand cas, des entreprinſes, pour faciles qu'elles puissent estre. Car bien souuēt par l'oubly auquel on se treuue, pour les auoir en peu d'estime, l'on pert encores la raison & l'entendement, qu'y estoient necessaires pour en venir au dessus, tellement, que ce qu'y estoit estime facile au commencement, se treuue tresmal aysé, & impossible sus la fin. Or par ce, que la force de l'ame qu'y est la raison, est la chose principale qu'y soit en l'homme, il se faut donner garde de jamais ne s'oublier en cest endroict, afin de ne mettre nostre fiance en la temeraire force du corps, qu'y nous est commune avec les bestes, & la quelle peut estre surmōtée d'une plus grande force, ou par auanture d'une moindre, qu'y sera aidée d'un bon conseil, & d'une sage discretion, ce qu'y ne peut aduenir en la force de lame, laquelle bien accompagnée d'industrie & de ruzes, se fonde entierement sus la prudence, moderant aussy tost les petites entreprinſes, comme les plus grandes par une raison bien deliberée, car par tel moyen, les grands d'agiers sont amoindris, & les choses faciles sont encores rendues plus aysées. Mais retournons a nostre propos.

On doit faire grand cas de toutes entreprinſes, pour faciles qu'elles puissent estre. Discours de l'auteur sur ladicte deffaite.

La raison est la chose principale de l'homme.

Comment apres la susdicte journée de Groeninghe, tout le pays de Flandre s'osta de l'obeissance du Roy de France, lequel descend avec grand puissance audict Flandre, & neantmoins retourne sans

M m m ij riens

CHRONIQUES ET ANNALES

viens faire, de plusieurs exploits des Flamens contre Artois, de la trefue que les François & Flamens s'entre donnerent, & comment le Conte Guy de Flandre retourna de prison en son pays de Flandre, avec autres particularitez.

CHAPITRE CXXXIX.



NCONTINENT apres la susdicte desconfiture, le Conte Jean de Namur & les siens, poursuyuans leur poincte, & s'aydants de la fortune, quy lors les fauorisoit, assaillirent & prindrent le chastel de Courtray, Lille, Douay, & tout le Westquartier. Au moyen de quoy, le peuple de Gand, s'esmeut contre les Lelyarts, dont ils en tuèrent aucuns, & constituerent les autres prisonniers. Bref tout le pais de Fladre se mit peu apres ladite victoire, vnaniment hors l'obeissance de la couronne. Tant est important d'estre en vn pais Seigneur de la campagne, faisants au reste & constituauns pour rewaert & gouverneur de Flandre, ledict Conte Jean de Namur, lequel suyuant ce, enuoya ses coureurs jusques a l'abbaye du mont Saint Eloy, prez Arras. Quoy venu a la cognoissance de Philippe le Bel, Roy de France, quy se sentoit merueilleusement picqué, & en extreme cholere, a raison de la perte de tant de Princes, barons, nobles & autres gens de guerre, qu'il auoit eue en ladicte journée de Groeninghe, assembla vne puissance tant grande, qu'il ne fut oncques memoire de semblable au Royaume de France, & avec icelle tira en personne vers Flandre, & se logea a Victry prez de Douay, laquelle il assiegea enuiron le jour Saint Gilles. audict an deux, dont aduertit le Conte Jean de Namur, tira avec ses gens celle part, & logea a vne lieue prez de l'ost du Roy, appareilla a tout ce, que le Roy voudroit, fut a combatre, ou pour appoincter. Nonobstant quoy, ledict Roy Philippe voyant la resolution des Flamens, fust content de leuer son siege, & soy retirer vers France, ou il retourna inglorieux & sans autre chose faire. Aulcuns estiment, que le Roy pour lors ne voulut combatre, au moyen de certain aduertissement que luy auoit esté fait, par sa sœur la Roynne d'Angleterre.

Ceux de Gand s'esmeuent contre les Lelyarts.

Tout le pays de Flandre hors l'obeissance du Roy de France.

Le Conte Jean de Namur gouverneur de Flandre.

Descente du Roy Philippe le Bel en Flandre, avec merueilleuse puissance.

Le Roy de France retourne en son pays sans rien faire.

terre, que s'il combattoit, il seroit par ses propres gens libéré es mains du Conte Iean, & des Flamens. Les autres disent, que la necessité des victuailles, fust cause de ce subit partement du Roy, ce que ce soit: l'on ne vit jamais sy peu d'effect, d'un tant grand appareil. Apres le partement dudit Roy Philippe, les Flamens tirèrent vers Arthois, ou ils executerent plusieurs exploits de guerre trop prolives a particulariser, & esquels ils se trouuoient souuent victorieux, & aucunes fois vaincus. Mais signammét en vne rencontre qu'ils eurent d'une bonne troupe de François, prez Saint Omer, a Arkes, en un estroit passaige, ou lesdicts Flamens perdirent bien douze mille hommes: depuis ils descendirent vers Tournay, & pillèrent tout le pais circumuoysin, & assiegerent ledict Tournay. Quy fut cause que le Roy Philippe, delibera retourner en Flandre, au secours de ceux Tournay, ordonnant a ces fins, que l'assemblée de ses gens se fit autour Peronne, ou il vint en personne, avec le Conte Charles de Valois son frere: mais par le conseil, & a l'instance & persuation du Duc de Sauoye, le dict Roy de France donna peu apres ausdicts Flamens treues d'un an, a condition que durant icelles, le Conte Guy, seroit en liberté, & regarderoit de trouuer moyen de praeuoir vne paix entre Flandre, & la couronne, & que suyuant que ladite paix ne fust arrestee, en dedes ledict an inclusiuement, il seroit tenu de retourner en sa prison. Et par ainsy, lesdicts Flamens leuerent leur siege dudit Tournay & fut relaxé ledict Conte Guy de Flandre, lequel retourna fort anchien & caducque audict Flandre, & se retira a Winendale, ou nous le laisserons en debvoir de practiquer icelle paix, & vous declarerons les emprinses, que ce pendant les Flamens firent, contre Zelande & Hollande.

Exploits de guerre des Flamens en Artois souuent, a leur prouffit aucunefois a leur perte.

Deffaite des Flamens a Arkes.

Tournay assiegée par les Flamens.

Treue entre Flandre & France.

Le Conte Guy de Flandre retourna audict Flandre.

De la guerre que les Flamens eurent contre Hainault, Hollande, et Zelande, & comment tout le pays d'Hollande reserué Dordrecht fust reduict sous leur obeissance: de la deffaite desdicts Flamens en Zelande, & comment le Roy de France vint pour la quatriemesme fois a tresgrand puissance en Flandre, & de la victoire qu'il eust contre les Flamens, mais a son tresgrand dommaige de la paix

M m m iij entre

entre Flandre & France, & du trespas du Conte Guy de Flandre.

CHAPITRE CXL.



Guerre entre Flandre & Hainault, jointe a Hollande & Zelande.

La ville de Lessines prinse, & brussee par les Flamens.

Prediction touchant la prinse de Lessines.

Les Hennuyers & Hollandois deffaits par les Flamens.

Les Flamens cōquestent tout le pays d'Hollande reserue seulement d'Ordrecht. Philippe de Flandre Conte de Thierre viét en Flandre, & est fait gouverneur, pour ce qu'il estoit ainsé du Conte Jean de Namur

OVR autant que aux susdictes trefues, dētre France, & le païs de Flandre, n'estoit cō prins Guillaume d'Auesnes, fils de Jehan Conte d'Hainault, de Hollande, & de Zelande, & lequel tenant le party du Roy de France, auoit durant les susdicts guerres, prins par subtilité au Seigneur de Audenarde, la ville de Lessines, & icelle fortifié & muni de bonnes garnisons: leā de Flandre Conte de Namur, & Guy son frere, lors gouverneurs de Flandre, assemblerent grand ost, assiegerent ladicte ville de Lessines, laquelle ils prindrent, pillerent, & misrent en feu & en flamme. Et dict vne ancienne chronique de Flandre, que le grand pere de ce Seigneur d'Audenarde, lequel fit premier faire ce chastel, & fortifier la ville, auoit predict, que le chastel ne seroit jamais gaigné par force, jusques a ce qu'on donneroit vn oyson pour vn denier paris. Comme aussy aduint, car ladicte ville fust prinse par les Flamens en la sepmaine Saincte, que lors les soldats donnirent vn oyson pour vn hereng, & vn hereng ne vailloit que vn denier paris. Ce fait lesdicts Flamens, prindrent Walcheres & de la tirerent vers Schauwes ou ils eussent bataille contre ledict Guillaume d'Auesnes, qu'ils misrent en desarroy, & occirent Guy Euesque d'Utrecht oncle dudit Guillaume: puis passerent outre en Duyueland, ou semblablement ils rebouterent leurs ennemis, de la retournerent & misrent le siege deuant Ziericzee, enuoyants partie de leurs gens, avec aucuns Zelandois en Hollande, ou par tout leur fut faicte ouuerture, reserue a d'Ordrecht: mais tost apres la fortune tourna, comme voirez incontinent. Durant les susdictes entrefaictes, Philippe de Flandre Conte de Thierre & de Lorette, retourna avec la Contesse sa femme au païs de Flandre, ou pour ce qu'il estoit plus eagiel que Jean de Namur son frere, ceux de Flandre le firent & creerent rewaerd du païs. Et en

Et en telle qualité il donna a ceux de Flandre les priuileges qu'auz veu cy dessus. Il s'employa grandement pour appaiser les susdict differentz, & pour ce que durant la susdict année, n'auoit esté possible dy mettre ordre: le Conte Guy de Flandre retourna, selon la susdict conuention, en la prison a Compiengne, en l'an mil trois cets quatre. Auquel temps le Roy Philippe le Bel, assembla pour la quatriesme fois, mout grande puissance & vint loger entre Lille & Douay tó pres la en Peuele, & enuoya par eau en Zelade, vne grosse puissance au secours de ceux de Ziericzee, que Guy de Namur auoit, que auz veu par ce que dessus, assiegée, lequel Guy se trouua peu apres assez estonné lors qu'il fut aduerty, que les gens qu'il auoit enuoyé en Hollande, auoyent tous esté deffaicts: mesmes que les Hollandois descédoient, pour luy liburer bataille, & outre ce il scauoit la qualité du secours, que le Roy de Frâce leur auoit enuoyé, qui consistoit en seize galeres, Geneuoises, avec plusieurs autres vasseaux bien garnis, dont estoit chief & capitaine Messiere Renier de Grimaldy: nonobstant quoy ledict de Namur, arresta de tenter fortune, & s'exposer au dangier d'une bataille, en laquelle apres auoir l'ong téps combatu, ses gens fuserent finablement deffaicts, & luy prins & constitué prisonnier, au grand interest & recullement des affaires de Flandre, ou il fut enuoyé au camp du Roy, par son admiral, & depuis cōduict en la cité de Paris où il fut mis & gardé prisonnier. D'autre costé, Philippe de Fladre Conte de Thiette, Jean de Namur son frere, & Guillaume de Iullers son cousin, qui auoyent faict tendre leurs pavillons & tentes sus le mont en Peuele, toutes couuertes de drap rouge, raschoyēt par toutes les voyes a eux possibles, de mener les affaires, & de reduire le tout en quelque bonne paix & tranquillité, & mesmes les Flamens, qui estoient sous eux, pryoyent pour euer l'effusion de sang apparente, que le tout leur fut pardonné, promettants de faire edifier cent chappelles pour l'honneur de ceux qui estoient demorez tant a Bruges, qu'a la journée de Groeninghe, & ausurplus de condescendre a toutes autres honnestes & equitables cōditiōs de paix: a quoy neātmoins le Roy faisoit la sourd

Le Conte Guy
retourne en la
prison.

L'an M.
CCC. iiii.

Le Roy de Fr
ce descend
pour la qua-
triesme fois a
grand puissan-
ce en Flandre.

Messiere Renier
de Grimaldy
capitaine du
secours que le
Roy de France
enuoya aux
Hollandois cō-
tre les Flamens.

Guy de Na-
mur deffaict &
prisonnier par
les François, &
Hollandois en
Zelande.

Les tentes des
Flamens esleues
sur le mont en
Peuele couuer-
tes de drap rou-
ge.

Les Flamens
demandent la
paix & s'offrent
a toutes raison-
nables condi-
tions.

le sourd, ny voulant aucunement entendre, & beaucoup moins apres la deffaicte desdicts Flamens, prez la ville de Ziericzee, quy fust cause, que les deux oſtz s'entreapprocherent de bien pres, de sorte qu'on nattedoit que le signe des capitaines pour s'entrecarger. Ce pendant y auoit plusieurs allées & venuës tât d'un costé que d'autre, pour empescher la meſlée, laquelle toutesfois fut peu apres encô-
mencée, par le moyen de Guillaume de Iullers, lequel impatient des termes rigoureux, & de la menée dont le Roy de France vſoit, frappâ avec son batillon dedans les François, d'une telle impetuoſité, que s'il euſt eſté deuëment ſecondé, par le demeurant de l'armée Flamenghe, ceste victoire euſt de beaucoup obſcurcy la derniere obtenue prez Groeninghe, (dont nous auons parlé cy deſſus), entant meſmes que le Roy fut deſarçonné, loriflamme (qu'il auoit en ceste entreprinſe fait porter avec luy) abbatuë, & la reſte de ſes gens, tant rudement traicté, que ſans le ſecours, que merueilleuſement bien a propos, luy fiſrent les Contes de Vallois, & d'Eureux ſes freres, portez de Guy Conte de Saint Paul, Jean Conte de Dampmartin & d'autres, il euſt avec la bataille, perdu ceste grande enuye qu'il auoit au d'Emeine & gouuernement de Flandre. Mais par le moyen des ſuſdicts Princes, leſquels encouragèrent & fiſrent retourner les fuyards, & pour ce que plusieurs de l'armée Flamenghe voyants les ſuſdicts parlements, ne ſ'eſtoyent du tout preparez a la bataille, la chanche tournâ contre leſdicts Flamens, quy fuſrent deſconfitz & mis en fuite, non toutesfois ſans trefnotable perte des François, quy pouoyent compter ceste victoire au rang de celles, qu'on achapte bien chierement, & dont le deſplaiſir & regret ſont plus grandz, que le gaing & triumphe, car ils perdirent de leur costé, le Conte d'Auxerre, lequel fut merueilleuſement regreté du Roy Philippe a raiſon de ſes vertus & vaillantises: la morut ſemblablement, lehan frere du Duc de Bourgoingne, Hughe de Bournouille, & plusieurs autres perſonnaiges de nô & de qualité. Du costé des Flamés fut occis ledict Guillaume de Iullers, & bien quatorze mille hommes: nonobſtant quoy, leſdicts Philippe de Thiette, & Jean

Guillaume de Iullers impatient de la rigueur du Roy de France commença la bataille contre les François.

Le Roy de France deſarçonné, & l'oriflamme abbatue, par les Flamens.

Les Flamens deſconfitz pour les François, quy toutesfois pleurent leur propre victoire.

Guillaume de Iullers occis en ladite bataille.

Jean de Namur fferes, ne perdirent courage. Ains se retirèrent vers Bruges & vers Gand, en intention d'assembler nouvelles forches, les joindre a ce que leur estoit demeuré de ladicte deffaicte & recommencer mieux que devant: comme de faict ils trouuerent inoyen de recouurer autre bonne quantité de soldats, avec lesquels ils se transporterent vers Lille, pour contraindre le Roy Philippe d'en leuer le siege, que depuis la susdicte deffaicte il y auoit recement mis, & se logerent sur la deu'e guerres loing de loist dudiect Roy Philippe, lequel esbahy au possible, d'vne telle puissance de Flamens, en si petite espace recueillé, dist non sans grand merueille, qu'il luy sembloit qu'il pleuuoit des Flamens, lesquels aussi s'apprestoyent pour iteratiuement luy liurer vne bataille. Mais le Duc Jean de Brabant, craindant les inconueniens qui en pourroyent yssir, & mesmes pour obuyer a l'effusion tant abondante du sang Chrestien, trouuá practique de conceuoir vne paix, & moyenner entre les parties vn appoinctement, auquel encores que grandement a l'aduantaige du Francois, il fit condescendre lesdicts Flamens, aux conditions & de la maniere qui s'ensuyt: Premiers, que les Flamens auroyent « bonne & perpetuelle paix avec le Roy, & moyennant ce « leur demoureroyent leurs biens, libertez & franchises sauues & entiers, que le Conte Guy, seroit du tout restably, & « remis en sa Conté & Seigneurie, que tous prisonniers, tant « d'vn costé, que d'autre, seroyent deliurez quites & francs. « Que pour toutes offenses, les Flamens payeroyent au Roy « vne amende pecuniele, qui ne pourroit excéder la somme « de huit cent mille liures, pour laquelle arbitrer, seroyent « esleuz huit personnaiges, sçauoir quatre d'vn costé, & quatre d'autre. Nonobstant lesquelles choses, le Roy voulut « semblablement pour son honneur, & assurance, que les « villes de Lille & Douay avec leurs appendances, fussent « mises en ses mains, par maniere de gaigne ou de contrepant, « pour les tenir seulement, jusques a ce qu'il fut esté satisfait de la susdicte amende, comme lors fut mis par escript « & publié aux deux ostz, qui causá vn merueilleux contentement, tant aux vns que aux autres. Et le lendemain a-

Philippe de Thierre, gouverneur de Flandre assemble nouvelles forches, & retourne vers Lille, pour faire leuer le siege que le Roy Philippe y auoit mis.

Le Roy de France esbahy du nombre de Flamens si tost recueilly. Les Flamens s'apprestent a liurer aux Francois vne autre bataille.

Traicté de paix entre France & Flandre.

N n n pres

Trepas du Cō-
te Guy de Fla-
ndre en sa prison
a Compiengne

La mort du Cō-
te Guy colée &
seue secreete.

pres que lesdictes villes (dont depuis sont yssuës plusieurs debats & questions, selon que voirez en poursuivant ceste histoire) furent liurées, es mains d'iceluy Roy, ou de ses commis, chascun rotourná en sa chascune. Et peu apres, au mois de Mars, dudiect an quatre, morut le Conte Guy en la prison du Roy de France a Compiengne cagé de plus de quatrevingts ans, la mort duquel toutelfois fut celée & tenuë secreete, & son corps balsamé, mis en vn tombeau de blomb, & gardé jusques a l'Esté de l'an mil trois cēts cinc, que la paix estant concludë, & arrestée: il fut rapporté en Flandre & enterré a Flines.

De l'aduenement de Robert de Bethune en la Conté de Flandre, & du traicté de paix, faict entre France & Flandre. Au moyen duquel, lediect Robert de Bethune fut relaxé des prisons de France, & comment ceux de Flandre ne voulurent aucunement condescendre audiect traicté de paix, avec autres choses memorables.

CHAPITRE CXLI.

Des femmes &
enfans de Ro-
bert, diect de Be-
thune Cōte de
Flandre.



ROBERT de Bethune, aîné fils du susdiect Cōte Guy, eust deux femmes, dont la premiere fut Catharine fille de Charles d'Anjou, Roy de Hierusalem, dont il eust vn fils Charles, qui morust jeune, je ne sçay ou ny quand trepassá ladiecte Dame, laquelle terminée, le Conte Robert se remariá a Madame Yolente de Bourgoingne, Contesse de Neuers, fille de Robert de Bourgoingne, dont il eust deux fils & trois filles: sçauoir Louys Conte de Neuers & de Rethel, & Robert diect de Cassel, lehené femme de Engueran Seigneur de Couchy, Doyfy & de Montmiral, Yolēte femme de Gautier Seigneur d'Eenghiem, & Mehault femme de Mahieu Duc de Lorraine. Lediect Robert estoit encoires es prisons du Roy de France a Bourges en Berry, lors que ladiecte Conté de Flandre luy escheut: car ores que Lille & Douay fussent (comme diect est) es mains dudiect Roy de France, toutesfois n'estoit encoires les prisonniers relaxez, jusques a ce que l'amende cy dessus mentionnée, fut taxée & arbitrée. Il estoit Prince vertueux, hardy & vaillant.

lant de sa personne , mais autrement, il estoit en plusieurs choses simple , & facilement seduit & persuadé , comme assez se peult veoir par la simplicité dont il vsa , & soy deffaisant des villes de Lille & Douay , dont incontinent sera faicte plus ample mention , il fut en son jeune temps trois fois ou plus a la deffense de la terre Sainte : & se trouua en Secille avec le Roy Charles, dict d'Anjou , contre le bastart Monfroit , lequel il occit en bataille de sa propre main : mais il fut merueilleusement molesté des Francoys, durant son gouuernemét en Flandre, selon que pourrez plus au plain cognoistre par le discours & cōtinuance de son histoire. Il bailla a ceux de Bruges le priuilege & maniere comment les assurances se doiuent faire , par ses lettres de l'an mil trois cents dix, & fit plusieurs belles ordonnances sur le faict de la drapperie a Ypre , ou il fit faire la salle d'une petite platte maison, qui estoit illec , & si tenoit volontiers. Durant l'emprisonnement dudit Conte Robert, & peu apres la susdicte paix faicte deuant Lille , furent tenues plusieurs journées , parlements, & communications, entre les gens dudit Philippe Roy de France , & ceux du païs de Fládre, touchant & sur le faict de la taxacion de l'amende, dont est parlé en ladicte paix. Ausquelles fins furent suyuant icelle, esleuz les huit arbitres, y mentionnez. Dôt les quatre questoyent du costé d'iceluy Roy , estoient grandz Princes & Seigneurs. Sicomme, Louys Côte d'Eureux, fils du Roy Robert Duc de Bourgoingne chambrier de France, Ame Conte de Sauoye, & Jean Conte de Dreuz. Mais les quatre du costé de Flandre, estiont simples cheualiers : sçauoir Jean de Cuyck estrangier , de la terre de Brabant, Jean de Gauere, Seigneur Descornay , Gherard le Moor chastelain de Gand, & Gherard Seigneur de Zottegem, & fut la chose si auant menée , que les arbitres du costé de Flandre , accordèrent & scellèrent , avec les arbitres du costé du Roy certains articles, lesquels neantmoins ne furent depuis admis ny agrééz par les Flamens, soustenants qu'au moyen de l'inegalité, qui se trouuoit entre leurs arbitres , qui n'estoyent que simples gentilz-hommes, & ceulx de France , tous grands Princes & puissants,

La salle d'Ypre
faicte par la
Conte Robert
de Bethune.

Traicté de pais
entre Flandre
& France de
l'an mil trois
cents cinc.

ledict appointement estoit boiteux , & l'amende indeuë-
ment taxée . Laquelle paix toutesfois fut accordée entre
les dessus nommez aux conditions , & selon que s'ensuyt .
Premiers, que les Flamens assigneroyent au Roy vingt mil-
le liures de terre de rente perpetuelle par an , en la Conté
de Rethelois, le plus commodieusement que faire se pour-
roit , & ce endedens le Sainct Iean de l'an mil trois cents
huißt, qu'ils payeroyent au Roy quatre cents mille liures,
en quatre ans , dont le premier payement escherroit , a la
Sainct Iean de l'an trois cents six . Qu'ils bailleroient fix cets
hommes d'armes de la Conté de Flandre en bon ordre &
equippage, poor seruir le Roy vn an entier, la part qu'il luy
plairoit, que le Roy pourroit punir par voiajes, trois mille
personnes de Bruges, & du Fracq, coupables des malfaiscts
passez, les mille outre mer, & les deux mil deça la mer . Que
les Flamens abbateroyent & raseroyent les murs & forte-
resses des cinc principales villes, Gand, Bruges, Ypre, Lil-
le, & Douay, endedens la Sainct Iean, de l'an mil trois cents
sept, sans jamais les pouoir refaire , ny remettre sus . Que
moyennant ces choses , le Conte Robert, Guillaume &
Guy ses freres & les autres nobles de Flandre , prisonniers,
seroyent deliurez, comme semblablement seroit le corps
du Conte Guy, qui estoit l'année precedente terminé en la
prison . Que les nobles & communaultez de Flandre fero-
yent telle seureté, que seroit aduisé de jamais eux substra-
ire de l'obeissance du Roy , ny de ses successeurs Roys de
France . Que jamais , ils ne se alleroyent aux ennemys du
Royaulme, ny les secourroyent, conforteroyent, ny sou-
stiendroyent, & si le Conte le faisoit, il fourferoit la Conté
de Flandre, que pour la seureté de ce que dessus , le Conte
Robert de Flandre mettroit au pouoir, & es mains du Roy,
ou de son commis, les chasteaux villes & chastelenies de
Lille, Douay, Bethune, chasteaux de Cassel & de Courtray
pour les tenir, jusques a ce que les vingt mille liures de ter-
re seroyent assignées, les forteresses abbatuës, & les pelerins
mis en chemin . Que le Roy pourroit faire abbatre les cha-
steaux de Lille & de Courtray, qu'il auoit faict fortifier, le
fons desquels neantmoins demoureroit au Conte de Flan-
dre

" dre, que si les choses susdictes ne fussent en leur temps &
 " lieu accomplies, le Conte Robert fourferoit l'amende de
 " soixante liures, & nonobstant ce, le Roy pourroit proceder
 " alencontre des Flamens par censures & excommunica-
 " tions du Pape, & aussi par adjournements a Paris, que tous
 " alliez d'une part & d'autre, seroyent comprins en ceste paix,
 " reserué le Conte de Hainault, pour autant que peut tou-
 " cher & concerner les Contes de Hollande & Zelande. Ce
 " fut fait & conclu, par lesdicts huit arbitres, a Achies sur
 " Orange au mois de Iuing l'an mil trois cents cinc : & fust
 " le tout traicté, confirmé, & approuvé par les procureurs des
 " villes & communautéz de Flandre, reserué ceux de Bru-
 " ges, qui n'auoient illec leurs procureurs, pour autant qu'on
 " ne les y vouloit veoir, ny ouyr. Et tantost apres, fut le Con-
 " te Robert deliuré de la prison, moyennant toutesfoi la
 " preallable confirmation qu'il fit du susdict traicté, lequel il
 " promit & jura d'entretenir, a peine d'excommunication
 " *ipso facto*, & sans d'icelle pouoir jamais estre relaxé, n'est du
 " consentement du Roy & de ses successeurs Roys de Fran-
 " ce : comme semblablement ratifierent confirmarent &
 " promirent entretenir, Henry Conte de Luxembourch, Phi-
 " lippe, & Jean de Flandre, Guillaume de Flandre, & Mada-
 " me Adele de Neelle & Vicontesse de Chasteaudun sa fem-
 " me. Suyuant quoy ledict Conte Robert de Flandre, retour-
 " na audict Flandre, & avec luy Guillaume & Guy ses freres,
 " & tous les autres prisonniers, reserué seulement Mada-
 " me Philippe leur sœur, (commencement & origine des
 " susdicts debats) & laquelle vn peu auparauant estoit mor-
 " te de regret & desplaisir, & menèrent avec eux le corps
 " du Conte Guy de Flandre leur pere, lequel ils firent moult
 " honnorablement enterrer a Flines, selon que cy dessus
 " vous auons declairé. Mais quand les nouuelles de ceste
 " paix furent diuulgüées en Flandre, le peuple en fut par
 " tout generallement tant esmeu, qu'il seroit impossible le
 " vous declarer par escript, entant mesmes que chascun di-
 " soit & maintenoit, que pour mourir ils ne voudroyent
 " accepter, & beaucoup moins furnir aux susdictes tant ini-
 " ques, cruelles & exorbitantes conditions. Au moyen de

Le Conte Ro-
bert avec ses freres & autres
gentils homes
qui long temps
auoyent esté de-
tenus prison-
niers en France
retournent au
pays de Fladre.

Le corps du Co-
te Guy de Flan-
dre, rapporté
de France, & en-
terré a Flines.

Ceux de Fladre
ne veulent au-
cunement accep-
ter les condi-
tions de ladicte
paix.

N n n iij quoy

Les deputez des
villes de Flādre
ayants accordé
ladite paix en
grand dangier
de leurs person
nes.

quoy les arbitres deputez & procureurs des villes, qui auoyent consenty a la susdicte paix, & aux conditions d'icelle, furent en tresgrād dangier de leurs personnes: de sorte que personne n'osoit publier, & beaucoup moins mettre en execution icelle paix.

Comment le Conte Robert de Flandre faict assembler son ost, pour faire guerre au Conte Guillaume d'Hainault, & de l'appoinctement que sur icelle guerre fust par le Duc de Brabant moyenné, ensemble de la moderation de la paix de l'an mil trois cents cinc, faicte & accordée par le Roy Philippe de France, avec autres singularitez.

CHAPITRE CXLII.

Le Conte Robert assemble gens pour faire guerre au Côte d'Hainault, Hollāde & Zelande.



EV apres le retour du Conte Robert, dict de Bethune, en son païs de Flandre, ledict Conte Robert fit assembler vne grosse armée, pour continuer la guerre, qu'il auoit contre Guillaume d'Auesnes, Côte de Hainault, Hollande & Ze-

lande, & en laquelle guerre, ledict Conte de Flandre auoit de son party, le Duc Iean de Brabant, par le moyē & entre-parler duquel, fut tant faict & practiqué, que les parties en l'an mil trois cents six, se submisrent de tous leurs differents audict & arbitrage de Iean Conte de Namur, & Guy de Flandre son frere, esleuz du costé de Flādre, & de Guyō de Hainault Euesque d'Vtrecht, & Gaultier de Chastillō, Conte de Porcien, conestable de France, choyfiz & denomez arbitres de la part dudit Guillaume d'Auesnes. Lesquelles parties, & chacune d'elles, respectiuellement promirent de tenir & auoir pour agreable, tout ce que par eux quatre, ou par les trois, seroit dict & arbitre, moyennant laquelle submission le Conte Robert deffit & cassa son armée & retourna en Flandre. Par le contenu de laquelle submission, semble que leur different gisoit en trois poincts. Par le premier, le susdict Conte Robert pretendoit sa part droit & action en aucuns fiefs en Zelande tenus de Flādre, sous pretext que le Conte Iean d'Hollande estoit terminē sans hoir male de son corps, & que par les coustumes feodales dudit

Iean & Guy de Namur, avec l'Euesque d'Vtrecht & Gaultier de Chastillon esleuz arbitres par les Cōtes Robert de Flādre & Guillaume d'Auesnes.

Le motif des differents du Conte Robert contre le Côte d'Hainault & Hollande.

dudiſt Zelande, les fiefs en deffaut d'hoir maſle, retournét au ſeigneur. Le deuziefme poinct ou article, giſoit en ce, q̄ le Conte de Flandre demandoit ſa portió en pluſieurs terres votieres, de main ferme, giſants en Hollâde & ſeignorie de Friſe, enſemble aux biés meubles, & debtes actiues, delaiſſez par lediſt Conte Iean. Tiercemét, il maintenoit q̄ Leſſines Flobecque Renais, & Lens eſtoient, du reſſort de Flandre: mais l'on ne treuve que riés en fuſt diſt par les ſuſdicts arbitres. Au moyen de quoy, aucuns ans apres, la guerre recōmença entre eux, ſelon que voyrez incontinent. D'autre coſté l'on cherchoit ce pendât diuers moyens, & pluſieurs practiques pour induire ceux de Flandre a l'acceptation, aggregation, & confirmatiō de la ſuſdicte paix de l'an cinc: & pour ce qu'on ne voyoit ordre, ny moyen, pour a ce les faire condeſcendre l'affaire, demoura pour quelque temps en ſuſpens, durant lequel temps l'un des quatre arbitres du coſté de Flandre, le plus prudent & le plus anchien moruſt. Et Gherard de Moor, voyât la tyrannie & cruauté du Roy Philippe, joincte aux ſubtilitez & fraudes dont vſoyent les arbitres Fráchois, ſe deportá de la charge dudiſt arbitrage: de maniere, que ne reſtoient du coſté de Fládre que deux arbitres, leſquels eſtoient merueilleuſement ſuſpects a ceux de Flandre. Nonobſtant quoy, ils procedèrent & allèrent auant en leurs affaires, avec les ſuſdicts arbitres du coſté de Fráce, & ſoubs eſpoir de complaire a ceux de Bruges, qu'eſtoient les plus obſtinez au refus, & leſquels reculoient, plus que tous les autres du ſuſdiſt appoinctement, practiquèrent en l'an mil trois cents huit, de ſorte que le Roy Philippe fut content conuertir les pelerinaiges des trois mille perſonnes, en l'amende de trois cēt mille liures, que leſdicts de Bruges ſeroyēt au lieu deſdicts pelerinaiges, tenus & obligez payer en certains termes lors prefix. Dont neantmoins leſdicts de Bruges, ne ſe contentèrent a aucune-
ment, diſants qu'ils ſe tenoyent a la paix faiſte & publiée
és deux oſts, apres la bataille de Mons en Peuele, qui fut
cauſe, que au mois d'Aouguſt enſuyuant du meſme an trois
cents huit: fut conclu & aduiſé, que le Conte Robert
& avec luy, les deputez des trois villes, Gand, Bruges
& Ypre

*Couſtume feo-
dale de Zeláde.*

*Cruauté du
Roy de France:*

*L'an M.
CCC.viij*

*Le Conte Ro-
bert ſe trāſpor-
te avec les de-
putez de Flan-
dre vers Paris,
pour faire paix
finale.*

Propositiō du
Roy de France
aux estats de
Flandre.

Responſe des-
dicts estats a la
dictē proposi-
tion.

Replique du
Roy ausdicts es-
tats.

Moderation de
la paix de l'an
mil trois cents
cinc.

& Ypre, se trouueroyent a Paris, pour faire paix finale. Les-
quels illec arriuez, furent par les gens & officiers dudit
Roy demandez, & interroguez, s'en tout ce que dessus, ils
ne se vouloyent absolument & sans aucune exception
submettre au dict & ordonnance du Roy. A quoy de la
part desdicts de Flandre, fust respondu par affirmation, si-
auant toutesfois, que la sentēce & arbitraige d'iceluy Roy,
fussent justes & raisonnables, moyennant aussi, que leurs
franchises, libertez, murs & fortereſſes, demourassent en-
tiers, & leurs fussent gardez, suyuant mesmement le cōtenu
de la paix *hinc inde*, aux deux oſts publiee, peu apres le con-
flict de Mōs en Peuele, dont ils firent lors ostensió, n'estāt
d'intention d'autrement eux submettre, al'ordonnance du
Roy, ny de personne viuante. Sur quoy leur fust replicqué,
que ledict traictē dont ils parloyent, estoit aneanty par, &
en vertu d'un autre subsecutif faict & contraictē audict an
trois cents cinc : & lequel ils deuoyent bien accepter &
aggreer, attendu principalement que leur Prince, ny fai-
soit aucune difficultē, mesmes que luy & ses freres l'auo-
yent confirmē, jurē, & approuuē. Finablement, voyant
qu'il ne pouoit tirer autres choses desdicts Flamets, le Roy
les renuoyā sans riens faire. Mais peu apres, considerant la
grande difficultē qu'il auroit a faire au susdict traictē, con-
descendre lesdicts de Flandre, fit rappeler les deputez des-
dictes villes, a la requeste desquels, ensemble du Conte Ro-
bert, & de plusieurs autres Princes, Barons, & grands Seig-
neurs, il modera la susdicte paix en la maniere que s'en-
suyt: Premiers, qu'il pardonnoit tous mēſfaits, & esloing-
nant de son courage tous mouuements d'ire & de mal ta-
lent, il receuoit le Conte Robert, & la Contē de Flandre,
soubz sa protection & sauuegarde, qu'il accorderoit, que des-
vingt mille de terre, que ceux de Flandre luy deuoyent as-
signer en la Contē de Rethel, ils pourroyent rachapter la,
moitie pour six cents mille liures, forte monnoye comp-
tant, en payant les arrieraiges a rate de temps, leur baillant
respit de l'assignation des autres dix mille liures, jusques
endedens deux ans de la Pentecouste, lors prochainement
venant, que les fortereſſes des cinc villes, demoureroyent,
en c-

« en estat, & sans les abbatre, jusques a ce que le Roy le com-
 « manderait, saulx la forteresse de Bruges, laquelle il ne vou-
 « loit estre comprins en ceste grace. Qu'il leur qu'itoit tou-
 « tes dismes, rentes, subuentions, impositions & autres char-
 « ges, qu'il auoit mises sus en Flandre, par les gens, tenants les
 « relenghes a Lille, lors que le pais de Flandre, estoit en ses
 « mains & sous son gouuernement. Ainsi faict & accordé
 « en la ville de Paris, au mois de May en l'an mil trois cents L'an M.
 neuf, dont aucuns de Flâdre se contentirent, les autres n'en CCC. ix.
 vouloyent ouyr ny sentir parler, & neantmoins pour eui-
 ter plus grands inconueniens elle fust aucunement accep-
 tée, selon que voirez en son lieu. Pour autant que la guerre
 d'entre Flandre & Hainault doit estre preferée, laquelle
 fust conduicte & menée a telle fin, que presentement en-
 tendrez.

*Comment le Conte Robert de Flandre assembla de rechief grand puis-
 sance pour faire guerre au Conte d'Hainault & d'Hollande, &
 de la paix qui fut moyennée entre eux, ensemble comment ledict
 Robert de Bethune par la subtilité & tromperie d'Engueran Ma-
 riguy Seigneur conducteur des affaires de France, transporta au
 Roy Philippe les villes de Lille, Douay & Bethune.*

CHAPITRE CXLIII.



N l'an mil trois cents dix, le Conte Robert, L'an M.
 assembla merueilleusement grand puissance CCC.x.
 de Flamens Flamengants, faisant veu, & ju-
 rant de jamais deffaïre, ou casser son ost, que
 preallablement il n'eust vne absolue fin de
 la guerre d'Hollâde & de Hainault qu'auoit duré plus de
 septante ans continuels. Suyuant quoy, il s'allâ loger entre
 Grantmont & Lessines, ou pareillement se trouua Guillau-
 me d'Auefnes, Conte d'Hainault & de Hollande, avec vne
 armée assez belle, non routessois correspondante a celle
 des Flamens. Quoy considerant ledict Conte Guillaume,
 trouuâ par le moyen de Iean Conte de Namur, & de Mes-
 sire Gherard de Zotteghem, de faire condescendre ledict
 Conte Robert a vne paix. Par laquelle entre autres choses,

Resolution de
 Robert de Be-
 thune, touchât
 la guerre d'Hai-
 nault & d'Hol-
 lande.

Paix de Flâdre
 avec Hainault
 & Hollande.

Ooo fut

CHRONIQUES ET ANNALES

fut dict & accordé, que le Conte Guillaume retiendroit les yslles de Zelande en fief, perpetuel, de la Conté de Flandre. Sauf qu'il bailleroit a Guy de Flandre, maisné frere dudit Conte Robert, autant de reuenu bien hypothecqué, que vailloyent lesdictes yslles. Qu'il renonceroit a tout le droit qu'il pourroit pretendre és terres des quatre mestiers, & de Waest. Qu'il restitueroit a la Conté de Zelande, tous ceulx quy durant les diuisions en auoyent esté expulsez, leur rendant a tous en general, les biens qu'il auoit confisquez, & qu'il garderoit inuiolablement ceste paix, sans aucunement l'enfraindre ne jamais y contreuenir. Dont furent faictes lettres de l'an que dessus, & suyuant ce, ledict Conte Guillaume vint desarmé en la tente du Conte Robert de Flandre, deuant lequel, il se mit sur vn genouil, & luy fit hommaige desdictes yslles de Zelande. Ce pendant & durant ceste expedition, Madame Ysabeau de Flandre, sœur dudit Conte Robert, se maria par l'aduis & conseil de Louys de Neuers, son neveu, & sans le sceu de ses freres, & autres amys, a Iean Seigneur de Fiefnes, dont lesdicts freres fusrent merueilleusement irritez, & signamment contre ledict Louys de Neuers: Dont neantmoins, je ne sçay l'occasion, veu principalement, que ledict Seigneur de Fiefnes estoit gentil homme tresnoble, yssu de sang Royal, bien faict & joyeux de sa personne, & au demeurant riche de biens, liberal, & vertueux. Et peu apres, fust conclu & arresté le mariage de Madame Machtilde, fille dudit Conte Robert, & de Mahieu Duc de Lorraine, par lequel, le Conte Robert donna a sadicte fille, trente mille liures forte monnoye a trois payemens. Auquel temps, sourdirent au païs de Flandre plusieurs debats & murmures, pour le faict de la moderation de l'an trois cents neuf, faicte sur la paix precedente de l'an cinc, d'autant que les Flamens ne vouloyent riens payer des arrieraiges, touchant la rente de vingt mille liures, ny condescendre a aucuns autres articles, contenus en ladicte moderation. Laquelle d'autre costé les plus pacifiques, pour euitier plus grands inconueniens, vouloyent de tous points

Le Conte Guillaume d'Hainault faict hommaige au Conte Robert de Flandre des yslles de Zelande.

Mariage de Madame Ysabeau de Flandre avec Iean Seigneur de Fiefnes.

Mariage de Madame Machtilde de Flandre avec Mahieu Duc de Lorraine.

Debats & murmures en Flandre au moyen de la moderation faicte sur la paix de l'an 896.

points estre obseruée & executée, & de fait, suyuant icel-
 le ils firent le susdict rachapt des dix mille liures, promet-
 tants d'assigner les aultres dix mille liures sur Flandre.
 Dont aussi ils enuoyèrent leurs lettres d'obligation, au Roy
 Philippe, lequel peu apres (fut par menasses, ou par beau
 parler) practiqua la resignation & transport des villes
 de Lille, Douay & Bethune, cedant & consignat au
 lieu d'icelles villes, au Conte Robert de Flandre lesdi-
 ctes lettres d'obligation desdictes dix mille liures par an,
 dont se firent lettres de l'vnziesme de Iuliet, en l'an mil
 trois cents douze, par le contenu desquelles lettres, sem-
 ble que ledict Conte Robert, fit le susdict transport pu-
 rement & sans aucune reseruation ou condition de ra-
 chapt. Mais par aultres lettres du treiziesme dudit
 mois, il retient faculté de les pouoir rachapter : A la-
 quelle faculté, il renonce depuis, deux jours apres, par
 autres siennes lettres, le tout sous pretext & soy confiantz
 en la promesse, que Engueran de Marigny, principal con-
 ducteur de cest affaire, luy fit de tellement besoingner vers
 le Roy, que de grace, il luy rendroit & restitueroit les-
 dicts chasteaux, villes, & chastelenies, en quoy neant-
 moins, il se trouua par succession de temps, grandement
 deceu, a son merueilleux regret & desplaisir, & font de
 ce transport depuis procedez & yssus plusieurs differents
 & gros debatz, qui ont duré, quasi jusques a nostre
 temps. Audict an douze mourust en Flandre, Guillau-
 me Seigneur de Tenremonde & de Ncelle, frere dudit
 Conte Robert, auquel succeda Guillaume son fils & incon-
 tinent s'ourdut question pour sçauoir de qui ledict Guillau-
 me relieueroit sondict fief de Tenremonde, pour autant
 que ledict feu Guillaume auoit en son temps maintenu
 que toute Tenremonde n'estoit tenu de Fládre, mais qu'il y
 auoit aucuns parties qui n'estoyét tenues de personne, & le
 Conte soutenoit le contraire. Finalement ledict Guillaume
 le ieune, remit le tout au dict & a la conscience du Conte
 Robert son oncle. Lequel suyuant ce, declaira, que tout
 ledict pais, estoit nu de la Conté de Flandre, mesmes
 que il le receut ainsi du Conte Guy son pere, apres le

Transport de
 Lille, Douay,
 & Bethune.
 L'an M.
 CCC.xij.

Debat touchant
 le ressort de
 Tenremonde.

O o o ij decés

L'an M.
CCC.
xiiij.

deces de la Contesse sa mere. De laquelle declaration, ledict Guillaume content & satisfait, consentit & accorda, qu'on teint de la en auant ledict pays pour tel, par ses lettres de l'an mil trois cents treize. Et Jean de Flandre Seigneur de Creuecoeur, Aloes, & chastelain de Cambray, frere dudit Guillaume confirma ladicte recognoissance, apendant son seel ausdicts lettres.

Comment le Conte Robert estant de ce sommé, ne voulut faire hommaige au Roy de France, si premierement il ne luy restituoit les villes de Lille, Douay & Bethune. De la guerre qu'au moyen de ce sourdit entre France, et Flandre. De Louys de Flandre que estant venu pour demander justice, fut arresté prisonnier par le Roy de France & comment le Conte d'Hainault en saueur du Roy de France, rompt le paix qu'il auoit jurée au Conte de Flandre.

CHAPITRE CXLIIII.



V D I C T an mil trois cents & treize, Robert dict de Bethune, Conte de Flandre, fut sommé de venir a Paris, pour faire hommaige au Roy de la Conté de Flandre, ce qu'il n'auoit fait, depuis le susdict appoinctement & eslisement de Lille & Douay. Suyuant laquelle sommation, ledict Conte Robert comparust en personne deuant le Roy, auquel il refusa brusquement de faire ledict hommaige, si preallablement l'on ne luy restituoit, ses villes de Lille, Douay & Bethune, & mesmes conformement a ce que luy auoit promis & assure, ledict Engueran de Marigny, attendu principalement que les communes de Flandre, auoyent remboursé le Roy de la somme, pour laquelle lesdictes villes, auoyent esté engagées. Et dont ledict Engueran auoit receu les deniers, scauoir six cents mille liures Tournois qui estoit pour les vingt mille liures de terre, au rachapt du denier trente. Et que partant, il rauoit toute sa Conté, ou il la perdrait entierement. Ce fait, ledict Conte Robert, partit en grande diligence de Paris, & vint en Flandre, ou par l'aduis de ses nobles, il assembla gens de guerre, & assiegea la ville de Lille. Au secours de laquelle

Le Conte Robert de Bethune ne veut faire hommaige au Roy de France si preallablement il ne luy restitue, Lille, Douay & Bethune, selo que luy auoit esté promis.

Lille assiegeé par le Conte Robert

laquelle le Roy enuoyá contre lediét Conte Robert, Charles de Vallois son frere, Louys Roy de Nauarre diét Hutin son fils, Louys Conte d'Eureux & Engueran de Marigny son principal facteur & financier avec grande nombre de cheualerie. Desquels neantmoins lediét Conte Robert n'attendit la venue, ains leuá son siege, & retourna logier deçá la riuiera de la Lys, d'ou il enuoyá practiquer, moyennant bonne somme d'argent, qu'il fit presenter audiét Engueran, vne trefue d'un an, que par le moyen dudiét Engueran, il obtint au grand regret & mescontentement des Franchois, & signamment dudiét Conte Charles de Vallois, lequel estant de retour vers le Roy, accusá pour ceste occasion lediét Engueran, qui neantmoins fut par le Roy mesmes excusé. Aussi estoit il le mignó d'iceluy Roy, & ne pouoit en rien melfaire ny offenser. Ce pendant, les Flamens, considerants les termes, dont le Roy vísit a l'endroit du Conte Robert leur Prince, touchant le faict desdictes villes de Lille, Douay, & Bethune, & que lediét Robert, obstant l'empeschement que le Roy en ce luy faisoit ne paruiendroit facilement au recouurement desdictes villes, luy assignerent en Flandre Flamengant, les dix mille liures, dont lediét Roy auoit transporté en change desdictes villes audiét Conte Robert, leur obligation, & taxerent ausdictes fins, toutes les villes & chastelenies, dudiét Flandre Flamengant, chascune selon son port & qualité. Et peu apres, mesmes durant ladicte trefue, lediét Roy de France mandá au Conte Robert de Flandre, qu'il fit abatre les portes, murs & fortresses de Gand, Bruges & Ypre. Ordonnant que ceux dudiét Gand commençassent a rompre le jour de Saint Pierre en Aougt immediate-ment suyuant ceux de Bruges incontinent, & lesdicts d'Ypre a la Saint Martin lors prochainement venant, mais le Conte en fit ouuertement refus. Lediét Roy de France molesta aussi grandement Louys Conte de Neuers, & de Rethel fils aíné dudiét Conte Robert, mettant en ses mains lesdictes Contez de Neuers & de Rethel, avec tous les biens meubles & immeubles que lediét Conte Louys auoit a luy appartenants, ordonnant que les fruiets & re-

Le Roy de France enuoye grád secours a ceux de Lille.

Le Côte Robert moyenná bonne somme d'argent obtint des franchois vne trefue d'un an.

Le Roy de France faict mettre en ses mains les biens de Louys de Flandre Côte de Neuers & de Rethel.

uenus des susdicts biens, fussent leuez & cueillis a son prouffit, le tout sous pretexte que la paix qu'il disoit auoir esté par ledict Louys jurée, n'estoit entretenue. Lequel Conte Louys, qui se tenoit ordinairement avec Madame la femme, au Royaume de France, étant de ce aduerty, vint a Poissy vers le Roy en intention, d'auoir la main-leuée de sesdicts biens, & demander justice. Laquelle toutesfois ne luy fut seulement, & tresexpressément refusée, mais qui puis est, il fut par ordonnance dudit Roy constitué prisonnier, & furent ses enfans mis hors de sa puissance, souffrant au reste plusieurs autres rudesses qui lors luy furent vécées, par les Franchois, & ce, a l'occasion qu'il ne voulut confirmer le transport que le Conte Robert, son pere, auoit fait des villes de Lille, Douay & Bethune. Dont aussi ledict Conte Louys protesta, en presence de quatre notaires, pour en temps & lieu en pouoir poursuivre son droit par justice, la part & ainsi qu'il appartiendroit. Peu apres, sicomme en l'an mil trois cents quatorze, étant la susdicte trefue, d'entre Flandre & la couronne expirée, le Conte Robert de Flandre, assembla de rechief bonne troupe de gens, avec lesquels il fit plusieurs courses au Tournesin, & en la chastellenie de Lille. Pour a quoy obuier, le Roy Louys dict Hutin, (qui puis naguerres par le trepas de Philippe le Bel, son pere estoit succédé a la couronne de France) fit leuer vne grosse armée, & assisté de Philippe Conte de Poitiers, & Charles de la Marche ses freres, ensemble de Charles de Vallois & Louys Conte d'Eureux ses oncles avec grand nombre de Barons & Seigneurs de France, descendit en Flandre, & fit dresser ses tentes & paillons entre les villes de Courtray & Lille, sur la riuere du Lys. Et d'autre costé, Guillaume d'Aenes Conte de Hainault, Hollande & Zelande, confederé dudit Roy de France, & perpetuel ennemy de la maison de Flandre, contreuenant a la susdicte paix, de l'an mil trois cents & dix, enuahist du quartier de Zelande, la terre de Waest, & brusla Rupelmonde, Kildrecht, Borch, & Zwindrecht, de sorte que le Conte de Flandre estoit taillé & apparent d'endurer beaucoup de maux & dommaiges

si Dieu

Ledit Louys de Flandre Conte de Nevers, est venu pour demander main leuée de ses biens & justice dudit Roy de France est detenu au prisonnier.

L'an M. CCC. xiiij.

Le Conte Robert recommence la guerre contre France.

Le Roy Louys de France descend a merucil se puissance en Flandre.

Le Côte d'Hainault moleste par guerre le pays de Waest & brusla Rupelmonde, nonobstant le paiz qu'il auoit avec le Conte de Flandre.

si Dieu ny eust pourueu . Par l'ordonnance & prouidence duquel le Roy de France abandonná en vne nuit, & a grande diligence son logis, fit bouter le feu en ses charrois, tentes & pauillons, & retourna a grandes journées vers son Royaulme de France, sans aultre chose faire, pretextant pour cause de son parlement, les excessiues pluyes qu'il faisoit & obstant lesquelles n'estoit possible de conduire & furnir de viures au grand nombre de gens qu'il auoit en son ost. Et depuis ne retourna oncques audit pais de Flandre.

Soudain parlement du Roy de France hors les pays de Flandre.

Comment ceux de Flandre enuoyèrent leurs deputez, pour auoir paix finale avec France. De la moderation que suyuant ce fut accordée sur les traictes precedents ausdicts de Flandre. Et commēt lesdicts de Flandre ne se contentants de ladicte moderation, recommencēt la guerre par mer, & d'autres singularitez.

CHAPITRE CXLV.



N l'an mil trois cēts seize, & peu apres le décès de Louys dict Hutin, Roy de Frāce, ceux de Flandre, enuoyērēt leurs deputez pour auoir vne pais finale & gracieuse maderatiō sur tous les traictes precedents vers Philippe Cōte de Poictiers, lors regent du Royaume de France. Lequel par l'aduis & conseil du Côte de Sauoye, de Charles Côte de Vallois, du Conte d'Eureux, & d'autres Princes dudit Royaume ensemble du consentement du Côte Robert de Flandre, comme a ce constrainēt par les deputez dudit Flādre, qui ne vouloyent retourner sans auoir paix, craindants perdre les formes de leurs chapperons (si qu'ils disoyent) fit vne moderation sur tous les susdicts traictes & appointements, de ceste maniere : Premiers, que lesdicts de Flandre, viendront en deuē humilité, faire la reuerence a Monseigneur le regent, pour acquerir sa beneuolence & sa grace, declarants auoir merueilleux regret, du mescontentemēt & couroux ausquels ils ont prouocqué Monsieur son pere, Monsieur son frere & luy. Que le Conte Robert de Flandre, serā tenu & obligé soy transporter outre

L'an M. CCC. xvj

Ceux de Flādre enuoyent leurs deputez en France, pour auoir vne moderatiō sur tout leur precedents traictes avec France

Moderatiō sur les precedentes paix d'entre France & Flandre.

outre mer avec luy, a la conqueste de la terre Sainte, au
 premier general passage que s'y fera, si auant qu'il soit en
 estat. Que Messiere Robert de Flandre, dict de Cassel, fils
 m'aisné dudit Conte Robert, fera endedens vn an inclu-
 siuement, vn peregrinaige a Saint Iacques en Galice, vn a
 nostre Dame de Rochemadom, vn a nostre Dame de
 Vaultbert, vn a nostre Dame du puy, & vn a Saint Gilles
 en Prouence. Et s'il ne les peut tous acheuer en vn, il les
 fera en deux ans, que le chastel de Courtray sera par le
 Conte de Flandre demolly, dont le material sera deliuré
 aux gens du regent, & que jamais ne si pourra edifier au-
 cun chasteau. Que ceux de Flandre, payeront au regent
 deux cents mille liure. Que Lille, Douay, & Bethune de-
 moureront perpetuellement aux Roys de France. Que
 moyennant ces choses, le Conte & la Contesse de Flan-
 dre seront restituez en la perrie de France, & ne la pourra
 ledict Conte, fourfaire en nul cas, reseruez seulement les
 cas pour lesquels les pers de France fourferoyent leurs ter-
 res, au jugement des pers. Que inquisition correction ny
 punition ne sera jarnais faicte, de mille personne de Flan-
 dre, pour quelque chose que fust aduenue jusques a lors.
 Mais leur seront leurs vies sauues, ensemble leurs biens
 franchises, libertez, coustumes, & vsaiges, & ne seront te-
 nus donner hostagiers, ny tenir prison pour quelque chose
 que ce soit, ains leur est le tout pardonné, que le rachapt
 de dix mille liures, & des pelerins se fera franchement, pu-
 rement, & sans aucune condition. Que ledict regent, s'in-
 formera des forteresses de chascun lieu, & les informatiōs
 veuēs, ordonnera de la demolition d'icelles, selon & ainsi
 qu'il appartiendra. Que incontinent apres la publication
 de ceste paix, le Conte de Flandre fera abbatre le chastel
 de Cassel, lequel ne se pourra jamais refaire, ne fust trois
 ans apres, la demoulition des forteresses de Gand, Bruges,
 & Ypre. Que les six cents hommes d'armes, qui deuoyent
 seruir le Roy a leur despens, & selon son plaisir, ne seront
 tenus seruir autrepars, que deçà la mer. Que l'ordonnance
 de la loy de Gand faicte par le Roy Philippe son pere, sera
 entretenue & gardée, pour autant qu'elle peut toucher &

con-

“ concerner ledict regent. Que l'on pouruoyra a ce que la
 “ Conté de Flandre succede a Louys fils du Conte de Ne-
 “ uers, voire combien que iceluy de Neuers son pere, tref-
 “ passa deuant le Conte Robert son ayeul. Que le different
 “ d'entre le Conte de Flandre, & cestuy d'Hainault sera mis
 “ es mains du regent, par forme de submission. Ce fut fait a
 Paris au mois d'Aougt l'an mil trois cets seize: de la quel-
 le moderation, les deputez & procureurs des villes & com-
 munautez de Flandre, se tindrent pour contents, prome-
 ttantz & jurantz l'entretienement d'icelle, par leurs lettres
 qu'ils en donnirent de la date que dessus, dót neantmoins
 ne se contentèrent aucunement les villes & communaul-
 tez dudit Flandre, mais recommencerent a l'instinct, &
 persuation du Conte Robert leur Prince, la guerre contre
 les François, mettant a ceste fin, plusieurs nauires sur la
 mer, moyennant lesquelles ils pillèrent plusieurs nauires
 marchandes de France, disantz qu'ils n'estoyent obligez de
 tenir la paix, que par terre. Ayants peut estre aprins ceste
 ruse & finesse en l'escole des Thraces, lesquels (selon que
 tesmoingne Ephorus) auoyent fait trefues avec les Beo-
 tiens pour certains jours, & nonobstant lesdictes trefues
 courroient de nuit & pilloyent les terres desdicts Beotiés.
 Et comme iceux Beotiens se plainoyent, que les trefues
 auoyent esté rompues par lesdicts Thraces, ceux cy nyoyét
 auoir mal fait, veu que les trefues estoient de jours & nō
 de nuits. Ce que toutesfois n'est bien fait: & car on doit
 en tout proceder de bonne foy, sans foy courir de telles fi-
 nesses & inuentions. Comme aussy firent en ce que dessus
 lesdicts Flamens, quy fut cause & motif de nouvelle guerre
 entre eux & la couronne. Et suyuant quoy, ledict Philippe
 qu'estoit lors de regent deuenue Roy de France, assem-
 bla gens, & fit desmollir plusieurs places & maisons d'au-
 cuns Princes de son Royaume, fauorisants ausdicts Flamés,
 & proceda contre eux par bannissements, desquels au mo-
 yen de ce plusieurs vindrent en Flandre. Et entre autres,
 Louys Conte de Neuers, & de Rethel fils dudit Conte
 Robert de Flandre. Dont aduertie le Roy Philippe de Frá-
 ce, mit incontinent Neuers & Rethel en ses mains, laissant

Représentation
en Flandre.

Les Flamens
ne se contentent
de la susdite
moderation.

Ruse des Fla-
mens, lesquels
faisoyent guerre
aux François
par mer, souste-
nans n'auoir
esté parlé d'au-
cune paix sur la
mer.

Occasion de
nouuelle guerre
entre France
& Flandre.

P p p a la

a la Contesse femme dudit Côte Louys de Neuers, deux mille liures seulement pour son entretien, de maniere que par telle sorte, les partialitez & diuisions commençoient a grandement s'augmēter, pour remede desquelles, le Pape Iean enuoya vers France le Cardinal Goncelme, & lequel s'appliqua principalement, & de tout son pouoir a l'apaisement, moderation, & appointement des affaires de Flandre, auxquels trouuāt vn labyrinthe de difficulte, affin d'auoir plus de moye, & loysir pour a tout remedier. Il practiqua entre France, & la Contē de Flandre, vnes trefues d'un an. Durant lesquelles, le Conte Robert de Flandre, achapra de Wallerand de Luxembourg, Conte de Ligny, la ville de Deimze avec ses appartenances, pour la somme de cinc mille liures Paris. A laquelle vente, cōsentit Dame Guyotte chastelaine de Lille femme dudit Walleran, renonçant au reste; au douaire que sur ledict Deimze, elle eust peu pretendre pardeuant l'official de Tournay, & promettant de jamais n'en demander aucune chose sous peine d'excommunication. Environ ce mesme temps vindrent premierement au païs de Flādre les freres religieux qu'on appelle de *Mons. Dei*, alias Chartrois, & vindrent prez de Bruges; ou moyennant l'ayde, & aumosnes des gens de bien, ils firent & fondērent quelque maisonnette & vn commencement de cloistre, lequel ils ont depuis parfait, & encoires deux autres, l'un hors de Gand, & l'autre au païs d'Alost.

Trefues entre
France & Flan
dre.

Acqueste de la
ville de Deimze
par le Conte
de Flandre.

Venue des
Chartrois en
Flandre.

Comment le Conte Robert fit constituer le Conte de Neuers son fils prisonnier, pour ce qu'il estoit accusé de l'auoir voulu emprisonnier du trespas dudit de Neuers: de la paix finale entre Frāce et Flandre, ensemble du deces dudit Conte Robert de Flandre.

CHAPITRE CXLVI.



D V R A N T les susdictes trefues, accordās a l'instance & pourfuyte du Cardinal Goncelme entre Flandre & la couronne: le Conte Robert de Flandre, ne pouuant aucunement digerer la simplicité dont il auoit vſe, en faisant le

le transport des villes de Lille, & Douay, assembla bonne troupe de gens, en intention de tenter de rechief fortune, & pour experimenter s'il ne seroit en luy de recouurer du moins la ville de Lille, a quoy neantmoins il fut empêché au moyen du refus que ceux de Gand luy firent ouuertement, de luy donner ou prester aucun secours, sous pretext, qu'ils ne vouloyent (se qu'ils disoyent) contreuenir ausdictes trefues. Dont ledict Conte Robert mal content, procéda en son conseil contre lesdicts de Gand, lesquels il condempna en vne grosse amende, comme, desobeissants, & rebelles a ses commandements: nonobstant quoy lesdicts de Gand perseuererent en leur premiere resolution, ne luy voulants donner secours, ny degés ny d'argent: de sorte qu'à ceste occasion, se meurent entre le Conte & eux plusieurs gros débats, quy continuerent jusques au trespas d'iceluy Conte. Lequel en ce mesme temps constituá prisonnier, & fit garder au chasteau de Bornehem le Conte Louys de Neuers, & de Rethel son fils aîné, lequel estoit chargé d'auoir voulu emprisonnier son pere. Mais pour aultant, que il fut trouué innocent, ledict Conte Robert le fit peu apres relaxer, moyennant toutesfois le serment, qu'il fust preallablement contraint faire, de soy retirer du país de Flandre, mesmes de jamais ny retourner, du viuant du Conte Robert son pere, & outre ce qu'il ne demanderoit & recherchoit jamais ceux, quy du susdict crime l'auoyent chargé & accusé. Toutes lesquelles choses ledict Conte Louys promist & jurá, non sans grand desplaisir creuecoeur & despit, & se transportá vers Paris, ou il trouua practique de faire son appoinctement avec le Roy Philippe, lequel suyuant ce, luy accordá main leuée de seldictes Contes de Neuers, & de Rethel, & peu apres ledict Côte Louys mourut en la dicte Cité de Paris & fut enterré aux freres Mineurs illec, laissant de la Contesse de Rethel sa femme, vn fils nommé Louys, lequel fut depuis Conte de Fládre, & vne fille Madame Ysabeau, apres mariée au Conte Iean de Montfort Duc de Bretagne. Cependant, le Cardinal Gócelme legat enuoyé du Saint siege, pour appaiser les differents entre

Ceux de Gand
refusent au Cō
te Robert leur
assistance en
l'entreprinse
qu'il auroit ac
trelé de la con
queste de Lille.

Louys de Ne
uers chargé
d'auoir voulu
emprisonner le
Conte de Flan
dre son pere,
est constitué
prisonnier.

Ledict Louys
est relaxé de la
prison moyen
nant le sermēt
qu'il fist de
jamais ne recet
cher ceux quy
l'auoyent accu
sé, ensemble de
ne retourner
en Flandre du
viuant du Cō
te Robert son
pere.

Trespas de Lo
uys de Flandre
fils aîné du Cō
te Robert.

L'an M.
CCC.xix

Jour de
Tournay.

L'an M.
CCC.xx.

Le Conte Ro-
bert estant ve-
nu en France,
fut refus de
confirmer la
moderation
derniere, sy on
ne luy rend les
villes de Lille,
Douay, & Be-
thune.

Flandre & France, estoit en continuel seing, & travailloit a son possible, pour trouver aucun moyen d'appointement entre lesdictes parties, soy transportant audit effect, en l'an mil trois cents dix & neuf, en la ville de Tournay, ou il avoit practiqué vne journée, pour entédré aux affaires que dessus. En laquelle journée se trounerent en personne devers ledict Cardinal le Conte Robert de Flandre, & Louys fils de Louys Conte de Nevers son fils. Que luy par l'entrepayer, & a la persuation d'iceluy Cardinal, les affaires furent tellement conduicts & menez, que ledict Conte Robert promist en presence des Ambassadeurs de France, quy estoient en ladicte journée, venir au my quaresme lors suyuant vers Paris, & la faire hommaige au Roy Philippe, & confirmer la moderation faicte en la derniere assemblee, au moyé de quoy chascun retourná chez soy, mais le jour venu, ledict Robert ne tint sa promesse, ains cercha plusieurs delays & procrastinatioins reculoit dudit voyage, quy fut cause que le Roy indigné de la susdicte faute, requist ledict Cardinal ou legat, qu'il voulsist mestre le ces & interdict au pais de Flandre, ce que toutesfois ledict Cardinal delayá, mesmes (sous l'espoir qu'il auoit que les affaires se conduyroient par voye amiable) moyenná entre lesdictes parties, vne autre trefue d'un an. Durant laquelle ledict Cardinal fit tant de poursuytes, vers le Conte Robert de Flandre que finalement en l'an trois cents & vingt, il se trásportá vers Paris, ou il fit hommaige & feaulté audit Roy Philippe, dict de la Marche, en la presence des procureurs des villes & communaultez de Flandre, lesquels auoyent charge expresse de prendre vne finale conclusion sur lesdicts differents: de maniere que lors chascun pensoit, & se persuadoit, que la derniere paix fut par luy accordée & satisfaicte, mais ils s'appercheurent assez du contraire, par la response que sur ce, fit ledict Côte Robert, disant qu'il ne confirmeroit ladicte paix ou moderation, ne fust que preallablement luy fussent rendues & restituées, les villes de Lille, Douay & Bethune: veu mesmes qu'en faisant le transport d'icelles, ladicte restitution luy auoit esté promise, par Eugueran de Marigny, principal condu-
cteur

leur dudict affaire, & que sous ceste fiance, & point au-
 trement, il auoit de ce passé & scellé ses lettres. De la quel-
 le response, le Roy Philippe grandement irrité, fit en la pre-
 sence de tous, serement solennel qu'il ne rauoit jamais
 lesdictes villes, ordonnant que le meisme serment fut fait
 par ses oncles & freres lors presents, en la susdicte assem-
 blée. Qui fut cause que ledict Conte Robert, se mit hasti-
 nement en chemin pour retourner en Flandre, lequel ne-
 antmoins fut en grand diligence, des procureurs & depu-
 tez des villes, & communautéz de Flandre suyuy, rattaché,
 & requis a tresgrande instance, que son bon plaisir fust de
 retourner, veu principalement, qu'ils auoyent desdicts vil-
 les & communautéz, ordre & charge tresexpresse, de ne
 partir de France avant la conclusion finale de la susdicte
 paix, n'entendans y auoir chose en leur procuration, qui
 causast aucun retardement en icelle, outre ce qu'ils n'o-
 seroyent retourner sans paix, craindans qu'il ne leur coustast
 la fourme de leurs chapperôs, avec autres semblables pro-
 pos. Suyuant quoy, le Conte Robert qui estoit de son na-
 turel vn homme doux, assez simple, & facile a estre persua-
 dé, voyant le maintien que lesdicts deputez luy tenoyent,
 & signamment ceux de la ville de Gand, craindant aus-
 sy de tomber en aucun different, dissention, ou inconuenient a
 l'endroit des autres villes, retourna en la ville de Paris, & cō-
 tre constraint & forcé, consentit la confirmation de la
 susdicte paix, laquelle apres plusieurs communications fut
 finalement moderée de la maniere qui sensuyt. Premiers,
 que Louys, fils de sen Louys, Conte de Neuers & de Re-
 thel, prendroit en mariage Madame Marguerite fille du
 dict Roy Philippe dict de la Marche, ou le long, & que suy-
 uant la moderation de l'an mil trois cents seize, nonobstant
 le trespas dudict Louys Conte de Neuers son pere, il suc-
 cederait apres le decès du Conte Robert son ayeul, en la
 Conté de Flandre. Que ceux dudict Flandre, payeroyent
 au Roy endedens vn an immediatement suyuant, la som-
 me de trente mille liures. Que par serment ils promettro-
 yent, que sy auant que le Conte de Flandre, ou ses succes-
 seurs, cōtreuenissent jamais a ceste paix, ils ne les secourerōt

Le Roy de Fr-
 ce fait jurer ses
 Princes & Bar-
 rons, de jamais
 restituer audict
 Conte Robert
 lesdictes villes.

Le Conte Ro-
 bert se met en
 chemin pour
 retourner vers
 Flandre, mais
 estant suyuy
 des deputez de
 Flandre, il re-
 nonce a l'esti-
 mation absolu-
 tement.
 audict villes.

Moderation
 des prières pro-
 cedans entre
 Flandre & Fr-
 ce.

Mariage de Lo
uys fils de Lo
uys Conte de
Nevers, & de
guis de Flan
dre avec Ma
rie Marguerite
de France.

Debat entre le
Conte Robert
& le Seigneur
de Rassenghem,
pour le chastel
de Liekerke.

L'an M.
CCC.
xxii.
Trespas du Co
te Robert de
Flandre.

d'argent, de cheuaux, de conseil, d'harnas, de gés, ny autre
ment. Que la Dame de Couchy, fille du Conte Robert,
jurera icelle paix, mesmes qu'on la feroit semblablement
jurer a Robert de Cassel. Ce fut fait a Paris le cinquies
me de May en l'an mil trois cents vingt. Et le Roy donna
auec sa fille en mariage, la somme de trente mille liures Pa
risif, a prendre sur les deniers que ceux de Flandre luy de
uoient, a cause d'autres traictez de paix precedents. Et suy
uant que ledict mariage ne sortist son effect, lesdicts de Flá
dre ne seroyent aucunemét tenus en ce que dessus. Et mais
pour autant que ce mariage allá auant les susdictes condi
tions eurent lieu, & fut le Conte de Flandre entierement
dessaisy desdictes villes, de Lille, Douay, & Bethune. Ce
fait ledict Conte Robert de Flandre, retourna en ses pais,
ou se meut peu apres debat & question, entre luy & Gher
rard Seigneur de Rassenghem, quy estoit marié auec Ma
dame Marie fille de Guillaume, Seigneur de Liekerke, &
de Lieder: & ce pour le chastel dudiect Liekerke, lequel fi
nablement ledict Gherard cognut & cõfessá estre tenu &
oblegé de enseigner, & mettre es mains, du Conte de
Flandre, toutes les fois que le bon luy sembleroit: le tout,
suyuant le contenu d'vnes lettres, par cy deuant données
par Messiere Raesse de Gauere, Seigneur de Liekerke, pro
mettant ledict de Rassenghé, & s'oblegant iteratiuement
d'ainsy le faire toutes les fois qu'il en seroit sommé, sous
paine de dix mille liures d'amende: ou de fourfaire ledict
chastel, ce quy fut aussy confirmé par Guillebert & Hugues
de Rassenghé ses freres, par leur lettres dudiect an mil trois
cents vingt. Et deux ans apres ledit Conte Robert lors ea
gíe d'environ septantesept ans, morust en la ville d'Ypre, le
jour Saint Michiel, delaissant vn seul fils nóme Robert, dict
de Cassel, & trois filles, & fut enterre a Saint Martin au
dict Ypre. Quát a Madame Yolète sa femme, je ne treuve
le temps de son trespas, ny le lieu de son enterrement:
Du debat quy se meut pour la succession de Flandre pardenát le Roy
& les Pairs de France, lesquels par leur sentence adjudgerent a Lo
uys dict de Gressy, la Conté dudiect Flandre, saulfs partaige rai
sonnable a ceux qu'il appartiendrait.

CHAPITRE CXLVII.



LOUYS de Flandre, dict de Gressy, pour ce qu'il morust a la bataille de Gressy, fils de Louys Conte de Neuers & de Rethel, succedá en la Conté de Flandre, a Robert de Bethune son grand pere, en vertu des traicte de ma-

Pourquoy le Conte Louys fut appellé de Gressy.

riage & appoinctement que dessus, il fut marié a Madame Marguerite fille de Philippe Roy de France, dont il eust vn fils, nommé Louys qui luy succedá. Il vint a la principalité & gouvernement de Fládre, estant bien jeune, & vsoit beaucoup du cōseil d'un Abbé de Rethel, lequel ne cognoissoit le naturel du païs, au moyen de quoy, il eust plusieurs differents, & receut beaucoup de desplaisirs de ses propres subiects, selon que plus clerement pourrez veoir par la continuation de son histoire. Il fit de grands biens a l'Eglise de S. Donas a Bruges, a laquelle il donna les dismes de VVytschate. Avant estre aduis au gouuernement, & a la Conté de Flandre, il eust a raison de ladicte succession debat contre Robert de Cassel second fils, dudit Robert de Bethune, & cōtre Mahieu Duc de Lorraine, en qualité de bail & mary de la fille maisnée, dudit Robert de Bethune, & fut ledict debat mené & disputé deuant la personne du Roy Charles, dict de la Marche, en la court des pers de France. Ou ledict Louys de Gressy, s'aydá de la moderatiō de l'animal trois cents seize, par laquelle auoit esté expressement cōditionné, & pourparlé, en la presence & du cōsentement dudit Robert de Cassel, & de la dame de Ionchy, fille aisnée de Robert de Bethune, que posé que ledict Louys Cōte de Neuers, pere de ce Louys de Gressy, allast de vye a trespas, deuant ledict Robert de Bethune son pere, cōme il estoit aduenü. q nonobstant ce, Fládre succederoit audit Louys de Gressy, derogát en cest endroit, a la coustume de Fráce, par laquelle est dict, que representatiō ne peut auoir lieu. Outre ce que ledict cōsentemēt & accord auoit esté depuis cōfirmé par le traicte de mariage d'iceluy Louys de Gressy, faict & cōtracté par la moderatiō dernière, cōcluee & arrestée en l'ā trois cets vint. Au moyé de quoy ledit Louys de Gressy cōtédoit a ce q ladite Cōté de Fládre, luy fist

Le Conte Louys donna a ceux de Saint Donas a Bruges les dismes de VVytschate

Debat pour la succession de Flandre.

permi-

La fustion
de Flandre ad-
jugée a Louys
de Gressy pre-
sentelement du
Roy & des
pairs de France.

permise & adjugée. Comme aussi frère lesdits Roy Charles & pers de France, sauf toutesfois partaige raisonnable audit Robert de Cassel & autres qu'il appartiendroit. Et par tel moyen ledit Louys devint Conte de Flandre, en laquelle ses successeurs ont depuis tousiours succédé. Et fit partaige audit Robert de Cassel son oncle des villes & chasteaux de Warneston, Dunkerke, Bourboursch & autres parties, que possèdent encoires pour le jourdhuy ceux de la maison de Saint Pol, comme successeurs dudit Robert de Cassel.

Ceux de la
maison de S.
Pol successeurs
de Robert de
Cassel.

Des preuileges accordees aux pays & villes de Flandre, tant par le Conte Louys de Flandre, que par autres, durant le gouuernement dudit Conte.

CHAPITRE CXLVIII.

Prileges de
Louys de Gref-
sy pour ceux de
Gand.



Residence de
ceux du Franc
a Bruges par or-
donnance du
Conte Louys
de Flandre.

LE Conte Louys de Flandre, dict de Gressy, accorda par forme de priuilege a ceux de Gād, que quiconque seroit bailly de Gand, le seroit pareillement du Vielboursch, du terroir d'Alost, & des quatre mestiers, par ses lettres de l'an mil trois cents vint & deux. Il ordōna a la requeste de ceux de Bruges, lesquels estoient lors en grandz differentz avec ceux de l'Escluse que nul bourgeois de l'Escluse, ou marié dedans la ville, ou escheuinaige dudit l'Escluse, ne pourra estre bailly ny sergeant de leauē, ny garde tu tonlieu, ny mesmes auoir part audit tonlieu: il appointa le different d'entre Bruges & le Franc, touchant la drapperie, & ordōna que ladicte drapperie se pourroit faire audit Franc, par ses lettres de l'an mil trois cents vint & deux: il ordōna, que la loy du Franc tiendroie sa residence perpetuelle en la ville de Bruges, par ses lettres de l'an trois cents vint & trois: il bailla ausdits de Bruges, le priuilege de l'Estantle, ordonnant qu'els biens pourroyent estre deschargez a l'Escluse, quels au Dā, quels a Houcke, & quels a Munckereede, defendant au reste que audit l'Escluse, ne pourroit estre estaple de draps, ny aucuns hostis a faire draps, ny teintiers, ny pois plus haut de soixante liures, ny mesure, que celle du
Dam

Dam & de Munkereede , ensemble qu'on ne pourra edifier audi& l'Escluse aucun fort ou chastel, par ses lettres du dict an vingt & trois . Il auoit baillé ausdicts de Bruges vn priuilege touchant le renouvellemēt de la loy, par plusieurs du tout semblable a cestuy, qu'ont ceux dela ville de Gād. Mais ilz le luy rendirent, au moyen de quoy, il ordōnā par nouuel priuilege que la loy se referoit d'an en an, par ses commissaires a la purification de nostre Dame, hui& jours apres. Mais en l'an mil trois cents vingt & neuf, apres les grādes commotions qu'aduindrent en la ville de Bruges , ledict Conte Louys de Gressy, cassā & reuocquā tous les priuileges desdicts de Bruges, & sur la submission qu'ils firent en luy: il en renouella plusieurs , y en adjoustant aucuns de nouveau. Reseruant neantmoins a luy la cognoissance des excès commis sur les gens d'Eglise, & les supposts d'icelle, sur ceux de son conseil , sur les baillys, escoutettes, bourgmaistres, escheuins, tresoriers, fermiers de tonlieux ou autres ses officiers , ensemble de tous mesuz perpetrez en la prison, de commotions, rebellions de la commune, de toutes executions d'amendes jugées, avec la cognoissance des monnoyers & de ce qu'en depend . Et par vne interpretation faicte sur le mesme priuilege, il veut que la loy de Bruges soit reformable par luy, & par son conseil, lors qu'il semblerā a son bailly , que le jugement de ladi&te loy aurā esté faux, cest a dire qu'il aurā esté donné, par corruption, partialité, enuye, ou faueur. En l'an vingt & hui& en Decembre, il accordā ausdicts de Bruges de pouoir leuer assises , pour payer leurs debtes . En l'an trente & vn , il les affranchist de bastardise, sy auant que le bastard soit bourgeois, ou fils de Bourgeois sans fraude, confirmant le priuilege que le Conte Guy leur en auoit donné. Il leur donna semblablement o&roy & pouoir d'amplier leur ville jusques a certaines bornes lors designées. Et par vn autre priuilege de l'ā mil trois cents trente quatre, pour le bon seruice, que lesdicts de Bruges luy auoyent faic& en la guerre qu'il auoit eue contre le Duc de Brabant, il leur accordā de cesser faire la loy , jusques a ce que le tout, q l'officier leur aura faic&, contre leurs preuileges soit reparé. En l'an mil trois cents trentesept, le-

Ampliation de
la ville de Bru-
ges sous le Co-
te Louys, dict
de Gressy.

Priueleges
pour Ypre.

Moderation
des priueleges
de ceux du

dict Conte Louys affrâchit les bourgeois de Bruges, de confiscation de leurs biens en cas de simple homicide, accordant qu'il ne soit arrestable en la ville, s'il n'est attainct ou conuaincu, ou prins en present meffaiet. Audict an trente-sept il consentit au dict de Bruges, que sy le Conte, son bailly, ou son receuoir de Flâdre fissent aucun tort a la ville cōtre leurs priuileges, & ne le reparasēt endedēs dix jours apres qu'ils en auroyēt esté sommez, q̄ la loy pourra cesser de faire droict, es causes concernâtes les affaires du Conte, jusques a ce q̄ le tort ayt esté réparé, accordât neantmoins, que ce pēdant ilz puisēt proceder en toutes autres causes. Ledit Conte Louys de Cressy, affrâcit le bourgeois d'Ypre des biēs des bastards, ordōnât que les hoirs desdits bastards succedassent cōme des legitimes, fondant ledict priuilege sur vn'ancienne coustume, selō que se peut veoir par les lettres en l'an vint & deux en Octobre. Et par les mēmes lettres, leur accorde q̄ nul ne pourra drapper a trois lieues a la rōde d'Ypre, sous peine de cinquâte liures, & que les draps ostils & instrumētz, seront confisquez, faisant leids d'Ypre executeurs de ce que dessus : & par autres lettres dudit an vint & deux, deffend q̄ nuls batteaux ne pourrōt abborder ny prendre renaige hors de Lyseane, ny de Lyperleet, sinō du consentemēt du Côte, & des aduonē escheuins, & cōseil dudit Ypre. En l'an mil trois cēts vingt & trois ledit Côte Louys modera fort les priuileges de ceux du Frâc, & ordōnâ que nul ne pourroit estre escheuin du Franc, s'il n'estoit actuellemēt resident au Franc, & en nul lieu bourgeois, ou clerc, & s'il aduenoit que aucū de dehors, par inaduertissement fut fait escheuin, le Conte deffend aux autres escheuins de faire loy ne justice avec luy, par ses lettres dudit an vingt & trois. Et par autres lettres, il ordōnâ a la requeste de ceux du Franc, que leur vierse hare ne se pourra en perpetuité tenir en autre lieu, qu'en la ville de Bruges, & par autres lettres dudit an vingt & trois du second de Septembre, il confirme ausd. du Frâc la Cuerbrie, que Philippe Conte de Flandre, & de Vermandois, leur auoit donné, sauf qu'il reserue a luy, la cognoissance de tous delicts, commis en la personne du Conte, ou de ses enfans. En l'an mil deux

deux cents trente au mois de Iuliet apres la grande mutinerie, ledict Louys cassa tous les priuileges du Franc, & sur la submission qu'ils firent en luy, il leur en bailla des nouveaux, par lesquels il diuise le pais, & terroir du Franc en trois parties, scauoir en Noortvrye, Westvrye, & Oostvrye, faisant de chascune desdictes parties, vn escheuinaige, ou il cōstitua treize escheuins, qu'il veult auoir renouuellez dans un an. Ce priuilege lequel contient plusieurs belles restrictions, est appellé de ceux du Franc, le mauuais preuilege, & ne se treuve enregistre en leurs registres, mais il est enregistré en la chambre de Flandre. Lequel neantmoins ledict Conte Louys pour auoir paix a ceux du Franc, cassa & reuocqua en l'an mil trois cents trente huit, leur rendant tous leurs anciens preuileges, coustumes & vsaiges, pour d'iceux de la en auant jouir de la maniere & selon, qu'ils faysoient du temps de Philippe Conte de Flandre, & de Vermandois, reserué seulement, que lesdicts du Franc seroyent tenus & obligez, de rendre pardeuant ses commis, vne fois l'an compte de leur administration.

LE DICT Côte Louys accorda a ceux d'Audenarde, en consideration des bons seruices qu'ils luy auoyent fait, en la derniere reuolte & seditiō, d'auoir la cognoissance de tous cas commis par bourgeois ou sur bourgeois d'Audenarde, entre le Ruisseau de Kackele descendant jusques en l'Escaut, & dudit Ruisseau en montant jusques en Hainault, & sy auant que Flandres s'extend. Le tout nonobstant priuilege ou coustume que ceux de Grantmont, puissent auoir au contraire, dont il leur donna lettres de l'an mil trois cents vingt & sept.

Preuileges
pour Audenarde.

LE mesme Conte Louys priuilegea la ville de Courtray en l'an mil trois cents vingt & trois, leur octroyant plusieurs choses du tout exorbitantes & contre raison: quy fut cause, que Louys, dict de Malle, reuocqua depuis lesdicts priuileges, & lesquels neantmoins furent quelque temps aupres, restituez ausdictes de Courtray, par Philippe dict le Hardy, & la Contesse Marguerite sa femme, moyennant toutesfois, la restriction & moderation, qu'ils firent sur aucunes poincts, par leurs lettres

Preuileges
pour Courtray.

Q q q ij don-

CHRONIQUES ET ANNALES

données a Paris , en Feburier de l'an mil trois cents quatreuings cinc.

Lombaertzyde. EN l'an mil trois cents trente , ledict Conte Louys reuocqua tous les priuileges de ceux de Lombaertzyde , & leur en octroyá des nouueaux sur la forme des preuileges de Furnes, par ses lettres de mesme date.

Munckeree. IL donna a ceux de Munckeree, nouueaux priuileges, conformement a ceux, qu'il auoit doné a la ville du Dam, par ses lettres du dix & huitiesme d'Octobre en l'an mil trois cents trente.

L'Escluse. IL reuocqua a ceux de l'Escluse , l'affranchissement que leur auoit donné le Conte Guy, a raison qu'ils en auoyent abusé, & moderá la mesme francise sur les bourgeois seulement, & sans fraude , par ses lettres de l'an trois cents trente vng.

Oostende. IL donna a ceux d'Oostende par ses lettres de l'an mil trois cents trente, telles loix, francises, & priuileges, qu'il auoit octroyé a ceux du Dam, deffendát ausdicts d'Oostende, ce qu'il auoit pareillement a ceux dudiect Dam: ordonnant au reste, que la loys'y renouuelle d'an en an , & mesmes par ses commissaires,

Dixmude. IL priuilegeá audiect an trente, ceux de Dixmude , y cōmettant vn rewaert pour garder ses droicts , & reseruant a soy le pouoir de creer les douze conseilliers, que les escheuins y souloyent constituer.

Furnambocht. IL renouuellá les priuileges de ceux de Furnambocht en l'an mil trois cents trente deux , dont il leur donna lettres quy contiennent bien cent trentesept articles, & entre autres, il rappelle & mette aneant la rassemblée des trois bancs de Furnambocht , Berghambocht , & Burchambocht en matiere d'appel, & veut que toutes appellations interjectées de l'un desdicts bancs, soyent releuées pardeuant luy en sa chambre legale, ou cas qu'il soit au pais, sinó endedens huit jours, apres son retour.

Gratmont. IL cassá audiect an trente les priuileges de ceux de Gratmont, leur en donnant des nouueaux, par lesquels il ordonna de la maniere de faire loy en la vierfchare , & des punitions des delictz des bourgeois forains , reseruant a soy la cognoi-

cognoissance de tous cas commis sur les Eglises, ou personnes ecclesiastiques, les officiers, prisonniers estats detenus en prison, monoyers, & tous autres cas priuilegez, pour en estre cognu par luy, ou ses successeurs Contes de Flandre, ou par les hauts reueurs, ou par les hommes de fief, selon la nature, qualite, ou condition de la cause, ou delict. Accordant ausurplus que la loy cessast de faire droictes causes du Prince, toutes les fois, que ledict Prince ou son bailly, enfrainct les priuileges de la ville, sans en faire reparation, endedens dix jours apres, que de ce il auroit esté requis, & sommé.

LE DICT Conte Louys accorda a ceux d'Allost, de ^{Allost.} pouoir faire vn moulin a eanẽ es fossez de la ville a la porte de Bruxelles, auquel moulin pourroyẽt venir moudre tous les inhabitants, lors que son moulin cesseroit de moudre, par ses lettres de l'an mil trois cents vingt & huit. Et en l'an trẽte, il reuocqua & rappella tous leurs priuileges, leur en accordant des nouueaux, conformes a ceux qu'il auoit octroyẽ a la ville de Grantmont.

IL accorda a ceux de Ruppelmonde vn jour de marche ^{Ruppelmonde.} la sepmaine, par ses lettres de l'an mil trois cents trente.

IL donna octroy & cõgẽ par ses lettres de l'an mil trois cents trente vn aux marchans de Saint Iean Dangel, & de <sup>Marchans de
S. Iean d'Angeli & de la Rochelle.</sup> la Rochelle, de pouoir avec leurs familles, seruiteurs, femmes, enfans, & marchandises, frequenter le Zwyn, & tenir estaple de leurs vins en la ville du Dam, & print lesdicts marchands en sa protection & sous sa sauuegarde, promectant de ne les trauailler de nouueaux imposts, ny d'autres seruitudes : & accordant, qu'eux mesmes eussent les clefs de celiers, & non leurs hostes, pour y pouoir entrer de nuit & de jour, quand bon leur sembleroit, & qu'ils pourroyent tailler, & mesler leurs vins, moyennant toutesfois qu'ils ny missent des vins d'Espaigne, ny d'autres nations, ny vins corumpus. Deffendant au reste, tous monopoles entre lesdicts marchans, & aux hostelins de n'achapter vins pour les reuendre, avec plusieurs autres bons & prouffitables articles, lesquels nous voudrions estre partout bien gardez & obseruez.

IL donna semblablement octroy aux marchans de Frise, de pouoir mener en Fládre cheuaux, boeufs, & vaches, & les vendre a leur plaisir, reserué seulement, que le Conte, ou son commis pourra' choytir, & auoir ce que luy en faudrá, moyennant pris raisonnable, par ses lettres de l'an mil trois cents trentequatre.

DE PUIS autres Princes, ses successeurs ont en diuers temps priuileges, diuerses nations, sicomme les Oosterlins, Hispagnolz, Ytaliens, Portugalois, & autres.

Comment le Conte Louys assemblá grand puissance pour mener guerre contre le Conte d'Hainault, de l'appoinctement que par l'appoinctement du Roy de France se fit entre eux, ensemble ledict Conte Louys donna au Conte Ieá de Namur, la seigneurie de l'Eaue de l'Escluse, des differéts quy de ce sont yssus entre luy & ceux de Bruges, lesquels avec ceux du Franc se rebellent contre ledict Conte, avec autres singularitez.

CHAPITRE CXLIX.

Guerre entre
Flandre, & Hai-
nault.



Paix entre Fla-
dre & Hai-
nault.

Ost apres l'aduenement du Conte Louys, dict de Cressly a la principauté & gouuernement de Flandre, se mit iteratiuement nouuel débar, entre ledict Conte Louys & ses cōfederez d'une part, & Guillaume Conte de Hainault, Hollande, & Zelande d'autre, dōt neantmoins je ne treuve par les histoires anchienes le motif & occasion ne fust ceste hayne & jalousie inueterrée, que depuis tant de tēps auoit duré, & continué entre les maisons de Flandre & d'Auesnes, tant y a, que l'on faisoit d'ambedeux les costes des grands appareils de guerre, par lesquels se menassoit vne grande ruyne, & destruction au païs bas : mais Dieu par sa misericorde y pourueut, au moyen que par l'entrepaiser de Charles Roy de France, dict de la Marche, fut concheuē vne paix, acceptée & par chascune desdictes parties respectiuelement jurée, aux conditions que presentemēt entendrez. Premiers, que le Conte de Flandre renoncera a tous hommaiges, que le Côte d'Hainault luy pouoit deuoir, a cause des yles de Zelande, quittant tout le droit que

" que luy & ses successeurs Contes de Flandre, pourront pre-
 " tendre ausdictes yslles, par confiscation pour debuoirs non
 " faicts, ou autrement. Que ledict Conte de Flandre, quiſte-
 " rá toutes les debtes & obligations des deniers, que le Con-
 " te d'Hainault & d'Hollande luy peut deuoir, remettant
 " auſurplus toutes paines & amendes fourfaicts, pour faute
 " de payement deſdicts deniers. Que d'autre coſté, le Con-
 " te Guillaume d'Hainault quiſtera ſemblablement au Con-
 " te de Flandre, tout ce qu'il luy pouoit deuoir, il renonce-
 " rá auſſy, a ce que luy & ſes predeceſſeurs Côtes d'Hainault
 " pretendoyent es terres d'Aloſt, de Waſt, des quatre me-
 " ſtiers & de Grantmont, tendant ſur ce, toutes lettres juge-
 " mentz, ſentences & confirmation des Emperours, ou Roys
 " d'Allemaigne, & electeurs caſſez & annichilez. Que ledict
 " Conte d'Hainault, renoncera pareillement au Gauene de
 " Cambreſis, accordant que les Seigneuries de Creuecœur
 " & d'Alloues enſemble la chaſtelenye de Cambray, demeu-
 " rent perpetuellement a Meſſiere Iean de Flandre, & a ſes
 " ſuccedeurs. Comme auſſy accorderont leſdictes parties
 " que circommenaige, & inquiſition ſera faicte ſur le faict
 " des ſeigneuries de l'Effines & de Flobecque, par ſix hômes,
 " és mains deſquels demoureront leſdictes terres, juſques a
 " ce que par eux ſera decide du reſſort d'icelles, & que ce pē
 " dāt, ny l'vn ny l'autre, deſdicts Seigneurs y pourront exploi-
 " ter. Que quād aucun debat naiſtra de la en auāt entre leſ-
 " dicts Contes de Flādre & d'Hainault, ils ne pourront plus
 " cōmencer par guerre, mais ſe ſubmettront audict & ordō-
 " nance de ſix preudhommes, leſquels en qualite d'arbitres,
 " decideront de leur differēts, ſelon qu'en leurs conſciences
 " ils trouueront de raiſon. Que les biēs des Hollādois & Ze-
 " landois bānis, pour auoir ſouſtenu le party du Côte de Flā-
 " dre, demoureront conſiſquez au prouffit du Côte d'Hollā-
 " de, & ſy aucune reſtitutiō y chiet, le Côte de Flādre ſera te-
 " nu la faire. moyennant la ſomme de trēte mille liures, que
 " le Côte d'Hollāde ſera tenu deliburer, pour ledit effect au-
 " dit de Flādre. Que leſdicts Contes, quiſteront l'vn a l'au-
 " tre, tous dommaiges, prinſes, pilleries, & intereſts que pen-
 " dant la guerre ils ſe ſont faict, & pourchaſſe l'vn a l'autre.

Moyen-

L'an M.
CCC.
xxij.

Le Conte Lo-
uys donne a
Jean de Namur
son oncle la
Seigneurie de
leauë de l'Es-
cluse.

Ceux de Bru-
ges mal con-
tents dudit
don.

Moyennant lesquelles choses la susdicté paix fust conclue & confirmée du costé de Flandre, par les villes de Gád, Bruges & Ypre, & pour la part d'Hainault, Hollande, & Zelande par les villes de Valenciennes, Mons, Maubeuze, Dordrecht, Ziericzee, Middelbourg, Delf, Leyden & Herlen, dont furent données lettres & passées par les procureurs desdicts deux Contes, a ce spécialement par lettres de procuration fondez, au my quaresme de l'an mil trois cents vingt & deux, & depuis confirmées, par Monsieur de Flandre en son conseil, presents Messiere Guy de Fladre, Messiere Eustace de Conflans adoué de Therouaene, Monsieur de Marialmez, Monsieur de Gauere, Messiere Jean de Oostbach, Messiere Philippe de le Poella, Messiere lea de Basieres, & Guyot Granault. Environ ce mesme temps, le Conte Louys quy estoit jeune & liberal, donna au Conte Jean de Namur, son oncle, la Seigneurie ou bailliaige de leauë de l'Escluse, dont procéda vn tresgrand differét, quy depuis fut cause de plusieurs maux & inconuenients entre ledict Conte Jean de Namur & ceux de Bruges : lesquels soustenoyent, le susdict don estre grandement prejudiciable, & a leur ville, & au train de marchandise quy sy faisoit, & ce pour plusieurs raisons : & entre autres que la Seigneurie de leauë estoit du bailliaige du Damme, duquel pour ceste occasion elle ne pouoit estre separée. Ioinct que s'il aduenoit que le Seigneur de l'Escluse fut en debat, ou different contre le Conte de Flandre, pourroit ledict Seignr de l'Escluse, fermer la Zwyn, & successiuelement empescher a toutes marchandises, le passage, vers les villes du Dam & de Bruges. Et outre ce, lesdicts de Bruges se plaindoient de ce que ceux dudit l'Escluse, vendoyent leurs marchandises au poix, & ce au dessus de soixante liures, concludans pourtant au rappel & reuocation du susdict don, & s'ousterants que ain sy se deuoit faire. D'autre costé ledict Conte Jean de Namur, ne vouloit quicter ledict don, lequel il disoit vouloir maintenir contre lesdicts de Bruges, & tous autres quy y voudroyent contredire, les armes aux poins, & jusques au dernier soupir de sa vie, avec aucuns autres semblables propos, quy ne seruoient qu'a d'auantaige prouocquer

s'oequer, la fureur & indignation desdicts de Bruges. Les-
 quels, considerants le peu de deuoir auquel le Conte Lo-
 uys se mettoit, pour sur ce leur faire droict & justice, mes-
 mes qu'en faueur de sondict oncle, il ne faisoit semblant
 de vouloir renouquer ledict don, se firent forts, & tirèrent
 en l'an mil trois cents vingt & trois, a grande puissance
 vers l'Escluse, qu'ils assiegerent, prindrent & s'accagerent,
 mettants au feu & a l'espee tous ceux qu'ils rencontrè-
 rent, & entre aultres Florens van Borsele, Simon van
 Brugdamme, Jean Bernaige, & plusieurs aultres nobles,
 emmenants avec eux prisonnier ledict Conte Jean de Na-
 mur, qu'ils logerent en la prison du Bouch, en la ville de
 Bruges. Et combien que le Conte Louys, qui lors estoit au-
 dict Bruges, fit tout son possible pour appaiser la fureur de
 ce peuple, & afin que sondict oncle fut deliuré, si est-ce
 qu'il ne fust en luy d'y remedier. Au moyen de quoy il
 laisse ladiete ville de Bruges & tira vers Paris, en delibera-
 tion de peu apres mener guerre & chastoyer lesdicts de
 Bruges. Lesquels ce pendant ayants tiré de leur party ceux
 du Franc, continuoient de plus en plus en leurs tumultes
 & rebellions, faisant plusieurs courtes sur le plat pais,
 & bruslants les maisons des nobles, qui estoient sur les
 champs, de sorte que riens ne se trouuoit par eux obmis
 des insolences, dont est accoustumé vser vn peuple sans
 frain & irrité. Et sur la requeste que leur fist faire ledict
 Conte Jean de Namur pour sa deliurance, fut par rançon
 ou autrement luy fut par lesdicts de Bruges respondu, qu'il
 se deuoit mal souuenir, du serrement par luy faict, tou-
 chant la retention du droict qu'il pretendoit a l'eauë de
 l'Escluse, & laquelle il auoit dict & promis garder les ar-
 mes aux poings & jusques au mourir. Si ne fut au pouoir
 dudict Conte Jean de Namur, de tirer autre responce des
 susdicts de Bruges: a raison de quoy il s'aduifá de s'ayder
 soy mesme, & trouua maniere d'eschapper, par le moyen &
 assistance d'un cheualier de Bruges, nommé Messire Jean de
 Lespine, & se retira en sa Conté de Namur. Ce pendant
 lesdicts du Franc qui s'estoyent, comme dict est cy dessus,
 joincts ausdicts de Bruges, executoyent plusieurs exploits

L'an M.

CCC.

xxiiij.

L'Escluse assie-
 gée par ceux de
 Bruges, prinle
 & pillée.

Ceux de Bru-
 ges meinent pri-
 sonnier en la ville
 dudict Bruges
 le Conte Jean
 de Namur.

Ceux du Franc
 se joignent a
 ceux de Bruges
 & rebellent en
 semble contre le
 Conte Louys.

Le Conte Jean
 de Namur es-
 chappe du pou-
 uoir de ceux
 de Bruges.

R r r

tref-

treferuelz de seditions & tumultes, contre les gentils-hommes de leur quartier, desquels ilz ruynoient & abbatoyent les forteresses, mesmes misrent a mort aucuns de leurs escheuins & gouverneurs, sous pretext & en vengeance de ce, que lesdicts gentils-hommes & escheuins, s'estoient au faict des poinctingen, autrement gouvernez, qu'ils ne deuoyent ayants en cest endroit cherché & preferé leur prouffit particulier a cestuy du publicque, dunoigns selon que disoient lesdicts mutins. Lesquels ensemble ceulx dudit Bruges, se trouuerent merueilleusement estonnez, quand ils furent aduertis, de la deliurance du susdict Conte Iean de Namur, & assez d'auantaige, lors que leur fust rapporté, que le Conte Louys de Flandre estoit en grande diligence descendu, avec puissance de Paris en la ville de Gand, pour mettre ordre & reprimer lesdicts seditieux, qui partant craindantz les forches de leur Prince, & la punition bien meritée enuoyèrent leurs deputez deuers ledict Conte Louys en la ville de Gand, pour appointement, grace & pardon. Or estoit lors en la court dudit Conte Louys, vn Abbé de Rethel, appelé Abbas Vigiliacensis, lequel s'estoit tellement insinué en la grace de ce jeune Prince, que rien ne se faisoit des principaulx affaires du pais sans le conseil & aduëu d'iceluy Abbé: de maniere qu'il se pouoit vanter d'estre, par effect audit pais de Flandre, ce que le-dict Conte estoit de tiltre & de nom. Et fust ceste la principale occasion de plusieurs tumultes & reuoltes qu'aduindrent, durant le gouuernement de ce Conte audit pais. La nature & complexion duquel estoit du tout incogneue audit Abbé, lequel nonobstant ce presumoit de faire trouuer bon audit Conte, tout ce que luy venoit en fantasie, & volonté, taschant plus par son conseil a s'enrichir & mesmes sous pretext de faire semblant de chercher le prouffit dudit Conte, qu'au bien & vtilité du pais. Dont en fin ledict Conte, se trouua tresmal, & fut contrainct le laisser & abandonner, donnant par son exemple a cognoistre a vn chascun le peu de repos, & tranquillité, que peut auoir vn Prince, qui se laisse du tout conduire, & mener

Ceux de Bruges & du Franc enuoyent leurs deputez vers le Conte Louys, pour demander pardon de leur faulx & rebel lion.

L'abbé de Vegeho principal cōducteur des affaires de Flandre.

par

par la volonté d'aucune personne particuliere. Aussi pour dire vray, ce seroit chose plus honorable a vn Prince, de n'estre poinctz, que de regner a l'appetit d'autrui. Ce que ordinairement aduient a cestuy, lequel Prince de la vertu de magnanimité, change de courage en choses haultes, esquelles il ha mille diuerfes pensées, ne delibérant ny resoluant jamais rien de son conseil, ains s'attend tousiours a cestuy des aultres: qui se laisse flechir & tourner au vent de toute parole, qui va & chemine, a la maniere des aueugles, selon qu'il est conduit & mené, & lequel finalement donne la charge de soy mesme, a peu d'hommes, permettant, que tout se face a l'arbitraige & jugement d'iceux, de sorte qu'il escoute, & s'arreste entierement en leurs inuentions, conseilz & menées, sans aucunement escouter, ny vouloir oyr l'aduys, & jugement des autres. Comme faisoit l'Empereur Galba, lequel se trouua en fin precipité au gouffre de tout malheur, pour ce qu'il se laissoit gouverner au vouloir & a la discretion de trois hommes, lesquels il auoit ordinairement avec luy, & ausquels il s'estoit tellement abandonné, & montré tant familier, qu'ils abusoient extrêmement de sa priuauté. Dont aussi proceda, ce peu de constance & fermeté, qu'on trouuoit ordinairement en luy, entant mesmes qu'il n'eust osé entreprendre, & beaucoup moins executer chose quelconque au dehors de leur conseil & opinion. Entre lesquels y en auoit vn, appelé Oninius, son argentier, qui se faisoit riche sous luy, & rompoit toutes les bonnes entreprinſes dudit Galba, qui fut cause, ineuitable non seulement de hayne, mais de fin & mort malheureuse du susdict Galba. Auquel (selon mon aduis) tout Prince se deueroit mirer, & soy bien soigneusement garder de semblable pusillanimité & l'ascheté. Mais pour ne trop, nous esgarer, entendez que les deputez de Bruges & du Franc, enuoyez comme dict est, vers le Conte Louys en la ville de Gand, scaschâts l'autorité & credit du susdict abbé, vers le dict Conte, s'adresserent en premier lieu audit Abbé, & moyennât bone somme d'arget qu'ils luy presentérét, obtin-

Malheureux le Prince qui regne a l'appetit d'autrui.

Discours de l'auteur touchant les Princes qui se laissent du tout gouverner a l'appetit d'autrui.

L'empereur Galba precipité en tout malheur, pour ce qu'il se laissoit du tout gouverner par aucuns particuliers sans mettre le conseil d'aucun auant.

Ceux de Bruges & du Franc obtiengnent le-
gierement par-
don de leur re-
uolte par le mo-
yen de l'Abbé
de Vigelay.

drent dudit Conte Louys la grace & misericorde qu'ils requeroient en payant seulement la somme de soixante mille liures, en laquelle du conseil dudit Abbé, ledit Conte les condemna, leur remettant au reste toutes les offenses passées, prenant en sa charge l'amendement de la prison du Conte lean de Namur son oncle, & leur confirmant leurs priuileges, ausquels (que plus est) il en adjousta aucuns nouveaulx, & signamment cestuy de l'Estable. Il approuua aussi toutes sentences, & jugemens donnez par lesdicts de Bruges & du Franc, depuis le trespas du Conte Robert, ordonnant que icelles sentences, sortissent effect, nonobstant opposition ou appellation au contraire faicte ou a faire. Et pour donner couleur a la susdicte grace, pardon, & tant facile reconciliation (eu mesmes regard a l'extremite, & exorbitance des crimes perpetrez) fit declairer, que luy estoit apparu par suffisantes informations, que ceux qu'auoyent esté occis, durant les susdicts tumultes, auoyent eux mesmes, esté cause de leur mort: allegant ausurplus, qu'estant ce que dessus, adueni par commotion populaire, n'en deuoit estre faicte punition tant exemplaire, comme de mesus commis par particuliers. Mais veu, que selon droit & conformement a toute raison tant ciuile que diuine, l'on doit (pour a l'aduenir euitier & couper le chemin a semblables inconueniens) punir exemplairement & bien rigoureusement, les auteurs, chefs, & motifs des reuoltes & seditions, espargnant ce pendant le pouure rude & ignorant peuple. Le trouue en ceste facilité ou (pour de son propre nom la baptizer) lasceté dudit Conte Louys, autant de facilité & erreur, qu'on peut aucunes fois considerer, de cruauté & tyrannie, en eux lesquels & semblables incidents, ne scaient tenir moyen, ordre ny maniere en leurs punitions, exploicts rigoureux, & effusion de sang humain. Ausquels aussi pour leur trop grande rigueur, aduient aucunes fois, ce que l'extreme de facilité causa audit Conte Louys, que fust vn renouvellement de seditions, & seminaire fertile & trescopieux, d'une infinité de guerres & fascheries, comme voyez par le chapitre subsequant.

On doit punir rigoureusement les auteurs & chefs de toutes seditions & par donner au pou-
ure peuple.

De

De la denziésme & troiziésme rebellion de ceulx de Bruges, du Franc & autres contre le Conte Louys. Ensemble comment ceulx de Courtray liurèrent ledict Conte Louys és mains de ceulx de Bruges, lesquels le constituèrent prisonnier en leur halle, & de la cruaulté desdists de Bruges contre aucuns gentils-hommes que auoyent esté prins avec ledict Conte.

CHAPITRE CL.



A facilité du Conte Louys, & le peu de ressentement qu'il auoit monstre aux seditions dernieres, donnèrent hardiesse ausdicts de Bruges & du Franc, d'iteratiuement, en l'an mil trois cents vingt & trois, eux rebeller &

L'an M.

CCC.

xxiiij.

Ceux du Franc
& de Bruges, se
rebellent de re-
chief.

prendre les armes contre leurs chiefs & gouverneurs, pre-

dants de ce occasion, sous pretext & couuerture de ce,

qu'iceux leurs gouverneurs (qu'estoyent quasi tous gentils-hommes) se seroyent (comme lesdits murins affirmoyent) vantez, qu'ils se vengeroient des outrages par leur

moyen soufferts & receuz l'année passée. A raison de quoy, lesdits de Bruges & du Franc créèrent aucuns capitaines,

& apres auoir assemblée bonne quantité de gens, coururent par le plat pais, abbatirent les maisons des nobles, & executèrent toutes les cruautéz & insolences, dont ils se po-

uoient aduiser, qui fut cause, que ledict Conte Louys qui lors s'estoit retiré en sa Conté de Rethel, retourna en toute

diligence avec le susdict Abbé son grand gouverneur, vers son pais de Flandre. Ou par l'aduis dudit Abbé, il donna ausdicts rebelles, autant facilement que auparauant

une paix & appointement aux conditions qui s'ensuyuent:

Premiers, que pour compassion & en contemplation de la

bonne affection, que ceux de Bruges & du Franc luy auoyent tousiours porté. Il leur pardonnoit, tout ce qu'ils po-

uoient auoir mesfait depuis la paix derniere. Qu'ils seront oblegez de casser & destituer de leur estatz tous ca-

pitaines & autres officiers qu'ils auoyent estably & crée, de leur puissance & autorité priuée. Qu'ils se garderont

de faire plus de la en auant, le semblable, sous paine de

paix brisée & enfrainte. Qu'ils ne pourront plus par sons

R r r iij de clo-

Le C^{te} Louys
leur pardonne
de rechief leur
rebellion.

L'an M.
CCC.

XXV.

Troisième rebellion de ceux de Bruges & du Franc, contre le Conte Louys dié de Cassel.

Le Westquartier de Flandre se joindit ausdicts de Bruges & du Franc, en leur rebellion, dont est suspecté Robert de Cassel.

Oudenburch assiéger par ceux de Bruges & leurs confederes.

de cloches, ny autrement faire aucunes assemblées, ne soit par l'expres consentement du Conte ou de son lieutenant. Dont furent faictes lettres en l'an que dessus en la ville de Courtray, au jour de Saint Iehan Baptiste. Nonobstant la quelle paix, lesdicts de Bruges & du Franc se rebellèrent pour la troizième fois en l'an mil trois cents vingt & cinc, alencontre des nobles gouvérneurs & officiers du Conte qui estoit a Rethelois, & lequel de ce aduert, vint a grandes journées vers Flandre, laissant, neantmoins ledict Abbé son gouvérneur audict Rethelois, pour autant que les nobles l'auoyent pour suspect, & luy portoyent merueilleusement grande enuye & hayne. Et estant ledict Conte venu en Flandre, enuoyá Guillaume Euesque de Cambray, vers ceux de Bruges, affin d'aduiser s'il ne pourroit trouuer moyen d'appoincter & radoubier les affaires. Ce que luy sembla du tout impossible, entant mesmes, qu'il cogneust manifestement, & a veu d'oeil la continuation du peuple en la susdicte rebellion, lequel au lieu de s'appaiser, procedoit tousiours auant, practiquant les alliances des villes circumvoysines: de sorte que en peu de temps se joindirent ausdicts de Bruges & du Franc, les villes de Nicusport, Furnes, Berghes, Dunckerke, Cassel, & tout le Westquartier, non sans vehemente suspicion de Robert de Cassel, oncle dudit Conte Louys, lequel auoit illec son partaige, dont neantmoins il s'excusa a son possible. Ce pendant, les nobles de Flandre, faisoient d'autre costé pareillement aucunes assemblées, brullants, comme en forme d'acquit, & contreuenge, les maisons du commun peuple, & faisant decapiter & mettre sur haultes roues, tous ceulx qui pouoyent recouurer du party, & fauorisants audict commun peuple: de maniere qu'il seroit impossible specifier & particulariser, les dommaiges meurtres & pilleries, qui se faisoient au pouure pais de Flandre. Et signamment autour d'Oudenburch, que ceux de Bruges auoyent assiéger, contre lesquels lesdicts nobles pour faire leuer ausdicts de Bruges leur siege, estoient venus bien accompagnez, & en grand nombre. Lequel neantmoins fut

fut mis en route , & desarroy par lesdicts de Bruges , non sans abondante effusion de sang , tant d'un costé que d'autre . Quoy considerant ledict Conte Louys, & voyant que journellement ce peuple croissoit en forches & en fureur, tira vers Gand en intention d'y assembler bonne troupe de gens , & aulurplus redresser son pouure pais qu'il veoit desja en bransle & menasser ruine, mandant audict effect vers soy tous les Barons & nobles dudit Flandre . Lesquels neantmoins , obstant le diuision qu'estoit pareillement entre eux , vindrent assez laschement , & par trop lentement . Qui fut cause, que ceux de Gand cherchèrent pratiques pour paruenir a quelque appointemēt, cōme aussi de fait ils besoingnèrent tellement, que ledict Côte fut content de pardonner ausdicts de Bruges, du Franc & leurs adherents , tous mesus & messaiets , moyennant toutesfoiſ qu'ils se submissent (comme ils firent) de l'amende, au dict, & ordonnance de Robert de Cassel, de ceux de Gand, & de ceux d'Ypre sans rien reseruer , que leurs corps , membres , & pais . Suyuant quoy , chascun retourna paisiblement en son quartier , & ce pendant , Messire Robert , avec les deputez de Gand & d'Ypre , firent grandes inquisitions , & tindrent plusieurs informations , pour bien & deuēment entendre toutes choses , & successiue- ment en juger , selon droit & raison . Ce fait , assignèrent jour aux parties , au cloistre des Dunes , pour ouyr leur appointement . Mais au jour seruant , Nicolas Zonnekin *alias* Hannelin , & Zegher Ianssone , capitaines , comparurent audict cloistre , tellement accompagnes , & avec vn semblant si farouſche , que les susdicts arbitres , n'ozèrent proceder a la prononciation de leur ordonnance & sentence arbitraire . Au moyen de quoy , le Conte Louys de Flandre , qui lors estoit en la ville d'Ypre , se transporta acompaigne' du Conte Iehan de Namur son oncle , & de quatre cents cheualx , vers la ville de Courtray , pour se asseurer de icelle ville , ou il trouua six hommes d'armes , & neantmoins deputez de la ville de Bruges, illec enuoyez pour conuertir lesdicts de Courtray a leur deuotion ,

& les

Les nobles de Flandre mis en route, par lesdicts de Bruges

Ceux de Bruges & leur adherents se sub-
mettent de leurs differets au dict de Robert de Cassel, de ceux de Gand, & d'Ypre

Les capitaines de ceux de Bruges comparent au cloistre des Dunes, avec forches, au moyen de quoy, lesdicts arbitres n'osent prononcer leur senten-

Le Côte Louys vint a Courtray afin de se tenir icelle ville en son obéissance.

Courtray assi-
gée par ceux de
Bruges.

Commoitiō de
ceux de Cour-
tray contre le
Conte Louys.

Ceux de Cour-
tray deliurent
le Conte Louys
es mains des-
dicts de Bruges.

Le Conte Louys
prisonnier a
Bruges.

Grauntie de
ceux de Bruges
contre les gen-
tils hommes
qu'ils auoyent
pris avec le-
dict Conte Lo-
uys.

& lesquels ledict Conte Louys fit incontinent trouffier, & constituer prisonniers. Dont ceux de Bruges aduertis, en-
uoyérēt affin de deliurer leurs prisonniers, celle part mout
grande puissance, pour a laquelle resister & affin de mieux
de toutes parts s'asseurer, ledict Conte fit mettre le feu, es
faulxbourchs dudiect Courtray, lequel feu deuint si tresas-
pre, & tant vehement, que moyennant le vent qui souf-
floit lors assez violent, il vollā par dessus les murs, bruslá &
consomma partie de la dicte ville, mettant le demeurant
en merueilleux pericle & dangier, qui troubla extrememēt
les habitants de ladiect ville, lesquels se mirent incontinent
en armes, contre les gens du Conte Louys, dont ils occi-
rent bonne quantité, & entre autres Messire Iean de Neel-
le, & Monsieur de Neuele cheualiers. Ceux qui lors eurent
moyen d'eschapper ne s'en firent beaucoup prier, & se sau-
uerēt par la porte de Lille, avec le Conte Iean de Nam-
mur. Non pas touteffois ledict Conte Louys de Flandre,
lequel avec plusieurs de ses gens, fut par lesdicts de Cour-
tray prins, & le lendemain a l'aube du jour deliuré prison-
nier es mains desdicts de Bruges. Lesquels aussi recouré-
rent leurs six deputez, qu'auoyent par charge dudiect Con-
te Louys esté vn peu auparauant constituez prisonniers, &
menèrent ledict Conte Louys leur Prince naturel, en la vil-
le de Bruges, ou ils le logèrent en la halle sous tresbonne
& seure garde. Et deuant ladiect halle, mesmes en presence
dudiect Conte, ils firent meurtrir & decoper par pieches,
l'vn apres l'autre, tous les gentils-hommes qu'ils auoyent
pris avec ledict Conte, & entre autres ceux qui s'ensuy-
uent: sçauoir Robert van Sauenslacht, Iacques de Berghe,
Thiery de Medan & Iean des Verrieres cheualiers, Baudou-
uyn de Zegherfchapelle, Guyot Pinsoen, Guyot de Crane-
re, Thomas de Nezere, Gilles Couriel, Gautier de Rolle-
gem, Arnould le Drescher, & autres entre lesquelz fut pa-
reillement occis, le maistre d'Escole dudiect Conte Louys;
lequel en fut extremement desplaisant, mais il failloit que
le bon Prince eust pour lors, de tout patience, & jusques a
ce, que par succession de temps il s'en vengeá, selon que
voirez cy apres.

Com.

Comment le Roy de France aduerty de l'emprisonnement du Conte Louys par le conte de Bruges, enuoyá vers eulx le Bailly de Vermandois, pour la libereé d'audit Conte Louys, & des débats qui se firent entre eulx de Gand & d'audit Bruges, pour la libereé d'iceluy Conte, avec autres choses memorables.

CHAPITRE CLI.

Les susdictes seditions, cruantez, & insolences desdicts de Bruges & de leurs adherents paruiendrent assez tost aux oreilles de Charles dict de la Marche Roy de France. Lequel suyuant ce, enuoyá vers lesdicts de Bruges le bailly de Vermandois, tant pour leur remontrer leurs fautes, & les reduire au bon chemin, que pour leur demander au nom d'iceluy Roy, le Conte Louys, comme subiect & vassal de la couronne. En quoy neantmoins, ledict bailly non seulement ne prouffita aucunement, mais aussi se trouua au plus grand dangier de sa vie, qu'il eust oncques eu, & ne fut cesté l'auctorité d'aucuns moins esuentez, & seditionieux, qui lors se trouuerent en la ville de Bruges, & lesquels refrenèrent la violence & fureur immoderée de ce populaire, le pouure Bailly eust indubitablement passée, pour vn homme de son pais, comme aussi il n'oublyá á son retour vers France, de bien & au loing reciter, audit Roy Charles de France son Seigneur. Lequel de ce grandement irrité, enuoyá le quatriesme de nombre l'an mil trois cents vingt & cinc, fulminer le ces sur Flandre, & mettre tout le pais en interdict par les Euesques de Tournay & de Therouaine, fondants ladicte fulmination sur les
 " causes subsequentes. Premiers, á raison qu'ils ne furnisso-
 " yent au Roy les restes par eulx deués, pour cause & en ver-
 " tu des paix & appoinctements precedents. Qu'ils n'ab-
 " batoyent leurs fortresses, estants de ce sommez, selon &
 " conformement aux conuentions contenues, & spécifiées
 " au traité de paix de l'an cinc. Que ceux de Courtray, com-
 " mettants crime de lese Magesté, & perpétrants vn acte de-
 " testable, auoyent non seulement mis indeuément la main,
 " sur leur Prince naturel, mais aussi apres auoir meurdry les
 Sss Seig-

Le Roy de France enuoyá le Bailly de Vermandois vers ceux de Bruges pour la libereé du Conte Louys

Ledit Bailly en dangier de la vie en la ville de Bruges.

Le pays de Flandre en interdict pour les causes reprints au texte.

Seigneurs de Neelle de Niuelles, & autres, l'auoyent deli-
 uré inhumainement, & cōme traistres, au pouoir de ceulx
 de Bruges ses mortels ennemis, que ceux dudiect Bruges,
 en constituant lediect Conte leur Seigneur prisonnier, de-
 dans la halle de la ville, auoyent en sa presence fait assom-
 mer & mettre en pieches les gentils-hommes & autres,
 que dessus. Qu'ils n'auoyent voulu deliurer lediect Conte,
 ny le relaxer des prisons, estantz de ce requis & sommer.
 Qu'ils persecutoyēt par guerre ceux de Gād, & autres bōs
 & loyaux subjects de leurdiect Conte. Qu'ilz n'obeissoyent
 au Conte Iean de Namur lieutenant dudiect Conte de Flā-
 dre, commis par main souuerain. Qu'en vsurpant la jurisdic-
 tion de leur Prince, ilz destituoient & constituoyēt les offi-
 ciers a leur volonté, constraintantz leur Conte lors reduict
 sous leur pouoir, de confesser & declairer que les com-
 missions en estoient par luy, & de son bon gré expediees.
 Que rejectantz & en mespris de la monnoye de France,
 ils receuoient & laissoyent auoir cours, sous la couron-
 ne toutes especes d'estranges monnoyes. Qu'ils fermoyent
 par tout les chemins & passaiges, de maniere que le mar-
 chant ne pouoit librement aller a sa traficque, & signam-
 ment a Bruges, Menin & Comines. Qu'ils auoyent fait
 alliance avec les Anglois, ennemis ordinaires de la cou-
 ronne, & les secours de victuailles. Qu'ils auoyent vou-
 lu occire le Bailly de Vermandois, pour ce qu'il vint de-
 mander lediect Conte Louys, comme estant vassal de ladi-
 cte couronne. Qu'ils auoyent surprins le chastel de Hel-
 kin, appartenant a l'Euesque de Tournay, & estant en la
 sauuegarde du Roy, & finalement pour ce qu'ils n'o-
 beissoyent jamais a mandemens quelzconques dudiect
 Seigneur Roy, ny de ses juges. Desquelles fulminations
 neantmoins lesdicts de Bruges & leurs adherentz mon-
 strants faire bien peu de compte, poursuyuoient tou-
 siours leur poincte, & enuoyērent vn de leur capitaines,
 appelé Nicolas Zonnekin contre la ville d'Ypre, laquel-
 le fust tost apres prinse & reduite sous leur obeissan-
 ce. Ce fait, ils practiquērent, de sorte, que Messire
 Robert de Cassel oncle du Conte Louys, & lesquels estoit
 lors

Ypre prinse par
 ceux de Bru-
 ges.

lors assez mal satisfait, d'iceluy Conté Louys son neveu, fut content de faire serment de rewaert de Flandre, mesmes de promettre & asseurer, qu'en tout & par tout, il vieroit du conseil desdicts de Bruges, & de ceulx du Franc. Dont aduertiy le Roy Charles de France, enuoya derechief ses ambassadeurs vers Bruges, pour avec iceux traicter de la liberte & relaxation dudit Conté Louys, moyennant bonnes & honorables conditions, qu'avec toute seureté, il leur fit offrir. Nonobstant quoy, lesdicts ambassadeurs se partirent de ceulx de Bruges, & vindrent vers Gand, sans riens faire, pour aultant que lesdicts de Bruges, leur fermèrent la bouche. Au moyen de l'assurance qu'ils leur donnèrent de jamais deliurer ledict Conté Louys, si preallablement ceux dudit Gand, d'Audenarde, & tout le residu de Flandre, ne s'estoyent jointz & alliez a eulx. Et pour a ce les induire, ledict Messire Robert de Cassel rewaert de Flandre, tira peu apres du quartier de Bruges vers Deinze, avec grand peuple. Contre lequel lesdicts de Gand enuoyèrent vne notable multitude de gens sous la conduicte de Messire Guillaume de Wemacere, leur capitaine, & se remontrèrent lesdictes deux puissances a Reckelinsbrugge, pres de Neuele, ou fut combatu bonne espace de temps moult cruellement, & d'une telle viuacité des deux costez, qu'il estoit au commencement difficile, d'asseoir jugement, vers qui la victoire s'inclineroit, laquelle finalement voulut en cest exploict, fauoriser ledict messire Robert & les siens, non sans notable perte & irrecuperable interest desdicts de Gand, lesquels, avecq la meilleure part de leurs forces, perdirent en ce conflict, ledict Messire Guillaume leur capitaine, qu'estoit toutesfoi vn homme deliberé, & de grande entreprinse. Incontinent apres la susdicte victoire, ledict Messire Robert vint asseoir son ost deuant la ville de Gand en intention de les forcher a ce, qu'auparavant ils n'auoyent voulu accorder de leur bon gre & volonté. Mais par l'entrepailer des ambassadeurs dudit Roy Charles de France, qu'estoyét lors encoires audit Gād, lez le susdict Côte Ica de Namur, appoinctement se fit entre ledict

Robert de Cassel fait rewaert de Flandre par ceux de Bruges, & leurs adherens.

Bataille de ceux de Gand tenans le party du Conté Louys leur Seigneur, cōtre ceux de Bruges & leurs adherens.

Defaite de ceux de Gand par lesdicts de Bruges.

Gand assiegée par ceux de Bruges.

Appoictement
entre ceux de
Gand, & de
Bruges.

Renouelle-
ment de debat
entre Gand &
Bruges.

Trahison de
ceux de Grant-
mont.

Le Seigneur de
Gauere occis
par ceux de
Grantmont,
pensans qu'il
fut le Conte de
Namur.

de Cassel, & ceux dudit Gand, par lequel fut dict & ac-
cordé, que lesdicts de Gand jureroient & se joindroient
ausdicts de Bruges. Lesquels aussi suyuant ce, feroient te-
nus & obligez de deliurer ledict Conte Louys leur Seig-
neur endedens quatorze jours jamediatement suyuantz,
pendant lesquels on aduiseroit de la maniere de la deli-
urance & liberte dudit Conte, pour plus grande seurte,
d'vn chascun. Qui fut cause que ledict Messire Robert, leua
son siege dudit Gand, ou il enuoya peu apres ses depotez,
pour veoir jurer & receuoir le serment desdicts de Gand.
Lesquels neanmoins, quand on fut venu au point de
devoir jurer, firent ouuertement refus d'y entendre, si pre-
allablement ledict Conte Louys n'estoit remis en sa pre-
miere liberte. Ce que aussi lesdicts de Bruges ne vouloyent
aucunement faire, auant le susdict serment qu'ils preten-
doient auoir desdicts de Gand. Au moyen de quoy le sus-
dict debat recommença, assez plus cruel & dangereux que
jamais. Car ledict Messire Robert, assembla de rechief grand
puissance pour venir deuers Gand. Ou pareillement fut du
costé du Conte de Namur, fait tout extreme deuoir, pour
se deffendre & offendre son ennemy, pouruoyant sur tou-
te chose les villes qui tenoyent le party du Conte Louys
de bonnes garnisons, & entre autres celles de Audenarde,
Allost, & autres circumuoisins : mais comme il estoit allé
pour faire le semblable en la ville de Grantmont, & te-
nir ouuert le passage, pour les victuailles, que luy ve-
noient des pais de Brabant & d'Hainault, lesdicts de
Grantmont, laissèrent sans aucun empeschement en-
trer dedans la ville, les gens dudit Conte de Namur
file a file, le tout jusques a ce que le Seigneur de Ga-
uere fut entré, que lors prenants ledict de Gauere pour
le Conte de Namur, a raison du riche vestement, dont
il estoit accoustre, firent fermer leurs portes, occirent
le susdict Seigneur de Gauere, pensantz tuer ledict Con-
te de Namur, mettants au reste a mort, jusques a trois
cents de ceux de la compagnie dudit Conte, lequel
neantmoins s'en vengea a son plaisir, comme voirez in-
continent. Mais auparauant, vous conuient declairer,
le mo-

le moyen de la deliurance dudit Louys de Cressy, Conte de Flandre.

De grand deuoir, auquel ceux de Gand se mirent pour procurer la liberte du Conte Louys leur Seigneur. Des victoires qu'ils obtindrent sur ceux de Bruges, & leurs adhevents. De la deliurance dudit Conte Louys, & de la journée d'Arkes, ou les rebelles furent reconciliez audit Conte Louys.

CHAPITRE CLII.



Ceux de Gand, lesquels en ceste reuolte, sostenoyent, comme bons & loyaux vassaux, en toute extremite la querelle du Conte Louys leur Prince naturel, considerans le peu de moyen que par apparence on voyoit a la liberte & relaxation dudit Conte Louys, ne fut par force & main armee, purgerent en premier lieu, leur ville de ceux qu'ils scauoient fauoriser leur partie aduerse, & signamment d'environ trois mille tisserans, lesquels pour la raison que dessus ils enehasserent de ladicte ville de Gand. Et peu apres, par l'assistance & a l'aduenu dudit Conte de Namur, leur capitaine general, ils creerent & constituerent deux autres capitaines, scauoir Messire Zeger Courtoisfin, & Hector Vilain. Ausquels ils donnerent bonne quantite de soldats, moyennant lesquels, ils executerent en peu de temps plusieurs notables & magnanimes exploits de guerre, sur ceux dudit Bruges & leurs confederes, & entre autres obtindront vne memorable victoire, sur les dessus nommez entre Courtray & Audenarde, & de rechief aux quatre mestiers, ou ils forcherent quatre capitaines desdicts de Bruges, a vne fuyte bien honteuse & ignominieuse, qui fut cause, que le peuple dudit Bruges commenca se facher de la guerre, & desirer avec la deliurance de leur bon Prince, vne tranquille & assuree paix. Pour a laquelle paruenir, ils deliurerent en l'an mil trois cents vints & six, ledict Conte Louys leur Seigneur de la prison, en laquelle ils l'auoyent bonne espace de temps detenu, & ce aux conditions qui s'ensuyuent: Premiers, qu'il

Ceux de Gand enchassent de leur ville trois mille tisserans pour ce qu'ils fauoresoient ceux de Bruges & leurs adhevents, contre le Conte Louys leur Seigneur.

Victoires de ceux de Gand contre ceux de Bruges & leurs adhevents.

L'an M. CCC.

Ceux de Bruges
deliurent le Côte
Louys de
Cresly de la pri
son, ou ils l'auo
yēt long temps
detenu.

Le Côte Louys
estant deliuré
des mains de
ceux de Bruges
se transporta vers
France, & imp
re secours du
Roy contre ses
rebelles.

Ceux de Bru
ges & leurs ad
herents se (ub
mettent a la vo
lunté du Côte
Louys, lequel
sur ce, leur as
signe jour de
communicatiō
a Arkes pres
Saint Omer.

pardonnent tout ce, que lesdits de Bruges & leurs adhe
rents luy auoyēt mesfait, & offensé. Qu'il confirmoit, tous
les preuileges dudit Bruges, d'Ypre & du Franc, si auant
soutressois que iceulx preuileges ne portassent auleun pre
judice, a ceulx de Gand, d'Audenarde, & leurs alliez, ny
mésmes au gouuernement du Conte de Namur son on
cle, pour le temps qu'il auoit esté rewaert de Flandre. Re
uocquant au reste, tout ce que par ledict Messire Robert,
auoit esté fait & ordonné, durant son susdict gouerne
ment, comme de tout appart par les lettres, qu'il donna du
huietiésme de Feburier, audit an vingt & six. Et suyuant
ce, ledict Conte Louys fut lors deliuré, & se transporta vers
le Roy Charles de France en Paris, ou il proposa plusieurs
vehementes plainctes, & grandes doleances a la charge de
ceux de Bruges, specifiant & particularisant les rudesses,
conjures, & cruaultez, que durant sa detention, ils luy a
uoient moyenné & pourchassé. Requerant ausurplus que
le bon plaisir de sa magesté fut, luy prester secours, faueur
& assistance pour l'execution de la justice, & chastoy, qu'il
estoit resolu faire sur lesdits rebelles. Comme de fait, &
promptement luy fut par ledict Roy Charles promis & ac
cordé: de maniere que ledict Conte Louys faisoit des grâds
appareils, pour descendre a puissance en son pais de Flan
dre, lors que lesdits de Bruges, & ceux de leur sequelle,
craindantz le juste chastoy, qu'en leur conscience. Ils sçauo
yent auoir grandement merité, enuoyèrent en toute dilige
ce leurs deputez a Paris, deuers le Roy & le Conte Louys
leur Seigneur, suppliantz en toute humilité, & reuerence,
que leur fut assignée vne journée de communication, pour
illec auiser de l'amende, & reparation que ledict Côte Lo
uys pour leurs susdictes foulles & rebellions, pourroit pretē
dre ou demander, offrantz de absolument & en toute cō
descendre au commandemēt & a la volunté dudit Côte
Louys. Lequel, pour cōplaire audit Roy Charles qui sem
blablement, intercedoit pour lesdits de Bruges, & alliez leur
assigna vne journée a Arkes, pres Saint Omer. Ou au jour
seruant, les deputez comparurent de tous costez, & apres
plusieurs communications & debatz, furent lesdits rebel
les

Reconciliation
du Côté Louys
avec ses rebel-
les, & a quelles
conditions.

" les finalement reconciliez & receus en grace aux conditiōs
 " subsequentes. Premiers, que ceux de Bruges, Ypre, le Frac,
 " Courtray & leurs adherentz feroient faire & fonder vn
 " cloistre de Chartroix, au dehors de Courtray, de douze
 " freres, & ce en l'honneur de Dieu, & pour les ames des
 " trespassez, & qu'ils employeroient pour le susdict effect
 " jusques a la somme de quatre mille liures de Flandre.
 " Qu'ils rendroient & restitueroyent aux eglises & abba-
 " yes, les dommaiges & interests par eux soustenus, au moyen
 " de la susdictē guerre, selon l'estimation & ordonnance de
 " six personnes, que ledict Conte denōmeroit ausdictes fins.
 " Que trois cents personnes de Bruges, & de Courtray, se-
 " ront enuoyees en peregrinaige. Si comme les cents vers
 " Sainct Iacques en Galice. Les aultres cent a Sainct Gil-
 " les en Prouence, & le demeurant vers nostre Dame de
 " Rochemadeur. Que le Conte sera restituē en sa Con-
 " tē de Flandre, & que lesdicts de Bruges, & leurs adhe-
 " rents luy feroient nouuel serment, saulx la souveraine-
 " tē au Roy de France. Qu'ils payeroyent au Contē pour
 " ses frais & despens, cent mille liures Tournois, en dedui-
 " sant par ceux de Bruges, soixante six mille liures Tournois,
 " qu'ils auoyent promis payer pour le faict du Conte Iehan
 " de Namur. Qu'ils payeroyent & consigneroient es mains
 " du Roy Charles ou de son commis, la somme de deux cent
 " mille liures Tournois: moyennant laquelle ledict Seigneur
 " Roy prendroit a sa charge, la satisfaction que cheoit a l'en-
 " droit de ceux de Gand & d'Audenarde, pour les domai-
 " ges & ininterests par eux soustenus, durant les susdictes diui-
 " sions & rebellions. Par cest appoiemēt fut semblablement
 " traictē & accordē, que pour nourir & entretenir le païs de
 " Flandre, en bonne paix & vnion, le Roy de France, en-
 " uoyeroit de dix ans en dix ans, ses commissaires audict
 " Flandre, pour de nouveau faire jurer & publier ladicte
 " paix. Que moyennant ce que dessus, toutes choses sero-
 " yent pardonnees, & tous prisonniers tant d'une part, que
 " d'autre deliurez, ensemble que chascun retourneroit au
 " sien, selon qu'il le trouueroit. Ce fust faict a Arque
 " par les deputez du Roy, & du Conte d'une part, & par les

les deputez des villes de Bruges, Ypre, du Frac, Dam, Nieusport, Berghes, Cassel, Messines, Warneton, Poporinghes, Bourbonch, Bailleul, Courtray & la chasteletie, Fumambocht, Burburchabocht, Audenbouch, & l'Escluse & d'autre. En laquelle paix neantmoins ne furent compris ceux de Grantmont, pour leur susdicte cruauté, & execrable trahyson, dont ils auoyent vsé a l'endroict du Conte Jean de Namur, lors rewaest de Flandre, durant la detention du dict Conte Louys de Flandre, & de laquelle trahyson, le dict de Namur auoit conceu vn tel creue-cœur & despit, qu'en tous traictés & communications, il faisoit tousiours refuser lesdicts de Grantmont. Lesquels toutesfois furent aussi finalement receus en grace, moyennant la demolition de leurs portes, murs, & fortetesses, que entre autres choses ils furent incontinent, & sans aucun delay, contraints de faire, avec promesse, de jamais ne les reestabli ou redifier. Or ladicte paix d'Arkes ne durá guerres, que les dessus nommez ne prissent peu apres de rochief matiere de se reuolter & rebeller, selon que entendrez presentement. Mais ce fera apres vous auoir declairá, que le Roy de France, auant entrer en communication sur le faict de la susdicte paix d'Arkes, fit par ses deputés, proposer aucunes doléances contre lesdicts de Flandre, & lesquelles consistoyent en effect sur quatre points: Et premiers, que lesdicts de Flandre, par la rebellion que dessus, auoyent contrevenu a la paix de l'an cinc, & que par consequent ils esloyent encours aux peines y apposees sur quoy fut par les deputez desdictz de Fládre, deduictes plusieurs excuses, trop longues a refuser, priantz neantmoins, qu'il se contentast & offrát en faire toute raisonnable amende & reparation. Secondement, qu'ils n'auoyent faict demollir leurs portes & murs, selon que par ladicte paix, & les moderations sur icelle ensuyuyes, auoit esté dict & pourparlé. Sur quoy lesdicts de Flandre requierent delay & induces, d'encóires deux ans, qui leur furent accordées. Tierchement, qu'ils n'auoyent payé la somme mentionnée en la susdicte paix, sur quoy fut de leur part respondu, qu'ils payeroyent toutes restes suyuant qu'on leur accordast temps, & aucuns raisonnables termes

Doléances du
Roy de France,
 proposées par
 les deputez d'iceluy, a la susdicte journée
 d'Arkes.

termes de payemens. Finablement qu'ils auoyent fait alliance au preiudice de la couronne, directement contraire au contenu de la paix susdicte, surquoy il distret estre prests de renoncer a toutes alliances, derogatoires a la precedente paix. Et suyuant ce, l'on proceda au susdict appointement, selon que desia auez entendu.

De la quatriesme rebellion de ceux de Bruges & autres de Flandre contre le Conte Louys, de la descente du Roy de France en Flandre au secours dudict Conte Louys, de la memorable deffaicte desdicts rebelles pres le mont de Cassel, de la prise dudict Cassel, & comment apres ladicte deffaicte desdicts rebelles se submisrent du tout a la misericorde dudict Conte Louys.

CHAPITRE CLIII.



N l'an mil-trois cents vingt & sept, ceux de L'an M. Bruges, du Franc, d'Ypre, & autres leurs confederes & allies, estants aduersty du decés de CCC. Charles, dict de la Marche, Roy de France, xxvii. prendrent occasion nonobstant, la susdicte paix d'Arkes, par eux acceptée & jurée, d'eux reuolter, & de rechief rebeller, restituants ausdictes fins les capitaines (que durant les precedentes commotions ils auoyent crée) en leur premier degre & estat, & eux portans mout hostillement contre plusieurs nobles & officiers, lesquels par le moyen de la susdicte paix, estoient retournez au pais, & redintregrez en leurs dignitez & gouuernemens. Au moyen de quoy le Conte Louys, quy estoit lors a Paris, requist secours & assistance de Philippe de Vallois, lors nouuellement estably au royaume de France, & vers lequel, il s'estoit transporté pour luy faire homaige & feauté, de ce qu'il tenoit de la couronne de France. Lequel Roy Philippe, enuoyá incontinent fulminer & mettre le ces en la Conté de Flandre, par l'Euesque de Senlis en l'Eglise de Tournay, reseruant neantmoins de ladicte fulmination ceux de Gand, & d'Audenarde, pour autant qu'ils continuoyent en la foy & leauté, qu'ils deuoyent au Conte Louys, leur Prince, & Seigneur naturel. Peu apres, ledict Roy Philippe, voyant le

Ceux de Bruges du Franc, & leurs adherents rebellens pour la quatriesme fois contre le Conte Louys, dict de Cressy.

L'interdict mis en Fládre, par l'Euesque de Senlis.

T t t peu

Assemblée de
conseil a Paris,
pour aduifer a
la reduction
de ceux de
Flandre.

peu d'estime, que lesdicts de Flandre faisoient du susdict
interdict, & mesmes a la persuation & tresinstante reques-
te du Conte Louys de Flandre, fist assembler son conseil
en la ville de Paris, pour aduifer au moyen de la reduction
desdicts de Fladre. Mais il fut en icelle assemblée du tout
desconseillé de se mettre en armes, & ce pour plusieurs oc-
casions, principalement toutesfois pour a le peu de temps
qu'il auoit esté constitué en la dignité royale, sur les Fran-
çois, & que obstant le murmure de plusieurs Princes &
barons du Royaume, la couronne n'estoit encore establie
en telle seureté, qu'il peust sans tresindient dangier, soy
partir dudict Royaume, du moins jusques a l'expiration
du premier an de sondict regne: duquel conseil ledict Roy
Philippe (lequel estoit du tout inclin au secours & faueur
du Conte Louys de Flandre) ne se tint aucunement pour
satisfait. Quy fut cause que Messiere Gaultier de Cre-
sly Seigneur de Chastillon, s'appercheuant de l'arrestée
volonté d'iceluy Roy, & estant requis de sur ce proposer
son aduis, declaira, que le temps estoit tousiours conue-
nable a cestuy, lequel auoit bon cœur a la bataille: de là
quelle responce se trouuant ledict Roy merueilleusement
joyeux, se leua de son siege, & embrassa ledict Messiere
Gaultier, & dict aux autres, que quiconque l'aymoit, le
suyuroit en ceste entreprinse, pour a laquelle mettre or-
dre, fit par tout son Royaume assembler le plus de gens
qu'estoit possible de recouurer, ordonnant, que tous le
vinssent trouuer enuiron l'Aougt immediatement suy-
uant, en la ville d'Arras. Ou il se transporta peu apres, &
fit porter avecq luy, l'Auriflambe que il donna en garde
a vn cheualier, nommé Messiere Milles de Noyers. Et es-
tant venu en Arras, print son chemin avecq ses gens, &
accompaigné de merueilleusement grand noblesse, vers
le mont de Cassel, ou il scauoit l'armée des Flamens estre
assemblée, lesquels Flamens auoyent peinct sur leur princi-
palle banniere, vn grand cocq, au dessus duquel par deri-
sion estoit mis, cest escripteau: Quand ce cocq icy chantera,
le Roy Trouué cy entrera, appellants ledict Roy Philippe,
Roy Trouué. Ce que neantmoins leur cousta tost apres, as-

Assemblée de
gens en France
pour le secours
du Conte Lo-
uys contre les
rebelles.

Inuasion des Fla-
mens contre le
Roy Philippe
de Vallois.

scz.

tez plus cher, qu'ils n'attendoient. En ceste assemblée le-
dit Roy Philippe eust en sa compaignie les Princes & grâds
Seigneurs quy s'ensuyuent. Premiers, le Conte d'Alençon
frere d'iceluy Roy, le maistre de l'hospital d'outre mer, le
Roy de Nauarre, le Duc de Lorraine, le Conte de Bar, le
Duc de Bourgoingne, le Daulphin de Vienne, Messiere
Robert d'Artois Conte de Beaumont, le Seigneur de Bour
bon & plusieurs autres avec vn nombre infiny de gens tât
de pied que de cheual. Outre ceux, que peu apres luy sur-
uindrent de renfort, conduicts par le Conte Louys de
Flandre, assisté du Conte Iehan de Namur son oncle, &
lesquels ils auoyent assemblé en Gand, Audenarde & au-
trepart. Sans ausy y comprendre vne bonne troupe de
nobles, quy au mesme temps sous la charge de Mes-
siere Robert de Cassel, se vindrent presenter audict Roy
Philippe : de maniere, que lesdicts rebelles se trouué-
rent sur ledict mont de Cassel, environnez & de toute
part assiegez : ce que neantmoins ne les estonna aulcu-
nement, ains estantz confortez, & encouragés par leurs
capitaines, dont les principaulx se nommoient Nicolas
Zonneckin, Zegher Ianssone, Winoch de Fiére, & Lam-
brecht Boonen, descendirent contre le Roy Philippe, &
ses alliez, mout fierement, mesmes les assaillirent la vil-
le de Saint Bartholomeu en l'an mil trois cents vingt &
huit, que lors fust commise, & faicte vne bataille autant
cruelle, dont on auoit jusques lors, ouy parler en ladicte
contrée. Et en laquelle bataille lesdicts Flamens rebelles,
se portèrent sy vaillamment, que ils faysoient plusieurs
fois doubter leurs ennemys, de l'euenement de la batail-
le. Toutesfois en fin ilz furent surprins par la subtilité de
aucuns François, & reduicts entelz termes, que laissant
la plaine couuerte de plus de treize mille de leurs com-
paignons, quy lors finirent miserablement leurs jours,
ilz furent constrainctz se mettre en fuyte, & eulx faul-
uer, selon que le dangier, & la presente necessité leur po-
uoir permettre, & accorder. Ladicte victoire obtenuë, les
François, quy semblablement audict conflict auoyent par-
du bonne quantité de leurs gens, assaillirent, prindrent,

Descente du
Roy de France
avec plusieurs
grands Princes
& Seigneurs
au secours du
Conte Louys
dict de Cressy,
contre les re-
belles de Flan-
dre.

L'an M.
CCC.
xxviii.

Memorable
deffaitte de
ceux de Bru-
ges, & leurs co-
federes, par les
François, pres
le mont de Cas-
sel.

T t t ij fac

Printe de la ville de Cassel, ou les François exercèrent des merueilleuses cruauhez.

Ceux de Bruges & autres rebelles de Flandre, se subirent du tout a la misericorde du Conte Louys leur Seigneur.

Fin des seditions de Flandre.

saccagerent & bruslerent la ville de Cassel, ou ils n'obtinrent aucune espee de cruaulté, dont ennemis barbares sont accoustumez vser vers les vaincus, entant mesmes, que ils n'espargnoyent aucun aage, sexe ny condition des personnes, mettans tout ce qu'ils rencontroyent au feu, & a l'espee. Apres la susdicte deffaicte, ceux de Bruges, Ypre, du Franc, & toutes les autres villes rebelles, se subirent de corps, biens & pais, du tout a la discretion du Conte Louys leur Seigneur, auquel ils donnerent hostaiges pour l'asseurer de l'accomplissement de tout ce que par luy leur seroit injoinct, & ordonné. Suyuant quoy, le Roy Philippe de France, retourná victorieux en son Royaume, laissant faire du demeurant au Conte Louys, qu'il auoit restably en sa Conté, & le quel, auant partir, il admonnesta de foy de la en auant garder: de sorte, que par faute de faire justice, il ne fut constrainct, d'iteratiuement le faire descendre en la Conté de Flandre, ce que le Conte Louys retint assez bié, comme voirez cy apres, & par ce moyen, cessèrent les seditions, quy auoyent duré enuiron six ans continuels.

Comment le Conte de Flandre fit exemplairement punir jusqu'à cinc cents personnes, qui auoyent esté cause des susdictes diuisions, & de la merueilleuse justice que se fit en Flandre de Guillaume le Chann, lequel auoit sollicité le Duc de Brabant de mener guerre audict Conte de Flandre, & des amendes prouffitables, & honorables, esquelles ledict Conte Louys taxa les villes de Flandre pour leurs precedentes rebellions.

CHAPITRE CLIII.

Punition des rebelles par le Conte Louys duc de Cassel.



LE Conte Louys de Flandre, n'ayant mis en oubly, l'enseignement, que le Roy Philippe de France, apres l'auoir restably en sa Conté, & auant son partement de Flandre, luy auoit laissé, touchant la punition des principaux rebelles & malfacteurs, fit peu apres executer par l'espee, Lambrecht Boonen, Iehan van Dudzeelle, Gosselyn de Hontschote, Zegher Ianssone, & plusieurs autres en diuerses villes & differemment, jusques au nombre de cinc cers per-

sonnes, quy toutes fustent en l'espace de trois mois, mises au dernier supplice par le commandement & ordonnance dudit Conte Louys. Quy fnt cause, que vn des principaux mutins desdicts Flamens, appelle Guillaume le Chanu, marif de Bruges, craindant semblablement sa peau, se retirá vers le Duc de Brabant, lequel il sollicitá grandement, pour mener guerre au Conte Louys son Seigneur, l'assurant de bonne troupe de Flamens, d'argent, armures, chevaux & autres choses necessaires pour supporter les frais & charges d'une guerre. A quoy neantmoins ledict de Brabant, ne voulut aucunement entendre, sans preallable consentement du Roy Philippe de France, vers lequel il enuoyá ledict Guillaume le Chanu, quy fut mis en gheenne, & suyuant sa confession, mesmes apres aucunes enquestes & informations tenuës tât a la charge, qu'a la descharge d'iceluy le Chanu, il fut tourné au pillory, eust les deux poins coupez, & fut collocqué sur vne roue, ou on le láissa jusques a ce qu'on le voyoit prochain de la mort, que lors il fut traîne a la queue d'une charrette, & finalement pendu au gibet de Paris, quy causá vn merueilleux espouuement au complices dudit le Chanu, lesquels se retirérent le plus secretement, & subitement que leur fut possible, du país de Flandre, lequel par leur absence, ils láissérent en trop plus grande seureté & tranquillité. D'autre costé, le Conte Louys apres les susdictes executions, & exploits de justice, voulant punir le residu des meffaiets civillement, fit en premier lieu relaxer le ees du país de Flandre, & tost apres a la ville en ville, pour suyuant ladicte submissio taxer & arbitrer des amédes d'icelles, conformement ala raison, & neantmoins du tout a sa volonté. Et premiers, condépna ceux d'Ypre en la somme de vingt & quatre mille livres tournoys: ceux de Courtray en cinc mille livres. Ceux de Tenremonde en trois mille livres, pour ce qu'ils auoyent receu les bannis, & porté faueur aux rebelles: nonobstant son commandement au contraire, a raison aussy qu'ils ne lay auoyent enuoyé aucunes gens de guerre a son ayde, estants de ce requis & fommez. Ce que neantmoins aduint audicts de Tenremonde, du tout contre leur attente & o-

Guillaume le Chanu craindant le châtiment qu'il auoit mérité, se retourna vers le Duc de Brabant, lequel il sollicita pour mener guerre au Conte de Flandre.

Guillaume le Chanu enuoyé prisonnier en France.

Exemplaire justice dudit Guillaume le Chanu.

Le Conte Louys va de ville en ville pour taxer les amédes des fourfaictes pour les susdictes rebellions.

Ame de hon-
norable de
ceux de Bru-
ges au Conte
Louys.

pinion, entant mesmes que ladicte ville n'appartenoit au-
dict Côte, ainsa Madame Beatrix de Saint Pol, quy estoit
semblablement dame de Neelle & de Creuecoeur. Ceux
de Bruges, furent condempnez en trois mille liures tour-
nois de rente perpetuelle, & en cent mille liures pour vne
fois, ensemble de luy faire vn esconduit honorable au
my chemin entre Male & Bruges, ou ils se deuoyét mettre
en genoux demandantz merchy, en presence de Messiere
Robert de Cassel, d'Héry de Fladre Seigneur de Lode, Ica
de Sambresse, Daniel de Blide, Gautier de Halewyn, Gaul-
tier de Harlebecque, Guillaume Bloc de Steeland, Thierry
Nothar, & Symon de Myrabbellis tous cheualiers, & osta
ausdicts de Bruges tous leurs priuileges, leur en donnant
des nouueaux, tels que auez peu veoir au commencement
de ce discours. Il condempna ceux du Franc en vne rente
perpetuelle, de trois mille liures, & en quarate mille liures
pour vne fois, ceux de Dixmude en vnet rente perpetuelle
de six cents liures tournois : ceux du Dam en mille liures
per an, & en trois mille pour vne fois : ceux d'Ardébourch
en cinc cent liures par an : ceux d'Alost en trois céts liures
par an : ceux d'Oostéde en cét liures par an, & en deux céts
pour vne fois : ceux d'Ysendicke en tréte liure par an : ceux
de Grâtmot en six céts liures par an, & six mille pour vne
fois : ceux de Furnes en cent liures Parisis par an, & ceux de
Furnabocht en douze céts liures par an. Faisant au reste di-
ligence en toute extremite, pour reduire son pais sous bõ
ordre, police & justice, cassant aussy a tous ceux que dessus,
leurs anciens priuileges & leur en dõnant des nouueaux.
Peu apres, morut ledict Messiere Henry de Flandre Con-
te de Lode, fils de Philippe de Thiette fils du Conte Guy
de Flandre, lequel en son temps, auoit executé plusieurs
beaux faicts d'armes en Ytalie, & fust enterre aux freres
Mineurs en la ville de Bruges, il auoit prins a femme Ma-
dame Marguerite fille du Conte de Cleues, de laquelle il
laissa vn fils nomme, Henry de Flandre. Enuiron ce mesme
temps, Messiere Gherard de Raiffingheim & de Liekerke,
se transporta vers le Conte Louys de Flandre, pour soy pur-
ger & demander merchy de ce que deuant les susdictes di-
uisions

Trespas de Mes-
sire Henry de
Flandre Conte
de Lode.

unions, adherant au commun peuple, il auoit mené guerre aux nobles, qu'estoyent du party dudit Conte, disant & protestant, n'auoir en ce que dessus, en aucune intention de nuire au fufdict Conte son Seigneur, mais seulement de affoiblir aucuns nobles ses ennemis, lesquels estoient journellement aux escoutes pour le surprétre & destruire. Offrant neantmoins de tenir prison la part, que plairoit audit Conte luy ordonner, reserue seulement les villes de Gand, & de Grantmont, & oultre ce de consigner, & mettre es mains d'iceluy Conte, le chasteau de Lickerke, pour par ledict Conte en jouir, durant le mariage entre luy & Madame Aelphis sa femme, quy estoit dame & heritiere dudit chasteau, & lequel apres la dissolution dudit mariage, retourneroit a ladicte dame & a ses heritiers. Suyuant quoy ledict Messiere Gherard fust receu en grace, & reconcilie avec ledict Conte, & principalement a l'intercession de Messiere Robert de Flandre, Seigneur de Cassel, de Messiere Henry de Flandre Coto de Lode, Messiere Thiery de Beuere chastelain de Dixmude, & de Messieres Jean, & Godefroy de Sombreffe freres..

Messiere Gherard de Rasseghem se vint purger vers le Conte Louys des choses par luy faictes durant les fufdictes diuisions..

D'aucuns debats quy se meurent entre le Conte Louys & la Roynne Iehenne Douagiere de France, ensemble comment au moyen de l'achapt de la ville de Malines, que le Conte Louys fit de l'Euesque de Liege, s'esmeut vne guerre. entre Flandre, & Brabant, & de l'issue d'icelle guerre..

CHAPITRE CLV.



Ence meisme temps, s'ourdut grand debat & different, entre le Conte Louys de Flandre d'une part, & la Roynne Iehenne veufue de feu Philippe le long Roy de France, & mere de Madame Marguerite Contesse de Flandre, d'autre. Et ce sous pretext, que ladicte Roynne vouloit irrefragablement, que ledict Conte Louys, couuertist les quarante mille liures, des soixante mille liures a luy donées, en mariaige avec ladite Contesse Marguerite, en quatre mille liures Parisis par an, seló le contenu de leur traicté de maria

Debat entre la Roynne Iehenne Douagiere de France, & le Conte Louys de Flandre.

ge, & pour autant que ledict Conte Louys, n'y voulut entendre, mesmes a raison que desdicts soixante mille liures, quy luy auoyent esté assignées sur Flandre, il n'en auoit jamais receu aucune chose: ledict debat s'aygri de sorte, que ladiete Royne voulut absolument, que ladiete dame sa fille, fut separée d'iceluy Conte Louys, lequel luyuant ce, fut contrainct de viure seul, jusques au trespas de ladiete Royne, quy aduint tost apres, & a laquelle Royne par le deces de la Contesse Mehault, vesue de Orhenin Conte Palatin de Bourgoigne & Seigneur de Salines, la Conte d'Artois auoit succedé, comme aussy par le trespas d'icelle Royne, lesdicts Contes d'Artois & Bourgoigne, peruindrent a la duchesse Iehenne sa fille aisnée, femme de Eudes Duc de Bourgoigne, demeurant a la Contesse Marguerite de Flandre, seur de ladiete duchesse, pour son cinquiesme en Artois, Bapalmes, Remmy, & Fauxpons, estimez a six mille liures par an, & en Bourgoigne Artois, estimé quatre mille liures Parisis annuellement: peu apres, sicomme en l'an mil trois cents trentetrois, les Contes de Flandre, & de Hainault, s'entre-accorderent touchant plusieurs articles que par la paix de l'an vingt & deux auoyent esté tenus en suspens, de la maniere que s'ensuyt. Premiers, que le Conte Guillaume d'Hainault, aura pour luy, ses hoirs, & successeurs, perpetuellement les terres de l'Essines & de Flobecque, ausquelles le Conte Louys de Flandre renonça lors pour luy, & ses heritiers Contes de Flandre: saulz toutesfois, que ledict d'Hainault tiendrait en fief & hommage du Conte de Flandre, tout ce que seroit trouué es chastellenyes desdicts l'Essines & Flobecque, estre mouuant dudiect Flandre, & d'Alost. Reserué aussy, que sy Messiere Guillaume de Mortaigne, entend pretendre aucun droit esdictes chastellenyes, il le deburá faire en la court de Flandre, dont ledict d'Hainault fust cõtent, lequel outre ce promist de jamais faire autres forteresses esdicts lieux, de l'Essines & Flobecque, que celles quy y estiont, pour lors, ne fust a l'aduen & par expres consentement, du Conte de Flandre, & de ses successeurs d'auantaige fut par la mesme paix semblablement deuisé & accordé, que ledict Conte de

La Conte d'Artois, & celle de Bourgoigne avec la seigneurie de Sambrin, a la lueur de la Contesse de Flandre.

L'an M.
CCC.
xxxiiij.

Accord & appointement entre Flandre & Hainault.

“ de Flandre deuiendroit homme dudiect d’Hainault , mo-
 “ yennant la somme de mille liures de terre qu’il luy assigne
 “ roit, sur Blaton & Fignies , pour les tenir en fief perpetuel
 “ des Contes de Hainault . Promettants chascun deux res-
 “ pectiuelement & jurants, de jamais ne renoncer a l’homaige
 “ l’un de l’autre, mesmes ils cognurent des lors qu’ils estoient
 “ desjà hommes, & entrez en foy & hommaige l’un de l’aut-
 “ tre, a raison des susdicts fiefs, dont ils s’entredonnerent let-
 “ tres, datées a Cambray en la court de l’Euesque audiect an
 trentetrois , & peu apres, sicomme en l’an trentequatre, le-
 dict Conte Louys acquist par achapt de Messiere Hughe
 de Lorraine, Seigneur de Beuere, & de Marigny, le pais &
 chasteil dudiect Beuere pour certaine somme d’argent qu’y
 lors fut consignée audiect Messiere Hughe . Et vn an aupa-
 rauant qu’estoit l’an trente trois, ledict Conte Louys, auoit
 achapté d’Adolph Euesque de Liege, & de son chapitre,
 tout le droit qu’ils auient en la ville de Malines , pour la
 somme de cét mille liures tournoys, ou selō autres de qua-
 treuingts fix mille cinc reaux d’or, a payer en deux termes,
 dōt le premier esceroit a la Toussaincts lors prochainemēt
 venant, & le residu a la Sainct Iean ensuyuant. Au moyen
 & a l’occasion duquel achapt se meut guerre tost apres en-
 tre ledict Conte Louys de Flandre, & le Duc Iean de Bra-
 bant, sous pretexte que ledict Duc pretendoit maintenir,
 n’auoir esté loysible audiect Euesque de faire la susdicte vé-
 dition, outre ce que le susdict Duc, eust luy mesme volon-
 tiers accepté ledict marché. Or en ladicte guerre, ledict Cō-
 te Louys eust de son party , l’Euesque de Coulongne, les
 Contes d’Hainault, de Namur, de Gheldres , & de Iullers,
 Messiere Iean de Beaumont , le Seigneur de Faulkemont
 d’Hoirnes , & autres , moyennant l’ayde & assistance des-
 quels, il fit plusieurs grandz maux au pais de Brabant , ou
 il brussa plusieurs places & villages . Ce pendant que assez
 foiblement & lentement venoyent par l’ordonnance du
 Roy Philippe de France, au secours & assistēce dudiect Duc
 de Brabant, le Roy de Nauarre , le Conte d’Alençon frere
 du Roy, le Conte d’Estalpes & autres, lesquels arriuez pra-
 ctiquerent , & besoingnerent, de sorte que ambedeux les

L’an M.
 CCC.
 xxxiiij.

Acqueste du
 chasteil de Be-
 uere par le Cō-
 te de Flandre.

Le droit que
 l’Euesque de
 Liege auoit a
 Malines acha-
 pté par le Con-
 te Louys.

Guerre entre
 Flandre & Bra-
 bant a raison
 de l’achapt du-
 dict Malines.

V v v

par-

Lesdits de Flandre, & de Brabant se subme-
tent de leurs
différents a
l'arbitrage du
Roy Philippe
de France.

Appoinctemēt
dudict Roy sur
lesdits diffé-
rents.

Appoinctemēt
entre le Conte
de Flandre &
le Duc de Bra-
bant touchant
la ville de Ma-
lines.

parties, se submisrent de leur différent au dict & ordonnā-
ce dudiēt Roy Philippe de France, lequel parties ouyēs &
appaissā le différent desdicts Princes par les mariages qu'il
moyennā, entre lediēt Duc de Brabant & la fille du Con-
te Guillaume de Hainault, & le fils du Conte de Iullers a-
uec la fille d'iceluy Duc de Brabant, & Henry fils dudiēt
Duc avec la fille du Conte Renault de Gheldre, & que la
ville de Thielt demoureroit audiēt Conte Renault. Reser-
uant a soy la declaration, touchant le faict dudiēt Malines,
pour lequel neantmoins fut depuis entre lesdits Conte
de Flandre & Duc de Brabant faict, sans vltierement en
empescher lediēt Roy Philippe, vn appoinctement de ce-
ste sorte. Scauoir que eux deux tiendroyēt ladiēte ville de
Malines par indiuis, & de la mesme maniere que le soulo-
yent tenir l'Euesque de Liege, & Madame Marguerite de
Gheldres. Que lediēt Conte de Flandre tiendroit la moi-
tiē en fief, de l'Euesque de Liege, & du Duc de Brabant,
& que lediēt Duc reciproquement tiendrait l'autre moi-
tiē, du Conte de Flandre. Que lesdits Duc de Brabant, &
Conte de Flandre, partiroyent entre eux les faicts & em-
olumenz en toute egalité. Qu'ils commettoyent tous of-
ficiers tant l'escoutette que le receueur & autres, de com-
mune main, sans les changer d'an en an. Que tous ceulx
quy demeurent sous le Neckerispoele, seroyent sous le
Duc de Brabant, & tous ceulx quy demeurent sous Bli-
denberghe seroyent sous le Conte de Flandre, & que nul
d'eux, pourroit faire forteresse, sans le consentement l'un
de l'autre. Faict en Tenremonde, le dernier de Mars. l'an
mil trois cents trentesix.

*Comment le Roy Philippe de France enuoyā ses lettres pour secours
vers ceulx de Flandre, lesquels luy en fissent refus, de l'alliance des
Flamens avec les Anglois, des grands debuoirs ausquels le Con-
te Louys se mit pour rompre ladiēte alliance, & comment lediēt
Conte Louys, venant avec puissance en la ville de Bruges fut des-
faict par les habitants d'illec, avec autres choses memorables.*



N l'an mil trois cents trentecinc Philippe de Valois Roy de France, aduertý du grand appareil que le Roy Edouaert d'Angleterre, faisoit, pour passer en France, escriuit pour secours a ceux de Flandre, lesquels neâtmoins

L'an M.
CCC.
XXXV.

Le Roy Philippe de France escriit a ceux de Flandre pour secours lesquels luy en font ouuertement refus.

luy en firent refus, sous pretext de l'entrecours de marchandise, qu'estoit entre eux & les Anglois, duquels ils disoient ne se pouoir departir, sans manifeste ruyne du pais, entant mesmes que la lainsne des Anglois leur estoit trop plus necessaire, que la guerre contre eux. Nonobstant quoy le Conte Louys de Flandre, lequel ordinairement se tenoit en France, & venoit peu souuent en son pais de Flandre, obstant le mescontétemét qu'il receuoit du regiment qu'il y auoit illec, mesmes a raison que les trois villes, Gand, Bruges, & Ypre gouuernoyent le pais du tout a leur plaisir, tint le party du Roy Philippe. Or estoit en ce temps capitaine & grand doyen de ceux de Gád, vn homme fait & nay a toutes seditions, appellé Iacques d'Artevelde, brasseur, lequel par ses malicieuses practiques, vsurpoit journellement, & de plus en plus sur les droictz, préeminences & autoritez du Prince, dont ledict Conte Louys se plaindoit grandement, & signamment de ceux de Gand, entre lesquels & luy yssierét au moyen de ce plusieurs questions & debatz. Mais par l'entrepayer d'aucuns gens de bien, lesdicts de Gand se submisrent finalement au dict & arbitrage de Andrieu Euesque de Tournay. Lequel au jour seruant, estants les deputez dudit Gád venus a Courtray pour ouyr & furnir a son ordonnace, dict & par sentence declaira que auant toute chose lesdicts deputez de Gand se debuoyent mettre a genoux & prier que le Cōte leur pardonna son maltalent, cōme de fait iceux deputez lors accomplirent. Suyuant quoy ledict Euesque leur cōmanda d'entretenir ce qu'en vn concept ils trouueroyét par escript au monastere d'Echoute touchant les vsurpations des droicts & préeminences du Cōte Louys leur Seigneur, ce q̄ semblablement lesdits de Gád promistrent de faire. Au moyē de quoy ledict Conte Louys les receut en grace par ses lettres du troissiesme de Septēbre audit an trētecinc

Iacques d'Artevelde homme sedicieux, grand doyen de ceux de Gand.

Debats entre ceux de Gand, & le Conte Louys.

Submission de ceux de Gand, a la sentence de l'Euesque de Tournay, touchant lesdicts debats.

Sentence du dict Euesque.

Ceux de Gand reconciliéz au Conte Louys.

Guerre entre
France & An-
gleterre.

Les Comtes de
Gheldres, & de
Iullers erigés
en Duchez.

Le Roy d'An-
gleterre enuo-
ye le Duc de
Gheldre avec
autres ses am-
bassadeurs
pour practi-
quer l'alliance
de ceux de Fl-
dre.

Les Flamens
nonobstant la
deffence du
Conte Louys,
se declarent du
guy d'Angle-
terre.

presents le Doyen & plusieurs Chanoisnes de nostre Da-
me de Courtray, Messiere Gautier de Harlebecque, Mes-
siere Symon de Mirabellis, Messiere Rogier de Hallewyn,
& plusieurs autres. En preséence desquels, il quitta sembla-
blement ausdicts de Gand, vnze cents huict liures tour-
noys de rente, qu'ils luy deuoyent a cause du transport de
Lille, Douay, & Bethune, moyennant toutesfois la somme
de trente mille liures, que lesdicts de Gand luy deliuré-
rent, outre la quittance qu'ils luy firent de deux cents li-
ures de gros, qu'ils auoyent auparauant presté audict Con-
te, pour achapter la ville d'Oudenbouch, & le chambel-
laige de Flandre. Ce pendant la guerre cōtinuoit & s'aug-
mentoitoit journellement entre France & Angleterre, & ta-
schoyent les Roys desdictes deux couronnes, d'attirer de
leur party tous les Princes & Seigneurs, dont ils esperoyét
se pouoir ayder, & notamment le Roy Anglois, lequel en-
uiron ce mesme temps, arriua avec grand nombre de na-
uires en Anuers, & laissant audict lieu la Roynne sa femme,
quy estoit fort enceinte, tira vers Coulongne, ou il trouua
l'Empereur Louys de Bauiere, avec lequel & plusieurs au-
tres Princes d'Allemaigne, il fit & contraiçta des grandes
alliances, mesmes estant audict Coulongne, practiqua de
sorte, que ledict Empereur fut content d'eriger a la requé-
ste dudit Roy d'Angleterre, les Côtez de Gheldres, & de
Iullers en duchez, au moyen de quoy il tira de son costé, le
Duc Renault de Gheldres, le Duc de Iullers, le Duc Jean
de Brabant, le Conte Guillaume de Hainault & plusieurs
autres. Et scaschant que la deuotion de ceulx de Flandre,
s'inclinoit trop plus vers luy, que vers ceux de France, &
principalement a raison du grand entrecours de marchan-
dise, enuoya ledict Duc de Gheldres, avec aucuns siés am-
bassadeurs vers Flandre, pour de tous point practiquer
leur confederation & alliance. Lesquels ambassadeurs arri-
uez en la ville de Gand, besoingnerent de sorte, par le mo-
yen dudit Jacques d'Arteuelde, que toute la Flandre se
declara resolutiuelement pour les Anglois, voires & nonob-
stant le mpschement, que le Conte Louys estant a ces
sins venu jusques a Courtray, tascha leur faire, quy fut cau-
se que

se que le Roy Philippe de France, enuoyá fulminer le ces en Flandre par l'Euesque de Senlis & l'Abbé de Saint Denys. Dont neantmoins ceux de Flandre firent bien peu d'estime: au moyen de quoy ledict Roy Philippe, requist a toute instance le Conte Louys de Fládre, qu'il fit son possible pour empescher la susdicte alliance des Flamens aux Anglois. Pour a quoy obtemperer, ledict Conte Louys, fit tenir vne diete en la ville de Bruges, & pour autant qu'il n'estoit en luy d'empescher ladicte alliance par voye amiable, il fit apprehender Messiere Zegher Courtorisin, vn des principaux autheurs de ladicte alliance, lequel il fit mener a Ruppelmonde, ou il eust la teste tranchée, ce que estmeur d'auantaige lesdicts de Gand, lesquels au lieu de s'addoucir enuoyèrent grande puissance vers Bruges, en intention de faire jurer avec eux les habitants d'illec, pour & en faueur du Roy d'Angleterre. Dont aduertý le Conte Louys lequel pour lors estoit a Male, & mesmesque des'ja la plus part desdits de Bruges tendoit a la faueur dudit Anglois, vint en personne vers ledict Bruges pour les punir, mais quand lesdicts de Bruges seürét la venue, ilz s'armerét & en toute diligece s'assemblerét sur le marche, ou ils trouuerét ledict Conte Louys, lequel accompagné de Messiere Robert de Fiesnes venoit a bānieres desployées contre eux, de maniere qu'ils s'entrefrottèrent mout brusquement, & y eust beaucoup de sang espandu tant d'vn costé que d'autre: mais en la fin ledict Conte fust contrainct de ceder a la fureur de son peuple, & de soy retirer hors la ville, prenant son chemin vers Calant, ou il auoit faiect assembler bōne trouppede gens, pour resister a certain grand nombre d'Anglois, que le Roy Edouart y auoit enuoyé, pour soy preualloir dudit pais. Ou semblablement le pouure Côte eust du pire, & se retirá vers Paris lez le Roy Philippe de Fráce. En la susdicte rencontre contre les Anglois, morurent le Duckere de Hallewyn, Messiere Ieá de Meetkerke, Messiere Iean de Rode, Messiere Arnould de Bringdam chevaliers, & fut prins Messiere Guy de Flandre fils bastard du Conte Louys.

Le Conte Louys vient a la requette du Roy de France vers Flandre pour empescher l'alliance des Flamens avec les Anglois.

Le Conte Louys vient a Bruges a puissance pour punir les autheurs de l'alliance Angloise, mais il est par ceux dudit Bruges combattu & desfaict.

Defaict du Conte Louys a Calant par les Anglois.

Du retour du Conte Louys vers ses pays de Flādre, ou il propose aux Flamens, au nom du Roy de France, plusieurs belles offres pour les diuertir de l'alliance par eux faicte avec Angleterre, & comment ledict Conte Louys fut par les Ghâtois arresté en la ville de Gât, ensemble des alliances que le Roy d'Angleterre par l'assistance de Jacques d'Artemelde practiqua des principales villes de Flandre avec celles de Brabant de la ruse, dont le Conte Louys vsa pour s'exempter du pouuoir de ceux de Gand, & d'autre choses memorables.

CHAPITRE CLVII.

L'an M.
CCC.
xxxviiiij.



DEPUIS, sicomme en l'an mil trois cents trente huiet, ledict Conte Louys retourna de Paris, & vint a Bruges, en intention de rompre la susdicte alliance, & pour y paruenir, restitua ceux du Franc en leurs priuileges, dont ils auoyent vse & jouy du temps de Philippe Conte de Flādre & de Vermandois, saulx a luy & a ses successeurs Cōtes de Flandre, la rente de trois mille liures, en laquelle il les auoit auparauant condépnez, reserue ausly, qu'ils rendroyēt d'an en an compte de leur administration, nonobstant quoy lesdicts du Franc persisterent avec les autres en la susdicte alliance, qui fut cause qu'il se transporta vers Gand, lesquels indubitablement il pensoit diuertir de la susdicte alliance, veu principalement le bon party, que par charge expresse du Roy Philippe de Frāce, il leur apportoit, & mesmes par lettres d'audit Roy datées audit an trêtehui. Par lesquelles, ledict Seigneur Roy receuoit ceux de Flādre sous sa sauluegarde & protection. Leur quittoit toutes les restes qu'ils luy pouoyēt debuoir, a cause des traictez, & en vertu des appointemens precedents, & signamment le seruice de six cents hōmes, qu'ils estoient tenus luy faire par la capitulation de la paix de l'an cinc. Il reuocquoit semblablement par ses Euesques toutes censures & interdictz fulminez sur Flandre, consentant mesmemēt qu'ils fussent n'entrés, & fissent leur marchadises tant en vn Royaume qu'en l'autre. Ce que neâtmoins n'eust aucun pouoir de desmouoir lesdicts de Gand, de leur premiere resolutiō, ains (que pis

Le Conte Louys restitue ceux du Franc en leurs anciens priuileges, pour les diuertir de la confederation prise avec les Anglois.

Les offres que le Roy Philippe de France fit aux Flamens, pour les alierner de l'alliance des Anglois

pis est) firent cōmandement quoy tint leurs portes ferrées,
 & qu'on arrestá dans la ville ledict Conte. Lequel doubát
 la fureur de ses subjects, changeá visaige, & fit semblát d'e-
 stre de leur party, s'accoustrant mesmement d'un accou-
 strement de leur couleur, quoy lors luy fut presenté. Ce pen-
 dant le Roy Edouart d'Angleterre, par la conduicte du sus-
 dict Jacques d'Arteuelde, practiqua vne perpetuelle alliã-
 ce & confederation, entre le Duc lean de Brabant, & les
 communes de ses villes de Louvain, Bruxellers, Anvers,
 Bolducq, Niuelles, Thielmont, & Lecuë d'une part, & le
 Conte Louys de Flandre, avec les communes de ses villes
 de Gand, Bruges, Ypre, Courtray, Allost, Audenarde, &
 Grantmont, d'autre: sous les conditions quy s'ensuyuent.
 " Scauoir, que lesdicts deux Princes, & successiuelement les,
 " susdictes villes, assisteront l'un a l'autre en toutes guerres a
 " leurs propres despens, toute les fois qu'ils en seront som-
 " mez, saul seulement que l'assistant pourra prendre raison-
 " nable fouraige, pour ses cheuaux. Que nul d'eux ne pout-
 " rá entreprendre guerre, sans preallable consentement de l'aut-
 " re, sy ce n'estoit en deffendant. Que nul d'eux ne pourra:
 " de guerre en commençee faire paix, ou appoinctement,
 " sans le sceu & permission de l'autre. Que les deux Princes
 " prendront en leur sauluegarde les subjects l'un de l'autre,
 " & feront que la marchandise aura cours sans aucun empe-
 " schement. Qu'ils forgeront ensemble vne monnoye, quy
 " aura cours es deux païs, laquelle ils ne pourront muer ny
 " changer, sans le consentement l'un de l'autre, & des païs..
 " Que quand aucun debat sourdra entre les deux Princes,
 " ils ne procederont plus par guerre, mais se submettront.
 " d'iceluy debat, en dix hommes, scauoir en deux cōseilliers,
 " & deux barons, & six personnes que l'on prendrá des villes
 " de Louvain, Bruxelles, Anvers, Gand, Bruges, & Ypre, les-
 " quels s'assembleront en la prochaine ville, ou le grief aura
 " esté faict, oyront les parties, & ne partiront d'illec, auant
 " que soit vuydié dudit different ou debat. Que lesdicts
 " deux Princes, villes & communautéz ne se pourront faire
 " justice a eux mesmes par guerre, arrest ny autrement,
 " en quelque maniere ny en quelque cas que ce soit, ny fai-
 re quel-

Le Conte Lo-
 uys arresté de-
 dans la ville de
 Gand.

Le Roy d'An-
 gleterre par la
 conduicte de
 Jacques d'Ar-
 teuelde practi-
 que l'alliance
 de plusieurs vil-
 les de Flandre,
 avec celles de
 Brabant, aux
 conditions con-
 tenues en ce
 texte.

Nota. contre
les contraires
d'Anvers.

L'an M.
CCC.
xxxix.

re quelque chose par laquelle la marchandise pourroit estre interessé. Sy aucun desdicts Princes contrauiant a ceste alliance, les subiects du contreuenant seront tenus d'assister l'autre, pour faire reparer la contrauention, sans luy souffrir receuoir vn denier de son dommeine, tant que la reparation soit faicte. Mais, sy aucunes desdictes villes ou particulieres personnes, rompoient ceste alliance, elle demourá neantmoins en sa vigueur, a lendroi des autres, & les deux Princes assister des autres villes, contraindront les rebelles a la reparation. Que pour plus grande seurte de ceste alliance, & affin de mieux l'entretenir lesdictz deux Princes, avec les susdictes six villes, enuoyront leurs deputez, quy s'assembleront trois fois l'an, pour entendre les entrefaicts. Scauoir quinze jours apres la chandeleur a Gand. Quinze jours apres la Saint Iean a Bruxelles, & quinze jours apres la Toussaincts a Allost: ce fut faict a Gand le troisieme de Decembre en l'an mil trois cents trente neuf, & dont lettres scellées des seaux des Duc de Brabant, Conte de Flandre, & de plusieurs grands barons tant dudit Flandre que de Brabant, sicomme du costé de Flandre, de Henry de Flandre Seigneur de Lode, Philippe Seigneur de Axele, Simon de Mirabellis, Seigneur de Perwez, Gheraerd Seigneur de Raessleghem, & de Lés, Raesse de Gauere, Seigneur de Herimez, Arnould de Gauere, Seigneur Descoruay, Iean de la Gruuthuse, Rogier Brifstimm Seigneur de Buxem, Iean de Axele, Oliuier Seigneur de Pouckes, Guillaume de Neuele, Goussin vande Moere, Wulfaert de Ghistele, le Seigneur de Craeyuen, Gherard de Ontre Viconte d'Ypre, Iean van Belle, Instaes Pascharis, Rogier Seigneur de Lichteruelde, Sothier de Tróchienes, Seigneur de Neelle, Gherard de Ghistelle, Daniel de Rosbecke, Guillaume van Straten, Iehan van Poeluoer, Simon de Maelftede, Rogier de Weruyc, Gherard de Morfelle, Iehan de Massene, & Raesse van Herpe cheualiers. Iehan van Yshoue, Ghysebrechr de Lenregghien, Iehan vande Moere, Gherard de Maisuyes, Daniel de Tróchienes, Iehan van Herffele, Arnould Barnaige, Iean van Vuytkerke, Hughe van Steeland, Loonis van Moerkerke, Hughe

Hughe van Eydele, & Jean van Locre, escuyers. Et encôires que la susdicte alliance ne fust guerres agreable au Côte Louys de Flandre, a raison que par icelle la cōmunaulté s'oblegeoit & s'entremettoit de plus q̄ ne luy appartenoit oultre ce que ledict Conte Louys estoit du tout du costé du Roy de France, si est-ce que estant lors detenu, il failloit que ledict Conte dissimulast, soy reglant conformement aux occurrences & a la necessité lors presente. Et suyuant ce pour satsfaire a ladicte alliance, ledict Conte Louys fit forger a Gand vne blanche monnoye sur laquelle d'un costé estoit escript, *Ludonicus Comes Flandria*, & d'autre costé *Louanium*. Cōme aussi reciproquement, ledict Duc de Brabant forcé semblable monnoye, ou d'un costé estoit, *Johannes Dux Brabantie*, & de l'autre, *Gandaunum*. Ce pendant le Conte Louys, lequel nonobstant la bonne mine qu'il mōstrois, n'estoit vn seul brin content d'estre ainsi detenu, & gouuerné, a l'appetit de ses propres vassaulx, cherçoit toutes voyes a luy possibles pour soy retirer d'estre leurz mains. Pour a quoy paruenir, s'aduifa de prier plusieurs dames & damoiselles de Gand, pour le lendemain venir disner avec luy, faisant faire vn merueilleux appareil d'un magnificque banquet: mais le jour dudit banquet venu, apres ouy la messe, ledict Conte Louys dist, qu'il auoit volenté d'aller vōller vn heron auant disner, & faisant semblant d'estre en ce empesché, print la fuite & se retirā en France vers le Roy Philippe, lequel fit renouueller le ces au païs de Flandre, qu'il molestā depuis grandement par ceux qu'il auoit laissé en garnison dens la ville de Tournay.

Rafé du Conte Louys pour se mettre hors du pouoir de ceux de Gand.

Le Côte Louys se retire vers le Roy de France.

De l'entrée du Roy d'Angleterre au pays de Flandre. Et comment le susdict Roy enuoye au secours de ceulx de Flandre le Conte de Salzbery, lequel avec plusieurs Anglois & Flamens est deffait par le Seigneur de Ronbais pres Lille, de la bataille marine des Anglois & Franchois. Et comment le Roy d'Angleterre vint en personne en Flandre, ou il est par-tout benignement recēu.

CHAPITRE CLVIII.

XXX

D'A



'A V T R E costé, le Roy Edouard d'Angleterre, retournant d'Allemagne avec grand puissance, print son chemin par Hainault, & tira vers France, gastant & d'estruisant tout le pais d'entour Cambray, ou le Roy Philippe de France, vint le rencontrer avec merueilleuses forches, jusques a Bonnefosse, guerres loing du lieu que les Anglois auoyent choyssi pour leur logis. Et estoit ledict Roy en bonne volonte de marcher plus auant, pour liurer la bataille ausdicts Anglois, mais il luy fut desconseillie, sous pretext qu'il estoit Vendredy, que ses cheuaux n'auoyent encoires assez repose, & que le chemin, qui menoit vers lesdicts Anglois, estoit aspre, difficile, & estroit. Depuis lequel temps, le Roy ne trouua jamais commodite de venir en bataille, jusques au jour qu'elle fut commise, a sa grand perte & deshonneur, selon que voirez cy apres, & ayant deffait son camp, retourna en son Royaume de France. Mais l'Anglois, poursuyuant sa pointe, courut tout le plat pais, jusques a Saint Quentin, mettant tout ce qu'il trouuoit en chemin au feu & a l'estpee, & peu apres se retira par Therace vers Flandre, ou il sejourna aucuns jours, tant pour raffreschir ses gens, comme pour confirmer les Flamens en sa deuotion & alliance, promettant ausdicts Flamens, leur enuoyer de briefvn notable secours, comme de faict estant retourné en Angleterre il leur enuoya, sous la conduite du Conte de Salsebery : lequel venu en la ville de Gand, receut le serment de ceulx de Flandre, pour & au nom dudit Roy d'Angleterre son Seigneur, & suyuant ce, la Royne d'Angleterre que auoit este bonne espace de temps en la ville d'Anuers, se transporta par ordonnance du Roy Edouard son mary audit Gand. Ce pendant, le Roy Philippe de France, infestoit grandement par continuelles courtes de ceulx qu'il auoit laisse en garnison a Tournay, Dont estoit capitaine Messire Godfroy de Foy, tout le plat pais au-tour d'Audenarde & Courtray, brullantz & s'accageantz toutes, que leur pouoit tomber entre mains, & ne obmettants aucun ex-
 ploict.

Le Roy d'Angleterre gaste le
 pays de France.

Ceulx de Flâdre
 font serment au
 Roy d'Angleterre.

ploit de guerre, duquel vn ennemys mortel, est accoustumé s'aydier & seruir. Pour contreuenge de quoy, le Conte Guillaume de Hainault, fit semblablement plusieurs courtes autour de Cambresis, de sorte que la pouure pais auoit de tout costé merueilleusement a souffrir, mesmes la chastelenie de Lille, en laquelle les Flamens avecq aucuns Anglois, sous le conduicte dudit Conte de Salsbery, estoient entrez, auoyent delia prins & s'accagé la ville d'Armentiers, qui faisoit plusieurs gros dommaiges au quartier d'Ypre, & se prepa-royent pour venir assieger la ville de Lille. Mais passant par Marquette, lesdits Flamens & Anglois furent assaillis a l'impourueü, & mis en fuyte & desarroy, moyennant la ruse & vaillantise du Seigneur de Ronbaix, capitaine de la garnison dudit Lille, lequel print prisonniers en ladicte rencontre, ledit Conte de Salsbery, lieutenant pour le Roy Edouard d'Angleterre en Flandre, le Conte de Suffolck, Guillaume Seigneur de Mortaigne & aultres, lesquels furent conduicts sous seure-garde a Paris, vers le Roy Philippe, & par le commandement d'iceluy Roy, constituez en diuerses prisons. En ladicte deffaicte, se trouua entre les occis, vn vaillant capitaine Anglois, appelé Messire Guillaume de Cleman, lequel fust extremement regretté, tant des Flamens que desdits Anglois. Lesquels enuoyèrent en toute diligence, vers leur Roy Edouard, pour le aduertir de la susdicte fortune, affin qu'il pensast a ses affaires de bonne heure, & auant que les Flamens destituez de chief, & estonnez de la susdicte perte, faissants son alliance, adherassent au Roy de France. Veu principalement les chauldes & instantes poursuytes, qu'a ces fins leur estoient faictes, non seulement de la perte desdits Franchois, mais aussi du Conte Louys mesme, leur Prince & Seigneur naturel. Suyuant quoy, ledit Roy Edouard, fist frerer & equiper ses nauires, & peu apres se mit sur mer, accompagné de bon nombre de Princes, Seigneurs, & soldats, faisant singulier vers Flandre, mais en chemin il fut

La ville d'Armentiers prise & saccagée par les Flamens.

Deffaicte des Flamens & Anglois par le seigneur de Ronbaix, pres Lille.

Le Côte de Salsbery & autres prisonniers par ledit Seigneur de Ronbaix & enuoyez en France.

Bataille marine
entre les Fran-
chois & An-
glois.

Le Roy d'An-
gleterre apres
la deffaicte des
nauires fran-
choises descend
a l'Escluse.

Le Roy d'An-
gleterre benig-
nement receu
en Flandre.

Le Roy d'An-
gleterre par
l'aduis des Fla-
mens moleste
la France par
deux costez.

bien viuement & a l'impourueü assailly des nauires Fran-
choises, que le Roy Philippe de France auoit expresse-
ment fait mettre en ordre pour empescher audict Edo-
uard le passaige de Flandre: de maniere, qu'au moyen de
ce, se commit lors vne des rudes & cruelles batailles ma-
rines, dont on ouyt oncques parler, dont la victoire de-
moura finablement aux Anglois, & moururent en ceste ren-
contre, Hughe Quirent, & Nicolas Buschet, & bien tren-
te mille que Franchois, Normans, Geneuois & aultres,
qu'estoyent venus au secours du Roy Philippe: encoire
que ce ne fust sans trefnotable perte du Roy Edouard, le-
quel acaptá tant chier ceste victoire que il auoit, a mon
aduis trop plus de matiere de soy douloir & plaindre d'i-
celle, que de grande allegresse, car il perdit en icelle la
fleur de la noblesse Angloise, & bien neuf mille des plus
gentils compaignons de sa troupe. Oultre ce que luy
mesmes fut griefuement blessé en la cuiße, & descendit
jusques a l'Escluse, se tenant aucuns jours en ses nauie-
res ou le vint visiter, la Roine d'Angleterre sa femme,
& auecques elle, le susdict Jacques d'Arteuelde capitai-
ne des Ganthois. A la persuation duquel, ledict Roy E-
douaerd descendit peu apres de ses nauires, & vint es
villes de Flandre, ou il fust partout receu moult benig-
nement, & auec grand feste: appellant en toutes as-
semblées & communications, les capitaines desdicts Fla-
mens, par l'adueu desquels, il delibera d'assailir le Roy-
aulme de France par deux costez: sçauoir, par cestuy
de Tournay, & par Saint Omer. Dont aduertý le Roy
Philippe de France, assembla hastiuement ses forches,
& enuoyá le Conte d'Eu connestable de France, le Con-
te de Foix, le mareschal Bertrand, auec quatre mille
hommes a Tournay. Et puis enuoyá le Duc de Bour-
goingne, & le Conte d'Arminack auecq six mil hom-
mes a Saint Omer, demeurant auecq sa bataille en-
tre eulx & Arras, pour pourueoir ou la necessité l'ap-
pelleroit.

Cam-

Comment le Roy d'Angleterre assisté des Flamens, mit son siege deuant la ville de Tournay. De la deffaicte des Flamens & Anglois par le Duc de Bourgoigne pres Sainct Omer: du cartel que le Roy d'Angleterre enuoye au Roy de France, & la responce sur iceluy. Et comment estants les deux Roys en terme de liurer bataille l'un a l'autre: Madame Iehenne de Vallois trouua pratique de moyenner vne trefue d'un an entre eux.

CHAPITRE CLIX.



E pendant le Roy Edouard d'Angleterre, tira en personne avec partie de son armée, assisté des Duc de Brabant, Conte de Hainault & plusieurs autres Princes, ensemble de ceux de Gand, sous leur capitaine Jacques d'Arteueld, vers Tournay, laquelle ils assiégerent, qui fut cause que le Roy de France, lequel estoit demeuré pres d'Arras, avec le principal de son armée, descendit pour secourir lesdicts de Tournay jusques au pont a Bouines, ayant en sa compagnie, & pour son assistance, le Roy Jean de Bohême, le Roy Louys de Navarre, le Duc Jean de Normandie son fils, le Duc de Bretagne, le Conte de Flandre, & plusieurs autres Princes & grandz Seigneurs. D'autre costé Messire Robert d'Artois avec aucuns Anglois, que le Roy Edouard d'Angleterre luy auoit laissé, suyuis de ceux de Bruges, d'Ypre, du Franc, & tout le Westquartier tira vers Sainct Omer, & eust peu apres bataille contre le Duc de Bourgoigne & le Côte d'Arminack & autres, que le Roy de France auoit enuoyé celle part, lesquels misrent en fuite, ledict Messire Robert non sans grand perte de plusieurs Flamens & Anglois, dont le demeurant se retira avec ledict Messire Robert vers ledict Roy Edouard deuant Tournay. Au moyen de quoy, lesdicts Franchois victorieux, coururent & gastèrent tout le plat pais, jusques a Bruges. Qu'esmeut ledict Roy Edouard a vne chelere tant extreme, qu'il rescriuit incontinent au Roy Philippe de France, vnes lettres en forme de cartel, dont la teneur s'ensuyt de mot a autre. De par le Roy de France & d'Angleterre Seigneur d'Yrlande. Sire Philippe de Val-

La ville de Tournay assiegee par le Roy d'Angleterre assiste des Flamens.

Le Roy de France avec autres Roys & grands Princes vint au secours de ceux de Tournay.

Deffaicte des Flamens & Anglois pres S. Omer, par le Duc de Bourgoigne.

Xxx iij. loys,

Cartel du Roy
d'Angleterre,
au Roy de Fra
nce.

loys, par long temps vous auons' pourfuyuy par messagiers, „
& en plusieurs aultres manieres, affin que vous nous fîs- „
siez raison, & que vous nous rendissiez nostre droict heri- „
tage du Royaume de France, lequel vous nous avez loing „
temps occupé a force. Et pour ce que nous voyons „
bien que c'esta grand tort, & que vous entendez perseue- „
rer a nostre jniurieuse detenue, & sans nous faire raison „
droicturiere, nous sommes entrez en la terre de Flandre, „
comme souuerain Seigneur d'icelles & passez parmy le „
païs : & vous signifions que prins auons l'ayde de nostre „
Seigneur Iesus Christ, & du droict avec le pouoir dudit „
païs, & avec noz gens & aliez, regardant le droict qu'auons „
en l'heritaige que vous nous detenez a grand tort, nous „
nous retirons deuers vous, pour mettre fin a nostre droictu- „
riere demande, & callenge, si nous voulons approcher. Et „
pour ce que si grand multitude de gens d'armes qui vieng- „
nent de vostre party, ne se pourroyent mie tenir si longue „
ment ensemble, sans faire grande destruction au peuple, „
& a tout le païs (laquelle chose chascun bon Chrestien „
doit euitier, & specialement Prince a aultre Prince, qui se „
tient pour gouuerneur & principal capitaine de gens d'ar- „
mes) nous desiderons moult qu'a briebs jours se print „
la fin, pour euitier mortalité & occision de gens (aussi „
que la querelle est apparoissante a vous & a nous a la de- „
struction de nostre calenge) & se cessast entre nous deux. „
Laquelle chose nous vous offrons, pour les choses dessus- „
dictes, combien que nous pensons bien la grand nobles- „
se de vostre corps, sen & aduisement. Et au cas que ne „
voudriez ceste chose, que adoncq fust mis en nostre cal- „
enge, pour affirmer bataille de vous mesmes avec cents „
personnes de vostre part, des plus suffisans, & nous mes- „
mes a aultre tout pareillement, & si vous ne voulez vne „
voye ou aultre, que vous nous assignez certain jour de- „
uant la ville de Tournay, pour combattre puissance con- „
tre puissance, dedans dix jours apres la date de ces pre- „
sentes lettres. Et les choses dessusdictes voulons estre cog- „
neuës par my tout le monde, & qu'en ce, est nostre desir, „
non pas par orgueil, ne par oultrecuydance, mais a celle „
fin

« fin que nostre Seigneur mettre repos de plus en plus entre
 « les Chrestiens, & la voye que sur ce voudrez eslire des
 « offies dessus dictes, rescriuez nous par le porteur de ces
 « lettres, en luy faisant hastiue deliurance. Donné soubz
 « nostre grand scel, a Lesclin sur l'Escu pres Tournay,
 « en l'an de grace mil trois cents quarante, le vingtiesme L'an M.
 jour de Iuliet. Sur lesquelles lettres, ledict Roy Phi- CCC.
 lippe de France, renuoya audict Roy Edouart la respon- xl.
 se que auons icy couché de mot a l'autre. Philippe par
 la grace de Dieu Roy de France a Edouard Roy d'An-
 gleterre. Nous auons veu vnes lettres enuoyées a Phi-
 lippe de Vallois apportées en nostre court, & esquelles
 lettres estoient aucuns requestes : mais pour ce que les-
 dictes lettres ne venoyent pas a nous, ledictes requestes
 aussi n'estoyent pas faictes a nous, comme il appert par
 le teneur desdictes lettres, & pourtant ne vous en fai-
 sons aucune response : toutefois, pour ce que nous a-
 uons entendu, tant par ledictes lettres que autrement,
 que vous estes embatu, & entré en nostre Royaulme de
 France, & portant grand dommaige a nous & a nostre
 Royaulme & au peuple, meu de volonte, sans point de
 raison, & non regardant ce que homme lige doit regar-
 der a son droict Seigneur (car vous estes entré en nostre
 hommaige, en nous cognoissant (si comme raison est)
 Roy de France, & promis obeissance telle qu'on le doit
 promettre a son Seigneur lige, si comme il appert par
 voz lettres patentes, sceillées de vostre grand scel, lesquel-
 les nous auons par deuers nous) Nostre entente est telle,
 quand bon nous semblera, de vous chasser hors de no-
 stre Royaulme, a l'honneur de nous & de nostre mage-
 sté Royale, & au prouffit de nostre peuple, & de ce fai-
 re nous auons ferme esperance en Iesus Christ, dont tous
 biens nous viengnent. Car par vostre entreprinse, qui
 est de volonte, non pas raisonnable, a esté empesché le
 Sainct voyaige d'oultre mer, & grand quantité de Chre-
 stiens mis a mort, & le seruice de Dieu appetissé,
 & Saincte Eglise aornée de moins de reuerence, &
 de ce que vous cuydez auoir les Flamengs a vostre ay-
 de,

Response du
 Roy Philippe
 de France au sus
 dict cartel d'An-
 gleterre.

de, nous cuidons estre certains que les bonnes villes & communes se porteront en telle maniere, par deuers & enuers, nous & nostre cousin le Conte de Flandre, qu'ils garderont leur honneur & loyauté, & de ce qu'ils ont mespris, jusques a ceste heure cy, a esté par mauuais conseil de gens, qui ne regardoyent le prouffit du commun, mais au prouffit d'eux seulement. Donné sur les champs au prieure Saint Andry, pres Aire sous le seel de nostre secret, en l'absence de nostre grand seel, le trentiesme jour de Iuliet, l'an mil trois cents quarante. Sur ces entrefaites ceux de Tournay, qu'estoyent reduits en extreme necessité de viures & de toutes autres choses requises en vne ville assigée, enuoyèrent deuers le Roy Philippe pour secours, que leur enuoyá le Duc d'Athenes, le Viconte de Thouars, les Seigneurs d'Auxerre, Craon Clisson, Saint Venant & aultres, avec deux mil hommes, pour rautaglier la ville, lesquels neantmoins prouffitèrent bien peu. Au moyen de quoy le dict Roy Philippe enuoyá lesdicts Seigneurs, avec renfort d'autres quinze cents soldats, vers le mont de Cassel, ordonnant qu'ils missent partout le feu, sous espoir qu'il auoit, que ledict Roy Edouard, pour assister ses confederes, leueroit sondict siege, & se transporteroit vers ledict Cassel. En quoy neantmoins ledict Roy Philippe se trouua frustré & deceu, pour autant que nonobstant ce que dessus, ledict Roy Edouart continuoit en sondict siege, qui fut cause, que le Francois, approcha de plus pres, avec deliberation ou de faire leuer le susdict siege, ou deliurer bataille ausdicts Anglois & Flamens. Et se tindrent les deux armées par plusieurs jours prestes a combatre, ce que finalement eust adueni, au grand detrimet de la republique Chrestienne, pour ce que lors estoit illec assemblée en faueur tant de l'un que de l'autre, la fleur de la cheualiere Chrestienne, ne fust esté la diligence, & vrayement heroicque prudence de Madame Jehenne de Vallois, Contesse de Hainault, vesue de feu Guillaume de Hainault, laquelle estoit sœur dudit Roy Philippe de France, & auoit sa fille mariée audit Roy d'Angleterre, & s'estoit depuis le decés de son mary, rendue religieuse a Fontenelles, laquelle

Ceux de Tournay reduits en extreme necessité enuoyés vers le Roy de France pour secours.

L'armée de France s'approche de celle d'Angleterre, & se tiennent toutes deux prestes pour liurer la bataille.

laquelle dame vint & allá tant de fois, au camp de l'un & l'autre desdicts Roys, pour practiquer aucun bon appoinctement, entre iceux, que finablement ils s'entredonnerent jour de parlement aux susdictes fins. Lequel jour venu, Jacques d'Arteuelde capitaine desdicts Flamens, dict audict Roy d'Angleterre : que s'ils n'estoyent compris audict appoinctement, qu'estoit apparant d'ensuyuir, il ne le quitteroit jamais du serment, du quel il estoit vertueux tenu & oblegé. Sur quoy ladicte Contesse Iehenne, qui craindoit merueilleusement que ne sourdist aucun empeschement au bon ceuvre qu'elle auoit entrepris, remonstra au Roy d'Angleterre le grand tort qu'il auroit, & la notable perte & domage dont il seroit cause, si pour respect d'un vilain, tel qu'estoit ledict Arteuelde, il souffroit que le sang de la plus grande noblesse du monde, fust en danger d'estre lors espandu, besoingnant au reste de sorte, que des deux costez furent incontinent designez les deputez, pour debatre les articles de l'appoinctement lors en question. Et furent du costé de France commis ausdictes fins, le Roy de Boheme, le Conte d'Arminack, le Conte de Sauoye, Messire Guillaume de Sauoye, & Messire Nule de Noyers : & du costé de Anglois & Flamens, Messire Guillaume de Thionne, l'Euesque de Lincole, le Seigneur Godfrey Scorq, Jean de Hainault oncle du Conte Guillaume le Seigneur de Cuuc & le Seigneur d'Antoing. Lesquels assemblez traictèrent vne trefue d'un an, sur les conditions suyuantes : Sçauoir, que le Roy Philippe restitueroit au Roy d'Angleterre le pais de Gascoingne & d'Acquitaine, ensemble la Conté de Poitou, moyennant toutesfois certains conditions lors diuisées. Que le ces fulminé sur Flandre seroit releué, & l'interdict relaxé. Que ceux dudit Flandre, seroyent deschargez de toutes obligations pour les traictés passez, & aussi de toutes restes, qu'ils pouoyent deuoir pour raison d'iceulx. Que toutes offenses leur seroyent pardonnées. Et outre ce, que le Roy de France s'obligerait pour luy & ses successeurs de non jamais verser par les Euesques de fulminations ny de ceusures sur Flandre. Dont furent *hinc inde* faictes & données lettres du

Y y y mois

Les deux Roys de France & d'Angleterre s'entre donnerent jour de parlement pour traicter de paix au moyen de l'intercession de Madame Iehenne de Vallois.

Propos eudaceux de Jacques d'Arteuelde au Roy d'Angleterre.

Responce de Madame Iehenne de Vallois sur les propos dudit d'Arteuelde.

Traicté d'abstinence de guerre entre France Flandre & Angleterre, pour le terme d'un an.

mois de Septembre en l'an mil trois cents quarate. Et moyennant ce, se deffirent lesdits deux camps, retournant le Roy de France a Paris, & cestuy d'Angleterre vers Gand: apres auoir leué son siege, qu'il auoit tenu deuant Tournay trois mois continuels. Et fut le ces leué dudit pais de Flandre, par l'Euesque de Senlis.

Comment le Conte Louys retourna vers Gand, & voyant le peu d'obeissance que luy prestoyent ceux de Flandre, se retirá de rechief en France: des seditions intestines de ceux de Gand, de la mort de Jacques d'Artevelde, lequel auoit mis secretement en son logis cinc cents Anglois pour contraindre les gens de bien de recevoir pour leur gouuerneur le fils du Roy d'Angleterre, avec plusieurs autres choses memorables.

CHAPITRE CLX.

Le Conte Louys de Flandre retourne vers Gand.



Contemnement des nobles en Flandre.

Ev apres ladicte trefue, le Conte Louys de Flandre retourna semblablement a Gand, ou il eust plusieurs propos familiarment avec le Roy Edouard, lequel il festoya, avec toute la grandeur & magnificence, dont il se pouoit auiser: comme aussi d'autre coste, ledict Roy d'Angleterre faisoit tout extreme deuoir de persuader & attirer ledict Conte Louys a son alliance, ce que neantmoins ne luy fust aucunement possible. Au moyen de quoy, il se retirá vers Angleterre, estant conuoyé & conduit par ledict Conte Louys, jusques en la ville de Bruges, ou il s'embarqua pour l'Escuse, faisant d'illec voyle vers sondict Royaulme d'Angleterre, ou nous le laisserons, pour vous declairer que ce pendant ledict Conte Louys faisoit tout son possible, pour acquerir & se redintegrer en l'amitie & bonne affection de ses subjectz: mais voyant le peu qu'il prouffitoit, mesmes qu'en leur manieres de faire, les Flamens monstroyent auoir en trop plus singuliere estime & recommandation, Jacques d'Artevelde & autres leur capitaines, que ledict Conte Louys leur Prince, & Seigneur naturel, & que au moyen de ce, les nobles & gens de bien du pais estoient

yent partout mesprifez & rejetez, il retourna en France, qui fut cause. A raison aussi que justice estoit audict pais du tout bannié & abolie, que plusieurs partialitez & diuisions n'aïssoyent journellement, au pais de Flandre, & signamment entre ceux d'Ypre & de Poperinghes, sous pretext que lesdicts d'Ypre maintenoyent, que jceux de Poperinghes, contrefaisoyent leurs draps. Et sur ce chacun d'eux assembla bonne troupe de gens, & apres plusieurs courses & pilleries, ils s'entredonnerent finalement bataille ou moururent plusieurs tant d'un costé que d'autre, en la fin toutesfois lesdicts d'Ypre obtindrent la victoire & reduisirent ceux de Poperinghes sous leur pouoir & subjection. D'autre costé le Roy Edouart d'Angleterre, le terme des susdictes trefues expiré, vint en personne avec grande armée au pais de Bretagne, contre lequel le Roy Philippe enuoya le Duc de Normandie son fils, de maniere que tout le pais circumuoy sin estoit en grande ruyne, misere & calamite. Pour a quoy obuier, & afin de mettre fins a leurs querelles, lesdicts Roys de France & Angleterre s'entre assignerent jour & lieu de bataille. Auant laquelle le Pape Clemēt enuoya deux Cardinaux, afin d'empescher la grā de destruction, que par la susdicte bataille il voyoit preparée, avec irreparable interest de toute la Chrestienté. Lesquels Cardinaux pour les difficultez qu'ils trouuoient au faict de paix, moyennèrent entre lesdicts Roys trefues de trois ans, aux conditions subsequentes: sçauoir, Que lesdicts deux Roys, enuoyeroient leurs ambassadeurs vers le Pape Clement, pour illec par chascun d'eux respectiuemēt estre mōstré, son droit & justice, en attendāt sur ce la declaration & ordonnance d'iceluy Pape. Qu'en lesdictes trefues seroyent cōprins tous les allies & cōfederez desdicts deux Princes, & notāment ceux de Flandre tenāts le party d'Angleterre, sous condition toutesfois qu'ils receueroient leur cōte, & par nouuel sermēt le tiendroyēt a Seignr, cōme de faict, estāt ledict Côte ausdictes fins retourné en Flādre, ils firēt luy promettants toute loyauté & obeissance. Nonobstant quoy ledict Côte, voyāt les termes que journellement luy tenoyent ledict Arteuelde, & autres capitaines, se retirā

Le Côte Louys
retourne en Flādre
ce pour ce
qu'il n'est o-
bey en Flandre.

Diuisions entre
ceux d'Ypre &
Poperinghes.

Ceux de Poper-
ringe reduits
sous le pouoir
de ceux d'Ypre

Trefues entre
Frāce & Angle-
terre sous les-
quelles sont cō-
prins ceux de
Flandre.

Nouuel sermēt
de ceux de Flā-
dre au Côte Lo-
uis leur Seig-
neur.

Yyy ij

itera-

Protestatiō du
Roy d'Angle-
terre deuant le
Pape Clement
en Auignon.

Le Conte de
Salisbury se de-
part de l'obeis-
sance du Roy
d'Angleterre,
pour ce qu'en
son absence il
auoit mesusé
de sa femme.

Le Roy d'An-
gleterre vint a
l'Escluse esperā
faire receuoir
en Flandre son
filz pour gou-
uerneur.

iteratiuement en France. Ce pendant lesdits deux Roys, enuoyèrent suyuant le traicté des trefues dernieres, en Auignon, leurs ambassadeurs. Ou le Roy d'Angleterre, fit expressement protester & declairer, ne vouloir aucunement communiquer, & beaucoup moins entrer en aucune paix, obstant qu'il maintenoit les susdictes trefues, auoir par le Roy Philippe de France, esté rompues & enffrainctes, au moyen de l'execution, que durant icelles, il auoit faict faire, de Messire Oliuier Cliftsoen, Godefroy de Malestray, & autres ses alliez: mais affin que entendiez la source de ce nouuel debat, & l'occasion de ladicte execution, fault que sascchiez, que pendant lesdictes trefues, sourdit grand different entre ledict Roy Edouart d'Angleterre & le Conte de Salisbury, & ce pour autant que ledict Conte, auoit esté aduertie que le Roy d'Angleterre, en son absence, & estant pour son seruice empesché en l'expediciō de Bretagne, auoit mesusé de sa femme. Laquelle partant ledict Conte estant de retour, il repudia promptement, mesmes pour soy vanger de cest oultrage, laissant le party dudit Roy d'Angleterre son Seigneur, se transporta, & fit alliance avec le Roy de France, duquel il fut receu moult humainement & amiablement, & auquel il reuelā & descouurit plusieurs secretes alliances, que ledict Edouart, auoit contraictées avec plusieurs nobles tant de Bretagne que de Normandie & aultre part, desquels il monstra audit Roy Philippe les lettres & seaux. Lequel Roy Philippe de ce grandement esmerueillé, & irrité, fit incontinent prendre & decapiter bonne part desdicts Seigneurs, & entre autres les dessus nommez, qui fut cause de la susdicte protestation, & declaration faicte en Auignon deuant le Pape Clement par les ambassadeurs dudit Roy d'Angleterre. Au moyen de quoy, ladicte journée & communication se rompit, & recommença la guerre entre les deux couronnez assez plus aspre, & vehemente que jamais. Pour a laquelle mettre ordre, ledict Roy Edouard arriua avec gros nombre de nauires a l'Escluse, sous espoir qu'il auoit, d'estre fauorisé des Flamens selon que autres fois il auoit esté mesmes que lesdicts Flamens

rece-

receueroient son fils (que lors il auoit mené avec luy) pour leur Seigneur & gouuerneur . En quoy neantmoins il trouuá assez plus d'empeschementz qu'il ne s'estoit promis & attendu . A raison principalement des seditions , & partialitez que ceux de Gand auoyent lors , les vns contre les autres , & signamment les foullons contre les tisserans , & autres mestiers . Lesquels finablement s'assemblerent sur vn Lundy au mois de May , de l'an mil trois cents quarantequatre , au marché , qui s'appelle le *wydaechsmert* . Ou apres vn tresápre conflict , qui durá quasi tout le jour , non sans abundante effusion de sang d'un costé & d'autre , les tisserans furent en fin superieurs . Lesquels ayants occis plus de quinze cents foullons , chassèrent les autres dudit mestier , hors de la ville , & reduisrent ledit mestier de foullons a neant , comme il est encoires pour le jourdhuy , & fut a raison de ladicte effusion de sang le susdict Lundy , appelle *Den quaden maendach* , cest a dire le mauuaix Lundy . Nonobstant quoy , & sans auoir esgard aux tumultuations de la pouure ville , ledit Jacques d'Arteuelde , capitaine des mutins dudit Gand , taschoit a son possible , & practiquoit en toute extremité vers lesdicts de Gand , la reception dudit fils du Roy d'Angleterre pour leur gouuerneur . Remonstrant ausdicts de Gand , que ainsi le deuoyent faire , & mesmes rejette du tout de ladicte Conté de Flandre , le Conte Louys leur Seigneur naturel , jusques a ce que ledit Conte Louys , eust fait faulx & hommaige audit Edouard Roy d'Angleterre , comme & en qualité de Roy de France . En quoy touteffois luy contredisoient , & s'opposoyent , manifestement les gens de bien & d'honneur dudit Gand , portez & confortez par Gherard Denys , Doyen des tisserans d'illec , disants & declairants ouuertement , que pour mourir , ils ne consentiroient jamais au desheritement de leur Prince naturel , que fut cause , que ledit Jacques d'Arteuelde craindant les forches desdicts gens de bien , dissimula pour quelque temps , practiquant ce pendant , l'assistance de cinc cents Anglois , qu'il fit secretement conduire dudit l'Escluse dans ladicte ville de Gand , les receuant le plus couuerte-

Seditions intestines en la ville de Gand.

L'an M. CCC. xliiij.

Les tisserans apres auoir occis quinze cents foullons chassèrent les autres hors la ville de Gâd , & reduysent a neant ledit mestier de foullons.

Den quaden maendach.

Jacques d'Arteuelde s'efforce de persuader a ceux de Gand la reception du fils d'Angleterre pour leur gouuerneur.

Gherard Denys tient le party du Conte Louys contre ledit d'Arteuelde , disant que jamais il ne consentiroit au desheritement de son Prince naturel.

Jacques d'Arteuelde pour mener a fin son entreprinse , fait venir secretement en son logis cinc cents Anglois.

Y y iij

ment

ment qu'il fut possible dans son logis, en intention d'espier l'opportunité & temps, pour occire & mettre en pieches ledict Gherard Denys, & autres qui ne seruoient (selon son aduis) que d'empeschement & obstacle a l'execution de sadieste entreprinse. Dont aduert y ledict Gherard, voulant preoccuper son ennemy, assembla lesdicts tisserans, & le plus de gens de bien que luy fut possible finer, pour cest exploict, moyennant l'ayde desquels il vint trouuer ledict Jacques d'Arteuelde en son logis, lequel il occit luy mesme avec bon nombre des susdicts Anglois, au mois de Iullet audict an quarantequatre. Au moyen de quoy, ledict Roy d'Angleterre, considerant le peu d'esperance que deormais luy deuoit rester, en la pretension & poutsuyte que dessus, retourna en Angleterre, mais auant partir, les Flamens luy promirent de demourer ses allies, ensemble de luy donner viures, & passaige par Flandre, toutes les fois qu'il y voudroit venir & passer. Voires, & que plus est, aucuns historiens estiment & tiengnent, que lesdicts Flamens promirent lors, & outre ce que dessus, audict Roy d'Angleterre, que jamais ils n'obeyroient au Conte Louys leur Prince naturel, si preallablement il ne luy auoit faict hommaige, comme a Roy de France.

Gherard Denys avec l'ayde des tisserans occit Jacques d'Arteuelde, & la meillieur part des Anglois qu'il auoit faict entrer en son logis.

Renouuellement d'alliance des Flamens avec le Roy de Angleterre.

Comment le Conte Louys aduert y de la mort de Jacques d'Arteuelde, retourna iteratiuement vers Flandre. De la prinse de Tenremonde & autres villes par les Ganthois, & de la memorable bataille de Cressy, ou ledict Conte Louys fina ses jours en combattant vertueusement.

CHAPITRE CLXI.

Le Conte Louys aduert y de la mort de Jacques d'Arteuelde de retourne vers Fladrie espierant d'y estre pour l'aduenir mieuz obey.



NCONTINENT apres la mort dudiect Jacques d'Arteuelde, le Conte Louys retourna en grande diligence vers Flandre, & voyant, que il ne pouoit venir au dessus de ses subiects, mesmes contre l'esperance qu'il auoit menee de trouuer audict Fladrie, par la mort dudiect Arteuelde, toutes choses changees, & a son grand auantaige, enuoya vne bon-

ne bonne garnison de gentils-hommes en la ville de Tenremonde. Dont aduertis & grandement troublez ceux de Gand, vindrent avec forches deuant ladicte ville, laquelle ils obtiendrent par appointement, que fit avec eux le Duc de Brabant, lequel auoit practiqué que ladicte garnison s'en pourroit retourner payiblement, & sans aucun dommage. De la lesdits de Gand tirerēt a Hulst, dudit Hulst vers Axele, ou le Conte auoit pareillement enuoyé quelque garnison. Laquelle lesdits de Gand rencontrèrent & deffirent assez legierement, & occirent en ceste rencontre Messire Florens de Brugdamme, Messire Franchois Vilain, & plusieurs autres, au grand regret & mescontentement du Conte Louys, lequel en l'an trois cents quarante six, fit touchant Malines, nouuel accord & appointement avec le Duc Jean de Brabant. Par lequel ledict Côte accorda audict Duc, & se cōtenta de luy laisser la part a luy appartenante en la ville de Malines, pour la sōme de quatrevingts six mille cinc cents Reaux dor: moyennant toutefois, que ledict Duc de Brabant obtint au nō dudit Conte Louys, dispenſe du Pape, du serment qu'il auoit fait a l'Euesque de Liege de jamais separer Malines de la seignorie de Flādre. Ce que ledict Duc promit de faire, comme aussi depuis il l'impetra, nonobstant l'empeschement qu'en ce s'efforçoit luy donner, ledict Euesque & le chapitre de Liege. Ce fait le dict Conte, schaschāt la necessitē, en laquelle le Roy Philippe de France estoit, se retira vers iceluy Roy Philippe. Et ce pendant les Flamēs aduertis, du bon & heureux succes, & chemin, q̄ prendoyēt les affaires d'Angleterre en la Normandie, firēt vne merueilleusemēt grand assemblée, & assiegēt la ville de Bethune, bruslāt & saccageāt tout le pais circūuoyſin, cōtre lesquels neant moins, se defendirēt moult brusquemēt & magnanimemēt, Ieā de Chastillō, Geoffroy d'Auelin, & le Seigneur de Pōckes, lesquels le Roy auoit la mis en garnison. De sorte q̄ lesdits Flamēs, entendāt peu apres la resolution prinſe, entre les Roys de France & d'Angleterre de s'entredonner bataille, & doubtants que le Roy d'Angleterre n'eust du pire, leuērent ledict siege, & retournerēt chascun a sa chascune. Dont neantmoins,

ils se

La ville de Tenremonde rendue par appointement a ceux de Gand.

Deffaitte de ceux d'Axele par les Gāthois

L'an M.
CCC.
xlvi.

Nouuel accord touchāt le fait de Malines entre le Conte de Flandre & le Duc de Brabant

Le Côte Louys se retire vers le Roy Philippe pour l'assister contre le Roy d'Angleterre.

La ville de Bethune assiegēe par les Flamēs.

Les Flamēs leuent leur siege de la ville de Bethune, & retournent sans rien faire.

La bataille de
Cressy, entre les
Franchois &
Anglois.

Deffaite me-
morable du
Roy de France
par les Anglois

Trepas du Co-
te Louys de Fla-
dre dict de Cref-
s.

En fait de ba-
taille l'on ne
don attendre
aucun pardon
de la faulte,
pour ce que le
vengeur est tou-
siours prest
pour faire son
devoir.

Chose lay de a
vn chef de guer-
re, de dire, je
ny auoye
point pense.

ils se repentirent assez tost lors que leurs vindrent nouuel-
les, du succes de la bataille, desdicts deux Roys. Lesquels
se rencontrèrent avec toutes leurs puissances audict an qua-
rantefix, & s'entredonnèrent la bataille prez de Cressy, en
laquelle les Anglois tindrent & gaignerēt le camp & la vi-
ctoire, avec irreparable perte des Princes & nobles du par-
ty de France, & entre autres de Iean Roy de Boheme des
Duc de Lorreine, Conte d'Alençon frere du Roy, Conte
de Flandre, Conte de Bloys, Conte de Haricourt, & Con-
te d'Ancerrois, avec bien douze cents cheualiers & bon-
ne quantité d'autres, estant ledict Roy Philippe contrainct
de prendre vne honteuse fuite & soy retirer avec le demeu-
rant de ses gens vers Amiens, ou il esperoit de rechief as-
sembler les relicques de ladiete deffaite, & iteratiuement
s'exposer au dangier d'une autre bataille. Mais il ny peust
oncques paruenir, obstant que quelque commandement
ou requeste que fit ledict Roy Philippe a ses gens, chascun
se retira en son logis, faisant refus de retourner pour lors en
vne autre bataille, qui fut cause que ledict Roy se transpor-
ta semblablement vers Paris bien deliberé de son venger
de la perte & honte dernièrement receuës. Dont neant-
moins les historiens rejettent la coulpe sur ledict Roy
Philippe, lequel en ladiete journée de Cressy, sans vouloir
escouter & beaucoup moins ensuyure le conseil de ses
vieux & anchiens capitaines, s'estoit inconsiderement rue
sur ses ennemis, seruant d'exemple a tous autres d'estre
moins eschauffez en affaires tant importants & d'estre plus
enclins a recevoir & obtemperer au conseil des saiges, sig-
namment en matieres de bataille, ou l'on ne doit esperer
aucun pardon ny grace de sa faulte, voire d'autant moins
que le vengeur est tousiours present, lequel ne permet que
l'on luy oste occasion de biē faire son devoir. Au moyē de
quoy se faut soingneusement garder, & preueoir toutes cho-
ses: de sorte, que s'il aduint quelque cas sinistre, l'on ne die
par apres qu'on ny auoit pas penssé, de quoy ne se treuve
chose plus infame ny layde a vn capitaine & chief de guer-
re: Ce que soit dict comme en passant & pour retourner
au Conte Louys, lequel en combattant moult vertueuse-
ment

ment, morust en la susdicte journée de Cressy : entendez qu'estant depuis son corps retrouvé entre les morts, il fut enterré a Saint Rignier pres Abbeville, & de là transporté a Bruges, ou il est enterré en l'Eglise de Saint Donas devant le grand autel. Quant a Madame Marguerite sa veuve, elle vescu long temps depuis & trespassa exttemement ancienne, en l'an mil trois cents quatre vingts trois, & gist a Saint Denis pres ses predecesseurs.

Le Conte Louys dit de Cressy enterré a S. Donas a Bruges.

De l'aduonement de Louys, dict de Malle, a la Conté de Flandre, & comment ledict Louys fut le premier qui en Flandre forgea monnoye d'or, avec autres particularitez.

CHAPITRE CLXII.



O V I S Conte de Fládre, dict de Malle, pour ce qu'il fut né a Male, succeda en l'an mil trois cents quarante six, a Louys de Cressy son pere, es Contez de Fládre de Rethel, & de Nevers. Il eust a femme Madame Marguerite

Pourquoy ce Conte Louys fut appelé de Malle. L'an M. CCC.

seconde fille du Duc Jean de Brabant, & soeur de la Duchesse Iehenne, dont il eust vne seule fille, nommée Marguerite quy luy succeda. Il n'excedoit léage de seize ans, lors qu'il vint au gouuernement de Flandre, & neármoins s'a tousiours porté prudemment, vertueusement & magnanimement. le treuve q ce Conte Louys, ayt esté le premier quy oncques forgeast monnoye d'or au pais de Flandre. A raison de quoy, ay bien voulu subnexer la qualité des pieches qu'il fit forger, scauoir des heaulmes de Flandre de soixantesept au marc de vingt & trois carras & demy Lyons rampans de trentecinc & demy au marc de vingt & trois carras. Autres Lyons de quarantequatre au marc, a vingt & trois carras & demy, Angelots de Flandres de quarantequatre au marc, a vingt & trois carras, escus de Gand de cinquantequatre au marc a vingt & trois carras, & escus de Malines de cinquáte quatre au marc de vingt & trois carras & demy. Ledit Conte Louys eust beaucoup d'affaires pour & en faueur de la couronne de France, contre le Roy d'Angleterre & cõtre ses propres subjects, il fit paix

Le Conte Louys de Malle, le premier de qui forgea monnoye d'oren Flan des.

Z z z avec

avec le Duc Wincelin de Luxembourg, merueilleusement a son aduantaige, & a son grand honneur, suyuant laquelle, il s'attitula tousiours tant qu'il vescu Duc de Brabant, il fit faire la chappelle de Sainte Catharine en l'Eglise de nostre Dame a Courtray, d'une amende en laquelle il condemna lesdicts de Courtray, ou il fonda pareillement aucuns seruices. Il accorda a ceux de Bruges, & leur promist que jamais il ne mettroit sus aucun estaple de biens ou marchandises, en autre ville que audit Bruges, mesmes qu'il priueroit de leurs offices les Baillis, & escheuins de leauë a l'Escluse, toutes les fois qu'ils seroyent trouuez auoir fait contre ledict droit destaple, & qu'il en apparust par cinc escheuins de Bruges, dont il leur donna lettres du deuxiesme d'Aougt, mil trois cents cinquante huiet. Il confirmaussy aux francs monnoyers, le priuilege du Conte Guy, pourueu qu'ils seroyent tenus d'ouuer, garnir, & fournir la monnoye en quelque lieu que bon luy sembleroit, & sy faute y auoit, qu'il pourroit subroguer en leurs lieux tels autres, qu'il luy plairoit, selon ses lettres de l'an mil trois cents, quaranteneuf.

Comment le Roy d'Angleterre aduertý de l'alliance que le Roy de France practiquoit entre le Conte Louys de Flandre & Madame Marguerite de Brabant, vint en diligence vers Gand, pour empêcher le susdict mariage & moyennier cestuy de sa fille avec ledict Conte Louys, nonobstant quoy ledict Conte Louys se maria avec ladicte de Brabant, de plusieurs rencontres, & deffaites que les François & Flamens s'entredonnent, de la prinse de Calaix, & d'autres choses memorables.

CHAPITRE CLXIII.



LE Conte Louys de Flandre, dict de Male, lequel du viuant du Conte Louys, dict de Cressy son pere, s'estoit quasi tousiours tenu en France, peu apres la susdite journée de Cressy, vint au pais de Flandre, ou il fut incontinent en grand magnificence, triumphe, & contentement du peuple, receu par tout, comme Seigneur & Prince naturel, & fust en tresgrande instance requis des trois villes, Bruges, Gand, & Ypre, ensemble de ceux du Franc, que son bon plaisir

Le Conte Louys de Flandre dict de Male, par tout receu en grand triumphe, pour Seigneur de Flandre.

fir fust d'adherer avec eux , & tenir le party du Roy Edouart d'Angleterre, a quoy neantmoins , il ne voulut condescendre , leur remonstrant le peu d'honneur, que luy seroit de s'allier a cestuy, par le faict duquel le feu Conte Louys son pere, auoit en ladicte journée de Cressy, esté sy mallement traicté & occis. Quy fut cause, que lesdicts de Flandre considerantz l'honnesteté de son excuse, ne luy en osèrent pour quelque temps tenir autres propos, jusques a ce, que le Roy Edouart d'Angleterre, quy lors tenoit son siege deuant la ville de Calaix , aduertý du mariaige, que le Roy Philippe de France practiquoyt dudit Louys, avec Madame Marguerite seconde fille du Duc Iehan de Brabant, craignant par ce moyen, perdrel'alliance dudit Duc Iehan, ensemble celle des Flamens, laissant ses gens, deuant ledict Calaix , se transportá en personne en la ville de Gand, & intention de practiquer, par le moyen des villes de Gand, Bruges, & Ypre, le mariaige dudit Conte Louys, lequel estoit aussy lors en ladicte ville de Gand, avec Madame Ysabeau d'Angleterre sa fille. Ce qu'il sceut tellement persuader ausdictes trois villes, qu'elles vouloyent absolument que ledict Conte Louys acceptast ledict mariaige eux fondants en ceste leur pretension, sur l'inestimable prouffit qu'a raison des marchádises, quy venoyét d'Angleterre, ledict pais de Flandre pourroit par le moyé dudit mariaige, journallement recevoir : nonobstant quoy ledict Côte Louys ny vouloit aucunement entédre, dont s'appercheuant lesdicts trois villes, firent soigneusement garder ledict Conte Louys, l'asseurant que jamais il ne partiroit de Gand, que preallablement, il n'eust satisfait a la susdicte leur volonté, & prins ladicte fille d'Angleterre a femme, au moyen de quoy ledict Conte dissimulá pour quelque temps, faisant semblant que finablement touchant ce que dessus, il se laisseroit persuader, mais feignant vn jour entre autres auoir volonté, de voller vn heron, se mit a cheual, & sortist avec ceux quy l'auoyent en garde par la porte de Tenremonde, & estant sur les champs, trouua practique de passer luy troiziesme la riuere, & vint en grande diligence vers le Roy Philippe en la ville de Paris.

Les principales loix de Flandre requierrent le Conte Louys qu'il tiensse avec eux le party d'Angleterre.

Responce du Conte Louys a la susdicte requeste des loix de Flandre.

Le Roy d'Angleterre vint en personne vers Gád pour empescher le mariaige qu'estoit en termes entre le Conte Louys & la fille de Brabant.

Les trois villes de Flandre, voellét que le Conte Louys prende en mariaige la fille d'Angleterre.

Le Conte Louys gardé par ceux de Gand jusques a ce qu'il consentiret audit mariaige.

Le Conte Louys faignant voler vn heron, se retire en toute diligence vers France.

Mariage du
Conte Louys
avec Madame
Marguerite de
Brabant.

Union de Ten-
remonde a Fla-
nde.

L'an M.
CCC.
xlviij.

Le Duc de Bra-
bant distrai-
t de l'alliance
d'Angleterre.

Ou il fut joyeusement & honnorablement receu , & peu
apres fut conclu & solemnisé le mariage de luy, & de ladi-
cte Marguerite de Brabant, au palais dudit Paris, non sans
extreme regret , & indicible creuecoeur du Roy Edouart,
& des Flamens. Pour aduancement duquel mariage, ledit
Duc de Brabant donna avec Madame Marguerite la fille
dix mille florins par an assignez , & hypothecquez sur la
ville d'Anuers. Et outre ce ledit Roy Philippe affin que le
sudit mariage allat auant, achaptá de ses propres deniers
du Seigneur de Neelle , les ville & pais de Tenremonde,
qu'il donna audit Conte Louys , & depuis ce temps a le-
dit Tenremonde tousiours demeure & este vny & rincor-
porée a la Conté de Flandre: mais auant l'accomplissémēt
de ce mariage , ledit Roy Philippe de France, auoit aussy
practicqué vers le sudit Conte Louys, que sous pretexte
de certaine recompense que lors , par ledit Roy Philippe
luy fut promise , il quitta & transportá a Messiere Henry,
fils aisné dudit Duc de Brabant , tout le droit qu'il auoit
en la ville de Malines, & ce francement & sans aucune re-
seruation, mesmes sans aucunement toucher des quatre-
vingts six mille cinc cents Reaux d'or, dont est parlé cy des-
sus, ny pareillement de la feaulté & hommaige que ledit
Duc de Brabant estoit tenu faire au Conte de Flandre, ains
seulement de la feaulté qu'il en feroit a l'Euesque de Lie-
ge, dont furent données lettres a Saint Quentin sous le
seel dudit Roy Philippe en luing de l'an quarantesept. Le
mesme Roy Philippe moyenná semblablement , affin de
rompre les alliances du Roy Edouard d'Angleterre, & suc-
cessiuement pour diminuer les forces d'iceluy, le mariage
de Wincelin Duc de Luxembourg , frere du Roy Char-
les de Bohesme , avec Madame Iehenne de Brabant fille
aisnée dudit Duc Iehan, lequel par le moyen des susdictes
mariages fut du tout aliene, & distrai- de la deuotion du-
dit Roy d'Angleterre, lequel ce pendant, cōtinuoit sous
le support & moyennant l'assistēce des Flamens, son siege,
que passe des'ja bonne espace il auoit mis deuát ladicte vil-
le de Calaix: au secours de laquelle ledit Roy Philippe de
France, enuoya le Duc Iehan de Normandie son fils, lequel
nosa-

ne se trouuant en forces egales, pour faire teste au Roy Anglois, & beaucoup moins pour le faire leuer ledict siege, pour iecté en soy mesmes, de l'attirer par subtilité de ladite ville de Calaix, & de fait pour a ce paruenir, vint mettre son siege deuant la ville de Cassel que les Flamens puis naguerres auoyent fortifiée, pesant que ledict Roy Edouard; viendrait au secours desdicts de Cassel, en quoy neartmoins il se trouua abusé, pour autant que l'Anglois ne fit nonobstant ce, aucun semblant de soy bouger: sy firent bien les Flamens, lesquels sous la conduite de Gilles de Rypergherste, tysserand de Gand leur capitaine, saillirent dudit Cassel, & mirent lesdicts François en fuyte & desarroy, quy laissèrent deuant ledict Cassel, plus de seize cents de leurs gens, & entre iceux le Senechal de Frac, le Seigneur de Renty, & plusieurs autres nobles. Peu apres ledict Duc de Normandie, ayant ralliés ses gens, retourna au quartier d'Ypre. Ou marchèrent contre luy les habitants dudit Ypre, sous la conduite de Messiere Jean van Oudhoerke leur capitaine, jusques au Steenbrugghe, ou furent occis de rechief plusieurs François aux estroictes rues fossées, lesquelles lesdicts François ne se pouoyent ayder, ny preualloir de leurs cheuaux. Mais les autres, quy estoient sur la plaine, mirent les Flamens en fuyte, les poursuuants jusques audit Cassel, ou s'estoyent avec les habitans d'illec, assemblez aucuns Gáthois, lesquels commencerent a frapper sur les poursuuants, quy estoient fort trauaillez & mattes, a raison de leurdict pourfuyte, & desquels partant lesdicts Flamens en eurent tresbon marché. Au moyen de quoy ledict Duc de Normandie retourna en Paris inglorieux, & sans autre chose faire. Mais peu apres le Roy Philippe de France, entendant la necessité en laquelle estoient reduits lesdicts de Calaix, lesquels par extremité de faim estoient contraincts manger rattes, charz, & autres semblables ordures, assembla merueilleusement gráde puissance, & vint avec ledict Duc de Normandie son fils logier guerres loing du siege de Calaix entre deux eauës, & enuoyas gens exploicter la guerre en toute fureur, & cruauté au païs de Lalleuë, lequel estoit allyé avec les Flamens, ensemble vers

Le ville de Cassel assiegé par le Duc de Normandie fils du Roy de France.

Les Francoisis mis en fuyte par ceux de Cassel.

Diuerse bataille des Flamens & François pres Ypre.

Deffaitte des François pres de Cassel.

Le Roy de France descend au secours de ceux de Calaix & enuoyes gens exploicter contre les Flamens.

Deffaite des
Flamens pres
Lille, par le
seigneur de
Montmorency.

Ceux de Flan-
dre viennent
au secours du
Roy d'Angle-
terre ayant son
siege deuant
Calaix.

Trefue entre
Flandre & An-
gleterre, en la-
quelle les Fla-
mens font co-
grins.

la ville de Cassel: d'autre costé lesdicts Flamens, avec bon-
ne troupe de gens, tirèrent vers la Chastellenye de Lille,
sous le bastard de Renty leur capitaine, mais ils furent
assaillis, mis en fuyte, & viuement poursuyuis par Messiere
Charles de Montmorency chastelein dudit Lille, auquel
fut amené prisonnier ledict bastard de Renty. Nonobstant
quoy ledict Roy Edouart d'Angleterre, cōtinuoit tousiours
& pressoit de plus en plus la pouure ville de Calaix, qui fut
cause que ledict Roy Philippe se vint loger plus pres dudit
Calaix, au païs de Ghisnes, en intention d'attirer a bataille
le susdict Roy Edouard, au secours duquel vindrent incō-
tinent en grande diligence, ceux de Gand, & plusieurs au-
tres de Flandre, quy neantmoins ne peurent mouuoir le-
dict Roy Anglois a l'entreprinse d'une bataille. Quoy vo-
yant le Roy Philippe, mesmes que ledict Anglois refusoit
lors combat de cent cōtre cent, que autre fois luy mesmes
auoit desiré, perdant toute esperance de pouoir secourir la
dicte ville de Calaix, il se retira en France, & peu apres fut
ledict Calaix deliburé aux Anglois, sous les conditiōs, que
par les chroniques de Frâce, & d'Angleterre pourrez plus
amplement cognoistre & entendre. Peu de temps apres le
Pape Clement enuoyá deux Cardinaux, legats du Saint
siege vers lesdicts Roys de France & d'Angleterre, par le
moyen & entreparler desquels, fut prinse vne trefue entre
les deux couronnes, en laquelle lesdicts Flamens furent
expressement comprins & denommez.

*Comment le Conte Louys apres la trefue accordée entre France, &
Angleterre retourna en ses pays de Flandre: du grand deuoir
auquel il se mit pour reduire ses subiects sous son obeissance, de
la renolte & deffaite des tisserans en la ville de Gand, du traité
de paix entre ledict Conte Louys, & le Roy d'Angleterre avec
autres choses memorables.*

CHAPITRE CLXIIII.



VRANT la susdicte trefue, ledict Conte Louys
retourna en Flandre, pour reduire ses subiects a
son obeissance & volonté: pour a quoy paruenir
il trou-

il trouua practique d'attirer a soy aucuns nobles du Frac,
 & de Bruges, ausquels il pardonna tous meffais, les resti-
 tuat & confirmat en leurs anciennes coustumes, priuileges,
 statutz, & vsaiges. Mesmes de la en auant, ledict Conte Lo-
 uys print a son conseil, lesdicts nobles du Franc, les faisant
 appeller en toutes communications & assemblees: de for-
 te que par succession de temps, ils obtindrent le lieu, & de-
 gre de quatriesme membre de Flandre, selon que plus a
 plain pourrez cognoistre, par la continuation de nostre hi-
 stoire. Ce fait, il le transporta avec lesdicts de Bruges & du
 Franc vers la ville de Gand, pour pareillement les reduire,
 enuoyant partout ses tropettes, heraulds & auantcoureurs
 avec ses estandartz, quy fusrent d'un chascun receus bien
 amiablement, saulz es villes de Gand & d'Ypre, lesquels ne
 vouloyent traicter avec ledict Côte Louys leur Seigneur,
 sans le Roy d'Angleterre, quy fut cause, que ledict Conte
 retourna a Bruges, ou il fit executer par l'espée, plusieurs
 tisserans, lesquels en son absence auoyent voulu recommen-
 cer leurs mutineries & seditions: ce fait, considerant que
 lesdicts de Gād & d'Ypre, estoient resolu n'entendre a au-
 cun appointemēt sans ledict Roy d'Angleterre: le dict Côte
 Louys enuoya du consentemēt du Roy Philipppe de Frā-
 ce en Angleterre vers le Roy Edouart ses ambassadeurs,
 scauoir Messiere Henry de Flandre Conte de Lode, & au-
 tres, lesquels besoingnerent de sorte que ledict Roy Edo-
 uart assigna jour ausdicts de Flandre en la ville de Dunker-
 ke, ou il enuoya le Côte de Cloestre pour traicter, & com-
 municquer de toutes matieres, & questions occurrētes. Au-
 deuant duquel Côte de Cloestre, ledict Côte Louys vint
 en personne, auquel ledict de Cloestre se pleindit grande-
 ment de l'injure que ledict Conte Louys auoit fait au
 Roy d'Angleterre, en mesprisant, & repudiant Madame
 Ysabeau sa fille, entant mesmes qu'il auoit, avec icelle,
 esté en promesse, (du moins selon que maintenoit le-
 dict de Cloestre.) D'autre costé, le Conte Louys se l'amē-
 toit assez d'auantage, des degasts que les Anglois auo-
 yent faits en son païs de Casant, & mesmement de la
 mort du Conte Louys, dict de Crecy son pere. Nonobstāt
 les-

*Deuoirs du
Conte Louys
pour amiable-
ment reduire
ses subjects de
Flandre souba-
son obissance.*

*Le Franc qua-
trieme mēbre
de Flandre.*

*Plusieurs tisse-
rans executez
en la ville de
Bruges.*

*Le Conte Lo-
uys enuoye du
consentement
du Roy de Frā-
ce, ses ambassa-
deurs vers An-
gleterre, pour
traicter de
paix.*

*Propos reci-
proques du
Conte de Flā-
dre & des am-
bassadeurs de
Angleterre a
leur premie-
reue.*

Traicté de paix
entre le Conte
Louys de Flan-
dre, & le Roy
d'Angleterre.

L'an M.
CCC.
xlvij.

Entrée du Co-
te Louys en la
ville de Gand.

Les tisserans
se mourent en-
mes a Gand
contre le Con-
te Louys.

Les tisserans
de Gand sont
deffaits & en-
chassés par les
gens de bien
dudit Gand.

lesquelles plainctes, & lamentations reciproques, ils tire-
rent de compagnie vers la ville de Bruges, ou ils s'accordé-
rent aux conditions & de la maniere que s'ensuyt. Scauoir, „
q le Roy d'Angleterre feroit fonder en Casant vn Cloistre „
de Chartroux de treize religieux, lesquels il pouruoyroit „
de rentes selon le dict, & jugement des trois villes, Bruges, „
Ypre, & Gand. Que semblablement, il fonderoit dans le „
pais de Flandre vn hospital de sept femmes, & vne prieuse, „
dont le Conte de Flandre auroit la disposition & collation, „
& que moyennant ce seroit bone & ferme paix entre eux: „
Faiât a Bruges le treiziesme de May en l'an mil trois cents „
quarante huiât. Par lequel traicté, ledict Conte Louys s'ob- „
legeâ semblablement de jamais porter armes cōtre le Roy „
d'Angleterre, durant le debat & differēt en question d'en- „
tre les deux couronnes. Consentant au reste, que les allian- „
ces que lesdicts de Flandre auoyent autrefois faicte & con- „
tractée auec les Anglois, touchant le faict de la marchan- „
disē, tiendroyent & demonstreroient en vigueur. Et outre „
ce il reçoit lesdicts de Gand, & d'Ypre en sa grace, prome- „
tant de faire de la en-auant droict & justice, selon les loix, „
& coustumes de Flandre, ensemble qu'il les entretiendroict „
en leurs priuileges, francises, & libertez. Par ses lettres du- „
dict mois de May audict an quarante huiât. Suyuāt lequel „
appoinctement ledict Conte Louys, se trāsporta peu apres „
en la ville de Gād, ou les tisserans sous la cōduicte de leā „
vande Velde, leur capiteine, se misrēt de rechief en armes, „
& coururent a bānieres desployées sur le marche, raschātz „
par tous moyens a eux possibles d'esmouoir le peuple con- „
tre ledict Conte Louys, sous pretext, que contre verité ils „
disoyent, qu'il se laissoit conduire & gouverner par meschā „
tes gens, & que par le conseil d'iceux il trauailloit le peu- „
ple par insupportables tailles & exactions, mais la fureur „
& impudente calumnie desdicts tisserans, fust assez tost re- „
primée par ceux de la loy, les bourgeois, bouchiers, poisson- „
niers, & autres gens de bien dudict Gand: lesquels comme „
loyaux & bons subiects se trouuerent pareillement sur le „
marchié en armes & a bannieres desployées, dechasserent „
lesdicts tisserans, desquels ils occirent enuiron sept cents, „
con-

constraindants les autres a eux retirer & enfuyr. De maniere que par tel moyen cessa en vn mesme jour, & commençá la susdicte mutination, de laquelle autrement eussent yssus plusieurs autres maux, au pouure país de Flandre. Et suyuant ce ledict Conte Louys, ayant reduict les villes de Gand, & Ypre sous son obeissance, s'appliqua du tout, a n'estoyer & purger ses país des bannis, & mauuais garniments, qu'au moyen des susdictes diuisions, s'estoyent illec assemblez & multipliez, reduisant iceluy son país en vne bonne police, vnion, paix & justice.

Des nouveaux debats & appointement d'iceux entre Flandre, & Brabant, & comment le Conte Louys apres le trespas du Duc Iean de Brabant, se saisit de la ville de Malines: de la guerre entre Flandre & Brabant, des villes que le Conte de Flandre gaignit audict Brabant, du traicté de paix entre lesdicts pays, ensemble comment le Conte Louys s'attitula tousiours d'icy en auant Duc de Brabant.

CHAPITRE CLXV.



N l'an mil trois cents cinquante vn, Louys L'an M.
Conte de Fládre dict de Male, enuoya Me- CCC. lj.
sire Guillaume Reingherfvliete son grand
bailly d'Alost, mettre en sa main les terres de
Flobecque & Lessines, ordonnant que les of

Nouveaux debats entre Fládre & Hainault.

ficiers commis par le Conte d'Hainault fussent deposetz de leurs estatx, & qu'au lieu d'iceux en fussent subrogez autres de par luy, dont neantmoins je ne trouue l'occasió, ny mesmes sy le Conte d'Hainault s'opposa audict exploit, trop bien qu'a raison de ce sourdisrét des nouuelles dissensions entre les maisons de Flandre, & d'Hainault, lesquelles neantmoins fustrent du tout assoupies & appaisées par l'appointement, qu'entre les gens de Monsieur de Fládre, & ceux de Madame Marguerite Côtessé d'Hainault, Hollande, & Zeelande, se traictá de la maniere subsequente.

“ Scauoir que Madame d'Hainault, viendra en hommaige
“ du Conte de Flandre pour lesdictes villes de Flobecque &
“ Lessines. Que par six preudhommes será faicte inquisitió

Appointement entre Flandre & Hainault.

A a a a de ce,

CHRONIQUES ET ANNALES

L'an M.
CCC.liij.

Mariaige du
Duc Philippe
de Bourgoi-
gne, dict le pe-
tit Duc, & Ma-
dame Margue-
rite de Flandre

L'an M.
CCC.lv.

de ce qu'esdictes terres será mouuant de Flandre & d'Hainault, & que tiendra lieu ce que touchant ce será par lesdicts preudhommes dict & ordonné endedens la Pasque Close immediatement suyuant. Que pendant ledict tēps, ladicte Dame jouirá paisiblement desdictes terres, & appartenances, reserué la cognoissance de trois cas particuliers que ledict Conte retint a luy. Sicomme, des offenses faictes a Messiere Jean de Auuiel, aux viuiers de Ogy, & a un prisonnier tiré par force des prisons dudit Lessines. Que Monsieur de Flandre feroit hommaige a Madame de Baillon & de singnies & les appartenances quy estoýent estimées a mille liures de terre, & sy moins en y a, Madame promet le parfaire, mais ce que será trouué d'abondant, será restitué a ladicte Dame. Actum le vingt & troiziesme d'April en l'an mil trois cents cinquante trois, ou fustrent presentz l'Euesque de Tournay, le Seigneur de Praet, le Seigneur de Ponckes, le Seigneur de Maldeghe, le Seignr de Reinghersuliete, Messiere Louys de Walla cheualier, Messiere Mailin de la Niepce, Messiere Testaert de la V Voestine, & plusieurs autres cheualiers escuyers & gés de cōseil, ensemble des deputez des villes de Fládre. Et du costé de Madame Marguerite estoýent, Messiere Ieá d'Hainault, le Seignr de Baillenit, le Seigneur de Mariamez, le Seigneur de la Hameyde, le Seigneur de Bouffin & plusieurs autres. En ce mesme tēps fit cōclu le mariaige, de Philippe Duc & Côte de Bourgoingne Conte d'Artois, & le Seigneur de Sallines, dit le petit Duc, & de Madame Marguerite de Fládre, fille du Côte Louys, dict de Male lors eagée d'environ quatre ans, par lequel mariaige, fustrent données a ladicte Marguerite pour son douaire, quatorze mille liures Tournois, a leuer les quatre mille en la Duché de Bourgoingne, autres quatre mille en la Côte d'Artois, quatre mille en la Côte de Bourgoingne, & deux mille en les Côtés de Bouloinge & d'Anuergne. Lequel mariaige fut pour plus gráde seureté d'ambedeux les parties cōclu *per verba de presenti*, encoires qu'ils fussent tous deux jeunes enfans. Peu apres sicóme en l'an trois cents cinquante cinc le Duc Jean de Brabát terminá, & succederét les duchés de Loirice, Brabát, & Lembourch avec

auec le Marquisat d'Anuers, a Madame Iehéne sa fille aînée, a raison que le Duc Henry, & les aultres fils estoient morts ieunes, duquel trespas aduertý ledi^t Côte Louys de Flandre, print & se saylist de la ville de Malines, que ledi^t Duc Iean luy auoit long tēps retenu, sous pretext du susdi^t traicté, & sans le rébourser des quatreuingts six mille cinc cēts Reaux d'or, qu'en cas de rachapt il estoit tenu luy deliurer. Lequel Conte Louys s'estant inuestý dudi^t Malines, confirma tous leurs priuileges & signáment cestuy de l'estaple de poisson salé, & d'auoisine, y mettant au reste bōne garnison. Ce faict, il enuoyá ses ambassadeurs, vers le Duc Wencelin quy auoit espousé ladi^{te} Duchesse Iehéne de Brabant, pour auoir compte & assignation des dix mille florins de floréce que luy auoyēt esté donnez en mariage auec Madame Marguerite de Brabāt, seur de ladi^{te} duchesse Iehéne, & pour ce que ledi^t Duc VVencelin fit refus dy vouloir fournir ou entendre, ledi^t Côte Louys, asēblá grád puissance, auec laquelle il marcha courageusemēt vers le pais de Brabant, faisant son logis a Bouchoute, prez de Bruxelles, ou ledi^t Duc Wencelin le vint rencōtrer, & y eust entre eux vne meslée merueilleusemēt aspre & cruelle, en laquelle neantmoins ledi^t Côte Louys obtint la victoire, mettāt en fuyte & de sarroy ledi^t Duc Wēcelin. Et pour luyuāt la poincte passa outre, print les villes de Bruxelles, Louvain, Leuē & Thielmont sans aucune resistēce, ou il se fit par tout receuoir en qualité de Duc & Seigneur du pais, a cause de Madame Marguerite sa femme fille maîsnée dudi^t feu Duc Iean, emprenant le tiltre de Duc de Brabant, lequel il a tousiours depuis retenu & porté. Et apres auoir mis partout bōne garnison, il retourna en Flandre. Mais incontínēt qu'il fust party, ceux de Bruxelles s'émourér sous la conduicte de Messiere Euerard Serclins, remettants la ville es mains dudi^t Duc Wēcelin. Lequel d'autre costé estant grandement indigné cōtre ledi^t Conte Louys, fit & contractá alliance auec l'Empereur Charles Roy de Bohēme son frere. Et fut par l'appoinctement qu'ils firent ensemble, du consentement de Madame Iehéne de Brabant, femme dudi^t Wencelin, di^t & accordé q

Le Conte Louys apres le trespas du Duc Iean de Brabā se saylit de la ville de Malines.

Le Conte Louys enuoye ses ambassadeurs vers le Duc VVencelin de Brabant, pour estre assigné des dix mille florins que luy estoient promis en mariage auec Madame Marguerite de Brabāt sa femme. Guerre entre Flandre, & Brabant, & deffaitte desdicts de Brabant. Le Conte Louys s'inuestit des principales villes de Brabant & se faict appeller Duc dudi^t Brabant.

Appoinctement touchant les Duchez de Brabant, Lothier, & Lembourch.

A a a a ij ledi^t

ledict Wemelin auroit le gouvernement de Lotrice, Brabant, & Lembourch, & la disposition de tous offices, non pas en qualité de mambour de sadicte femme, mais comme propriétaire, reserué seulement qu'il ne pourroyt rien vendre ny aliener desdictes duchez, sans le preallable consentement d'icelle. Et s'il aduenoit qu'il morust deuant elle, sans hoir de son corps, elle retiendroir l'administration desdictes duchez sa vie durant seulement, n'estoit qu'elle se remariast, & eust enfans, auquel cas l'enfant luy succederait. Mais sy le Duc Wencelin, & elle morussent sans hoir de leur corps, lesdictes trois duchéz succederoient audict Empereur Charles & ses successeurs du costé de Luxembourch. Fust encores dict que lesdicts Wencelin & sa femme ne pourroyent faire paix avec le Conte de Flandre sans l'expres consentement l'un de l'autre. Ce fut pourjecté a Maestricht, & apres conclu a Bruxelles du consentement des estats de Brabant en l'an mil trois cents cinquâte six. Mais l'an suyuant ledict Conte Louys, pourchassa par guerre ledict Wencelin & les Brabançons: de sorte, que ledit Wencelin & sa femme, furent contraints d'eux submettre de leurs differents au dict & arbitrage, de Guillaume Conte d'Hainault, lequel apres plusieurs journées & communications sur ce tenuës vuydá finalement son arbitrage de ceste maniere. Scauoir, que les villes de Bruxelles, Louuain, Niuelle, & Thielmont, seruiron le Conte Louys de Flandre chascune ville six sepmaines, par an a leurs despens, & ce a bānieres desployées, armoyées de leurs armes, & soubz chascune bānierre vingt & cinc hommes d'armes, dont les deux, pour le moins seront bannieres, & deux autres cheualiers, & feront ledict seruice contre tous reseruez les Duc & duchesse de Brabant. Que moyennant ce, ledict Conte Louys quittera ausdictes villes, ensemble a tout le pais le serement qu'ils luy ont fait. Que le Conte Louys pourra tant qu'il viurá, porter le tiltre de Duc de Brabant. Qu'il aura la ville de Malines pour luy & ses successeurs perpetuellement, tant en vertu del'achapt que son pere en fit a l'Euesque de Liege, que pour les despens & interestz qu'il a soustenus par faute, que la paix de Assche n'auoit e-

L'an M.
CCC.
lvi.
L'an M.
CCC.lvii.

Le Conte Louys de Flandre pourfuyt le duc de Brabant par guerre de sorte qu'il est cōstraint se submettre de ses differents au dict du Conte de Hainault.

Sentence arbitraire du Conte d'Hainault sur les differents des Conte de Flandre, & Duc de Brabant.

“*fé entreteue . Que ledict Conte Louys aura pour le dot*
 “*de la Contesse sa femme dix mille florins de florence par*
 “*an sur la ville & Marchionné d’Anuers, dont neantmoins*
 “*il ne se pourra escripte ny attituler Marquis, ains demeure*
 “*ra ledict tiltre ausdicts Duc & duchesse. Que le Duc ny la*
 “*Duchesse pourrôt changer, ny aliener la duché de Brabat,*
 “*pour quelques affaires que leurs puissent suruenir. Faiët en*
 “*Flainaule, le troisieme de lullet, l’an mil trois cents cinc-*
 “*quante sept.*”

Des debats de ceux d’Anuers contre Malines, & comment le Conte Louys contraindit lesdicts d’Anuers d’eux submettre, touchant iceux a son ordonnance de la bonne tranquillité du pays de Flandre, de l’erection de l’audience audict Flandre, & de la merueilleuse magnanimité de M^{rs}iere Oliuier du Steeland, lequel portë seulement de ses parents, menä guerre, & reduict a sa volenté ceux de Tournay.

CHAPITRE CLXV



Ev apres ladicte paix, le Conte Louys se vint faire receuoir en Anuers & a Malines, jurant de maintenir chascun d’eux, respectiuelement en ses droictz, franchises, priuileges, & libertez. Et sur le different, que assez tost apres, nasquit entre lesdictes deux villes, touchant l’estaple de poisson sale, & d’auoisme: ledict Conte Louys fit tout extreme debuiroir, pour amiablement les accorder, tascchant, tant qu’en luy estoit, de les induire & persuader, que de ce, ils s’eussent a submettre en son jugement & arbitraige, & au moyen que lesdicts d’Anuers ny voulurent entendre, il partit d’illec tresmal content, & satisfait d’eux. Ou neantmoins il retourna tost apres avec puissance, enträ dans la ville, prinst plus de deux cëts des plus riches bourgeois de la ville prisonniers, lesquels il enuoyä a Rupelmonde, & autres prisons: mit bonne & forte garnison dedans la ville, & finalement besoingnä de sorte, que lesdicts d’Anuers fussent contents d’eux submettre de leurs fudicts differëts en son dict & arbitraige. Suyuant quoy ledict Côte parties ouyes,

Le Conte Louys se fait receuoir a Malines & en Anuers.

Debat entre ceux d’Anuers & Malines.

Le Conte Louys cōstrainct ceux d’Anuers d’eux submettre des differents qu’ils auoyent contre ceux de Malines, a son arbitraige.

Aaaa iij, & a-

& apres auoir relaxé lesdicts prisonniers, declairá & par sentence ordonné, que de la en auant ledict estaple seroit en la ville de Malines, dont neantmoins lesdicts d'Anuers se disantz de ce grandement greuez, barbetoyent & murmuroient, mais cestoit a la cachette. Au mesme temps ledict Conte Louys fit premierement forger monnoye d'or, que on appelloit Francs a pied, ce que par nulz de ses predecesseurs, n'auoit jusques lors oncques esté fait ny attenté. Et soustenoit ledict Conte, estre de ce faire bié fondé & qualifié, comme estant vassal de l'Empire, continuant de plus en plus a forger diuerses autres sortes de monnoyes d'or, qu'auons specificé au commencement de ce discours. Durant tout ce temps, Flandre estoit en bon repos, paix, & tranquillité, & faisoit le marchant grandement son profit, entant mesmes que par l'assistance dudit Conte Louys, les Flamens firent descendre en leur contrée les marchands de l'Empire, & d'Allemagne, avec lesquels les trois villes de Flandre, scauoir, Gand, Bruges, & Ypre, firent vne conuention, & contract contenant plusieurs articles, & entre autres que lesdicts marchands pourroyent choysir audict pais de Flandre, pour leur demeure, & residence telle ville, que bon leur sembleroit. D'autre costé, ledict Conte Louys de Flandre, pour entretenir & gouverner son pais en vnion, bone police, & justice, erigeá & mist sus, vne Audiéce, qu'estoit vne maniere de conseil de deux ou trois conseilliers, lesquels alloient de ville a autre, & receuoient toutes les plainctes, qu'on leur vouloit presenter, fut contre officiers, gens de Loy, ou autres particuliers, appoinctants leurs differentz amiablement, ou en vuydantz par voye de submission. Laquelle maniere de faire, que ledict continua toute sa vie, moyenná grande tranquillité, repos, & vnion entre le peuple de Flandre. Nonobstant quoy, sourdit peu apres certain different, entre ledict Conte, & ceux de la ville de Gand, touchant le fait des confiscations, dont lesdicts de Gand maintenoient estre par priuileges exemptz, a quoy neantmoins ledict Conte remediá promptement, au moyen de l'ordonnance, & commandement qu'il fit a tous les officiers, ensemble

Le pays de Flandre en bon repos & tranquille.

Les marchans de l'Empire, & d'Allemagne descendent, & viennent résider en Flandre.

Errection d'Audience au pays de Flandre, & que cestoit celle Audiéce.

semble a ceux de ses vassaux, qu'ils ne baillaissent aux bourgeois dudit Gand, aucun adheritement en nulz de leurs conquests. Environ ce mesme temps, sicomme en l'an mil trois cents soixante vn, vn gentil homme de Flandre, du quartier d'Ypre, nommé Oliuier van Steelad, dict de Brauwere, chemina soy troiziesme a cheual vers Hainault, pour aucun sien affaire particulier, & passant par vn villaige prez de Tournay, aduisa deuant la maison d'un homme d'Eglise, vn banny d'Ypre, appelé Florens Mulghewaert, lequel es seditions, & tumultes passez, auoit esté vn des principaux chefs, & capiteines : sur lequel partant, ledict Oliuier mit prestement la main, le troussa sur le cheual de son paige, & passa outre, en intention de le deliburer au Conte Louys de Flandre, & pour ce que le prestre y contredisoit, le palefrenier dudit Oliuier, nommé lehan du Four, troussa semblablement ledict prestre sur son cheual. Et ainsy qu'ils cheminoyent, pour venir vers Flandre, par de hors Tournay en vn chemin, ou les gens de la ville faisoient la procession, es Octaues de nostre Dame, le prestre demanda secours, cryant le meurdre, & se rempestant tant qu'en luy estoit, au moyen de quoy ledict Messiere Oliuier, voyant gens de toutes parts accourir contre luy, donna de l'esperon a son cheual, & passa outre, menant ledict Florens a Tenremonde, deuers ledict Conte Louys, lequel satisfaisoit au possible de ceste prinse, enuoya ledict Florens a Ypre, ou il eust la teste trenchée. Mais ledict prestre fut recous, & le susdict palefrenier prins, & mené audict Tournay, ou il fut le lendemain merueilleusement tourmenté, & finalement pendu a vn hault gibet. Qui causa audict Messiere Oliuier vn tel despit, & creuecoeur, qu'il requist tres iustamment audict Conte Louys, que son bon plaisir fut de seulement luy donner congé de soy venger avec ses parentz de sondict seruiteur, lequel il disoit auoir esté gentilhomme. Et apres que ledict Conte le luy eust accordé, sans toutesfois aucunement s'en vouloir mesler, ledict Messiere Oliuier enuoya deffier lesdicts de Tournay, & avec ses parentz & amis, vint deuant ladicte ville, ou il occit vn bourgeois, & en naura plu-

Deffense de ne donner a ceux de Gand aucun adheritement en leurs conquests.

L'an M.

CCC.

lxi.

Messiere Oliuier de Steeland prend prisonnier vn tatin d'Ypre, au moyen de quoy ceux de Tournay prennent le palefrenier dudit Oliuier, & le font mourir.

Execution dudit mortin d'Ypre.

Le Conte Louys donne congé a Messiere Oliuier de Steeland de soy venger sur ceux de Tournay de l'outrage qu'ils auoyent fait a son seruiteur.

Exploits de
Messiere Oli-
vier avec au-
cuns siens pa-
rents contre
ceux de Tour-
nay.

Stratageme du-
dict Messiere
Olivier, & des-
faite de ceux
du Tournay
par le mesme
Olivier.

Appoinctemēt
entre ceux de
Tournay &
ledit Messiere
Olivier de
Scotland.

plusieurs autres. Au moyen de quoy lesdits de Tournay, enuoyèrent deuers le Conte Louys pour remede, lequel neantmoins fit semblant n'entendre ce qu'ils vouloyēt dire, leur declarant au reste, qu'il ne se vouloit mesler dudit affaire: nonobstant quoy, lesdits commis enuoyés deuers ledit Conte, concēurent certain appoinctement, que lesdits de Tournay ne voulurent depuis accepter. Quy fut cause, que ledit Messiere Oliuier recommença de plus belle & assemblā vn jour entre autre, soixante hōmes d'armes de ses parents & amys, avec lesquels il se transportā deuant ladicte ville de Tournay, abbatit le petit gibet, & se tint long temps en ordonnance, pres du grād gibet, lequel il n'auoir sceu abbatre, pour ce qu'il estoit trop fort. Et voyant que personne ne venoit contre eux, ledit Messiere Oliuier approchā ladicte ville, de laquelle yssirent incontinent enuiron quatre cents hommes a bānieres desployées, & lors ledit Messiere Oliuier, fit semblant de fuyr, iusques a vn petit pont a demye lieuē de la ville, que lors voyant soixante ou quatreuingts desdits de Tournay, estre passez ledit pont, il se ruā avec grand furie sur eux, en occit enuiron trentefix, & apres auoir mis le demeurant en fuyte, retourna en Flandre, sans auoir perdu vn seul homme de sa compagnie. Mais en fin, le Roy Iean de France, enuoyā a la requeste desdits de Tournay Messiere Ernould de Reyneual, deuers le Conte de Flandre, lequel avec l'official, & les deputez dudit Tournay, appoinctā du susdict differēt de ceste sorte. Premiers, que ceux de Tournay obtiendrōt a leurs despens, pour ledit Messiere Oliuier, remission & pardon du Roy de France, de tout ce qu'il a faict, perpetré, & commis, sur lesdits de Tournay, ensemble quittance de toutes amendes, corporelles, criminelles, & ciuiles, & ce endedens Pasques ou quinze jours apres immediatement suyuant, le tout sous peine de six mille Francs d'or, a four faire enuers le Conte de Flandre. Que ledit Messiere Oliuier, ses parents, amis, & complices pourront franchemēt demourer a Tournay, s'ils veullent, sans ce que jamais on leur puisse riens demander, pour les choses passées. Que ladicte ville serā tenue d'acquiter & descharger ledit Messiere

“ fire Oliuier, & ses complices, enuers les amis des morts, &
 “ des naurez, de tous griefs, & dommaiges y aduenus, pour
 “ la susdicte cause. Que lesdicts de Tournay, donnerôt ende-
 “ dens lediët jour, a l’abbé de Saint Pierre a Gád, cent liures
 “ de gros, pour les distribuer, si comme les cinquante aux pa-
 “ rents dudiët Iean du Four, & les aultres cinquante seront
 “ employées en vne chappelle pour l’ame dudiët Iean du
 “ Four. Et audiët Messire Oliuier, six cents francs du coing de
 “ Monseigneur de Flandre, pour en faire a son plaisir, que
 “ trentesix hommes de Tournay, tels que lediët Conte voul-
 “ dra choisir, seront submis de faire les voyages & pelegrina-
 “ ges, que iceluy Conte leur ordonnerá, & viendront deuers
 “ luy en tel lieu, & temps qu’il luy plairá, pour en ouyr son or-
 “ donnance. Et s’ils ne vouloyent lors qu’ils seront mandez,
 “ ladiët ville fourferá enuers lediët Conte, douze mille frács
 “ dor. Que lesdicts de Tournay, jureront de non jamais ob-
 “ tenir du Roy de France grace, ny quitance de ceste paix,
 “ ny d’aucuns poinçts & articles y contenus. Ce fut faict le
 “ dernier de Mars, en l’an soixante vn, & depuis, sçauoir le
 “ vingt & neuuesme de May soixante deux, lediët Conte
 “ nommá les trente six personnes, lesquelles il fit sommer de
 “ venir deuers luy a Tenremode, le lendemain de la Penthe-
 “ couste, pour ouyr son ordonnance. Et pour ce qu’ils ne cõ-
 “ parurent, ils fourfirent ladiët amende de douze mille frács
 “ d’or, laquelle ils payèrent depuis a Pierre fils de Iean reche-
 “ ueur de Flandre. Dont & dudiët traité en general, lediët
 “ Conte leur donná quitance, datée du dix & huitiesme de
 “ Aougst, mil trois cents soixante deux.

*De trespas du Duc Philippe de Bourgoigne, diët le petit Duc, premier
 mary de Madame Marguerite de Flandre, & comment les Roys
 de Flandre & d’Angleterre firent chascun d’eux respectiuelement
 extremes deuoirs, pour allier ladiët dame Marguerite avec leurs
 fils, & comment elle fut finalement accordée au Duc Philippe de
 Bourgoigne frere du Roy Charles de France.*

CHAPITRE CLXVII.

Bbbb

En

Trepas du Duc
Philippe de
Bourgoingne
appelle, le petit
Duc, premier
marry de Ma-
rie Marguerite
de Flandre.



N l'an mil trois cents soixante, trespasla Philip-
pe Duc & Côte de Bourgoingne Palatin, Côte
d'Artois, de Bouloingne, & d'Auuergne, &
Seigneur de Salines, eage' lors de treize ans, &
lequel auoit esté marié avec Madame Mar-
guerite de Flandre, fille du Conte Louys, dict de Male. Et
succedá ladiete Ducé de Bourgoingne au Roy Iean de Frá-
ce, a cause de Madame Iehéne fille du Duc Robert sa me-
re. Et les Contes d'Artois, Bourgoingne, Palatin, avec la sig-
neurie de Salines vindrent a Madame Marguerite de Frá-
ce, vefue du feu Côte Louys dict de Cressy, & mere du Cō-
te Louys, dict de Male, & les Contes de Bouloingne & Au-
uergne, retournèrent au costé d'ou elles venoyét. Et l'an en-
suyuant, qui fut trois cents soixante vn, les Anglois assiste-
des membres de Flandre, faisoýét tout deuoir pour prati-
quer le mariage de Madame Marguerite de Flandre, vefue
dudict Duc Philippe, avec Aymond Conte de Cantorbic,
fils du Roy d'Angleterre. En quoy lesdicts Anglois besoing-
nérent de sorte que ledict Conte Louys, plus pour satisfai-
re aux estats de Flandre, que de sa volonté, accordá ledict
mariage, soubz aucunes conditions, lors conceués & pour-
parlés. Dont aduerty ledict Roy Iean de France, & crain-
dant que ceste alliance ne causast vne extreme ruyné en
son Royaulme, s'efforça a son possible, de rompre ledict ma-
riage, mesmes de moyenner & practiquer cestuy d'entre
ladiete Dame Marguerite, & Philippe Duc de Touraine,
fils maisné d'iceluy Roy Iean. Pour a quoy plus legiere-
ment paruenir, ledict Roy, donna audict Philippe son fils,
la Duché de Bourgoingne, pour par ledict Philippe, & ses
successeurs en jouir, a tousiours, avec la prerogatiue de
premier Per de France, & autrement, selon qu'en auo-
yent vsé le dernier Ducq Philippe, & ses predecesseurs,
comme peut apparoir par ses lettres, qu'il luy donna du
sixiesme de Septembre, en l'an mil trois cents soixante
trois. Nonobstant quoy ne fut pour lors possible audict
Roy, ny aux siens, de paruenir audict mariage, obstant
mesmeut l'empeschement, qu'a ce luy faisoýent lesdi-
ctes trois villes de Flandre, qu'estoyent du tout en faueur
dudict

Les Côtes d'Ar-
tois, Bour-
goingne Pala-
tin, avec la seig-
neurie de Sa-
lines, a Madame
Marguerite de
Frâce, mere du
Conte Louys,
dict de Male.

Les Anglois as-
sistez des mem-
bres de Flandre
font tout extre-
me deuoir pour
paruenir au ma-
riage d'entre
madame Mar-
guerite de Flan-
dre, & l'enfant
d'Angleterre,

Le Roy Iean de
France fait de
uoir d'espécher
ledict mariage,
& de moyéner
cestuy de ladi-
ete Dame avec
son fils maisné

Le Roy Iean
pour paruenir
audict mariage
dōne a sondict
fils la Duché de
Bourgoingne.

L'an M.
CCC.
lxiiij.

dudict Roy d'Angleterre. En l'an soixante quatre, le Roy L'an M.
 de Cypre, vint en personne a Gand vers le Conte Louys, CCC.
 pour obtenir de luy secours contre les Sarrazins, mais je lxxij.
 ne treuve qu'elle responce que par ledict Conte luy fust
 donnée, & peu apres se trouua pareillement audict Gand Les Roys de
 le Roy de Deneuarque, je ne sçay pour qu'el effect, ny Cypre & Den-
 a qu'elle occasion. En l'an trois cents soixante huit, le nemetque en
 dict Conte Louys, ordonna, & fist publier par edict per L'an M.
 petuel, qu'on laissast faire aux eglises leur prouffit des CCC.
 dismes & autres biens, a eulx appartenants, fust qu'ils lxxvij.
 les donnassent en censse ou autrement, & si aulcun en
 ce leur donnoit empeschement, fust noble ou ignoble, Edict du Conte
 ledict Conte assureoit d'en faire telle punition, comme des ges d'Eglise
 si ce fust esté fait contre sa propre personne, pendant &
 mettant les censsiers desdictes Dismes & aultres biens
 d'Eglise, sous sa sauuegarde & protection. Deffendant
 aussi a toutes personnes, de quelque condition, ou qua-
 lité, qu'elles soyent, de ne contraindre personne a venir
 moudre en son moulin, n'est qu'il ayt franc moulage, en-
 semble que personne ne lieue Poinctinghes, ou Zettinges
 sur aucuns draps sans preallable octroy du Conte, & dont
 faudra qu'il appare par lettres patentes d'iceluy, & si quel-
 cun fut par faueur ou autrement, payoit semblables Poin-
 tinges, il seroit tenu d'en payer le double audict Conte de
 Flandre. Durant ces entrefaictes continuoyét en toute in-
 stance du costé de France les poursuytes, pour practiquer &
 concluire le susdict mariage d'entre Philippe Duc de Bour-
 goingne, frere du Roy Charles de France, dict le cinquieme,
 & Madame Marguerite de Fladre, fille vnicque du Cote
 Louys de Fladre, douairiere dudict Bourgoingne & Da-
 me de Lens, pour a quoy paruenir, ledict Roy Charles vint
 audict an soixante huit en personne vers Tournay. Ou il
 mandá au susdict effect, le Duc Wencelin de Brabat oncle
 de ladicte Marguerite, le Duc Albert, Mambour de Hai-
 nault, & plusieurs autres. Mais a raison que le Cote Louys
 de Flandre, lequel estoit lors malade a Malines, ou selo au-
 cuns cõtrefaisoit le malade, ne vint audict Tournay, ladicte
 journée & communication fut transmise a Gand, pour

Le Roy Char-
 les de France
 vint en person-
 ne vers Tour-
 nay pour effe-
 ctuer le susdict
 mariage de son
 frere le Duc de
 bourgoingne
 avec la fille de
 Flandre.

B b b b ij le sep-

Le Roy de Fr^{de}
ce retourne en
ses pays sans
rien faire.

le septiesme d'April ensuyuant. Et le Roy retourna vers Paris, lequel Roy trouua finalement par le moyen de Madame Marguerite d'Artois, mere dudit Conte Louys, pratique d'effectuer le susdict mariage, au grád regret & mescontentement de ceux de Flandre. Lesquels auoyent reculé de ceste alliáce par l'espace de sept a huit ans cõtinuelz, & nonobstant quoy, consentérẽt en fin audict mariage, aux conditions & moyens qu'entendrez par le chapitre subsequẽt. Auant entrer auquel, deuez sçauoir, que audict an soixante huit, trepassá Madame Marguerite de Brabant, femme du Conte Louys, dict de Male. Dont ledict Conte receut vn incomparable desplaisir, entant mesmes que c'estoit vne tresuertueuse, honneste, saige, & prudente Dame, laquelle par l'ordonnance dudit Conte son mary, fut enterrée en grand pompe, & magnificence, en la chapelle de nostre Dame a l'Eglise Sainct Pierre a Lille.

Trepas de Madame Marguerite de Brabant femme du Conte Louys, dict de Male.

Du memorable traicté de mariage faict en la ville de Gand entre Madame Marguerite de Flandre, & Philippe, dict le Hardy Duc de Bourgoigne, & des triumphes qu'a raison dudit mariage se firent en la ville de Gand.

CHAPITRE CLXVIII.

L'an M.
CCC.
lxix.



Ev apres les Pasques de l'an mil trois cents soixante neuf, s'assemblerent en la ville de Gand, du costé du Roy Charles, Pierre Euesque d'Acerrois, Gautier Seigneur de Chastillon, & Eurard de Corbie. Et de la part du Conte Louys de Flandre, Henry de Beuere, Seigneur de Dixmude, Baudouyn Seigneur de Praet, & Roulant Seigneur de Ponckes, lesquels arrestérẽt, conclurent, & traictérẽt le mariage desdicts Philippe de France, & Marguerite de Flandre, aux conditions & de la maniere subsequẽtes: Premiers, que pour satisfaire audict Conte Louys de Flandre, tant de dix mille liures par an, que le Roy luy auoit promis donner & assigner, par ses lettres patẽtes, que de cent mille escus, que ledict Conte demandoit en recompense, de sa monnoye de Clanecy ensemble pour payement de certain nombre de gens de guerre, qu'il auoit entretenus durát les guer-

Traicté de mariage entre Madame Marguerite de Flandre, & Philippe de France Duc de Bourgoigne.

„ guerres passées, en la ville de Greueninghe . Le Roy Char-
 „ les de France, luy donneroît & restituerôit Lille, Douay &
 „ Orchies, avec toutes leurs appartenances & chastellenies,
 „ pour les tenir en fief de la couronne, avec la Conté de Flā-
 „ dre, sans aucun esclissement, mais vnis, & d'icelles en jouir
 „ par luy, la Duchesse Marguerite sa fille, & leurs hoirs massles
 „ venants de leurs corps, & du corps de leurs hoirs massles en
 „ droicte ligne. Soubs condition que si cy apres, la Conté de
 „ Flandre escheoit a vne fille, qu'en tel cas le Roy de France,
 „ ou ses successeurs pourroyent rauoir lesdictes villes & cha-
 „ stelenies, moyennant l'assignation qu'ils seroyent tenus fai-
 „ re a celle, qui lors seroit Contesse, de dix mille liures Parisis,
 „ de rente perpetuelle par an monnoye de Flandre, telle que
 „ couroit le sixiesme de Nouëbre mille cinc cents cincquan-
 „ te cinc, l'vne moitie entre la riuere de la Somme & Flan-
 „ dre, & l'autre moitie, autour des Contez de Neuers & de
 „ Rethel. Bien entendu, que audiçt cas le Conte ou Côtesse
 „ de Flandre, ne serā tenu soy deffaire desdictes villes & cha-
 „ stelenies, auant que lesdictes dix mille liures par an, seront
 „ assignées & bien hypothequées, mesmes qu'ils soyēt en pay-
 „ sible possession d'icelles. A condition aussi, que lesdicts vil-
 „ les & chastelenies seroyent reuniēs & incorporées a ladicte
 „ Conté de Flandre. Mesmes que si ladicte consignation des
 „ dix mille liures de rente deuēment faicte, la Contesse de
 „ Flandre estoit en deffaut, de restituer audiçt Roy de France
 „ lesdictes villes, pourroit le Roy proceder pour la restitution
 „ de sa jurisdiction tēporelle, & a ce contraindre ladicte Cō-
 „ tessse, par execution de justice, & point autrement. Fut auf-
 „ si dict, & accordé, que pour ce que ledict Conte Louys par
 „ la restitution desdictes villes, n'estoit totalement satisfait
 „ de son dēu, ledict Roy de France luy donneroît outre ce,
 „ deux cēts mille Frācs, en cinc payemēts, dōt le premier qui
 „ seroit de cēt mille Francs escherroit huit jours apres la con-
 „ summatiō dudit mariage, & les autres cēt mille, deux ans
 „ apres, a quatre payemēts. Moyennāt lesq̄lles choses, on pro-
 „ cedā auant audiçt mariage, & quitā ledict Côte Louys, tout
 „ ce que autrement ledict Roy de France luy pouoit deuoir,
 „ jusques lors. Ce fut arresté & cōclu en la ville de Gand, le

Selon de Lille,
 Douay & Or-
 chies a la Cōté
 de Flandre.

douzième d'April mil trois cents soixante neuf, apres Pasques: presents & consentants les deputez des trois villes de Gand, Bruges, & Ypre. Et le dix & neuuesme de Iuing, audit an soixante neuf, pour cōsommation dudict mariage, furent les dessus nommez espousez en l'eglise Sainct Bauon de Gand, par l'Archeueque de Tournay, & se trouuerēt esdictes noces plusieurs grands Princes & Seigneurs de France, & avec eux les Duc & Duesse de Brabant. Durāt lesquelles nopces furent faictes plusieurs ioustes, tournois & vne infinité d'autre passe-temps & esbattements. Par le susdict moyen dontques, retournerent lesdictes villes & chastele- nies, qui long temps en auoyent esté esclissées a la Côté de Flandre, laquelle successiuenent deuint de la grandeur, & extendue, en laquelle elle a tousiours depuis demeuré, & est encoires presentement. Et pour autant, que au commencement de ce volume, je vous ay promis la description du- dict Flandre, avec plusieurs choses memorables d'icelle cō- trée, furnissant a ma susdicte promesse, seray contrainct de descontinuer quelque peu nostre histoire, pour en cest en- droit, vous donner, comme je desire en tous autres ap- paisement, & contentement. Esperant me rigler en ce, tant briefuement, (en regard mesmement a la grandeur & dif- ficulté de la matiere) que ceste discontinuation, ne seruira que de certain renouuellement d'esprit, & plus grande re- creation au lecteur fasché (peult estre) d'un discours si long, & continuel.

L'auteur des-
continuant son
histoire se pre-
pare au dis-
cours d'aucu-
nes choses me-
morables de
Flandre.

*De l'estendue, diuision, & subdiuision de Flandre, du nombres des
villes closes & priuileges qu'il y a audit pays, des fortereffes, ri-
uieres & autres choses memorables de ladicte province.*

CHAPITRE CLXIX.



Extendue de la
prouince de
Flandre.

Le quartier de pais, que nous appellons Flan- dre, est vne petite prouince, partie Conté, par- tie Signorie, soy entendant du costé d'Oost, au pais de Brabant, & a la Marchionné d'An- uers, du costé de Zuut a Cambresis & Hai- nault

nault, du costé de Noort, a Zelande, & a la mer d'Angleterre, & du costé de West, a la mer de France, & Artois. Celle partie de ladicte prouince, qui gist sous la couronne de France, est appelée Conté. A cause de laquelle le Conte de Flandre est l'un des douze Pers, & le premier de Contes: mais l'autre qui est située, sous l'Empire, est nommée Seigneurie, a raison de laquelle le Seigneur de Flādre, se porte & nomme Prince du Saint l'Empire. Desquel les deux parties fait separation la riuere de l'Escault, pour autant que ce qu'est oultre ladicte riuere du costé de West, est de la Conté, saulx la terre d'Ouerschelde. Les quatre mestiers, le terroir de VVast, avec vne partie du terroir de Tenremonde, qui sont de la Seigneurie de Flandre, jaoit qu'ils soyent oultre l'Escault du costé vers Flandre. Le Conte de Flandre est subdiuisée en deux autres parties au moyen de la riuere du Lys, car tout ce qu'est deçà du Lys, du costé de Noort, est nommé Flandre Flamengant: & tout ce qu'est de la le Lys, vers le Zuudt, depuis Menin, s'appelle Flandre Gallicant. Sous lequel Flandre Flamengant se treuvent quatre principales loix: sçauoir, Gand, Bruges, Ypre & le Franc, avecq leur suytes & chastelenies, & est dict Flamengant, pour le langage, dont on y vse. Sous Flandre Gallicant, sont comprins les chasteaux, villes & chastelenies de Lille, Douay & Orchies, ou on vse du langage Franchois. La Seigneurie de Flandre rechoit semblablement vne subdiuision: sçauoir en Fiefs, & Franc-aleurs. Les Fiefs sont la Conté d'Alost, les quatre mestiers, le terroir de VVaest, & les terres oultre l'Escault, qui se nomment Ouerschelde, tous mouuans de l'Empire, & tenus par ensemble en vn fief du dict l'Empire. Le Franc-aleurs sont, les villes & terroir de Tenremonde, le chastel de Bornhem & la ville de Grantmont, Flobecque & Lessines, sont de Flandre & de la terre d'Audenarde. Toutesfois pour les questions qui en ont esté par cy deuant, entre les Contes de Flandre & de Hainault, soustenant chascun d'eux respectiuement icelles estre de sa seigneurie, elles ont esté nommées, terres de debat, & fortifiées a grand

Diuision de
Flandre.

Subdiuision de
la Conté de
Flandre.

Quatre princi-
pales loix
sous Flandre:
Flamengant.

Flādre Gallicant

Subdiuision de
la seigneurie de
Flandre.

Fiefs de la seig-
neurie de Flan-
dre.

Franc-aleurs de
la seigneurie de
Flandre.

Flobecque &
Lessines terres
de debat.

Dix & sept vil-
les closes en la
Conté de Flan-
dre Flamengât

Vingt & trois
villes nō closes
mais preuile-
gées soubz la
Côté de Flādre
Flamengant.

Trois villes clo-
ses en la Conté
de Flandre Gal-
licāt, & vne nō
close preuilegée

Quatre villes
closes en la Seig-
neurie de Flan-
dre & deux nō
closes preuile-
gées.

Les forteresses
& chasteaux
aux frontiēres
de Flandre.

Trois riuieres
nauigables en
Flandre.

La riuiere de
l'Escault.

La riuiere de
Lys.

a grand conseil. En Flandre Flamengât soubz la couronne y a dix & sept villes closes: sçauoir Gand, Bruges, Ypre, Courtray, Audenarde jointe a Pamele, Damme, l'Escluse, Nieuport, Furnes, Biervliet, Dixmude, Dunkerke, Berge, Greueninghe, Bourboursch, Cassel, & Hulst: & vingt & trois villes nō closes, mais toutesfois priuilegées, sicōme Thielt, Deinze, Hughersluus, Harlebecque, Werny, Mecim, Oostburch, Ardemburch, Oudenburch, Eecloo, Ghistelle, Ostende, Blanckeberge, Loo, Mardicke, Lombaertszijde, Thoroult, Munckereede, Houke, Mude, Poperinghe, Baillcul, Waestene, Roulers, & Middelboursch. En Flandre Gallicant, y a trois villes closes: sçauoir, Lille, Douay & Orchies, & vne autre preuilegée, Comines avec le chastel y estant: en la Seigneurie de Flandre soubz l'empire y a quatre villes fermées, sçauoir Aloft, Niuelles, Grantmont, & Tenremode, & deux autres preuilegées Rupelmonde, & Saeftinge. De maniere qu'en tout le païs de Flandre, se treuuent de nombre fait, vingt quatre villes closes, & vingt & six preuilegées non closes. Vous auez outre ce, sur les frontieres de Flādre, le fortresses & chasteaux qui s'ensuyuent: sçauoir contre Artois les chasteaux de Lille, Douay & Comines. Contre Tournay & Hainault sont les chasteaux de Courtray & de Audenarde: contre Brabāt les chasteaux de Liekerke, Bornhem, Rupelmonde, & Beuere: contre Zelande, Angleterre & au loing de la mer, Saeftinge, l'Escluse, la tour de Bourgoingne & Nieusport. Et dedens païs, sont les chasteaux de Gauere, Petegem pres Audenarde, lequel est maintenant en ruine le chastel de Gand, & plusieurs autres. Vous auez semblablement en Flandre trois riuieres nauigables: sçauoir l'Escault, le Lis, & le Denze. L'Escault prend sa source de Hainault, & passe par Valenchienes, Tournay, Audenarde, d'ou eile prend son cours vers Gauere, & a Gand, de la elle passe par Tenremonde, Rupelmonde, Bornhem, Anuers, & jusques a la mer. Le Lys prēt son commenchemēt en Artois dessus Bethune, & vint en Flandre par Aire, descendāt vers Lille, Comines, Weruy, Menin, Courtray, Harlebecke, Deimze & Gand, ou ladiēte riuiere entre en celle de l'Escault, & perd illec son nom. Aucuns estiment, com-

me

me aussi me semble vray semblable que ladicte riuere du Lys a prins son premier nom de Lyderic premier Forestier de Flandre, disants que dudiect Lydericus elle fut appelée *Lydia*, comme encoires on le trouue nommée par anciens autheurs, encoires que depuis elle soit esté appelée *Lysa*. Le Denze commence vn peu plus hault que Ath en Hainault, & descend vers Grandmont, Liekerke, Aloft, & Ten remonde, d'ou elle entre dedás lediect Escault, & perd semblablement son nom. Outre leśdictes riuieres, vous auez pareillement en Flandre, plusieurs eauls artificielles & nauigables: sicóme la Lieuē, qui vint du Damme en la ville de Gād & delgorge dedás la Lys. Yperleet que meine d'Ypre a Dixmude, Nieupoort, & de la par le país du Franc vers Bruges. La Reye, qui conduict de Bruges au Dam, avec plusieurs autres trescommodieuses, pour le fait de la marchandise, qu'a en tout temps esté grandement frequentée & exercée en la prouince dudiect Flandre. Vous auez aussi en Flandre cinc Ports de mer, vn a l'Escluse, qu'on appelle le Zwyn, renommé & célébré par toutes les parties du monde, le deuziesme a Ostéde, le troiziesme a Nieupoort, l'autre a Dunkerke, & le dernier a Greueninghe.

La riuere du Lys a prins son premier nom de Lyderic premier Forestier de Flandre.

La riuere du Denze.

Eauls artificielles & nauigables en Fládre.

Cinc ports de mer en Fládre.

Le Zwyn de Fládre célébré par toutes les parties du monde.

Comment & par qu'els mots le Conte de Flandre souloit releuer du Roy de France sa Conté, & Parrye de Flandre, ensemble des chambres Legale, & des Reuengs, avec autres choses memorables de Flandre.

CHAPITRE CLXX.



LE Roy s'asseoit en chayere Royale, accópaigné par cy deuant des Pers de France, & depuis de tels que bon luy sembloit. Et le Côte marchoit vers luy, la teste nuē, & deschainē, & se mettoit a vn genouil, si le Roy le permettoit. Lequel Roy estant assis, mettoit ses mains entre celles dudiect Conte, & le Chancelier, ou autre que le Roy a ces fins ordonnoit, qui s'adressant audiect Conte, parloit a luy de ceste sorte: Vous deuenez hóme liege du Roy vostre souuerain Seigneur, pour raison de la Parie & Conté

Cccc de

de Flandre, & de tout ce, que vous leuez & tenez de la couronne de France. Et luy premettez foy & hommaige, & service contre tous jufques a la mort incluſiement. Sauf au Roy ſes droicts, en autre choſe, & l'autrui en toutes. Et le Conte reſpond: ouy Sire, je le promets ainſi. Et ce dict, ſe lieue, & baile le Roy en la jouë; ledict Côte ne donne riens pour relief. Mais les heraults & ſergeans a maché du Roy, butinent la robbe qu'il a veſtue, ſon chapeau, & bonnet, ſa chaincture, ſa bouffe, & ſon eſpée. Quat a la chambre Legale de Flandre, c'eſt vn colliege qui ſ'aſſemble de conſeillers & hommes de Fief du Côte en tel nombre, qu'il plait audict Conte. Leſquels a la ſemence dudit Conte, ou de ſon bailly, cognoiſſent & ſont droit de toutes matieres, reſeruees a la haulteur d'icelle Conte, & dont les loix de Flādre peuuent cognoiſtre, ſi cōme de matieres feodales de la paix generale du païs, qui ſ'appelle *de Eerlijcke vrede*, laquelle ſe publie deux fois l'an, & de tout ce qui en depend. Et ſe tint icelle chambre en tel lieu en Flandre, qu'il plait au Conte, & y preſide le Chancelier de Flandre, quand il y eſt, & en ſon abſence le Preſident dudit Flandre. Et quand ladicte chambre ſe tient en la preſence du Conte, on fait mettre au milieu du parquet ſur vn petit liſt ou couſſin vne eſpée nuë, en ſigne de ſouueraineté. Mais la chambre des Reuenges, eſt vn college d'hommes de Fiefz, nommez, haults Reueurs, en Latin *Ratiocinadores*. Leſquels a la ſemonce du Bailly, cognoiſſent de toutes matieres, concernant le demaine du Prince, & ce qui en depend. Et tiengnent conſiſtoire ordinaire vne fois l'an, par trois jours ſeulement, en tel lieu en Flandre, qu'il plaſt au Prince. Auquel preſide le Chancelier de Flandre, ſ'il y eſt. Aultrement le plus anchien ou le mieux ſij le des Reueurs; leſquels haults Reueurs, ſont en nombre de dix & neuf ou vingt, & a cauſe de leurs Fiefs receueurs heritables dudit demaine, ſcauoir les aulcuns des grains, aultres des chairs, aultres des rolles & briefs, & les aultres des reuenus, dont ils rendent compte, & jugent par arreſt & ſans reſort. Comme ſemblablement ſouloient anchienement juger, les loix de Flandre, leſquelles n'eſto-

Le Côte de Flādre ne donne riens pour relief de la Conté.

Chambre Legale de Flandre quid.

Eerlijcke vrede

La chābre des Reuenges de Flandre quid?

Les haults reueurs receueurs heritables du demaine de Flādre.

n'estoyent subjectes a aucun ressort. Ains estoyent priuilegées, que quiconque contredisoit a leur sentence, four-
 faisoit certaine amende tant enuers le Seigneur, qu'a l'en-
 droict de chascun escheuin qui se contradisoit, comme ap-
 pert par ceste clause : *Qui ea quæ a Scabinis in iudicio vel testi-*
monio affirmata fuerint deduxerit sexaginta libras amittet, & uni-
cuique Scabinorum qui ab eo deductus fuerit, decem soluet. Et n'a-
 uoit le Conte cognoissance des abus de loy, qu'en vn cas
 seulement : sçauoir, quand ils estoyent attaincts d'auoir
 jugé faullement par malice, corruption, vengeance ou par-
 tialite. Ou quel cas, icelles loix estoyent a la volonté dudit
 Conte, par le jugement de la loy d'Arras, lors chef ville de
 Flandre ou d'autres loix vsans de pareil droict ou coustu-
 me, & ce par priuilege fort ancien donné longuemēt auāt
 que Arras fut ecliffée de Flandre en ceste maniere : *Si Sca-*
bini a Comite siue a ministro Comitum moniti super aliqua re falsum
iudicium fecerint veritate Scabinorum Attrebatensium siue alio-
rum qui eandem legem tenent, Comes eos conuincere poterit, & si
coniuncti fuerint, ipsi & omnia sua, in potestate Comitum erunt. Et a-
 pres que ledict Arras, & ce qu'est de la Conté d'Artois, fut
 substraict de Flandre. Le Conte fit la punitiō desdicts abus,
 par le jugement des escheuins des cinc villes de Flandre,
 Gand, Bruges, Ypre, Lille, & Douay. Depuis quand Lille &
 Douay furent separées dudit Flandre, par le trāsport qu'en
 fit le Conte Robert au Roy de France ledict Conte punif-
 soit les corruptions des trois villes, Gand, Bruges, & Ypre,
 par sa court sans toutesfois toucher a leurs jugemens & e-
 stoit la cause, selon mon opinion, pour ce qu'en matieres ci-
 uiles les jugemens des grandes loix, se rigloyent selon les
 preuileges, kueres, & ordōnances, que les Côtes de Flandre
 leur auoyent donnez, & en matiere de crimes sur la confes-
 sion du delinquant, & pourtāt ny cheoit reformation. Et les
 jugemens des petites loix, se rigloyent selō le chef de sens
 des grandes villes. Toutesfois apres que le Roy Philippe le
 Bel, estoit venu a seigneurie, & que le parlement auoit cō-
 mençé faire residence arreste a Paris, iceluy Roy conten-
 doit fort mettre les loix de Flandre, sous le ressort dudit
 parlement, cherchant en ce occasion par les trentenũ de

Les loix de Fla-
 dre jugeoyent
 anciennement
 par arrest.

Des jugemens
 des loix de Fla-
 dre.

Le Conte n'a-
 uoit anciennement
 cognois-
 sance des abus
 de loy en flam-
 dre, qu'en vn
 cas seulement.

Punitiō des a-
 bus de loy en
 Flandre par le
 jugement des
 cinc villes dui-
 dict Flandre.

Le Côte de Fla-
 dre depuis, le
 trāsport de Lil-
 le & Douay,
 punit les cor-
 ruptions des
 trois villes,
 par sa court
 toutesfois tou-
 cher a leurs ju-
 gements, &
 pourquoy.

Confession en
 matieres crim-
 nelles.

Le Roy Philippe le Bel depuis la residence de son parlement a Paris, talche de meure les loix de Flandre sous le ressort d'iceluy parlement.

Les cinc villes de Flandre submises au ressort du parlement de Paris.

Lesdictes trois villes exemptes d'iceluy ressort.

Gouvernee de Lille, Douay.

Gand, qui pour lors estoient en debat contre leur Prince le Conte Guy, & auoyent eu a luy proces audict parlement *in casu denegata iusticia*. Et pour les attraire audict ressort, il print iceux trente neuf en la sauuegarde, promettant les garder & entretenir en leurs preuileges, libertez, continues & vsaiges, les assurant de leurs premieres instances, mesmes que les adjournements, n'auroient lieu qu'en deux cas seulement: sçauoir, *in casu denegata iusticia*, & *in casu resorti*. Ordonna que toutes prouisions du parlement, seroyent libellez, & que autrement l'on ne seroit tenu les obeyr. Accordant que jamais sergeant Royal, n'auroit sa residence ou demeure en Flandre, ny les juges Royaux aucune jurisdiction ou cognoissance. Mais sortiroyent lesdicts loix immediatement, & sans moyen audict parlement, & leur feroit faire le Roy bonne & briefue expedition de justice, selon l'ordonnance & style, que lors il auoit nouuellement faict, commenchant *Pro clara & vili*. Depuis sicomme en l'an mil trois cets au mois de May, par vne paix que firent lesdicts de Gand a Ardembourch, avec Charles de Vallois, ils abandonnerent le Conte Guy, & se mirent sous l'obeissance du Roy, a condition qu'il les tiendrait pour ses subjects immediats, & qu'il ne toucheroit a leurs corps, preuileges, coustumes & vsaiges. L'an ensuyuant, estant ledict Conte Guy prisonnier a Compiengne, & deux de ses enfans avec luy, ledict Roy Philippe soubmit les cinc villes principales, Gand, Bruges, Ypre, Lille & Douay audict ressort. Mais en l'an trois cets quatre, apres la bataille de Groeninghe, que toute Flandre fust reduite sous l'obeissance de Philippe de Thierre, fils d'iceluy Conte Guy. Ledit Philippe en qualite de rewaert de Flandre, renouella leurs preuileges anciens, & leur octroya que toutes matieres cernans les cinc villes, seroyent traitees en la maniere accoustumee. Mais tantost apres, le Roy ayant recouure Lille & Douay, par le transport que luy en fit le Conte Robert, il y commit siege Royal & gouverneur, & les fit sortir audict parlement. Mais les autres trois villes, Gand, Bruges & Ypre, demourerent a part elles, & ny voulurent sortir. Longuement depuis, le Conte Louys dict de Male, enuiró l'an soixante

ante neuf, mit sus, vn petit conseil, qu'il nommoit l'Audience. Par lequel il se fit informer des abus des officiers, & des loix, & les punissoit par submission, & par sentéces arbitraires. Enuoyoit de ville en ville, recevoir les plainctes des cōpleignants, & en faisoit la raison sur le rapport des commis, fort sommierement, & le plus souvent par submission. Et brief apres sa mort, Monsieur le Duc Philippe lors Côte de Flandre, aduisant que la chābre Legale, & celle des Reuēges estoient de longue traînée, & de excessiue despenſe aux parties, & que d'autre costé l'Audience establie par le Conte Louys son predecesseur, estoit trop sommiere, mit sus vne chambre a Lille d'un petit nombre de conseillers, & de maistres des comptes. Auxquels il bailla auctorité & puissance de recevoir toutes plainctes, & faire droit a vn chascun, de tous cas concernans sa hauteur, & Seigneurie, selon leur instruction, laissant neantmoins ſeldictes chambres Legale & des Reuēges en son estre, pour ceux lesquels y voudroyent auoir affaire. En laquelle chambre a Lille, ne sortoyent du commencement la gouuernance, ne les loix des villes de Lille, & Douay, mais alloient immediatemet a Paris, comme ils auoyent faict depuis ledict transport. Ils sont toutesfois apres venus sortir en la chābre de Flandre, par ce que le Conte maintenoit, puis qu'on auoit introduict que icelles loix & gouuernances deuoyent ressort, que la premiere instance en deuoit estre enuers luy en Flandre. Comme aussi ne voulurent oncques sortir en ladicte chābre de Lille, les quatre loix de Flandres, Gand, Bruges, Ypre, & le Franc. Nonobstant que pour a ce les induire, furēt du temps dudiſt Duc Philippe aduisez plusieurs nouueaux styles & practiques, dont jamais n'auoit esté vſé en France n'ailleurs. Car pour remedier a ce que par les appellations les sentences des loix ne fussent suspenduës, au grand prejudice de la marchandise, du police de la chose publique, l'on aduisa de introduire, que en Flandre Flamengant les appellations ne suspenderoient le juge, mais seroyent toutes sentences des loix tant interlocutoires, que diffinitives executées reallement, & defaict, & furnies a caution, nonobstant appellation. Aussi fut dict, qu'en Flandre Flamen-

Source de la chābre des cōptes a Lille, aussi bien que de la chambre du conseil en Flandre,

En Flandre Flamengant les appellations ne suspendent le juge.

Voye de refor-
mations.

Complainte non
receuë en Flan-
dre en matiere
de succession.

Aboliffement de
la chambre de
Lille.

gant, n'auroit point d'attemprats, & si fut introduit pour ledict Flandre Flamengant, le style & practique de re-
formations pour les-pouvoir intempter endedens l'an, en
baillant par le reformant caution de trois cents liures Pari-
sis. Et touchant les complaintes & matieres de nouvellité, que lors sembloient estranges, & totalement prejudi-
ciables aux droicts & coustumes des formortures des loix
& vierfchares de Flandre, fut aduisé qu'en Flandre Fla-
mengant complainte n'auroit point de lieu en matiere
de successio. Nonobstât quoy, & quelque chose qu'on s'eust
aduiser, lesdictes quatre loix ny voulurent venir. Et quand
on les y vouloit contraindre par commissions & adjourne-
ments, ils disoyent qu'ils estoient nuement sous le parle-
ment, & quand on les vouloit attirer en parlement, ils di-
sient qu'ils n'estiont pas appellables. Mais les petites villes,
ausquelles par l'instruction de ladicte chambre, fut permis
auoir illec leur recours, en cas douteux, par maniere de
chief de sens, prindrent souuent iceluy recours. Et par ce
moyen se rendirent petit a petit, appellables, sous les
styls & moderations dessus dictes. Aussi firent les cours
feodales, pour ce que la justice de la chambre Legale, es-
toit aux parties trop longue & de trop de despens. Apres
le trespas dudit Ducq Philippe, les quatre membres de
Flandre se trouuerent a Gand, deuers Monsieur le Duc
Jean, a sa joyeuse entrée. Et entre autres choses luy requi-
rent, qu'il voulsist entretenir le pais & les villes & chaste-
lenies en leurs droicts, preuileges, & coustumes, ainsi
que tousiours auoyent fait les tresuictorieux predeces-
seurs, mesmes le Conte Louys son grand pere, & qu'il fit
traicter les matieres du pais, des loix, ensemble des courts
feodales dedans le pais de Flandre Flamengant, sans les
souffrir tirer hors du pais. Sauf si son plaisir estoit, tenir
chambre pour cas de ses souuerainetez, ou aultres, dont
les loix ne peuuent cognoistre, qu'il le fit en son Audien-
ce, & par la court en langage Flameng, & deça le Lys,
comme auoyent fait les predecesseurs. A quoy leur fut
respondu par la bouche de Messire Henry vanden Zijpe,
gouuerneur de Lille, que mondict Seigneur vouloit en-
tre-

tretenir les preuileges & franchises du païs, & des villes & chastellenies, sault sa Seigneurie & souueraineté. Et que desormais il tiendroît l'Audience & court accoustumée en Flandre Flamengant, dechà le Lys, & en langaige Flameng, & si feroit visiter, & vuyder les proces demenez a Lille en langaige Francois, & cesser icelle chambre comme il fit. Mais brief apres, sicomme en l'an mil quatre cents-neuf, Monsieur le Duc Iehan, freschement retourne du voyaige de Liege, mit sus a Gand vne chambre de justice, en laissant a Lille, celle des comptes, ou elle est encoires, en laquelle il fit sortir petit a petit, les petites loix de Flandre. Mais les quatre principales loix, ny voulurent venir; aussi ne firent ils, es autres chambres que depuis le Duc Philippe ordonna & institua. Ains s'en tenoyent exempts, comme semblablement ils faisoient du resort de Paris. Et quand on les en vouloit travailler, ils bannissoient les appellants, ou les constituoyent prisonniers, mesmement ceulx de Gand, qui lors estoient de grande autorité; faisoient aux appellants des merueilleuses traueses, bannirent le President de Flandre, comme ayant fait contre leurs preuileges, & anciennes exemptions, & se trouuerent aucunesfois les commissaires de France, en fin fons de fosse, & les sergents Royaux ruez en la riuere. Tellement qu'en l'an mil quatre cents quarante cinc, Monsieur le Duc Philippe, pour remedier aux inconueniens que journellement aduenoyent. Au moyen dudiect resort, fist a l'instance desdictes quatre loix, remonstrer au Roy Charles le septiesme, & dire que de toute anchieneté, lesdictes loix auoyent cognu de tous cas criminels & ciuils, appartenants a leur cognoissance, sans ressort, & sans ce, que de leurs jugemens, sentences, ou appointements rendus, selon leurs preuileges, kieres, statuts, & ordonnances, l'on ne auoit peu ny d'eu appeller, ne les attraire fust en la chambre de Flandre, ne en parlement, requerant, que son tres-noble plaingr fust, les laisser en leurs anciens droicts, possessions, franchises, & libertez, ou du moins suspendre les appellations de leurs

Re la chambre
a Gand.

Surueance du
ressort des qua-
tre loix de Flan-
dre.

leurs jugemens, pour vn temps. Et le Roy a la contemplation de mondict Seigneur, fit expedier lettres patentes, données a Sarry, lez Chalon, le quatriesme de Iuliet audict an quarante cinc. Par lesquelles il mit en surceance neuf ans continuels toutes les causes que pendant iceluy tēps pourroyent venir en parlement, a cause des jugemēts desdictes loix. Sans plus auant y estre procedé, durant le mēme tēps, saulſ que ce ne porte prejudice au ressort & souueraineté que le Roy pretent au contraire, ne semblablement aux possessions, droicts, vsaiges, franchises, & libertez, des loix desdictes. Et en l'an quatre cent cinquante quatre, estant mondict Seigneur le Duc Philippe, venu au dessus de toutes ses besoingnes, & ayant reduict ceux de Gand, & mis tout le païs en bonne obeissance & subjection, volust & ordonná, que lesdictes quatre loix sortissent en ladicte chambre, lors residente a Ypre, ne faisant difficulté, que de la ils allássent au parlement s'ils vouloyent. Pourueu, que de la premiere instance, d'appel ou de reformation, icelle la chambre, eust cognu diffinitiuement, ou par interlocutoire, sentant diffinitiuē, & que la matiere ne touchast la sa hauteur & seigneurie. Mais il leur accordá par priuilege, & octroyá ce que par style l'on auoit introduict en la chambre a Lille: ſçauoir que toutes leurs sentences reparables en diffinitiuē, seroyent executables a caution reellement, & de faict, nonobstant opposition ou appellation. Dont sont lettres de l'an quatre cents cinquante huit, qu'ils appellent la nouvelle ordonnance. Audict an cinquante quatre, ledict Duc Philippe considerant que les païs de pardeſá, qui luy estoient nouuellement succedez & dont il estoit partout payſible, ne pouoyent estre conduicts & gouuernez en bonne vnion, & louable police, ne ses droicts, haulteur, & seigneurie, gardez ſans justice souueraine, veu la diuersité de leurs natures, & que les conseilx particuliers de chascun païs, ne pouoyent pourueoir a tout mesmement a rigler les ressorts de Malines, Valenohienes, Floberque, Lessines, ny des autres terres de debar, ny cognoistre de la garde des Eglises de Cambray, ne des debats que jourbellement surmenoyent entre les païs, l'un contre l'autre, pour arrests,

paye-

Du grand conseil.

payemens de tonlieux, & d'autres droicts, interpretation des priuileges a l'un & a l'autre desroians. Ne aussy, des questions des cheualiers de l'ordre, & d'autres grands nobles de la maison, ne du faict des limites. d'entre lesdicts pais, ne de reprefailles, ne des prises sur la mer, ne de l'office de l'Admiral, ne des dons gratuitz, aydes & subuentions accordez, par tout le pais ensemble, ne des priuileges des Lombarts, des marchands estrangiers, & de ce qu'en depend, de l'entrecours de la marchandise, des traictiez de paix faicts entre les Princes, ne des concordats faicts avec les Archeuesques, & Euesques voyfins, du faict de la monnoye, ne cent mille autres matieres journallement suruenans, il aduisa de faire tenir consistoire par son grand cōseil estant lez luy, & d'auoir procureur general pour tous lesdicts pais pour illec estre traictées toutes les matieres desusdictes, & autres concernant sa haulteur en Seigneurie, tant de Flandre que des autres pais, dont les gens du Roy de France, pour ce qu'il touche Flandre. En l'an mil quatre cēts cinquāte neuf, apres aucunes journées tenuēs a Chalō, a Paris, a Mōbrison, & a Védosme entre le Roy Charles le septiesme & ledit Duc Philippe, sur aucuns mauuaix rapports qu'on auoit faict audiēt Roy dudiēt Duc Philippe, le Roy enuoyā finalement vne notable Ambassade a Bruges, deuers lediēt Duc, ou pour lors estoit pareillement le Dauphin de Vienne, & entre autres choses luy fit dire, par Monsieur de Constance, quy portā la parolle. Que le Roy vouloit qu'il obeyst a son parlement, car le parlement estoit vne notable court du Roy & des Pers. Et lediēt Duc luy fit respondre, par la bouche de Monsieur de Tournay, qu'il confessoit estre bien vray. Que la court du parlement estoit la court du Roy & des Pers. Mais selō que les choses se conduisoient, les Pers ny auoyent riens. Car cōbien que pour le bien du Royaume, & pour supporter les Pers du trauail & de peine, il auoit parcydeuant esté aduisé, de faire vn parlement, arresté de gens notables a l'election du Roy & des Pers. Toutesfois les Roys soubz vmbre d'auoir recouuré, en leurs mains, plusieurs desdicts Parries, sicomme Normandie, Guyenne, Champaigne, & Thoulouse en

Institution de
procureur ge-
neral.

La journée de
Bruges tou-
chant le ressort.

D d d d

auo-

auoyent fait a par eux, & a leur volonté, & y colloqué
 gens a leur plaisir. Dont autrefois ledict Duc auoit fait pla-
 incte, & luy auoit a esté promis a la journée de Paris, que le
 Roy pouruoyroit par l'aduis de luy de Messieres du conseil
 & de ceux du sang, & que l'on y mettroit douze person-
 naiges, que luy comme deux fois per de France, voudroit
 nommer & choysir. Toutesfois l'on y auoit procedé, sans
 l'auoir appelé, & ny auoit esté mis vn seul, quy fut de Flan-
 dre ou de Bourgoingne. Disant en outre que ledict Duc
 auoit bonne experience, que ceux du parlement ainsy
 choisis par le Roy seul, ne jugent que pour le Roy, & qu'ils
 ne contendent qu'a deffaire, & fondre l'autorité, preemi-
 nence, & souueraineté des pers, mesmement ne font au-
 cune justice pour ledict Duc, mais assez contre luy, & n'o-
 se aucun de ses conseilliers proposer declinatoire, ny remō-
 strer chose quy touche aux exemptions & souuerainetez
 du Conte de Flandre. Que plus est, s'aduanchet de cognoi-
 stre des cas aduenus en Brabant, Hainault, & ailleurs hors
 du Royaume, auant qu'il soit decidé des limites. Et que pis
 est, la court permet aux aduocats des parties, dire aux gens
 & conseilliers dudiect Duc, parolles injurieuses & vilaines,
 que ne leur appertient, & ne les souffriroit ledict Duc pas
 volontiers de bien grands & pareils de luy, mais l'enduroit
 pour l'honneur du Roy, & desiroit bien que le Roy y pour-
 uent. Concluant finalement, que cōme ledict Duc auoit
 au Roy serement de fidelité, & obeissance, lequel il auoit
 entretenu, & vouloit tousiours entretenir, il auoit sembla-
 blement ses serment a ses subjects de garder, & nō souffrir
 diminuer les prerogatiues & souuerainetez des Contes de
 Flandre, & n'entendoit qu'en les gardant, il peust estre no-
 té ou argué de desobeissance, veu que garder ses droicts, n'e-
 stoit desobeyr, y adjoustant aucunes autres semblables pa-
 rolles en substance. Apres le trespas dudiect Duc, Monsieur
 le Duc Charles son fils, continua le consistoire & souuerai-
 ne justice de son grand conseil, & l'amplia fort d'auctorité,
 & jurisdiction, en y commettant toutes causes concernans
 la hauteur, ausly bien de Flandre que des autres païs, sans
 auoir regard a resort. Et considerant la grande multitude
 des

des causes y affluans, & que cestoit grand peine, travail, & despence aux parties de suyuir ledict consistoire, & grand conseil, partout ou le Prince alloit, ausy que ses affaires pour la guerre, estoient grandz, & que obstant iceux son chancelier ne pouuoit bonnement entendre, à l'expeditiō des proses, il fiovā temps résider ledict conseil en lieu arroyé, scauoir en la cité les Arras, sous Monsieur de Tourmay, & depuis a Malines sous Monsieur de Champnans; & brief apres, sicomme en Januier de l'an septante trois, il fit & instrua son parlement a Malines de trentecinc personnes, scauoir de luy comme chief de son chancelier, d'un chief de conseil, de deux presidents, de quatre cheualiers de six maistres des requestes, de huict conseilliers, d'Eglise, & de douze conseilliers lays, lesquels prenoyent juridiction fort ample, & faisoient sortir pardeuant eux, toutes les appellacions des chambres des autres pais, & ausy les quatre loix de Flandre immediatement. Bref apres le trespas dudict Duc Charles, Madamo Marie sa fille, fort estornée des commotions de son peuple, & de la guerre que le Roy Louys luy faisoit, enuoya en l'an septante six, ses Ambassadeurs respondre au Roy, qu'elle estoit contente de tenir la paix d'Arras, & luy recognoistre en Flandre, & en Artois le resort accoustumé, nonobstant les paix de Constans, & de Péronne, & fut cessar ledict parlement a Malines, & remit sus son grand conseil & justice souueraine, suyuant la court comme deuant. Mais pource que le Roy, ne voulut accepter la presentation, elle & l'Archiduc Maximilien son mary, firent traicter toutes matieres en iceluy leur conseil, tant de Flandre que d'autre pais, sans auoir regard a resort, tant que la guerre dura, & depuis par la paix de l'an quatrevingts & deux, l'Archiduc Maximilien, & Philippe son fils, depuis Roy de Castille avec les estats du pais, recognurent au Roy la souuerainete & resort en Flandre selon qu'il en auoit esté accoustumé en temps passé. Et moyennant ce le Roy confirma toutes les sentences rendues au grand conseil & parlement a Malines, au prejudice du resort tant par les Ducs Philippe & Charles, que par ledict Archiduc Maxi-

DE FLANDRE
CHILD
290

Du parlement
a Malines.

DE FLANDRE
CHILD
290

DE FLANDRE
CHILD
290

Comment, &
par quels
mots le resort
a esté recognu
au Roy de Fra
ce.

milien & Madame Marie. Et ordonná, que les appellations des sieges & gouuernâces de Lille, Douay, & Orchiers, sortissent immédiatement en la chambre de Flandre, & de la en parlement : semblablement les appellations de toutes les loix de Flandre, sous le mesme resort. Et que les sentences d'icelles loix reparables en diffinitue, seroyent executées a caution, selon les ordonnances. Et depuis, en traictant la paix de Senlis en l'an quatreuingts treize, d'entre le Roy Charles le huitiesme, & l'Archiduc Philippe, les gens d'iceluy Roy firent recapituler, & mettre en icelle paix, que le Roy & ses juges auroyent en Flandre, & en Artois la jouissance, souueraineté, & autres droicts, que d'ancienneté auoyent appartenu aux Roys de France, & dont les juges Royaux estoient accoustumez cognoistre & juger. Et en l'an quatreuingts dix & neuf, a la journée d'Arras, les gens du Roy, firent declairer a Monsieur l'Archiduc, en faisant hommaige au Roy, par la personne de son chancelier, qu'il vouloit garder & entretenir les droicts resort, & souueraineté appartenant d'ancienneté au Roy, & a sa court de parlement. D'autrepart, a esté plusieurs fois question, pour scauoir que cestoit le resort accoustumé, soustenant le Conte, que resort accoustumé, n'est que des appellations, venans de la chambre de Flandre, pour matieres, & entre parties dessous la couronne, non concernans la Seigneurie & souueraineté du Conte, & dont la chambre auroit plainement cognu, par diffinitue ou par interlocutoire sentant diffinitue. Et entendoit le Conte estre ses cas de seigneurie & souueraineté, toutes matieres crimineles criminellement intentées de son domaine, & de ses aydes, & subuentions les octroys qu'il donoit en matiere de police, siccome pour dicaiges wateringhes, &c. Les priuileges qu'il donne aux Eglises, villes, terroirs, marchands estrangers & autres, &c. & l'interpretatió d'iceux. Les cas commis par ses officiers, officierez, ou pour raison de leurs offices, les corrections qu'il fait de ses subjects, rebelles. Les graces qu'il octroye a ses subjects par remissiós, pardons, abolitions, rappeaux, debans, ou autres prouisiós, & l'interinement d'iceux, les sauuegardes, legitimatiós, af-

Autre recog-
noissance du
dict resort.

Du Resort ac-
coustumé, &
quelle chose
est.

Specificacion
des cas, refer-
uez a la souue-
raineté des Co-
tes de Flandre.

fran-

francissements, annoblissements, & dons d'offices & benefices, amortissements, respits, reliefuements, & toutes autres prouisions de grace qu'il faict expedier par sa chancellerie. Generallement il entendoit estre de la seigneurie, & souueraineté, tous cas, dont les Contes passé sept cets ans, ont accoustumé cognoistre souuerainement par leurs châmbres Legales, & des Reuenges, & ainsy l'ont entendu les Contes Robert, les deux Louys, Philippe le Hardy, Jehan, Philippe, Maximilien, & tous les autres Contes predecesseurs, ausy bien deuant que apres l'institution du parlement a Paris. Et quand en ce on les a voulu empescher, & troubler, ils y ont resisté tellemēt, que tousiours ils en sont demeurez en leur possession. En l'an mil cinc cents, & trois au mois de Ianuier, l'Archiducq Philippe, depuis Roy de Castille, pour aucunes considerations, & signamment pour le grand zele qu'il auoit a la justice, & affin de soulager les pources parties de la peine, & despense qu'ils auoyēt de suyuir le conseil par tout ou le Prince alloit, ausy que les proces introduicts audict conseil, dont auoit grand nombre, & les aucuns de grand importâce, se peussent de tāt mieux visiter, deliberer, & decider, & les liures des droicts estre vœuz enuoyā resider a Malines, seize maistres des requestes de son hostel, les cinc d'Eglise, & les vnze lays, dont l'un seroit President, & vn autre Procureur general, & leur baillāseaux, greffiers, secretaires & huissiers avec vn substitut de procureur, leur ordonnant faire bonne justice, & garder ses droicts & souuerainetez. Au discours desquelles particularitez nous auons esté quelque peu prolixes, afin que le curieux lecteur, ayt en quoy s'occuper pour cognoistre, & entendre, la police & maniere de gouuernement tant ancienne, que moderne, du païs & de la contrée de Flandre, laquelle a de tout temps esté principalement fondée, sur priuileges, coustumes & vsaiges, & le gouuernement de laquelle, a tousiours participē de la monarchie, Aristocratie, & Democratie, pour autant que le Prince, & le peuple, y ont tousiours gouuernē, par ensemble: de maniere, que lo Prince sans le peuple, ny le peuple sans le Prince, n'auoyēt audict gouuernement plainiere puissance ny autorité. Ce

Du grand conseil arresté a Malines.

Flandre conjointement gouuernée par le Prince, & par le peuple.

que dessus dontques premis, retournons a autres singularitez dudit pais.

Comment, & par qu'els mois le Conte reuenoit de l'Empereur sa Seigneurie de Flandre, ensemble par qu'els mois, il se faict recevoir audict Flandre.

CHAPITRE CLXXI.



A Seigneurie de Flandre, se receuoit par le Conte en personne, ou par procureur, n'ayants les Empereurs jamais refusé la reception, par procureurs, & se faict ledict relief de ceste sorte: l'Empereur est assis en sa Maïeste, & le Conte se met a vn genouil, sy l'Empereur le permet, & vn des conseilliers, a ce par l'Empereur ordonné, s'adressant vers le Conte, luy dist: vous deuenez homme liege, & Prince du Saint Empire, a cause de vostre principaulté, & Seigneurie de Flandre, & de tout ce que tenez dudit Empire, & promettez estre bon & leal a la sacrée Mageste, & le seruir contre tous. Et le Conte respond, ouy, je le promets ainsi. D'autre costé la joyeuse entrée du Conte de Flandre, se faict ordinairement en la ville de Gand, comme en la chef ville du pais de Flandre. Et s'elle se faisoit ailleurs, ceux de Gand, ne s'en contenteroyent poincts du moins, ne s'en solloient contenter: & acoustumés, ledict Conte de venir le jour precedent sadiet entrée, leger a Zwinarde en vne maison de plaïssance appartenante a l'Abbé de Saint Pierre, distante vne petite lieue de ladite ville. Et le lendemain au matin se parte d'illec, acoustre en dueil accompagné de ses nobles, se transportât vers Gand. Et les processions de toutes les Eglises dudit Gand viennent au deuant de luy, jusques hors la Perielle porte, comme aussy font ceux de la Loy, tous les Doyens & autres de l'estat de la ville. Et entre ledict Conte, & va descendre a Saint Pierre, ou il oyt messe de *sancto spiritu*, & offre vn drap d'or. Et apres la messe, l'Abbé faict aucunes ceremonies autout dudit Conte, auquel il chainct vne espee, & puis luy faict faire le serment pour l'Eglise en ceste ma-

La joyeuse entrée des Côtes de Flandre se faict ordinairement en la ville de Gand.

ste maniere . Nous jurons a garder comme bon & loyall gardien, sans moyen, bien & loyaulment contre, & vers tous, les libertez, francises, vsaiges, biens, possessions de ceste Eglise de Saint Pierre, au mont Blandin, fondée, de noz predecesseurs Roys de France, ainsi nous vueille Dieu ayder tous les Saints dont les corps reposent ceans, & tous les Saints de Paradis. Ce fait, ledict Conte se part de la, estant conuoyé del' Abbé & de la procession jusques a la porte dudit Cloistre . D'ou il se transporte vers l'Eglise Saint Jean, ou il fait le serment pour le païs, & pour la ville, deuant l'autel de Saint Jean & sur le fust de la vraie croix en la maniere que s'ensuyt . Nous jurons d'estre droicturier Seigneur, & Conte de Flandre & de ce quy appartient, de garder & deffendre la Sainte Eglise, de tenir & faire tenir le païs de Flandre en paix, en droict, & en justice, de garder, & faire garder les priuileges, francises, coustumes, vsaiges, & loix de ceste ville de Gand, de deffendre vesues & pupilles, & administrer justice a tous pources, & riches . Et generallyment de faire tout ce que droicturier Seigneur, & Conte de Flandre, est tenu de faire, tout le temps que le secours, ainsi nous puist Dieu aydier & tous ses Saints. Amen. Et ledict serment fait, le Conte tire la cloche deux ou trois coups, en prenant par ce possession. Et de la s'en vá sur le grand marché de la ville, sur la *Tooth-huis*, ou le peuple luy fait serment, de ceste sorte.

Serment du
Conte pour
l'Eglise de Flan-
dre.

Serment du
Conte pour le
pays de Flan-
dre.

Nous jurons d'estre bons, & loyaux a nostre droicturier Seigneur, le Conte de Flandre, icy present de garder tenir & deffendre sa propriété & seigneurie, & les limites du païs de Flandre, & faire tout ce que bons subjects sont tenus de faire, & a leur droicturier Seigneur, ainsi nous vueille Dieu ayder, & tous ses Saints . Nonobstant lequel serment fait audict Saint Jehan, pour tout le païs, ledict Conte fait encoires serment particulier, en chascune des villes & chastelenies de Flandre quand il sy treuve, promettant de garder les priuileges, kuers, coustumes, & vsaiges d'icelles villes & chastelenies. Et touchant la dicte joyeuse entrée, aucuns maintiennent que le Côte la peut faire par procureurs, autres que non, mesmes que ce ne fut

Serment du
peuple au Con-
te de Flandre.

ne fut jamais vëu , toutesfois l'Archiduc Philippe Roy de Castille , se fit receuoir par procureurs, scauoir par le Marquis de Baden , le Conte de Nassou & autres : mais bonne espace apres , estant venu a Gand , ledict Archiduc renouuellá le serement en sa personne , pour contenter ceux dudi&t Gand.

De l'estat Ecclesiastique de Flandre, d:s Cloistres, Abbayes, & Eglises qu'il y a audict pays.

CHAPITRE CLXXII.

Flandre sous
cinc Eueschez.



Comprise de
l'euesché de
Tournay.
Euesché de
Therouenne cel-
les d'Arras, Câ-
bray & Vtrecht

Abbayes de
l'ordre de S.
Benoist en Fla-
dre.

Abbayes de
l'ordre S. Ber-
nard en Flan-
dre.

FLANDRE s'estendoit anciennement, & mesmes jusques a nostre temps , que le Roy Philippe nostre souuerain Seigneur , & auquel Dieu doit toute prosperité , y a autrement pourueu, sous cinc Eueschez. Scauoir Tournay, Therouenne, Arras, Cambray, & Vtrecht. Tournay cõ prenoit Gand, Courtray, Audenarde avec leurs chaste-
nies, le terroir de VVast , Bruges & le Franc , avec Lille & la chastelenie dudi&t Lille. Therouenne comprendoit, Ypre & la chastelenye, Cassel , & tout le VVestquartier de Flandre. Arras comprendoit Douay & Orchiers . Câbray s'estendoit par toute la seigneurie de Flandre outrel'Es-
cault. Et Vtrecht comprendoit les quatre mestiers. Depuis ont esté audict Flandre , erigées plusieurs Eueschez , selon & pour les occasions que vous deduirons par le second vo-
lume de ceste histoire . Audict Flandre y a sept abbayes de l'ordre de Monsieur Sain&t Benoist , scauoir, Sain&t Pierre lez Gand , Sain&t Bauon audict Gand , Sain&t VVinoch a Berghes, Sain&t Andrieu lez Bruges, Sain&t Pierre a Oudé-
bouch , Sain&t Eenham lez Audenarde , Marchienes les Douay, & cinc Abbayes de Dames du mesme ordre, sicõ-
me Messines, Bourbouch, Mercke, Nonnebosch prez Ypre, & Sain&te Godelieue les Ghistelle. Il y a audict Fládre cinc autres abbayes de l'ordre Monsieur Sain&t Bernard. Scauoir les Dunes, Baudeloo, Doest, Los les Lille, Clarma-
rests, & vn presde Flines, & vne prioré a VVaerschoot, & dix & sept abbayes de dames dudi&t ordre. Sicomme la Billo-
que a

que a Gand, Dorizelle, Ter haghe, Nonnebosch les Gand, Groeninghe, Wenelghem, les Prez les Douay, Marchendalle a Pamele, Ranesberghe, Weerkere, Oosteclo, Beaupre sur le Lys, Beaupre les Grantmont. Rozen les Alloft, Zwincke les Tenremonde, & Spermaille les Bruges. Il y a aussi audict Flandre trois Abbayes de Premonstrez, scauoir, Saint Nicolas les Furnes, Tronchienes les Gand, & Saint Cornille a Nieneuc, et vne prioré de Dames Tufchen beken au terroir d'Aloft : six Abbayes de chanoines réguliers : scauoir Eechoute a Bruges, Zoetédale, Warneston, Zunebecke, Cifong, & Falempin, & six preuostez du mesme ordre, scauoir Saint Martin a Ypre, Formiseelles, Watene, Loo, Euerfam, & Petendale. Cinc Abbayes de Dames Victorines, scauoir Legroenen Briel a Gand, Saint Trudo les Bruges, VVasinnestre, Pont Rouwaert, & vne les Berghes, Saint VVinoch. Trois Cloistres de Chartroux, scauoir vn prez de Gand, vn prez de Bruges, & vn Saint Martin Lierde prez de Grantmont. Et vne Prioré de Dames du mesme ordre de Sainte Anne prez de Bruges. Quatre priorés de VVillemain, vn a Bruges, vn a Aloft, vn a Beuere, & vn a Piefnes. Quatre Cloistres de la Trinité, vn a Hotschote, vn autre au pre a nain les Nieppe, vn autre a

Abbaye des premonstrez en Flandre.

Abbaies de chanoines réguliers en Fládre. Preuostez de chanoines réguliers en Flandre. Abbayes de Dames Victorines en Flandre

Cloistres de Chartroux en Flandre.

Priorés de VVillemain en Flandre.

Cloistres de la Trinité en Fládre.

Cloistres de l'ordre de S. François en Flandre.

Cloistres de Iacopins en Flandre.

Cloistres de Carmelites en Flandre.

. Douze Cloistres de Saint

François dont les aucuns sont de la reformation, & les autres d'obedience, scauoir vn a Gand, deux a Bruges, vn a Ypre, vn a Lille, vn a Douay, vn a Audenarde, vn les Court ray, vn a Hulst, vn a l'Escluse, vn a Dixmude, & vn a Dunkerke, & cinc Cloistres de Dames du mesme ordre, scauoir les sœurs Collettes a Gand, les Collettes a Bruges, Sainte Clare audict Bruges, Sainte Clare les Ypre, Sainte Clare a Pethenghem les Audenarde. A Gand est vn Cloistre de tiers ordre de Saint François nommá Vp meere, & vn semblable a Ypre. Six Cloistres de Saint Dominicque, que nous disons Prescheurs ou Iacopins, vn a Gád, vn a Bruges, vn a Lille, vn a Douay, & vn a Berghe Saint VVinoch. Et deux Cloistres de Dames, scauoir les Iacopinesses les Bruges, & les Iacopinesses de Lille qu'ils appellent l'Abbiette. Cinc Cloistres de Carmelites, scauoir vn a Gand, vn a Bru

E e e e ges,

Cloistres de
l'ordre S. Augu-
stin en Flâdre.

Eglises colle-
giales de Flân-
dre.

Commandeur
de Hierusalem
en Flandre.

Prieur de l'or-
dre de S. Antoi-
ne en Flandre.

ges, vn a Ypre, & vn a Grantmont, & vn a Aloft; & vn Cloi-
stre de Dames a Bruges. Trois Cloistres d'Augustins Mé-
diants, vn a Gand, vn a Bruges, & vn a Ypre. Deux Cloi-
stres de Augustins reformez, que ils appellent Reguliers,
soubz le chapitre de VVindeshem, scauoir vn a Melle les
Gand, & vn a Elsegghem Prez Audenarde, & vn Cloistre
de Dames de la mesme obediencie Galilee a Gand. Cinc
Cloistres de Dames du mesme ordre reformez, soubz l'or-
dinaire, scauoir vn a Demze, & quatre a Gand, quy se nom-
ment Sainte Barbe, Sainte Agnes, les filles Dieu, & l'au-
tre Saint George, vn Cloistre de l'ordre Sainte Brigid-
de a Tenremonde. En Flandre y a pareillement dix & sept
Eglises collegiales, scauoir Sainte Pharaault a Gand, Saint
Donas a Bruges, nostre Dame audi& Bruges, Saint Saul-
ueur a Harlebecque, Saint Pierre a Lille, Sainte Anne a
Douay, Saint Pierre audi& Douay, Saint Pierre a Tho-
roult, Saint Pierre a Cassel, Sainte Walbruggha a Furnes,
nostre Dame a Courtray, nostre Dame a Tenremonde,
Saint Hermes a Renais, nostre Dame a Comines, Saint
Piat a Seclin, le colliege de Heyne les Audenarde, & le col-
liege d'Aloft quy estoit a Aeltert. En Flandre a vn comman-
deur de la Sainte maison de Hierusalem, qu'ils appellent
de Rodes, lequel a de grands biens, chappelles, Eglises, &
maisons en diuers lieux, sicomme a Gand, Bruges, Ypre, &
ailleurs. Pareillement y a vn prieur de l'ordre de Saint An-
thoine, lequel a belle residence a Bailleul en Flandre. Sans
en ce que dessus comprendre vne infinité d'Eglises paroiss-
fiales, d'hoipitals & autres semblables maisons, qu'il y a
en grande abondance, & lesquelles sont merueilleuse-
ment riches.

*Du second estat de Flandre quy est des nobles ou se traite des cours
Feodales, offices heritables, & autres choses memorables.*

CHAPITRE CLXXIII.



EN Flandre, ny a que vn Baron quy est le Conte
mesme, lequel porte pour ses anchienes armes,
gironne d'or & d'azur, vn escuchon de gueu-
le.

le . Et pour les nouuelles d'or a vn lyon de sable arme de geule mouffle d'argent , & crye Flandre au Lyon . Les anciennes armes portèrent Lyderic , & ses successeurs par plus de cinc cents ans : les nouuelles furent acquises fort honnorablement par Philippe Conte de Fládre, & de Vermandois , selon que pourrez auoir veu , par le discours a luy destiné . Toutesfois aucuns estiment , que les armes des Lyons viennent d'une alliance , que firent ensemble plusieurs Princes de perdecá , pour reconquerre la terre sainte abandonnants leurs anciennes armes , & prenants Lyons , sicomme le Duc de Louvain , le Conte de Flandre , le Côté de Hollande , le Conte de Gheldres , le Ducq de Lembourg , le Duc de Luxembourg & plusieurs autres . En Flandre Flamengant soubs la couronne sont six anciennes bannieres , scauoir le viconté de Gand , Le Seigneur de Neuele , le Seigneur de Dixmude , & de Beuere , le Seigneur de Praet , le Seigneur de Haefskerke , & le Seigneur de Watene . Et en Flandre Gallicant son quatre anciennes bannieres , quy se nomment les quatre hauts justiciers , sicomme le Chastelain de Lille , les Seigneurs de Cisoing , de Waurin & de Comines . En la Seigneurie de Flandre soubs Aloft , sont cinc anciennes bannieres . Scauoir les Seigneurs de Rode de Gauere , de Sorteghem , de Boulers , & d'Escornay . Le Côté d'Aloft porte d'argent a vne espée de geule en pal , a vn escursion de l'Empire a d'extre , & vn de Flandre a fenestre . En Flandre sont quatre Bers , scauoir deux en la Conté , & deux en la Seigneurie : en la Conté sont le Ber de Cisoing , & le cherf de Hayne , & en la Seigneurie le Ber d'Audenarde , ou de Pamele , & la vache de Boulers . En Fládre Flamengant sont quatorze principales courts feodales du Conte . Scauoir le Viesbourg de Gand , le Bourg de Bruges , la sale d'Ypre , le Chastel de Courtray , la court d'Harlebecque , la court de Thielt , la maison de Demze , la court de Petengie dict Beaulieu , le perród'Audenarde , le bourg de Furnes , la court de Berghes , la court de Bourbourg , celles de Cassel & de Bailleul . Au Viesbourg de Gád fortifsét la viconté de Gád , les Seigneuries de Neuele , Louendegé , Zomerghem , Tróchienes , Warrewyc , Saint Ieá te Steene , Saéslaht , Axe-

Le cry du Conte de Flandre.

Les anciennes & modernes armes de Fládre.

Anciennes bannieres de la Côté de Flandre Flamengant.

Anciennes bannieres de la Côté de Flandre Gallicant.

Anciennes bannieres de la Seigneurie de Flandre . Les armes d'Aloft.

Les Bers de Flandre.

Les courts feodales de Flandre Flamengant

CHRONIQUES ET ANNALES

Les nobles mai-
sons fortifiées
catholiques cours.

le, VVoestric Scueruelde, Erke, Basseuelde, l'Escoutestrie,
d'Assenede, Lescoutestrie de Bouchoute, Steeland, Ha-
nerie, le Spickere de Gand & plusieurs autres. Au bourch
de Bruges fortissent, Ghistele, Maldegheem, Lichteruelde,
Assembrouck, Vutkerke, Moerkerke, Meetkerke, Dudzee-
le, Mercken, Gruuthunse, Eerssene, Praet, Oorschap, Couc-
kelare, Middelbourch, VVateruliet, Messen, VVarssenare,
Cappelle, Oostkerke & plusieurs autres. A la sale d'Ypre
fortissent, la viconte d'Ypre Boefinghem, VVoormiselle,
Beselaere, Oolebecke, Eluerdinghe, Vlanertinghe, Morfle-
de, Zeelbecke, Lockere, Slaten, & autres. Au chastel de
Courtray fortissent, Menin Huele, Gracht, Yfenghié, Da-
dizeelle, Morseleden, Coeyghé, VVerny, Rosbecken, Deer-
like, Zweneghem, Monsqueron, Herseaulx, Mullen, VVa-
le, Pithem, Moschere, Coelscham, Hardoye, Belleghem,
VVenelghem & autres. A la court de Harlebecke, fortissēt
la viconte de Harlebecke, Bamchoue & autres. A la court
de Thiel fortissent Claroet, VVinghené, Puluoerde, Ec-
degheem, Dentregheem, Minelenbecque, Poncke, Watene,
& autres: a la maison de Deinze fortissent, le chastel de Pe-
rtheghem dict beau lieu, & autres. Au perron d'Audenarde
fortissent Hayne, Hayshoue, la Vichte, Eestert, Heemstode,
Landregheem, Nasarech, Meereghem, Rockeghem & au-
tres. Au bourch de Furnes fortissent, la viconte de Furnes,
Stanele, pont Rewaert, Reninghe, Chapelle, Ondersehue-
re, Bauendamme, Schoore, & autres: a la court de Berges,
Saint Winoch, fortissent la viconté de Berghes, Hodelscho-
te, Drincham, Ogierlande, Gnieuville, & autres. A la court
de Bourbourch, fortist Ranesberghe. A Cassel Sainte Al-
degonde, Hoymile, Borre, Haefkerke, Presnes, Haesbrouc,
& autres. A Bailleul fortissent Caltre, Zoetstede, & autres.
En Flandre Gallicant sont trois cours feodales du Conte,
scauoir la Sale de Lille, Le chastel de Douay, & la court
d'Orchies. De la sale de Lille sont monnés, la Chastelenie
de Lille, Waurin, Tisoing, Comines, Hallewyn, Robaix,
Saintes, Lannoy, Wilerual, Estrees, Haultbourdin, Semel-
les, Bondnes, Fresnoy, Waerwaene & plusieurs autres. En
la Seigneurie de Flandre sont quatre cours feodales du
Conte

Les cours feo-
dales de Flan-
dre Gallicant.

Conte, scauoir le perron d'Alost, la maison de Tenremonde, le terroir de VVast, & le chasteil de Beuere. Au perron d'Alost sortissent, Rode, Gauere, Sorteghem, Boulers, la viconté d'Alost, la meyerie de Grantmôt, VVedergrate, Herselle, Leeuwerghem, Rasleghem, Schoudelbecque, Ghiseghem, Merlebecque, Bost, Nedebrackele, Popenro, Ledde, l'Espier, d'Alost, la Conté d'Alost, & plusieurs autres. A la maison de Tenremonde sortissent Englemonstier, Vme, Manismes, Vutbrighe, Laekene, Calkene, Morselle, Basseroo, Vinderhonte, Huesden, Ouermere, & autres. A la court de VVast sortissent Canberch, Moere, Exaerde, Vnerhoute, Borch, Zwynrecht, Melsene, Thamiſe, Teleghé, la meyerie, de Lockiere & de Wasmustre, & autres. En la chambre Legale de Flandre sortissent immediatemēt tous partaiges de Flandre ausſy bien de la Seigneurie que de la Conté. Sicomme Dunkerke, Greueninghe, Bourbouch, VVarneſton, VVinendale, Renays, Pamele les Audenarde & autres. Entre lesquels ſiefuez, en a plusieurs qui ſont officiers heritables du Conte, les aucuns pour la juſtice, autres pour le demaine, autres pour la maison, & autres pour la guerre. Pour la juſtice le Prenoſt de Sainct Donas eſt chancelier de Flandre heritable: ausſy pour la juſtice ſont les vicontes de Gand, d'Ypre, & de Furnes d'Alost, d'Harlebecque, & tous hommes de ſief ſont tenus de venir aux plaids, quand ils en ſont ſemonds & requis. Pour le domaine, ſon dix & huit ou dix & neuf hommes de ſief qui ſe nomment hoofredenaers, en François haults reueurs, & en Latin raciocinators, qui ſont recheueurs heritables du demaine du Côte, les aucuns des grains, les autres des chairs, autres d'argent & autres d'autre reuenue, ſcauoir les Seigneurs de Aſſembroucq, de Middelbouch, de Saincte Aldegonde, de Baſſeueld, l'Espier de Gand, l'Espier d'Ypre, l'Espier de Dixmude, le l'ardier, & autres lesquelſ tiennent chambre vne fois l'an, comme dict eſt cy deuant. Pour la maison ſont deux, bouteilliers heritaibles, vn mouuant du bourg de Bruges, & l'autre d'Alost, qui eſt Gauere, vn panetier mouuant de Courtray, qui eſt le Seigneur de Bouekerke, vn huiffier de ſale, ausſy mouuant de Courtray, vn

Les courts ſeodales de la Seigneurie de Flandre.

Les ſiefs ſortissants immediatement, en la chambre legale.

Les offices heritables en Flandre.

Eccc iij l'aueu-

l'auendier, mouuant de Bruges, vn escueillier quy liburoit les escueilles de bois pour la table du Conte, vn briscelier quy ouuroit les celiers pour auoir le bō vin, &c. Pour la guerre sont le Connestable de Flandre mouuāt de Lille deux marischaulx, l'un mouuant de Furnes, & l'autre du perro d'Audenarde, quy se nomme le Vichte.

Du tiers estat quy est des Loix, des villes, & Chastelenies de Flandre tant Gallicant que Flamengant.

CHAPITRE CLXXIIII.



EN Flandre Flamengant son quatre loix principales, scauoir Gand, Bruges, Ypre, & le Frac. Gand a prins nom de Gayo Cesare, & se treuue es anciennes lettres, que Gand est appellé Gayda Cesaris. Et est la premiere & chef ville de Flandre, grande, belle, magnifiquie, & puissante, voires autant qu'on pourroit trouuer en toute la Chrestienté, ladicte ville est assise, sur quatre riuieres ou eauës fort commodieuses pour la marchandise, scauoir sur l'Escaut, que vient de Hainault & de Tournay, sur le Lys quy vient d'Artois, sur le Lieue quy vient de la mer de Flandre, et sur la Morwatre quy vient des quatre mestiers, & de la mer de Zelande. Lesquelles toutes vuydent par vn cannal vers Brabant, Hollande, Zelande, Frise, &c. Ladicte ville est gouuernée par deux fois treize escheuins, quy se renouellent d'an en an, par huiet esliseurs. Dont les treize sont escheuins de la kuere, ayants le gouuernement des biens, & de l'estat de la ville: les autres treise sont conseillers & ont la cognoissance des maisons mortuaires, tuteles & orphelins, appaisement des debats, & reparations de injures, blefschures, battures, affolures, & choses semblables. Le peuple dudiect Gand est diuisé, & party en membres, scauoir en bourgeois viuants de leurs rentes, en gens de mestier, quy sont cinquante deux mestiers, & en tisserans quy sont vingt & sept carrefours, & a chascun mēbre son doyé, scauoir celuy des bourgeois le premier, escheuin, & les deux autres chascun vn doyen a part. Lesquels trois mēbres, partissent entre eux les honneurs & offices de la ville, & y prêt chaf-

De la ville de Gand.

Gouuernement de la ville de Gand.

Le ctroy toutes fois que pour le present la loy de Gand se renouelle par les commissaires du Conte de Flandre.

chascū son tiers, mais la bourgeoisie y fouloit auoir la moindre part. Le Conte de Fládre, a en ceste ville trois officiers, scauoir vn grand Bailly, vn petit Bailly, & vn Amman, a la semonce desquels les escheuins font raison & justice. Le Conte y a semblablement quatre sergeans, & se gouerne la ville par priuileges & kueres, dont ils souloyent estre grandement douéz, ensemble par statuts & ordonnâces que le bailly & eux font ensemble, & par coustumes & vsaiges. Le quartier dudiēt Gand s'extend partie en la Conté, & partie en la Seigneurie de Flandre. De la Conté sont du quartier de Gand, le Viesbouch, la ville & Chastelenie de Courtray, ou sont cōprinſes les villes priuilegées de Werny, Menin, Harlebecke, Thielt, Demze, Ercloo, Capricque, & Lēbecque. Pareillemēt sont du quartier de Gád soubz la couronne, la ville & Chastelenie d'Audenarde, & la ville de Bieruliet. En la Seigneurie de Flandre sont du quartier de Gád, les villes & plat païs de Bouchoute, Assenede, Axene & Hullt qui se nóment les quatre mestiers. Item les villes & païs de Rupelmonde, Saeftinge, Saint Pol, Sainēt Gilles: & autres du terroir de VVast, la ville & terroir d'Alost avec Nieucene, Templemaers, & Boruhem, la ville & terroir de Tenremonde & la ville de Grantmont. Lesquelles villes chastelenies, & plat païs sont dictes, estre du quartier de Gand pour ce ancienement elles ont esté riglées de suyuir en armes lesdicts de Gand, & de contribuer avec eux au transport de Flandre: aussy que la plus part d'eux estoient accoustumez venir prendre a Gand leur chief de sens, mais autrement ny ont ceux dudiēt Gand aucune jurisdiction. Bruges, est la seconde ville de Flandre Flamengant, & a prins son nó d'vn petit hauene de trois ou quatre rauernes, nommé Brugstoc, que anchienemēt estoit au my chemin entre Oudenbouch, & Rodenbouch, au mesme lieu ou maintenant Bruges est assise, & dict on que de la ruine de Oudenbouch fut fait le Bouch de Bruges. Ceste ville est grande, pleine de beaux edifices, puissante, & a esté en grand renom, pour la draperie, & la marchandise quy y a regné. Elle est gouuernée par deux Bourgmaistres, & treize escheuins quy se renouuellant d'an en an, dont

Officiers du
Conte en la vil
le de Gand.

L'extendue du
quartier de
Gand.

Les quatre, me-
stiers.

La ville de
Bruges.

l'un

Bailly & Escoutette de Bruges.

Du quartier de Bruges.

La ville d'Ypre.

Yperborus.

l'un des Bourghmaistres se nomme. Le Bourghmaistre du cours, & l'autre le Bourghmaistre des escheuins. Et lesdicts escheuins eslisent & prennent a eux treize conseillers. Ladite ville est distribué en six parties, quy s'appellent *sestendeelen*. Scauoir Sainct Jean sestendeel, Sainct Donas sestendeel, nostre Dame sestendeel, Sainct Iacques sestendeel, Sainct Nicolas sestendeel, & le sestédèel des Carmes, chascune desquelles sestendeels a pour chief vn hoofman dela bourgeoisie, lequel est appellé en toutes grandes matieres avec les cinquante deux Doyens. Le Conte de Flandre a audiect Bruges deux officiers, scauoir vn Bailly, & vn Escoutette. Le bailly exploicte dehors au terroir du Franc, & l'escoutette dedans la ville & escheuinaige d'icelle, le Conte: y a aussy certain nombre de sergeans, & se gouuerne la ville par priuileges, vsaiges, statuts & ordonnance. Audiect Bruges sortissent par chef de sens, & suyuant en armes les villes du Dam Honcke, Munckeree, Mude, l'Escluse, Bläckeberghe, Ostende, Nieuwport, Dunkerke, Groeninghe, Furnes, Berghes, Bourboursch, Loo, Ardenboursch, Oudenboursch, Ghistelen, Thoroult, Mardicke, Lombaertlyde, Middelboursch, Meureuille, & Dixmude. Ypre est la troisieme principale ville, & les tiers mēbre de Flādre Flāmengant, & a prins nom d'un Prince Anglois, nommé Yperborüs, dechassé du Roy Daniclo, lequel vint resider en Flandre, & fit vn chastel qu'il nomma des deux premiers syllabes de son nom Yper. Et autres disent qu'elle est appelée Ypre, d'une eauë qu'ils ont illec fort bonne & singuliere pour fouler draps, nommée Bypre. Ladite ville a esté parcydeuant en grand bruyt pour la grand drapperie quy y regná, & estoit grande & puissante, mais depuis l'an mil trois cents quatreuingts & trois, qu'elle fut assiegée par les Anglois & Ganthois, & que leurs faux-bourgs fustret brulez, elle est demeurée en la grandeur, en laquelle elle est encoires maintenant. Par ce que le Duc Philippe le Hardy ne ses successeurs n'ot voulu permettre que se resissent ledict faux-bourgs pour les diuisions & partialitez que tousiours souldoyent desdict faux-bourgs: ladite ville est gouuernée par vn aduouë & treize escheuins quy se renouellent

lent d'an en an , & y a le Conte de Flandre deux officiers, scauoir le bailly, & le portbailly, & se gouuerne semblablement par priuileges, kuers, statuts & vsaiges . Audict Ypre ^{Du quartier d'Ypre .} fortissent Oost y perambocht Bailleuil, Poperinghe, Warneston, Messines, Roulers, Cassel, & Cassel ambacht , quy les suyuent en armes, & y viègnent aucuns a chief de sens. Le Frac est le quatriesme membre de Flandre Flamengant adjousté ausdict trois autres membres de Flandre du téps de Monsieur le Duc Philippe le Hardy, pour ce que la plus part des escheuins dudiect Franc estoient gens nobles, & des plus grands du país. Et que mondiect Seigneur desiroit bien que iceux nobles fussent en la communication des membres pour de tant mieux adresser les affaires . Et est le Franc tout le plat país du quartier de Bruges hors des ^{Le Franc.} villes & escheuinaiges & contient trente cinc mestiers que Madame Iehenne acquist par achapt en l'an mil deux cents vingt & quatre a vn cheualier de France, nôme Messiere Iean de Neelle Chastelain de Bruges, & se nomment lesdicts trentecinc mestiers *Tplatte Vrye* , & depuis l'on y a adjousté vingt & neuf appendans, sicomme Lichteruelde, Maldegheem, Zietzeelle, &c. Et est lediect Franc gouuerné par le bailly de Bruges & du Franc, & par vn Crichoudere quy tient la vierschare, & par Ammans heritables quy font les adjournements . Et pour la loy sont quatre Bourgmaitres, dont l'un est nommé du cours, & les autres trois d'escheuins , & vingt & sept escheuins perpetuels , quy ne se peuuent deffaire qu'en deux cas. Scauoir par mort du Côte, ou quand ils sont rattaings de faulseté, & se gouuernent par priuileges, kueres status & vsaiges. Ausdict du Frac sont & suyuent en armes les trois bancs de Furnambocht, Berghambocht, & Burburchamboch. En Flandre Gallicât sont ^{Flandre Gallicant.} trois villes principales, scauoir Lille, Douay, & Orchies, il y a aussi vne gouuernance , & ils conduisent leurs affaires & font leurs assemblées, par les trois estats de leur quartier ce que pour maintenant me semble pouoir suffir, touchant la description, diuision & autres choses memorables de Flandre que vous auons promis deduire, au comencement de ceste histoire. Parquoy reprendants nostre premier the-

Ffff me,

me, continuerons d'icy en auant nostre histoire, selon que pourrez veoir par les chapitres subsequenz.

Comment au pays de Flandre & autres circumuoysins le peuple espris d'une frayeur, dont on ne scauoit l'occasion, conuoit hors des maisons vagabonde parmy le pays, lequel neantmoins peu apres retourna chez soy paisiblement, ensemble d'une merueilleusement peste quy occupa toute la Chrestienté, de la cause d'icelle, & d'une estrange sorte de penitence, que aucuns d'Hongrie excoigiterét, & la que la fut deffendue, & reprounée, par le Saint siege Apostolicque.

CHAPITRE CLXXV.



Nous auons cy dessus laissé le païs de Fládre, & signamment la ville de Gand, en vne infinité de triumphes, esbattements, tournois, & autres passe-temps, quy sy faisoient au moyen des nopces quy lors se solemnisoyent en incôparable magnificence, entre Madame Marguerite de Fládre, fille & heritiere vnicque du Côte Louys, dict de Male, & de Madame Marguerite de Brabant, d'une part, & Mōseigneur le Duc Philippe de Bourgoingne, frere du Roy Charles de France, cinquiesme de ce nō d'autre & auons discontinué, assez largement le discours de ceste nostre histoire, pour vous declarer, ce que par les chapitres precedents, pourrez auoir entédu des gouvernement, & autres affaires memorables de Flandre. Or en retournât sur noz ambles, entendez, qu'environ le temps desdictes nopces, grád peuple de Flandre, France, Angleterre, & aux païs circumuoisins, courroit hors sa maison vagabonde parmy le païs, a raison de certaine paour, & crainte qu'ils apprehendisrent, & dont ils sentisrent leur cœurs merueilleusement sayús, sans neátmoins en scauoir le motif, ou occasiō, & durá ceste estrangeté, trois ou quatre mois, au bout desquels il retournerent pasiblement en leurs logis, & quelque tēps auparauant, auoit regné par toute la Chrestienté, vne pestilence la plus estráge dont on ouyt oncques parler, laquelle vint premierement des Indes, selon que vn chanoisne de S. Donas lors

Timet Domini.

*Merueilleuse
peste en toute
la Chrestienté,
& d'ou elle
procedoit.*

lors resident a Auignon prez le Pape Clemēt auoit rescrit pardeçà, disant que enuers la grande Inde vne certaine prouince, qu'il ne nôme autrement, auoit trois jours cōtinuels esté merueilleusement chastoyée, par l'omnipotēte justice de Dieu. Car en icelle prouence, tōbérent le premier jour en forme de pluye vne infinité de crapaux, serpents, couleuvres, scorpions & plusieurs autres animaux de semblable qualité. Le second jour sy visrent grandes tonnoires, fulgurations & gresles en telle quantité, que tout le peuple d'illec, ensemble tous les animaux depuis le plus grād jusques au plus petit, fusrent occis & tuez. Et le troiziēme jour tōba du ciel vn feu puant, lequel bruslá toutes les maisons, chasteaux, villes edifices & Eglises d'icelle prouence. De la quelle puantise dudit feu, ensemble decelle des corps morts, l'air fut tellement infecté & contaminé, que le peuple circumuoy sin, & signamment ceux quy habitoyent au long de la mer, deuindrent pleins de peste & d'autres maladies trespangereuses, de maniere qu'ils mouroyent hastiument & en grand nombre : laquelle playe fut transportée perdeçà, au moyen de trois nauires quy venient desdicts quartiers, chargées d'especeries, lesquelles infectèrent toute la Grece, Sicille, Marseille, & autres païs, mesmes rescript ledict Chanoisne que morurent en Auignō en l'espace de trois mois enuiron soixante mille personnes, & qu'a raison de ce, le Pape Clement fut cōseillé, voire cōstrainct se retirer avec les Cardinaux dudit Auignon, & se trāsporter en vn chastelet pres Valence appelle Stella. Et estoit chose merueilleusement pitoyable, d'entēdre & veoir journellement le progres, que prenoit ceste playe, quy s'extendit, au païs d'Hongrie, d'Allemagne, Frise, Brabant, Flandre & autres. Dont pullulā en aucuns lieux d'Hōgrie, & de la haulte Allemagne, vne superstition, ou pour mieux dire manifeste erreur par le moyen d'aucuns gens, lesquels pour trouuer secours & remede a ladicte peste, & autres maladies contagieuses, fissent vne nouuelle, & jamais auparavant veüe maniere de penitence, car pour hōneur, & en cōtemplation que nostre Seigneur auoit faict trēte trois ans, penitence au monde, ils alloient trēte trois jours cōtinuels

Admirable
chastoy de la
justice diuine.

Superstition
d'aucuns d'Hō
grie dampnée,
& reprouuée.

Ffff ij de

de ville en ville, & de païs en païs, en forme de procession, joincts les vns aux autres, tous nuds saulf la teste & se jetoient contre la terre, cryantz misericorde, & se frappoyét eux mesmes avec escorilles & autrement jusques au sang. Et de ceste maniere de gens, vint en l'an cinquante neuf bonne partie au païs de Flandre, quy furent tost apres suyuis de notable quantité de Flamens, faisants semblable penitence, mais a raison que ceste maniere de faire, estoit directement contraire a nostre Sainte Foy, & signammét en ce qu'ils maintenoient que ceux quy faisoient ceste procession, estoient asseurez de leur salut, & qu'il n'estoit requis de jamais faire autre penitence, la susdicte folie ne durá guerres, ains fut incontinent reprimée, moyennant mesmes la rigoureuse justice que la main seculiere en fit, par commandement & ordonnance du Pape, & du Saint siege Apostolicque.

Des naissance & baptesme du Duc Jean de Bourgoingne depuis Conte de Flandre de l'institution du souverain bailliy en Flandre, ensemble comment ceux de Gand rebellèrent, au moyen de l'accord que le Conte Louys auoit fait a ceux de Bruges, de pouoir souir un certain canal, de la deffaiete desdicts de Gand par lesdicts de Bruges, & de l'apaisement desdictes seditions.

CHAPITRE CLXXVI.

L'an M.
CCC.
lxxj.



De la naissance, & baptesme du Duc Jean de Bourgoingne depuis Conte de Flandre.

L'an M.
CCC.
lxxiiij.

En l'an mil trois cents septante vn, Madame Marguerite de Flandre femme du Duc Philippe de Bourgoingne, s'accouça en la ville de Dijon de son premier fils, qu'elle fit appeller Jean, quy fut depuis Duc de Bourgoingne, & Conte de Flandre. Et fut baptisé le jour du Saint Sacrement en grand triumphe & magnificence, par Monseigneur Charles d'Alençon, Archeuesque de Lyon, ayant pour ses parrins Jehan Duc de Berry, & l'Euesque de Carpentois, illec enuoyé par le Pape Gregoire, pour leuer ledict enfant, duquel fut marine, la Contesse d'Artois sa bisayeule. Et peu apres, sicomme en l'an septante quatre ladiete Duchesse Marguerite, enuoyá faire hommaige, & feau té

feaute a l'Empereur Charles de la Conte de Bourgoingne , & ce du consentement de Madame Marguerite de France, Contesse d'Artois sa grand mere,& du Conte Lo-
uys son pere . Lequel enuiron ce mesme temps , erigea & établit l'estat & office de souverain bailly de Flandre, con-
stituant en icelle dignité Messiere Gossin de VVilde , qui fut premier souverain dudit Flandre, pour autant que au-
parauant , & jusques lors le receueur general de Flandre, exerceoit pareillement ledict office de souverain. Mais au
moyen, que il n'estoit suffisant a tout , ledict Conte esclif-
sa le susdict office de souverain , de ladicte recepte, donnant
pouvoir audict souverain , de prendre & arrester tous ban-
nis & malfaiteurs , tant en Flandre qu'aux pais de Mali-
nes & Anuers, ensemble de les punir par sentence des ho-
mes de fiefs, selon la qualite de leurs delicts, ordonnant au
reste que ledict souverain s'eust a rigler suynant le contenu
en la commission a luy donnee; en la ville de Gand le sei-
ziesme de Novembre audict an septantequatre, auquel an
fut tenue en la ville de Bruges, vne notable & solempnelle
journée pour traider de paix entre les couronnes de Fran-
ce & d'Angleterre. Et se trouuerent audict Bruges au sus-
dict effect , les Archeuesque de Rauennes , & Euesque de
Carpentiers legats enuoyez de par le Pape . De la part du
Roy de France, les Duc de Bourgoingne , & Euesque d'A-
myens, & du costé des Anglois les Duc de l'Ancastre & E-
uesque de Londres, avec grande cōpaignie, mais nonobstāt
tous deuoirs esquels se misrent lesdicts legats . d'accorder
lesdicts deux couronnes, ne fut en leur pouoir de faire au-
tre chose, que de moyēner entre icelles vne trefue jusques
au mois d'April lors suynant, & laquelle en vne autre jour-
née qui semblablement se tint Bruges , ou furent avec
lesdicts legats , presentz les Ducs d'Anjou , & de Bour-
goingne freres , ensemble les Ducs de l'Ancastre , & de
Cantleberghe aussy freres , fut prolongiēe encoires pour
l'espace d'un an . Et pour ce , que le subject de nostre hi-
stoire ne tend au discours des guerres ou appointement
desdicts de France & d'Angleterre, sinon entant que ceux
de Flandre se joignent a l'une d'icelles parties , nous les

Institution du
souverain bail-
ly de Flandre.

Journée de Bru-
ges pour trai-
der de paix en-
tre les couron-
nes de France
& d'Angleterre.

Ffff iij. laisse-

L'an M.
CCC.
lxxviii.

Le Conte Louys accorde a ceux de Bruges de fouir vn canal, au moyen de quoy yseut plusieurs debats & dissensions que esmeuent eux de Gand.

Les VVittecaperons de Gād

Le grand Bailly de Gand occis par les VVittecaperons.

Audenarde assiegée par les VVittecaperons de Gand.

Audenarde prinse d'emblée.
Grand partie de Flandre se joint aux rebelles de Gād.

Perplexité du Conte Louys a raison de la rebellion desdits de Gand, & autres.

laisseions guerroyer tout a loysir, pour vous declairer que ce pendant, ledict Conte Louys faisoit tout son possible pour nourrir, & entretenir ses subjects en bonne paix & tranquillité. Lequel Conte Louys, a la tresinstante requeste de ceux de Bruges leur accorda en l'an seprante huit, de pouoir fouir vn canal deauē pour venir de la Reye en la Lys. Dont ceux de Gand assez irritez, & principalement pour ce qu'ils se persuadoyent que ledict canal porteroit grand prejudice a leur estaple, firent deffense aux pionniers desdicts de Bruges de ne trauailler ny besoingner en leur chastellenie, le tout sous peine de perdre leurs louchets. Et pour ce que lesdicts de Bruges, nonobstant ladicte inhibition, continuoyent en leurs ouuraiges, ils enuoyerent vers eux Gossin Mulart Doyē des Wittecaperons, dudiēt Gād, avec bon nōbre de gens embastonnez & en armes, lesquels occisrent & misrent a mort plusieurs desdicts pionniers, avec aucuns autres commis ausdicts ouuraiges. Ce fait lesdicts Wittecaperons s'assemblerēt en armes sur le marché au bled, & tuērent le grand bailly dudiēt Gand, appelé Rogier van Oultrenyck, pour autant qu'il blaismoit lesdicts Wittecaperons, menassant les punir pour l'outrage que dessus, lesquels VVittecaperons prendrent pour leur capitaine Ieā Hyons & misrēt leur siege deuant la ville d'Audenarde, dōt neātmoins ils partistrēt sans riēs faire, a raison de l'Hyuer que lors estoit sur mains: mais au mois de Feburier ensuyuant ils la prindrent d'emblée. Suyuāt quoy, tout le país de Flandre adhera tost apres ausdicts de Gand, reserue seulement Bruges, le Frac, Tenremode & Aloft, ce pendant le pouure Conte, estoit les mains croysées, ne scaichāt de quel bois faire fleches, & estoit en suspens de ce qu'il debuoit faire, pour autant. Que s'il prenoit les armes, il douttoit de d'auantaige les esmouuoir, perdant successiuement par tel moyen toute esperance, de les reduire par douceur & amyablement. D'autre costé considerant le progres, que prenoit leur fureur, luy sembloit par trop d'angereux de rester ainsy desarmé a la discretion d'une multitude effrenée, & vsant ordinairement de rien moins, que de discretion: mais a mō aduis, il auoit par trop dissimulé, joint que les

les desordres vn peu auparauint, & de fresche memoire aduenus, de semblables, voirez assez plus petits commentements, luy deuoyent auoir rendu suspectes, toutes sources (pour petits qu'elles fussent), de seditions & rebellions, meismes pour a icelles obuyer, & affin de cōtenir vn chascū en son office, debuoit en tout temps estre assurez, de quel que nombre de soldats pour s'en preualoir a toutes occurrences, ensemble pour retrencher aux siens, que lors estoient a ce enclins, toutes voyes de tumultes, & seditions, soy souuenant, de l'instruction a nous donnée, par le contenu au carme Elegiacque quy s'ensuyt.

Tous prince doit au commencement re-
trancher toutes occasions
de tumultes.

Principijs obsta, sero medicina paratur,

Cum mala per longas preualuere moras.

O R pour retourner a nostre propos, lesdicts de Gand, apres auoir prins ladicte ville d'Audenarde, continuoyent tousiours & de plus en plus en leurs rebellions, prindrent & bruslerent la ville de Tenremode, & le Chastel de Wondelghem, & se transportèrent finablement vers Bruges, en intention d'y faire le semblable, en quoy neantmoins ils furent deceus, au moyen que lesdicts de Bruges quy se tenoyent sur leur garde, les vindrent tencontrer sur le *Vrydachmaert*, dont ils les degassèrent sy brusquement & couragieusement, que lesdicts de Gand, apres notable perte de leurs gens, furent constraincts prendre vne honteuse, & dommageable fuyte, deliberez neantmoins deux en véger a leur plaisir, & ce auant la reuolution de l'année lors presente: de maniere que les matieres s'aygrissoient journelle mēt, & menassoient vne irreparable ruyne pour tout le païs de Flandre, lors que le Duc Philippe de Bourgoigne, beaul fils dudit Conte Louys aduertiy des susdictes diuisions se transporta en toute diligece vers ledict Flādre, & practiqua de sorte, que ambedeux les parties s'entreassignerent vne journee pour traicter d'appoinctement, a Pont a Rhosne. Ou les susdictes diuisions furent appaisées, aux conuentions, & conditions subsequentes. Premiers, que le Conte pardō
ne tous meffaiscts, & conferme tous priuileges, pour en jouir & vser selon qu'on faisoit, au jour de sa joyeuse entrée,
& meismes au temps du Conte Robert de Berhune son

Tenremode
bruslée par
ceux de Gand.

Deffaitte de
ceux de Gand,
& leurs adhe-
sents par ceux
de Bruges sur
le *Vrydach-
maert* audict
Bruges.

Le Duc de
Bourgoigne
vient en Flādre
pour appaiser
lesdictes rebel-
lions.

Lesdictes rebel-
lions appaisées
aux conditions
contenues en
ce texte.

by sa-

byfayeul, oftant tous efpefchements faicts au contraire, & derogants, aufdits priuileges. Que tous fugitifs pourrôt retourner chascun en fa chafcune, ly auant qu'ils veullent prendre droit sur les informations quy serôt tenuës a leur charge, & descharge. Que tous baillis, sergents, & autres officiers, quy par ceste paix seront destituez de leurs estats & offices, seront tenus de respondre de leurs abus, & s'ils sont trouuez coupables, ne pourront jamais deseruir offices. Que les susdictes informations seront faictes, par gens de bien, que les trois villes Gand, Bruges, & Ypre choysiront. Que desormais seront tous les ans tenuës semblables informations, sur les infracteurs des priuileges desdicts trois villes, par vingt & cinc personnes, qui se choysiront, sicôme les neuf par ceux de Gand, huit par Bruges, & autant par ceux d'Ypre. Que les loix seront par tout renouuellées selon les priuileges, & coustumes du païs, avec aucuns autres articles trop longs a repeter. Au moyen desquels cessèrent pour quelque temps les susdictes seditions, lesquelles neâtmoins recommencerēt tost apres, comme vous voyres par le chapitre subsequnt.

De l'iteratiue rebellion de ceux de Gand, de la deffaicte d'iceux en plusieurs lieux, ensemble d'aucunes victoires par eux obtenues, et comment le Duc Albert de Baniere persuade au Conte Louys de soy retirer vers Bruges, sous espoir que lesdicts de Gand se ren-geroyent en fin a la raison.

CHAPITRE CLXXVII.

L'an M.
CCC.
lxxx.



Iteratiue rebellion de ceux de Gand contre le Conte Louys, dict de Male.

En apres la susdicte paix, sicomme en l'an mil trois cents quatreuingts ceux de Gand s'esleuerent de rechief contre le Conte Louys leur Seigneur naturel, sous pretext de certain outrage, qu'ils disoyent auoir par ceux de Bruges esté faict a leurs tisserans, & tirèrent a grâde puissance vers la ville de Dixmude qu'ils assiegerent, estants en ce confortez par ceux d'Ypre & de Courtray, lesquels vn peu auparavant s'estoyent joincts, & vnis avec eux, dont ledict Conte Louys merueilleusement irrité, assembla le plus de gens

de gens qu'ils pouoit finer, & vint accompaigné de ceux de Bruges & du Franc, a grandes journées vers ledict Dixmude, ou il constraindit lesdicts de Gand de leuer leur siege, les mettant en fuyte & desarroy. Lesquels aussi il pourfuyuit jusques en la ville d'Ypre, ou ils s'estoyent retirez, trouuant moyen d'entrer de nuict, moyennant l'intelligence qu'il auoit illec, en ladicte ville, dont lesdicts de Gand s'enfuyrent a van de roure, murmurants l'un contre l'autre, & reiectants la coulpe de tout leur desastre tant passé qu'apparent, sur Jean Hions & aultres leurs capitaines, lesquels ils occirent & taillèrent en pieches sur le camp. Comme en effect ordinairement est accoustumé de faire a l'endroit de leurs chefs & conseilliers tout peuple, lors que la chose par eux pouriectée, vint au rebours de leur intention. Au moyen de quoy toute personne discrete, & de bon jugement, se doit soigneusement garder d'aucunement se fier a l'opinion & bien-vueillance d'un peuple. Lequel est de son naturel variable, & (comme dict Vergille) a ses affections contraires & repugnantes, les propos, duquel n'ont jamais vne mesme fuyte. Ains se changent non seulement en un jour, mais aussi en vne heure. De maniere qu'a bonne raison ils se peuuent dire du tout conformes au narre d'un certain prouerbe, par lequel est dict; Que d'un monceau de sablon seroit impossible de faire aucune corde. Lesdicts de Gand doncques apres auoir occis leurs capitaines, se retirèrent vers Courtray, ou ils furent semblablement pourfuyuis par ledict Conte Louys, lequel print ladicte ville de Courtray, & apres auoir fait punition exemplaire des principaux mutins desdictes villes d'Ypre & de Courtray, se transporta avec son armée qu'estoit bien de soixante mille hommes ou environ vers la ville de Gād qu'il asiegea, destruisant & bruslant tout le pais circumuoy sin. D'autre costé ceux de Gand sortirent avec trois armées, sous diuers capitaines, dont l'une tira vers Grantmont pour victuailles. L'autre a Deinze; & la troiziesme vers Aloft qu'ils bruslerent ensemble le chastel de Neuene, duquel ils se transportèrent vers Tenremonde, ou fust combattu grandement a l'auantage desdicts de Gand.

Le Côte Louys
cōstrainct ceux
de Gand leuer
leur siege de la
ville de Dixmu
de.

La ville de Y-
pre prinse par
le Côte Louys.

Fuyte de ceux
de Gand.

Ceux de Gand
murmurent cō
tre leurs capi-
taines lesquels
ils mettent en
pieches.

Tout peuple na-
turellement va-
riable.

D'un monceau
de sablon l'on
ne scauroit fai-
re vne corde.

Ceux de Gand
se retirent en la
ville de Cour-
tray d'ou ils
sont enchaiffez
par ledict Côte
Louys.

Ceux de Gand
courrent le plat
pays a trois ar-
mées.

Victoire de
ceux de Gand
pres Tenremon-
de.

G g g g

Mais

Deffaite des-
dicts de Gand.

Ceux de Gand
assaillent le cap
du Côte Louys

Appointemēt
entre le Conte
& ceux du Gād

L'an M.
CCC.
lxxxj.

Ceux de Gand
de rechies en
armes.

Deinze prins
par ceux de
Gand.

Deffaite de
ceux de Gand
pres Neuele.

Mais peu apres ils receurent vne bien notable perte a Eé-
man & se laissèrent oster la ville de Grantmont, laquelle
seule estoit constamment, ou pour mieux dire, opiniastré-
ment demeurée de leur party. Nonobstant quoy lesdicts de
Gand reprindrent couraige, & assaillirent le jour de Touf-
saints dudiect an quatrevingts, l'ost dudiect Côte Louys estât
deuant Gand, sous esperance de luy faire leuer son siege, a
quoy neantmoins ils ne peurēt pour lors paruenir, & mou-
rurent tant d'un costé que d'autre plusieurs gentils cōpaig-
nons & vaillants soldats. Toutesfois peu apres, sicomme le
jour de Saint Martin de l'an que dessus, fut entre lesdictes
parties faict vn appointemēt de ceste sorte : sçauoir, Que
le Côte pardonoit tous melfaicts sans jainais riē en pouoir
demander : Que tous ceux qui sont bannis obeyront au
ban. Et que de là en auāt lon feroit droit & justice, selon les
coustumes de la ville de Gand. Moyennant quoy lediēt Cō-
te leuā son siege de Gand, ou il auoit esté dix sepmaines a-
uecbiē peu de prouffit. Si ne durā ladiēte paix nō plus que
la precedente entant mesmes qu'on maintenoit, que lediēt
Conte n'auoit riens moings en volonte, que de traicter de
paix, & que ce que dessus n'estoit que vn pretext, & expe-
diente couuerture, pour honnestement soy departir dudiēt
siege, auquel obstant l'Hyuer qui lors approchoit, il sçauoit
ne pouoir continuer, qui fut cause, que l'an ensuyuant les-
dicts de Gand soustenants la susdictē paix ne leur estre gar-
dée, ny entretenue, le mirent en armes & s'assemblerent
en grande puissance. Dont les aucuns tirèrent vers Grant-
mont, & prindrent en leur chemin la ville de Deinze, &
fortifierent lediēt Grantmont, affin de pouoir de ce costé
estre victuaillez par le pais d'Hainault. Les aultres couru-
rens vers les quatre mestiers ou ils firent jurer le peuple a-
uec eux, commettants illec aucuns capitaines, & y laissant
bonne garnison, pour moyennant icelle tenir ouuert le trou
de Zelande, d'autant que tous autres passaiges tant par
mer que par terre leurs estoient serrez. Les autres prindrēt
leur chemin vers Courtray, & en retournant, furent ren-
contrez près de Neuele par lediēt Conte Louys, lequel
leur donna vne main tant estroicte, que les ayant tous mis
en des-

en desarray, occist en ceste rencontre avec merueilleux nombre de populaire, quatre de leurs capitaines, sicomme Raefse van Liekerke, Jean vā Elst, Jacques Berst, & Mathijs Colun. Ce faict, ledict Conte tira vers Erduelde, brusla les quatre mestiers & pais de VVast, ensemble la ville de Grantmont, faisant rompre les fortifications que lesdicts de Gád, y auoyent puis naguerres faict construire. De sorte que le pouure pais de Flandre estoit de tous costez merueilleusement trauaillé, qu'estoit chose digne de commiseration & pitie, voire d'autant plus qu'on ne voyoit aucun moyen pour accorder lesdictes parties, & affin de les faire condescendre a quelque raysonnable appoinctemēt, obstant principalement l'vrgente instance dudiēt Conte Louys, par laquelle il persistoit a ce que pour seureté de l'appoinctement a traicter, lesdicts de Gand luy deliurassent aucuns hostagiers a sa volunté, & que lesdicts de Gand refusoient ouuertement lesdicts hostagiers. Nonobstant quoy, le Duc Albert de Bauiere (mambour d'Hainault, Hollande, & Zelande a cause de la debilitation d'esprit, de Guillaume Cōte desdicts pais) fit son extreme pour paruenir a aucun appoinctement, & practiqua de sorte que ledict Conte, & lesdicts rebelles furent chascun d'eux respectiuelement cōtents de laisser les armes, du moins d'eux retirer, sicōme ledict Conte Louys vers Bruges, & ses aduersaires vers la ville de Gand, jusques a ce que touchant ledict appoinctemēt, eust esté conclu & arresté quelque chose, qui fut quasi cause de la totale ruyne dudiēt Conte Louys. Mais beaucoup dauantaige de celle dudiēt Bruges, qu'a ceste occasion eust beaucoup a souffrir & endurer.

Ouverture
d'appoinctement
entre le
Conte Louys
& lesdicts de
Gand.

Comment ceux de Gand créèrent pour leur gouverneur & capitaine general Philippe d'Arteuelde. Du stratageme dont il vſa pour surprendre en la ville de Bruges le Conte Louys. Et comment ledict Conte Louys impetra secours du Roy de France, lequel vint en personne vers Flandre, & de la memorable deffaicte desdicts de Gand pres Roosbeque.

CHAPITRE CLXXVIII.

Gggg ij

IN-



NCONTINENT que le Conte Louys de Flandre sefut a la persuasio dudit Duc Albert de Baviere, retire en la ville de Bruges, esperant que ledict Duc Albert practiqueroit la reduction de son pais de Flandre sous son obeissance ceux de la ville de Gand, au lieu d'entendre a ce que concernoit la paix & tranquillite du pais, s'appliquerent a le troubler assez plus qu'il n'auoit este jusques lors, prenants ausdictes fins pour leur capitaine Philippe d'Artevelde, fils d'ioeluy Jacques, dont est cy dessus faicte plus particuliere mention. Donnans audit Philippe d'Artevelde puissance absolue de gouverner la ville & conduire la guerre du tout a son plaisir & selon sa conscience. Par ou se peult veoir, estre veritable l'opinio de ceux qui maintiengnent estre impossible qu'en discordes & seditions de citoyens, les honneurs & grandes dignitez soyent bien distribuées. Et que ainsi soit, je ne croy que lors y eust en la dicte ville de Gand homme plus seditieux, & moins capable au gouuernement d'une ville tant puissante, qu'estoit ledict d'Artevelde. Lequel non seulement ressembloit a feu Jacques son pere, en ses mauuaises & pernicieuses conditions, mais aussi l'excedoit de beaucoup, estant sur toute chose amy des seditieux & meschans tels qu'il estoit, & ennemy tout outre des gens de bien pacifiques & vertueux. Ioinct que regnoit en luy vne cauteleuse malice, qui l'en-seignoit que la seurete de son gouuernement ne se pouoit establir, que par la mort & persecution des nobles & gens d'esprit. Comme effectuellement assez il declaira lors que ayant obtenu desdicts de Gand, le susdict pouoir & preeminence, il commenca son chief d'œuvre par le meurtre qu'il commit a l'endroit de plusieurs, & signamment cōtre les deux premiers escheuins: sçauoir, Simon Bette, & Guisselbrecht de Gruntere avec plusieurs autres officiers qu'il fit miserablement assommer & mettre en pieches. Faisant ausurplus vne infinité d'autres nouuellitez trop prolixes a reciter. Renouuellant en premier lieu la loy & les deux doyens, ensemble tous aultres officiers, la vertu desquels luy estoit & odieuse & suspecte. Ce faict, il s'aduisa (pour sur-

Ceux de Gand
prennent pour
leur capitaine
Philippe d'Ar-
tevelde.

En seditions les
dignitez mal se
distribuent.

Philippe d'Ar-
tevelde fait
mourir plu-
sieurs gens de
bien de Gand.

surprendre ledict Conte Louys, lequel lors estoit en la ville de Bruges) d'une ruse nouvelle & bien subtile. Laquelle il pourjecta & executá le troiziesme de May de l'an mil trois cents quatrevingts deux de la maniere qu'entendrez presentement. Il assembla en premier lieu, & choisit entre tous les gens deux mille compaignons des plus hardis & deliberez. Ausquels il ordóna de porter armes sous leurs accoustrements, & d'entrer par diuerfes portes en la ville de Bruges, audict troiziesme jour de May, esperant que lesdicts de Bruges ny prendroyét lors regard au moyen de la solempnelle feste, que annuellement se celebre illec audict jour, & a laquelle se treuve vn peuple innumerable pour assister a la procession qui si fait, & a laquelle se porte ordinairement le Sainct sang par tous les endroicts de ladicte ville, commandant au reste ausdicts deux mille soldats, qu'estants entrez en icelle ville, ils s'assemblassent sur le marché, & que cryant le plus effroyablement qu'ils pourroyent alarme, ils se jectassent sur ledict Conte Louys, & les siens. Comme de fait lesdicts deux mille combattants exploictérent autant dextremement, que leur auoit esté inioinct & deuisé, contraindants ledict Conte Louys, lequel au commencement s'estoit mis en deffense avec aucuns de ceux qui lors se trouerent pres luy, de prendre la fuyte, & soy retirer, en sa maison de ladicte ville. Ou il fut semblablement par lesdicts Flamens viuement pourfuyuy, de sorte que pour sa seureté, ledict Conte Louys fut forché de sortir ladicte maison par vne fenestre de derriere, & se cacher dans le logis d'une poure femme, ou il se tint jusques a la nuict qu'il trouua practique de soy retirer hors ladicte ville, & s'acheminá vers l'Escluse. Dont aduertis lesdicts de Gand, coururent sus ausdicts de Bruges, sous pretexte qu'ils disoyent iceux de Bruges estre cause que ledict Conte estoit eschappé, pillants & butinants sous la mesme couuerture les plus riches maisons d'icelle Bruges. D'ou ils retournérent peu apres vers Gand plains de proye & de richesses. Ce pendant ledict Conte Louys, se transporta vers France, & besoingná tellement par l'intercession du Duc Philippe de Bourgoingne son genre, que le Roy Char

Ruse & stratageme de Philippe d'Artenelde pour surprendre le Conte Louys.

La procession du S. Sang a Bruges

Ceux de Gand durá la susdite procession assaillirent le Conte Louys & le mettoient en fuyte.

Le Conte Louys se retire en la maison d'une poure femme & de nuict se transporte secrettement vers l'Escluse.

La ville de Bruges pillée par ceux de Gand.

G g g g iij les

*Le Conte Lo-
uys vient en
France & impe-
tre secours du
Roy Charles,*

*Descente du
Roy de France
en Flandre.*

**L'an M.
CCC.**

lxxxij.

*Memorable
defaite des Gâ-
thois & autres
rebelles de Flâ-
dre a Rosbeque*

*Philippe d'Ar-
teuelde capitai-
ne & gouver-
neur general
des rebelles
occis.*

*Ceux de Gand
alliez aux An-
glois,*

*La guerre se
mene en Flan-
dre a grand dif-
ficulté en vés
d'Hyuer.*

*Cruaultes des
Franchois exe-
cutez a Cour-
tray.*

*Mandement du
Roy de France
a ceux de Gâd.*

les de Frâce, sixiesme de cenō, lors jeune d'aage, & nouuel
lemēt couronné, vint a grād puissance & en personne vers
Flādre. Et passant par deuāt Ypre, reduict icelle ville & tout
le quartier circōuoy sin soubz l'obeissance dudiēt Côte Lo-
uys. Et cōme il pensoit tirer vers Gād, lediēt Philippe d'Arte-
uelde le vint recōtrier a merucilleusemēt grande puissance
de Flamés a Roosbecque, ou fut loing tēps cōbatu assez di-
uerfement & douteusement, le quatorziēsme de Nouēbre
dudiēt quatrevingts deux. Toutesfois lefdits Flamés eurēt
en fin beaucoup a souffrir, mesmes furent mis en fuyte &
desarroy, non touteffois sans notable perte desdiēts Frāçois
Bretons, Bourgoignons & autres, qu'estoyent venu au se-
cours dudiēt Conte Louys, soubz la conduicte & par or-
donnance dudiēt Roy Charles de France, qui pour son cō-
mencement d'armes obtint lors vne bien glorieuse victoi-
re, entāt mesmes que se trouuerēt du costé desdiēts Flamés
sans les blesez & prisonniers, plus de vingt mille morts, &
entre autres lediēt Philippe d'Arteuelde, Jacques de Rij-
ke, Iean Hermans, & plusieurs autres capitaines. Outre ce
que le seul bruit de la susdicte victoire, estonnā tellement
les Flamens, que tout le païs de Flandre, retourna tost apres
soubz l'obeissance dudiēt Conte Louys, reserue seulemēt
ceux de Gād, qui cōtinuerent en leur rebelliō sur le cōfort
du Roy Ricard d'Angleterre, auq̄l ils s'estoyēt vn peu aupa-
rauāt allié. Nonobstāt quoy lediēt Roy Charles voyant que
l'Hyuer approçoit, en la difficulté qu'y a en Flādre de me-
ner guerre en telle saison, retourna vers France & passa par
Courtray, ou ses soldats executerēt les pl^r horribles & exe-
crables exploicts de guerre, dont on ouyt oncques parler,
soubz pretext seulement, & en vengeance de la desconfiture
des Franchois passé plusieurs années aduenue a Groeninghe
pres ledit Courtray, tellemēt qu'il ne fut au pouoir du Roy,
du moins, selō q̄ les Frāçois disent, d'ēpēscher lefdictes foul-
les & cruaultez. Ce faict, lediēt Roy vint a Tournay, & d'il-
lec mādā ausdits de Gād: Qu'ils eussēt a luy enuoyer prōp^z
tement trois cēts mille Frācs: Qu'ils renōçassent a l'alliāce^z
d'Angleterre: qu'ils obeissent au Pape Clemēt: qu'ils satisfi-
sissent audict Côte Louys de leurs meffaiēts & dōnassent o-
ragiers pour a tout furnir, & q̄ moyennant ce, ils auroyent^z
paix

« paix. Et neantmoins, s'ils ne vouloyét a ce q̄ dessus cōdescen-
 « dre par voye amiable, qu'il les y constraindroit par voye de
 fait. Dōt toutesfois lesdicts de Gād ne s'estonnerét aucune-
 mēt, ains firét audict Roy Charles refus de ce q̄ dessus, eux
 fiätz (cōme dict est) en l'alliâce qu'ils auoyét cōtraictée avec
 lesdicts Anglois. Au moyé de quoy ledict Roy Charles se re-
 tira a Paris, laissant en Flādre soubz la cōduicte du Seigneur
 de Gistelle, bone partie de ses forces, & peu apres lesdits de
 Gād aduertis du partemēt d'iceluy Roy, se mirét de rechief
 en armes, bruslérét la ville d'Ardēbouch, & troublérét mer-
 ueilleusemēt tout le quartier de Bruges, au grand regret &
 mescontentemēt dudit Cōte Louys, Lequel pour obuier a
 tāt de desordres, & incōueniens qu'a raison desdicts tumultes
 n'ayssoyét journellemēt, enuoyā les deputez vers Eemā
 pour traicter des paix, lesquels neantmoins prouffiterét biē
 peu, encoires q̄ pour paruenir a ladicte paix, les Euesques de
 Liege & de Tournay firét toute extreme peine, & diligēce.

Excursions de
 ceux de Gand
 au plac paya.

*Cōment ceux de Gand portez par plusieurs Anglois que le Roy d'An-
 gleterre auoit enuoyé en leur secours desirét pres Dūkérke les nobles
 et autres de Furnābocht, Bergābocht, et du Frāc qui tenoyét le party
 du Cōte Louys. Du siege qu'ils mirent deuant Ypre: et cōment le Roy
 de France descendit a puissance au secours du Conte Louys, & re-
 duict soubz l'obeissance d'iceluy tout le VVestquater, ensemble du
 temps dudit Conte Louys.* CHAPITRE CLXXIX.

AV D I T an mille trois cents quatrevingts & deux,
 trepassā Madame Marguerite de Frāce, vefue du
 feu Cōte Louys, dict de Cressy, & mere du Cōte
 Louys dōt a presēt est questiō. Par le trepas de laquelle les
 Cōtes d'Artois & de Bourgoingne Palatin, ensemble la sig-
 neurie de Salins succedā audict Cōte Louys, dict de Male,
 qui les gouernā enuiron vn an. Enuiron ce mesme tēps appa-
 rut en Furnābocht vn geāt de merueilleusemēt grāde force,
 & d'un regard furieux, leql estoit issi de gēs de petite quali-
 té. Mais il ne fit aucune chose notable, ains estoit lasce, assez
 plus amy du repos q̄ desirieux d'auoir moyē pour exercer ses
 forces. Ce peçāt ceux de Gand, craindāts le retour du Roy
 Charles vers le païs de Flādre, practiquerét en toute diligēce
 la def-

Trepas de Ma-
 dame Margue-
 rite de France
 mere du Conte
 Louys, dict
 de Male.

Va Gean • Fus
 nambocht.

L'an M.
CCC.

XXXiiij.

Descente des
Anglois au
secours de ceux
de Gand.

Deffaite des
nobles de Flan-
dre pres de Dū
kerke par ceux
de Gand & les
Anglois.

Tout le West-
quartier se
joindit a ceux
de Gand.

La ville d'Y-
pre assiegée par
les Gantois, &
Anglois.

Ceux d'Ypre
brulent leurs
fauxbourgs.

La ville d'Y-
pre deliurée
du susdict sie-
ge inspute ceste
felicité a mira-
cle.

Tunmedach a
Ypre.

la descente des Anglois, lesquels vindrent en l'an mil trois cents quatrevingts trois par Calaix au secours desdicts de Gand, sous la conduite de l'Euesque de Norwic Messire Guillaume Hellemant & Messire Guillaume Tarensoen. Dont aduertis lesdicts de Gand, se transporterent en toute diligence vers le Westquartier, & se joindirent ausdicts Anglois, avec lesquels ils firent plusieurs insupportables maux audict Westquartier, prenants leur chemin vers Dunkerke, ou ils furent rencontrez des nobles des Flandre, accompagnez de ceux de Furnamboch, Bergamboch, & du Franc, qui s'entrechargerent le jour Saint Urbain audict an, non sans grande effusion de sang, tant d'un costé que d'autre, encoires que la victoire demoura finalement ausdicts de Gand, & Anglois. Si moururent en icelle bataille plus de neuf mille Flamens sans y comprendre les Anglois & aultres qui se trouuerent en ladicte meslée. Apres laquelle tout le Westquartier, & le demeurant de Flandre jusques a Bruges, suyuit le party de ceux, que la fortune en la susdicte rencontre auoit fauorisé, & jura avec lesdicts Anglois & de Gand. Suyuant quoy, iceux Anglois, mirent leur siege deuant la ville d'Ypre, & selogerent es fauxbourgs, que lors estoient assez plus grands, & amples, que ladicte ville, deuant laquelle ceux de Gand enuoyerent au secours desdicts Anglois, grand nombre de peuple sous leurs capitaines Franchois Ackerman, & Rasse vanden Voorde. Pour ausquels resister, lesdicts d'Ypre, firent vne saillie de nuict & brullerent leurs fauxbourgs. Au moyen de quoy lesdicts Anglois & Gantois, considerants le peu de prouffit que jusques lors ils auoyent fait audict siege, apres auoir esté deuant ladicte ville neuf semaines continuelles, partirent d'illec, & distribuerent leurs gens par le Westquartier en diuerses garnisons. Lequel partement des Anglois & Gantois lesdicts d'Ypre tindrent pour miraculeux, l'attribuant a vne nostre Dame de miracle estant illec aux freres Mineurs qu'ils appellent nostre Dame vander Thoi ne. Ecorrememoire de ceulx font encoires tous les ans vne procession generale, le huitiesme d'Aoust qu'ils disent Tunmedach. Leu apres, les Seigneurs de Petu, de dispensade, & au-

& autres capitaines descendirent avec grand nōbre d'Anglois en ladicte ville de Gand, pour eux joindre aux autres, qui estoient audict Westquartier & vers lesquels ceux de Gand les firent conduire, en bien bonne compagnie, enuoyants avec eux ledict Franchois Ackerman, lequel en retournât emblā de nuit la ville d'Audenarde, ou il fit mettre en pieches, plusieurs nobles & autres gens de bien qui tenoyent la party du Conte Louys, leur Seigneur & Prince naturel. Ce pendant, le Roy Charles de France aduertiy des fouldes & cruaultez, que lesdicts Anglois supportez par ceux que dessus, commettoient journellement audict pais de Flandre, mesmes que lesdicts de Gand continuoyent en leur rebelliō, assemblā de rechief vne merueilleuse puissance, retournā en Flandre, descēdit au Westquartier, pres de Berghes, ou lesdicts Anglois auoyent leur garnison, enchassā lesdicts Anglois dudit pais, & finablement fit retourner ledict Westquartier sous l'obeissance dudit Conte Louys. Mais cependant, lesdicts de Gand ne dormoyent aucunement, ains par forme de contreuenge, gastērent par le moyen de la garnison qu'ils auoyent audict Audenarde, tout le Tournesis, courants jusques aux portes de Tournay, & n'oubliants par le pais circumuoisin, rien de la cruaulté, dont on est accoustumē vsr en guerre mortelle & capitale. Dont neantmoins ledict Roy Charles estoit delibéré s'en venger du tout a son plaisir & volonté, n'eust esté la surueuē de l'Hyuer, qui le renchasse en son Royaulme de France. Et peu apres, par l'entrepayer d'aucuns Princes & Seigneurs des deux couronnes, fut assignée vne journée a Calaix, pour traicter entre icelles, d'appoinctemēt, trefues ou paix. Et en laquelle journée comparust du costé de France, le Duc de Berry, oncle du Roy Charles, & de cestuy d'Angleterre le Duc de Lancastre, lesquels apres plusieurs communications s'entre-donneront trefues d'un an, comprendants en icelles ceux dudit Gand & leurs confederez, afin d'auoir meilleur loysir de traiter, & seurement conferer de toutes matieres & affaires. Pendant lesquelles trefues, sicomme en l'an mil trois cents quatrevingts trois, ledict Conte Louys de Flan-

Renfort d'Anglois pour ceux de Gand.

La ville d'Audenarde emblée par ceux de Gand.

Le Roy de France retourne de rechief en Flandre, enchasse les Anglois, & remet le West-quartier sous l'obeissance du Conte Louys.

Ceux de Gand gastent le Tournesis.

Trefues entre France & Angleterre, sous lesquelles sont cōpris ceux de Gand & leurs adherents.

L'an M. CCC. lxxxiiij.

H h h h dre

Treſpas du Cō.
te Louys dict
de Male.

Les baſtars du
Conte Louys
dict de Male.

dre, dict de Male, treſpaſſa en ſa ville de Saint Omer, le corps duquel fut tranſporté a Lille, & enterre a Saint Pier re en la chappelle de noſtre Dame, lez Madame Margue rite ſa femme, laiſſant vne ſeulle fille & heritiere Madame Marguerite de Flandre. Mais il eult pluſieurs vaillants ba ſtards: ſçauoir Meſſire Louys, dict de Haze, Meſſire Iehan Seigneur de Drincham, Meſſire Louys de Vrieſe Seigneur de le Woefſtine, Meſſire Robert de Flandre, Burchgraue d'Ypre, Victor de Flandre, & pluſieurs autres. Et audict an quatrevingts trois moruſt VVençelin Duc de Brabant & de Luxembourch, laiſſant ſans hoir de ſon corps la Duceſ ſe Iehenne ſa femme.

De l'aduenement de Madame Marguerite a la Conté de Flandre; & pourquoy le Duc Philippe de Bourgoingne ſon mary fut appel lé le Hardy, enſemble d'aulecuns preuileges par eux donnez aux villes de Flandre.

CHAPITRE CLXXX.



Les enfans de la
Conteſſe Mar
guerite de Flan
dre.

MADAME Marguerite troiſieſme de ce nom, fille vnicque dudiſt Côte Louys, dict de Ma le, ſucceda en l'an trois cents quatrevingts trois, aux païs & Contez de Flandre, Artois, Bourgoingne, Palatin, Neuers, Rethel, & aux ſeigneuries de Salins & Malines. Elle fut deux fois mariée: Premierement a Philippe Duc & Conte de Bourgoingne Palatin, Conte d'Artois, Bouloingne, Arminack, Auuergne & Seigneur de Salins, fils du Duc Philippe de Bourgoing ne qui fut fils d'Eudes Duc de Bourgoingne. Lequel tre paſſa fort jeune en l'an mil trois cents ſoixante vn. Et de puis elle ſe remaria a Philippe fils maiſné de Iean Roy de France Duc de Bourgoingne, dont elle eult trois fils, & trois filles: ſçauoir Iean, qui depuis fut Duc de Bourgoing ne, & Conte de Flandre, Anthoine Duc de Lorraine, Bra bant, & Lembourch, & Philippe Conte de Neuers & de Rethel. Madame Marguerite Conteſſe d'Hainault, Hol lande, Zelande, Madame Iacques Duceſſa de Sauoye, fem me de Ame Duc de Sauoye, qui depuis fut eſleu Pape & appel-

appellé Felix le Quint, & Madame Catharinne, femme de Limpolde Archiduc d'Austrice. Lediſt Duc Philippe, mary de Madame Marguerite de Flandre, fut surnommé le Hardy pour diuerſes occaſions: ſçauoir, pour ce qu'en la bataille de Poictiers ou le Roy Ieá ſon pere auoit eſté prins des Anglois, il s'eſtoit porté mout vaillâment, demourât toujours conſtant & ſtable, en la deffenſe & aſſiſtence de ſon diſt pere. Ou (ſelon autres) pour ce qu'eſtant priſonnier en Angleterre, avec lediſt Roy Iean ſon pere, il s'aduança de donner vn ſoufflet a vn des fils d'Angleterre, en preſence du Roy ſon pere, lequel eſtoit a table, & ce a raiſon d'aucunes reproches, & propos iniurieux que lediſt filz d'Angleterre luy auoit tenus. Aultres, & ſignamment la chronique de France reſmoinſne qu'il fut appellé le Hardy. A raiſon que au couronnement du Roy Charles, ſixième de ce nom, ſur le debat que ſe meut entre lediſt Philippe & le Duc d'Anjou, touchant leur ſiege & preeminence, s'eſtant lediſt Ducq d'Anjou, comme regent & l'aiſné des enfans du feu Roy, aſſis joindât lediſt Roy Charles, & ayants chacun des Pers & Seigneurs de France, prins lieu ſelô leur qualité & eſtat: lediſt Philippe Duc de Bourgoinſne ſautâ par deſſus les bancqs, ſe mettant entre lediſt Roy & le Duc d'Anjou, ou il demourâ aſſis au grand regret & creuecœur d'iceluy d'Anjou. Leſdiſts Duc & Philippe & Madame Marguerite ſa femme, gouvernèrent d'vne merueilleuſe prudence, & eſtablirent pluſieurs choſes memorables audiſt pais de Flandre. Lequel par leur moyen fut reduiſt en bonne paix & tranquillité. Le meſme Duc Philippe, ſit en ſon temps vne belle ordonnance ſur la taxation des deſpens des priſonniers, obuyant par icelle aux exorbitantes & grandes exactions, que les Chaſtelains ou Cepiers faſoyent auſdiſts priſonniers. Et contenoit ladiſte ordonnâce les articles ſuſſequents: Premiers, que pour chaſcû priſonnier q le Côte meſme a raiſon de leur pourté, eſt obligé d'entretenir, l'ô payeroit trois ſols ſix deniers Paris ſis par jour, deſquels le chaſtelain ou officier de lieu auroit les deux ſols, moyennât leſq̄ls il ſeroit tenu leur liurer pain, potaige & de la bierre, & les dix & huiſt deniers qui re-

Pourquoy le
Duc Philippe
fut appellé le
Hardy.

Ordonnâce du
Duc Philippe
touchât la taxa-
cion des deſpens
des priſonniers

H h h h ij

ſtere-

steroyent seroyent au prouffit de Cepier, lequel pour iceux „ leur liureroit liêt & linceux. Mais cestuy qui furniroit de „ tout ce que dessus ausdicts prisonniers, auroit lesdicts trois „ sols six deniers entieremēt. Que les autres prisonniers qui „ ne sont soubs la charge dudiêt Conte payeroyent six sols Pa „ risis par jour. Dont le Cepier auroit les deux pour liêt & lin „ ceux, & le chastelain quatre sols, moyennāt lesquels il pour „ uoyrā lesdicts prisonniers de pain, potaige, biere, chair & lu „ miere, ou sur aultres jours de poisson, herenges & choses „ semblables, raisonnablemēt, & tellemēt q̄ pour suffir. Que „ si le prisonnier veult outre ce, auoir du vin, le Cepier luy „ en ferā auoir vn demy lot le jour, pour lequel il prendrā „ deux sols. Mais si lediêt prisonnier voulut dauantaige ou „ estre plus constablement traicté, lesdicts Cepier ou Chaste „ lain le pourront faire, moyennant toutesfois qu'ils ne se fa „ chent donner dauantaige de huit gros par jour. Ce que „ semblablement se pourra obseruer a l'endroiêt des prison „ niers du Prince constiruez en prison empruntée contre les „ villes, ou contre les vassaux. Dont sont lettres données a „ Conflan pres Paris en l'an mil quatre cents & vn, lediêt Duc Philippe confirmā avec Madame Marguerite sa fem „ me a ceux de Gand, tous leurs preuileges, coustumes & vsaiges sans aucune exception ou reseruation. Ils confirmē „ rent semblablement a ceux du Franc tous leurs preuile „ ges, coustumes & vsaiges, dont ils vsoyent deuant les der „ nieres diuisions, saulf qu'ils en jouiroyent en toute raison, „ dont il leur donnērent lettres de l'an quatrevingts qua „ tre. Et par aultres lettres des ans quatre vingts neuf, & qua „ tre vingts dix, ils conferment les traictéz & appoinctemēts „ lors nouuellement faictz entre lesdicts du Franc, & ceux de „ l'Escluse, touchant les deus kueres appellées *Oostkuere*, & „ *Zuutkuere*, que lesdicts de l'Escluse auoyent applique pour „ aggrandir leur ville, dedans le fermeture d'icelle. Et par v „ ne sentence arbitrale donnée par lediêt Duc Philippe, en „ l'an quatre vingts quatorze, il corrige vne mauuaise cou „ stume que auoyent lesdicts du Franc, touchant la cessation „ de loy en aucuns cas, leur donnant ordre, & rgle pour en „ cest endroiêt eux gouuerner, a l'aduenir. Lesdicts Duc Phi „ lip-

Confirmation
des preuileges
pour ceux de
Gād & du Franc

lippe & Madame Marguerite sa femme restituèrent a la ville de Courtray les priuileges a eux donnez, par le Conte Louys, dict de Cressy, lesquels leur auoyent esté ostez par le Conte Louys, dict de Male, comme estants irraisonnables & exorbitants en plusieurs endroits, & mesmes sous pretext qu'ils auoyent esté forfaitz par leurs susdictes commotions & rebellions. Laquelle restitution toutefois, fut moderée & limitée, selon que peut apparoir par leurs lettres données a Paris en l'an quatrevingts cinc, ils confirmèrent pareillement les priuileges a Bruges, renouvelants cestuy de l'an cinquante huiet, touchant le faict de leur estaple, au moyen que lesdicts de Bruges disoyent le dict priuilege estre perdu. Ils accordérēt par forme de priuilege ausdicts de Gād, que les bourgeois d'illec pourroyēt poursuiuir leur debtes sur leurs debiteurs, & les biens d'iceux, dōt ils pourroyēt gagner les heritaiges, en payant les rétes accoustumées, & moyennāt qu'ils en fissent, adheriter estrangers non bourgeois dudit Gād, par leurs lettres données a Bruxelles, le dernier d'Aougt mil trois cents quatrevingts six. Auquel endroit, ay biē voulu aduertir le lecteur de ce qu'ay soigneusement noté, que lesdicts Duc Philippe & Madame Marguerite sa femme, en toutes paix, oitroyes de priuileges & choses semblables, qui sont perpetuelles, parlent ordinairement eux deux ensemble, ayant chascun d'eux respectiuelement son seel, & secretaire particulier. Mais en autres choses qui ne sont perpetuelles, comme es affaires concernant la justice, police, & semblables, ledict Duc parle & seelle seul. Peu apres que ledict Duc Philippe & Madame Marguerite eurent faict au païs de Flandre, leur joyeuse entrée, & qu'ils s'eurent par tout faict recevoir, saulx en la ville de Gand, le dict Duc Philippe se transporta en Bourgoingne, ou il achaptā du Conte d'Arminac la Conté de Charalois, laquelle il donna par succession de temps a Philippe fils de son fils. Et au mesme temps Madame Marguerite acquist pareillement par achapt la seigneurie de Noyers.

Restitution & moderation de priuileges pour ceux de Courtray.

Confirmation de priuileges pour Bruges.

Qualité du pouvoir du mary seul es Seigneuries de sa femme.

Acqueste de la Conté de Chatoulois par le Duc de Bourgoingne.

Acqueste de la seigneurie de Noyers par Madame de Flandre

CHRONIQUES ET ANNALES

Comment le Seigneur d'Escornay reprinsur ceux de Gand la ville d'Audenarde, & des tumultes qu'a raison de ce nasquirent audict Gand. Des alliances que le Duc Philippe practiqua avec le Duc Albert Mambour d'Hainault & Zelande, pour empescher les victuailles a ceux de Gand. De la prinse du Dam par lesdicts de Gand, & comment le Roy de France retourna en Flandre, & reprins ledict Dam, avec autres singularitez.

CHAPITRE CLXXXI.

Le Seigneur d'Escornay reprend la ville d'Audenarde que vn peu auparavant auoit este prinse par les Gantois.



Nouveaux tumultes a Gand.

Mariage de Iehan de Bourgoingne Côte de Neuers, a Madame Marguerite fille de Duc Albert de Bauiere

Mariage du C6 re d'Osternant fils du dict Duc Albert a Madame Marguerite de Flandre.

L'aduenement du Duc Philippe de Bourgoingne en la Conté de Flandre, durant la trefue que dessus, accordée entre les couronnes de France & d'Angleterre, & en laquelle auoyent esté cōprins ceux de la ville de Gád, & leurs confederez. Le Seigneur d'Escornay, trouuá pratique de recourir, par subtilité la ville d'Audenarde que François Ackerman capitaine desdicts de Gand, auoit vn an auparavant prinse de nuict & d'emblée. Dont lesdicts de Gand, esmeuz & irritéz au possible s'assemblerét en armes sur le marché destituèrent de leurs estats ledicts François Ackerman, Pierre vanden Bossche, & autres leurs capitaines raillèrent en pieches le Seigneur de Herzelle, & constituerét cinc nouveaux capitaines, desquels le principal s'appelloit Baudouyn de Rijcke, lequel fit plusieurs courses par le plat país, bruslant & destruyfant tout ce qu'il pouoit rencontrer. Dont aduertý ledict Duc Philippe, pour refrener lesdicts de Gand, & affin d'empescher que de la en auant ne leur venissent plus aucunes victuailles, des país de Hainault & Zelande, s'aduísá de practiquer (comme aussi il fit) le mariage de Iehan Conte de Neuers son fils aisné, avec Madame Marguerite, fille d'Albert Duc de Bauiere, & Mábour desdicts Cōtez d'Hainault, Hollande & Zeláde (desquelles il deuint depuis propriétaire, en l'an quatrevingts huit, par le trepas du Duc Guillaume son frere, appelé le Malade Côte, qui morut audict an au Quesnoy). Mesmes affin de dauátaige & plus estroictemét cōfirmer son alliáce avec ledict Duc Albert, le susdict Duc Philippe donna semblablement en mariaige, a Guillaume Côte d'Osternát fils aisné

aîné dudiect Albert, Madame Marguerite sa fille. Desquel les deux nopces furent tenuës & solemnisées les festes en l'an mil trois cents quatreuingts quatre, en la ville de Cambray, ou le Roy Charles sixiesme de ce nô, vint en personne, & tournoya luy mesme mout d'extremet en vnes joustes, quy se firent durât lesdictes nopces. Au moye desquel les, fust ausdicts de Gád ostée toute esperance d'estre secourus de victuailles, & autres munitiôs par lesdicts païs d'Hainault & Zelâde, qui descourageâ merueilleusemēt lesdicts de Gád, lesquels aussy cōmencerēt eux fâcher de la guerre, obstât le peu de moye, auquel ils se trouuoient, pour fournir aux payemens & despenses que pour soustenir ladiete guerre, leur cōuenoit endurer. Entât mesmes, que plusieurs capitaines desquels ils s'estoyent seruis es quatre mestiers, & autre parr, pour tenir ouuert le passaige dudiect Zelâde, demandoient argent: cōme semblablement Messiere François de Borsele vouloit que luy fut entretenu, ce quoy luy auoit promis, pour faire venir & laisser passer lesdicts victuailles. De maniere, que les affaires dudiect Gand declinoient & se troubloient journellement & de plus en plus, & fustēt lesdicts de Gád cōstraints pour obuyer a plus grâdes despêes, de desmettre lediēt Baudouyn de Rycke & autres leurs capitaines, eux cōtentants d'un gētil hōme Anglois, q̄ le Roy d'Angleterre leur baillâ, pour leur gouverneur & capitaine. Nonobstât quoy, lediēt François Ackermâ avec plusieurs autres, qu'estât capiteine, auoyēt au parauāt estez lous sa charge, cōtinuâ en ses causes & pilleries, besoingnât tellement qu'il print d'emblée, la ville du Dâ, oēcist & chassâ plusieurs bourgeois de ladite ville, & enuoyâ peu apres vers lediēt Gád pour secours, a raison q̄ ceux de Bruges, de l'Escluse, & d'Ardēburch, l'auoyēt assiegé dedâs lediēt Dâ, quy fut cause q̄ lesdicts de Gád repēdât couraige, enuoyērēt au secours dudit Ackermâ bōne quatité desoldats, par la venue desq̄ls lesdicts de Bruges l'Escluse & d'Ardēbourg leuērēt leur dit siege, retournâts sâs autre chose faire la part d'ou ils estoyēt ven^o, au moye de quoy, lesdicts de Gât eustēt loisir & cōmodité de fortifier & mettre bōne garnisō dedâs lediēt Dâ. D'autre costé, lediēt Duc Philipe cōsiderât l'obstination des-

L'an M.
CCC.
lxxxiiiij.

Les Ganthois
destituez des
victuailles quy
leur souloyent
venir de Hai-
nault & Zelâde

Ceux de Gand
se l'assent de la
guerre, a rai-
son des despê-
es que pour l'en-
retien d'icelle
conuient en-
coursir.

Vn gentil hom-
me Anglois
gouverneur &
capitaine de
Gand.

François Ac-
kerman prend
d'emblée la vil-
le du Dâ & en-
uoye pour
secours vers
Gand.

Descerte au
Roy de France
su pays de Hâ
etc.

La ville du Dā
reduite sous
l'obeissance du
Duc Philippe.

desdicts de Gand en leurs reuoltes & rebellions, practiquā le secours dudiēt Roy Charles de France. Lequel descendit tost apres en la Contē de Flandre, accompagnē de quatrevingt mille hommes, & dauātaige assiegea & print d'assault ladiēte ville de Dām, ou il fit cōmandemēt que tous ceux qui estoient du party desdicts de Gand, fussent taillez en pieces & occis, comme promptement fut executē. Mais lediēt François Ackerman, s'estoit le jour precedēt retirē afsez subtilemēt de ladiēte ville, laquelle reduit sous l'obeissance dudiēt Duc Philippe. Lediēt Roy Charles de France, poursuyuant sa poincte, vint loger a Erdwelde distant deux lieues de Gand, & gasta tous les quatre mestiers. Mais considerant que lesdicts de Gand ne sortoyent en campagne, & que persistants en leur rebellion, ils se tenoyēt fermez dedans leur ville. Laquelle obstant le temps d'Hyuer, qui lors approchoit, il sçauoit ne pouoir pour ores reduire sous son obeissance, il se retirā vers son Royaulme de Flandre, ou nous le laisserons, jusques a ce que nostre histoire le remet en propos, & vous declairerōs, par quel moyen, lediēt Duc Philippe reſtablit son païs de Flandre en bonne paix & tranquillitē.

Des grands deuoirs des Duc Philippe & Madame Marguerite sa femme pour par voye amiable reduire ceux de Gand a leur obeissance, de la journée ausdictes fins assignēe a Tournay. De la grande obstination, & rusticitē des ambassadeurs dudiēt Gand, en ladiēte journée, & comment au moyen de l'humilitē des Princesses de Flandre, Brabant & Neuers, qui a genpux entercederent pour lesdicts de Gand, lediēt Ducq Philippe les receut en grace & misericorde.

CHAPITRE CLXXXII.



En apres, le partement du Roy Charles de France, le Duc Philippe Madame Marguerite de Flandre sa femme, considerants les inconueniens, dommaiges & pertes, qu'au moyen de la rebellion de ceux de Gand, aduenoyent journellement en leur païs de Flandre, mesmes que

que le gens de bien d'iceluy païs, ne demandoyent que paix, s'ils n'eussent esté empeschés, par les mauvais & par les estrangers, s'aduiserent comme bons Princes & vrayz pasteurs de leur peuple, de faire conduire les matieres amiablement, & par douceur, & pour a ce paruenir, enuoyèrent secretement vn chevalier de leur maison nommé Messire Jean van Heille, pour conferer avec aucuns de Gand de sa cognoissance, & afin de les induire a vne bonne volôte & affection vers la paix, lequel Messire Jean, venu a Sainte Clare, besoingna tellement, avec aucuns de ceux desquels il pensoit se pouoir fyer en affaire tant important, que apres plusieurs allées & venues, il entendit. Finablement, que lesdicts de Gand seroyent contents d'enuoyer leurs deputez pour demander en toute humilité paix & raisonnable appointement tant du dict Roy Charles de France, que des susdicts Duc Philippe, & Madame Marguerite sa femme. Comme aussy, ledict Messire Jean rapporta fidelement ausdict Duc & Duchesse, de maniere qu'on assigna journée pour traicter d'icelle matiere, en la ville de Tournay, ou au jour seruant, ledict Roy Charles enuoya ses ambassadeurs. Mais le Duc Philippe de Bourgoingne, & Madame Marguerite sa femme y comparurent en personne, accompagnez de la Duchesse de Brabant, de la Cōtesse de Nevers, du Duc Albert de Baviere, & plusieurs autres Princes & Princesses, ensemble de notable quantité de nobles & grands Seigneurs tant du païs de Flādre, que d'autres. Comme de leur coste lesdicts de Gand, y enuoyèrent deux cents cinquante des plus nobles & qualifiez de ladicte ville, lesquels neantmoins se monstrèrent sy fiers, obstinez, & endurcis, que nonobstant ce, que par personnes interposées leur fust comme en maniere d'instruction declaré & remonstré, ils ne daignèrent oncques ployer le genouil, pour demander mercy & grace, mesmes disoyēt n'auoir desdicts de Gand receu telle ou semblable charge, & commission & que la paix dont on entendoit traicter, n'auoit esté mise en termes, par eux ny a leur requeste. Qu'est meut & prouocqua ledict Duc Philippe, a tel desdaing, courroux & indignation, qu'il estoit du tout resolu, de rompre

Le Duc Philippe s'efforce de reduire ceux de Gand par voye amiable.

Assignation de journée Tournay pour traicter de la reduction de ceux de Gand.

Notable ambassade pour ceux de Gand a ladicte journée de Tournay.

Orgueil & obstination de ceux de Gand.

Les Duchesse
de Brabant &
Contesse de
Neuers se met-
tent a genouil,
& intercedent
pour ceux de
Gand.

La Duchesse
Marguerite
Contesse de
Flandre se leue
du costé de
son mary & se
met a genouil
avec lesdictes
Princesses.

Harangue de
Madame Mar-
guerite pour
ses vassaux de
Gand au Duc
Philippe de
Bourgoigne
son mary.

Obstinée rus-
sité, des ambal-
sadeurs de Gád

ladicte journée, lors que le susdict Duc Albert preuoyant les inconueniens, quy de ce par succession de tēps pouoyent s'aduiser, s'aduisa de requerir les Duchesse de Brabant, & Cōtesse de Neuers illec presentes qu'elles voulsissent satisfaire au deuoir desdicts de Gand, & pour iceux avec l'obeissance & reuerence deuē demander le pardon, duquel lesdicts ambassadeurs reculoient a leur grand hōre & deshonneur, suyuant quoy lesdictes deux Princesses, s'estants mises a genouil, s'appareilloient pour interceder pour lesdicts de Gand: quand Madame Marguerite de Flandre, considèrent l'humilité, & ardent zele desdictes deux Princesses, au bien de paix & tranquillité, & signamment cello de la Duchesse de Brabant sa tante, quy tant humblement s'estoit agenouillée, se leua du coste dudit Duc Philippe son mary. Et apres s'auoir joint ausdictes Princesses, les genoulx en terre, & la larme a l'oeil, parla pour, & en faueur de ses vassaux, dudit Gand, audit Philippe son mary de ceste sorte. Monseigneur, la grāde cōpassion & pitie que j'ay de nostre pouure peuple de Gand ne ,,
constrainct vous supplier treshumblement, que sans auoir es- ,,
gard aux lourdes fautes que jusques a present, se mettant ,,
en armes cōtre nous ils ont commises, ny mesmes a la mai- ,,
gre satisfaction que vous pourroit moyenner, le peu de de- ,,
buoir, auquel les ambassadeurs dudit Gand se sont mis, ,,
pour recognoistre & demādre grace de leursdictes fautes, ,,
vous plaise en contēplation de la tresinsistate & humble re- ,,
queste que ces deux vertueuses Princesses & moy, vous fai- ,,
sons, non seulement leur remettre vostre maltalēt & indi- ,,
gnation contre eux justement conceüe, mais ausly en cōfir- ,,
mant leurs droicts & priuileges les receuoir en vostre bōne ,,
grace, & sous vostre protection: a la charge, qu'a l'aduenir ,,
ils vous seront (comme pour eux je m'oblege & vous as- ,,
seure) fideles & obeissants, autant ou plus, que autres sub- ,,
jects ou vassaux, qu'ayez en toutes voz pronences & païs. ,,
Et combien que ledict Duc Philippe, ne desirast lors riens
moins que de traicter humainement lesdicts de Gand, en-
tant mesmes que durant ladicte requeste, & estants lesdi-
ctes Princesses a genouil, les susdictes ambassadeurs estoient
tou-

touſiours demeurez debout: ſy eſtée, qu'a la perſuaſion des ambaffadeurs. dudit Roy de France, & d'autres Princes aſſiſtants en ladicte aſſemblée, & principalement a raiſon de l'eſmotion, qu'il ſentoit en ſon coeur, au moyen des l'armes, & humilité deſdictes Princeſſes, leur fit en toute gracieuſeté, vne reſponſe telle en ſubſtance. Mes Dames, puis
 " q̄ vous enſemble toute ceſte noble cōpaignie, trouuez bō,
 " que non ſeulement nous pardonnions noſtre meſcontentement a ceux de Gand, & leurs cōfederez. Mais auſſy que
 " les receuant ſoubs noſtre protection, nous les maintenions
 " en leurs anciens droicts & priuileges, encores que le farou
 " ce maintiē des ambaffadeurs, qu'ils ont enuoyé vers nous,
 " deſcoeuure aſſez la dureté de leur couraige, & qu'a raiſon
 " de ce, nous les deuſſions auoir renuoye, ſelon qu'ils meritēt,
 " ſy eſt-ce que forçant noſtre volonté pour ſatisfaire a la vo
 " ſtre, ſommes contents, d'oublier le paſſé: meſmes (ſoubs
 " l'eſperance que auons, & la promeſſe que nous donnez, de
 " leur amendement) ſommes preſt de leur faire vn pardō ge
 " neral, & les traicter d'icy en auant, ainſy que vn bon & ver
 " tueux Prince, doit traicter & gouverner ſes bons & loyaux
 " ſubjects. Dont leſdicts Dames le remercièrent treshumble
 " ment, & eſtant retournées en leur ſiege, l'on procéda aux
 " capitulations de la paix, laquelle apres pluſieurs deuſes fut
 " finalement arreſtée ſoubs les ſubſequentes conditions.
 " Scauoir, que le Roy, le Duc Philippe & la Duchefſe Mar
 " guerite ſa femme, a la trehumble requête des Duchefſe de
 " Brabāt & Conteſſe de Neuers, receuoyent leſdicts de Gād
 " en leur grace, leur pardonnants tous meſfaits, & confir
 " mants tous leurs priuileges, couſtumes, & vſaiges. Et lors
 " leſdicts de Gand, s'inclinèrent deuant ledict Duc, promet
 " tants luy demourer de la en auant humbles, & l'oyaux
 " ſubjects. Et ſur pluſieurs poincts, & articles contenus en
 " vne requête, que leſdicts de Gand préſentèrent le len
 " demain audit Duc Philippe, fut par charge d'iceluy,
 " apres auoir le tout communiqué a ſon conſeil, reſpondu
 " en ceſte ſorte. Premiers, que touchant la confirmation des
 " priuileges, de Courtray, Audenarde, Grantmont, Nie
 " neue, Tenremonde, Rupelmonde, Aloſt, Hulſt, Axele,

Reſponſe du
 Duc Philippe
 auxdictes Prin
 ceſſes.

Ceux de Gand
 reconciliez au
 Duc Philippe.

Responſe du
Duc Philippe
ſur pluſieurs
articles conte-
nus en vne re-
queſte de ceux
de Gand.

Bieruliet, Demize, & d'autres, que au temps paſſé auoyent
tenu le party deſdicts de Gand, fut dict, que leſdicts priui-
leges ſeroient viſitez & qu'au demourant on ſe rigleroit de
ſorte, que leſdicts de Gand & autres, auoyent matiere
d'eux contenter. Sur le faiſt de l'entrecours de la marchan-
diſe, fut reſpondu qu'en payant les droicts accouſtumez
elle auroit ſon cours, comme deuant, par tout le païs de
Flandre. Sur ce qu'ils doubtoient eſtre empeschez ou ar-
reſtez, hors Flandre pour les choſes paſſées, leſdicts Duc
Philippe & Madame ſa femme, leur promirent tout ſe-
cours & ayde, contre tous ceux quy les voudroyent perfe-
cutter ou moleſter. Touchant les priſonniers, tant d'un
coſté que d'autre, fut aduiſé, que ceux quy eſtoient lors
mis a rançon ſeroient relaxez, moyennant le payement de
ladiſte rançon, & des deſpens raiſonnables, & ceux quy
n'auoyent encoires eſté mis a rançon, ſeroient quictés,
en payant ſeulement leurs deſpens. Quant aux bannis par
Gand, Bruges, Ypre, & le Franc, pour les diuiſions ſuſ-
dictes, leſdicts Duc, & Duchefſe veullent, qu'ils ſoyent
redintegrez, & reſtituez en leur premier eſtat, moyen-
nant toutesfois le ſerment, que preallablement ils ſeront
tenus faire, de ne pourchaffer choſe, quy puiſſe redonder
au prejudice deſdictes villes & païs. Touchant la confiſ-
cation des fiefs, fut declairé, que tous ceux quy retourne-
royent a l'obeiſſance de mondict Seigneur & Madame,
retourneroyent a leurs fiefs, maiſons, & heritaiges, ſelon
qu'ils les trouueront, comme ſemblablement ſeroient les
absents apres leur retour. Touchant les biens meubles, fut
dict que d'iceux ne ſeroit faiſte reſtitution, ſy ce n'eſt par
conſcience : mais les detenteurs & poſſeſſeurs des maiſons
ſeront tenus les laiſſer aux vrais heritiers en-dedens vn
mois lors immediatement ſuyuant, ſans que d'icelles mai-
ſons ils puiſſent emporter choſe quy tiengne a clou, & a
plouck. Que toutes leuées, demoureroyent leuées, & ne
ſeroient ſubjectes a aucune reſtitution. Que leſdicts de
Gand renonceront a toutes alliances ſerments & obliga-
tions, dont ils peuuent eſtre oblegez au Roy d'Angleterre,
& jureront de nouveau d'eſtre bons & loyaux ſubjects auſ-
dicts

"dicts Duc & Duchesse: lesquels ordonnèrent que tous les
 "susdicts poinçts & articles foyent inuolablement gardez,
 " & entretenus ausdicts de Gand: deffendants a tous leurs
 "subjects, que a raison des choses passées, ils ne meffachent,
 "ny s'ouffrent estre meffait ausdicts de Gand ny a leurs ad-
 "herents effectuellement ny par parole, sur paine d'infra-
 "ction de paix: ordonnants aussy, que ceux quy pour la con-
 "trauention a ladicte paix, feroient bannis, fourferoyent
 "leurs biens, voire & combien que autrement ils fussent ex-
 "empts & libres de confiscation, le tout en faueur & pour
 "respect de ladicte paix: saulz toutesfois en toutes autres
 "choses ausdict de Gand la conseruacion de leurs priuile-
 "ges. Et sy la contrauenant a ce que dessus, estoit personne
 "Ecclesiastique, qu'il seroit deliuré a son ordinaire, pour
 "en estre faite la punition que chiet, & est requise contre les
 "infraçteurs de paix & perturbateurs du bien publicque. Ce
 fut ainſy fait, conclu & arresté en la ville de Tournay le
 dix & huietieme de Decembre, audict an mil trois cents L'an M.
 quatreuings cinc, presents les ambassadeurs du Roy Char CCC.
 les de France, la Duchesse de Brabant, la Contesse Mar- lxxxv.
 guerite de Neuers femme de Iehan depuis Duc de Bour-
 goingne & Conte de Flandre, Albert Duc en Bauiere,
 Mambour d'Hainault, Hollande & Zelande: Guillaume
 de Namur, fils du Conte de Namur Seigneur de l'Esclu-
 se, Hughe Seigneur d'Antoing Chastelain de Gand, Iean
 Seigneur de Ghistellos, & de Hornes, Henry de Dixmude
 Seigneur de Beuere & de Heyne, Iean Seigneur de Grim-
 berghe & de la Gruthunſe, Arnould Seigneur de Gaucere,
 & de ſeornay, Ica Seigneur de Axele, Louys bastart de Flá-
 dre dict le Haze, Gherard de Rasseghem, Seigneur de Barf-
 serode, Gaultier Seigneur de Hallewyn, Philippe de Mas-
 senée Seigneur d'Eeke, Iean Vilain Seigneur de Saint Iean
 de Steene, Iean van Oultre, vyconte d'Ypre & Louys Sei-
 gneur de Boullers cheualiers sans y comprendre bon nom-
 bre de gentils homes, ny pareillement les deputez de Bru-
 ges, Ypre, le Franc, Malines, & Anuers. Et peu apres ladi-
 cte paix, ledict Duc Philippe considerant que ses affaires &
 son prouffit, cōsistoyent plus au Royaume de France qu'en

Chambres de
conseils & des
comptes a Lille.

la Conté de Flandre, voulut pourueoir auât son partemēt aux affaires dudit pais de Flandre, lequel il reduict sous bon gouuernement & justice, ordonnant & mettant sus vn conseil de Flandre, & vne chambre des comptes, qu'il fit par ensemble resider en la ville de Lille, aux charges & conditions que cy dessus vous auons declairé.

Comment le Duc Philippe fit edifier en Flandre plusieurs chasteaux & fortereffes, pour obuier aux frequentes seditions de ceux de Flandre, du debat que nasquit en France ontro ledict Duc & cestuy d'Orleans pour le faict du gouuernemēt, du retour dudit Duc Philippe vers Flandre pour estraindre les seditions quy desia cōmenchoyent & d'autres choses singulieres.

CHAPITRE CLXXXIII.



Office d'un
prudent Prince
en temps de
paix.

Prudence du
Duc Philippe.

OMME vn bon pylote, lors que la mer est trāquille & payfible faict ordinairement les preparatifs contre la tempeste a-venir : ainly le saige Prince, & vigilant gouuerneur doit en temps de paix, pourueoir d'armures, munir ses villes, remparer les tours & murs d'icelles, agrandir leurs fosses, disposer de sa gendarmerie, & s'appliquer a autres choses semblables, affin que quand il en aurā besoing, tout soit prest & appareillé. Et ce faisant, il conserue & establit la paix, exerce ses jeunes soldats, refrainēt les mal-vueillāts, & ceux quy sont enclins a choses nouuelles, & consequemment, il n'est en temps de guerre jamais espouenté par soudain tumulte, ny autrement. Entant mesmes, qu'il a tousiours ses compagnies deliberées, & obeissantes, contenant par mesme moyen ses autres subjects en leur debvoir & office. Lesquelles choses, considerant, ledict Duc Philippe (lequel estoit vn Prince tres discret & prudent) s'aduisa pour maintenir en paix le pais de Flandre, & affin d'empescher les frequentes commorions du peuple, que journellement on y voyoit, ensemble pour obuyer a la descenre des Anglois, sous l'appuy desquels les mal-conditionez desbordoyent avec plus grande audace, de faire plusieurs fortifications tant dedens le pais, que au frontieres d'iceluy.

luy, & premiers pour assubjectir ceux de Bruges, & du Franc, changeá contre le Conte de Namur la ville de Bethune, a celle de l'Escuse, praticquant successiuemét, que le Roy Charles sixiesme de ce nom, y físe faire, comme sur les frontieres, & extremes limites de France, vn grand & fort chasteau. Dont ceux de Flandre, & signamment les habitants de Bruges, ne se pouoyent aucunement conten-
 ter, soubspretext qu'ils maintenoient ledíct chasteau estre tresdangereux, & au païs, & au train de la marchandise: voire d'autant plus, que le susdíct chasteau pourroit par succession de temps, tomberes mains de tel, qu'il causeroit vne ruyne & destruction generale en toute la prouence de Flandre. Nonobstant quoy, ledíct Duc Philippe acheuá en toute diligence sondíct ouuraige, faisant outre ce murer & fortifier la ville de Nieusport, de maniere qu'il se persuadoit les frontieres de la mer estre tresbien gardées, & que de la en auant lesdícts de Bruges & du Franc seroyét tenus en office, & obeissance. D'autre costé pour contenir ceux de Gád, & affin de refrener leur seditieuse inclinatio, il fit refaire & fortifier le chastel de Courtray, sur la riuere du Lys, & vn autre a Audenarde sur la riuere de l'Escaut, lesquels outre ce luy seruoyent de deffense contre le païs de Hainault, mesmes pouoit par le benefice desdícts chasteaux fermer lesdíctes riuieres du Lys & de l'Escault, toutes & quantes fois que bon luy sembleroit. Finablement pour maestriser & se preualoir de ceux d'Ypre, ledíct Duc Philippe fit deffense que leurs faux-bourgs que auoyét vn peu auparauant, & durant le siege des Anglois & Gantois este bruslez, ne fussent refaits ny redifiez, enuoyant & distribuant les habitáts desdícts faux-bourgs au païs circunuoysin sicomme a Poperinge, Menin, Wenry, Comines, & autrepars selon que lesdíctes habitants vouloyent, afin de par ce moyen les espartre, estant a ce de tant plus enclin, au moyen que desdícts faux-bourgs, estoient tousiours procedées & emanées les principales commotions de la dícte ville de Ypre, laquelle aussy ledíct Duc fit murer, & fortifier aux despens des inhabitants d'illecq, ordonnant, & constituant sur tous lesdíctes ouuraiges vn gentil

Vn grand chasteau a l'Escuse, pour refrener ceux de Bruges & du Franc.

Fortification de Nieusport.

Les chasteaux de Courtray & d'Audenarde, pour tenir en office ceux de Gand.

Deffense a ceux d'Ypre de redifier leurs faux-bourgs.

Messiere Iehan
de Comines
constitué sur
les ouuraiges
que le Duc Phi
lippe faisoit
lors faite en
Flandre.

Ordonnances
du Duc Phi
lippe touchant
la monnoye.

Debats entre le
Duc de Bour
goigne &
d'Orleans pour
le gouverne
ment du Royau
me de France.

Murmures de
ceux de Flâdre
contre le Duc
Philippe.

Diuisions en
Flandre a rai
son du schisme
qu'estoit en la
S.Eglise.

Retour du
Duc Philippe
en Flandre
pour obuier
aux seditions
quy commen
coient.

gentil homme de prudence nō vulgaire, & de merueilleu
sement bon esprit, appelle Messiere Iehan de Comines, ca
pitaine de Nieusport. Lequel au mesme temps ou peu a
pres commença son chasteau de Comines. Ce que dessus
faict & executé, le susdict Duc s'appliquant a ce que plus
particulierement concernoit le fait politicque, fit aucu
nes ordonnances touchant la monnoye, reduisant par icel
les les nobles qu'estoyent premierement forgez a cinc solz
de gros, & montez jusques a sept soulds six deniers de gros,
a six semblables solz, deffendant que de la en auant mille
autre monnoye eust cours au païs de Flandre que lesdicts
nobles, & le denier d'argēt que lors il fit forger au chasteau
de Gand, appelle Roosbecker a deux gros, le demy a un
gros, avec aucunes autres particularites, plus au long re
prinſes par lesdictes ordonnances, & peu apres, ledict Duc
se retira vers France, ou sordirent plusieurs gros debats, &
differeuts entre luy & le Duc d'Orleans, pour le gouverne
ment du Royaume, auquel chascun d'eux respectiuelement
tendoit & aspiroit. Ce pendant le peuple de Flandre mur
muroit au possible tant a l'occasion de l'ordonnée que de
sus, sur ladicte monnoye, que pour autant que ledict Duc
Philippe, auoit laisse audict Chastel de l'Ecluse en garni
son des soldats François, outre ce que lesdicts de Flandre
estoyent en merueilleusement grâds diuisions, pour le scis
me que lors regnoit, au moyen de deux Papes que auoyēt
esté créez au grand scandale de la republicque Chrestien
ne. Entant mesmes que ceux quy s'oustenoyent le party
de l'ung, auoyent en reputation de gens excommuniez,
ceux qu'adheroyent a l'autre, ne voulants ouyr la messe ny
le seruice diuin, des prestres & gens d'Eglise, qu'auoyent e
sté constituez par le Pape, auquel ils estoyent contraires,
quy cauſoit un grand erreur & abus entre les pources Chre
stiens, & signamment audict païs de Flandre, ou pour les
susdictes occasions, les diuisions naissoient & augmen
toient de jour a autre, tellement que ledict Duc Philip
pe, fut forcé & contrainct, pour le bien & tranquili
té de ses subjects, de retourner a grandes journées, en son
païs de Flandre, ou il fit tost apres constituer prisonnier un

cer-

certain personnage de Bruges, nommé Pierre van Rousselaere, homme de grand credit & autorité, & lequel au moyen que Messire Jacques d'Ostburch auoit publiquement presché, que tous ceux qui tenoyent le party du Pape Clement estoient excommuniez, auoit tasché d'esmouuoir vn grand trouble, & tumulte en ladicte ville de Bruges, qui fust cause que ledict Duc Philippe fit mener ledict Pierre van Rousselaere vers Lille, ou il eust dans le Chasteau la teste trenchée. Il fist semblablement, pour la mesme occasion tronsser, Messire Iehan de Heyle, & conduire audict chasteau, ou il mourust, tost apres de desplaisir. Durant ces entre faictes, ledict Duc Philippe, faisoit son extreme pour diuertir ceux dudit Flandre de la deuotion & obeissance du Pape Bonifacius, & les faire adherer a celle du Pape Clement. Comme de faict il les persuada. Mais a raison, que peu apres ledict Pape Clement, trepassa en Auignon, & que *Petrus de Luna*, depuis appelé *Benedictus*, estant subrogé en la place & dignité d'iceluy & lequel auoit promis renoncer a la dignité Pontificale, toutes les fois qu'il voyroit par tel moyen la Sainte Eglise, pouoir estre reduite a vnité & concorde, ne voulut estant de ce sommé & requis, faire ladicte renunciation; ledict pais de Flandre, ensemble le Royaume de Brâce & autres se firent vnanimement soubz l'obeissance de sa partie aduersé: & par ce moyen cessèrent les diuisions qu'a ceste occasion auoyent regné entre lesdicts de Flandre. Lesquels, & notamment ceux de Gand, Bruges, Ypre, & du Franc faisoient audict temps plusieurs tresistances pourfuytes, afin de rauoir en leur pais le marchand Alleman. Lequel au moyen des guerres & diuisions passées, mesmes a raison des grands & insupportables dommages & interests, qu'a l'occasion d'icelles ils auoit encouru, s'estoit absenté dudit Flandre, soy retirant & prenant sa residence a Dordrecht, & autre part. Nonobstant quoy lesdicts de Flandre apres plusieurs journées & communications sur ce tenues, practiquerent de sorte, que ledict marchand a la persuasion du fudict Duc Philippe, fut content de retourner, & reprendre sa residence en la ville de Bruges, soubz certaines conditions

Pierre vâ Rousselaere enuoyé au chasteil de Lille & decapité par ordonnance du Duc Philippe.

Continuation de l'histoire en la S. Eglise.

Deuoir de ceux de Flandre pour rauoir le marchand Alleman en leur pays.

Le marchand Alleman retourne & prend sa residence a Bruges.

& moyennant aucuns priuileges que de rechief leur furēt par leſdicts Prince & villes accordez & renouuellez, moyēnāt auffi la ſomme de vnze mille cēt liures de gros, que leſdites trois villes & le Franc leur payērēt en deux payemēts, pour leurdits dommaiges & intereſts, cōme du tout peut plus a plain apparoir par les lettres qui de ce furent faiçtes
L'an M. CCC.xcij en l'an mil trois cents quatrevingts douze.

De l'expedition du Conte Iean de Neuers contre les Turcs en Hongrie, & comment il combatit indiſcretement. Du partage que le Duc Philippe & Madame Marguerite firent a leurs enfans, des decēs doſdicts Duc & Duceſſe, & d'autres particularitez.

CHAPITRE CLXXXIIII.

L'an M.
CCC.
xiiij.



*Le Conte Iean de Neuers ſils de Flandre ob-
tient ſoixante
mille Reaux
d'or de ceux
de Flandre
pour aller con-
tre les Sarra-
ſas.*

*Le Conte Iean
de Neuers co-
batit indiſcre-
tement contre
les Turcs en
Hongrie.*

En l'an mil trois cents quatrevingts treize, le Conte Iea de Neuers, lequel eſtoit eſleu pour chef de l'armée que le Roy de France enuo-
yoit au ſecours du Roy Zeghemond d'Hon-
grie, contre Amyras Baſſac, lequel avec mer-
ueilleuſes forces de Sarrazin eſtoit deſcendu audict Hon-
grie, vint pour faire ſes appreſtes au païs de Flandre, ou il
practicqua deſdicts de Flandre la ſomme de ſoixante mille
Reaux d'or, qu'ils luy donnērēt pour ayde de ſes deſpens,
& peu apres partit vers ledict Royaume d'Hongrie, eſtant
lors egiē ſeulement de vingt & huit ans, & vindrent
ſoubs ſa charge & en ſa compagnie le Côte de la Marche,
le Conte d'Eu cōneſtable de France & pluſieurs autres. Mais
eſtant venu audict Hongrie, il voulut conduire les affaires
du tout a ſa teſte n'eſcoutant aucunement ledict Roy de
Hongrie, lequel touteſois auoit plus d'experience, & meil-
leure cognoiſſance des ruſes, & forces deſdicts Sarraſins, que
ledict Conte de Neuers, ny les ſiens, leſquels a raiſon de ce
combatirent indiſcretement & fuſrent routs deſaiçts, de-
mourants morts en la place. Philippe d'Artois Côte d'Eu
Cōneſtable de France, Meſſiere Iea de Viēne admiral d'audit
France, Meſſiere Robert d'Artois, Seignr de Couchy, Meſ-
ſiere Guy de la Trimouille, Meſſiere Renault de Roie, le
Haze de Flandre, Meſſiere Louys de Vrieſe, & Meſſiere
Iean ſans terre, baſtards du feu Conte Louys de Flandre,
dict

dict de Male, le Seigneur de Lembeke, Messiere Jean de Casant, Messiere Roulât Hauwel, & grand nôbre d'autres cheualiers seigneurs & gentils hommes, sans y comprêdre vne infinité de soldats, quy lors semblablement finérêt tous leurs jours. Demourants prisonniers ledict Jean Conte de Neuers, le Côte de la Marche, & autres lesquels peu apres furent relaxez moyennant grandes finances, & vindrent finablement en la ville de Gand, ou le Duc Philippe estoit pour lors avec Madame Marguerite sa femme, & receurêt grand contentement par la présence dudit Conte Jean de Neuers leur fils, le retour duquel, fut cause de plusieurs esbats, triumphes & passe-téps en ladicte ville de Gád, d'ou lesdicts Duc & Duchesse, avec ledict Conte Jean, & le Côte Anthoine, leurs enfans, se retirèrent vers Bruxelles, & par le consentement de la Duchesse Iehenne de Brabant, firent partaige de tous leurs païs & Seigneuries, tât de ce que leur estoit a venir de ladicte Duchesse Iehenne, que d'au

Retour de ce
te de Neuers
en Flandre.

Les Duc Jean
& Madame
Marguerite sa
femme font de
leur vivant
partaige a leurs
enfans.

“ tres. Ordonnants que ledict Conte Jean leur fils aîné, lors
“ Conte de Neuers, auroit la Duché de Bourgoigne, les Cô
“ rés de Fladre, Artois, Bourgoigne, Palatin, avec les Seigneu
“ ries de Salins & Malines. Et que Anthoine leur secôd fils,
“ auroit les Duchez de Lotrice, Brabant & Lébouch, avec
“ le Marquisat d'Anuers: mais Philippe leur fils mairné, au
“ roit les Contez de Neuers & de Rethel, sous condition que
“ sy ledict Anthoine mourroit sans hoir de son corps, lesdicts
“ Duchez avec le Marquisat d'Anuers, viendroyent audit
“ Philippe, lequel estoit le plus mal party. Lesquelles condi
“ tions ont depuis causé les questiôs & debatz que voyrez cy
“ apres. Lesquels partaiges ainsy faicts, ledict Duc Philippe,
“ pour asseurer le susdict Anthoine, son second fils, desdicts
“ Duchez de Lotrice, Brabant, & Lembouch, besoingná de
“ sorte que les estats desdicts païs, receurêt ledict Anthoine,
“ du consentement de ladicte Duchesse Iehenne, pour leur
“ rewaert & gouverneur, & comme hoir d'icelle Duchesse. Le
“ tout nonobstât l'empeschement, qu'en celuy pretendoyent
“ faire & donner les ambassadeurs de Wécelin Roy des Ro
“ mains, eux fondâts sur vn certain traicté de Maestricht, dôt
“ cy deuant est faicte plus ample mention: & par ce moyen

K k k k ij ledict

Pilleries lar-
chins recipro-
ques des An-
glois & Flamens
sur la mer.

Connuement
du Prince du-
rant les debats
des Anglois &
villes mariti-
mes de Flandre

L'an M.
CCCC.
ij.

Mariage d'An-
thoin de Flan-
dre a la fille de
Saint Pol.

Le Duc Philip-
pe fils, frere &
oncle de Roy.

Trepass du Duc
Philippe dict le
Hardy.

L'an M.
CCCC.
iiij.

Decès de Ma-
rie Marguerite
de Flandre.

ledict Anthoine se porta tousiours de la en auant pour
Duc dudit Lembourch. Durant ledict temps les Flamens
& Anglois s'entrefaisoyent les vns aux autres plusieurs gros
dommaiges sur la mer, par leur pilleries & l'arrechins re-
ciproques. Car le Conte Walerand de Saint Pol, nauig-
ant vers Ghreueninghe, pilloit & mettoit en fons tous
les nauires Angloises, qu'il pouuoit rencontrer. Com-
me aussi d'autre costé lesdicts Anglois, ne s'espargnoient
aucunement, pourchassants ausdicts Flamens, tous
les dommaiges & facheries, dont ils se pouoyent adui-
ser. En contrevenge de quoy, les mariniers d'Oosten-
de, l'Escluse, Nieulport, Dunkerke Greueninge & autres
s'employoyent semblablement a leur possible. Ce que ne-
antmoins ledict Duc Philippe n'attiroit a soy, ains dissi-
muloit, & les laissoit faire, comme si lesdicts debats ne
luy eussent aucunement touché. Lequel Duc Philippe
maria en l'an mil quatre cents deux, le Duc Anthoin de
Lembourch son second fils, a la fille dudit Walerand
Conte de Saint Pol. Duquel mariage vindrent deux fils,
qui successiuent furent depuis Ducs de Brabat. Et deux
ans apres qu'estoit en l'an mil quatre cents quatre, ledict
Duc Philippe de Bourgoingne, lequel auoit esté fils, frere &
oncle de Roy, trepassa a Haulx en Hainault, le dix & sep-
tiesme d'Apuril apres Pasques, le corps duquel fut trans-
porté & enterre aux Chartroux, hors Dijon en Bourgoing-
ne. Et Madame Marguerite de Flandre sa femme, demou-
ra seule au gouuernement de Flandre enuiron onze mois,
que lors elle mourust audict an quatre le vingt & vniesme
de Mars auant Pasques, & fut le corps d'icelle Duceſse
transporté de la ville d'Arras, ou elle estoit terminée hasti-
uement du mal d'apoplexie, en la ville de Lille, & fut en-
terre a Saint Pierre, pres le Côte Louys son pere, & la Con-
tesse Marguerite de Brabant sa mere.

De l'aduenement du Duc Jean de Bourgoingne a la Comté de Flandre,
& comment il fit edifier le petit chasteſ de l'Escluse, pour tenir
ouuert le passage du Zuyvyn, & pour resister au grand chasteau
dudit l'Escluse, que lors estoit gardé par les François, ensemble
d'aucuns preuileges qu'il accorda a ceux de Flandre.

CHA-

CHARITABLE CLXXXV.



JEAN Duc de Bourgoingne, Conte de Flandre, succedá par le decés de Madame Marguerite de Flandre sa mere aux Contez de Flandre, Artois, Bourgoingne, Palatin, & es seigneuries de Salins & Malines, & auoit auparavant par le trespas du Duc Philippe son pere, succedé a ladicte Ducé de Bourgoingne. Il eust a femme Madame Marguerite fille d'Albert Duc de Bauieré, Conte de Hainaut, Hollande & Zelande. Dont il eust vn fils nommé Philippe, qui regná après luy, & six filles : sçauoir. Marguerite, qui fut premier mariée au Dolphins Duc de Guyenne, & apres au Conte de Richemont, Connestable de France, & apres Duc de Bretagne, Catharine qui fut fiancée au Roy Renier de Sicille, laquelle gist a Gand, a Sainte Verhilde, Marie Dutesse de Cleues, mere de Jean Duc de Cleues, & Messire Adolph Seigneur de Rauestain, Ysabeau Contesse de Ponteuze, Anne Ducesse de Bochfort, & Agnes Ducesse de Bourbon. Ledit Duc Jean estoit eagé de trente trois ans, lors qu'il vint au gouuernement, & auoit merueilleusement a cœur, la diuision & autres fois auoit esté, entre Monseigneur son pere & le Ducq d'Orleans, selon que voirez cy apres: il estoit petit de stature, mais grand de courage, comme ses actes le vous pourront tesmoigner. Il fit edifier le petit castel de l'Escluse, affin de tenir moyen-
nant iceluy, en sa subjection le grand chastel, ou du moins pour garder ouuert le passaige du Zwyn, si auant que ledict grand chastel, lequel estoit lors es mains du Roy de France, & gardé par les soldarts d'iceluy, eust voulu tenter quelque nouuellité au prejudice dudit pais de Flandre. Il fit renoueller l'ordonnance que Monseigneur son pere auoit establié, sur le fait des prisonniers, laquell il voulut estre de nouveau publiée en sa chambre de conseil lors estant a Audenarde, presents Messire Alard des Albeaux, & Messire Daniel Alaerts conseilliers. Il accorda a ceux de Gand, par forme de preuilege, que les bourgeois d'illec pou-
royent estre adheritez en souts biens tant iefs que autres, en payant les droicts partinents. Nonobstant la deffense

Les enfans du
Duc Jean, Côte
de Flandre.

Edification du
petit chastel de
l'Escluse.

Preuileges pour
ceux de Gand,
Bruges & de
France.

Kkkk iij des

des Contes de Flandre ses predecesseurs au contraire, par ses lettres de l'an mil quatre cents vnze. Il confirma les priuileges de Bruges, lesquels il affranchit de confiscation par ses lettres de l'an mil quatre cents cinc. Il modéra la sentence arbitrale de Monseigneur son pere sur la maniere de cesser de faire loy au Franc, declarant quand & comment il pourroyent cesser de faire ladicte loy par ses lettres dudict an cinc. Il fit appointement d'entre Bruges & ledict Franc, touchant la drapperie, en laquelle il mit ordre & rigle par ses lettres de l'an sept. Il affranchit le franc hoste de confiscation en tous cas, reserue de Lese Maicste contre la personne du Prince, de la Princesse, de leurs enfans legitimes & du çancelier par ses lettres de l'an mil quatre cents quatorze, & ce moyennant vne rente perpetuelle de cinc cents liures Paris par an, que lesdicts du Franc s'oblegerent payer es mains du receueur de Flandre. Presens le çancelier de Bourgoinge, le Seigneur de Roubaix, Messire Rouland de Vutkerke, Godefroy de Wilde, le Seigneur de Montpreux & autres, & est confirme ce priuilege par le Conte de Charrolois son fils. Il vendit ausdicts du Franc la clergie de leur vierfchare, qu'estoit a la disposition du Conte de Flandre, & en receut sept mille escus d'or, dont sont lettres dudict an quatorze. Par lesquelles ils retransche le nombre des escheuins, & accorde que les bannis de Bruges, & autres villes enclauées au Franc, pouroyent franchement conuerser audict Franc, hors de l'escheuinaige, dont ils seroyent esté bannis; mesmes qu'esdictes villes, nul Franc hoste ne pourroit estre arresté, s'il n'estoit trouué en present meffaict, ou deuëment conuaincu.

Des degasts que les Anglois au commencement du regne du Duc Iehan firent en Casant, & des requestes que les quatre membres de Flandre firent audict Duc Iehan, & comment ledict Duc preuoyant que ceux de Bruges tendoyent a aucunes nonnellitez, les anticipa, & changea le gouvernement d'icelle ville.

CHAPITRE CLXXXVI.

A l'ad.



L'aduénement du Duc Jean Conte de Flandre au gouvernement dudit Flandre, le Duc Thomas de Clarence, vint a grand puissance d'Anglois en Casant, ou il brusla plusieurs villaiges & maisons, au grand esbahissement du dict Duc Jean, lequel n'attendoit riens moins que vne telle saluade pour sa bien ventüe en ladicte Côte, entât mesmes qu'il n'auoit ouy parler d'aucune guerre. Nonobstant quoy assembla le plus de gés, que luy fut possible, avec lesquels il tira vers Bruges, en intention d'aller trouuer ses ennemis, lesquels ce pendât s'estoyēt retirez avec grād proye & tres-riche butin. Au moyen de quoy ledict Duc Jean deffit son armée, & apres auoir mis hō ordre en ses affaires de Flādre, & pourueu les frontieres de la mer de garnison suffisante, cōtre les incursiōs desdicts Anglois se trāsportā vers Frāce, ou se renouuellā incontinent le differēt entre luy, & le Duc d'Orleans: de maniere que chascun d'eux employā ses amis & assemblā les forces, mesmes ledict Duc Jean, lequeleust tost apres a son ayde mieux de dix & sept mille hōmes de cōpte fait, qu'il auoir leuē de ses pais de Flādre Bourgoigne, & Artois. Mais par l'entreparker de Louys Roy de Sicille & de Hierusalē, du Roy de Navarre, des Ducs de Berry & de Bourbon, la paix fut entre eux faicte en Nouēbro en l'an mil quatre cents cinc, l'on ne scait soubs quelles cōditions, trop bien que ledict Duc Jean retourna incontinent en Flandre. Ou arriué, les deputez des quatre membres de Flandre, sçauoir Gand, Bruges, Ypre, & le Franc vindrent vers luy en sa ville de Gand, & luy presentērent vne supplication, quy consistoit principalement en cinq points. Dont le premier estoit, que son bon plaisir fut, se tenir en Flandre avec Madame la femme, & que quand ses affaires l'appelleroyent aultre part, que du moins il laissat audict pais de Flandre, madicte Dame avec aucuns de son conseil, quy cogussent la nature & dispositiō de son pais, afin que par ce moyen sondict pais fut entreteñu en meilleure parqunion, & tranquillité. Qu'il y eussent entreteñir les priuileges, droicts, & coustumes dudit pais, & des villes y estāz, de la mesme sorte, & maniere que on en vloit au temps & du

Le Duc Thomas vient avec force Anglois en Flandre, & gaste le pays de Casant.

Debat entre les Ducs de Bourgoigne, & d'Orleans pour le gouuernement de France.

L'an M. CCCC. V. Paix entre les Ducs de Bourgoigne & Orleans.

Requestes des quatre mēbres de Flandre au Duc Jean.

& du vivant du Conte Louys, dict de Male son ayeul, en-
semble qu'il laissast traiter les affaires dudit Flandre, par
les loix & magistrats des villes & hommes de la court, sans
les atraire plus auant, sauf ce que pourroit concerner sa
haulteur & seigneurie, qui se traitetoit en langue Flamen-
ge par des conseilliers en son audience, ou chambre de con-
seil, laquelle ils requerroient estre tenu deça la riuere du
Lys en Flandre Flamengant, que la neutralité, par eux
practiquée, en Angleterre leur fust entretenue, sans les con-
straindre d'eux mesler de la guerre, attendu principallemēt,
que manifestement on scauoit ledict Flandre estre pais de
marchandise. Qu'il ne permit separer dudit Flādre les vil-
les de Bobrbourch, Greueninge, ny autres du Westquartier.
Et finalement qu'on traitast tous affaires audict pais de Flā-
dre, en l'igaige Flāmég. Lesquelles choses entredues, & meu-
remont examinées, leur furent amiablement & sans au-
cun contre-dict accordées par ledict Duc Jean, lequel s'y-
uant ce fut incontinent transporter sa chambre de conseil
de la ville de Lille, en celle d'Audenarde, ou elle fut qua-
tre ans continuels: mais il laissa sa chambre des comptes
audict Lille. Vn peu auparavant ledicts de Flandre, auo-
ient practiqué vers le Roy d'Angleterre vne neutralité, la-
quelle leur causa merueilleusement grand prouffit, pour
ce que au moyen de ladicte neutralité la marchandise af-
fluoit de tous costez audict Flandre. Or aucun temps a-
pres s'ourdirent plusieurs gros debats & differents entre
ceux de Bruges & du Franc, a raison de la drapperie que i-
ceux dudit Franc pretendoient faire au plus pais. Et pour
en quoy les empêcher, ledicts de Bruges tirèrent a gran-
des troupes vers ledict plat pais, rompirent tous les pei-
nes, outils & autres instruments qu'ils trouuerent audict
pais du Franc, seruans a la drapperie, de maniere qu'il y
auoit apparence de merueilleux inconuenientz: si ledict
Duc Jean qui lors estoit en la ville de Gand, ne les eust ac-
cordé moyennant certain appointement, dont est parlé
au commencement de ce discours. Lequel Duc Jean
prouoyant les nouuellitez que ceux de Bruges estoient en
reputés de faire, quelque temps depuis, dont neantmoins

Depuis
le Duc Jean se
corde aux sus-
dicts quatre
membres leur
requerres.

Ceux de Flādre
practiquent du-
rant les debats
entre Bruges
& Angleterre
vne neutralité
qui leur cause
merueilleuse-
ment grand
prouffit.

Depuis
d'abord entre
ceux de Bruges
& du Franc.

je ne treuve l'occasion, s'aduifā de les anticiper, & estant venu audict Bruges changeā le gouvernement de la ville, bannissant promptement six des principaux gouverneurs d'icelle, sicomme Jean Camphin, Jean Berin, Nicolas Barbessaen, Zegher vanden Waele & Pierre de Smit, aux lieux desquels il commit Nicolas de Zoutere, Lieuin Scotelaire, Jean Biese, Jean Bortoes, Arnould de Pippel & Robert de Rousselaere. Lesquels pour complaire audict Duc Jean, & afin qu'il fust assisté d'une notable somme de deniers, mirent sus au grand regret du peuple dudit Bruges, aucunes gabelles sur le bled, faisant a ce condescendre les douze Doyens d'illec, & en bailler lettres, dont le double fut enuoyé en la tresorie des Chartres a Lille. Lesquelles gabelles neantmoins furent depuis ostées, selon que voirez par la continuation de ceste histoire.

Le Conte Jean preuoyant que ceux de Bruges vouloyēt faire aucunes nouueultez les anciepe, & change du tout le gouuernement

Gabelles sur le bled a Bruges.

Comment le Duc Jean fit occire en la ville de Paris le Duc d'Orleans & des moyens qu'il fit proposer deuant le Roy & autres Princes de France pour sa justification, touchant la mort dudit d'Orleans, qui luy fut pardonnée par ledict Roy de France, & de la belle victoire qu'en faueur de Jean Euesque de Liege, il eust contre les Liegeois qu'il contraindit venir sous l'obeissance dudit Euesque, avec autres particularitez.

CHAPITRE CLXXXVI.



Les jalousies, & mutuelles haynes qu'estoyēt entres les Ducs Jean de Bourgoingne, & Louys d'Orleans pour le fait du gouuernement de la couronne de France, & pour la maniance des finances d'illec, croissoient & s'augmentoyent journellement : lors que ledict Ducq Jean de Bougoingne aduertit, que par pratique dudit Duc d'Orleans, la Royne Ysabeau de Bauieres femme du Roy Charles de France, s'acheminoit vers Allemagne, conduisant avec elle le Duc de Guyenne, Dauphin & filz aîné dudit Roy Charles, ensemble Madame Marguerite sa femme, fille d'iceluy Duc Jean fit assembler a son de trompes, le plus de gens que luy fut possible, avec lesquels il vint en

Le Duc Jean vint a puissance vers Paris, pour empêcher aucunes pratiques du Duc d'Orleans

LIII

route

Le Duc Iean
fait ramener
a Paris le Daul
phin de Vienne
& Madame
Marguerite de
Flandre sa fem
me.

toute diligence vers Paris: mais entendât que ladicte Royne avec les dessus nomméz, estoit desia partie, exploita tellement en leur poursuyte, qu'il trouua lesdits Daulphin, & Madame sa femme, a lueusy entre Paris & Corbeil, que le Duc de Bauiere, le Marquis du Pôt, le Conte de Dápmartin, & le grád maistre d'hostel, nommé Mótagu, cõduisoient apres la Royne, lesquels aussy il fit ramener a Paris, & conduire au Louure, ou luy mesmes se logea. Dõt ceux de Paris, sceurent merueilleusemēt bon gré auidict Duc Iean, requerants tant qu'en eux estoit, que son bon plaisir fust, de cõtinuer en la bõne affection que journallemēt il mōstroit auoir au biē, repos, & trāquilite du Royaume: ce qu'augmētā assez plus, qu'on ne vous pourroit declarer l'enuye & indignation que ledict Louys Duc d'Orleās, & ses cõfederez auoyēt cõceu, & long tēps nōurry, cõtre ledict Duc Iean. Lequel finablemēt ne voyāt aucune fin aux trauerses, que ledict Duc d'Orleās journallement luy procuroit, s'aduissā de le faire depescher par aucuns de ses gēs, lesquels apres auoir espiē l'opportunitē de ce faire, exploiterent le commandemēt duidict Duc Iea, & occisrent ledict Duc Louys d'Orleās le jour S. Clement, en l'an mil quatre cēts & sept, dont depuis procederent vnn' infinitē de maux, selon que voyrez cy apres. Et le susdict exploit executē, ledict Duc Iean retourna en toute diligence vers son paīs de Flandre, ou il assemblā grád nōbre de gens de guerre, avec lesquels il reuint peu apres vers Paris, pour soy justifier de l'hommeicide que dessus, commis par sa charge en la personne duidict Duc d'Orleans, comme de fait il se justifia par la bouche de Maistre Iean Petit, docteur en theologie, tant d'extremement que ledict Roy Charles non seulement se contētā de sa descharge, mais aussy le remerciā grādement du susdict exploit: & d'autant plus au moyen, que ledict Duc Iean fit lors en plain conseil apparoir, que ledict d'Orleās terminē, auoit pour satisfaire a son ambition & conuoitise de dominer, cerché plusieurs practiques illicites & indeuēs, pour empoisonner le Roy & ses enfans, mesmes qu'il auoit auidictes fins appellē & retenu en son seruice, plusieurs enchāteurs, sorciers, & autres semblables persõnaiges, eux mēllāts d'arts

L'an M.
CCCC.
vii.

Le Duc Iean
fait occire le
Duc d'Orleans,
& se retire vers
Flandre.

Le Duc Iean re
tourne avec
puissance vers
Paris & propo
se ses justifica
tions touchant
la mort duidict
Duc d'Orleans

d'arts diaboliques, & reprouuées, allegât en ce passaige le réps, la maniere, le moyé, & les noms desdicts personnes, sy bien a propos, que ledict Roy Charles acceptâ ladiète justification, & luy pardonna ce que pouoit auoir esté fourfaict en ce que dessus, aggreant, mesmement approuuant & louant ledict exploit. Dont ceux du party dudit Duc d'Orleans receürét vn incôparable mecontentemêt, & se retirèrent vers Melun, cōduisants avec eux, ladiète Roïne de France, le Dolphin de Vienne, & Madame Marguerite sa femme, lesquels ledict Duc Jean ne sceut pour lors faire retourner en Paris, nonobstant toutes ses diligences, & extremes debuoirs, esquels pour cest effect, il se mit & employâ. Et peu apres, sicôme en l'â mil quatre cêts huiât, ledict Duc Ieâ de Bourgoigne reuint vers Flâdre, & passant par Arras, mit en possession de l'Euesché d'illec, vn Iacopin quy estoit son cōfesseur, & le quel il auoit vn peu auparauant fait creer Euesque dudit Arras, ce faict, assemblâ, outre ceulx qu'il auoit avec luy ramenez de France, bon nombre d'aultres soldats, pour secourir le Duc Guillaume Côte d'Hainault, son beau frere, contre les Liegeois, lesquels auoyent assiegé dedans la ville de Maestricht, Jean de Bauieres leur Euesque, frere dudit Duc Guillaume, & le quel lesdits Liegeois, pretendoyêt descasser & despouiller de ladiète Euesché, sous pretext qu'il ne vouloit receuoir l'ordre de Prestre, a quoy lesdits de Liege le vouloyent cōstraindre, ou bien a la renunciation audict Euesché, mesmes auoyêt defia forcé le chapistre de choysir & prendre pour leur Euesque, Thiery Archediacre de Hespegauwe fils de Messiere Héry Seigneur de Perwez, lequel de Perwez, assiste desdits Liegeois tencit, côme dit est son siege deuât ladite ville de Maestricht, laqle seule avec celle de S. Trô, estoit demeurée lealle audict Ieâ de Bauiere son Euesque, la fortune duquel changeâ merueilleusemêt, par la venue dudit Duc Ieâ de Bourgoigne, lequel joinct audict Guillaume de Bauiere Conte d'Hainault, entra au pais de Liege bruslant & sacquant tout ce qu'il rencôtroit. Quy fut cause, que lesdits Liegeois leuât leurdict siege, vindrent au secours de leurs pais, & rencontrèrent leurs ennemis, le vingt & troisiè-

Le Roy de Fra
ce pardonne
au Duc Jean la
mort dudit
d'Orleans.

L'an M.
CCCC.
viii.

Retour du Duc
Jean vers
Flandre.

Le Duc Jean
assemble ses
forces pour se-
courir Jean de
Bauieres que
les Liegeois au-
oyêt enchassé
de son Euesché.

Les Ducs Jean
de Bourgoigne
& Guillaume
de Bauiere, en-
trent & gastent
le pays de Lie-
ge.

Stratageme du
Duc Jean de
Bourgoigne.

Memorable-
faicte des Lie-
geois, par le
Duc Jean, Côte
de Flandre, &
par le Duc Guil-
laume.

Tout le pays de
Liege reduict
sous l'obeis-
sance de l'E-
uesque.

Sentence des
Ducs Jean &
Guillaume tou-
chant l'amende
fourfaicte par
ceux de Liege.

me de Septembre, audict an huit, que lors fut combatu,
mout vertueusement, tant d'un costé que d'autre, encoi-
res que finablement au moyen de la ruse, & subtilite du-
dict Duc Jean de Bourgoigne, lequel auoit trouué pra-
ctique d'enuoyer cinc cents lances, pour durant leur me-
slee assailir lesdicts Liegeois par derriere, les susdicts Lie-
geois effroyez de la rude charge que leur donnerent a l'im-
pourueu lesdictes cinc cents lances, commencèrent a per-
dre couraige, & s'appesantirent tellement, que ledict Duc
Jean, avec les siens entrant pelse mesle dedans le bastillon
desdicts Liegeois les desconfit & mit entierement en rou-
te. Si moururent en ladicte bataille Messire Henry de Pe-
rewez, l'Euesque, Thierry son fils & bien trente mille Lie-
geois, sans y comprendre deux mille autres qui firent con-
stituez prisonniers. Les principaulx desquels eurent depuis
par l'ordonnance desdicts Duc Jean & Guillaume les tes-
tes trencées. Et entrèrent lesdicts Ducs peu apres, dedans
la ville de Liege, qu'ils reduirent avec tout le pais d'illec,
sous l'obeissance dudit Jean de Bauiere leur Euesque,
constraindants les habitants dudit pais, de eux submettre,
touchant l'amende par eux fourfaicte, a leur dict ordonnan-
ce, mesmes de leur donner hostaiges, pour assurance du
furnissement au juge. Suyuant quoy, apres plusieurs com-
munications sur ce tenues, lesdicts Ducs Jean de Bour-
goigne & Guillaume de Bauiere, prononcèrent en la vil-
le de Lille, en presence des deputez des trois estats dudit
Liege, leur sentence & arbitraige selon que s'ensuyt : Pre-
mieres, que tous les preuileges des villes & pais de Liege,
de Haspegouwe, de Bouillon, & toutes leurs appartenan-
ces seront le douziésime de Novembre, lors immediate-
ment suyuant, portez en la ville de Mons en Hainault, es
mains des deputez desdicts Ducs, sous peine de fourfaire
les preuileges qui auroient esté retenus & obmis. Qu'ils
porteront au lieu que dessus, toutes les lettres d'alliance,
ou confederation qu'ils pourroyent auoir faict au preiudic
de dudit Euesque Jean de Bauiere, pour desdicts preuile-
ges & lettres d'alliance, en estre faict, selon que lesdicts
Ducs en ordonneront. Que ledict Euesque ou chapistre
de Lie-

„ de Liege, ne pourra de la en auant donner aucun aultre
 „ priuilege a ladicte ville, ou païs, que ceux qui leur seront
 „ rendus, ne soit du consentement & par l'aduis desdicts
 „ Ducs, & leurs successeurs Contes de Flandre, & de Hai-
 „ nault. Qu'ils osteront en toutes les villes tous les mae-
 „ stres, escheuins & autres officiers, qu'en vertu desdicts pre-
 „ uileges ont esté commis par le peuple. Que ledit Euesque
 „ pouruoyra ledict païs de Liege d'officiers & gouverneurs d'a-
 „ en an, & receuera tel Côte de leur administration que sera
 „ trouué cōuenir. Que lesdicts Ducs abolissent & mettent a-
 „ neant toutes frâcises des mestiers. Ordonnans qu'elles bā-
 „ nieres desdits mestiers soyēt apportées au palais de l'Euesq
 „ de Liege es mains de gēs a ce commis, pour d'icelles bānie-
 „ res en estre fait ainsi qu'il sera ordōne. Que personne ne se
 „ ra tenu pour bourgeois autrepars, qu'au lieu de sa residen-
 „ ce, & ne pourra aucun bourgeois s'aydier de sa bourgeoisie,
 „ au prejudice de la jurisdiction de l'Eglise, ny des sup-
 „ posts d'icelle. Que le peuple de Liege, ne pourra désormais
 „ faire aucune assemblée sans autorité de l'Euesque, ou cel-
 „ le du chapitre vacquant ledict siege. Que ny l'Euesque ny
 „ le chapistre, ny aucunes desdictes villes se pourront leuer,
 „ ne mettre en armes contre le Roy de France, ny contre les-
 „ dicts Ducs Iean & Guillaume, ny contre le Conte de Na-
 „ mur, ny contre leurs successeurs, ne fut que l'Empereur fut
 „ en personne avec eux, ou qu'ils fussent assaillis. Que les-
 „ dicts Ducs auront tousiours leur passaige par le païs de Lie-
 „ ge, quand il leur plairá, soit avec gens ou autrement, & que
 „ on sera tenu leur liurer viures a pris raisonnable. Que tou-
 „ tes monnoyes forgées en Flandre ou en Hollande auront
 „ cours au païs de Liege au mesme pris, qu'elles s'allouēt
 „ ausdicts païs. Qu'au lieu ou le conflict fut fait, sera fon-
 „ dée vne chappelle de quatre prestres, & deux eoultres,
 „ pour prier pour les ames de ceux qui sont illec terminez,
 „ pour l'entretienement desquels prestres & coultres, les-
 „ dicts de Liege seront tenus assigner deux cents Escus par
 „ an. Que l'Euesque ordōnerá par edict perpetuel, que tous
 „ les ans, le vingt & troisieme de Septembre, qu'estoit le
 „ jour de ladicte bataille, se face en toutes les eglises des païs

de Liege, vne solempnelle messe du Saint Esprit, & apres
 disner les vigiles, & le lendemain vne solempnelle messe
de Requiem, affin que la susdicte victoire demeure en perpe-
 tuelle memoire. Que ledict Euesque aura sans aucune li-
 mitation, la disposition de Huy, Stochen, & Bullon pour y
 constituer & establir tels capitaines, ou chastelains, que bon
 luy semblera. Que tous fugitifs coulpables de la susdicte
 reuolte, seront bannis, & ceux quy les mettront a mort, ne
 fourferont en riens. Qu'on desmollira & rasera les portes,
 murailles, & autres fortifications, de Fosse, Coning & Di-
 nant sans que jamais on les puisse reparer. Qu'on ne pour-
 ra fortifier, ny murer autres villes vers Hainault, entre les
 riuieres de Mase & de Sambre. Qu'on jectera bas vne porte
 de la ville de Thongre quy tire vers Diest & quarante var-
 ges de mur, aux deux costez de ladicte porte. Que lesdicts
 du pais, payeront ausdicts deux Ducs deux cents vingt
 mille escus. Sy l'Euesque ou ses successeurs, ceux du chapi-
 tre ou ceux du pais contre viennent a cest appoinctement
 ou contre ce que lesdicts Ducs ordonneront sur le fait
 desdicts priuileges, alliances, & bannieres, ils fourferont
 deux cents mille escus d'or. Scauoir au prouffit de l'Empe-
 reur cinquante mille, a cestuy du Roy de France cinquante
 mille, & a chascun desdicts deux Ducs ou leurs successeurs
 cinquante mille. Et outre ce, l'Archeuesque de Couloin-
 gne pourra mettre le cas & proceder contre eux par excō-
 munication & interdicts, sans les relaxer jusques a ce que
 ladicte contrauention aura este reparee. Ainly prononcé a
 Lille le vingt & quatriesmed'Octobre audit an mil quatre
 cents & huit. Et peu apres, sicomme en l'an neuf, lesdicts
 Ducs de Bourgoigne, & de Bauiere, ayants veu & visité les
 priuileges & muniments des villes & pais dudit Liege,
 leurs en restituèrent aucuns, cassants le surplus, cōme aus-
 sy ils leurs rendirent les principales bannieres, armoyées
 des armes de la ville, mais les autres appartenantes aux
 mestiers ou confreries, furent portées au chastel de Lille,
 ou je croy, qu'elles sont encoires pour le jourdhuy.

L'an M.
 CCCC.
 ix.

Des

Des ordonnances du Duc Iean sur le faict de sa chambre de cōseil en Flandre, & comment il vint a merueilleuse puissance vers Paris: de la paix que fut faicte a la journée de Chartres, entre luy et les enfans du feu Duc d'Orleans, & comment depuis ladicte paix les principaux de France fissent nouvelles alliances contre le dict Duc Iean, avec autres singularitez. CH A P. CLXXXVIII.

A V D I C T an mil quatre cents neuf, les quatre membres de Flandre, consentirent au Duc Iean de Bourgoingne Conte dudit Flandre vne ayde de cent huit mille escus, tant pour sa joyeuse entrée, a laquelle il n'auoit riens receu, que pour fournir a certains despens, par luy sostenus, affin de procurer, l'entrecours de la marchandise entre Fládre & Angleterre. Et enuiron ce mesme temps, ledict Duc Iean transporta a la requeste de ceux de Gand sa chambre de cōseil qu'estoit lors a Audenarde, en ladite ville de Gád, ordonnât que vn des cōseilliers seroit Presidēt, & en absence dudit Presidēt le plus vieil desdicts cōseilliers. Que lesdicts cōseilliers s'attituleroyent les cōseilliers de Monsieur le Duc de Bourgoingne, Conte de Fládre, Artois, & de Bourgoingne, ordonnez en Fládre. Qu'ils selleroyēt de leurs propres seaux selon que jusques lors ils auoyent faict. Qu'il y eut vn greffier, vn notaire, vn procureur general, & vn aduocat fiscal, lesquels auparauant ny auoyēt estez. Que leur pouoir s'extēderoit par toute Flandre, y comprendât Lille, Douay & Orchies, ensemble les ville & pais de Malines. Qu'ils auoyēt cognoissance de tous cas criminels & ciuils entretenâts les coustumes priuileges, & vsaiges des villes & pais avec plusieurs autres articles trop prolixes a resumer. Et furent lors mis en ladicte Chambre deux cheualiers, Messiere Iacques de Lichteruelde, Seigneur d'Assenbrouc, & Messiere Guillaume de Hallewyn, chascun d'eux a la pension decinc cents francs par an, & vn President a semblable pension, appellé Maistre Simon vá Fornelis, & cinq cōseilliers chascun a trois cents francs par an. Scauoir Maistre Henry Goethaels, Maistre Daniel Alaerts, Iacques van Tennerie, Maistre Anthoine Wissot, & Maistre Thiery le Roy. Item Maistre Nicole du Chesne aduocat
Fiscal

Ayde de cent huit mille escus accordée par les quatre membres de Flandre au Duc Iean.

Ordonnance du Duc Iean touchant sa chambre de Conseil.

Fiscal a deux cents Francs, Viſtor de Bannedamme procureur general a deux cents Frâcs, Meſſire Rouland van Moerkerke greffier a cent Eſcus, Guyot de Boye notaire & receueur des exploicts a cent Eſcus, Thomas de Boom & Iean de Crayembrouck huiffiers chacun a quinze Eſcus, & Meſſire Thierry Gherbode garde de Chartres a trois cents Frâcs. Et tenoyent leſdicts Seigneurs du conſeil leur conſiſtoire, au chaſtel de Gand en hault, ſur la grand ſale. Mais depuis a raiſon du grande eage d'aucuns, auſquels eſtoit trop faſcheux monter en hault, ledict conſiſtoire fut mis en bas. Ce faiſt & toutes choſes bien diſpoſées audict païs de Flandre, ledict Duc Iean tirá en merueilleuſement belle compaignie vers Paris, dont aduertis les Ducs de Berry & de Bourbon, craindants & ayants pour ſuſpecte la puiſſance dudit Duc Iean, ſe retirèrent dudit Paris & conduiſants avec eux le Roy Charles, qui lors eſtoit malade la Royné ſa femme, & quaſi tous les Princes & nobles de la maiſon d'iceluy Roy, prindrent le chemin de Tours, ou nous les laifferons pour vous declairer, que nonobſtant leurdict parlement ledict Duc Iean avec le Duc Guillaume Conte de Hainault, & pluſieurs aultres, en tresbon nombre, paruint finalement en la ville de Paris, ou il fut receu du peuple, en tout honneur, & amitie. Au moyen de quoy il ſe journa audict Paris, pour aulcun temps. Pendant lequel, il cherchá pluſieurs moyés & pratiques avec ledict Duc Guillaume & aultres Princes de ſon ſang, pour du tout appayſer les haynes concheués a raiſon de la mort dudit Duc d'Orleans, & beſoingná tellement, que apres pluſieurs communications ſur ce tenues, l'on aduiſá finalement, a ce que concernoit le faiſt de la paix, & reconciliation des Princes du Royaume. Pour a quoy paruenir, ledict Duc Iean fuſt content, ſoy transporter a Chartres en compaignie de ſix cents cheuaulx, ſeulement, ou de faiſt il ſe trouuá, & en preſence du Roy de la Royné du Dolphin ſon genre, & grande multitude de Princes, il requiſt (ſelon l'inſtruction qu'a ces fins luy auoit auparauant eſté donnée) qu'il pleuſt audict Roy Charles oſter de ſon couraige toute indignation, & meſcontentement que luy pourroit auoir reſté, au moyen

*Le Duc Iean
vint a merueil-
leuſe puiſſance
vers Paris.*

moyen du susdict homicide, mesmes qu'il le voulsist reprendre & restituer en sa bonne grace, il fit semblablement dire aucunes parolles au Duc Charles d'Orleans, a Philippe & Jean ses freres, enfans du defunct Duc d'Orleans, les priant de paix & amitie. Suyuant quoy ledict Roy Charles luy fit declairer qu'a la tresinstante requeste de la Roynne du Dauphin, du Roy de Nauarre, du Duc de Berry, & autres Princes lors presents, il luy pardonnoit tresuoluntiers toutes les choses passees, non toutesfois a ceux qu'auoyent perpetre ledict homicide, lesquels furent incessamment bannishors la couronne, & leurs biens confisquees. Voulant & ordonnant, que de la en auant y eust bonne paix, & confederation entre eux, ensemble que pour le bien repos, & assurance de la couronne, toutes diuisions, partialitez, & haynes, fussent mises soubspiedz, & oublyees. Et affin de plus seurement pouir auir au bien de ladicte couronne, ensemble pour estroitement confirmer ladicte reconciliation, ledict Roy Charles practiqua, & fit lors promettre, & arrester le mariaige, d'entre Philippe Conte de Vertu, second fils du feu Duc d'Orleans, & l'une des filles dudit Duc Jean, lequel pour aduancement dudit mariaige promit donner quatre mille liures Parisius par an, & cent, dix mille Franc comptant, nonobstant quoy ledict mariaige, ne sortist oncques son effect. Comme aussy fut en ladicte journée de Charles, conclu & arresté le mariaige, de Philippe de Bourgoingne Conte de Neuers & de Rethel, frere mainé dudit Duc Jean, & de Madame Bonne d'Artois fille de feu Robert d'Artois Seigneur de Couchy, dont vindrent depuis Charles Conte de Neuers dict le Boiteux, & Jean Conte d'Estampes qui semblablement par succession de temps, deuint Conte dudit Neuers. Cefait ledit Duc Jean retourna avec le Roy, la Roynne, le Dauphin, & autres en la ville de Paris: ou ledict Duc Jean (lequel estoit rentre au gouvernement du Royaume, & auoit plus de cre dit que jamais) fit executer par l'espée, Jean de Montagu, tresorier de France & plusieurs autres, qui estoient chargez d'auoir en intelligence, avec le feu Duc d'Oileas, pour empoisonner ou charmer le Roy. D'autre costé, les Ducs

Journée de
Chartres, ou le
Roy & les en
suyuans du
Duc d'Orleans
perdonnerent
au Duc Jean de
Bourgoingne la
mort dudit
Duc d'Orleans

Mariaige de
Philippe de
Bourgoingne
Conte de Neuers
avec Ma-
dame Bonne
d'Artois.

Le Duc Jean
rentre au gou-
uernement de
France.

M m m m

de Berry

de Berry & de Bourbon, oncles du Roy, indignez & mal contents de ce que ledict Duc Iehan de Bourgoigne auoit seul avec le Daulphin son beau-fils, emprins le gouvernement de France, s'allierent avec autres Princes de la couronne, siccome avecques les Duc d'Orleans, Comtes de Vertu, de Clermont, d'Alençon, de Vendosme, d'Armignac, & autres & se retirèrent dudit Paris conduisant avec eux ledict Royne, & laissant comme seul ledict Duc Iehan avec le Roy, quy lors estoit malade & le Daulphin son beau-fils. Le Roy de Nauarre eust semblablement volontiers party de ladicte ville avec les dessus nommez, mais ledict Duc Iehan l'arresta avec luy. Lequel Duc Iehan aduertiy, peu apres de la grosse assemblée, que les susdicts Princes faisoient, vint a grandes journées vers son pais de Flandre, ou il fit assembler, les estats du pais, les priant que en ceste tant urgente necessite, ils le voulussent, comme bons & loyaux subjects, liberallement assister, de telle somme de deniers, & nombre de soldats, qu'ils pourroyent finer, chargeant ausdictes fins, son demain bien l'argent, & affin de rendre lesdicts de Flandre tant plus volontaires a ce qu'il desidoit, il leur accorda plusieurs priuileges, & entre autres ceux dont auons touché par le commencement de ce discours. Breif il besoigna de sorte, que moyennant la bien vueillance, & promptitude desdicts Flamens ses vassaux, il retourna bien garny de gens & d'argent vers ladicte ville de Paris. Ou peu apres fut par les Princes du Royaume conclu & aduisé, que lesdicts de Bourgoigne, & d'Orleans, affin d'eviter plus grands inconueniens, retourneroyent chascun d'eux respectivement, en leur pais, & qu'ils ne s'entremetroyent vicerieurement, au gouvernement du susdict Royaulme. Au moyen de quoy, ledict Duc Iehan pour effectiuement monstrier le desir qu'il auoit, au bien & repos dudit Royaulme, obtemperant a la susdicte resolution, retourna promptement en ses pais de Flandre, ou il demoura tout l'Hyuer ensuyuant.

Nouvelles diuisions entre les Princes de la couronne de France.

Le Duc Iehan retourne en Flandre pour assembler les forces, & apres retourner contre ceux d'Orleans & autres ses ennemis.

De la

in m m M

De la grand puissance que le Duc Jean assambla pour mettre fin aux querelles de France, & comment il fut desliné des Flamens, qui il avoit mené avec luy, nonobstant quoy continua son chemin, & vint a Paris, ou luy fut permis le gouvernement du Royaume de Navarre que ceux d'Orleans & autres firent avec les Anglois, & comment la ville de Bourges fut assiegée, & prise, & de la continuation des debassemens ledict Duc Jean concesa d'Orleans, & comment il fut finalement meurdry, en presence du Dauphin.

CHAPITRE CLXXXIX.



N l'an mil quatre cents unze, furent apportees au Duc Jean de Bourgogne vnes lettres de desfi, de la parolle Duc d'Orleans, & ses freres, ausquelles ledict Duc Jean fit proprement respondre, conformement, a la ruyne discretion, & invincible magnanimité de couraige, & suyvant ce, considerant que nonobstat ledict traicté de Chartres, lesdicts d'Orleans & leurs confederéz, continuoient en leurs haynes & inimities inveterées, ilz emassèrent le plus de gens que luy fut possible tant de Flandre que d'Artois, Bourgogne & autrepars, delibéré de mettre le tout pour le tout & de veoir vne fin, de tant aspres haynes, & rancunes. Pour a quoy paruenir, il entra puissamment au pais de Vermandois, assiegea & pillá la ville de Ham, gasta tout le plat pais, & passa outre jusques a Clermont, ou il reposa quelque temps, pour delibeter & resouldre, qu'el chemin il deburoit tenir pour mener a bonne & honorable fin la susdicto entreprinse, & apres plusieurs opinions sur ce proposées, & debatues, conchut en l'oy mesme, de tirer vers Paris, soyfisant merveilleusement de l'amitie & bien vuëillance que ce peuple d'ille d'el'université luy portoyét. Estant en ceste resolution, les Flamens qu'il avoit cōduict jusques audict Clermont, fachez & l'assez de la guerre, a laquelle ils n'estoyent exercitez, si bon en tant qu'elle se tenoit en dedens leurs limites, retournèrent au pais de Flandre, & venus devant Bourges, ne voulurent poser les armes, ny entrer en ladicte ville, sy préalablement la gabelle, la quelle (selon que cy dessus vous ations déclaré) avoit au-

L'an M.

CCCC.

Le Conte Jean assemble toutes les forches a luy possibles, pour mettre vne fin a la querelle qu'il avoit contre ceux d'Orleans & leurs adhérents.

Les Flamens apres aucuns exploits de guerre faicts, & estants venus jusques a Clermont, abandonnent le Duc Jean & retournent en Flandre.

M m m m ij cuns

cuns ans auparavant, elle mise sur le bled, n'estoit ostée, fait
saints au reste tel benoit deuant ladicte ville, avec ceux de
Dixmude, l'Écluse, Damme, Oosthende, Thorout & au-
tres, quy les luyuoient en armes, qu'on fust contrainct de
renuocquer ladicte gabelle, & leur rendre les lettres quy de-
re auoyent esté faictes, rompuës & cassées. Ce pendant le-
dict Duc Jean, fasoit au possible du mauuaise tour, & fau-
so compaignie que lesdicts Flamens luy auoyent faict, ne
desista pourtant de la premiere emprise, ains avec les au-
tres, qu'en nombre assez competent, luy estoient restez,
continua son chemin, vers ledict Paris, ou il fut receu des
habitants d'illec en grand triumphe & magnificence, les-
quels pour tesmoingnage du contentement receu par la
venue dudit Duc Jehan, crièrent vniuersellement Noel.
Mesmes & que plus est, le Roy Charles de France, quy lors
estoit en son bon sens, & les autres Princes, firent tant bon
recueil audict Duc Jehan, qu'il ne scauoit qu'en imaginer,
tant mesmes que le gouuernement du Royaulme luy fut
inconuenient, & du consentement des Princes illec estants,
remis es mains, du tout contre son attente & expectation.
Dont ausy lesdicts d'Orleans & leurs confederes receurent
tel desplaisir & creuecoeur, que considerants le peu que
jusques lors, toutes leurs machinations auoyent prouffité,
& que nonobstant plusieurs ruses, dont ils s'estoyent aydez,
pour du tout estrangier ledict Duc Jean du gouuernement,
& de la maniance des affaires de France, ils le voyoyent au-
dict Royaume conuincue au supreme degre de credit & au-
thorité, artesterent au detrimet, & a la ruine reueuidentie
du païs vniuersel, de faire descordre a leurs secours les An-
glois, quy par succession de temps, n'en fortirent a leur pre-
miere volonte. Or luyuant ceste deliberation ils enuoye-
rent vers le Roy d'Angleterre pour son secours & assiste-
ce, contre le Roy & le Duc de Bourgoigne, vn messagier ex-
pres, lequel passant par Normandie, fut surprins, & arresté
pisonnier: au moyen de quoy, & mesmes par les lettres
desdicts Seigneurs qu'on trouua sur ledict messagier, & les-
quelles furent leues en presence dudit Roy Charles, &
autres Seigneurs, leurs lascheté & trahyson fut descouuer-
te, &

Tumulte des-
dicts Flamens
deuant la ville
de Bruges.

Ceux de Paris
erient Noel,
la venue du
Duc Jean vers
eux.

Le gouerne-
ment du Royau-
me de France
remis es mains
du Duc Jean.

Ceux d'Orleans,
& leurs confe-
deres mandent
a leur secours
les Anglois au
grand detrim-
ment de la cou-
ronne de Fran-
ce.

re, & manifestée au grand esbahissement de tous les Princes & signamment du Roy mesme, lequel ne se fut jamais doute d'une embusche tant malicieuse, & dont il voulut prestement soy venger, faisant a cest effect assembler bone trouppé de soldats, avec lesquels il tira vers Berry, ou il mit son siege deuant la ville de Bourges, ou estoient les Ducs de Berry, de Bourbon, & autres attendants le secours d'Angleterre, auant la venue duquel, ils fissent ouuerture de la dicte ville de Bourges ou le Roy le Duc de Bourgoigne, & leurs gens, entrèrent moyennant l'appointement qui s'en suyt. Scauoir, que ledict de Berry, prieroit le Roy, qu'il ne print de malle part, & luy pardonnast, le long delay qu'il auoit mis, auant luy faire ouuerture dudit Bruges. Que ledict de Berry, & les siens renunceroient, a toutes alliances & intelligences faictes ou a faire, au prejudice du Roy, du Daulphin & du Duc de Bourgoigne. Que ledict de Berry & les siens entretiendroyent le traicte de Chartres, auquel le Roy pourroit adiouster aucuns articles, pour le bien & tranquillité de la couronne, & vnion des Princes d'icelle. Que chascun seroit restitué en ses terres, posselliós & Seigneuries. Suyuant quoy, apres que le Roy eust sejourne quelque temps audit Bourges, il se transporta avec la Roïne, le Daulphin, & ledict Duc de Bourgoigne vers Meleun. Et depuis, continua & augmenta de jour a autre, linimitie, & hayne entre lesdicts Ducs de Bourgoigne, & d'Orleans a irreparable ruyne, & destruction du Royaume de France, & besoingnerent ledits d'Orleans avec les siens de sorte, que le Daulphin, ayant depuis emprins le gouuernement du Royaume de France, se declara ouuertement contre iceluy Duc de Bourgoigne, s'aydats lesdicts d'Orleans pour ledict effect, de ce que apres la journée d'Azincourt, (en laquelle le Duc Anthoine de Brabant, frere d'iceluy Duc de Bourgoigne, avec plusieurs Princes François, auoit esté desconfit, par les Anglois) ledict de Bourgoigne, qu'auoit assemblée grosse puissance, pour véger la mort de sondict frere, estant de la part du Roy requis, de marcher en diligence contre lesdicts Anglois, iceluy de Bourgoigne, auoit respondu son intentió estre telle, mais

Le messagier que ledict d'Orleans & confederz enuoyent vers Angleterre, prins, & au moyeu de ce leur embusche descouuue.

Les Roy de France & Due de Bourgoigne assiegent la ville de Bourges laquelle leur est libérée par appointement.

Le d'Aulphin ayant emprins le gouuernement de France se declare contre le Duc de Bourgoigne.

M m m n iij

que

que préalablement il eust volenté de communiquer d'aucuns affaires tres importants, avec ledict Seigneur Roy & le Daulphin. Au cerueau desquels, les aduersaires dudit de Bourgoingne, imprimèrent vne opinion sy estrange, que pensants que ledict Duc de Bourgoingne se trouuant lors le plus puissant en armes, eust faict la susdicte respõse, pour volenté qu'il eust de s'investir du Royaulme, firent commandement aux villes d'entre Paris & Troyes, qu'on ne luy fit aucune ouuertüre. Dont ledict de Bourgoingne irrité au possible, conuertit ses forches contre seldits aduersaires, & le Royaume mesme, & deuint peu apres Seigneur & maistre de tout le pais de Languedoc, & de plusieurs autres qu'il reduict sous son obeissance, taschant sur toute chose, de s'investir de la ville de Paris. Laquelle finalement par la subtilité de Messiere Jehan de Villers, Seigneur de Lisleadam fut en l'an quatre cents dix & huit mil soés mains dudit Duc de Bourgoingne, lequel en l'an mil quatre cents dix & neuf, vint a Poilly le fort pres Corbeil, vers Charles de Pontieu, lors Daulphin, (pour autant que vn peu auparauant estoit decede, le Duc Louys de Guyenne, Daulphin, & genre dudit Duc de Bourgoingne) ou apres aucunes communications, lesdits Daulphin & Duc de Bourgoingne, s'entre-assignerent vne autre journée, pour parler a la fontaine du Pimot, pres Meleun, ou ils se trouuerent, & remirent ladicte journée a Monstereau Fault-yonne, pour traicter plus a plain des besoingnes du Royaulme, & de la paix. En laquelle journée de Monstereau, ledict Duc de Bourgoingne fut piteusement meurdry, & en grande trahyson, par les gens & en presence dudit Charles Daulphin Viennois, depuis Roy de France dict le septiesme, dont neantmoins ledict Charles eust peu apres moyen de foy repentir tout a loysir, de sa grande lacheté & trahyson, lesquelles le mirent en tresuident dangier de perdre avec la couronne, tout le Royaulme de France, comme plus au long pourrez entendre, par l'inspection des Chronicques Francoyses, traictants l'argemēt de ceste matiere, de laquelle ausy nous parlerōs, mais succinctement en l'histoire de Philippe Duc de Bourgoingne, fils & he-

Le Duc de Bourgoingne s'investit du pays de Languedoc, & d'autres, en France.
L'an M. CCCC.

xviii.
La ville de Paris mise es mains du Duc de Bourgoingne par le moyen du Seigneur de l'isleadam.

L'an M. CCCC.

xix.
Diverses journées de communication entre le Daulphin, & le Duc de Bourgoingne pour la mort de Monstereau Fault-yonne.

Le Duc Jean piteusement meurdry en presence dudit Daulphin.

Le heritier dudit Duc Iehan, lequel fut, comme dict est, meurdry audict Monstereau avec vn gentilhomme de ses gens appelle Messiere Archembault de Sores, Seigneur de Noyelle, lequel s'estoit jecté sur luy pour le sauluer, sur vn dimanche de Nouembre audict an mil quatre cés dix & neuf, & fut depuis enterree aux Chartroux los Dijon. Quant a Madame Marguerite de Bauieres sa femme, je ne treuve quand elle trespasla, trop bien qu'elle eust pareillement sa sepulture ausdicts Chartroux, les Duc Iehan son mary.

De l'aduenement du bon Duc Philippe au gouvernement de Flandre, comment il fut trois fois marié, & d'aucuns priuileges qu'il donna aux villes de Flandre.

CHAPITRE CXC.



PHILIPPE Duc de Bourgoigne, & Conte de Flandre, Artois, Bourgoigne, Palatin, Seignieur de Salines & Malines, appelle le bon Duc, pour les grandes & admirables vertus quy estoient en luy, empreint apres le trespas dudit Duc Iehan son pere, le gouvernement de Flandre en l'an mil quatre cents dix & neuf. Il fut premierement marié a Madame Michiete de France, fille du Roy Charles sixiesme de ce nom, laquelle termina sans hoir de son corps, en la ville de Gand, en l'an vingt & deux, & gista Sainct Bauon. Depuis il se remaria a Madame Bonne d'Artois, fille de Messiere Robert d'Artois Seignieur de Couchy, & vesue de Philippe Conte de Neuers & de Rethel, qui estoit oncle du Duc Philippe d'ot presentement entendons discourir. Laquelle Dame trespasla semblablement sans hoir de son corps en l'an quatre cents vingt & six, je ne scay toutesfois ou elle fut enterree. Et apres le deces d'icelle Dame, ledict Duc Philippe se remaria pour la troiziesme fois, a Madame Ysabeau fille de Iehan Roy de Portugal, dont il eust trois fils. Scauoir Anthoine & Iosse quy moururent ieunes, & Charles quy regna apres luy. Je ne treuve que ledict Bon Duc Philippe se soit empesche en la fondation d'aucunes Eglises, ou monasteres, au pais de Flandre, trop bien, qu'il institua les

Le Duc Philippe pour quoy appelle le bon Duc.

Des femmes & enfans du bon Duc Philippe.

Le bon Duc
Philippe pre-
noit singulier
plaisir a l'orne-
ment de sa
chappelle.

Veu du bon
Duc Philippe
touchant vn
voyage contre
les Turcs.

Aucuns priuile-
ges du bon
Duc Philippe.

les quatre enfans de Saint Pierre a Lille, & fit plusieurs
grands biens aux Chartreux les Dijon: il ordonna estre fai-
cte a ses despens, vne belle chappelle en la Cité de Hieru-
salem, laquelle depuis a esté destruite par les Sarrazins. Il
print ausly grand plaisir & s'appliqua merueilleusement a
orner la chappelle de sa maison, laquelle il garnit & estoiffa
de belles reliques d'images d'or & d'argent, & d'ornemens
tresriches, de tapisseries bien faictes, & d'autres belles sin-
gularitez. Ledit Philippe dict le bon Duc voua en l'an mil
quatre cents cinquante quatre, en vn magnifiquc ban-
quet qu'il fit a Lille, de faire vn voyage contre les Turcs,
comme semblablement vouèrent plusieurs Princes & Sei-
gneurs avec luy, dont il fit aduertir le Pape Calixte, & de-
puis le Pape Pie au Concile de Mantua. Toutesfois il ne
s'atisfit audict veu, obstant plusieurs empeschemens de ma-
ladye, & autres quy luy suruindrent. Mais enuoya en son
nom, & au lieu dudict voyage, son fils Anthoine en l'ã qua-
tre cents soixante quatre, vers Ancone au secours dudict
Pape Pie, lequel trespassa peu apres, & a raison de ce, re-
tourna ledict Anthoine sans rien faire. Ledit bõ Duc Phi-
lippe accorda a ceux de Gand plusieurs priuileges de di-
uerses dates, & entre autres vn, touchant la punition du ra-
uissement des femmes. Mais par la paix de l'an mil quatre
cents cinquante trois, qu'on appelle la paix de Gaucere, il
cassa plusieurs de leurs mauuais costumes & vsaiges au
de hors de leurs priuileges par escript, dont ils auoyent de-
uement vsé. En l'an quatre cents trentesept, ledict bõ Duc
Philippe fit vne certaine limitation des priuileges de Bru-
ges, comme voirez cy apres & en lan quatre cents cinquã-
te vn, il leur donna leur priuilege de leur France soÿre. Il
changea le jour qu'on souloit rendre compte au Frac, qu'e-
stoit le premier Ieudy du mois de Iuing, lequel il remit au
premier Ieudy apres la nostre Dame en Septembre, pour
ce qu'il disoit le mois de Iuing, estre trop prochain du mois
d'Aougt, auquel a raison des vacances, l'on ne faict point
de justice. Outre ce, que les deniers qu'il faut pour furnir a
la reste du compte, se recueillent plus facilement apres
l'Aougt que deuant.

De

De l'alliance que le bon Duc Philippe fit avec les Anglois pour se venger du meurtre du feu Duc Iehan, & des grandes calamitez que par ce moyen aduindrent au Royaume de France, des rebellions de ceux de Cassel & de Gand, & comment le bon Duc Philippe, meu de compassion, fut content d'entendre au saict de paix avec le Royaume de France.

CHAPITRE CXCI.



O v s auez cy dessus entendu, la cruauté & trahyson, dont Charles Daulphin de Viennois vsa, contre le feu Duc Iehan de Bourgoingne & mesmes, ce qu'est plus abhominable sous pretext de bonne foy, & lors qu'o estoit assemblée pour traicter de paix

& appointement, s'chaschiez presentement, que le bon Duc Philippe de Bourgoingne, aduertie du meurtre tant inhumainement commis contre la personne de feu Monseigneur son pere pour plus facilement paruenir a la vengeance deuë & requise, practiqua l'alliance du Roy Henry de Angleterre, quy lors menoit tresaspre guerre contre le Royaume de France, mettant es mains dudit Roy Henry, le Roy Charles de France sixiesme de ce nom, la Royne Ysabeau sa femme, & Madame Catharine leur fille, sœur dudit Charles Daulphin Viennois, que ledict Duc Iehan de Bourgoingne auoit laissez en la ville de Troye, quy lors tenoit le party dudit Bourgoingne. Et de ce non contet, ledict Duc Philippe affin de plus commodieusement paruenir a ses pretentes, cōclut le mariaige, a l'adieu de ceux de Paris, de la dicte Catharinne de France, avec le susdict Roy Anglois, accordant par ledict traicte de mariaige, que ledict Roy d'Angleterre auroit par adoption la proprieté dudit Royaulme, duquel ledict Daulphin seroit fourclos & encaissé. Et sous lesdictes conditions ledict Roy Henry se maria avec ladicte Catharinne, se portant de la en auant pour Roy de France, & d'Angleterre, Mesmes affin de le mettre du tout en possession d'iceluy Royaume, ledict Duc Philippe assembla merueilleusement grande puissance, laquelle secondée par lesdicts Anglois, & leurs confederez,

Le bon Duc Philippe pour soy vanger du meurtre du feu Duc Iehan, s'allie aux Anglois.

Le Bon Duc Philippe met es mains du Roy d'Angleterre, les Roy de France, la femme & Madame Catharine sa fille.

Le Roy Henry se marie avec ladicte Dame Catharine & se porte de la en auant pour Roy de France & d'Angleterre.

N n n n

mit

Le Bon Duc
Philippe assem-
ble grand puis-
sance & met
en desarray le
Royaume de
France.

Ceux de Cassel
se reuolent con-
tre le Bon Duc
Philippe.

Ceux de Cassel
demandent en-
meru: illeuse
humilité gra-
ce de leur rebel-
lion.

Nul pays peut
estre conserué
en bonne paix,
sans exemplai-
re chastoy de
seditieux.

Punition de
ceux de Cassel,
a raison de la
suisdite rebel-
lion.

L'an M.

CCCC.

xxx.

L'an M.

CCCC.

xxxii.

mit tout le Royaulme de France en extremefuynce, & de-
solation, pressant de tous costez ledict Daulphin Viennois,
de sorte, qu'il fut forcé de demander paix & appointement
dudict Duc de Bourgoingne, s'offrant a toutes reparations
deuës & raisonnables. A quoy neantmoins ledict de Bour-
goingne ne voulut entendre, obstant l'enormité du susdit
mesus par ledict Viennois commis & perpetré. Lequel par
tant, nous laisserons en cōtinuelles peines & trauaux, pour
se garder & deffendre de ses ennemis, & retournerés aux
affaires du païs de Flandre. Ou les habitants de la ville de
Cassel, se rebellèrent contre le Duc Philippe, je ne scay
soubz qu'el pretext, ny a qu'elle occasion. Toutesfois, ilz
fissent plusieurs insupportables outrages, ou hailly, & au-
tres officiers dudict Duc, lequel tost apres, se transporta en
personne vers ledict Cassel, pour reduire les habitats soubz
son obeissance, lesquels craindats la puissance dudict Duc,
viendrent au deuant deluy a teste & pieds nuds en gran-
de humilité, reuerans que proposant la grandeur de leur
fourfaict a sa naturelle pitie, bonté, & misericorde, son bon
plaisir fust, les receuoir en grace, & leur pardonner toutes
fautes passées, a charge que de la en auant, ils leurs seroyēt
autant ou plus obeysants, que nuls autres de tous ses vas-
saulx. Au moyen de quoy ledict bon Duc meu de compas-
sion sur son pouure peuple, leur pardonna son maltraitement,
& neantmoins scaschant l'obligation en laquelle il estoit,
de conseruer ses vassaulx en paix & tranquillite, & que cene
se pouoit faire, sans chastoy exemplaire des perturbateurs
de ladicte paix, & repos publicque: il fit executer par l'es-
pee, cinc des principaux auteurs de ladicte reuolte, & af-
fin, que de la en auant ils fussent moins prompts a sembla-
bles seditions, il osta ausdict de Cassel toutes leurs armes
tant offensiuës que defensiues, les condempna en l'amen-
de de six mille Nobles qu'ils payèrent peu apres, cassa leur
priuileges, & leur en donna des nouueaux par ses lettres
de l'an mil quatre cents trente. Et en l'an trentedeux ceux
de la ville de Gand, s'esmeurent semblablement. s'assem-
blèrent en armes sur le marche, taillèrent en pieches Jean
Bocle Apothicquaire, grand Doyen, Daniel van Zeuerne
esche-

eschekin , & Iehan Haeswyt , bourgeois , & faisants vne procession avec leurs bannieres desployées,abbatirēt quatre ou cinc maisons de plusieurs gens de bien d'illec, prendrent & butinèrent ce qu'estoit dedans , rompirent les prisons,& deliburerent tous les prisonniers,& entre autres vn de leur qualité,& seditieux comme eux, appelle Godscalco. Mais deux jours apres, au moyen des diligences, & grands deuoirs , que ceux de la loy firent , pour les appaiser, ils laisserent les armes & se remisrent chascun d'eux a leurs affaires, sous promesse toutesfois, & assurance que lesdicts de la loy leur donnirent , qu'on ne feroit aucune punition ny recerceroit les auteurs du desordre que dessus. Lesquelles promesses, & assurances furent depuis par ledict bon Duc confirmées & ratifiées, pour autant , que se trouuant empesché aux affaires de France , il se voyoit hors de tout pouoir , & commodité de faire le resentimēt, que la qualité du susdicts mesus, vouloit & requeroit. Parquoy laissant lesdicts de Gand en leur susdicte impunité : retournons aux exploits quy ce pendant se firent, par charge dudit Duc Philippe , contre le susdicts Charles Dauphin Viennois , lequel estoit lors reduict en telz termes, que il ne scauoit de quelz bois faire fiesche, & cherchant a toutes heures , les commoditez a luy possibles , pour addouir & appaiser le couroux, que ledict bon Duc Philippe auoit justement conceu . Lequel Bon Duc toutesfois, meu finablement de pitie, qu'il auoit des miseres & tribulations du pouure peuple de France, commençā s'addoucir & prester les oreilles assez volontairement a ceux quy parloyent de paix & appoinctement , & beaucoup d'auantaige depuis le refus que le Duc de Bethfort, regent pour le Roy d'Angleterre en France , luy fit , de leuer son siege qu'il auoit mis deuant la ville d'Orleans , & dont a la tresinstante requeste desdicts d'Orleans, quy a ces fins luy auoyent enuoyé leurs ambassadeurs, il auoit par Messiere Iean de Luxembourg fait requerrir ledict Duc de Bethfort . Lequel refus causā a mondict Seigneur le bon Duc Philippe tel mescontentement, qu'il mandā par vn sien herauld querir tous les nobles , & aultres de ses

Emotion a
Gand.

Appaisent
de ladicte com-
motion.

Le bon Duc
Philippe ayant
pitie des calamitez du Ro-
yaume de Fran-
ce s'addoucit,
& entend volon-
tiers ceux
quy parlent de
l'appoinctement.

Mescontente-
ment du bon
Duc Philippe
contre les An-
glois.

Nnn ij pais

Assignacion de
journée a Ar-
ras pour trai-
cter d'appoin-
tement entre
les deux cou-
ronnes, & le
bon Duc Phi-
lippe.

païs, quy estoient en nombre competent audist siege avec-
les Anglois, & lesquels incontinent s'en allèrent. Nonob-
stant quoy lesdicts Anglois demourèrent deuât ladicte vil-
le d'Orleans, laquelle fut en fin deliurer par le secours d'v-
ne pucelle, dont plus amplemēt pourrez cognoistre par le
discours des Chronicques de France. Et quelque tēps apres
durant le siege que lesdicts Anglois tenoyent deuât Saint
Denis, furent tenues plusieurs communications, entre les-
dicts François, Anglois & de Bourgoingne, & finalement
fut conclu, que chascun d'eux respectiuelement enuoyeroit
ses ambassadeurs & deputez a certain jour lors assigné, en
la ville d'Arras, pour traicter de paix & appoinctement, dōc
aduerty le Pape Eugene & le concille de Basle, enuoyérēt
pour induire lesdicts parties a vnion & concorde, les Car-
denaux & prelatz que entendrez presentement.

*De la merueilleuse assemblée quy se tint en la ville d'Arras, & du
memorable traicte de paix que illec se conclut, entre le bon Duc
Philippe, & le Roy de France.*

CHAPITRE CXCII.

L'an M.
CCCC.
xxxv.



Les noms des
princi paiz
Princes & Sei-
gneurs quy
s'assemblerent
pour traicter
de paix en la
ville d'Arras.

Les depuetez du
Roy de France

EN l'an mil quatre cents trentecinē, s'assemblā
en la ville d'Arras pour traicter de la paix sus-
dicte, la plus belle & notable assemblée, dont
pour semblable effect on ouyt oncques par-
ler. Car du costé desdicts Pape Eugene, & cō-
cile vindrent audist Arras, les Cardinaux de Sainte Croix,
& de Cypre, les Euesques d'Auxerre, d'Albanie, d'Arbugē-
ce, de Bouloingne, & de Venegenfis, l'Abbé de Vezelay,
les Archidiares de Polanne & de Metz, & plusieurs autres
grandz Seigneurs Clercs, & nobles personnaiges, & entre
iceux vn tresrenommé docteur en Theologie, appelle Tho-
mas de Susanne, quy tost apres fut fait Euesque de Bou-
loingne, apres Cardinal, & depuis apres la mort dudiēt Pa-
pe Eugene, fut esleu Pape & nommé Nicolas. Pour & au nō
du Roy de France furent enuoyez en ladicte journée, le
Duc de Bourbon, les Contes de Vendosme & de Riche-
mōt; Messiere Renault de Chartres Archeuesque de Reīs,
Chan-

Chancelier de France, Christoffle de Haricourt, le Marechal de la Fayette, les Seigneurs de Moy & de Saint Simon, de Saint Sauin, de Montenay, de Channoy, de Maigny, Messiere Robiuelt d'Estampes, le Doyé de Paris, Messiere Adam de Cambray, premier president du parlement a Paris, Messiere Guillaume Chartier Euesque de Paris & autres conseillers du parlement, Messiere Robert de Mailceres Messiere des comptes, & plusieurs autres Seigneurs, cheualiers & clerics. Du costé d'Angleterre vindrét le Cardinal de Vicestre, l'Archeuesque d'Yoth, les Euesques de Norwic, & de Sandoich, les Contes de Horuic de Waruic, de Suffort, le Seigneur de Hongrefort, & plusieurs autres Seigneurs, barons, & grands personnaiges. Pour Bourgoingne & Flandre, vint en personne Monseigneur le bô Duc Philippe, avec la Duchesse sa femme, quy estoit fille du Roy de Portugal (laquelle estoit merueilleusement inclinée & aduancée de tout son pouoir le succes de ladicte paix) & avec ledict Duc & pour luy lors qu'il fut absent vindrent les Euesques de Liege, Cambray & Arras, Messiere Nicolas Raulin cancelier de Bourgoingne, le Duc de Gheldres le Conte de Saint Pol, l'Escuyer de Cleues, les Contes de Liny, Vandemont, Neuers, Nausel, Montrefort, Faulqueberghe & Mege, Thibault de Saint Pol, le Seigneur d'Argueil fils du Prince d'Orenge, les Seigneurs de Chastillô, d'Antoing, de Croy, de Charny, de Roye de Creuecoeur, d'Armentiers, de Saueusnes, de huinieres, de fossez, & de Himbercourt avec grand nombre d'autres Seigneurs, & barons. Avec eux ceux du pais de Flandre, Artois, Bourgoingne & autres Seigneuries dudit Duc de Bourgoingne enuoyèrent autres Seigneurs, barons, haults & grands personnaiges, quy en nombre par cōpte fait, & par le rapport des mareschaux, & fourriers des logis se trouuèrent en ladicte ville bien dix millé cheuaux, quy faisoit merueilleusement beau veoir: mais pour autant que les demandes que proposoyent lesdicts Anglois estoient extremement exorbitantes, ils partirent de ladicte assemblée, sans rien faire, & apres leur partement fut entre lesdicts Roy de France, & Duc de Bourgoingne concludé & arrestée la paix que nous

Les deputez pour le Duc de Bourgoingne, & Conte de Flandre.

Les demandes des Anglois exorbitantes, & pour ce partés de ladicte assemblée sans rien faire.

Le memorable
traicté d'Arras

appelions d'Arras aux conditions subsequentes. Premiers, „
que ledict Roy Charles dira ou fera dire a Monsieur le Duc, „
que la mort du Duc Iehan fut iniquement & malicieuse „
ment faicte & practiquée, & mesmes par mauuais con- „
seil, & que la dicte mort a tousiours despleu & encoires de „
splaist merueilleusement audict Roy Charles. Que ledict „
Roy abandonne a tous ceux qui comissent ledict meurtre „
& fera toute diligence possible pour les prendre & appre- „
hender, afin d'en faire punition, & s'il ne les peut appre- „
hender les bannira hors de son Royaulme & hors du Daul „
phine perpetuellement sans rappel, & confiscuera leurs „
biens, faisant par tout publier, que personne ne les rechoi- „
ue sous peine de confiscacion de corps, & de biens. Que „
pour l'ame dudict Duc Iehan & de Messire Archembault „
de Soris Seigneur de Noyelle, qui fut occis avec luy, serot „
fondées sicomme en l'Eglise de Mostreul ou lesdicts corps „
furent premierement enterrez, vne chappelle & chappel- „
lerie perpetuelle d'une messe basse tous les jours de soixate „
liures par an, & pres de la ville de Monstreul sera cōstruict „
vn Cloistre de Chartroux, pour vn prieur & treize religie- „
ux de l'uiet cent liures par an, a l'ordonnance & par l'aduis „
du Cardinal de Sainte Croix lors present en la dicte assem- „
blée. Et que outre ce, sur le pont ou le susdict messaict fut „
perpetté, seroit erigée vne croix bien taillée, & entretenue „
aux despens des Roys de France. Que aux Chartroux a „
Dijon ou le cors dudict Iehan fut depuis transporté, sera fon- „
dée vne haulte messe de *Requiem* tous les jours jusques a cēt „
liures par an, le tout endedens cinc ans prochainement ve- „
nans. Que pour recompenser ledict Duc Philippes des jo- „
yaux & autres biens meubles que auoit ledict Duc Iehan au „
jour de son trespas, & lesquels auoyent este prins & pillés, „
ledict Roy Charles payera cinquate mille vielz escus d'or „
de poix de soixante quatre au marc de Troyes, & ce ende- „
dens certains termes lors assignez, & que au dessus de ce le- „
dict Duc Philippe aura son action, saulue pour recouurer „
le beau collier dudict Duc Iehan son pere de ceux qu'il trou- „
uera conuenir. Que ledict Duc Philippe aura en recōpense „
de partie de son interest supporte a raison des choses pas- „
sées,

fiefs, pour luy & ses hoirs poctées de son corps massés ou fe
 melles perpetuellement, la cité & Côte de Maçon & de S.
 Iangó, saulz au Roy la souueraineté & resoit seulement. Ité
 la ville & Conte d'Auxerre avec ses appartenances, la ville
 chasteil & chastelenie de Bar sur Seine. La garde de l'Abba-
 ye de Luxeul avec les prouffits y appartenants, dont sou-
 uent auoit esté question entre les Contes de Champaigne
 & de Bourgoingne. D'auantaige aura ledit Duc Philippe
 pour luy & ses hoirs massés en directe ligne, les chasteaulx
 villes & chastelenyes de Peronne, Montdidier & Roze.
 Pour luy & ses hoirs massés, ausquels il délaissera la Conté
 d'Artois la composition d'Artois a quatorze mille Francs.
 Pour luy ses hoirs & successeurs perpetuellement, toutes
 les villes sur la riuiere de Somme, comme S. Quentin, Cor-
 bye, Amiens, Abbeuille & aultres, ensemble la Conté de
 Ponthieu, d'Orleans, Sainct Reinier, Creuecoeur, Aleux, &
 Mortaigne, au rachapt du quatre cents vieux escus d'or. Et
 pour ce que ledit Duc pretend droit en la Conté de Bou-
 loigne, icelle Côte luy demourra pour luy & son hoir ma-
 sse seulement, & apres retournera vers ceux qu'il appartié-
 dra. Que la Conté de Ghien sur la Loyre avec la Conté
 d'Estampes, seront rendus a Messiere Iean de Bourgoingne
 Conte d'Estampes, au dict & ordonnace du Duc de Bour-
 bonnois & de Auvergne, comme aussi seroit restituée au
 dict Messiere Iean & au Conte de Neuers son frere la som-
 me de trentedeux mille huit cents escus d'or, que feu le
 Roy Charles fit prendre en l'Eglise de Rouen appartenante
 a Madame Bonne d'Artois leur mere. Que ledit Duc de
 Bourgoingne ne sera tenu faire au Roy feauté ny homaige
 n'aucun seruice a cause des terres & Seigneuries qu'il tient
 de luy, mesmes que sa personne seroit exépte de toutes sub-
 jectiós resorts & souuerainetez, mais apres la mort son heri-
 tier sera tenu faire les debuoirs accoustumez. Que les vas-
 saux dudit Duc ne seront tenus de seruir le Roy, enuoires
 qu'ilstenissent aucuns fiefs du Royaume, ains serviront le-
 dit Duc en tous ses affaires. Que sy les Anglois faisoient
 la guerre audit Duc, le Roy seroit tenu de l'assister, & ne
 pourra faire aucun traicté avecq lesdits Anglois sans
 y com-

y comprendre ledict Duc. Que les gens d'iceluy Duc ne
 l'aissentont de porter la Croix Saint Andrieu, present ou
 absent le Roy, son connestable, ou mareschaulx. Que le
 Roy fera gracieusement recompenser ceux qui furent
 prins a la mort dudict Duc Jean, de leurs prisons & rançons.
 Que abolitiõ generale sera faite a tous, reletuë aux vic-
 driers dudict Duc, & chascun retournera au sien, saulx en
 ce que le Roy ha donne pour recompense audict Duc de
 Bourgoigne. Que le Roy retournera de son costé a l'al-
 liance qu'il a faicte avec l'Empereur & a toutes autres con-
 traies, audict Duc, lequel aussy reciproquement renon-
 cera a toutes alliances contraires audict Roy. Que ledits
 Roy & Duc seront tenus se faire mutuelles assistences en-
 uers & contre tous, saulx l'exemption de la personne du-
 dict Duc sa-vye durant. Ce fut fait & conclu en la ville
 d'Arras, presentz les dessus nommez le dixiesme de Decē-
 bro audict an trentecinc. Que lors & en la mesme assem-
 blée pour corroboratiõ de ce que dessus fut arresté le ma-
 riage d'entre Charles Conte de Charrelois, fils dudict
 Duc de Bourgoigne, & Madame Catharinne de France
 fille dudict Roy Charles, ambadeux bien ieunes, & aduā-
 cement duquel mariaige le Roy donna a ladicte Dame sa
 fille, six vingts mille escus d'or, & scauoir soixante mille en
 cler argent, & le demeurant en dedens vn an immediate-
 ment suyuant. Et fust ceste paix depuis appellée la Sainte
 Paix, pour le bien qu'elle moyenna au Royaume de Fran-
 ce, lequel autrement estoit en bransle, d'estre du tout
 perdu, & de tomber entierement es mains dudict Roy de
 Angloterie.

Mariaige de
 Charles Conte
 de Charrelois
 avec Madame
 Catharine de
 France.

La paix d'Ar-
 ras pourquoy
 appellée la sainte
 Paix.

Comment le bon Duc Philippe mit son siege deuant Calais, du man-
 uais tour que les Flamens luy firent l'abandonnant audict siege,
 de la rebellion de ceux de Bruges, & de l'insolence par eux fai-
 cte a l'endroit de la Duchesse Ysabeau, et Monsieur de Charre-
 lois son fils, avec plusieurs autres particularitez.

CHAPITRE CXCIIL.

EN

LN l'an mil quatre centz trente six, le bon Duc L'an M.
Philippe de Bourgoingne Conte de Flandre, CCCC.
lequel depuis la iusdicte paix d'Arras, estoit xxxvi.
non seulement reconcilié au Roy Charles de
France, mais ausly le desiroit en toutes choses
assister & favoriser, delibera de se transporter en personne,
& mettre son siege devant la ville de Calais, qui lors ap-
partenoit aux Anglois, praticquant ausdictes fins, l'assist-
ce des quatre membres de Flandre & de ceux de leur so-
quelle, lesquels vindrent avec ledict Duc leur Seigneur, au
dict siege en merueilleusement grand nombre, & de ma-
gnifique appareil. Mais apres y avoir este cinc ou six sep-
maines, ils commencerent d'eux mesmes de languorre, von-
lants en effect retourner, au grand desplaisir, & reculemēt
de l'entreprinse dudit Duc, lequel attendoit journalle-
ment la descente du Duc de Glocestre, pour le combattre,
& luy liburer bataille, & quelque chose que ledict Duc
sceust dire ou remonstrer ausdicts de Fladre, ne fist en son
pouvoir de les retenir, a raison mesmes, qu'au moyen de la
desconfiture aduenue sur certain Bollewerc, ou moururent
environ six vingts Ganthois, le grand Doyen dudit Gád,
nommé Jacques de Zaghere estoit tellement irrité, qu'il
fut impossible de le retenir, & disoit ledict grand doyé, que
les choses ne se conduisoient par bon conseil, ensemble
que rien ne se faisoit de ce que auparauant auoit este con-
clu & resolu, de maniere que le bon Duc fust contrainct
d'auoir pour lors patience. Suyuant quoy, lesdicts Flamens
retournèrent en leurs demeures, mais ceux de Gád ne vou-
lurent rentrer audit Gád, s'on ne bailloit a chascun deux
vne nouvelle robe, selon l'ancienne coustume, laquelle ne-
antmoins leur fut ouuertement refusée, sous pretext qu'ils
l'auoyent tresmal merite & mesmes estoient grandement
blasmez, de ce que tant vilainement ils auoyent abandon-
né leur Prince, & en vne necessité tant vrgente, a raison de
quoy, ils rentrèrent audit Gand, mal contents & merueit-
teusement, murmurants contre les chofz & gouuerneurs,
D'autre costé, ceux de Bruges en imitation desdicts de Gád
ne voulurent semblablement entrer, ains dressèrent leurs

Calais assiegé
par le bon Duc
Philippe.

Les Flamens
laissent de la
guerre & aban-
donnant le bon
Duc Philippe
audit siege
retournent en
leurs maisons.

Ceux de Gand
qu'auoyent
este au siege de
Calais ne veut-
lent rentrer en
la ville s'on ne
leur donne a
chacun vne
nouuelle robe
selon l'ancien-
ne ordonnance.

Ceuzle. Brui
gel vepus (en
blablement du
dict siege, ne ve
uillent résister
en la ville &
scendent leurs
pauillons de
uant icelle.
Descente des
Anglois au
Yf. Quartier.

Les Flamens se
mettent en ar
mes pour rési
ster auxdicts An
glois, lesquels
a raison de ce
se retirent a
Calais.

Tumultes de
ceux de Bru
ges.

L'escoute de
Bruges occis.

La Duchesse
Ysabeau &
Monsieur de
Charrolois son
filz arrestez sur
leurs chariots
en pensant
sortir la ville
de Bruges.

tentes & pauillons & se logerent a Saint Bauon, disant
qu'ils tie de parti d'vne d'illoe, & preallablement plusieurs
articles qu'ils demandoyent leurs fussent accordez, de ma
niere qu'ils se tiendrent audict Saint Bauon, par aucuns
jours. Pendant lesquels, les Anglois descendirent a grande
puissance sous la conduite des Ducs de Iorok & de Glo
cestre, & coururent le Westquartier, brulerent Boperinge
Bailleuil Werny, & autres grands villaiges, & firent par
tout vne infinité de maux. Pour auxquels résister, les com
munes de Flandre se remissent en armes, mesmes ceux du
dict Bruges, lesquels a la requeste de Madame Ysabeau,
femme du bon Duc Philippe, tirèrent avec les autres vers
Calais contre lesdicts Anglois, mais pour ce qu'ils estoient
desia retirez audict Calais, dont ledict Duc Philippe auoit
vii pen auparavant levé son siege, a raison de la faule des
dicts Flamens, chascun desdictes communes retourna a sa
chascune. Et estants lesdicts de Bruges entrez dedans leur
ville, ils se transporterent en armes sur le marché mandats
vies eux, toutes les villes de leur obéissance, ensemble leurs
bourgeois forains, disants que jamais ne partiroyent dudit
marché, jusques a ce que Messiere Rouland de Vutkerke
fut puny d'un grand outrage, qu'il leur auoit fait, car il leur
auoit denyé le passaige par l'Escluse, & fermé les portes de
dans leur visaige, les appellant trahistres & mutins. Ils vou
loyent en outre que les portes & murs dudit l'Escluse,
fussent abbatus, murmurants grandement contre les gou
verneurs dudit Bruges, pour ce qu'ils auoyent ausdicts de
l'Escluse, laisse faite vne telle forteresse, demandant fina
blement, & pour conclusion que de la en auant le Franc
ne fut plus membre. Et pour autat que l'Escoute de dudit
Bruges, nommé Fassart Briex estoit contraire a leur opi
nion, ils le meurdrirent piteusement, faisants au reste a plu
sieurs gens de bié, des insupportables outrages, & mesmes
a ladicte Duchesse Ysabeau, & a son petit filz le Conte de
Charrolois, lesquels estats a chariot, pour tirer vers le Bon
Duc Philippe, qui lors estoit a Gand, furent arrestez a la
porte par vn lean Bouckaert, homme de basse condition,
& instruit a toutes manieres de seditions, lequel a l'ay de
d'au-

d'aucuns autres tant gens de bien que luy, tira hors dudit chariot par force, la femme dudit Messiere Rouland de Vutkerke, laquelle fut sans aucun respect, & mechanicquement menée en la prison, dont mondict Seigneur & Madame conceurent vne merueilleuse indignation. D'autre costé, & au mesme temps ceux de Gand, loaschiats que sur tous autres, on leur imputoit la faute du parlement de deuant Calaix se mirent, aussy en armes, tendants a plusieurs & tresdangereuses nouuellices les uns contre les autres: mais le bon Duc par sa benignité les apaisa, declarant de sa propre bouche, & ce pour euitier plus grands inconueniens, qu'il ny auoit aulcune faulte auct parlement, duquel il se tenoit trescontent, mesmes qu'il auoit esté fait par son conge & de consentement. Au moyen de quoy, lesdicts de Gand furent aucunement appeiez, a lesquels peu apres viendrent lettres de la part desdicts de Bruges, quy continuoyent tousiours en leurs seditions, afin qu'ils vouldissent ayder, & assister lesdicts de Bruges en la conseruation de leurs priuileges & franchises, ensemble proposer au nom desdicts de Bruges leurs doléances vers le dict Duc Philippe, & faire de forte que punition fut faite desdicts Messiere Rouland, & de l'Eques. Ce que lesdicts de Gand communiquerent auct dict Duc Philippe, lequel pour responce leur déclara, qu'il estoit d'oit estre luy mesme repare de la mort de son escoutette, & du grand outrage qu'ils auoyent fait a la Duchesse sa femme, & au petit Louis son fils. Les assureans au reste, que jamais il ne leur feroit grace, sy preallablement luy amesmes, ils n'estoyent parties dudit marché. Quoy entendant lesdicts de Gand pour aucunement complaire auct dict de Bruges, afin aussy que les delicts ne demorassent, sy qu'ils n'estoyent impunes, prenants assez plus grande auctorité, que ne leur appartenoit, ils firent eux mesmes la correction auct dict Messiere Rouland, lequel ils bannirent de la Cité & prin de Fladre, pour cinquante ans continuels, & avec luy Messiere Collart de Comines souuerain baillie de Fladre, Messiere lea vande Woestine conseiller, & Jean vande Dams, d'ome ennemis du pais & perturbateurs de la chose publicq. Lesquelles cho-

Mutination de
ceux de Gand.

Appaisement
de ladicte com-
motion.

Requête de
ceux de Bru-
ges a ceux de
Gand quy s'ot
communiquée
au bon Duc
Philippe.

les ledict Duc Philippe fut pour lors forcé de dissimuler, entant mesmes, qu'il ne se veoit suffisant, ny assez accompaigné pour y resister, & peu apres se transporta vers Lille, ou lesdicts de Bruges (lesquels scaebants que resolutiue-ment ledict Duc auoit arresté de ne les receuoir en grace, sy preallablement ils n'auoyent laisse & le marche & leurs armes, s'estoyent retirez dudit marche, tenants neantmoins leurs banmeres prestes pour y retourner, sy auât que ledict Duc ne fit a leur volonte) enuoyèrent leurs deputez, pour demander & impetier pardon de ce que dessus: ausquels ledict Duc fit respondre, qu'il viendrait de brieu au Dam, & qu'on pourroit illec traicter de leurs matieres. Comme de fait il vint peu apres en tresbonne compaignie, quy fut cause que lesdicts de Bruges doutants estre sur prins, reprindrent les armes, se remirent sur ledict marche & enuoyèrent piller plusieurs maisons des bourgeois, & gens de bien, qu'ils scauoyent fanatiser leur Duc Philippe leur Seigneur, nonobstant quoy, ledict Duc Philippe a la persuation de Monsieur de Cleues, & de l'estat Ecclesiastique, ensemble a la tresurgente requeste des marchâds estrangers quy le vindrent trouuer en grand estat audict Dam, intercedants pour lesdicts de Bruges, leur pardonna le tout, & les receut en grace, moyennant un escombu honorable, que lesdicts de Bruges luy fiserent peu apres en tresgrande humilite, ausquels suyuant ce il confirma leurs priuileges, cassant au reste une lettre obligatoire que feu M^{seigneur} le Duc Jean auoit recouuee d'eux, en l'an mil quatre centes sepr., contenant plusieurs articles grandement a leur charge & prejudicio.

Ceux de Bruges enuoyent leurs deputez vers le bon Duc Philippe pour demander pardon de ce que dessus.

Continuation de rebellion a Bruges.

Le bon Duc Philippe pardonne a ceulx de Bruges leur rebellion precedee.

Comment ceux de Gand secrirent leur grand Doyen pour ce qu'il les auoit induict a abandonner le bon Duc Philippe au siege de Calais, de l'irriter rebellion de ceux de Bruges, et du grand danger auquel se trouua le bon Duc Philippe audict Bruges ausdites particularitez.

CHAPITRE CXCIIII.



N l'an mil quatre cents trente sept, assez tost après Pasques, ceux de la ville de Gand, mal contents de ce que nonobstant la susdicte declaration verballement faicte, par le Duc Philippe, leur Prince & Seigneur, on leur reprochoit journellement qu'ils auoyent esté cause & motif du departement de Calaix, se misrent de rechief en armes sur le marché, & pour effectuellement monstrier qu'ils estoient tresmal satisfaits dudit departement, mesmes qu'il n'auoit esté practiqué a leur poursuyte, reiectâts toute la charge d'iceluy sur leur grand Doyen, appellé Jacques de Zaghere, lequel auoit esté le premier quy deuant ledict Calaix, auoit faict abbatre rentes & pavillons, occisrent ledict grand doyen, & ce faict, se retirèrent en leurs logis, & peu apres obtindrent dudit Duc Philippe abolition, & pardon, tant de ladicte assemblée que de l'hommeicide que dessus. Au mesme temps lesdits de Bruges, sans auoir esgard a la facilité du bô Duc Philippe leur Seigneur, lequel vn peu auparauant, leur auoit tant humainement pardonné leurs precedentes fautes, se misrēt de rechief en armes, & occisrent Maurice de Barsenare Burghmaistre, & Jacques son frere, sous pretext de ce qu'on leur mettoit sus, que sans le sceu de la commune, ils auoyent plusieurs fois, & en diuers temps, esté vers Arras communiquer avec ledict Duc Philippe, lequel de ce grandement irrité, mit plusieurs fois en deliberation comment on pourroit punir ces outrages, dont aussy il fit parler aux gens de biē dudit Bruges, quy luy firent promettre tout bon secours & assistēce. Sous laquelle esperance, ledict Duc assemblā quatorze a quinze cents hommes de guerre, avec lesquels il partit le mardy des festes de la Pentecoste audict an trente sept, de la ville de Lille, & tira vers Bruges, faindant vouloir aller en Hollande par l'Escluse. Et le mercredy ensuyuant, apres auoir enuoyé deuant luy aucuns de ses gens, pour prendre logis entra audict Bruges, pensant que toute sa compagnie le suyuaſt. Mais les Burghmaistres escheuins, hoofmas & autres de la loy dudit Bruges, quy estoient venus avec la procession au deuant dudit Duc, voyants le grand nom

L'an M.
CCCC.
xxxvij.

Commotion a
Gand.

Alas Guis-
brecht patete.

Ladicte com-
motion appa-
rēt.

Iteraine rebel-
lion de ceus de
Bruges.

Le bon Duc
Philippe vient
a Bruges pour
chasser les
mutins & pen-
sent estre suy-
uy des gens
marche tou-
jours jusques
au viel marche
ou il est def-
fait par ceux
de Bruges &
en grand dan-
gier de sa per-
sonne.

Le bon Duc
Philippe par
l'assistance
d'un marischal
eschappe des
mains de ceux
de Bruges.

Le Seigneur de
l'Isleadam
occis.

Ceux de Bru-
ges font mou-
rir aucuns des
gens du bon
Duc Philippe
qu'ils auoyent
pris prison-
niers.

bre de gens de guerre quy le suyuoient, firent fermer la barriere de la porte au desceu d'iceluy Duc, lequel cheminoit tousiours jusques au viel marche, ou s'appercheuant du peu de gens quy le suyuoient, il se trouua fort perplex, & neantmoins considerat qu'il failloit jouer des coulteaux entant mesmes que le tumulte estoit desja comméché, & qu'on auoit crié ville gaignée, mit les gens en ordonnance, & frappe sur le menu peuple dont les aucuns furent tues, & les autres blechez. Dont lesdicts de Bruges se trouuats merueilleusement estonnez, & principallemét a raison du bruit, quy fut incontinent semé par toute la ville, que ledict Duc estoit venu en intention de les piller, & saccager, se misrent prestement en armes, s'assemblerent par carrefours, & coururent tous a la foule vers ledict marche, pour resister aux efforts dudict Duc, lequel de ce aduertuy fut conseillé de retourner vers la porte, laquelle il trouua fermée. Mais par l'assistance d'un desdicts hofmans appelle Jacques van Harboye, elle fut promptement ouuerte par vn marischal, quy ne demouroit gueres loing de ladicte porte, & par ce moyen ledict Duc Philippe avec plusieurs des siens eschappa du plus grand dangier auquel il s'estoit trouué en toute sa vie, non pas toutesfois le Seigneur de l'Isleadam, quy estoit le principal conseiller dudict Duc, & lequel lesdicts de Bruges occisrent avec plus de cent autres que ledict Duc auoit mené avec luy, sans y comprédre deux céts des gens dudict Duc, que lesdicts de Bruges constituèrent prisonniers & dont vendredy. Suyuant, ils firent mourir les vingt & deux, faisant a la requeste des marchands estrangers grace, & relaxant les autres quy restoyent, apres toutesfois que le susdict marischal quy auoit fait ouuerture de la susdicte porte, fust esté escartellé. Peu apres ledict Duc Philippe, pour affoiblir & reduire lesdicts de Bruges, sous son obeissance, fit deslense par tous ses païs, que on ne menast aucuns viures ausdicts de Bruges, & empascha le passage du Zwyn, par estacques & palls qu'il y fit mettre, ordonnant que l'estaple de la marchandise seroit jusques a son rappel en la ville de l'Escluse. Il fit semblablement munir les villes de Nieusport, l'Escluse, Ostbouch &

& aultres de bonnes garnisons, lesquelles molestoyent journellement le quartier dudit Bruges. Comme aussy lesdicts de Bruges d'autre costé sortoyent souuent en grande accompaignie, gastant tout le plat pais, & abbatants les maisons des plus nobles, & entre autres prirent le chastel de Couckelaere, & assiegerent ledict l'Escluse, dont neantmoins (aduertis de l'assemblée que ledict Duc Philippe faisoit pour les venir combattre) ils leuerent leur siege, & retournerent audit Bruges. Ce pendant ceux de Gand, & d'Ypre, s'efforchoyent a leur possible, d'appaiser l'indignation dudit Duc, ensemble de practiquer quelque bonne paix & appointement pour lesdicts de Bruges, dont les marchas estrangers se mesloyent pareillement en toute extremité, mais ledict Duc ny voulut aucunement entendre, esperant d'attedier lesdicts de Bruges par famine & poureté.

Ceux de Gand, & d'Ypre s'efforcent d'appaiser le bon Duc Philippe, & intercedent pour ceux de Bruges.

Comment ceulx de Gand se misrent en armes, & prirent pour leur capiteine Ouradene, lequel fut confirmé audit estat, par le Bon Duc Philippe, de la communicacion desdicts de Gand avec ceux de Bruges, pour entendre au prouffit du pays: de la discorde desdicts de Gand, & de Bruges, & comment iceulx de Bruges enuoyèrent vers le Bon Duc Philippe pour pardon, que ils obtiendrent, moyennant aucunes conditions.

CHAPITRE CXC.V.

DVANT les susdictes dissensions & rebellions desdicts de Bruges, vn orfebure de Gand, nommé Ieā de Cachtele, dict en son mestiers lors assemblé, qu'on feroit bien de faire vn tour de procession en Flandre pour mettre la province en paix, & affin d'y aduancher l'entrecours de la marchandise, ce dict il print la banniere de son mestier, & avec icelle se transporta sur le marché, ou il fut promptement suyuy par tous les mestiers & tisserans de ladicte ville de Gand, qu'estoyent cinquante sept banieres de nôbre fait,

Ceux de Gand en armes.

Ceux de Gand
prennent pour
leur capitaine
Daniel Ourade
ne lequel fait
serment au dō
Duc Philippe.

fait, & prindrent pour leur capitaine general, Daniel Ouradene, bourgeois d'illec homme de bien & vertueux, auquel ils donnèrent pour assistance aucuns conseilliers. Mais ledict Daniel refusa ouuertement ladicte charge, ne fust qu'ils obtenissent de ce faire consentement du bon Duc Philippe leur Seigneur. Lequel suyuant ce, fut conseil lié de luy confirmer ladicte charge, mesmes de luy donner sa commission, & le receuoir a serment, comme de fait il le receut. Et peu apres ledict Daniel se mit sur les champs, & allā loger a Meetkerke, ou il appellā vers soy tous ceulx de la chastelenie. Et ce fait luy & ses douze conseilliers retournerent en ladicte ville de Gand, ou pour complaire & appaier le peuple, ils firent apprehender aucuns de ceux, quy auoyent auparauant gouuerné ladicte ville que le peuple appelloit *Leuer eters*. Sicomme Louys vander Holle premier escheuin, Lieuin de Iagher, Gilles de Clerc, & plusieurs autres. Puis retournerent ledict capitaine & ses conseilliers en leur ost qu'ils auoyent laissé audict Meetkerke, & de la ils tirèrent tous ensemble vers Eccloo, ou ils tindrent conseil avec aucuns doyens & bourgeois de Bruges, pour aduiser au moyen que conuiendrait tenir, pour obuier aux diuisions quy tant souuent s'ourdoyent au païs de Flandre, mesmes pour faire regner audict Flandre avec vne bonne police & justice, l'entrecours de la marchandise. Sur quoy furent proposées plusieurs & diuerses opinions, tant discordantes, & esloingnées les vnes des autres, que finablement lesdicts de Gand, deuiendrent ennemis desdicts de Bruges, ausquels ils viendrent faire guerre par Ardenbourg, puis retournerent a Eccloo, ou n'āquit nouueau debat, entre ceux de la ville & ceux de la chastelenie dudit Gand: au moyen de quoy chascun d'eux retourna chez soy, mesmes ledict capitaine, lequel estant en la ville de Gand practiquā le rappel des bans, de Messiere Rouland de Vutkerke, Messiere Collard de Comines, Messiere Gilles vande Woestine & autres, besoingnant au reste de sorte que lesdicts de Gand fussent contents de relaxer ledict Louys van Holle, & autres qu'ils appelloient *Leuer eters*, & lesquels vn peu auparauant, ils auoyent fait constituer

Aucuns gouuerneurs de Gand que le peuple appelloit leuere-ers apprehender.

Cōmunication de Gātois avec ceux de Bruges pour aduiser au bien du Païs.

Les Gantois deueignent ennemis de ceux de Bruges.

situer prisonniers, moyennant promesse toutesfois, qu'ils
 fissent d'eux presenter a droit toutes & quâtes fois qu'ils
 en seroyent sommez & requis. Ce fait ledict Daniel Ou-
 radene se desfit de son estat de capitaine, & fut par ledict
 Duc Philippe deschargé du serement qu'il auoit fait en
 ses mains. Ce pendant les susdicts de Bruges persistoyent
 opiniastrement en leurs rebellions, faisantz executer par
 l'espée les doyens des febures, & taincturiers, sous pretext
 quesans l'esceu de la commune, ils s'estoyent aduanchéz
 d'aller parlementer audict Eecloo avec lesdicts de Gand.
 Toutesfois considerants peu apres, que les autres villes de
 Flandre, & mesmes celle dudit Gand, leur estoient du
 tout contraires, & doutants qu'ils ne pourroyent a la lógue
 resister a la puissance du bon Duc Philippe leur Seigneur,
 ils s'aduiserent d'enuoyer leurs deputez vers ledict Duc,
 quy lors estoit en la ville d'Arras, avec charge & commis-
 sion expresse d'eux submettre de tous points a la miseri-
 corde, ordonnance, & volonté d'iceluy Duc. Lequel a leur
 humble & treinstante requeste cōfortée par celle des mar-
 chands estrangers, les receut en sa grace, leurs pardonnant
 le passé, sous plusieurs conditions, dont les subsequentes
 estiont les principales. Premiers, qu'ils seroyent audict Duc
 vn escondit pour amende honorable. Que la porte de la
 Bonnerve seroit conuertye en vne chappelle, on l'on diroit
 journallement les sept heures Cannoniales. Que toutes
 les fois que le Conte de Flandre viendroit audict Bruges,
 on luy apporteroit les clefs de toutes les portes. Que tous
 les ans au jour de mercredy és festes de la Péterousté, ils se-
 roient chanter a Saint Donas vne messe solémpnelle ou se-
 roient vingt & quatre personnes, chascune ayant vne tor-
 che de quatre gros. Que ceux de l'Escluse ne seroyét plus
 subjects ausdicts de Bruges, lesquels n'auroient de la en a-
 uant aucune cognoissance des mestiers dudit l'Escluse.
 Que ceux de Bruges, quy seront armée fourseront corps
 & biens. Que les biens des bastards seroyét au Prince. Que
 quarante personnaiges de Bruges denommez en vn biller,
 seront reservez, & exclus de ceste paix. Qu'ils n'auroient
 plus nuls bourgeois forains, s'ils ne faisoient par trois fois

Daniel Ou-
 radene se desfit
 de son estat de
 capitaine.

Ceux de Bru-
 ges enuoyent
 leurs deputez
 vers le bon
 Duc Philippe,
 & se subme-
 rent du tout a
 sa misericorde.

Le bon Duc
 Philippe re-
 choit au ceux
 de Bruges en
 grace aux condi-
 tions touchées
 en ce texte.

P p p p six

fix semaines demeure a Bruges, chascun an. Que pour a-
mende prouffitabie ils payeroyent a mondict Seigneur le
Duc deux cents mille Ridders d'or, & au fils de Monsieur
de Lisleadam dix mille escus, & luy feroient certaines a-
mendes honorables. Qu'ils auientroyent semblablement
la mort du Febure a ses femme & enfans, faict en Atras le
quarriesme de Mars en l'an mil quatre cents trente sept.

*Comment ceux de Gand se rebellèrent contre le bon Duc Philippe,
de la déffaicte d'iceux pres Gauere, ensemble du traité dudit
Gauere, par lequel l'autorité de ceux de Gand fut grandement
diminuée.*

CHAPITRE CXCVI.

Debat entre le
bon Duc Phi-
lippe & ceux
de Gand.

L'an M.
CCCC.
xl.



L'an M.
CCCC.
xli.

L'an M.
CCCC.
xlv.

L'an M.
CCCC.li

Rebellion, &
commouion a
Gand.

ENVIRON ce mesme temps, sourdisrent plu-
sieurs differents entre le bon Duc Philippe, &
ceux de la ville de Gand, lesquels emprédo-
yent journellement & de plus en plus sur les
haulteur & Seigneurie dudit Duc. Au mo-
yen de quoy le susdicts Duc osta en l'an quatre cents qua-
rante, la chambre de conseil dudit Gand, & la transporta
en la ville de Courtray. Mais peu apres, sicomme en l'an
quarante vn a la tresinstante requeste desdicts de Gand, il
la fit retourner en son premier lieu, duquel neantmoins il
la renuoya en l'an quarante cinc vers Tenremonde, & peu
apres a raison de la guerre ouuerte quy suruient, il la fit re-
sider en la ville d'Ypre. Cependant lesdicts de Gand, s'ap-
pareilloient a plusieurs nouuellitez, & signammét depuis
l'imposition de certaine gabelle, que ledict Duc fit illec
mettre sur le sel, laquelle fut cause qu'en l'an quatre cents
cinquante vn, les susdicts de Gand, reprindrent les armes,
créerent trois nouveaux capitaines, apprédèrent plusieurs
gens de bien, & leurs firent trancher les testes, & entre
autres a Inghelran Hauwel, & Estienne de Fornelis,
sous pretext qu'on leur imputoit, qu'ils auoyent esté les
auteurs & inuenteurs de ladicte gabelle. Brief il seroit im-
possible vous declarer les insolences, foules, & extorsions,
dont sous le susdict pretext, les gens de bien estoient tra-
uail-

nailliez & molestez par lesdicts de Gand. Lesquels es festes de Pasques de l'an cinquante deux, firent aucunes courses deuant Audenarde, mais ils furent brusquement repoussez par Messiere Simo de Lalain, au moye de quoy ils desisterent de ladicte entreprinse, continuants neantmoins a piller & gaster tout le plat pais, par ou ils passoyent, & en vne rencontre qu'ils eurent pres Ruppelmonde, d'aucuns nobles & autres quy tenoyent le party dudiect Duc, ils occisrent Messiere Cornille, bastard de Bourgoingne, & en vne autre rencontre deuant Ponckes, Messiere Iacques de Lalain. Dont lediect Duc Philippe irrité au possible, s'aduisa affin de les attirer au combat, de mettre le siege deuant Gaucere, ou lesdicts de Gád coparurent peu apres en merueilleusement grand nombre, & au moyen de ce, fut deuant lediect Gaucere combattu assez diuersement: toutesfois lesdicts de Gand eurent finablement du pire, & furent quasi tous desconfits, quy causa vn tel espouuement aux autres habitants dudiect Gand, qu'ils se soumisrent du tout a la merchy & misericorde dudiect Duc, lequel Seigneur ce les receut en grace, sous les conditions subsequentes. Scauoir

“ que de la en auant les deux Doyens ne se mesleront du re-
 “ nouuellement de la loy directement ny indirectement, ains
 “ que ladicte loy, se refera d'an en an conformement a l'or-
 “ donnance du Roy Philippe le Bel par ges notables, & suf-
 “ fisants bourgeois de ladicte ville, prendre en ce regard aux
 “ tisserans, mestiers, ny aux trois mebres d'icelle ville, le tout
 “ nonobstant coustumes & vsaiges au contraire. Que lesdicts
 “ de Gád, vseront de leur bourgeoisie, selo les priuileges qu'ils
 “ en ont par escript & non autrement. Que la cognoissance
 “ des officiers en tous cas, tant criminels q' ciuils, concernans
 “ leurs offices, appartiendra a mondit Seigneur seul, & pour
 “ le tout. Qu'ils ne pourront banir personne, ny faire aucuns
 “ edicts, ordonnances, ou statuts, sans le consentement du Duc
 “ ou de son bailly de Gád: & sy lediect bailly ny vouloit estre
 “ present, lediect Duc a la plainte desdits de Gád y pouruoy-
 “ ra. Que les vrais bourgeois de Gád, qui aurot comis quel-
 “ que delict au plat pais, hors des bonnes villes, pourroit choy-
 “ sir d'estre a droit au lieu ou le cas sera aduenu, ou pardeuant

L'an M.
CCCC.
lii.

Victoires de
ceux de Gand.

Deffaite de
ceux de Gand
pres Gaucere.

Ceux de Gand
se submettent
du tout a la mi-
sericorde du b^e
Duc Philippe.
Traicté de Ga-
ucere pour ceux
de Gand.

P p p p ij esche-

escheuins dudit Gand. Que lesdicts de Gand n'useront,
 plus descripte en teste ny en marge, mais se regleront en
 ce, selon que font les autres membres de Flandre. Qu'ils
 apporteront leurs bannieres, & les presenteront a mon-
 dict Seigneur, ou au Comte de Charrolois son fils, pour en
 faire a leur volôré. Qu'ils n'useront plus de blancs chappe-
 rons, ny d'autres gens de telle condition sous quelque nô-
 qu'ils puissent estre appelez. Qu'ils n'useront plus d'euoc-
 quer pardeuant eulx les causes pendantes pardeuant les
 loix des villes & chastellenies d'Audenarde, Courtray, A-
 lost, Wast, quatre mestiers, Bieruliet, & Tenremonde, ny
 d'autre. Que lesdictes villes & chastellenies demoureront
 en tous cas francs, & exempts du pouoir, & autorité de
 ceux de Gand, pour demy an, a compter du jour que les-
 dicts de Gand auront fait ce qu'ils seront tenus de faire a
 mondit Seigneur pour l'amende honorable, pendant le-
 quel temps, sera en ceste matiere appointé, & ordonné par
 voye amiable, ou de justice ainsi qu'il appertienra. Que
 pour amende honorable deux mille hommes pour le
 moins, viendront au deuant de mondict Seigneur, ou de
 Monsieur de Charrolois, a demy lieuë hors de ladite ville
 a tel jour qu'il plaira a mondict Seigneur, & en la maniere
 quy sensuyt. Scauoir les hoofmans, & conteilliers en leurs
 chemises & petits draps, & tous les autres, deschainés &
 testes nuës, lesquels par ensemble se mettrô a genoux de-
 uant mondict Seigneur & feront dire par vn d'eux en lan-
 gaige François, que fausement, mauuaiseement & comme
 rebelles, & entreprendants grandement contre mondict
 Seigneur & en son autorité, ils se sont mis en armes, ont
 erec hoofmans, & couru sus a mondict Seigneur & ses gés
 faisans & commectants plusieurs inuasions, & voyes de
 fait, dont ils se repentent, & en requierent en toute humi-
 lité pardon & merchy: ce fait, que tous ensemble & d'une
 mesme vois prieront merchy, & luy demanderont grace, &
 misericorde. Que les deux portes de Gand, l'une nomée
 la Precille poorte, & l'autre de Ouerpoorte par lesquelles
 lesdicts de Gand yssirent sur vn jeudy pour assieger Aude-
 narde, seront closes perpetuellement chascun jour de leu-
 dy.

Amende hon-
 orable de
 ceux de Gand
 au bon Dns.
 Philippe.

" dy, en toutes les semaines de l'an, de sorte qu'il ne pout
 " personne, ny pourra entrer ny sortir. Que vn autre porte
 " nommée d'Hospital poutte par laquelle ledits de Gand
 " sortirent pour aller audit Ruppelmonde, & contrisus a
 " l'armée de mondict Seigneur seroit a tousiours fermée, mu-
 " rée, & condampnée, sans jamais la pouoir ouurer, sy ce n'est
 " du bon plaisir de mondict Seigneur ou de ses successeurs,
 " Contes ou Contesses de Flandre. Que pour amede prou-
 " fitable ils payeroyent a mondict Seigneur trois cents mille
 " Ridders d'or, & pour la reparation plus ample, & redifica-
 " tion de plusieurs Eglises destruites en Flandre, & mesmes
 " audit Ruppelmonde, ensemble pour faire epitaphes, fun-
 " dations, & messes audit Ruppelmonde, & ailleurs cinquā-
 " te mille Ridders d'or. Ce fut ainfy fait & accordé en l'an
 " mil quatre cents cinquante quatre. Et par ce moyen fut
 " l'autorité desdicts de Gand grandement diminuée, &
 " ledict Duc Philippe exempt pour le demeurant de sa vie
 " des seditions & tumultes de sedicts subjects de Flandre,
 " quy deburoit pour l'aduenir esmouuoir tous autres, de biē
 " penser a leurs affaires, auant entreprendre quelque chose
 " contre leur Prince & Seigneurs naturel, attendu principal-
 " lement, que s'on veut reduire en memoire l'euēnement
 " des seditions eētenuēs en ce present volume, l'on trouue-
 " ra par effect, que tousiours a mesceu a ceux, qu'ont entre-
 " prins ou tenté, quelque chose contre leurs Princes & Sei-
 " gneurs. Au moyen de quoy je ne puis, que je n'aduouē, & re-
 " coieue pour veritable le Prouerbe, par lequel est dict : Que
 " vn Seigneur de paille vaincqt bien vn subjects d'acier.

L'an M.
 CCCC.
 liij.

Aduertissement
 de l'auteur
 pour tous sed-
 tieux.

Vn Seigneur
 de paille va-
 incqt bien vn
 subject d'acier.

*Comment le Dauphin & Viennois estant en male grace du Roy de
 France son pere se retirā vers le bon Duc Philippe, lequel le re-
 ceut & traita humainement, du mescontentement que ledict
 Roy de France, eust au moyen de ce contre le fassdict bon Duc
 Philippe, & de la guerre & victoire que Monsieur de Charro-
 lois obtint sur le Roy de France ensemble du traicté de Conflans.*

CHAPITRE CXCVII.

L'an M.
CCCC.
lvj.



Le Dauphin
Viennois eſtât
en malle grace
du Roy ſon pe-
re, prend ſon
refuge vers le
bon Duc Phi-
lippe, quy le re-
choit & trai-
te humainement.

Ambaſſade en-
uoyée par le
bon Duc Phi-
lippe au Roy
de France, pour
l'appaiſer du
meſcontemēt
receu a raiſon
du recueil que
ledit Duc au-
roit fait au-
dit Dauphin.

Reſponce du
Roy a ladicte
ambaſſade.

L'an M.
CCCC.
lix.

Ambaſſade du
Roy de France
a Bruges vers
le bon Duc
Philippe.

N'lan mil quatre cents cinquante ſix, Louys
Daulphin de Viennois ſils ainſné du Roy Char-
les de France, ſeptieſme de ce nom, eſtant en
malle grace du Roy ſon pere, ſe retira pour re-
fuge en la ville de Bruxelles vers le bon Duc
Philippe, lequel luy fit vn merueilleuſement bon & hōno-
rable recueil, & l'entretint avec Madame la Daulphine ſa
femme, pluſieurs années luy furniſſant liberallement, tout
ce que contenoit & appartenoit pour ſon eſtat: dōt ledit
Roy Charles fut aſſez mal content, arguant au moyē de ce
ledit Duc Philippe de paix enfrainte, de ſorte qu'il ſem-
bloit que la guerre, a ceſte occaſion ſe deũt rompre entre
eux. Pour a quoy obuier, ledit Duc enuoya deuers le ſuf-
dit Roy Charles vne treſnotable ambaſſade a Montbri-
ſon, ou entre autres choſes fut de la part de mōdict Seignr
remonſtré a ſa Mageſte, que ledit Duc n'auoit jamais pra-
ctiqué la venue dudit Dauphin en ſes païs, meſmes qu'il
eſtoit preſt d'affirmer par ſerment, q̄ ledit Dauphin eſtoit
deſia eſ marches de Brabant auant qu'il en ſceuſt a parler.
Outre, que le recueil qu'il luy auoit fait, & le ſecours a luy
donné en ſes tant vrgētes neceſſitez, eſtoyēt procedez pour
l'honneur en contemplation dudit Roy, attēdu principal-
lement que notoirement le ſils repreſentoit le pere, decla-
rant pour conſclusion, que jamais il n'eũt penſſé que deſ-
ſus euſt cauſé aucū meſcōtētement audit Roy, lequel d'au-
tre coſte fit reſpondre audit Duc, qu'il ſcauoit tout hon-
neur & bon recueil eſtre deu au ſils du Roy, ſy auāt qu'il ſe
maintenoit & gouernoit enuers le Roy ſon pere en bon &
obeiſſant ſils, mais autrement, qu'il n'eſtoit ſ'oũtenable, veu
meſmes que tout l'honneur a luy deu, depend du Roy ſon
pere, avec autres ſemblables propos: de maniere que quel-
ques remonſtrāces que leſdicts ambaſſadeurs ſceuſſent fai-
re, le Roy demoura courouché & indigné. Lequel enuoya
en l'an quatre cents cinquante neuf vne ambaſſade deuers
ledit Duc a Bruges, ou entre autres choſes il luy fit par la
bouche de l'Eueſque de Conſtāce declarer: Que combié
qu'a ſa requeſte le Roy euſt eſté content, qu'il s'employaſt
a redreſcher ledit Dauphin enuers ſon pere. Toutesfois

en

" en deux ans que ledict Daulphin auoit esté les ledict Duc,
 " ledict Roy ne s'estoit apperceu d'aucun prouffit ou amen-
 " dement. A quoy fut de la part dudict Duc de Bourgoinge
 " respondu, qu'il n'auoit tenu a luy que ledict Daulphin ne
 " fust reconcilié au Roy son pere, ains au contraire, que pour
 " ledict effect il s'estoit employé a son possible: mesmes sca-
 " schât que le Roy desiroit auoir en ses mains le pais du Daul-
 " phiné, il auoit tant faict que ledict Daulphin le luy auoit de-
 " liuré, & que n'obstât ce le Roy auoit tousiours cōtinué en
 " son courroux & indignatiō. Cōbien toutesfois que pour re-
 " drescer ledict Daulphin, il ne scauoit autre chemin plus ex-
 " pediēt, que de luy redre sondict pais, & le traicter cōme son
 " fils aîné, pour autant que par tel moyē, il se pourroit assu-
 " rer du Roy son pere, ensemble de ceux qui sont autour de
 " luy. Laquelle matiere fut depuis renouuellée en autres
 " lieux, & par plusieurs assemblées cōmunicuée, jusques en
 " l'an mil quatre cents soixante vn, que par le trespas dudict
 " Roy Charles ledit Daulphin, lequel jusques lors auoit tou-
 " siours esté chez mōdict Seignr, fut inuesty & du Royaume
 " & de la courōne de Frâce. Cōtre lequel les Princes du Ro-
 " yaume s'esleuerent en l'an soixante quatre, & fistrēt vne cō-
 " federation par ensemble. Sicōme Charles Duc de Guyēne
 " frere du Roy François, Duc de Bretagne, leā Duc de Cala-
 " bre & de Lorraine, Charles de Bourgoinge Côte de Char-
 " rolois, leā Duc de Bourbo & d'Auuergne, Louys de Luxe-
 " bourg Conte de S. Pol, & autres, soubspirent que lesdicts
 " Princes vouloyēt reformer la courōne & le mauuaise gouer-
 " nement, qu'il y auoit, & pourueoir au biē publicque, & assu-
 " rē d'eux pouoir asēbler seulement a iour & lieu cōpetent &
 " designé, ils assemblērent grād puissance, & signammēt le-
 " dict Côte de Charrolois, lequel cōme le plus diligēt se trou-
 " uā le premier aux champs, & passa Paris, esperant y trouuer
 " lesdicts Seigneurs, & venant a Monthlery, il y encontra le
 " Roy avec ses gens, contre lequel il eust vne trespas par-
 " tuelle, en doires qu'a la fin, la victoire demoura du costē
 " dudict de Charrolois, lequel mit en route & desarroy les-
 " dicts François, constraindant le Roy a la fuyte. Ce faict, il
 " se transporta vers Conflans, ou les susdicts Seigneurs le

Responce du-
 bon Duc Phi-
 lippe, a ladicte
 ambassade.

L'an M.
 CCCC.
 lxi.

L'an M.
 CCCC.
 lxiij.

Les Princes du
 Royaume de
 France s'esle-
 uent contre le
 Roy, avec les-
 quels Monsei-
 gneur de Char-
 rolois fa bade.

Victoire des
 seigneur de
 Charrolois sur
 le Roy de Fran-
 ce.

vin-

Traicté de Co
sans.

vindrent trouuer, & fut illec a la pourfuyte dudit Roy
Louys vnziesme de ce nom, faict vne paix pour tous en
general. Mais pour ledict de Charolois en particulier, aux
conditions quy sensuyuent. Premieres que pour recôpen-
se & en recognoissance de plusieurs seruites, mises & des-
pens faicts & soustenus par Monsieur le Duc Philippe, en
faulxant & entretenans la personne, & estat du Roy lors
qu'il estoit Dauphin, & en indignation du Roy son pere,
aussy pour l'auoir accôpaignée a son sacre a Rains, & a son
entrée a Paris. Ensemble pour la despenſe qu'il auoit con-
uenu faire audict de Charolois, pour mettre sus l'armée,
que lors il auoit, & qu'on ne luy payoit plus la pension de
trentesix mille Francs que le Roy luy auoit accordé a son
couronnement: joinct que le rachapt des villes sur somme
n'auoit point esté faict sclo le traicté d'Arras, & pour autres
causess: ledict Roy donnoit & transportoit audict de Char-
olois toutes les citez villes forteresses & Seigneuries sur la
riuiere de Somme pour les auoir, tenir & posseder ainsy que
ledict Duc Philippe les auoit eues & possedées en vertu
dudit traicté d'Arras, au rachapt de deux cens mil escus,
lequel toutesfois ne se pourroit faire dauuant dudit Sei-
gneur de Charolois. Que ledict Roy luy donnoit & tran-
sportoit la Conté de Bouloingne pour luy & ses hoirs ma-
lies ou femelles procedans de son corps seulement, n'ob-
stant & sans deroguer audict traicté d'Arras. Qu'il luy do-
noit encoires Peronne, Montdidier & Roye, en telle ma-
niere que par ledict traicté d'Arras ils auoyent esté laissez
audict Duc Philippe, & outre ce la Conté de Ghisnes per-
petuellement. Adjoüstait par autres lettres a ce que dessus,
les pieuostez de Vimeu, Beaumigny & Feulhy. Ce fut faict
a Conflans & a Paris au mois d'Octobre en l'an mil quatre
cents soixante cinc, & environ deux ans apres, quy fut en
l'an soixante sept au mois de Mayng trespassa ledict Duc Phi-
lippe lors eage de septante deux ans, en la ville de Bruges,
les entrailles duquel furent enterrees a Saint Donas, au-
dict Bruges, et son corps fut transporté aux Chartreux de
Dijon, Dieu luy face grace, & misericorde, car cestoit un
Prince de vye honnelle, obseruant la loy & craindat Dieu,
& n'ex-

L'an M.
CCCC.
lxv.

L'an M.
CCCC.
lxvii.

Trespas du
Duc Philippe.

& n'excogitoit ny faisoit rien, quy ne fut correspondant a la vraye religion, & aux loix de nature. Il corrigea tout ce qu'estoit viciex en songouuernement, duquel il osta toutes les ordures, qu'estoyent par les seditions passees, surcreuës & enracinées en ses pais. Brief il modera toutes ses actions, de sorte qu'il a merité entre tous autres, l'excellent & honorable tiltre de bon Duc. Quant a Madame Ysabeau de Portugal sa femme, qui semblablement auoit este vne tresuertueuse Princeesse, elle trespasra en l'an mil quatre cents septante vn, & fut enterree ausdicts Chartreux les ledict bon Duc son mary.

du
Louange Phi-
bon Duc
lippe.

Trespas de Ma-
dame Ysabeau
de Portugal.

De l'aduenement du Duc Charles de Bourgoigne au gouuernement de Flandre, de la commotiō des folx de Saint Lieuen a Gand, & comment ledict Duc Charles mit sus une grosse armée contre le Roy de France, du traicté de paix entre eux accordé en la ville de Peronne, & comment ledict Duc Charles, moyennant aucunes conditions, reprinses en ce chapitre, receut lesdicts de Gand en grace.

CHAPITRE CXCVIII.



H A R L E S Duc de Bourgoigne Conte de Flandre, &c. succeda audict Duc Philippe son pere, en l'an mil quatre cent soixante sept. Il fut trois fois marié : premiers a Madame Catharinne de France, fille du Roy Charles sep-

Le Duc Charles
Conte de Bour-
goigne fut
trois fois ma-
rié.

tiesme de ce nom, laquelle trespasra jeune & gist a Sainte Goudele a Bruxelles. Apres a Madame Ysabeau fille de Charles Duc de Bourbo, & de Madame de Bourgoigne, dont il eust vne seule fille appelée Marie, quy luy succeda, & trespasra ladicte Dame Ysabeau en Anuers, en l'an mil quatre cents soixante cinc, & gist a Saint Michiel illec. Et successiuelement a Madame Marguerite d'Angleterre, sœur du Roy Edouard de Ioorke. Il modera plusieurs coustumes & vsages de ceux de Gand, comme de prauées, & corumpues, & par la paix del'an soixante huit, qu'ils appellent *Sinte Lieuens Feeſte*, il cassa l'appoinctement arbitral du Roy Philippe le Bel, ordonnant, que la loy, s'y re-

Q q q q

nouvel-

Nouvelle ordonnance du Duc Charles, touchant le renouvellement de la Joye à Gand.

Emotion de ceux de Gand contre le Duc Charles.

Les folz de S. Lieuin à Gand

Demandes des dits mutins de Gand, au Duc Charles.

Ceux de Gand font plusieurs deuoirs pour obtenir grace de leur fudite rebellion, & meantmoins ni peuuent peruenir.

Le Duc Charles tire a grand puissance vers Peronne, contre le Roy de France.

nouuelleroit d'an en an par ses commissaires, ainsi que se faisoit es autres villes de Flandre. Le lendemain de la joyeuse entrée dudit Duc Charles en la ville de Gād, qui fut le dernier jour de Iuing en l'an soixantesept: le peuple dudit Gand, sans auoir regard a l'euenement de leurs dernieres seditions, s'esmeut contre ledict Duc Charles. Dōt fusrent autheurs les folz de Saint Lieuin, lesquels retournants de Honten, & passants par le cornemaert, abbatistrēt la maisonnette, ou se leuoit la cueillotte du bled, & tirērēt sur le grād marchie, ou ils demourērēt avec la fiertre, sans en vouloir departir, que preallablement ledict Duc Charles ne leur eust signée de sa main propre (cōme aussy lors il fut conseillé de faire) vne scedule, contenant les poincts qu'y sensuyuent. Premiers, que ladicte cueillotte du bled seroit ostée. Que les portes closes, par la paix de Gaucere seroyent ouuertes. Qu'ils pourroyent vser de leurs bannieres, ainsi qu'ils faisoient deuant ladicte paix. Qu'ils essiroyent leurs doyens, en la maniere anciennement accoustumée. Que tous meffaicts, leur seroyent pardonnez: & que commissaires seroyent ordonnez, qui s'informeroyent sur le gouuernement de la ville. Lesquelles choses obtenues, ils partirent dudit marché, rapportērēt ladicte fiertre en l'Eglise de Saint Bauon, & coururent ouurir l'Hospitael poorte. Mais peu apres, considerants le mescontentement auquel ledict Duc Charles estoit party de ladicte ville de Gand, ils luy renuoyērēt sa scedule, luy donnērēt diuerses sommes de deniers, faizans au reste plusieurs deuoirs, mais en vain & sans prouffir, pour obtenir la grace dudit Duc Charles. Lequel se pendant, faisoit ses apprestes, pour mener guerre au Roy Louys de France vnziesme de ce nō, sous pretext qu'il maintenoit ledict Roy Louys, n'entretenir lesdits traictez d'Arras & de Conflās. Et affin de plus legierement soy preualoir dudit Roy, fit alliance avec les Anglois, espousā Madame Marguerite de Ioorck sœur du Roy Edouart d'Angleterre, & assemblā grand nombre de soldarts, avec lesquels il tira vers Peronne, ou semblablement ledict Roy Louys descendit peu apres, en intention de luy liurer bataille: mais par l'entrepailer d'aucuns Prin-

ces

ces amys de paix, lesdicts deux Princes s'assemblerent au chasteau dudit Peronne, & s'entreappointerent en la maniere que s'ensuyt. Scauoir, que ledict Roy, promettoit & iuroit sur la Sainte & vraye croix, es mains du Cardinal d'Angiers, lesdictes paix d'Arras & de Conflans, ensemble les conuentions y contenuës. Que ledict Duc Charles & ses successeurs, pour la seureté de leurs personnes, pourront entretenir les alliances avec les Anglois, sans par ce deroguer, ausdictes paix, pourueu que ce ne soit au prejudice de la couronne. Que toutes choses passées, seront oubliées & pardonnées, & retournera chascun au sien, & lignamment Messiere Philippe de Sauoye, auquel a la requeste dudit Duc Charles, le Roy restitueroit les chasteaux villes & forteresses, qu'il luy auoit auparauant ostees. Sy jurá & promit ledict Seigneur Roy, que en cas qu'il controuint a la paix, dont est presentement question, ledict Duc Charles & ses successeurs, seront quictes & deschargez de tous serments de fidelité, & hommaige eternellement, & a tousiours. Comme pareillement les Princes du Royaume lors illec presents firent ausy serment, & promirent, qu'en cas de contrauention a ce que dessus, par faute ou coulpe dudit Roy de France, ils seruiroyent ledict Duc Charles contre le Roy & tous autres. Dont sont lettres du quatorziesme d'Octobre, en l'an mil quatre cents soixante huit. Et sur plusieurs plainctes que ledict Duc fit lors en particulier, fut par ledict Seigneur Roy dict & accordé ce que s'ensuyt. Premiers, touchant les empeschements qu'on faisoit a mondict Seigneur, en la jouissance des terres, a luy trasportées par le traicté de Cōflans, qu'on s'en informeroit, & que l'intentiō & volōté du Roy estoit, qu'il en jouist paisiblement. Sur la requeste que mondict Seigneur fit, que les quatre membres de Flandre fussent exempts de la court du parlement, veu que Flandre est fondée sur marchandise, a laquelle tels delays & empeschements de justice, sont grandement prejudiciables, fut dict que le Roy en estoit content, & qu'il le luy accordoit pour ses hoirs a perpetuité. Sur ce que mondict Seigneur requit, qu'en parlement ne fussent receuës aucunes appellations

Traicté de Peronne entre le Roy de France & le Duc Charles de Bourgoigne.

L'an M.
CCCC.
lxviij.

Accord du Roy de France sur plusieurs plainctes proposées par le Duc Charles, a la journée de Peronne.

Qggg ij des

des petites loix de Flandre *omisso medio*, fut dict, que le Roy „
 vouloit qu'il en fut fait, selon les droicts & coustumes du „
 pais, mesmes que tous troubles & empeschemens faicts „
 au contraire, fussent ostez & leuez. Il accorda ausly, que les „
 appellations emises de Lille, Douay, & Orchies, allassent „
 en Flandre, & que le grand conseil de mondict Seigneur „
 pourroit cognoistre des causes des pais & subiects, estants „
 en l'Empire au Royaulme, & reciprocquement de celles „
 du Royaume en l'Empire, saulue la declinatoire des par- „
 ties, & sans prejudice des souueraineté, & ressort dit Roy: „
 quant a ce qu'est du Royaulme, & des droicts & souuerai- „
 neté competants a mondict Seigneur, en ce qu'est de l'Em- „
 pire, le tout tant que viueroit ledict Seigneur Roy, & mō- „
 dict Seigneur le Duc. Lequel peu apres retourna en Flan- „
 dre, & estant arriué en la ville de Bruxelles, receut finable- „
 ment ceux de la ville de Gand en sa grace, moyennant les „
 conditions quy s'ensuyuent. Premiers, que l'Hospital poor „
 te par eux ouuerte, seroit refermée, & que tout ce qu'ils a- „
 uoyent fait au prejudice de la paix de Gaue, seroit repa- „
 ré. Que le priuilege de Philippe le Bel, touchant le renou- „
 uellement de la loy seroit casse, & la loy desormais refaite „
 par les commissaires dudit Duc Charles, & de ses succes- „
 seurs Contes de Flandre. Que les bannieres dont ils auo- „
 yent vsé en ladicte feste de Saint Lieuin, luy seroyent ap- „
 portées a Bruxelles, & presentées par chascun doyen la sié- „
 ne, pour en faire a sa volonté. Que Saint Lieuin, seroit de „
 la en auant porté deuotement, & honnestement sur vn „
 chariot. Qu'il n'useroyét plus de tenir hauwet anmy qua- „
 resme. Que pour tenir collace, l'on ne pourroit assembler, „
 que troiscéts personnes des plus notables de la ville. Qu'ils „
 bailleroient leur obligation soubs le grand seel de la ville, „
 par laquelle ils promettoient, que sy jamais ils contreue- „
 noient a ceste paix, ils four-feroyent corps, biens, & franci- „
 se de mestier, nonobstant leurs priuileges au cōtraire. Aus- „
 quelles conditions lesdicts de Gand furnirent au mois de „
 Ianuier dudit an soixante huiet, moyennant quoy ledict „
 Duc Charles leur donna pardon & abolition de toutes les „
 choses passées, & au moys de May ensuyuant, ledict Duc „
 vint

Le Duc Char-
 les recoit ceux
 de Gand en
 grace aux con-
 ditions cou-
 chées en ce re-
 236.

vint en la ville de Gand, ou il fut receu en merueilleuse pompe & magnificence.

De la guerre qui se renouuella entre les Roy de France, & Duc de Bourgoigne, des trefues entre eux accordées, & souvent prolonguées, du siege que ledict Duc mis deuant Nancy, & comment iceluy Duc mourut deuant ledict Nancy, en vne bataille qu'il eust contre le Duc de Lorraine, & les Suyssoz.

CHAPITRE CXCIX.



N l'an mil quatre cents septante, le Duc Charles de Bourgoigne, mal content de l'assistance que le Roy Louys de France auoit promis, aux Duc de Clarence & Conte de Warnich, contre le Roy Edouart d'Angleterre son beau frere, mésmes du tout au prejudice du susdict traité de Peronne, ensemble de la surprise, que contre ledict traité de Peronne, ledict Roy Louys auoit fait des villes de Saint Quentin, Amiens & aultres, mit sus, vne grosse armée, print d'assaut le Chastel de Piquegny, & assiegeá ladite ville d'Amiens, ou furent entre lesdicts Princes accordées trefues de quatre mois. Lesquelles furent depuis continuées jusques au mois de May de l'an mil quatre cents septantedeux: mais a raison que durá lesdictes trefues luy fut rapporté, que Charles Duc de Guyenne frere dudict Roy Louys estoit mort de poison: ledict Duc Charles assemblée de rechief son armée, print & brúlla la ville de Neelle, reduict sous son obeissance Roye & Montdidier, & assiegeá Beauuais, d'ou neantmoins il partit sans riens faire, & passa outre en Normandie jusques a Rouen gastant & ruynant tout le pais circunuoysin. Toutesfois il retourna peu apres en Flandre, au moyen d'unes trefues qu'ils s'entre-donnerent jusques en April septantedeux, lesquelles par diuerses fois furent prolonguées, & continuées jusques en l'an septante cinc. Lesquelles trefues finies & estant ledict Duc Charles deuant la ville de Nuz, qui est au commencement des Allemaignes, les François firent diuerses courtes en Pycardie, & d'autre costé le Roy Edouart d'Angle-

L'an M.
CCCC.
lxx.

Renouelle-
ment de guer-
re entre le
Duc Charles,
& le Roy de
France.

Accord de
trefues, & pro-
longacion d'i-
celles entre le
Roy de France
& Duc de
Bourgoigne.

L'an M.
CCCC.
lxxij.
L'an M.
CCCC.
lxxv.

Qq qq iij

terre,

Abstinence de
guerre pour
neuf ans, entre
les Roy de Fra-
nce & Duc de
Bourgoingne.

terre, descendit en faueur dudit Duc Charles en grand
puissance vers Calais & Bouloingne, mais voyant que suy-
uant leurs conuentions, ledict Duc Charles ne se venoit
joindre a luy, il fit paix avec le Roy Louys de France, & re-
tourná en Angleterre sans autre chose faire. Quy fut cause
que ledict Duc de Bourgoingne, practiquá semblablemēt
vne trefue de neuf ans avec ledict Roy Louys de France.
Lequel neantmoins entretint mal ladicte trefue (comme
voyrez au discours que sur ce vous ferons en la secóde par-
tie de nostre present histoire) & fut ladicte trefue accordée
aux conditions subsequentes. Premiers, que pendát ladicte
trefue, ne será loysible a l'un ny a l'autre, de surprendre au-
cune ville, voires combien qu'on y peust paruenir par tra-
hyson ou autrement. Que marchandise aura son cours, &
que librement on pourra frequenter es pais l'un de l'autre,
selon qu'on est accoustumé en temps de paix. Que chascū
jouirá du sien. Qu'en ce traicté serót comprins, tous alliez
& subjects, reserué Baudouyn bastard de Bourgoingne, le
Seigneur de Ronte, Messiere Ieá de Cassa & Messiere Phi-
lippe de Comines. Que pour de tant mieux viure en paix,
le Roy renonceroit, a l'alliance qu'il auoit faict avec l'Empe-
reur Frederic, & la ville de Coulongne. Que les chasteaux
de Harfy, & de la Gerondelle seroyent abbatus, & la ville
de Saint Quentin renduë a mondict Seigneur, saulf que le
Roy en tireroit son artillerie, & sy aucū des allyez du Roy,
fit guerre a mondict Seigneur pour leur propre querelle,
ou en assistance d'autres, que mondict Seigneur se pourra
deffendre, sans enfreindre ladicte trefue. Ce fut faict le trei-
ziesme de Septebre, en l'an mil quatre cents septante cinc.
Depuis lesquelles trefues, ledict Duc Charles eust plusi-
eurs rencontres contre les Suysses, qu'estoyent venus au
secours du Duc de Lorraine. Et finalement assiegeá la
ville de Nancy. Ou pour leuer ledict siege, ledict Duc de
Lorraine accompaigné de merueilleux nombre d'Alle-
mans & de Suysses, se transportá peu apres, & estant aduer-
ty des affaires dudit Duc Charles, par le moyen de Federic
Prince de Tarente, lequel laissa lors le party dudit Duc
de Bourgoingne, assaiblit le susdict Duc de Bourgoingne,
lequel

Nancy assiegee
par le Duc
Charles.

lequel apres vn long & d'angereux confliet, fut finablement deffaiet & mis en desarroy le cinquiesme de Ianuier, l'an L'an M. mil quatre cets sepratefix. Et fut ledict Duc Charles, le len- CCCC. demain trouué entre les morts, & par le commandement lxxvi. du dict Duc de Lorraine, enterre en ladicte ville de Nancy. De laquelle, en l'an mil cinc cents cinquante trois il a esté transporté en la ville de Bruges, ou il gist encoires pour le present, en l'Eglise de nostre Dame, sous vne sepulture autant magnificque, triumphate & sumptueuse, qu'on pourroit trouuer, au residu de toute la Chrestienté. Quant a Madame Marguerite de loorck sa vesue, elle trespassa en l'an mil cinc cents trois en la ville de Malines, & gist aux Obseruants. Or par le trespas dudiect Duc Charles, Madame Marie de Bourgoingne, sa fille vnicque succeda aux grands biens, terres, & Seigneuries que ledict Duc Charles laissa, & entre autres, a la Conte de Flandre. Et se maria ladicte Dame Marie, a Monseigneur Maximilien, Archiduc d'Austrice, & depuis Roy des Rommains, fils de l'Empereur Frederic le tiers. *Qui fera l'edroict auquel nous finirons la premiere partie de ceste histoire. Reseruat le discours des actes magnanimes & vrayement heroiques, de la trefuictorieuse, & Auguste maison d'Austrice, laquelle a depuis gouuerné, (comme elle fait encoires pour le present) la prouince & Conté de Flandre, au secod & dernier volume de nostre histoire, que moyennant l'ayde de Dieu, nous esperons mettre de brief en lumiere, au grand desir & expectation, de tous bons, & gentils esprits.*

Le Duc Charles occis deuant Nancy.

Le Duc Charles enterre a Bruges.

Trespas de Madame Marguerite de loorck Douagiere de Flandre.

Mariage de Madame Marie de Bourgoingne Contesse de Flandre, a Monseigneur Maximilien d'Austrice.

Soli Deo sit honor semper & gloria.

Hæc Chronicorum Flandria pars, sicuti est lectu suavis, ita nihil continet Catholica fidei contrarium aut pjs auribus offensivum.

Ita attestor Simon Moors Ecclesia Cathedralis Antuerpiensis Canonicus S.T. Licenciat.

